

50.8

BIBL. NAZ.
Vitt. Emanuele III
Race
di Massimo
C
349
NAPOLI

CC-#3

1120

Oct 11 2

Ball. De m. 1. C. 249-351

JOSEPHI
AVERANII,
INTERPRETATIONUM
JURIS
LIBRI QUINQUE.

JOSEPHI AVERANII

V. CL. JURISCONSULTI, ET IN ILLUSTRIS ACADEMIA
PISANA, DUM VIVERET, ANTECESSORIS

INTERPRETATIONUM JURIS

LIBRI QVINQUE

IN QUIBUS MULTA CUM JURIS CIVILIS, TUM ALIORUM VETERUM
SCRIPTORUM LOCA NOVA RATIONE ILLUSTRANTUR.

MULTA ITEM EX ANTIQVITATE ROMANA GRÆCARV DOCTE PERTRACTANTUR.

EDITIO NOVISSIMA

IN TRES TOMOS DISTRIBVTA

CVM INDICIBVS, ET VITA AVCTORIS.

TOMVS PRIMVS.



NEAPOLI


EX TYPOGRAPHIA JOSEPHI CAMPI

MDCCLXXVII.

SVMPTIBVS VINCENTII DE ALOYSIO.
SUPERIORVM FACVLTATE.

EXCELLENTISSIMO DOMINO
JOSEPHO BECCATELIO

DE BONONIA MARCHIONI SAMBUCA, ET ALTAVILLÆ, COMITI PETRÆ ALBÆ,
EX PRINCIPIBUS CAMPI REGALIS, EQUI TI INSIGNIS REGALIS ORDINIS
S. JANUARI, ATQUE S. JOANNIS HIEROSOLYMITANI EQUI TI
HEREDITARIO, UTRIUSQUE SICILIÆ REGIS INVICTISSIMI
FERDINANDI IV. CONSILIARIO, CUBICULARIO,
ET STATUS A SECRETIORIBUS, &c. &c. &c.



A. Labolle f.



Euinam; Domine Excellentissime, hoc Clarissimi *Josephi Averanii* Opus, quod novissime sum editurus, postquam e Lugdunensi prælo ad nos pervenit, sub titulo *Interpretationum Juris Justiniani*, dicatum tradam, quam tibi uni, cui constans est, & perpetua voluntas jus suum unicuique tribuendi? Perpetua fane

fane in te esse oportuit, quam tot sæculorum intervallo, ab initio scilicet sæculi duodecimi Vulgaris Æræ perenniter in te unum, e Bononiensi solo per Petrum Patrem tuum Proavi familiæ tuæ derivarunt. Quia enim constanter pro ea decertarunt in Republica Bononiensi sub Gregorio IX. Pontifice Maximo, ne avitam fidem proderent, patriis relictis laribus, in eam Siciliæ partem, quæ ultra Pharus est, sub Roberto Rege, Romano Pontifici addictissimo commearunt. Inde ad nos Antonius Panormita Magni Alphonſi Regis nostri, & ipſe a Secretis in hocce Neapolitanum Regnum Nilana in Regione perilluſtre nomen Familiæ tuæ collocandum tranſvexit. Per hunc promeruit, ut huiusce Regis munificentia Regali ſtegmate perenniter tua Proſapia donaretur, ut poſteris inde ineluſtabile daretur argumentum, ex tuo nomine fore aſſumendos, qui poſt Regem primi poſſent Reipublicæ gerendæ onus ſuſtinere. Mitto inferioris ſubſellii Viros, per quos Rationum Regiarum computa fuere in Sicilia pro Regali patrimonio adminiſtrata. Atque in longum volumen excreſceret, ſi eos percenſere animus mihi eſſet, quos pro extraordinariis Reip. cauſis e latere ſuo Reges nostri, Romanique Imperatores ad potentiores Europæ Principes ablegarunt.

Sed quid hos commemorare opus habeam, cum hæ non tuæ, ſed tuorum ſint laudes? Nec iſtæ, ſed illæ Hungaricæ Reginæ, ejuſque filii Imperatoris Auguſti ore celebratæ Regis nostri, qui te ad id muneris delegerat, ut ejus perſonam gereres penes Cæſarem, animum permovere-

runt,

runt, ut una simul cum Clementissima nostra Regina tanto viro digna, te præ ceteris a secretioribus, sanctioribusque consiliis primum haberent.

Sane ingenii tui acumen in penetrandis rebus, iisque ordine suo adæquate gerendis, cultiorum literarum, ac Publici juris præcipue studium te longe antea eo vocatum, unde publico bono conspiciamus, demonstrant.

Quis ergo non auspicabitur illam Regno nostro per te promovendam felicitatem, quam jamdiu sub Pharaonibus Justus ille Jacobi filius JOSEPHUS Egypto detulit? Non est apud te acceptio personarum; nec enim respicis personam hominis, sed Deum ipsum verum justitiæ fontem: caro, & sanguis non prævalent adversum te; non est dolus in lingua tua; nec quidquam e verbis tuis erit detrahendum; cum veritas e fonte suo nitidissima prodire videatur.

Quis non mirabitur, si te non tam a longe prospexerit, comitatem, pietatem, Religionem, tuamque fidelitatem? Accipe, quæso, hoc, qualecumque sit, obsequentiissimi animi monumentum, quod Tribonianus pro Reipublicæ Romanæ tranquillitate sub Justiniani auspiciis compilaverat. Tali enim dignus est dono, cujus eadem est cum illo pro sui Principis immortalis gloria, sollicitudo, & studium. Servet te diu Deus Optimus Maximus Regi, & Regno, ut inde, quod a te virtus expectat, vitium perhorrescit, per justitiam commutativam alter non lædatur, sed quisque, quod suum est, accipiat; per distri-
buti-

VIII

butivam vero de te bene merentibus præmia ; male operantibus poenæ retribuantur .

Neapoli 1. Augusti 1777.

Humillimas & Obsequentissimas Servas
Vincentius de Aloyſio.



V I T A

JOSEPHI AVERANII.



UAST ita in fatis fuisset, ut, quo in loco humaniores litteræ, barbære diu oppressæ, rursus caput extulerunt, in eodem & Jurisprudentia, numquam ab his separanda, pristino nitore restitui debuisset: ita utraq; in Italia eodem fere tempore nec dissimili successu de insigni injuria, quam impurissimus quisque iis intulerat, gloriose triumpharunt. Postquam enim immortalis ille *Petrarcha*, inprimisque Græci in Italiam profugientes humanitatis Rudia a superiorum temporum fecibus repurgassent, extitit etiam, qui tenebras Jurisprudentiæ ab incondita Glossatorum turba offusas, miro litterarum lumine dispelleret, *Andreas Alciatus*. Verum uti non quælibet terra quaslibet, ut ait ille, herbas alit, ita & Italia artium fere omnium parens & altrix, Jurisprudentiam, quamquam denuo protulerat, tamen Galliz quasi nutriendam ornandamque concessit. Ac pauci quidem deinde, si eorum memoria replicetur, in Italia sunt inventi, qui sibi nominis quoddam decus in Jurisprudentia peperissent. In his vero extitit nuper, qui non solum civibus suis, sed multis præterea aliarum gentium Jurisconsultis palmam dubiam reddidit, Vir eximius, *Josephus Averanius*. Quem ego si Juris tantum summam scientiam consecutum dicerem, magnum illud quidem esset, & honoris haud vulgaris plenum, sed tamen infra dignitatem meritumque tanti viri; cum is tot alias gravissimasque artes tam solerti sit ingenio complexus, ut in qualibet eorum cum his, qui omnem ætatem in iis contriverant, certare potuisse videatur. Nihil enim ætas nostra vidit *Averanio* Græcis Latinisque litteris politius, nihil in Antiquitatis monumentis sagacius, nihil in Mathefi & Philosophia acutius, nihil denique in Jurisprudentia excellentius. Hunc virum talem ac tantum Italiæ ocellus, Florentia, civitas, ut constat, præstantium ingeniorum serax, die 20. Martii Anno 1663. protulit. Patre ille ulus est *Joanne Francisco Averanio*, homine erudito & Mathesi inprimis dedito: matre *Margaretha Sacchetti*. Fratrem natu majorem habuit Italiz suæ Tullium, *Benedictum*, cujus disertissima opera extant, cupideque ab iis, qui Latinarum Venerum sunt intelligentiores, leguntur; fratrem vero minorem, *Nicolaum*, Jurisconsultum, inter principes Italiz Mathematicos jure suo referendum. Adolescens *Josephus* una cum *Nicola* in Collegio Florentino iis artibus eruditus est, quibus puerilis ætas impertiri solet; idque inprimis duce doctissimo *Garia*, quo jam antea *Benedictus* magistro fuerat ulus. Hic cum brevi tempore tantum profecisset, ut ipsum præceptorem in admirationem sui raperet, contulit se inde ad graviorum doctrinarum studium, idque Pisas, ubi tum frater *Benedictus* magna cum nominis fama limatoris Græciz Latique cultum tradebat. Dedit igitur per quatuor annos Fratri aliisque artium & Jurisprudentiæ doctoribus

eam operam, quam haud exspectes ab adolescente tam teneræ ætatis. Itaque annum vicellimum vix dum egressus, tanta cum in Jure, tum in Geometria jam ceperat incrementa, ut non solum doctoris insignia consequi posset, sed aliis etiam in his artibus ingenti cum laude viam præiret. Testem hujus rei excito ipsum Fratrem Benedictum, qui in luculenta Oratione, qua *Josepbo* & *Nicolao* Doctoris ornamenta detulit, quamvis a pudore suo vix impetraverit, vere tamen ita prædicavit: *Quo probe constituto, jam audacter fatebor, meos candidatos, & eloquentia studii isâ deditos fuisse, ut & carmen condere non absurde, & orationem componere possint non inalegerant; & in historia atque antiquitate cognoscenda plurimum temporis consumpsisse; & cum viderent Latinas litteras sine Græcis quodammodo claudicare, assumendam sibi Græcæ lingue cognitionem censuisse; quo in studio mirificos profectus habuere. Dicam ego quod sentio, & dicam non augendi causa, sed quod ita se rem habere certo sciam; paucos ardiror hoc tempore adolescentes tantam esse Latini sermonis, quantum hi Græci sunt, scientiam consecutos. Quotus enim quisque in hac tenera ætate præcipuos Latinitatis Auctores studiose lectionavit, aut comode potest aliis, & scienter explicare? At hi non principes modo Græci sermonis Auctores, sed multos alios assidua lectione contriverunt, & studiosis adolescentibus interpretantur, docendique litteras Græcas munere ex ætate funguntur, quas si discerent, non vulgarem laudem adepti putarentur. Jam in Philosophia artium parente, magistra vitæ, luce veritatis, quantum profecerint, si dicere instituiam, vereor, ne oblitus propositi mei videar, eorum laudes exaggerare velle dicendo. Sed, ut voler, quisque existimet: ego verum non occultabo: omnia hi veterum Philosophorum placita, omnes rationes, omnes indagande veritatis vias tenent. Ad hæc quæcumque sunt recentiorum ingeniis inventa præclare, animo & cogitatione comprehenderunt, & aut me amor fallit, aut nemo æqualium his est, vel in differendo subtilior, vel in exagitando acutior, vel in colligendo selectior. Quid autem de Mathematicis dicam? non elementa Geometria solum, sed arcana magis recondita, Apollonii doctrinam admirabilem, Archimedis inventa divina, aliorum præterea eum veterum, tum recentium habens cognita & pertractata. Qua freti scientia, & a Geometris propositas solvere quæstiones, & multa suo Marte possunt, eaque non contemnenda sagaciter invenire. Quid, quod in illam siderum altitudinem animum celestium capacem subduxerunt, multiplicesque & inenarrabiles astrorum vias modo se humiliter circumagentium, modo in immensam altitudinem subeuntium, retrogradientium, suos cursus retardantium, accelerantium, consistentium, & eorum ortus obitusque & latitudines, & longitudines, & intervalla, & magnitudines cognoverunt? & Ptolemaeum clarissimum cæli interpretem, sed cujus libri in magna rerum & orationis obscuritate versantur, inter sidera spatiantem, & abditissima natura arcana rimantem, & permeantem per se nulla duce sunt affectus; quod, quantum sit opus, explicarem, nisi adesse viderem doctissimos viros, qui experiendo didicerunt. Que tanta ingenii, doctæque doctrinæ ornamenta, his præsertim moribus, integritate vitæ, modestia, gravitate, continentia illustrata, cum ad nostrum Jus civile contulerint, latendum nobis esse duco: spero enim haud exiguum olim, cum se confirmaverint, Jurisprudentiæ lumen allaturos. Sed, ut ornabunt hi Jurisprudentiam, ita par est, ut ab ipsa interim Jurisprudentium ornentur insignibus; quapropter ipsis ea lætus lubensque, vobis, Patres, decernentibus, trado.*

Josepbus vero expectationem omnem, quamlibet magnam, ut superaret, acriter pergebat in decretis veterum Philosophorum perquirendis, explicandis Mathematicorum Problematis, astrorumque mirabili cursu cognoscendo. Multum tribuebat sapientiæ Philosophi Stagiritæ, ita tamen, ut illi Philosophorum Deo, Platoni pri-

mas deferendas censeret. Hunc enim ingenii doctrinæque principem ponebat, ab hoc tamquam fonte, ratus, omnem solidiorem doctrinam latissime dimanare. Quid vero dicam de familiaritate, quam cum antiquis Mathematicis contraxerat? Testes sunt Interpretationes ejus nondum editæ in *Archimedes*, ejusque interpretem *Eutocium*, & in *Ptolomæi Almagestum*; quæ si quando ab interitu vindicentur, habebunt profecto harum rerum studiosi, qui iis facem præferat in tot tamque obscuris horum Auctorum locis intelligendis. Hos artis magistros etsi summo studio triverat *Josephus*, excellens tamen fuit & prope singularis ejus industria, quam posuit in *Apollonii* doctrina dilucidanda. In qua quidem quo plures difficultates reperit, eo magis sibi eluctandas esse putavit. Cumque haud nescius esset, Geographiam Matheleos partem esse minime postremam, tanta hujus cognoscendæ cupiditate incensus est, ut Græcos Latinosque Geographos omnes incredibili studio perlegeret, verteretque in usus suos.

Redux *Pisas Averanius* in dies illustriora dedit doctrinæ suæ documenta, auctore inprimis & adjutore *Ant. M. Salvini*, cujus sibi amicitiam pepererat morum studiorumque similitudo. Huic viro Græcæ tam docto tamque polito merito adhæsit *Averanius* noster, numquam, quod ipse falsus est, nisi Græcæ doctior, ab ejus latere decedens. Quamquam vero ipse, ut diximus, variis doctrinis animum adjecit; tamen quasi impetu quodam singulari ad Jurisprudentiam forebatur. In qua quidem quot nodos solverit, quantalque tenebras dissipaverit, indicio sunt doctissimæ ejus Interpretationes. Non est necesse, ut multas eruditorum, quibus opus hoc ornatur, laudes congeramus. Satis erit, Hispaniæ suæ decus, *Gregorium Manjanum* audire, qui non minus scire, quam vere ita judicat: *Hoc scribendi genere superat Averanius omnes ante se interpretes. In disputationibus istis dubium est utrum majus ingenium, an judicium; expeditio, an elegantia.* Constat, varias esse vias, quas ingressi Jurisconsulti leges Romanas interpretari vel emendare solent. Cum enim alii in locis dubiis lectionis ad Florentinorum Pandectarum, alii ad Græcorum, alii denique ad Vulgaræ editionis auctoritatem se conferunt, *Averanius* nosster Vulgatam, quoad ejus fieri posset, sequendam putavit. Erat enim vir præstantissimus a corrigendi studio alienior: quod cum alibi ex ejus Interpretationibus, tum vel maxime ex iusto acerbior in Criticos præfatione, Fratris *Benedicti* Operibus præmissa, patet. Neque tamen respuebat omnino lectionem Florentinam, si vel ratio vel consensus alterius Codicis accessisset. Interim satendum est, tanto eum acumine, tamque limato judicio Vulgaræ causam egisse, ut facile appareat, eum cum Juris studio subtiliorem Geometrarum demonstrandi rationem conjunxisse.

Fama igitur nominis ejus latius increbrescente, *Cosmus III.* Dux Maximus, dignum eum inprimis censuit, cui Juris Civilis docendi provincia in Academia Pisana mandaretur. Ac tantum abuit, ut Principis aliorumque expectationem saleretur, ut potius conjungendis Græcarum litterarum cum Jure Civili institutionibus longissime superaret. Itaque factum est, ut brevi post a Principe Maximo filio suo JOANNI GASTONI, & deinde Magno Florentiæ Duci præceptor daretur. Ad quem quidem felicitatis gradum quamvis sua virtute pervenerit; accessit tamen & commendatio *Henrici Norisii*, qui eodem tempore Principi historiæ & numismatum scientiam tradebat. Atque hoc vel propterea commemorandum putavi, quia non minor laus est, *Norisio*, quam tanto Principi placuisse. Profecto, si dicendum, quod res est, *Averanius* non umbram scientiæ, sed scientiam ipsam, neque earum unam alteramve, sed totum illum doctrinarum orbem, quem Græci apto verbo *ἡγκισταδίδως* vocant, capaci est ingenio complexus. Quod nisi libri ejus satis

loquerentur, tot Itali adhuc eruditione florentes, tot discipuli liberali ab eo impertiti doctrina ingenue testarentur. Non tulit superiori memoria Italia, quem non dicam antepone, sed comparare cum *Noriso* potuisset. Atque hic vir talis ac tantus stupuit ad doctrinam, quam *Averanius* legendis Conciliis, Canonibus, Patribus & Apologeticis erat consecutus.

Nihil umquam gratius accidit *Josepho* nostro consuetudine hominum eruditorum. Cumque tanta esset morum suavitatem, ut omnes facile alliceret ad amorem sui, eruditione autem tanta, ut quisque cum differenter libentissime audiret, pervenit in amicitiam eximiorum virorum, *Henrici*, quem diximus, *Norisi*, *Antonii M. Salvini*, *Rilli*, Jurisconsulti, *Comitis Magalotti*, *Forzani Accolti*, *Migliorucci Gianetti*, *Grandii*, *Valsecchi*, *Gorii*, & aliorum. Quam quidem ita constanter coluit, ut nulli umquam causa conquerendi fuerit data.

Prudentia quanta fuerit, vel hoc indicio erit, quod cum non viri solum eruditi, sed ipse Princeps *Cosmus III.* ejusque primores amici gravibus de rebus in consilium adhibere. Neque hoc prætereundum est, quod inprimis commemorari meretur, Rotam Romanam clarorum Jurisconsultorum adhuc viventium auctoritate uti, sed nomen reticere solitam, quoties *Averanium* ad partes vocaret, a semetipsa deservisse, ejusque & auctoritatem laudasse & nomen.

Dicerem, rerum quoque naturalium singularem in eo peritiam fuisse, nisi quisque ex Observationibus Philosophicis, Physicis & Mechanicis, quæ in Transactionibus Societatis Londinensis (cujus membrum fuit) extant, judicium facere posset. Sæpe in Observatorio Academicæ Pisanz una cum aliis Professoribus præsertim ope Machinæ Pneumaticæ *Boyleanæ*, præsertim *Cosmo III.* ejusque filio, Physicas Observationes instituit. Ipsi etiam quædam sunt de soni propagatione experimenta; in qua indaganda se ei adjunxit Vir Illustris, *Henricus Newtonus*, Regis Britannorum ad Florentinæ Ducem Legatus. Hujus aliorumque laborum fructum cum sæpius tulit, tum Anno 1721. quando ornatissimi quique *Averania* disciplinæ alumni æneum ei numisma cum effigie dedicarunt.

Nec poeticæ suavitatis, quod mireris, expertus fuit, quamvis tetricæ Jurisprudentiæ & tot gravioribus doctrinis addictus. Carmina quidem ejus ob verborum sententiarumque splendorem ita se probarunt judici harum rerum vel inprimis perito, *Petro Burmanno*, ut ea sibi typis vulganda postularet; ad quem etiam *Averanio* adhuc superstiti sunt transmissa. Hæ igitur fuere præcipuæ dotes *Averanii* nostri, quas, cum per se pateant, latius persequi non est necesse. Quemadmodum vero ad litteras natus factusque videbatur, ita & in iis sibi consensendum putavit. Neque quidquam prius ab industria solita remisit, quam die 5. Dec. 1737. quando apoplexia, qua deinde per decem fere menses crudelissime est vexatus, memoriam ei abstulit omnem. Expiravit vero cælebs, castitatis, si quis alius, servans, die 24. Augusti 1738. hora 9. matutina, annos natus 75. menses 5. dies 4. Bona sua testamento reliquit Patribus Hospitalaribus *S. Joannis*. Bibliothecam lectionissimam donavit Academicæ Pisanz, varios præterea amicos legatis ornans. Sequenti die, qui Lunæ erat, corpus ejus in Ecclesia PP. Prædicatorum *S. Marci* sepulchro est conditum. Qua de re ut omnes certiores fierent, jussit Ampl. Senator, *Petrus Franciscus Riccius*, Præfex Ordinis Equitum *S. Stephani*, & Academicarum Pisanz & Florentinæ, *Averanii* quondam discipulus, sequens elogium a doctissimo *Gorio* confectum portæ Ecclesiæ inscribi.

ADESTE CONLACRYMANTE FLORENTINI CIVES.
 PERPETVI MOERORIS ET LVCTVS NON VNA VOBIS CAUSA.
 JOSEPHUS AVERANIUS
 JURISPRUDENTIAE MAXIMUM LUMEN.
 BONARUM ARTIUM COLUMEN.
 PATRIAE DECUS, PISANI ATHENAEI BENEFICUM SIDUS.
 AETATIS NOSTRAE INSIGNE ORNAMENTUM.
 ELOQUENTIAE,
 PHILOSOPHIAE, GEOMETRIAE, ASTRONOMIAE,
 CUNCTARUMQUE DISCIPLINARUM ARBITER DOCTISSIMUS.
 SUMMUS NATURAE
 RERUM, OMNISQUE ANTIQUITATIS INTERPRES.
 EXINCTUS EST.
 VIRO JUSTO. PRUDENTI. OPTIMO. CHRISTIANA PIETATE.
 MODESTIA. CONTINENTIA.
 ANTIQUIS ILLIBATISQUE MORIBUS ORNATISSIMO.
 AMORE. CONSILIO.
 LIBERALITATE DE OMNIBUS
 PRAESERTIM EGENIS OPTIME MERITO.
 EDITIS EDENDISQUE RARISSIMI INGENII
 SUI MONIMENTIS IN OMNIUM SAECULORUM
 MEMORIA SEMPER VICTURO.
 LUCIS AETERNAE CONSORTIUM
 ADEO ENIXIS PRECIBUS IMPLORATE.

*Antonius vero Nicolinus, Vir Nobilissimus, suis ei impensis sepulchrum vario
 ornatum marmore cum ejusdem effigie in numismate marmoreo dicavit, hoc addens
 epitaphium.*

JOSEPHO AVERANIO.
 CIVI FLORENTINO BENEDICTI ET NICOLAI FRATRI
 IN PISANA ACADEMIA LIII. ANNOS LEGUM INTERPRETI
 JURIS CONSULTORUM SUI TEMPORIS MAXIMO
 PHILOSOPHIA GEOMETRIA ASTRONOMIA
 GRAECIS LATINIS LITTERIS POESI ELOQUENTIA
 ROMANAE HISTORIAE COGNITIONE CLARISSIMO
 RELIGIONE MORIBUS SPECTATISSIMO
 PRAECEPTORI OPTIMO
 QUI VIXIT ANN. LXXV. MENSES. V. D. IV.
 OBIIT IX. KAL. SEPT. ANNO A CHRISTO NATO
 MDCCXXXVII.
 ANTONIUS NICOLINIUS
 EX MARCHIONIBUS PONTIS SACCI
 ET CASTRI CAMULIANI
 H. M. D. S. P. F. C.

OPERA *Averanii* EDITA hæc sunt.

Interpretationum Juris Libri II. Lugduni Batavorum 1716. iterum editi 1736. in 8.
Interpretationum Juris Libri tres posteriores, Opus posthumum, primum editi
 Lugd. Batav. 1746. iterum vero hic excusi; cum duobus prioribus.

De calculorum seu latrunculorum ludo Dissertatio. In Venezia 1743. nel Tom.
 VII. della Miscellanea di varj Opuscoli.

Disputatio de Jure Belli ac Pacis. Florentiz. 1703.

Dissertatio de Repressaliis habita Pisæ 1713. magno cum suo, tum Lycei Pisanini honore coram Sereniss. Rege Poloniarum & Electore Saxoniz, FRIDERICO AUGUSTO III. qui tum princeps Juventutis Italiam perlustabat.

De Libertate Florentiæ.

Vita Benedicti Averanii, fratris sui, in principio Operum ejusdem *Benedicti*.

Consultationes & Responsa Juridica seorsim edita.

Prefazione alle Poesie Toscane di Mons. Ansaldo Ansaldo impressæ in Firenze nel 1704.

Lezioni sopra la passione di S. C. Urbino 1738.

Lezioni Toscane, in Firenze 1744. Hujus præclari Operis, quod ingenti eruditione ex sacris profanisque Scriptoribus tam Græcis, quam Latinis arcessita referuntur est, in lucem proferendi initium nuper fecit Cl. *Gorius*; cui ut finem quam primum imponat, serio optamus.

OPERA INEDITA.

De Lampadum ludo Dissertatio.

Elegia, & Epigrammata, & alia Carmina.

Opuscula Mathematica.

Esperienze fatte sopra le gemme, e pietre dure collo Specchio Ustorio.

Esperienze sopra la propagazione del suono.

Hæc OPERA fere omnia Florentiz prælo subiecta sunt 4. Volum. in 4.

Alia quædam ejusdem Cl. Viri Opera MSS. in Bibliotheca Academiz Pisane extare feruntur; quæ ut aliquando, sicut dignitas argumenti, scribendique ratio meretur, a tenebris vindicentur, omnes, quibus solidior doctrina curæ cordique est, nobiscum etiam atque etiam exoptant.

INDEX CAPITUM

Quæ in Tomo primo continentur.

LIBER PRIMUS

CAPUT I. Ad l. imperium 3. ff. de iurisdic. Explicatur, & defenditur definitio meri imperii. Gladii nomen quod modis accipitur: & in qua significatione usurpetur in hac definitione. Gladius insigne imperii post eversam Remp. Merum imperium modo plenius: modo minus plenum.

CAPUT II. Ad l. l. ff. de off. ejus cui mand. est iurisd. Proponitur sententia Lotarii, & Azonis, & utraque refellitur. Probatur, solum Magistratum habere merum imperium, non autem Principem.

CAPUT III. Ad eandem l. Au merum imperium mandari possit. Dabatur merum imperium aut a Populo, aut a Senatu, stante Rep. postea a Principe. Quibus Magistratibus datum esset.

CAPUT IV. Ad l. & ult. ff. cod. Explicatur quid sit iurisdic. & mixtum imperium. Probatur, esse inseparabilia: & omnes Magistratus habuisse mixtum imperium. De Magistratibus Majoribus, & Minoribus. Quod inter eos discrimen.

CAP. V. ad l. l. in privatis 77. ff. de judic. Conciliatur cum l. qui iurisdic. tioni ff. de iurisd. Tota ratio dandi, & eligendi Judices explicatur, eosque rejiciendi. Discrimen inter jus dicere, & judicare hac in re exponitur.

CAP. VI. ad §. Prætorum Inst. tit. de Jure Natur. Prætoris Jurisdic. & auctoritas tum in secundis legibus, tum in proponendis, aut mutandis Edictis expeditur. Edictum perpetuum Adriani an habeat vim legis.

CAP. VII. Ad §. sunt autem Inst. tit. de bonor. possel. & ad l. ut liberis

17. C. de collat. Exponitur Prætoris auctoritas quoad successiones, & testamenta. Au bonorum possessio contra tabulas sit ex testamento, vel ab intestato, & an testamentum rescindat.

CAP. VIII. Ad l. Papinianus ff. de inoffic. testam. Bonorum possessio litis ordinanda gratia cur inventa: quibus sit necessaria: & qua de causa. Refelluntur Interpretum opiniones hac de re.

CAP. IX. Ad l. ei qui se 12. ff. de acquir. vel om. heredit. Refellitur communis opinio, suum heredem quoad incommoda pro herede non haberi ante immixtionem: & creditores cegi ad probandam immixtionem. Copiose differtur tum de jure sui heredis, tum de beneficio abstinentiæ: & de Prætoris auctoritate. Nova interpretatio hujus legis affertur.

CAP. X. Ad l. filio præterito ff. de injust. rupt. Præterito abstinentem testamentum Jure Civili non convalescere demonstratur. Qua de causa præteritis vires testamentum luculente differtur.

CAP. XI. Ad eandem l. Præterito abstinentem testamentum Jure Prætorio convalescere copiose demonstratur. De beneficium abstinentiæ, & Prætoris auctoritate circa testamentum ab præteritionem nullum, late discipatur. De bonorum possessione secundum tabulas ex testamento, quod Jure Civili non valet: & aliis hujus generis.

CAP. XII. Ad l. per procuratorem ff. de acquir. vel omit. hered. Hereditas per procuratorem, vel quamcumque aliam personam an possit adiri, copiose disputatur. Discrimen inter agnitionem bonorum possess. .

*sonis, & aditionem bereditatis. De alii-
ous legitimis: de cretione: de acceptilatio-
ne: de Procuratore Caesaris, & aliis, que
luculenter explicantur.*

CAP. XIII. Ad *l. 2. §. sed et si* ma-
ter ff. ad SC. Tertull. & *l. 1. §. qui ha-*
bebat ff. de poss. contr. tab. Nova questio
proponitur. An agnatio & cognatio simul
iuncta constituant potentius vinculum ad
succedendum. An agnatus remotus possit
mutuari gradus proximitatem a cognatione,
ut excludat proximiorum cognatum: & an
duplex vinculum quicquam operetur. De
successione agnatorum, & cognatorum &
bonorum possessionibus Unde legitimi, &
Unde cognati differitur luculentissime.

CAP. XIV. Ad *l. huiusmodi 84. §. si*
quis servum ff. de legat. *l. De dolo dan-*
te causam contractui pertractatur uberrime.
De exceptionibus, que insunt contractibus.
An sit ipso jure nullus contractus, cui ex-
ceptio inest. Ordo veterum judiciorum ex-
plicatur. Discrimen inter contractus stri-
ctos, & bonae fidei.

CAP. XV. Ad *l. hæc si res 47. ff. de*
rei vindic. An dominium transferatur in
possessionem sola voluntate domini, etiamsi
res præsens non sit. In judiciis qua res
præsens dicatur, qua absens. Multa de
veteri forma judiciorum exponuntur: & de
rei vindicatione accurate pertractatur.

CAP. XVI. Ad *l. ejus qui 41. ff. de*
reb. credit. De errore impediende domini
translationem. An qui agit ut transferat
aliud dominium, quam quod transferre vel-
let, ullum dominium transferat. Comparatur
hic error errori in corpore rei. Discrimen
hac in *ex* inter libertatem & dominium.

CAP. XVII. Ad *l. si ego pecuniam 18. ff.*
de reb. cred. Error in causa contrahendi
visitat contractum, non obstat domini
translationi. Conciliantur Ulpianus & Ju-
lianus. Nummos non fieri accipientis,
& mutuum non contrahi, promiscue a
Veteribus accipiuntur. Ad dominium trans-
ferendum sufficit causa putativa.

CAP. XVIII. Ad *l. si quis vinum 9. ff.*
de vin. *tit. & ol. leg.* Agitur de erro-

re tum in nomine proprio, tum in nomine
appellativo. Varia vini genera recensentur
tum *naturalis*, tum *factitii*. De verbis se-
ratorum interpretandis.

CAP. XIX. Ad *l. habeo 45. ff. de con-*
trah. empt. Agitur de errore tum in cor-
pore rei, tum in materia, tum in qualita-
te. Affertur discrimen inter emptionem
& alios contractus. De oricbalco disputa-
tur uberrime. Rejicitur Hunnii, & Cui-
cii interpretatio.

CAP. XX. Ad *§. est autem litus* In-
stit. tit. de Rer. Divis. Litoris definitio ex-
plicatur. Hybernus fluctus quid. Ætus ma-
ris quid.

CAP. XXI. Ad *§. si communis* Instit.
tit. de injur. Agitur de injuria facta com-
muni servo; an æstimanda sit pro digni-
tate dominorum, an pro portione domini:
& utrumque considerandum esse demonstra-
tur. Conciliantur leges contraria. Adjici-
untur quedam de divisione hereditatis.

CAP. XXII. Ad *l. si vero 5. ff. qui*
satisd. cog. Queritur an recusando idoneum
fidejussorem, ipsi fiat injuria: & an de-
bitori offerenti. Qui sint idonei fidejussor-
es. Explicatur mos antiquus ducendi in
jus debitores.

CAP. XXIII. Ad *l. vulgaris 21. ff. de*
furt. Rei minima furtum fieri demon-
stratur. Plura hujus furti exempla asse-
runtur, & explicantur. De pretio rerum,
quo apud Veteres pleraque vendebantur.
An ex furto rei minima actio furti daretur.

CAP. XXIV. Ad *l. si ita fidejussorem*
43. ff. de fidejuss. Fidejussor in aliam ob-
ligationem, aut in duriorum causam acci-
pi non potest. De æstimatione aureorum &
solidorum: Plures leges explicantur & emen-
dantur. Cur deportati libertatem amittere
dicerentur.

CAP. XXV. Ad *§. poena furti* Instit.
de oblig. ex del. Varia furtorum poena re-
censentur cum apud Græcos, tum apud Ro-
manos. Poena furti in quadruplum quan-
do a Pretore subrogata. Adjiciuntur multa
de nectendis atque addicendis debitoris
bus Jure Veteri.

CAP.

CAP. XXVI. Ad §. conceptum In-
Rit. iit. cod. De pena furti concepti. Fur-
tum conceptum per lincem & licium. Quo
modo conciperetur, & unde mos deductus.

CAP. XXVII. Ad L. qui vas argenteum
ff. de furt. Nova huius legis explicatio.
An dominus a debitore vel jure possit au-
ferre rem propria auctoritate, & qua sit
pena.

CAP. XXVIII. Ad L. 3. §. si rem ff.
de acquir. poss. An possessio, & dominium
ab eo, qui rem detinet, solo animo acqui-
ratur: an sit necessarius aliquis actus ex-

ternus. De contractione in furto necessa-
ria, quod neque verbis, neque inficiatione,
neque scriptura fit.

CAP. XXIX. Ad L. si quis conduxe-
rit ff. locat. De locatione simulata animo
donandi facta. De nummo & sesterio. So-
lemnitas Veterum mancipationum. Quaedam
alia subijciuntur ad substantiam locationis
& venditionis pertinentia.

CAP. XXX. Ad princ. tit. Inst. de
servit. Queritur cur constituta itineris ser-
vitute possit quis leſtica vebi. De leſticis
Veterum: itemque Baſternis, Cārnucis, Sellis.

LIBER SECUNDUS.

CAPUT L. Explicatur copiose l. 2. C.
quæ sit longa Consuet. Consuetudi-
nem legi derogasse tam apud Athenienses,
quam apud Romanos perspicue probatur mul-
tis exemplis. Posteriora esse potiora, & de-
rogare prioribus, probatur pariter multis
exemplis.

CAP. II. Explicatur latissime L. si in
emptione 34. in princ. ff. de contr. empt.
confutatis doctissimorum Hominum *exposi-*
tionibus, & communi opinione, quoad in-
terpretationem ambiguum patiorum con-
tractibus adjectorum. De Passis venditioni
adjectis late differitur: tum vero de er-
rore, & ambiguo: & quantum inter se
differant.

CAP. III. Explicatur L. Græce 8. §.
illud commune ff. de fidejussor. De fide-
jussore in civiliorum causam accepto dispu-
tatur accurate, & an obligetur in summa
debita, si majorem summam promissit.
Expenditur communis regula, quod utile
per inutile non vitatur: & quando non
sit admittenda, demonstratur.

Tem. L.

CAP. IV. Exponitur §. si quis Sti-
chum ejusdem legis, & L. si ita 42. ff. de
fidejuss. An fidejussor in aliam obligati-
onem accipi possit, in controversiam adduci-
tur. Committuntur multe leges, quæ in-
ter se pugnare videntur: & concilian-
tur, & explicantur. Quando fidejussor
in aliam obligationem acceptus intelli-
gatur, luculenter exponitur.

CAP. V. Exponitur L. ult. §. si mu-
lier, penult. ff. ad SC. Vellejan. Querit-
ur an mulier possit renunciare beneficio
Velleiani. Examinatur accurate regula il-
la Juris, quod invito beneficium non da-
tur: distinguuntur varia genera beneficiorum;
& quando cesset illa regula, de-
monstratur. De renunciatione mulierum co-
piose differitur, & multe leges exponuntur.

CAP. VI. Examinatur L. in his 3. §.
si duos ff. de solution. & quando ea ob-
sineat: & qua requirantur, ut debitor sol-
vens liberet eum fidejussorem, quem volue-
rit. Multa adjiciuntur de consusione prin-
cipalis obligationis, & quomodo, & qua

c

ex

ex parte per eum fidejussores liberentur: & quam plura observantur ad explicatorem hujus legis antebac non animadversa, qua vel in foro versantibus omnino sunt necessaria.

CAP. VII. Explicatur l. Marcellus 25. ff. de fidejuss. Demonstratur in ea agi de restitutione in integrum. Quando furiosus, prodigus, & pupillus sine tutoris, & curatoris auctoritate obligentur. Quando pro illis teneatur fidejussor: & adversus eos regressum non habeat, tunc quid juris sit.

CAP. VIII. Exponitur l. si pupillus 89. ff. de acquir. vel omit. hered. Cur in specie hujus legis in integrum restitutio prodest fidejussoribus: & minor restitutus nec naturaliter, nec civiliter maneat obligatus. Explicantur multa alia leges.

CAP. IX. Explicatur l. minor 51. ff. de procur. Cur in specie hujus legis restitutio prodest fidejussori. Subjiciuntur multis de satisfactionibus judicialibus, & quando amplius non subsistant. Refellitur communis opinio, quod fidejussor liberetur, cum principalis mutat qualitatem.

CAP. X. Exponitur copiose l. in omnibus 43. ff. de solut. Disputatur accurate cum restitutio non prodest fidejussoribus. Natura restitutionis diligenter expenditur. An exempto reo ab obligatione fidejussores liberentur, & de liberatione per deputationem late disceptatur.

CAP. XI. Explicatur l. debitor 59. in princ. ff. ad Senatuse. Trebell. & l. cum quis 38. §. ult. ff. de solut. Quo jure, & quando tollatur obligatio confusionem, late discessit: & an tollatur tam naturalis, quam civilis obligatio: & an pignus liberetur sublata per confusionem obligatio: & an sit eadem ratio fidejussoris, & pignoris.

CAP. XII. Explicantur l. 1. ff. qui pot. in pign. hab. & l. 2. C. de luit. pign. & multa alia leges. An pignoris obligatio possit subsistere sine principali obligatione, latissime examinatur: & an possit accedere officio Judicis juxta communem opinio-

nem. Quando incipiat hypotheca filii in bonis patris: & pleraque alia pertinentia ad naturam pignoris dilucide explicantur.

CAP. XIII. Exponitur l. 1. ff. in quib. caus. pign. tac. contrah. & multa alia leges, praesertim quae ad privilegia mercatorum pertinent. An, qui mutuat ad naves vel alias res restituendas, habeat privilegium prelacionis. De privilegio exigendi, & privilegio pignoris. Multa de mercatura hactenus non animadversa subjiciuntur: & an ea Romanis esset utilis. Ratio amplificanda Civitatis Romanae exponitur: & de frumentatione pauca delibantur.

CAP. XIV. Explicatur l. quod pupillus 41. ff. de condit. indeb. & l. pupillus 59. ff. de oblig. & act. & multa praeterea leges ad obligationem pupilli pertinentes. De naturali obligatione pupilli, & de ejus effectibus tam in persona ipsius pupilli, quam in persona aliorum latissime discessit.

CAP. XV. Exponitur §. praeterea Inst. Tit. quib. mod. toll. oblig. & omnes alia leges, in quibus agitur de restituenda actione adversus veterem debitorem. De expromissione copiose discessit: & tota ratio restituenda actionis adversus debitorem liberatum accuratissime expenditur.

CAP. XVI. Exponitur l. l. ff. de condit. & demonstr. De die certo, atque incerto adjecto tum legatis, tum contractibus disputatur: quam vim habeat uterque, & quando dies incertus faciat conditionem. An legatum ante diem agnosci, repudiare possit: & quid in legatis intersit inter acquisitionem obligationis, & dominii.

CAP. XVII. Explicatur l. libertis 18. §. ab heredibus ff. de alim. leg. cum aliis multis. Agitur de legato alimentorum. De militibus: quae earum genera: quae militiae ex casu: quae essent in commercio: quae ad heredes transmittenterentur: & alia hujus generis explicantur. Annona Magistratibus praestari solita, & cetera ejusdem modi expenduntur.

CAP. XVIII. Exponitur text. in l. sed etfi

et si suscepit **§ 2.** §. 1. ff. de iudiciis. De testibus frumentariis, & earum legato accurate differtur. De testibus extra ordinem. De pane distribuendo: de frumentatione.

CAP. XIX. Explicatur text. in **L** partronus **§ 5.** in princ. ff. de leg. 3. De legato tribus: quid esset tribum emere: tribus nomen quos modis accipiat: qui essent tribules, & cur ita appellati. Quae Principum liberalitates & donationes? quid congiarium **2**

CAP. XX. Exponitur **L** in illa stipulatione ff. de V. O. Agitur de die adiecto conditioni promiscue, & late disceptatur, an sit expectandus etiam si conditio extiterit ante lapsum diei, & arrepta occasione multe leges explicantur ad locutionem, tum ad stipulationem pertinetes.

CAP. XXI. Exponitur **L** hoc iure **10.** ff. de V. O. Agitur de die adiecto conditioni non promiscue, & an sit expectandus conditio ante diem existente incunctissime disputatur, & quam plures leges explicantur, & inter se compouuntur. Quod sit discrimen hac in re inter conditionem promiscuam, & non promiscuam. Coptoso etiam differtur de die adiecto tum certo, tum incerto, & variae distinctiones proponuntur, & explicantur. Denique afferuntur septem exceptiones, in quibus non est expectandus dies adiectus conditioni non promiscue.

CAP. XXII. Exponitur **L** **L** ff. de legat. **2.** & conciliatur cum **L** nonnumquam **§ 2.** ff. de condit. & dem. ad avarum conciliationem multa ingenuose, & subtiliter excogitantur: & an differat legatum in alienam voluntatem collatum a conditione collata in alienam voluntatem, expeditur. Circa collationem tacitam & expressam multa ab aliis non animadversa acute aduocantur.

CAP. XXIII. Exponitur **L** sub hac **8.** ff. de oblig. & action. multo aliter quam a doctissimis Viris balteus sit explicata. De conditionibus si volam, & si voluero dilucide & accurate differtur.

CAP. XXIV. Explicatur uberissime **L** obtinuit. **3.** ff. de cond. & dem. & hac oc.

casione omnes etiam leges, in quibus agitur de impossibili conditione. Per omnia genera conditionum impossibilium expatiatur hac interpretatio, & omnium natura, vis, effectus peruestigantur: multaque afferuntur a Nostris aut non animadversa, aut dilucide non explicata: & tota materia conditionum impossibilium brevi comprehenditur.

CAP. XXV. Explicatur **L** si Titius & Sejus **9.** ff. de V. O. Defenditur subtiliter & copiose A: cursi interpretatio. Examinantur A: rorum sententiae. Nova proponitur interpretatio: eas stipulationes non esse conditionales. De conditione, quae impletur per litis constitutionem, an suspendat actionem: item ea, quae tacite inest.

CAP. XXVI. Exponitur **L** cum duobus **§ 2.** §. damnus ff. pro soc. cum l. quae sortuitis **6.** C. de pignor. act. **§ 1. 2.** §. si eo tempore ff. de admin. rer. ad Civ. pertinet. Traditur dilucide quid sit casus fortuitus: & qui sint fortuiti casus. Probat communis distinctio: alios esse casus salitos, alios insolitos. Quorundam opinio quoad casus fortuitos consutatur.

CAP. XXVII. Exponitur **L** quidam testamentum **26.** ff. de leg. 1. cum omnibus aliis, in quibus agitur de assignatione certi fundi, vel rei, unde de promi debet id, quod solvendum est. Gravissima illa controversia: an fundi assignatio vicem demonstrationis, vel taxationis obtineat a Nostris balteus non satis enucleate, ac diligenter explanata, cum explanatus, atque distinctus, tum uberius explicatur, ac dirimitur. Multae distinctiones proponuntur, quibus res magnis controversiis implicata facillime expeditur.

CAP. XXVIII. Explicatur **L** generali **§ 2.** §. uxori ff. de usufr. leg. & **L** praedia **27.** §. liberto ff. de instruct. leg. & quam plurimae leges. Agitur copiosissime de legato, in quo certus locus designatus est, & circumscriptus. Disputatur suse, lateque quid huiusmodi legato contineatur. Praesertim quatuor rerum genera diligenter expenduntur. Calendarium & nomina debitorum. Argentum, & pecunia numerata. Res venales, & merces. Fru-

us.

Elus in fundo collecti. Quam plurima leges componuntur, & explicantur: & quod ad hanc rem pertineat, nihil intactum relinquitur.

CAP. XXIX. Explicatur **L** Lucius Titius 78. §. tres hæredes ff. ad SC. Trebell. De molestiis in testamento prohibitis uberius pertractatur. Communis sententia distinguens inter molestias justas, & injustas accurate resellitur. Quæ molestiæ prohibita censcantur fuso & copiose differitur. Differ-

tatio in foro versantibus omnino necessaria.

CAP. XXX. Exponuntur **L** solemus 61. & **L** si quis intentione 66. ff. de judic. Agitur de interpretatione verborum facienda in judiciis. Quantum inter judicia, & contrahus intersit. De interpretatione libelli generalis. De interpretatione libelli ambigui. De compromissis aliquid attingitur. An hæres possit declarare libellum defuncti, contra communem disputatur.



JOSEPHI AVERANII,

JURISCONSULTI ET ANTECESSORIS,
INTERPRETATIONUM JURIS
LIBER PRIMUS.

CAPUT PRIMUM. AD L. IMPERIUM III.

ff. de Jurisdic.

SUMMARIUM.

- I. Imperium merum quid sit.
II. Gladius multis modis accipitur.
III. Sententia Judicis certa esse debet.
IV. Non debet esse ambigua, generalis, & obscura.
V. Interpretanda est secundum proprium verborum significationem.
VI. Gladius nomen in sententia materialiter accipi debet.
VII. Ad gladium dari quid? & ad gladium ludi disputari.
VIII. Ius gladii quid significet?
IX. Gladius, insigne imperii.
X. Gladium dando Imperator merum imperium conferrebat; & gladium accedendo ad omnes imperium.
XI. Honores iuris gladii quod decreverunt?
XII. Potestatem gladii habere, & gladii potestate fructuari, quod significet?

- XIII. Stans Rep. insigne imperii erat securus.
XIV. Consules non precedebant securus in urbe post legem Valeriam, sed extra urbem.
XV. Cur gladius esse imperii insigne imperii?
XVI. Gladii nomen in definitione meri imperii refertur ad omnes graviores animadversiones.
XVII. Animadvertendi verbum aliquando ad personam mortis; aliquando ad alias parvas graves refertur.
XVIII. Aliquando etiam ad leviores.
XIX. XX. Explicatur definitio meri imperii.
XX. Merum imperium aliquando plura, aliquando pauciora genera animadversionum comprehendit.
XXI. Quoad merum imperium, tantum quis habet, quantum ei specialiter concessum est.
XXII. Merum imperium in quibusdam plenius, in quibusdam minus plenum.



De mero imperio pauca delibemus. De eo tres occurrunt quaestiones. Quid sit: quibus datum sit: & an mandari possit, singulas strictim attin-

gamus. A
Tom.L

Quid sit merum imperium, eleganter explicat Ulpianus in l. 3. ff. de jurisd. his verbis: Merum est imperium, habere gladii potestatem ad animadvertendum in sacrosanctos homines. Reprehendunt plerique Ulpianum, quod, si non absurde, saltem minus di-

A
Rio.

2. finste, atque explicare nobis meri imperii naturam descripserit. Expendamus igitur accurate Ulpiani verba, quæ non difficiles habent explicatus apud homines non omnino rudes, & imperitos, & antiquitatis ignaros.

2. Gladii nomen multis modis accipitur. Aliquando significat gladium ipsum, hoc est, ferrum ipsum, quo quis feriri debet. Uno verbo, ut cum scholis loquar, accipitur materialiter. In hac significatione

3. accipitur in sententia iudicis, quæ, cum certa esse debeat, §. curare Iustit. tit. de action. l. in sententiis 59. ff. de re iudic. l. pen. & ult. C. de sentent. que sine certa quant. non recipit metaphoricæ interpretationes, ne reddatur ambigua, generalia,

4. obscura contra text. in l. quid tamen §. Pomponius ff. de recept. arbitri. Si igitur sententiam iudicis interpretari debeamus secundum certam ac propriam verborum significationem, in ea gladii nomen pro ipso gladio materiali accipere debemus. Hinc Ulpianus in l. aut damnum §. 1. ff. de præiur. ait:

6. Vita adimitur, ut puta, si damnatur aliquis, ut gladio in eum animadvertatur: sed animadverti gladio oportet, non securi, vel telo, vel fustibus, vel laqueo, vel quo alio modo. Itaque merito Antoninus Caracalla, cum Papinianum nostrum gladio feriri iussisset, & securi percussus esset, percussorem increpavit his verbis: gladio se oportuit ossequi iussu moum. Plane ad gladium Ludi damnari dicebantur, qui ad ludum gladiatorum damnabantur. Capitolum, in

7. Alacrin. Servos, qui a dominiis fugissent, ad gladium Ludi dedebant. quo fortasse referendi sunt text. in l. si quis tibi §. si quis plane ff. de acquir. vel om. l. l. in l. 6. §. irritum sit ff. de iniust. rupt. in l. 1. in princ. ff. de Abig. & Pauli l. 5. sentent. tit. 17. ibi: Sane, qui ad gladium dantur, intra annum consumendi sunt. Diffe-

rent enim hæc inter se, damnari aliquem, ut gladio feriat: & damnari aliquem, ut ad gladium detur. Sicut etiam discrimen est inter eos, qui ad gladium dantur;

& eos, qui damnantur ad ludum. Illi enim intra annum consumi debent: hi & pilea & rudem accipere possunt. Sed hæc obiter.

Aliquando gladii nomen in laxiori significatione accipitur, & ut ita dicam, formaliter, & comprehendit omne genus ultimi supplicii. Non aliter accipitur, 8 cum dicimus *iur gladii*, quod plerumque significat jus vitæ & necis. Cornel. Tacit. lib. 3. *Histor. de Vitellio Imperatore: Phstremo fletu præpediente assistenti Consuli* (Cæcilius Simplex erat) *exsolutum a latere pugionem, velus ius uocis vitæque civium, reddebat.* D. Augustin. *epist. 61. ad Dulcisium Tribunum: Nec enim gladii ius in eos accepisti.* Sen. lib. 1. *de ira cap. ult. Vides, quam debeat omni perturbatio liber accedere ad rem summa diligentia tractandam, potestatem vitæ necisque: male irato ferrum committitur.* In hac significatione plerumque accipitur in iure nostro jus gladii: adeo ut solummodo comprehendat potestatem damnandi ad ultimum supplicium, non vero referatur ad alias penas etiam minores. Ulpian. in l. illicitis §. qui uniuersas ff. de offic. Pref. Qui uniuersas provincias regunt, jus gladii habent, & in metallum dandi potestas eis permissa est. Idem in l. solent. 6. ff. de offic. Procons. Nec enim potest quis gladii potestatem sibi datam, vel cuius alterius coercionis ad alium transferre. Idem l. uero potest. 10. ff. de reg. jur. ubi eandem habentur verba. In his omnibus legibus gladii ius significat jus vitæ & necis, & distinguitur a iure infligendi alias penas. Et in l. cum iur. 31. C. ad leg. Jul. de adult. Subemus insurgere leges, armari iura gladio utrore, ut acquisitis penis subdantur infames.

Aliquando denique gladius est insigne 9 imperii, & quoties tamquam insigne imperii consideratur, comprehendit non solum ultimum supplicium, sed etiam omnes grauiiores animadversiones, quæ ad imperium pertinent. Tacit. l. 3. *hist. Assistenti Consuli exsolutum a latere pugionem, velus ius necis vitæque civium, red-*

merum imperium haberent, ipsos præcedebant duodecim lictores cum securibus. Adempto autem ipsis mero imperio per legem Valeriam, l. 2. §. *exaltis*, & §. *Quia ff. de origin. jur. ablatæ* quoque fuerunt ipsis secures, & relictæ falces sine securibus. Quia vero Consu-

14 libus ad bellum prodeuntibus mandabatur imperium, idcirco extra urbem sumebant secures: quia magistratus urbem egressus statim accipit insignia magistratus, & imperii; l. 1. ff. *de off. Procons.* nec ante ea deponit, quam urbem ingreditur. l. ult. ff. *cod. Dionys. Halicarnass. lib. 4.* de Valerio Poplicola, qui legem Valerium tulit de provocatione: *Εὐδαίμων τὴν πίσιν ὑπὲρ τ' ἐλευθερίας τῆς δημοκρατίας λαβεῖν βυλομένους, ἀφ' οὗτος ἀπὸ τ' ἐκδοῦν τῆς τιμῆς, καὶ κατὰ τὴν τοῖς μετ' αὐτῶν ὑπαζόντος εὐδῆς, ὃ καὶ μάλιστα τ' ἐμὲς διέμενον ἡλικίας, ὅταν ἐκώσθην τ' πόλεως γένοντα, χορῆσαι τοῖς τιμῆσιν, εὐδῶν, δι' τοῖς βραβείοις κοσμησάμενοι μοῖσι.* Firmam, ac stabilem fidem libertatis populum accipere volens, ademit a fascibus secures, moremque traduxit ad sequentes Consules, qui etiam hac ætate servatur, ut, cum extra urbem essent, securibus utebantur, intra urbem autem incederent cum folis fascibus. Dictatori autem, quia, quoties creatus erat sine provocatione, merum imperium habebat, etiam in urbe præferebantur falces cum securibus, ut auctor est idem Dionys. *cod. lib. 4.* Itaque stante rep. secures erant insigne meri imperii, quia eo tempore, non gladio, sed securi seriebant delinquentes. Imperatorum ævo, post introductam gladii pœnam, insigne imperii fuit gladius, ut ostendimus.

Quamquam enim gladius ad mortem referatur; non ad alias animadversiones; tamen, quia illis, quibus dabatur jus vitæ & necis, concedi solebant etiam aliz animadversiones, etiam non semper omnes, tamen aliquæ saltem ex iis, quæ pertinent ad merum imperium, idcirco

gladius cœpit esse insigne imperii.

In hac autem significatione accipitur in Ulpiani definitione, quam explicamus, gladii nomen. Itaque adjecit Ulpianus illa verba: *ad animadvertendum in facinorosos homines*; ut intelligeremus, eum non referre nomen gladii, ut diximus in explicatione primæ significationis, vel ad pœnam mortis juxta secundam significationem, sed ad omnes graviores & atrociores pœnas. Licet enim animadvertendi verbum aliquando referatur ad ultimum supplicium, ut in l. *prospiciendum* §. ult. & l. *seq. ff. de pœn.* & in l. *si quid eris ff. de offic. Procons.* tamen ex propria significatione omnes graves pœnas comprehendit. Sallust. ubi prius verberibus in eos animadvertetur. Cic. in Verr. In Achaja Magistratus Syceonium nummos poscit: cum non daret, animadvertit. Improbum, sed inaudisum genus animadversionis videte, l. *exsi percussor* 6. ff. *ad SC. Sillan. l. in enno* 5. ff. *de extraordi. crimin. & alibi.*

Imo verbum animadvertendi omnes pœnas comprehendit, etiam leviores, & pecuniarias, ut in l. *aliud fraus* ff. *de lib. V. S. l. item apud Labronem* §. *ait Prator ff. de injur. l. 1. de aleator. & passim.* Et ideo in l. 1. §. *solens* ff. *de offic. Præf. urbi*, ea, quæ continet pœnam mortis, & præterea graves alias coercitiones, appellatur *major animadversio*.

Itaque in nostra definitione verba illa, *potestatem gladii*, restringunt verba sequentia: *ad animadvertendum*; & quia levis animadversio non pertinet ad potestatem gladii, nec convenit facinorosis hominibus. Contra verba sequentia, quodammodo dilatant antecedentia: cum enim generalia sint, demonstrant, quid nomine gladii voluerit significare Ulpianus, & in qua significatione sit accipiendum.

Postremo animadvertendum est, caute, ab Ulpiano ita fuisse definitum merum imperium. Cum enim merum imperium;

alt.

aliquando latius pateat, aliquando contrahatur angustius; & in aliis magistratibus plura, in aliis pauciora genera animadversionum comprehendat; non poterant exacte, & verbis designantibus certa poenarum genera describi: ut puta: Præf. Provincie habebat merum imperium, l. *illicitas* §. *qui universas ff. de off. Præf.* & tamen non poterat deportare. Contra Præf. Prætorio, & Præf. urbi, qui pariter habebant merum imperium, poterant etiam deportare. l. *inter poenas* 6. §. 1. ff. *de interd. & releg.* l. 1. §. *deparatas cum leg. ff. de leg. 3.* Quia, cum agitur de mero imperio, tantum quis habet, quantum ei specialiter datum est. Quamobrem, cum poena metalli, poena deportationis, & hujus generis alie, non sint de substantia meri imperii, licet ad ipsum pertineant; non poterant nominatim in definitione comprehendere, sed utendum erat verbis, quæ possent illas complecti, sed necessario non comprehenderent. Cujusmodi sunt ea, quibus usus est Ulpianus. Nam gladius erat quidem insigne imperii, sed pro conditione magistratus, a quo gestabatur, majus, minusve imperium designabat. In Imperatore Regiam potestatem indicabat: in Præf. Prætorio merum imperium, sed plenum: in Præsidibus idem imperium, sed non adeo plenum, & absolutum.

CAPUT II.

AD L. I. FF. DE OFFIC. EJUS,
cui mand. est jur.

SUMMARIUM.

- I. Sententia Lotarii, & Azonis, quod merum imperium improbat.
- II. Magistratus habens merum imperium, non solum ejus usum.
- III. Qui habes merum imperium, tunc executionem publici iudicii habet, tunc executionem condemnationis.
- IV. Quis esset iudex questionis.
- V. Magistratus potest rem absolutam, non poenam remittere condemnationis.

- VI. Princeps non habet merum imperium.
- VII. Potestas regia eminentius continet jurisdictionem, merum, & mixtum imperium.
- VIII. Comparatio Principis cum Deo, quod imperium.
- IX. Princeps dat merum imperium magistratibus, licet ipse illud non habeat.
- X. Dominus non habet rei sue servitutem asus, vel ususfructus, & tamen illis alteri concedit.
- XI. Princeps omnia facit jure regie potestatis, non jurisdictionis, aut meri, & mixti imperii.

Succedit altera questio, de his qui habent merum imperium. Lotarius respondit, solum Imperatorem habere merum imperium: Magistratus habere nudum ejus usum, & exercitium. Contra Azo respondit, etiam magistratus habere ipsum merum imperium, ipsam potestatem, ipsum jus gladii. Ego neutri assentior. Non Lotario, quia solum puto, magistratus non habere merum imperium. Non Azoni, quia puto, solos magistratus habere merum imperium, non autem Imperatorem, aut Principem. Sententia Lotarii facile refellitur animadvertendo, quod semper in jure nostro merum imperium refertur ad magistratus, iique dicuntur habere merum imperium, habere jus gladii, habere potestatem, quæ nihil aliud est, quam merum imperium. l. *imperium ff. de jurisdic.* Hæc omnia magistratui tribuuntur in l. 4. ff. *de off. Præsid. in l. 1. & ideo ff. de off. Procons. in l. 2. ff. de in jus voc. in l. lege Julia 7. & l. qui dolo 10. ff. ad leg. Jul. de vi publ. in l. 2. §. *exaltis ff. de orig. jur. in l. illicitas §. qui universas ff. de off. Præsid. in l. 12. & ult. ff. de off. Procons. in l. 1. in princ. ff. de off. ejus cui mand. est jurisd. ibi suam jurisdictionem, & in §. 1. ibi sed merum imperium, quod lege datur.* Contra nusquam in jure nostro traditum est, magistratus habere usum, aut exercitium meri imperii.*

Non ignoro ea, quæ traduntur in nostra l. 1. princ. ibi & ideo videntur errare magistratus, qui, cum publici iudicii habeant executionem, lege vel Senatusconsulto delegatam. In l. sunt præterea ff. *de extraordin.*

ord. crimin. ibi sunt præterea crimina, quæ ad executionem Præsidis pertinent. & in l. sunt quædam in fin. ff. cod. hanc rem Præsidis exequi solent graviter usque ad poenam mortis. & in l. ult. C. ut nemo privatus. ibi executoresque hujus legis omnes iudices esse oportere.

Sed hæc nullam vim habent ad probandam Lotarii sententiam: neque enim ibi nominatur usus, aut exercitium meri imperii: sed exercitium publici iudicii.

- 3 Et recte. Nam, qui habet merum imperium, utique exercet publica iudicia, & publici iudicii habet executionem. Quorum enim ei datum est a lege jus iudicii? An, ut eo utatur adversus eos, qui iudicati, & condemnati non sunt? Absit. Abuteretur hac ratione mero imperio, non legitime uteretur. Itaque merum imperium & continet executionem publici iudicii, & continet executionem condemnationis; & qui utrumque habet, utique habet merum imperium. Quomobrem laudatæ leges aperte demonstrant, magistratus habere merum imperium, cum ipsis tribuant & iudicii executionem, & executionem poenæ. Nec sine causa verbo executionis utitur Papinianus in laudata l. 1. ff. b. r. cum verbum illud ad iudicium referat, cujus propria est executio. l. etiam 15. ff. ut legat. nom. careat. Et maxime convenit verbum hoc publicis iudiciis, quæ proprie exerceri dicuntur. l. ordo 8. ff. de publ. iudic. l. qui dolo 10. ff. ad leg. Jul. de vi publ. l. hæc stipulatio nov. ff. de V. S. Liv. lib. 9. In me primum, & in hunc M. Tullium questionem exercitatis. Cicer. 3. in Verr. Atque etiam iudicium in Prætura publicum exercuit. Sueton. in Jul. Cesare cap. 11. Atque in exercenda de ficiariis questione eos quoque ficiarios numero habuit, qui præscriptione ob releta civium Romanorum capita pecunias ex arario acceperant, quam 4 quam exceptos Cornelii legibus. Hæc autem executio questionis, seu publici iudicii extra ordinem lege, vel Senatus

cons. delegabatur, isque, cui delegatus erat, iudex questionis appellabatur. l. 2. §. Or quia ff. de orig. jur. l. 1. §. 1. ff. ad l. Corn. de Sicar. Et huc pertinet textus in l. 7. §. ult. ff. de offic. Praef. Et hoc notissimum est non ignaris antiquitatis.

Neque ex eo, quod Magistratus non possit liberare condemnatum, eique poenam remittere, argui potest, eum non habere merum imperium. Nam Magistratus non propterea, quod habet merum imperium, idcirco est supra leges. Magistratus enim est legum executor, non evoror. l. ult. C. ut nemo privatus. Ideo recte Magistratus, *lex loquens* a M. Tullio appellatur. Quapropter potest quidem reos absolvere, l. solent. 6. ff. de offic. Praef. non tamen potest remittere poenam condemnatis. l. 4. in fin. ff. de poen. hoc enim facere potest solus Princeps, qui est supra leges. l. acta §. 1. ff. de re iudic. nec tamen hac facultate, ac potestate abuti debet, sed id ex causa facere. d. l. 4. in fin. ff. de poen. Absolutio, sicut & condemnatio, est legibus consentanea: ideo magistratui committitur. l. nemo qui condemnare ff. de reg. jur. Tertullian. advers. Marcian. lib. 4. Qui enim iudicat, absolvit. Remissio poenæ, reorum jam condemnatorum liberatio, est contraria legibus, & ideo soli Principi permissa.

Habent itaque Magistratus merum imperium, cum eis a lege datur. Merum imperium habere etiam Principem, in confesso est apud omnes. Ego vero, ut dicam quod sentio, nusquam legi apud veteres, Principem habere merum imperium. Est hoc proprium magistratuum, quorum alii merum, alii mixtum imperium habent. Merum enim dicitur imperium, ut mixto opponatur, & ab eo distinguitur: quod fieri non debet in Principe, qui supremam, ac regiam habet potestatem, in qua hæc omnia absorbentur. Jurisdicatio, merum, ac mixtum imperium in Principe non distinguitur, atque hæc omnia idem sunt, & uno

& uno regis potestatis nomine, atque auctoritate continentur, quæ hæc omnia supereminet, atque, ut ita dicam, hæc omnia continet eminenter.

Deo similes sunt Principes, quos argute Plautus *humanos Joves* appellat, qui tamen hominum more moriuntur. Tertullian. *ad Scapulam*: *Sic Imperator omnibus major est, dum solo Deo minor est*; & in *Apolog. contra gent.* Sciunt Imperatores, quis illis dederit imperium: sentiant, Deum esse solum, in cujus solius potestate sunt, a quo sunt secundi, post quem primi ante omnes Deos, & super omnes homines. Et paulo post: *Temperans majestatem Caesaris infra Deum, magis illum commendat Deo, cui solo subji-*
cio. Deus creavit omnia, eisque communicat, quicquid ipsa sunt. Deus autem nihil est eorum, quæ creavit: & quævis ea nihil habeant, quod ab ipso non habeant, tamen in Deo nihil est eorum, quæ ipsa habent: & nihilominus omnia comprehendit, & omnia infinitate sua supereminet. Princeps creat
9 Magistratus. l. 1. ff. *ad leg. Jul. de ambit.* Magistratibus, quos creavit, communicat imperium: in ipso tamen non residet ejusmodi imperium, cujusmodi est in Magistratu, sed suprema ac regia potestas, quæ comprehendit quidem, & continet eminenter omnia jura magistratuum, ipsa tamen nihil est eorum, quæ tribuit magistratibus. Jus magistratuum absorbetur in regia potestate, & non est amplius id ipsum, quod est, cum residet in magistratu.

Sed, ut aliquanto demissam orationem, & planius, explicem quod volo, a jure nostro deprimamus exemplum. Dominus rei suæ dominium habet, non usum, aut usufructum. L. *Sempronius Atralius in princ. ff. de usufr. legat. l. uti frui §. in princ. ff. si usufruct. petat. l. in re communis §. ff. de servit. urban. præd.* Concedit tamen cuilibet rei suæ usum, vel usufructum: ipsoque communicat

jus utendi, fruendi, quod in Domino non distinguitur a jure dominii, quo absorbetur. Itaque Dominus in re sua facere potest ea omnia, quæ usufruarii, & usufructuarii & etiam multo plura: non tamen ea facit jure usus, vel usufructus, sed jure dominii. Princeps quoque proprie non habet merum, aut mixtum imperium, aut jurisdictionem, qualem habent Magistratus. Tribuit tamen hæc magistratibus, quæ cum in ipso sunt, non distinguatur a regia potestate, cui insunt ab ea minime separata, atque distincta. Quare Princeps facere potest ea omnia, quæ sunt jurisdictionis, mixtique, ac meri imperii, quæque possunt facere Magistratus: non tamen ea facit eadem auctoritate, quæ Magistratus, neque jure ejus imperii, quod habent Magistratus; sed jure suo potestatis, quæ longe supereminet omnia jura magistratuum, eisque tribuit facultatem faciendi alia multa, quæ facere nequeunt Magistratus.

CAPUT III. ADEAM D. LEG. SUMMARIUM.

- I. Merum imperium mandari non potest.
- II. Merum imperium nominatim a lege datum.
- III. Refertur sententia Massiani de mandando pro imperio.
- IV. Constituitur hæc sententia.
- V. Explicantur verba l. 1. ff. de off. ejus.
- VI. Merum imperium nemo potest habere nisi a populo, aut a Senatu.
- VII. Imperium militare erat idem, ac merum imperium, & eodem modo dabatur.
- VIII. Legibus Valerii ademptum est Magistratibus merum imperium.
- IX. Consules non habebant merum imperium post leges Valerias.
- X. Dabatur ipsis aut lege curiata, aut Senatusconsulto.
- XI. Dictator non habet merum imperium.
- XII. A Dictatore ad populum provocabatur.
- XIII. Dictator creatus; ut optima lego, habebat merum.
- XIV. Imperium a Senatu.
- XV. Dictatori aliquando imperium lege curiata dabatur.

XVI. *Præfectus ubi habuit merum imperium.*

XVII. *Item Præfectus Prætorio.*

XVIII. *Item Proconsul Præfectus, Prætoris provinciarum.*

XIX. *Item Legatus Caesaris.*

XX. *Item Legatus consulæ.*

XXI. *Item Præfecti quatuor a Constantino creati.*

XXII. *Præfectus Prætorio non poterat mandare merum imperium: recessus argumentum Missini.*

Superest tertia quæstio de potestate mandandi merum imperium. Merum imperium mandari non posse, satis constat ex nostra l. t. in princ. *versic.* & ideo & in §. 1. *versic. verius.* Verius est enim, more majorum jurisdictionem quidem transferri: sed merum imperium, quod lege datur, non posse transire, l. solent. 6. in princ. ff. de offic. Proconsul. l. nemo potest. 10. ff. de reg. jur. Quod & evidens ratio suadet: nam ea, quæ nominatim aliqua lege, vel Senatusconf. vel Principum constitutione tribuuntur, mandari non possunt. l. 1. in princ. ff. de offic. eius. huiusmodi autem est merum imperium. d. l. in princ. ibi *lege vel Senatusconf. delegata*: & in §. 1. ibi *merum imperium, quod lege datur.* d. l. solent, & d. l. nemo ibi *gladii potestatem sibi datam.*

Sed declamat Vir doctus, Philippus Massinius, qui ad explicationem nostræ legis primæ magno conatu contendit probare, merum imperium natura sua potuisse mandari etiam de jure civili. Putat enim merum imperium aliquando a lege dari; & hoc non posse mandari, concedit: aliquando competere jure magistratus, ut Consulibus, Dictatori, Præfecto Prætorio Orientis, sub quo erant quinquaginta provincie, quas administrare non potuisset, si non habuisset jus mandandi merum imperium. Id ipsum confirmat animadvertendo, quod prohibentur mandare merum imperium ii solum, qui habent illud a lege, vel Senatusconf. ut in modo laudaris legibus. Sunt igitur alii, qui illud a lege non habent, quique ipsum mandare non prohibentur.

Sed fallitur meo judicio: nam verba illa, *a lege datum*, & hujus generis cetera, non adjiciuntur a veteribus, ut distinguatur merum imperium, quod datur a lege, a mero imperio, quod competit jure magistratus. Nulquam enim in jure nostro fit mentio meri imperii, quod jure proprio, seu jure magistratus competat: unde promptum est conjicere, merum imperium nunquam competere jure proprio. Quamobrem verba illa adjiciuntur tum ad demonstrandam naturam meri imperii, tum ad indicandam rationem, cur mandari non possit; tum denique, ut distinguatur a jurisdictione, quæ competit jure magistratus; ut constat ex nostra l. 1. §. 1. ibi: *Verius est enim, more majorum jurisdictionem quidem transferri, sed merum imperium, quod lege datur, non posse transire.* Comparat jurisdictionem cum mero imperio. Jurisdictio mandari potest more majorum, quia magistratus eam suo jure habet. l. more majorum ff. de jurisdict. Contra imperium mandari non potest, quia a lege datur. Utrumque pronuntiatum generale est: illud comprehendit omnem jurisdictionem magistratus: hoc omnem merum imperium. Oponitur autem merum imperium jurisdictioni, quia illa competit magistratui jure proprio: hoc eidem competit, quia a lege datur: & ideo illa mandari potest: hoc non potest.

Verissimum enim est, neminem imperium habere potuisse nisi a populo; aut a Senatu. Cic. in 2. *Attic.* contra Rullum: *Hic autem Tribunus plebis, quia videbat, potestatem neminem injussu populi, aut plebis posse habere.* Et paulo post: *Vidit & perspexit, sine curiata lege decemviros habere potestatem non posse.* Et infra: *Tum ii decemviri, inquit, (Rullus) eodem jure sint, quo qui optima lege. Si hoc fieri potest, ut in hac Civitate, quæ longe libertate ceteris antecellit, quisquam nullis comitis imperium, aut potestatem consequi possit; quid attinet*

net tertio capite legem curiatam ferri jubere, quoniam quarto permittas, ut sine lege curiata idem juris habeant, quod haberent, si optima lege a populo fuissent creati? Reges constituuntur, non decemviri, Quirites, tique ab his initiis fundamenti quæ nascuntur, ut non modo, cum gerere cuperint, sed etiam, cum constituuntur, omne vestrum jus, potestas, libertasque tollatur. Et deinde: Primum permittitur infinita potestas innumerabilis pecunie conficienda de vestris vestigalibus non fruendis, sed alienandis: deinde orbis terrarum, gentiumque omnium datur cognitio sine consilio, pæna sine provocatione, animadversio sine auxilio. En quod, si merum imperium cuiquam permittatur sine lege curiata, aut injussu populi, tollitur omne jus, potestas, libertasque Populi Romani. Quid autem sit optima lege creati magistratum, infra explicabo. Fuit. Cum imperio esse dicebatur, cui a populo nominatim mandatum erat imperium. Liv. lib. 26. Omnes centurie Scipioni in Hispania imperium esse jusserunt. Neque quicquam hoc referat ad
7 imperium militare. Erat enim ejusdem modi imperium. Ideo autem proficiscentibus ad bellum necesse erat mandari imperium, quia sine imperio, hoc est, sine potestate animadvertendi res militaris administrari non poterat. Cicer. Philippic. 5. Demus igitur imperium Cæsari, sine quo res militares administrari, teneri exercitus, bellum geri non potest. & Philipp. 11. Aut exercitus adimendus, aut imperium dandum suis. Quæ est enim ratio, aut qui potest fieri, ut sine imperio teneatur? Certe si sine jussu populi nemo habere poterat imperium extra urbem Romam in provinciis apud exercitum, multo minus illud habere poterat aut exercere in urbe Roma, & ubi hoc non exigebat rei militaris necessitas.

Sancitum autem fuit hoc lege Valeria lata anno 304. ab Urbe condita, L. Valerio, & M. Horatio Conf. Liv. lib. 3. Tom. I.

Aliam deinde consularem legem de provocatione, unicum præsidium libertatis, Decemviri potestate eversam, non restitutum modo, sed etiam in posterum manentem; sanciendo nova lege, ne quis ullum magistratum sine provocatione crearet: qui creasset, eum jus fasque esset occidi: neve ea cædes capitalis noxa haberetur. Trea hac de re leges latæ fuerunt, omnes ab eadem familia. Prima exactis Regibus, ut a Consulibus ad populum provocatio esset: neve quis magistratus posset Civem Romanum provocantem verberare, aut necare. Hujus legis meminit Plutarch. in Publicola. Dionys. Halicarnass. lib. 5. Liv. lib. 2. Valer. Max. lib. 4. cap. 1. & Pomponius in l. 2. §. exactis ff. de orig. jur. Altera exactis Decemviris, de qua modo diximus. Tertia lata est anno Urbis 453. M. Valerio Corvo V. Q. Apulejo Pansa Conf. de qua Liv. lib. 10. M. Valerius Conf. de provocatione legem tulit, diligentius sanctam. Tercio ea tum post reges exactos lata est, semper a familia eadem. Causam renovanda sæpius baud aliam fuisse reor, quam quod plus paucorum opes, quam libertas plebis poterant; & deinceps: Valeria lex, cum eum, qui provocasset, virgis cædi, securique necari vetuisset; si quis adversus ea fecisset, nihil ultra, quam improbe factum, adiecit. Id. (qui tum pudor hominum erat) visum credo vinculum satis validum legis: nunc vix servo ita minetur quisquam. His legibus Valerius ademptum omnino merum imperium magistratibus.

De singulis jam videamus Consules, satis constat, non habuisse merum imperium, quum Valerius legibus id ipsis fuisset ademptum, de quibus hæcenus, & in l. 2. §. exactis ff. de orig. jur. Dabatur tamen aliquando ipsis vel a lege, vel a Senatusconsulto. Lege curiata, cum ad bellum proficiscebantur, ut norunt omnes vel leviter eruditi. Senatusconsult. cum in trepidis rebus, & difficillimis Reip. temporibus decernebat
B Se.

Senatus, viderent Coll. ne quid Resp. detrimenti caperet. Salust. in bello Castali-
mar. Itaque, quod in atroci plerumque no-
gatio solet, Senatus decrevit: darent opa-
eam Coll. ne quid Resp. detrimenti capa-
ret. Ea potestas per Senatum more Ro-
mano maxima permittitur, exercitum pa-
rare, bellum gerere, omnibus modis socios,
atque cives coercere: domi, militiaque im-
perium, atque iudicium summum habere.
Miser sine populi jussu nulli eorum re-
um Consuli jus est. Liv. lib. 3. Cæf. lib.
1. commentar. de bello civil. Plutarch. in
Cicerone. Dio lib. 37. Veget. lib. 3. cap.
1. & passim Cicero in Philippiis.

Veniamus ad Dictatorem, qui erat
magistratus extraordinarius: quamobrem,
etsi verum esset, cum potuisse mandare
merum imperium, atque ipsum habuisse
jure Magistratus; tamen non proinde
dici posset, merum imperium sui natu-
ra potuisse mandari: hoc enim solum
evenisset extra ordinem.

Sed illud verissimum est, Dictatorem
non habuisse merum imperium jure pro-
prio, seu jure sui Magistratus: neque
enim semper habebat merum imperium,
sed tunc solum, cum creatus erat sine
provocatione, seu optima lege. Fest.
Pomp. in verbo, optima lex: In Magistro
populi faciendo, qui vulgo Dictator ap-
pellatur, quam plenissimum posset, jus
esse significabatur, ut fuit Manii Valerii,
M. Fabii Volusina gentis, qui primus
Magister a populo creatus est. Postquam
vero provocatio ab eo magistratu ad po-
pulum data est, que antea non erat, de-
stitutum est dici, ut optima lege: utpote
imminuto jure priorum magistratuum. A-
pud Livium, lib. 8. Cum L. Papirius Di-
clator Q. Fabium Magistrum equitum ob
spretum Dictatoris imperium probandi jus-
sisset, pater Q. Fabii ad populum provo-
cavit. Tribunos, inquit, plebis appello,
& provocho ad populum: cumque tibi fu-
genti exercitus tui, fugienti senatus ju-
dicium, judicem fero, qui certe unus plus,

quam tua dictatura, potest, polletque.
Videro, cessurusne provocationi sis, cui Rex
Romanus Tullius Hostilius cessit. Ex cu-
ria in concionem itur. Cessit igitur pro-
vocationi Dictator: non tamen populus
ausus est abolere Q. Fabium, sed pre-
cisus extorsit, & ab ira Dictatoris eripuit.

Sed &, cum Dictator sine provoca-
tione creabatur, tamen imperium habebat
vel a Senatu, vel a populo. Non
creabatur a populo Dictator, sed jussu
Senatus ab altero Conf. dicebatur noctu,
& auspicio. Præcedebat igitur jussus,
ac decretum Senatus, qui Consuli man-
dabat, ut aliquem ex consularibus Di-
ctatorem diceret; ique, quem dixisset,
ut optima lege Magister populi esset.
Quibus verbis Senatus mandabat impe-
rium ei, qui a Consule Dictator suis-
set dictus. Neque enim a Consule au-
thoritatem, potestatemque accipere po-
terat, cum major esset Dictatoris,
quam Consulis potestas. Itaque verbis
illis, ut optima lege tribuebatur summa
potestas. Sic M. Tull. Philipp. 5. illis
verbis tribuit imperium Cæleri: Demum
igitur imperium Cæsari, sine quo res mi-
litaris administrari, teneri exercitus, bel-
lum geri non potest. Sic pro Prætere eo
jure, quo qui optimo. Et Philipp. 11.
Senatui placere. C. Cassium Proconf. pro-
vinciam Syriam obtinere, ut qui eam opti-
mo jure provinciam obtinuerit. Sunt ver-
ba Senatusconsulti, quo Cassio datur im-
perium. Ideo autem a Senatu, non a
populo, Dictatori dabatur imperium,
quia, cum urgente ultima necessitate,
aut in salutis desperatione solerent ad
supremum Dictatoris auxilium confuge-
re, plerumque tempus, & occasio præ-
ceps non permittebat, ut possent haberi
comitia. Qua de causa factum est,
ut nec a populo crearetur. Sicut igitur
Senatus turbidis Reip. temporibus dabat
imperium Consulibus illis verbis: vi-
derent Consules, &c. sic aliquando Di-
clatorem sic jubebat, eique dabat im-
pe-

perium illis verbis: *ut optima lege*. Videndus M. Tullius in 2. *Agrar. loco paulo ante laudato*. Sed a lege curiata datum fuisse Dictatori imperium, accepimus a Livio lib. 9. C. *Julium Bublicum Magistrum equitum dixit* : (*Papirius*) atque ei legem curiatam de imperio ferenti triste onem diem diffidit. *Postero die repetitis auspiciis pertulit legem*.
 16 *Everſa Rep. merum imperium habebat Romæ Præfectus Urbi*. Sed hoc ei datum fuit epistola D. Severi l. 1. §. *ini-*
 17 *ratio ff. de off. Præf. Urbi. l. aut damnum*. 8. §. *præfecto ff. de pen.* Habebat Præfectus Prætorio, sed specialiter ab Imperatore, qui eum gladio cingebat, ut probavimus in superioribus.

Proconſules, Præſides provinciarum, Prætores, quibus provincie assignabantur, ſtante Rep. imperium obtinebant
 18 *lege curiata*. Poſt everſam Remp. ab Imperatore, ut ſupra diximus ex Dio-
 19 *gene*, lib. 55. idem habebant legati Cæſaris, qui ad univerſas provincias regendas a Cæſare mittebantur. Dio d. lib. 55. De quibus intelligendus text. in l. *exci- piuntur* 14. ff. de *ſc. Silanian.* Idem etiam habebant legati Conſulares, per quos a Principibus bella adminiſtrabantur, quorum perſona honoratiſſima erat, & ſacerrima. Dionys. Halic. lib. 2. Dio lib. 52. Et ad hos referendus text. in l. *militis* 12. ff. de *cuſtod. & exhib. reor.*

Quatuor quoque Præfectos Prætorio, 21 quos Conſtantine primus creavit, eorumque ſui valde imminuit, ut reſert Zoſimus lib. 2. merum imperium habuiſſe, non eſt dubitandum; ſicut olim habebat Præfectus Prætorio, cum unicuſque erat: non tamen eum mandare po- tuiſſe merum imperium, uſquam legimus: neque conſicere poſſumus ex numero 49. provinciarum, quibus præerat: tum quia hæ provincie ſuos Præſides, ac Proconſules habebant, quibus præerat Præfectus, & a quibus ad ipſum provocabatur; l. *præcipuus* 32. C. de *ap-*

pel. l. 3. & 4. C. de off. Præf. Præf. Orient. tum quia habebat Vicarios, qui non minus juris habebant, quam Præſides; l. 2. C. de *offic. ejus, qui vic. alie. jud. obtin.* tum denique, quia poterant cuſtodiarum cognitio- nem aliis mandare l. *ſolent ff. de off. Proconſ.*

CAPUT IV.

AD L. I. ET L. ULT. FF.

De off. ejus, cui mand. eſt juridi.

SUMMARY.

- I. Jurisdictionis definitio.
- II. Mixti imperii definitio, & unde dicatur?
- III. Jurisdictio & mixtum imperium ſeparatim non poſſunt.
- IV. Quæſtio proponitur.
- V. Jurisdictio & mixtum imperium ſepe in ju- re confunduntur.
- VI. Diſcretio jurisdictio a mixto imperio, ſed remanet ab eo ſeungi non poſſe.
- VII. Probatur hæ ſententia.
- VIII. Proponuntur argumenta contraria.
- IX. Magiſtratus municipaliſ auctoritas quanta?
- X. Explicatur, quam late patet mixtum imperium, & qua coercitio ad ipſum perſonatur?
- XI. Ratio, cur majores, non minores magiſtratus imperium habere, & eam imperio eſſe dicuntur.
- XII. Qui magiſtratus imperium habere dicuntur?
- XIII. Tribuni plebis ſine imperio eſſe dicebantur: & qua de cauſa? n. 17.
- XIV. Diſcrimen inter majores & minores magiſtratus, & inter majores, & minores auſpicia.
- XV. Ratione majoris imperii non dicebatur major magiſtratus.
- Conſul habebat majus imperium, quam Prætor.
- XVI. Magiſtratus, qui non habebant juri voca- tionis & preſcriptionis, eam imperio eſſe non dicebantur.
- XVII. Quomodo nomen imperii ſit accipiendum? Tribuni plebis habebant mixtum imperium.
- XVIII. *Ædiles*, minores magiſtratus, & in juri vocari poterant.
- XIX. *Ædiles pignora capere*, & nullam dicere poteraut.
- XX. *Ædilium potestas*.
- XXI. Quæſtores habebant mixtum imperium: minimum eorum officium.
- XXII. Præfectus vigilum, & Præfectus annonæ habebant mixtum imperium.
- XXIII. Non in omnibus municipiis & coloniis idem magiſtratus.
- XXIV. Magiſtratus municipales qui?

XXX. Magistratus municipales mixtum imperium habebant.

XXXI. Potestas nomen indicat imperium.

XXXII. Potestas magistratus esse imperio.

XXXIII. Adiles municipales in carcerem conjicere, & atrociter poterant verberare. & n. 30.

XXXIX. Flagella, atrox coercitio.

XXX. Coercitio servorum.

XXXI. Potestas pignorum capiti coercere.

XXXII. Magistratus municipales videntur habuisse multae dictionem, & quomodo?

XXXIII. Magistratus urbani multae dictionem habebant more majorem.

XXXIV. Eam habebant ab initio Reip.

XXXV. Decuriones, susceperunt, curatores calendarum, curatores annone non erant magistratus.

XXXVI. Nomen magistratus saepe numero indicatur magistratus municipales.

XXXVII. Magistratus urbani more jurisdictionem habebant: provinciales lege & constitutionibus.

XXXVIII. Adiles municipales mensuras frangere poterant.

XXXIX. Defensores civitatum, & iuridici Alexandriae.

XL. Habebant modicum coercionem.

XLI. Imperii nomen non semper significat mixtum imperium. Quae dicuntur esse magis imperii, quem jurisdictionis.

XLII. Quantum differat multa a penali iudicio, & quid utrumque sit?

- 1 Jurisdictio est jus cognoscendi, statuendique in causis civilibus, quod jure magistratus competis: vel est notio, quae
2 competis jure magistratus. Mixtum autem imperium est potestas modice coercendi, coherens jurisdictioni, ad eam tuendam, atque explicandam comparata. Cohæret jurisdictioni mixtum imperium. l. 1. in fin. ff. de off. ejus, cui mand. est jurisd. Inest jurisdictioni imperium. l. 3. ff. de jurisd. Et ideo mixtum appellatur, quia cohæret, & miscetur jurisdictioni. Ita autem hæc duo inter se apta, & connexa sunt, ut separari non possint. Frustra enim magistratus causam cognosceret, statueret, decerneret,
3 juberet, si non posset exequi sententiam, & coercere reluctantes, ac jurisdictioni suæ parere detrectantes. Itaque verissime Paulus in l. ult. §. ult. ff. de offic. ejus ait, sine modica coercionem nullam es-

se jurisdictionem. Etenim sine modica coercionem expediri, atque explicari non potest jurisdictioni. Quocirca inter doctissimos homines est magna dissensio, an sit ulla jurisdictioni simplex, omnino se-juncta, ac separata a mixto imperio.

Enimvero distinguitur a jurisdictione mixtum imperium. Et, licet in jure nostro propter inseparabilem conjunctionem, & quasi quandam individuum societatem, & nominum communicationem, alterum pro altero accipiat, ut in l. es. pretor 3. ff. de off. ejus l. 4. ff. de jurisd. juncta l. 1. ff. de damn. infect. & l. cum pretor §. bi qui ff. de judic. juncta l. 3. in fin. ff. de jurisd. & in ead. l. 3. juncto §. sed eas Inst. tit. de bonor. possess. l. 1. ea, quæ ff. ad municip. juncta l. ult. C. ubi & apud quem res sit, tamen omni- no diversa est a mixto imperio jurisdi- ctio. Et quamvis Magistratus habeat utrumque, tamen aliquando exercet jurisdictionem, aliquando mixtum imperium: & quædam facit vi jurisdictionis suæ, in quibus non exercet imperium; veluti cum causam cognoscit, decernit, sententiam dicit: quædam facit vi imperii, ad quæ faciendam non sufficit jurisdictioni: ut cum coercet contumaces.

Quamobrem si omnes sponte parent jurisdictioni magistratum, non esset opus imperio. Sed cum sæpe numero soleat evenire, ut multi parere detrectent, idcirco ne ludibrio sit & contemptui dignitas magistratum, legum auctoritas, & ipsa jurisdictioni, necesse fuit ipsi adjungere mixtum imperium, seu modicum coercionem, quæ quilibet magistratus tueri posset jurisdictionem suam. Quare non potest mixtum imperium a jurisdictione seungi.

Ac miror, plerosque hæc de re dubitare. Cui data est jurisdictioni, concessa videntur ea omnia, sine quibus jurisdictioni explicari non potest. l. 2. ff. de jurisd. Atqui sine modica coercionem non

potest explicari jurisdictio. *l. ult. §. ult. ff. de offic. ejus.* Præterea is, cui mandata est jurisdictio, habet mixtum imperium: *l. 1. in fin. & l. ult. in fin. ff. eod.* ergo ipsum multo magis habet magistratus. Nam plus juris habet magistratus, quam is, cui mandata est jurisdictio: hic enim jurisdictionem habet alieno beneficio, & alieno nomine eam exercet, & usum potius, & exercitium jurisdictionis habet, quam ipsam jurisdictionem: ille vero eam habet jure proprio, & quodammodo, ut ita dicam, habet ipsum dominium jurisdictionis. *l. 3. l. solet. 16. ff. de jurisd.* Quod & sic etiam concludi potest: Is, cui mandata est jurisdictio, vel habet mixtum imperium a se ipso, vel a mandante. Non a se ipso, quia nihil proprium habet: *l. 1. §. 1. l. etsi prætor 3. ff. de offic. ejus. l. solet. 16. ff. de jurisd.* ergo a mandante. Non potest autem habere a mandante, nisi ipse mandans illud habuerit. *l. nemo plus juris. ff. de reg. jur.* Item, ideo transfertur mixtum imperium mandata jurisdictione, quia sine eo inutilis esset, ac nulla jurisdictio. *d. l. ult.* ergo multo magis eadem ratione mixtum imperium habere debet magistratus. Animadvertendum enim est, quod in *d. l. ult.* agitur de jurisdictione, mandata privato, cui multo minus necessaria est coercitio, quam magistratui; qui personam Reip. sustinet, & tueri debet dignitatem suam. Præterquam quod mandata jurisdictio nem tueri posset ipse mandans, cujus nomine exercetur: jurisdictionem magistratus tueri potest tantummodo ipse magistratus, cum eam non alieno beneficio habeat, sed jure proprio, eamque suo nomine exerceat. Denique id adeo perspicue tradium est in *l. ult. §. ult. in fin. ff. de offic. ejus;* & in *c. pastoralis vis de offic. & potest. judic. deleg.* ut id in controversiam vocare nequeamus, nisi velimus tenebras offundere perspicuæ veritati.

Duo sunt, quæ interpretibus nostris imposuerunt: Primum, quod in *l. 2. ff. de in jus vocand.* majores Magistratus, Consul, & Prætor imperium habere dicuntur. Contra vero minores Magistratus sine imperio esse, ait Ulpianus in *l. nec Magistratibus 32. ff. de injur.* Ac propterea existimant, majores magistratus a minoribus differre, quod illi soli haberent mixtum imperium.

Alterum, quod in *l. ea que ff. ad municipal.* traditum est, a magistratibus municipalibus fieri non posse ea, quæ magis imperii sunt, quam jurisdictionis. Non habebant igitur mixtum imperium. Itaque nec poenali judicio jurisdictionem suam defendere poterant *l. 1. in princ. ff. Si quis jus dicenti non obtemper.* Non possunt multam dicere. *l. aliud fraus. 131. ff. de V. S.* Non possunt in carcerem duci jubere. *l. nec magistratibus 32. in fin. ff. de injur.* juncta *l. 2. ff. de in jus voc.*

Ut ex his laqueis nos exuamus, atque explicemus, animadvertere oportet, mixti imperii plures esse partes, nec omnibus magistratibus omnes partes tribui. Modica coercitio, quæ ad mixtum imperium pertinet, aliquando latius patet, aliquando contrahitur angustius. Cum latissime patet, hæc fere comprehendit: pignora capere, multam dicere, corpus retinere, & vinculis coercere, & modice verberare. M. Tullius 3. de legib. *Magistratus nec obediens & naxium civem multa, vinculis, verberibusque corrento.* Labeo in *l. sacrilegi 9. in fin.* alias *l. cum eo 10. ff. ad leg. Jul. pecul. l. 1.* qui hoc imperio utitur, exigeret id est, pignus capiendū, corpus retinendū. *l. 2. ff. de in jus voc. l. aliud fraus. 131. in fin. ff. de V. S.* Non omnes autem magistratus habebant plenissimam hanc coercendi potestatem: sed soli magistratus majores, qui, ut plenam, & excellentem habebant jurisdictionem; ita plenam, & excellentem habebant imperium.

11 **Minores Magistratus habebant & ipsi mixtum imperium, & aliquam coercionem ad tuendam jurisdictionem suam: sed, sicut non habebant plenam, & excellentem jurisdictionem, ita non habebant plenum, & excellens imperium. Idcirco hi sine imperio esse dicebantur: quia cum illis comparati propemodum non videbantur imperium habere. Illi contra imperium habere dicebantur, cum imperio esse, imperio uti, pro imperio suo aliquid agere. d. l. 2. ff. de in jus voc. l. 3. ff. de off. ejus l. 2. §. imperio ff. de adoption. l. cum Prætor. §. 1. ff. de judic. l. juris gentium 7. §. si paciscar ff. de pact. l. quod iussit l. 4. ff. de re judic.**

Sed hæc æx annalibus, & ultima antiquitate sunt eruenda, & argumentis nihil dubii relinquentibus confirmanda. Varro omnium, quotquot umquam fuerunt, antiquitatis longe peritissimus, apud Gell. lib. 13. cap. 12. tollit omnem controversiam his verbis: *In Magistratu habent alii vocationem; alii prehensionem, alii neutrum. Vocationem, ut Coss. & ceteri, qui habent imperium. Prehensionem, ut Tribuni plebis, & alii qui habent viatorem. Neque vocationem, neque prehensionem, ut Quaestores, & ceteri, qui neque lictorem habent, neque viatorem. Qui vocationem habent, iidem & prehendere, & tenere, & abducere possunt.* Constat igitur, quod illi soli magistratus imperium habere dicebantur, qui habebant vocationem; hoc est, qui & vocare, & prehendere, & tenere, & abducere poterant. Hæc enim erat maxima exercitio omnium, quæ ad mixtum imperium pertinebant. Hinc, in l. 2. de in jus vocand. recte dixit Ulpianus: *& ceteros magistratus, qui imperium habent, qui & coercere aliquem possunt, & jubere in carcerem duci.* Imperium igitur habere dicuntur illi, qui possunt non solum coercere, sed etiam in carcerem duci jubere. Neque hoc satis erat Romanæ Reip. tempore. Nam

Tribuni plebis, licet prehendere, & in carcerem conjicere possent, tamen sine imperio esse dicebantur, quia vocationem non habebant. Quare Antistius Labeo, a Tribuno pleb. per viatorem vocatus, non paruit: responditque, Tribunos non habere jus, neque se, neque alium quemquam in causa vocandi, cum moribus majorum Tribuni plebis prehensionem haberent, vocationem non haberent. Possent igitur eos venire, & prehendi se jubere, sed vocandi absentem jus non habere. Ulpianus tamen in laudata leg. 2. vocationis mentionem non facit, sed solum prehensionis, quia fortasse eo tempore sublatum erat discrimen inter vocationem, & prehensionem, cum tribunitiam potestatem usurpassent Imperatores. Certe Tacitus lib. 13. *Annal.* inter signa manentis adhuc imaginis Reip. refert a Senatu prohibitos Tribunos jus Prætorum, & Consulum præripere, aut vocare ex Italia, cum quibus lege agi posset.

Neque olim majores Magistratus a minoribus differabant ratione imperii, sed ratione auspiciorum. Gell. lib. 13. cap. 15. ex Messalla augure: *Patriciorum auspicia in duas sunt potestates divisa. Maxima sunt Consulum, Prætorum, Censorum, &c. Reliquorum Magistratum minora sunt auspicia. Ideo illi minores, hi majores magistratus appellantur.* Majora autem ac minora auspicia dicebantur a majori, & minori templo. Templum dicebatur, teste Varrone, locus, in terris augurii, vel auspicii causa, quibusdam conceptis verbis finitus. Constat igitur, inter majores, & minores magistratus hoc fuisse discrimen, quod illi majoribus, hi minoribus auspiciis creabantur.

Enimvero non nego, majores Magistratus majus imperium habuisse: sed hoc eos in diversa classe non constituebat. Nam Prætor erat major magistratus, sicut Consul, & tamen minus im-

perium habebat. Gell. loco laudato: *Quia imperium minus Prætor, majus habet Consul.* Justinianus noster in *novell. de Prætor. Pifidia* ait, Prætores paulo minores esse Consulibus. Itaque Consules habebant duodecim lictores: Prætores vero tantummodo sex.

Ad rem redeamus. In jus vocari non poterant majores Magistratus, quia ipsi prehensionem habebant: & qui prehensionem habebat, in jus vocari non poterat. Minores autem Magistratus in jus vocari poterant, quia jus vocationis, & prehensionis non habebant. Iterum Gell. *lib. 13. cap. 13.* ex libris M. Varronis: *Qui potestatem neque vocationis populi viritum habeant, neque prehensionis, eos Magistratus a privato in jus quoque vocari est potestas.* M. Lævinus, *Ædilis curulis, a privato ad Prætores in jus est aditus.* Ex quibus apparet, tam in *lib. 2. ff. de in jus voc.* quam in *l. nec magistratibus 31. ff. de injur.* nomen imperii referendum esse ad hoc jus vocationis, & prehensionis, non vero ad mixtum imperium, & modicam coercionem.

Atque ut hoc uberius, & lævulentiùs ostendamus, probandum est, minores Magistratus habuisse mixtum imperium, & modicam aliquam coercionem, licet sine imperio esse dicerentur. Ordiamur a Tribunis plebis. Tribunos plebis sine imperio fuisse, tradit Appianus *17* *Cof. apud Livium*: & inter Magistratus, qui imperium non habent, recensentur a Gell. *d. lib. 13. cap. 12.* & fuisse minores Magistratus, nemo dubitat, adeo ut quidam dubitaverint, an magistratus essent. Sed Cicero, harum rerum peritissimus, Magistratus appellat. Et tamen hos habuisse mixtum imperium, & potuisse coercere contumaces, certissimum est. Nam & multam dicebant. Liv. *lib. 2.* multa temperavit Tribunis, cum capitis acquisissent: duo millia æris damnato multam adiecerunt.

Et *lib. 35.* refert a Rutilio Tribuno pleb. C. Claudium Pulcrum, & Tiberium Sempronium Græchum Censores multatos fuisse. Tacit. *lib. 13. Annal.* *Aldidius L. Piso, designatus Cof. ne quid intra domum pro potestate animadvertent: neve multam ab iis distam Quæstores ararii in publicas tabulas ante quatuor menses referrent: medio temporis contradicere liceret, deque eo Consules statuerent.* Et in carcerem duci jubebant, adeo ut nonnullos ex Consulibus in carcerem conjecerint, ut testatur Appian. *lib. 4. bell. civil.* Et sane C. Curiatius, Tribunus pleb. Publ. Scipionem Cof. in vincula conjecit, teste M. Tullio *lib. 3. de legib.* Metellus Cof. a L. Flacco, Trib. plebis, in vincula conjectus, teste Dione *lib. 37.* Præterea P. Sempronius Appium Claudium Censorem, Trebonius Catorem duci jussit. Igitur sine imperio esse dicebantur, non quia nullum haberent imperium; sed quia deerat ipsis aliquid ad summum imperium, nempe jus vocationis.

Veniamus ad Ædiles. Erant hi minores magistratus, & quidem paulo amplius, quam privati, ut de se ipso fatetur Cicero *action. 2. in Vert.* Ædiles potuisse in jus vocari auctoritate Varronis, & exemplo M. Lævini, Ædilis *3* curulis, confirmat Gellius loco laudato. Itaque Ædiles recensendi sunt in numero eorum, qui sine imperio, & potestate esse dicuntur in *l. nec magistratibus 32. ff. de injur.* Et tamen Ædiles habebant mixtum imperium, & modicam coercionem.

Primum enim poterant pignora capere, & multam dicere. Tacit. *lib. 13. Annal.* *Cobibita arctius Ædilium potestas, statumque, quantum curules, quantum plebei pignoris caperent.* De multa Papinianus in *l. 1. §. 1. ff. de via public.* *Or si quid in ea: Si autem non emundaverint, neque construxerint, multent eos.* Quo pertinet illud Taciti *l. 3. Ann.*

3. *Annal. Fraude mancipum, & incuria magistratuum plurima per Italiam itinera interrupta.* Imo non solum *Ædiles*, sed etiam *Curatores viarum* multare poterant, iisque in dena millia multa per mittebatur *Senatusconsulto*, quod extat apud *Frontinum lib. 2. de aquaduct. Liv. lib. 10. refert, Cn. & Q. Ogulnios, Ædiles curules*, multatis bonis sceneratorum, ænea in *Capitolio limina*, & trium mensurarum argentea vasa posuisse in cella *Jovis*. Et ab *Ædilibus plebeis, L. Pato, & C. Fulvio Curvo ex multastacia pecunia, quam egerunt pecuariis damnatis, ludi sacri, & aurea ad Caesaris posita.* Et rursus: *Damnati ab Ædilibus, quia plus, quam quod lege finitum erat, agri possiderent.* Id. lib. 48. refert, *frumentarios pecunia ab Ædilibus damnatos ob annonam compressam. Gell. lib. 10. cap. 6. Appi Cæci filia, quod locuta esset petulantius, Ædiles plebis multam dixerunt æris gravis xxv. millia.*

Sed & aliis modis coercabant noxios cives. Nam & iniquas mensuras frangebant. *l. item quaritur 13. §. si quis 10 mensuras ff. locat.* Et concidere poterant, si quid in via publica positum esset impedimento. *l. lectus 12. ff. de peric. & comm. rei vend.* Et merces improbas jacebant. *Elegantur Plaut. in Rudente.*

Ita solet Neptunus: quavis fastidiosus Ædilis est.

Si quæ improbe sunt merces, jactat omnes,

Sed & gravius aliquando coercabant. *Liv. lib. 35. Ædiles plebis aliquos matronas accusarunt, quasdam ex eis damnatas in exilium egerunt.* Probabile tamen est, hoc non propria auctoritate effecisse.

Superiunt *Quæsttores*, qui erant infimus *Romæ Magistratus*, & primus ad honores ascensus. *l. 1. ff. de offic. Quæstor.* Hos etiam modicam coercionem habuisse, non est ambigendum. Neque enim potuissent exigere vestigalia, & publicam pecuniam, si non habuissent

ius coercendi contumaces, argumento text. in *l. sacrilegi 9. in fin. ff. ad leg. Jul. peculat. in l. vestigalia 10. in fin. ff. de publican. Tac. lib. 13. Annal. Helvidius Priscus, Tribunus pleb. adversus Obultronium Sabinum, æarii Quæstorem, contentiones proprias exercuit, tamquam jus haste adversus inopes inclementer ageret. Capiebant igitur Quæsttores pignora a pauperibus, qui non solvebant, & sub hasta vendebant. De Balbo Quæstore multa infanda narrat Cleeroni Asinius Pollio inter ejus Epistolas 32. lib. 10. Sed hic non erat Quæstor urbanus, & potestate magistratus abutebatur. Plane cum Augustus æarii militaris curam tribuit Prætoris, (quos Tacitus Prætores æarii vocat, Quæstoribus subrogatos) duos eis lictores dedit, & alios ministros. Testatur tamen Dio lib. 55. sua ætate ab Imperatore legi solitos, nec lictores habere. In locum Quæstorum successerunt Præfecti æario: Gell. lib. 13. cap. 23. in fin. Tacit. lib. 13. Annal. quorum officium maximum erat. Plin. Panegy. ad Trajan. Nondum biennium complevimus in officio laboriosissimo, & maximo, cum tu nobis consulatum obtulisti, & epist. 10. lib. 1. Distingor officio, ut maximo, sic molestissimo: sed eo pro tribunali, subnoto libellos &c. agere negotium publicum, cognoscere, judicare, promovere, & exercere justitiam. Tacit. lib. 13. Annal. Tunc Claudius Quæsttores rursus imposuit, iisque, ne metu offensionum segnius consulere, extra ordinem honores permisi. Sed deerat robur ætatis cum primum magistratum capeissentibus. Igitur Nero Pratura persuscos, & experientia probatos delegis. Vides hoc maximum officium fuisse, & omni ratione quæsitam huic magistratui auctoritatem. Quapropter inepte quis dubitaverit, hunc magistratum habuisse mixtum imperium, præsertim quia gravissimas controversias, eosque judicabat. *l. editio l. Senatus. l. Arrianus ff. de jure fisci l. cum quidam ff. de**

ff. de his, quæ ut indigni. l. 4. §. si bona ff. de fideic. libert. l. cum bi 8. §. transactioes ff. de transactio.

De Magistratibus quoque extraordinariis dubitandum non est: ut de Præfecto vigilum constat ex *l. 3. ff. de off. Præf. vigil. ex l. cum servus 15. ff. de condict. caus. dat. De Præfecto annonæ ex l. mulierem 15. ff. de accusat. & ex iis, quæ supra diximus de Ædilibus.*

Hactenus de Magistratibus urbanis. Superfunt Magistratus municipales, qui secundo loco opponuntur, quasi mixtum 23 imperium non haberent. Ego tamen contrarium verius puto, quod ut evidenter demonstrarem, præmittendum est, non in omnibus municipiis, & coloniis eisdem fuisse magistratus, sed alibi alios.

Ubique sere locorum magistratum gerebant Duumviri, qui ad similitudinem Consulium constituebantur. Quamobrem horum sæpius mentio fit in jure nostro, ut in *l. fin. C. de judic. in l. 1. ff. de alb. scrib. l. heredes 7. §. is qui ff. de de ret. ab ord. fac. l. 1. §. ult. ff. de mag. conv. l. 3. §. ult. ff. de pecul. l. item co- 24 rum §. 1. ff. quod cuiusque universitatis l. 1. ff. si quis jus dic. non obtemper. l. injuriarum §. idem Labeo ff. de injur. l. ult. ff. ad municip. l. in honorariis §. ult. ff. de action. & oblig. & passim. Alicubi tamen erant Quatuorviri, ad quos Alexander Imperator mittit rescriptum in *l. unic. C. de solut. & liberat. debitor. civit. lib. 11. Cicer. Epist. 32. lib. 10. Quatuorviratum sibi prorogavit.**

Plures alios magistratus nominat Spartian. in Hadriano: In Etruria Prætorum Imperator egit. Per Latina oppida Dictator, & Ædilis, & Duumvir fuit. Apud Neapolim Demarchus: in patria sua Quinquennalis: & item Adria Quinquennalis, quasi in alia patria: & Athenis Archon fuit.

Alexandriæ loco Duumvirorum erat Juridicus, de quo in *tit. C. de offic. Jurid. Alexan. & alibi passim.*

Tom. I.

In plerisque tamen municipiis magistratum gerebant aut Duumviri, aut Ædiles. Cic. lib. 13. epist. 11. *Constituendi municipii causa hoc anno Ædilem filium meum fieri volui, &c. Is enim magistratus in nostro municipio, nec alius ullus creari solet.* Et Ædiliū læpe mentio apud veteres. Tulsuli tamen Consul creabatur. Sidicini, & Ferenti Quæstor.

Sed hi Magistratus non tam potestate, quam nomine inter se discrepabant. Etsi enim non omnium una eademque esset potestas, & auctoritas; tamen cum omnes suæ civitati præessent, & ad eos summa rerum rediret; sine imperio, & coercendi potestate esse non poterant. Itaque imperii habebant insignia. Apul. 15 lib. 1. *Milesiar. Nam & lixas, & virgas, & habitum prætoris Magistratus convenientem in te video. Annoniam curamus, ait, & Ædiles gerimus.* Cic. in orat. in Rulm: *Nam primum, cum ceteris in coloniis Duumviri appellantur; hi se Prætores appellari volebant.* Deinde anteibat lixores non cum bacillis, sed ut hic Prætoribus anteunt, cum fascibus duobus. Irridet Campanam superbiam. Hoc tamen postea Duumviris concessum. Petronius de Sexviro Augustali: *Et quod præcipue miratus sum, in postibus triclinii fasces erant cum securibus fixi.* Theodosius in *l. duumvirum C. de decur. Duumvirum impune non liceat extollere potestatem fascium extra metas territorii propria civitatis.* Quorsum lixæ ac lixtores, si non habet vocationem aut prehensionem? Certe Magistratus, qui neque vocationem, neque prehensionem habebant, nec lixorem, nec viatorem habebant. Quorsum fasces, si non potest castigare, & verberare? Quorsum prohibetur extollere extra metas territorii, si non sunt insignia imperii? Et animadvertendum est, Imperatorem non nominare fasces; sed potestatem fascium. Potestatis nomen 26 indicat imperium. *l. 1. ff. si quis jus dic. non obtemper. l. 2. & 3. ff. ut vis fieri ei*

C

l. 3.

l. 3. ff. de jurisd. l. nemo potest ff. de reg. jur. Recte igitur Juvenalis hos Magistratus appellavit *Potestates*.

- 27 *An Fidenarum, Gabiorumque esse Potestas*. Potestates autem sunt magistratus, qui habent Imperium. *l. fideiussor. 26. in princ. ff. de pignor. l. quid sit fideiussor §. pen. ff. de edil. edict. Cic. 3. de legib. Si pater, majorve potestas, populusve prohibescit*. Alcon. Pedian. in 4. in *Verr. Romæ appellati Tribuni possum contra omnem potestatem*. Sueton. in *Cæsar*. Quod compellari apud se majorem potestatem passus esset. Et in *Claudius Jurisdictionem de fideicommissis in perpetuum, atque etiam per provincias Potestatis delegavit*. Et sane ita se res habebat: nam hi magistratus habebant potestatem in vincula conjiciendi, & verberandi. Velhej. *Paterc. lib. 2. xix. Marius injecto in collum loro, in carcerem Minturnensem jussu Duumviri perditus*. 28 *est*. In *Act. Apostol. cap. 16*. traditum est *D. Paulum, & Silam a Magistratibus Philippensium in vincula conjectos, & virgis caesos fuisse*. Callistratus in *l. eos 12. ff. de Decurion*. Sed ne quidem arceantur venditibus, qui ab *Ædilibus flagellis icti sunt*: quanquam jure suo ita *Ædiles officio isto fungantur*: inbonum tamen puto esse, hujusmodi penas flagellatorum ictibus subjectas in ordinem recipi. Erat enim atrox coercitio flagellorum verberatio. *l. Sed sicut in fin. ff. de usufr. l. Prætor edixit §. prætorum ff. de injur. l. sed si hoc lege §. pen. ff. de fin. jus vocand.* Si igitur *Ædiles habebant potestatem atrociter verberandi, multo magis poterant modice coticere*: hoc enim jus atrociter verberandi nec legatus quidem Proconsulis habebat. *l. Si quid eris ff. de offic. Procons.*

Illud notius est, Magistratus municipales habuisse potestatem coercendi servos, eosque in vincula conjiciendi. *l. Si quis uxori §. qui fugitivum ff. de furt. & castigandi. l. Magistratibus 12.*

ff. de jurisd. l. item apud Labrum §. 30 unde, 9. ff. de injur.

Poterant & pignora capere. *l. quemadmodum 29. §. Magistratus ff. ad leg. Aquil.* Et captis pignoribus tutores coercerant, & ad satisfaciendum compellebant. *l. 3. §. 1. ff. de reb. eor. §. quibus Instit. sit. de satisd. tutor.*

Da multa major esse potest contra-versa. Sed non absurde tenari potest, etiam multam dicere potuisse; ex *l. aliud frans 151. in fin. ff. de l. s. ibi: Multam dicere potest is, cui judicatio data est*. Magistratus solos, & præfides provinciarum posse multam dicere mandatis permissum est. Tria hic genera personarum continentur. Primum illi, quibus judicatio data est. Hi sunt Magistratus urbani, *l. 2. §. ult. ff. de judic.* qui eam non habebant potestatem permissa Principis, sed Consules eam habuerunt ab initio; alii vero Magistratus a lege, lata a *Coff. A. Aterio & Sp. Tarpeio*, ut refert *Dionys. Halicarn. lib. 10*. Secundo loco nominantur Magistratus: tertio Præfides. Qui sunt isti Magistratus? nempe Magistratus municipales, quibus mandatis Principum specialiter multæ dictio permissa fuit. Quidam interpretantur id de Magistratibus urbanis. Huic interpretationi multa repugnant. Primum, quod Magistratus urbani continentur in verbis antecedentibus, ut diximus. Præterea, quia opponuntur inter se illi, qui habent multæ dictionem ea de causa, quia illis judicatio publice data est, illis, quibus id specialiter permissum est. *l. 2. in fin. ff. de judic.* Ergo in hac lege nomine Magistratum non possunt intelligi Magistratus urbani: nam illi ideo multam dicere possunt, quia ipsis publice judicium est, seu judicatio publica est: hi vero ideo, quia mandatis Principum id permissum est. Denique Magistratus urbani non habebant multæ dictionem, ex mandatis Principum, sed more ma-

jo-

34]orum, teste *Gell. lib. 1. cap. 1.* Eam enim habebant etiam ante Imperatores: multæ enim mentio fit etiam in legibus *Valerii Publicolæ*, primi *Consulæ*. Vide *Plutarch.* in ejus vita: & tantum abest, ut ipsis data fuerit ab Imperatoribus, quin potius ab ipsis cohibita fuit, & certus modus constitutus, quem prætergredi non poterant: ut de *Ædilibus* tam curulibus, quam plebis supra probavimus auctoritate *Cornelii Taciti*.

Contra, quod nomen magistratus in lege nostra referendum sit ad Magistratus municipales, hæc suadere videntur. Primum, quod ait, *Magistratus solos*. Frustra apposta esset adjectio illa *solos*, si referretur ad urbanos: cum enim dixerit, eos habere multæ dictionem, quibus judicatio data est, utique hi sunt

35] soli magistratus. Cum igitur post urbanos progredi vellet ad provinciales, statuit solos Magistratus, & Præfides posse multam dicere, ut excluderet Decuriones, Sufceptores, Curatores calendarii, Curatores annonæ, Syndicos, & alia officia municipalia, quæ non erant magistratus, & ideo multam dicere non poterant. Præterea magistratus nomine sæpenumero Magistratus municipales intelliguntur in jure nostro. Erat in *Pandectis* titulus de Magistratibus conveniendis. Sunt autem hi Magistratus municipales: nam Prætor, & Præfectus ea de causâ conveniri non poterant. l. 1. §. neque prætor ff. de Magistr. conven. Præsertim quoties agitur de rescripto, ac mandato Principis, quia Magistratibus provincialibus rescribere solebant: l. ult. ff. de tutor. & curat. dat.

36] aut quoties nomen Magistratus conjungitur cum nomine Præsidis, ac conjunguntur duo diversi generis. l. 1. §. Si Præses ff. de Magistr. conven. l. tutores ff. de confirm. tutor. Denique jurisdictionem, ac potestatem, quam Magistratus urbani more obtinebant, Magistratus provinciales habebant a lege & constitutio-

nibus. l. cum Prætor. §. 1. ff. de judic. l. sed ut si §. ait Prætor. ff. in quibus caus. maj. juncta l. pars litoniarum 48. ff. de judic. Itaque cum hic agatur de potestate, competente ex mandatis Principum, dubio procul ea referenda est potius ad Magistratus, qui erant in provinciis, quem ad eos, qui Romæ erant.

Sed utcumque sit, etiam si Magistratibus municipalibus non fuisset permissum multam dicere, tamen aliis modis coercere poterant, ut demonstravimus. Quibus addimus, quod sicut *Ædiles* urbani poterant frangere mensuras iniquas, ita id permissum *Ædilibus* municipiorum. *Perf. Satyr. 3.*

Frangere beninas Arveii Ædilis iniquas.

Juven. Satyr. 10.

— *Vasa innoxia.*

Frangere pannofus vacuis Ædilis Ulubris.

Sed & Defensores civitatum, qui erant minores Magistratus, quam Duumviri, tamen poterant coercere. l. nominum t. l. C. de episcop. audient. Audient. de do-39] fensor. civit. §. audient. Audient. vero la-riores crimina, & castigations compatiuntur tradent. En coercitio modica.

De *Juridico Alexandrinæ* dubitari non potest, cum majorem potestatem haberet, quam Duumviri, quia hi ab ordine Decurionum, ille a *Cæsare* eligebatur, & ideo maximum in judiciis potestatem habebat, ut ait *Strabo lib. 17. 40* *Geograph.* Ubi etiam notat omnes causas cum judicasse, quod non licebat Duumviris.

Constat igitur, etiam Magistratus municipales habuisse mixtum imperium. Quamobrem nullius momenti sunt, quæ contra opponuntur. In l. ea quæ ff. ad municipal. recte ait *JC. ea, quæ magis imperii sunt, quam jurisdictionis, fieri non posse a Magistratibus municipalibus*. Etenim ea dicuntur esse magis imperii, quam jurisdictionis, quæ parantur apud

Magistratus, qui cum imperio sunt: hoc est apud majores Magistratus, penes quos legis actio est, & imperium.

- 41 Imperii nomen non semper significat mixtum Imperium: veteres enim cum Imperium mixtum significare voluit, solent id proferre cum adjuncto. Quemadmodum igitur supra probavimus, imperii nomen significat majorem potestatem, summum jus, excellentem jurisdictionem, quam habent majores Magistratus, ut in *l. etsi 3. ff. de offic. ejus l. cum Prator §. 1. ff. de judic. l. 3. in fin. ff. de recept. arbitr. l. 3. ff. de off. ejus, cui mand. est jurisd. & aliis supra laudatis. In *l. ea quæ ff. ad municip. imperii* nomen non potest significare modicam coercionem, quia restitutio in integrum, prætoria stipulatio, & hujus generis reliqua, quæ magis imperii sunt, quam jurisdictionis. *d. l. ea quæ §. 1. & l. jubere 4. ff. de jurisdict.* non pertinent ad coercionem contumacis. Pertinent tamen ad excellentem jurisdictionem, & eminentem potestatem, quam habet magistratus, qui cum imperio sunt: & ideo dicuntur esse magis imperii, quam jurisdictionis. Spectant enim ad eum magistratum, qui habet imperium, non ad eum, qui habet jurisdictionem, & sine imperio est. Qui autem magistratus cum imperio, & qui sine imperio esse dicantur, supra expostum est satis luculente.*

In *l. 1. ff. Si quis jus dic. non obtemper.* non agitur de multa, sed de pœnali judicio. Aliud est multa: aliud pœnale judicium, ut adnotarunt omnes eruditi. Multam dicit Magistratus contra contumacem, non obtemperantem suæ jurisdictioni, & exigitur a Magistratu ipso, & sileo vindicatur. *l. ult. C. de mod. mult.* Pœnale judicium est actio, quæ datur litiganti, hoc est, ei, cujus interest non fuisse obtemperatum jus dicenti, ad vindicandam contemptam majestatem Magistratus, & ejus imperium:

neque enim datur contra eum, qui quandocumque detrectavit parere magistratui, ejusque jurisdictioni, sed solum contra eum, qui contempsit ejus imperium in sine jurisdictionis: hoc est, qui reluctatus est imperio, & coercionis magistratus. Neque statuitur pro arbitrio magistratus, sed condemnatur contumax actori, quanti ea res est. *d. l. 1. ff. si quis jus dic.* Plura non addo: doctissime enim, ac luculentissime hæc exposuntur a Duar. disp. lib. 1. cap. 50. Belon. de mand. jurisd. c. 8. quest. 19. Illud tantum dico: multam dici ad tuendam jurisdictionem: hoc judicium potius dari ad tuendum mixtum imperium: ideo facilius multæ dictio conceditur: quia jurisdictio nulla est sine modica coercionem. *l. ult. in fin. ff. de offic. ejus, &c.*

CAPUT V. AD L. IN PRIVATIS 77.

ff. de Judic.

SUMMARIUM.

- I. Proponuntur duæ leges, quæ contrariae putantur.
- II. Negotium quid significet in jure?
- III. Judicia privata, & publica, quæ?
- IV. Pater filium, & filius patrem judicem habere possit in privatis, non in publicis judiciis.
- V. Major periculum imminet potestati judicantis in causa filii, quam eo jure dicente.
- VI. Indicandi, sicut juri dicendi, officium publicum est.
- VII. Quodam jure publicum, filius non sequitur sui patris potestatem.
- VIII. Filius potest arbitri esse de re patris.
- IX. Arbitri conventionum litigantium eliguntur.
- X. Judices ex consensu dabantur.
- XI. Prætor judices seligebat, & in albo nominum eorum scribebat, & jurabat se optimum quemque seligere. n. 12.
- XII. Judicia interdum præter Senatuum, interdum præter Ordinem equestrem, interdum præter utrumque forent.
- XIII. Litigantes judicem non seligebant, sed datum rejicere poterant. & n. 16.
- XIV. Si actus judicem forent, reus rejicere poterat, & ejurare sibi iniquum esse.

XV.

XV. Si non refugibat, iudex in consensu datus dicebatur.

XVI. Nec in refugiendo necesse erat causam addere.

XVII. Non poterat rejici iudicio iam inchoato.

XVIII. In causis criminalibus quando liceret iudicem rejicere.

XIX. Sibi impurare debet, qui iudicem acceptis patrem, aut filium, cum posset rejiceret.

IN l. qui jurisdictioni 10. ff. de jurisd. omni. jud. ait Ulpianus: Qui jurisdictioni praeest, neque sibi jus dicere debet, neque uxori, vel liberis suis, neque libertis, vel ceteris, quas secum habet. Contra Africanus in l. in privatis 77. ff. de judic. in privatis negotiis pater filium, vel filius patrem iudicem habere potest.

Contraria existimantur haec duo responsa, sed non sunt. Primum autem disputant interpretes, quae sint privata negotia. Privata negotia sunt privatae controversiae, de quibus privata iudicia peraguntur. Negotium enim pro quaestione, controversia, lite, saepenumero usurpatur in iure nostro, ut in l. Imperatores 34. ff. de iure fisci. in l. eundem 16. §. 1. ff. de legation. Hinc negotium facere alicui dicitur, qui cum litibus vexat. l. 1. ff. de calumniat. l. 5. ff. de obsequiis parent. l. 6. C. de testib.

Privata igitur negotia sunt privatae controversiae: unde & privata iudicia dicuntur, in quibus illae agitantur. Cicer. lib. 1. de Orator. Nam volare in foro: barere in Praetorum tribunalibus: iudicia privata magnarum rerum obire. Et in Topic. Privata iudicia maximarum quidem rerum in Jurisconsultorum mibi videntur esse prudentia. Gell. lib. 14. cap. 2.

3 Quo primum tempore a Praetoribus lectus sum in iudices, ut iudicia, quae appellantur privata, susceperem. Iudicia igitur privata erant, in quibus Praetor iudicem dabat, in quibus privata negotia disceptabantur. Ratione muneris, & ratione iudicantis omne iudicium publicum est. l. quippe 78. ff. de judic. l. 2. ff. de reg. jur. Ratione negotii, & controversiae, de qua disceptatur, alia sunt

judicia privata, alia publica. §. publicorum Instit. tit. de public. judic. Igitur in privatis iudiciis pater filium, vel filius patrem iudicem habere potest: non in publicis, in quibus de capite, aut exstimatione alicuius quaeritur. Eset enim inhumanum, & omnino non tolerandum, filium a Patre, aut Patrem a filio torqueri, catenis vinciri, verberibus subijci, supplicio affici, ut notant Graeci interpretes.

His expositis, superest alia quaestio explicanda. Quid rei sit, cur Pater in causa filii, filius in causa Patris iudex esse possit, non possit autem jus dicere. Non sunt haec contraria. Aliud enim est iudicare, aliud jus dicere, ut norunt omnes. l. voluit 4. §. ult. ff. de interrogation. l. quidam 57. ff. de re judic. rubric. C. ne quis in sua caus. jud. vel jus dicat. Sed tamen, si Patri non permittitur jus dicere in causa filii, quid est, quod iudicare pariter non prohibetur? Majus enim periculum imminere videtur, si iudicet, quam si jus dicat. Nec nodum solvit Paulus in l. quippe 78. ff. de judic. ubi eam rationem avertit: quia iudicandi munus publicum est. Hoc enim solum efficit, ut in iudicando nulla debeat haberi ratio patriae potestatis; nec filius, & pater pro una, eademque persona sint habendi, quemadmodum consideratur in iis, quae ad jus privatorum pertinent, l. ult. in fin. C. de impub. & al. subtili. l. cum scimus 12. in fin. C. de agric. & censu. lib. 11. quod & in actionibus exercendis obtinet. l. ne cum filiosam. 76. ff. de furt. Facit text. in l. 2. in princ. ff. quar. rer. act. non det. In iis autem, quae ad jus publicum pertinent, filius non sequitur jus patriae potestatis, l. nam quod 14. ff. ad SC. Trebell. & loco patrisam. habetur. l. filiosam. 9. ff. de his, qui sunt sui, vel alien. jur. l. item eorum 6. ff. quod cuiusque universi. l. 2. ff. de muner. & honor. Romani enim potiores voluerunt esse cau-

causam Reip. quam patris potestatis.
l. honor. 14. §. plebei ff. de muner. & bon. h. postliminium 19. §. filius quoque ff. de cap. & possim. Antiquius enim est, ut patris quis nascatur, cui nati sunt & ipsi parentes. *l. 1. §. & generaliter ff. de venter. in poss. mittend.* Ceterum hæc serupulum non evellunt, quia etiam iuris dicendi murus publicum est, *l. ille a quo 13. in fin. cum seq. ff. ad SC. Trebell.* & tamen Pater filio jus dicere non debet. *l. qui jurisdictioni ff. de jurisd.*

Puto rationem eruendam esse ex *l. 8. quia etiam 6. ff. de recept. arbitr.* Quin etiam de re Passis dicitur filium suum. arbitrum esse: nam & iudicem eum esse posse plerisque placet. Quæ verba mutuas est Gratian. in c. 2. §. filius. 3. *quest. 7.* Comparantur hic arbitri ex compromisso, & iudex. Non dubitatur autem, filium in causa patris ideo arbitrum esse posse, quia arbitri conventionione, consensuque utriusque litigantis *9* elipitur, sibi que debet imputare, qui consensit in patrem, aut filium. *l. diem §. fieri ff. de recept. arbitr.* Igitur eadem ratio urgeat in iudice, necesse est, quoniam alterum alteri exemplum præstat, & ab altero ad alterum ducitur argumentum.

Et sane ita se res habet. Cicet. in orat. pro Cluent. Neminem voluerunt majores nostri, non modo de existimatione cuiusque, sed ne pecuniaria quidem de re minima, esse iudicem, nisi qui inter *10* adversarios convenisset. Valer. Max. lib. 2. cap. 8. Itaque iudex inter eos convenit Atilius Calatinus, apud quem Valerius in hunc modum egit. Sed ne quis credat, iudices electos fuisse a litigantibus sicut arbitri ex compromisso eligebantur, sed ut in his nullæ essent partes Prætoris, *l. 3. §. tamen si ff. de rec. arbitr.* tota res accuratius est explicanda.

Prætor iudices feligebat, qui de privati negotiis iudicarent. Gell. lib. 14. cap. 2. Quo primum tempore a Prætori-

bus lectus sum in iudices, ut iudicia, quæ appellantur privata, susciperem. Eorum nomina describebat in albo. Senec. lib. 3. de beneficiis. cap. 7. Ubi id, de quo sola sapientia decernit, in controversiam incidit, non potest ad hæc sumi iudex ex turba selectorum, quem census in album, & equestris hereditas misit. Aliquando enim iudicia fuerunt penes Senatores, plerumque penes Equites, aliquando penes virosque. Ex his autem Prætor ju- *12* dices legere debebat. Damnat hoc Plin. lib. 14. cap. 1. Posteris laxius mundi, & rerum amplitudo damno fuit, postquam Senator censu legi capiens, iudex fieri censu. Jurabat autem Prætor se optimum quemque feligere. Cic. pro Cluent. Deinde Prætores urbani, qui jurati debent optimum quemque in selectis iudices referre.

Litigantes iudicium, & iudicem a Prætore postulabant. *l. Si quis cum ff. commun. divid. Alcom.* Cum in rem al- *13* quos agerent litigatores, iudicem postebant. Cic. pro Cæcin. Corpi Scandilias recuperatores, aut iudicem postulare. Prætor, quem volebat, ex selectis iudicem addebat. Neque enim Prætor permittebat ædori certum aliquem iudicem sumere, sed solum concedebat, ut rejiceret. Quo pertinet illud Ciceronis lib. 3. in Verr. Si Mærcule ac omni copia conventus Syracusani, splendidissimorum, honestissimorumque hominum sacres potestatem erant non modo rejiciendi, sed etiam sumendi recuperatores; tamen hoc novum genus injuria ferre nemo posset, te, cum tuos omnes fructus publicano tradidisses, & rem de manibus amississes, tum bona tua repetere, ac persequi vite, atque iudicio. Huc etiam puto pertinere formulam illam in addendo iudice, quam refert Fest. in verb. procum. Si alium procas, nix eum procas: procurare enim est postulare. Non poterat enim Prætor iudicem addicere, quem altera pars nominatim petiisset. *Observandum ff. de iudic.*
 Ve.

Verum enimvero solebat aliquando actor, qui in jus vocabat reum, aut qui provocabat, reo judicem ferre. Liv. lib. 8. *Eumque tibi exercitus, Senatusque judicium suggerit, judicem fero.* Et lib. 9. *Quem tibi tuarum iurarum, quem vocarum suppliciorum judicem feram.* Poterat tamen reus refugere, & rejicere judicem, quem ferebat actor. Cic. pro Q. Rosc. *Quem si ferrem judicem, refugere non deberet, quomodo testem producitum reprehendere audebit?* Id. 12. de Orator. *Cum ei M. Flaccus, multis probris obfessit, P. Mucium judicem tulisset, Egero, inquit, inquit est: Cum esset adiuvaturum, Adh! inquit, P. C. non ego illum mihi iniquum egero, verum omnibus.* Qui judicem rejiciebat, iniquum sibi egerat: non quod tum iniquum aut iniustum esse diceret, sed quod æquo jure apud eum disceptare non posset. Cic. de pesit. consulas. *Vocem audivimus jurantis, se Romæ judicio æquo cum homine Græco certare non posse.*

15 Quod si reus non refugeret judicem, quem ferebat actor, sed in eum consentiret, Prætor eum judicem addicebat; isque ex consensu datus, & ex conventionem litigatorum addictus dicebatur. Atque ita intelligenda. l. si in iudiciis 80. ff. de judic. l. ex consensu 23. ff. de appellat. l. quidam consulebat 57. ff. de re judic. Debebat tamen convenire iudex unus, ex selectis in albo descriptus. Quo alludit Plin. in Præfat. *Quid te iudicem facis? cum hanc operam coudicerem, non eras in hoc albo. Majorem te sciebam, quam ut descensurum huc putarem.*

Si vero iudex non convenisset: nempe si aut actor judicem non ferebat, aut reus eum sibi iniquum egerat: tunc Prætor, quem volebat, ex albo judicem dabat. Licebat tamen litigantibus eum rejicere, & egerare. Cic. 5. in Verr. *Scandilius postulare de conventu recuperatores. Tum iste negas se de exi-*

stimatione sua cuiquam, nisi suis commissurum. Negotiores putant esse turpe, id forum sibi iniquum egerare, ubi negotiantur. Prætor provinciam totam sibi inquam egerat, Plin. in Panegy. ad Trajan. *Lices rejicere, lices exclamare: hunc nolo.* & infra: *Liberum est autem discipulanti dicere: nolo eum eligere: neque enim ullam necessitatem muneribus suis addis.* Et alludit etiam in Præfat. *Præterea est quedam publica etiam eruditiorum rejeitio.* Nec puto necessarium fuisse causam addere: satis enim erat sibi iniquum egerare. Nec obstat text. in l. pa-17 riter 9. ff. de liber. caus. Nam ibi iudicium erat jam ceptum: itaque sine causa non poterat illud evitare, qui eo inchoato supervenerat.

In causis etiam criminalibus fiebat 18 sortitio, deinde rejeitio: mox subfortitio, ut luculente Ascon. Pedian. in 2. in Verr. Lex autem Cornelia prohibebat amplius, quam tres iudices, rejicere, teste Cicerone in 2. in Verr. Sed hæc ad nos non pertinent.

Jam concludamus. Cum iudex invito non daretur, sibi imputare debet, si quis judicem in causa filii Patrem accepit. Et ideo JC. in l. quin etiam 6. 19 ff. de recept. arbitr. ducit argumentum a iudice ad arbitrum: non multum enim hac in re differunt. Magistratus autem jus dicit etiam in invitum, & quidem sine spe restitutionis. l. sed etsi 26. §. ait Prætor ff. ex quib. caus. major. Iudicis autem dati sententia appellatione rescinditur. l. ult. ff. quis et a quo appell.

CAPUT VI.

Ad §. Prætorum Instit. vis. de jur. nat. gent. et civil.

SUMMARIUM.

1. Lex populi iustum, nec nisi a populo omni poterat.

II. Quicquid a populo decrebatur, lex dicebatur.
 III. Legem ferebant Consul, Prætor, Dilector, Interrex.

IV. Leges pleræque consulares: pauca prætorias, & quædam.

V. Prætor aliquando in provinciis ex SC. leges dabat.

VI. Exemplum Edicti Prætorii, legis auctoritatem habentis.

VII. Prætor juris custos, non condidit & n. 10. & 12.

VIII. Prætor jussit jus constituere, non legem condere.

IX. Prætor legislator: explicatur n. 10. & 12. quomodo intelligendum?

X. Prætor bello prætor, bellum gerebat, populus indicibat.

XI. Initio Reip. tam Consules, quam Dilector, Prætores appellabantur.

XII. Legislator, qui legem fert, & rogat: etiam si non faciat.

XIII. Nomotheta apud Græcos, qui?

XIV. Legislatores etiam Jurisconsulti appellantur.

XV. Theophilus explicatur.

XVI. Edictum Prætoris lex annua.

XVII. Aqueiratum Senatuscons. annua.

XVIII. Edictum translationum.

XIX. Aliquando Prætores aliter, atque edixerunt, decrebant.

XX. Alii Prætor potestatem intercedere, & aliorum iniquitati occurrere.

XXI. Lex Cornelia quid prohiberet?

XXII. Nova edicta post legem Corneliam, & n. 23. & 24.

XXIII. Actiones post legem Corneliam introductæ.

XXIV. Senatusconsultum factum ad coercendos Prætores.

XXV. Explicatur Aferius, Prætorum edicta alia perpetua, alia temporaria.

XXVI. Quæstiones perpetuæ, quæ?

XXVII. Edicta temporaria, quæ?

XXVIII. Edictum perpetuum & immutabile ab Adriano.

XXIX. Edictum post Adriani legem lex est in genere: non in specie. & n. 31.

XXX. Vim legis non habet.

XXXI. Etiam hodie ex edicto non hereditas, sed bonorum possessio dicitur.

XXXII. Etiam hodie valent ipso jure obligationes, quæ a Prætoribus imponuntur.

XXXIII. Justiniani naturam & vim singularum juris partium non mutavit.

DE Prætoris jurisdictione, atque auctoritate in jure condendo pauca delibabo, de qua in §. Prætorum Instit. sit. de jure nat. & gent. & civil. Hac de re disputant interpretes nostri ad rubr.

C. qui admitti, reique non admodum obscuræ densissimas tenebras offundunt. Primum disputant, an Prætor posset legem condere per prius: deinceps, an posset legem condere per posterius. Inventis his vocibus absonis, & incultis, rem satis expeditam mirum in modum involverunt.

Solum populum Romanum potuisse legem condere, satis constat inter omnes, vel leviter eruditos. Operam perdat, qui hoc probare contendat. Ipsa legis definitio id demonstrat, a legislatore nostro tradita in §. lex est Instit. tit. de jure natur. gent. & civ. Auctor ad Heren. lib. 2. Lex jus est id, quod populi jussu sancitum est. A. Gell. lib. 10. cap. 20. ex Atejo Capitone: Lex est generale jussum populi, aut plebis, rogante magistratu. Boet. in Topic. Lex est, quam Populus centuriatis comitiis sciverit. Fest. Pomp. in Verbo rogatio: Quod in omnes homines, resve populus servit, lex est. Adeo autem legis proprium est populi jussu, ut, quicquid per comitia populi jussisset, lex a veteribus appellaretur. Itaque etiam privilegia leges appellabantur. Exempla apud veteres passim occurrunt, & testatur Gell. lib. 10. cap. 20. Bellum quoque lege juberi dicebatur, ut passim apud Livium: & legem ferre dicebatur, qui reum ad populi judicium vocabat: & adoptiones lege fiebant. Cic. pro domo sua: si quod in ceteris legibus trinundinum esse oportet, id in adoptione satis est trium esse horarum, nihil reprehendo. & reliqua. Gell. lib. 5. cap. 19. Din lib. 39. & lib. 45.

Solus igitur populus legem condabat. Prætor autem legem ferre poterat, & populum rogare. Id solummodo permiffum majoribus Magistratibus, nec tamen omnibus. Quatuor tantum magistratus legem ferre poterant: duo ordinarii, Consul, & Prætor: duo item extraordinarii, Dilector, & Interrex. Itaque Prætor legem ferebat, proponebat,

bat, promulgabat: populus condebat: Prætor populum rogabat: populus sciebat. Prætor legi nomen, populus vim, & auctoritatem dabat. Dio lib. 37. τῷ δὲ κράτει, τῇ ἐκτελέσει αὐτῶν, ἀρχαίαν αὖ βουλὴν, (ὁ γὰρ Μέλλιος ὁ Νέριος αὖ) ἐτέλεσσεν τὸ πρὸς αὐτῶν ἀτελέειν ἀπὸ τοῦ νόμου, καὶ ἵππον ἀντιγράψας. Prætori autem, legem ferenti, infensi Senatores, (erat enim is Metellus Nepos,) voverunt & nomen ejus legi detrabere, & aliud inscribere. Cic. in Rull. Hic Tribunus plebis lege curiata, quam Prætor ferat, admittit intercedendi potestatem. Quamquam autem legi vim, & auctoritatem populus tribueret; tamen, quod lege sancitum erat, is qui tulerat, statuisse dicebatur. Flor. Epitom. 97. Judicia quoque per M. Aurelium Cottam Prætorum ad Equites Romanos translata sunt. Factum est id lege Aurelia de judiciis, a M. Aurelio Cotta Prætoris lata. Ascon. Pedian. Cotta lege sua judicia inter tres ordines communicavit, Senatores, Equites, Tribunos Ærarios. Vell. Patere. lib. 2. 32. Per idem tempus Cotta judicandi munus, quod C. Gracchus ereptum Senatui ad Equites, Sulla ab illis ad Senatum transtulerat, equaliter inter utrumque ordinem partitus est.

4 Pleraque autem leges erant Consulares, paucæ admodum Prætoris: cujusmodi fuerunt lex Cæcilia, a Q. Cæcilio Metello, lex Aurelia, a C. Aurelio Cotta; lex Cassia, a Q. Cassio; lex Fusia de comitiis, a Q. Fusio Caleno, Prætoribus lata.

5 Aliquando tamen Prætores in provinciis auctoritate a Senatu accepta leges condiderunt, Cic. lib. 2. in Verr. Hælesini, cum haberent inter se controversias de senatu cooptando, leges a senatu nostro petiverunt. De crevis senatus honorifico senatuscons. in his C. Claudius, Appii filius, Pulcher, Prætor, de senatu cooptando leges conscriberet. & paulo in-

Tom.I.

fra: Agrigentini de senatu cooptando Scipionis leges antiquas habent. Et iustus: Nam eo quoque celonus P. Rupilius deduxit, legesque similes de cooptando senatu, ac de numero veterum, ac novorum dedit. At hoc factum solummodo in provinciis: & hæ leges potius Populi, ac Senatus, quam Prætoris esse videbantur. Id. Cic. Quas enim leges sociis, amicisque dat is, qui habet imperium a populo Rom. auctoritatem legum dandarum a senatu; hæ debent & populi R. & senatus existimari.

Romæ quoque Marius Gratidianus 6 Prætor de re nummaria e Rostris edixit. Hoc edictum a Plinio lex appellatur. In lib. 33. cap. 9. in fin. Igitur ars facta denarios probare, tam junctura lege plebi, ut Mario Gratidiano vicatim totas statuas dicaveris. Sed hoc non fuit proprie edictum Prætorum, sed a tribunis plebis, adhibito collegio Prætorum communi consensu conscriptum. Et cum constitissent, ut omnes simul in rostra post meridiem conscenderent, Marius, ut collegis, & Tribunis plebis gratiam popularem præriperet, recta conscendit in rostra, & quod communiter compositum fuit, solus edixit. Et tanto populi consensu, atque approbatione fuit exceptum, ut omnibus vicis statutz factæ fuerint. Cic. lib. 3. de offic. Accessit igitur Populi auctoritas, & totius collegii Prætorum, & Tribunorum plebis consensus, neque illud edictum sola Gratidiani Prætoris auctoritate nitebatur.

Non poterat igitur Prætor legem condere. Quapropter Cicero, qui suas leges Reip. Rom. accommodavit, eum juris civilis custodem facit, non conditorem: Qui privata judicet, judicariæ jubet, Prætor esto: juris civilis custos esto. Contrarium tamen innuere videtur Historicus: Pene quem Magistratum omnis publici, privatiq. juris potestas esset, ut & novum jus constituere, & vetera abrogare facultas esset.

D

Sed

Sed animadvertendum est, aliud esse legem condere, aliud jus constituere. Juris nomen comprehendit etiam Prætoris edicta, quæ jus prætorium, seu jus honorarium appellabatur. l. 2. §. eodem tempore ff. de orig. jur. l. jus autem civile §. ult. ff. de just. & jur. l. jus pluribus ff. eod. §. constat autem Iustit. tit. de jure nat. gent. & civil. Potest Prætor jus constituere, & abrogare: legem condere, & abrogare non potest. l. cum sponsus §. si res talis ff. de Public. in rem act. l. non est ambigendum in fin. ff. de honor. possess. l. 1. §. sed si Prætor ff. de fer. Juris nomen latissime patet, præsertim apud veteres rerum Romanarum scriptores, qui hæc minus accurate distinguunt præ Jurisconsultis. Cic. in Topic. definit Jus civile, quod ex legibus, Senatusconsultis, rebus judicatis, jurisperitorum auctoritate, edictis magistratum, more, æquitate consistat. Author ad Heren. Constat igitur jus ex his partibus: natura, lege, consuetudine, judicato, æquo & bono, patto. Lex autem pars, seu species juris est. §. constat autem Iustit. tit. de jure nat. gent. & civil. l. jus autem ff. de justit. & jur. Quod Prætor possit jus constituere, non inde efficitur, posse legem condere. Leo potest generare animal, non tamen potest generare hominem.

Sed Historici testimonium niti, & confirmari videtur auctoritate Justiniani, qui Prætoribus non solum juris, sed legum etiam potestatem tribuit, eosque Legumlatores appellat. In novell. 24. de Præfida Pisid. in præfat. ait, veteres Romanos Prætoribus armorum juxta, ac legum potestatem secisse & paulo post: Εἰς τῆς αὐτοῦς π αὐτοῦς ἡ π αὐτοῦς διουκείν, ἡ π αὐτοῦς ἡ π αὐτοῦς. Concedentes ipsis & rem publicam administrare, & leges scribere. Et in novell. 25. de Prætor. Lycæon. in præfat. ait, veteres Romanos suos Imperatores appellasse Prætores, eisque

potestatem dedisse, ut exercitus ducerent. Καὶ τοῖς αὐτοῦς παραφρασεύουσιν ἐπεὶ διορίζουσιν. & scripsit ab ipso legibus obtemperabant. & in novell. 26. de Prætor. Thrac. cap. 1. Nam si Prætor Romanorum, Imperator simul, & Legislator, hunc locum tenuit in suo Magistratu. Στρατηγὸς οὖν καὶ νομοδότης.

Respondetur, quod, cum Imperator Justinianus in eadem persona, eodemque magistratu conjungere vellet tum rei bellicæ, tum juris civilis administrationem, voluit confirmare hanc Constitutionem exemplo Romanæ Reip. quæ tum Consilibus olim, tum Prætoribus provinciarum postea utrumque concessit. Itaque ea omnia referenda sunt non ad potestatem condendæ legis, sed ad potestatem juris dicendi. Ea enim est mens Justiniani, qui exemplum veterum Romanorum sequi volens, nihil aliud Prætori concedit, quam ut jus dicat. Habebant in Romana Rep. Prætores, armorum juxta, ac legum potestatem. Eandem nimirum potestatem habebant, quoad arma, quam habebant, quoad leges. Atqui arma quidem tractare poterant, & bella gerere, non tamen poterant bellum indicare. Jussu populi bellum gerebant. Populus lege curiata imperium deferbat Imperatori, ut posset bellum gerere. Ipse bellum jussu populi administrabat, prout Reip. putabat expedire. Sic poterant quidem leges a populo conditas tractare, supplere, corrigere, mitigare, adjuvare: l. jus autem civile §. 1. ff. de justit. & jur. non tamen poterant leges condere. Sicut bello præerant, tamquam imperatores; ita legibus præerant, tamquam Prætores. d. novell. 24. cap. 1. ibi: ἡγεῖσθαι, καὶ προδεδωκέναι τὸ νόμον. Varr. lib. 4. de ling. Lat. Prætor dictus, qui præerat jura, & exercitu. Sicut autem belli inferendi jus non habebant injussu populi, ita nec legis condendæ. Quare Justinianus non dixit,

eos potuisse leges sancire, aut condere; sed ea, quæ ad leges pertinent, scribere. Τὰ περὶ τῶν νόμων γραφεῖν. Hæc omnia idem significant: habere legum potestatem, posse ea, quæ ad leges pertinent, scribere: esse vivam vocem juris civilis, *l. nam & ipsum ff. de just. & jur.* posse leges adjuvare, supplere, corrigere. *l. jus autem §. 1. ff. cod.*

At enim Romani legibus a Prætoribus scriptis parebant. *d. novell. 25. cap. 1.* Hoc vero dictum est de Consulibus, ac Dictatoribus, de quibus ibi agit Justinianus, qui omnes initio Reip. Rom. Prætores appellabantur. Illi dicti sunt Prætores: hic Prætor maximus appellabatur. *Liv. lib. 3. Plin. lib. 18. cap. 3. Zonar. tom. 2. Varr. lib. 2. de vita pop. Rom. apud Non. in voce consulum. Fest. in voce Prætoris. M. Tullius, lib. 3. de legib.* Et hoc significat Justinianus in *d. Nov. 25. in præf.* ubi ait, Prætoris nomen etiam ante Consules fuisse.

Verum quia nec Consules condendæ legis potestatem habebant, idcirco dicendum est, Justinianum loqui de illis legibus, quas Consules ferebant, populique rogabant. Quemadmodum & in *novell. 24. in præf.* eadem de re agens ait: Καὶ τοὺς νόμους ἐκ τῆς τῶν πρακτικῶν ἰσχυρῆς φωνῆς, & multe leges voce Prætoris ferebantur. Et huc quoque referenda sunt illa verba *novell. 26.* ubi Prætozem Legislatorem appellat. Ferebat enim Legem Prætor, & ideo Legislator dici potest, ut initio diximus. *Cic. orat. 4. in Catilin. Ipsum Latorem legis Sempronie jussu populi pænas Reip. dependisse. Ad Attic. lib. 1. epist. 11. Piso autem Consul, lator rogationis, idem erat dissuasor. Prætor νομοδότης τῆς νομοθεσίας* appellatur a Justiniano. Nomothetæ a Græcis dicebantur etiam illi, qui legem condere non poterant. Pollux: Νομοδότης δι' εἰσαν χιλιῶν, οἱς ἔχουσιν δύσασιν πᾶσι νόμον,

ἀλλ' οὐ θεῖον νόον: τῆς γὰρ νύκτος ἐδουλομαζον ἢ βαλὴ, καὶ ὁ δῆμος, καὶ τὰ δικαστήρια. Nomothetæ erant mille, quibus veterem legem tollere licebat, non autem novam condere: novas enim leges probabat Senatus, populus, & Magistratus. Et Ulpian, in 3. *Olynthiac.* duo genera nomothetarum recenit, alterum eorum, qui novas leges ferebant, alterum eorum, qui cognoscebant, an ullæ essent leges inter se contrariæ, ut ea de re ad populum referretur.

Atque hæc nomina, etiamsi minus convenirent Prætoribus, tamen apud Justinianum toleranda essent, qui minus accurate plerumque loquitur, & qui etiam Jurisconsultos Legislatores appellat. *l. 2. §. ne autem incognitum & l. 3. §. sed & hoc optimum C. de veter. jur. encl.*

Postremo pro Historici auctoritate pugnare videtur Theophilus, qui ait datum fuisse jus legis ferendæ præcipue Prætori urbano, & peregrino, & Ædilibus curalibus, idque jus honorarium dictum.

Sed confundit Theophilus jus legis ferendæ cum potestate edicendi. Legem ferre poterat Prætor, non Ædiles. Edictum proponebat non solum Prætor, sed etiam Ædiles. Jus honorarium non componebant leges, a Prætoribus latæ: nam hæ erant leges Populi, non jus Prætorium, aut honorarium, jus honorarium constabat edictis, tum Prætoribus, tum Ædilibus. *§. Prætorum quoque Instit. tit. de jur. nat. gent. & civ.* Utrumque confudit Theophilus, & cum sciret Prætozem habuisse jus ferendæ legis, hoc jus accommodavit edictis, cum sit valde diversum. Nisi dicamus, eum leges vocasse edicta: nam & Censorum edicta leges Censorie dicebantur. *Cic. 3. de divin. & 1. in Verr. & in orat. pro Cluent.*

Jam vero videamus, an Prætor posset legem condere per posterius. Οὐ-

currit hic amphibolia in illis verbis, per posterius. Si querimus, an Prætor posset legem condere accedente populi approbatione, hoc est, legem ad populum ferre; nulla controversia est, ut initio exposuimus. Sed tunc a populo, non a Prætoris erat legis auctoritas.

Si vero querimus, an edicta Prætoris vim legis haberent, populo approbante, inutilis prope questio est. Numquam enim id factum legimus; nisi quis huc referat edictum Gracidiani Prætoris, de quo modo disseruimus.

16Cic. in action. 3. in Verr. ait, eos, qui plurimum tribuebant edicto, ipsum dixisse legem annuam. Et rursus: Si finem edicto afferunt calendæ Januariæ, cur non initium quoque edicti nascitur a calendis Januariis? an in cum annum progredi nemo poteris, quo Prætor alius futurus est; in illum, quo Prætor alius fuit, regreditur? Edictum igitur Prætoris unius anni finibus circumscribebatur, & ideo constat ipsum non populi auctoritate, sed solius Prætoris an-

17nui Magistratus innixum fuisse. Exemplum ab Atheniensibus. Demosthen. in oration. adversus Aristocrat. Ονόμος δι' ἐπίταξιν κἀνδὲς τῆ ἑβδμή; εἰς τὴν ἑπταετηρίαν. Lex jubet Senatusconsultis annua esse. Tamdiu enim præerat Senatus Quingentorum. Ulpian. ad hunc locum. Αἱ μὲν ἡ βουλὴ ἔκρινεν χωρὶς τῆ δῆμῳ, ἐως ἄρχον, ἐπικράτῃ, καὶ ὡς ὅντως ἐπίταξιν. Τὰ δὲ ὑπὸ τῆ δῆμῳ γινόμενα, καὶ πλεονὴς ἔμεν χρόνον. Quæ a Senatu sine populo, decreta erant, vim obtinebant quamdiu Senatus Reip. præerat, & erant reversa annua: quæ vero a populo fiebant, longius tempus durabant.

Verumtamen cum edicta Prætorum æquitate niterentur, quam semper præ oculis in edicendo Prætores habebant, novi Prætores nihil omnino, aut admodum pauca de veteri edicto mutabant, & corripiebant. Quo fiebat, ut, cum quædam, imo pleraque in omni-

bus edictis diu proposita fuissent, vetustate invalescerent, & vim consuetudinis obtinerent. Cic. de invent. lib. 2. In ea autem (consuetudine) jura sunt 18 quædam ipsa jam certa propter vetustatem: quo in genere & alia sunt multa, & eorum multo maxima pars, quæ Prætores edicere consueverunt. Et hoc dicebatur edictum translatitium, quia semper de veteri in novum edictum transcribebantur, Cic. lib. 1. in Verr. Posteaquam jus prætorium constitutum est, semper hoc jure usi sumus. Quare hoc sit æquissimum, facile est docere: sed in rem usitata satis est ostendere, omnes antea jus ita dixisse, & hoc vetus edictum, translatitiumque esse. Et lib. 5. ad Attic. ep. 21. Interim cum ego in edicto translatitio centesimas me obfero-sturum haberem cum anatocismo anniversario. Et lib. 6. epist. 1. de reliquo jure dicendo ἀγγραῖον reliqui. Dixi me de eo genere mea decreta ad edicta urbana accomodaturum. Certa enim erant, & usitata edicta de iudiciis dandis, de actionibus, de exceptionibus, & hujus generis reliquis.

Multi tamen, & inter eos quidam viri docti, putant lege Cornelia, lata a Cornelio Balbo, Tribuno plebis, ademptam fuisse Prætoribus potestatem mutandi, & corrigendi vetus edictum. Ex eo tempore fuisse semper unum, idemque edictum omnium Prætorum; & cum perpetuum esset, & immutabile, vim legis obtinuisse. Lata fuit hæc lex Acilii, & Pisone Coss. anno urbis 687. Sed falluntur meo iudicio. Res autem ita se habet.

Improbi, atque ambitiosi Prætores vel ad cogendam pecuniam, vel ad captandam gratiam primum non omnia edicto complectebantur, ut possent pro arbitrio jus dicere, & novum edictum proponere. Præterea aliquando non observabant edictum propositum, & aliter, atque ut edixerant, decernebant. Hæc omnia

omnia reprehendit M. Tullius in Verre. lib. 1. in Verr. Appellat heredem L. Annum, qui erat institutus secundum filiam, dicit, se posse ei condonare edicto hereditatem. Et rursus: Nam quæso redite in memoriam, judices, quæ libido istius in jure dicendo fuerit, quæ varias decretorum, quæ nundinatio, quam inanes domus eorum omnium, qui de jure Civili consuli solent. Et iterum: Tum vero in Magistratu contra illud edictum suum sine ulla religione decernebat. Itaque L. Piso multos Codices implevit eorum rerum, in quibus ita intercessit: quod ipse aliter, atque ut edixerat, decrevisset.

20 Nota hic alterum Prætorum intercedere potuisse, & occurrere iniquitati Prætoris Urbani. Alcon. in 3. Verrin. 101. Nam ex ipso negotio videtur edixisse Verres, ut omnis liberius non Patrono tantum, sed Patroni filia sextam relinqueret hereditatis.

Hanc edictorum iniquitatem, & improbitatem Prætorum plebiscito Cornelius Balbus compressit, de quo Dio Cass. lib. 36. Prætores quomodo jus dicturi essent, conscriptum in albo proponebant, sed neque omnia comprehendebant, quæ ad contractus pertinent; neque id semel faciebant; neque ea, quæ scripta proposuerant, observabant; atque id præsumque, ut usu venire solet, in gratiam, vel odium alicujus faciebant. Igitur rogationem tulit, ut statim suscepto magistrata edicerent, quomodo jus dicturi essent, neque ab his, quæ edixissent, recedentes. Non prohibetur hac lege Prætor suum edictum proponere: sed cogitur proponere initio magistratus, & prohibetur ab edicto proposito recedere, ipsiunque mutare. Alcon. Pedian. in argumento orat. pro Cornel. de Majest. Asiæ deinde legem Cornelius, etsi nemo repugnare ausus est, multis tamen invidis, tulit, ut Prætores ex edictis suis perpetuis jus dicerent: quæ res tum gratiam ambiciosi Prætoribus, qui varie jus

dicere solebant, sustulit. Jus dicere cogit ex edictis suis, nempe ex edictis, quæ ipsi initio Magistratus proposuissent: idque ad præcludendam viam ambitiosis Prætoribus jus varie dicendi. Igitur hæc lex sustulit eam variationem, ac nundinationem decretorum, quam loco modo laudato M. Tullius acriter insectatur. Itaque idem Cicero, cum non multis post hanc legem latam annis in Cilicia Proconsul esset, de se ipso narrat Attico ep. 21. lib. 5. Interim cum ego in edicto translatitio centesimas me observaturum haberem, cum anatocismo anniversario, ille ex syngrapha postulabat quaternas. Quid ais, inquam, possumne contra meum edictum? & lib. 6. epist. 1. Metui, si impertrasset, ne tu ipse me amare desineres: nam ab edicto meo recessissem. Animadvertendum, quod semper suum edictum dicit: erat enim a se propositum, a quo tamen recedere non poterat. Etenim lex Cornelia non prohibebat proprium edictum proponere, & a vetere edicto recedere, sed recedere a proprio edicto.

Itaque Cicero in edicto hoc suo in quibuldam recesserat ab edicto Bibuli, multaque mutuatus erat ab edicto Asiatico Q. Mutii Scævolæ, ut ipse testatur eadem epistola prima lib. 6. Plin. epist. ult. lib. 5. refert, Nepotem edictum proposuisse, quo admonerat accusatores, admonebat reos, executurum se, quæ Senatusconsulto continerentur, & edicto subjecisse Senatusconsultum hoc: Omnes, quicquid negotii haberent, jurare prius, quam agerent, jubebantur, nihil se ob advocacionem cuiquam dedisse, promississe, cavisse. Hoc senatusconsultum in usu non erat, ut testatur idem Plinius in fine Epistolæ, Nepos tamen se ita jus dicturum edixit. Et cum a multis hoc edictum carperetur, nemo tamen objecit, cum non potuisset vetera edicta mutare, & novum edictum proponere. Id. Plin. Interim tota civitate

rate Nepotis edictum carpitur, laudatur. Multis invenimus, qui curva corrigeret. Quid? ante hunc Prætores non fuerunt? Quis autem hic est, qui emendet publicos mores? Alii contra: rectissime fecit, initus magistratum jura cognovit; Senatusconsulta legis; reprimis sedissimas passionis; rem pulcherrimam venire non patitur. Nemo objicit legem Corneliam.

- 23 Nimirum contra legem Corneliam non erat. Edictum quoque, de quo in *l. Si quis in gravi §. quod ad causam ff. de SC. Sillan.* fuit propositum post legem Corneliam, cum fuerit posterius Senatusconsulto, quod Augusto imperante factum est an. 762. Nisi quis credat id a Salvio Juliano additum edicto perpetuo. Aliud occurrit in *l. 1. §. ais Prætor. ff. de postul.* Aliud edictum Provinciale in *l. Divus Hadrianus §. ff. de custod. & exhib. recor. Vide l. 1. §. Si cui cautum ff. de extr. cogn.*

Salvianum quoque interdictum probabile est in edicto fuisse propositum a Salvio Juliano, cum Prætor fuit. Actio quoque furti manifesti in quadruplum 24 sortasse fuit a Præatore introducta post legem Corneliam. Nam cum eo tempore necderentur etiam debitores, verosimile non est, Prætorem misertum fuisse surum manifestorum, colque ab ea pœna voluisse liberare, ut alias luculente demonstrabimus. Sunt & alie actiones Prætorie, quæ post legem Corneliam videntur inventæ, ut Publiciana, & alie, quarum nulla umquam mentio ante illam legem; de quibus alias agemus singulatim. Nunc ad rem redeamus.

- 25 Animadvertendum est etiam, quod multo ante legem Corneliam L. Emilio Paulo & C. Licinio Crasso Coss. anno urbis 586. idem cautum fuerat Senatusconsulto, quod refert Dodæwellus ad Spartian. in *Hadrian.* Hora octava Senatus coactus est in *Hostilia. SC. factum, Prætores ut suis edictis perpetuis*

jus dicerent. Et tamen Carbonianum edictum posterius est hoc Senatusconsulto. Nam C. Carbo Prætorius fuit occisus Carbone & Mario Coss. anno Urb. 672. teste Vellejo Paterculo *lib. 2. 26. & 27.*

Imposuerunt plerisque verba Asconii: *ex edictis suis perpetuis.* Sed non dixit Asconius, lege cautum fuisse, ut edicta essent perpetua: sed ut jus dicerent ex suis edictis perpetuis. Alia enim edicta Prætorum erant perpetua: alia temporaria. Edicta perpetua erant annua. Dicebantur perpetua, non quoad tempus, sed quoad officium: perpetuo enim durabant durante officio, ac magistratu. Dicebantur perpetua, quia referebantur ad alia temporaria, quæ, prout res inciderat, unius tantum negotii causa proponebantur. Sic, cum olim, quoties crimen aliquid publica animadversione dignum fuisset perpetratum, crearetur a populo Quæstor parricidii, qui de eo crimine cognosceret, quando horum delictorum cognitio cœpit mandari Prætori, quæstiones perpetuæ sunt constitutæ: licet Prætori non in perpetuum, sed in singulos annos mandaretur. Dicebatur autem perpetua quæstio constituta, quia Prætor, cui mandata erat ejusmodi cognitio, toto anno de omnibus ejus generis delictis cognoscebat, cum olim pro singulis delictis singuli Quæstiores crearentur. Eodem modo edicta perpetua dicebantur, quæ toto anno obtinebant, totamque rationem juris dicendi complectebantur: cum alia essent edicta, in quibus aliquid è re nata Prætores edicebant. Edicta distinguit in hæc duo genera Ulpian. in *l. Si quis id 7. ff. de jurisd.* Si quis id, quod jurisdictionis perpetua causa, non quod, prout res incidit, in albo propositum eris, corruperis.

Edictum perpetuum, seu perpetuæ jurisdictionis causa propositum, erat id, quod Prætor initio magistratus proponebat, in quo edicebat, quomodo jus di.

dictum esset eo anno. Idcirco lege Cornelia ex eo jubebatur jus dicere, & ab eo recedere prohibebatur.

Edicta temporaria non ejusdem modi erant omnia. Erant edicta, quibus reus vocabatur, quæ nostri vulgo citationes appellant. *l. ad peremptorium cum 28. quinque ll. seq. ff. de judic.* Erant edicta monitoria, objuratoria, consolatoria, de quibus late *Brisson. de formul. lib. 3. in princ.* Erant & quedam edicta, quibus Prætor impediens aliquod periculum amovebat, & ne aliquid fieret, prohibebat. *Cic. lib. 2. in Verr. Quod nisi Metellus hoc tam graviter egisset, atque illam rem imperio, edicteque prohibuisset, vestigium statuarum istius in tota Sicilia nullum esset relictum. Valer. Max. lib. 1. cap. 3. C. Cornelius Hispanus, Prætor Peregrinus, M. Popillio Lenate, Cn. Calpurnio Coll. edicto Chaldeos intra decimum diem abire e urbe, atque ex Italia iussit.*

Constat igitur, edictum perpetuum non lege Cornelia factum fuisse, sed Senatufconsulto, Imperatoris Hadriani tempore, qui in eo digerendo Salvii Juliani J.C. opera usus est. *l. dedis. §. si vero postea C. de veter. jur. enucl. l. penult. C. de Condit. indeb. Eutrop. lib. 9. l. 2. §. sed quia in fin. C. cod.*

An autem hoc edictum, a Salvio Juliano compositum, vim legis haberet, ita ut dici posset, Prætores legem condidisse per posterius, non sine causa dubitari potest. Equidem, ut dicam, quod sentio, hic quoque in nominis amphiboliam incidimus. Nam si legis nomen in genere accipimus, ut significet quodcumque jus, quancumque constitutionem legitime factam, jubentem aliquid, aut cogentem, *l. legis virtus ff. de legib. & l. 1. & 2. ff. cod.* utique vim legis habebat. Erat enim olim Lex annua, ut ait Cicero: postquam factum fuit perpetuum, non amplius erat Lex annua, sed vere lex perpetua. Lex enim

est, quæ scripto sancit, quod vult, aut jubendo, aut vetando, a delecto. *Cic. de legib. & Senec. lib. 4. de benefic. Legem dicimus iusti, injustique regulam esse.* Hæc omnia conveniunt edicto perpetuo. Et in hac significatione legis nomen, etiam Senatufconsulta comprehendit, ut in *l. tuias 7. in princ. ff. de cap. min. l. aut privatim 10. in princ. ff. ad SC. Turpill. juncta l. 2. §. 1. ff. de cust. & exhib. reor. & l. si res 49. de minor. juncta l. 1. ff. de reb. cor.* Simili autem oratione Adriani in Senatu fuit confirmatum Edictum perpetuum. *d. l. dedis. §. si vero postea C. de veter. jur. enucl.*

Quod si legis nomen proprie accipiamus pro generali jussu populi, ut eam Capito definebat, & Justin. in §. 31 *Lex est Insti. tit. de jur. natur.* quemadmodum nomen legis accipitur in *l. jus autem 7. ff. de iustis. & jur. in l. juris gentium 7. ff. de legib. in l. 1. in fin. ff. ex quib. caus. maj. l. 2. §. deinde cum esset ff. de origin. jur. l. 1. ff. ne quid in loc. public. & passim; utique edictum Prætoris nec post confirmationem Adriani, nec post approbationem Justiniani lex est.*

Imo etsi legis nomen accipimus pro ea sanctione, seu constitutione, quæ supremam habet potestatem vetandi, atque imperandi, quemadmodum sere semper usurpatur in jure nostro, Edictum Prætoris lex non est, neque vim legis habet. Itaque in jure nostro semper 32 edictum appellatur, non vero lex, nec legis nomine comprehenditur, nisi cum legem pro jure dicunt. Nam Adrianus quidem Edictum Prætoris de annuo perpetuum fecit, non tamen ejus naturam mutavit, aut vim auxit, aut quicquam roboris addidit.

Quamobrem Justinianus in hoc nostro §. *Prætorum Insti. tit. de jur. nat. gent. & civ. ait: Prætorum quoque edicta non modicam obtinent juris auctori-*

ta.

autem. Recte: non enim edicta Prætorum obtinent supremam illam auctoritatem, quam leges, & constitutiones Principum, de quibus antea egerat, sed multo minorem. Et hoc etiam tempore ipsius Justiniani post Pandectarum compositionem. *Obtinent*, inquit: non agit de tempore veterum Prætorum; sed de suo. Quid ita? *Quia Magistratus huic juri auctoritatem dederunt*, ut ait paulo infra. Retinent igitur eandem auctoritatem, quam ipsi dederunt Magistratus, & ideo non modicam; non tamen summam, ac maximam.

Exemplis id clarius ostendam. Prætor non poterat hæredem facere: per legem enim solum, vel similem juris constitutionem hæredes fiunt, §. *quos autem Instit. tit. de honor. poss.* Sine suprema legis auctoritate nobis hæreditas obvenire non potest, sive ab intestato, sive ex testamento. *l. verbis legis. l. lege obvenire ff. de P.S.* Itaque Prætor dabat bonorum possessionem iis, quos ad successionem vocabat. *d. §. quos au-*
 33*tem.* An post Adrianum, vel post Justinianum ex edicto Prætorum deferri cæpit hæreditas? Minime vero. Etiam post Imperatores laudatos nihil aliud ex edicto defertur, quam bonorum possessio. Quid ita? Quia non mutantur naturam edicti, nec majorem auctoritatem ipsi dederunt. Sustulit quidem Justinianus quasdam bonorum possessiones, tamquam inutiles, reliquas tamen, quas confirmavit, non mutavit in hæreditatem, sed & hodie manent bonorum possessiones, ut constat ex toto *sic. Instit. de honor. posses. & ex toto lib. 37. & 38. Pandectarum, & ex lib. 6. Cod. a tit. 10. ad 20.*

Prætor obligationem jure civili recte contraxit, ipso jure tollere non poterat, ne contra leges faceret, sicut nec ullus alius magistratus: *l. formam. 2. C. de off. Præf. Prætor. Orient.* & ideo dabat exceptionem ad elidendam

actionem, si quando aliquam obligationem improbat: & is, cui dabat exceptionem, ipso jure erat obligatus. *tot. tit. Instit. de except.* Atque id³⁴ etiam hodie obtinet: nam obligatio, a Præiore improbata, non est ipso jure nulla, sicut ipso jure nulla est obligatio, quæ a legibus improbat, sicut pro infectis habentur ea omnia, quæ lege prohibente fiunt; *l. non dubium C. de legib.* sed hodie etiam, quemadmodum olim, ad infringendam & evolvendam obligationem opus est exceptione. *d. tit. Instit. de except. & toto tit. ff. & C. de except.* Igitur nec hodie edictum Prætoris habet eandem vim, quam lex. Imo nec prius pactum per pactum posterius eliditur ipso jure, sicut stipulatio per stipulationem: *l. si unus 27. §. pactus ff. de pact.* quia stipulatio legis auctoritate nititur; pactum vero auctoritate prætoris. *l. juris gentium 7. §. ait prætor. ff. de pact.* Vide text. in *l. in honorariis 35. in princ. ff. de oblig. & action.*

Non excutiam longius, nec singulas partes juris Prætorii percurram, quas si quis velit singulatim, & accurate perpendere, intelliget, eandem prorsus habere vim, quam Prætores ipsi tribuerunt. Et ratio est in promptu. Cum enim Justinianus non novum jus condiderit, sed veterum Jurisconsultorum sententias, ac præcepta collegerit, & in Pandectis digesserit, eisque tribuerit legis auctoritatem; veteres autem Jurisconsulti in edictis interpretandis tribuerint ipsis eam auctoritatem, quam a Prætoribus acceperant; utique eandem quoque ipsis tribuit Justinianus, qui veterum Jurisconsultorum interpretationes confirmavit.

At enim Justinianus omnia, quæ in libros juris concessit, sua esse voluit, quasi leges a se conditas, ac promulgatas. *l. 1. §. sed in hoc studium l. 2. q. ne autem in fin. C. de vet. jur. cons.*

Re-

Respondetur, id esse verissimum, quoad vim derogandi omnibus aliis legibus. Has enim solas voluit observari Iulianianus, & omnes pariter eodem modo, perinde ac si essent omnium potestatis constitutiones, & ab ipso conditæ omnes eodem tempore, videlicet tunc, cum eas colligit. *d. l. 2. §. hæc autem omnia; & l. 3. §. tanta C. cod.* Non tamen id pertinet ad vim disponendi, & producendi effectus, quam non mutavit Imperator noster. Sua fecit omnia, sed tamen voluit singulas juris partes propriam habere naturam, quam initio habuerunt; & cum nollet ex integro novum jus condere, ex veteri jure quædam fustulit, & abrogavit; quædam confirmavit, & ipsis tribuit eam auctoritatem, quam cuiusque natura patiebatur.

- XII. *Exclusio hæredis scripti, & admissio alteri non scripto, sit irritum testamentum.*
 XIII. *Patia juri non esse, & non esse legitime.*
 XIV. *Prætor rescindit judicium adjuanti, non testamentum; & ratio, n. 15.*
 XV. *Non potest contra leges facere, nec subverti actum a jure comprobatum.*
 XVI. *Exempla proponuntur; & n. 17, 18, 19, 20.*
 XXI. *Exhereditati ad hæc bonorum possessiones non admittitur; & quare.*
 XXII. *Explicatur l. ut liberis C. de collat. & n. seqq.*
 XXIII. *Collatio locum habet, sive ab intestato succedatur, sive per hæc bon. pos.*
 XXIV. *In hæc bonorum possessiones Prætor servat ordinem, & divisionem juris civilis.*
 XXV. *Intestatus quoad tutelam dicitur etiam, quia viis socii testamentum.*
 XXVI. *Minus propriis Prætor dicitur rescindere testamentum; & afferuntur varia exempla.*
 XXVII. *Nullum dicitur, quod est sine effectui, etiam si ipso jure subsistat.*
 XXVIII. *Bonorum possessio contra tabulas comparatur querela inofficiosa solum quoad effectum collationis.*

CAPUT VII.

Ad §. Sunt autem Instit. tit. de bonor. possess. & ad l. ut liberis 17. C. de Collat.

SUMMARIUM.

- I. Bonorum possessio contra tabulas est ex testamento, & 20.
 II. Omnis successio, tum civilis, tum prætoria, aut ex testamento, aut ab intestato.
 III. Tabula significat testamentum.
 IV. Bonorum possessio contra tabulas non rescindit testamentum.
 V. Nec improbit, quominus hæres in testamento scriptus adeat hereditatem. & 15.
 VI. Qui omnia bonorum possessione contra tabulas adit ab intestato, legata præstat, quomodocumque ille, qui adit omnia causa testamenti.
 VII. Hæc bonorum possessio non impedit querelam inofficiosa.
 VIII. Concursus cum bonorum possessione secundum tabulas.
 IX. Non admittitur simul ad successionem exhereditatum.
 X. Conservatur substitutio; & legata.
 XI. Testamentum est supremum iudicium defuncti.
 Tom. I.

Quæ de bonorum possessione contra tabulas dicturi sumus, ea pertinent ad Prætoris auctoritatem, de qua differuimus. Bonorum possessio contra tabulas recensetur inter bonorum possessiones ex testamento. in §. sunt autem Instit. tit. de bonor. possess. & in §. sed eas Instit. tit. cod. Et merito: est enim bonorum possessio contra tabulas ex testamento, non ab intestato: & ideo semper in jure nostro separatur, ac distinguitur a successione ab intestato, ut in l. 1. §. ita autem ff. unde liber. in l. 4. C. de collatione. Et cum omnis successio tum civilis, tum prætoria, sit vel ex testamento, vel ab intestato, §. ult. Instit. tit. per quas person. cuiq. 2. acquirit. princ. tit. Instit. de bonor. possess. si ab intestato non sit, sequitur ut sit ex testamento.

Verumtamen, quamvis hæc certa videantur, vix intelligi potest, qui fiat, ut ea bonorum possessio, quæ impugnat voluntatem, ac testamentum defuncti, nihilominus sit ex testamento. Videatur hæc inter se contraria esse: ex ge-

3 **testamento, & contra testamentum.** Est contra tabulas: ergo & contra testamentum: tabularum enim nomen testamentum significat. l. 1. §. hoc interdictum ff. de tab. exhib. l. 1. §. 1. ff. quemadmodum testam. aper. l. 1. ff. de bonor. poss. sec. tab. Juven. Sat. 2.

Notum est, cur solo tabulas impleverit Ister

Liberto.

Et Satyr. 6.

Mon decolor heres

Impleres tabulas, numquam tibi mune videndus.

Id. Satyr. 14.

Corripies nimirum, & castigabis acerbo clamore: & post hac tabulas mutare parabis.

Si est contra testamentum, ergo non ex testamento.

Impugnat quidem bonorum possessio contra tabulas testamentum, & voluntatem defuncti, & est contra testamentum, non tamen ipsum testamentum rescindit, nec defunctum facit intestatum: unde ab intestato succedi non potest, & subsistente testamento, non potest succedi nisi ex testamento.

4 Rescinditur quidem iudicium testantis, l. 1. ff. de legat. prestand. non tamen rescinditur ipsum testamentum, quia Prætor non querit de jure testamenti, an valeat, vel non valeat, sed de jure ejus, qui perit bonorum possessionem; l. filio 16. in fin. ff. de inoff. testam. & dat quidem bonorum possessionem contra voluntatem defuncti, a qua recedit. l. sed cum patrono 6. §. 1. ff. de bon. poss. testamentum autem illæsum, intactumque 5 relinquit, nec impedit, quo minus in eo testamentum scriptus hæres adeat hæreditatem. l. 1. is qui in potestate §. sed si scriptis ff. de legat. prest.

Hinc autem multi oriuntur effectus.

Primus est, quod, sicut ille, qui omnia causa testamenti, ab intestato adit hæreditatem, cogitur legata præstare, perinde ac si hæres esset ex testamento, 6 l. 1. ff. si quis omiff. caus. testam. ita &

qui omiffa bonorum possessione contra tabulas ab intestato possidet hæreditatem, legata præstat, quæ præstaret accepta hac bonorum possessione. l. quis autem 6. §. hoc edictum ff. eod.

Alter, quod, si pater defuncti acco- 7 perit bonorum possessionem contra tabulas, filia a defuncto exheredata potest agere querela inofficioli testamenti: l. filio 16. §. 1. ff. de inoff. test. qua agere non posset, si per bonorum possessionem rescissum fuisset testamentum: tum quia filia succederet ab intestato, & ideo ei non competeret querela; §. tam autem Insti. tit. de inoff. testam. tum quia querela testamentum rescindit, atque subvertit. l. Papinianus §. si ex causa l. in repudiantis ff. de inoff. testam. non posset autem rescindi testamentum, si jam fuisset rescissum per bonorum possessionem. l. nam etsi 5. vers. puto igitur ff. de inoff. nup.

Tertius, quod bonorum possessio contra tabulas potest concurrere cum bonorum possessione secundum tabulas. l. sed 8 cum patrono 6. ff. de bonor. poss. utraque enim est ex testamento.

Quartus secundo similis est: si alter ex filiis sit præteritus, alter exheredatus, & præteritus accipiat bonorum possessionem contra tabulas, nihilominus non admittitur ad successionem exheredatus. l. si post mortem 10. §. exheredati ff. de bonor. poss. contr. tab. atque admitteretur, si per bonorum possessionem contra tabulas everteretur testamentum, & defunctus fieret intestatus. l. filium 20. in princ. ff. eod.

Quintus, quod, licet Prætor recedat a voluntate testatoris quoad institutionem, tamen & exceptis personis legata conservat; l. 1. & toto tit. ff. de legat. 10 præst. & sustinetur substitutio pupillaris, & omnia legata a substituto data: l. ex duobus 34. §. ult. ff. de vulg. quæ in irritum omnia reciderent, si testamentum everteretur. l. 2. vers. nam si prin-

principale ff. de vulg. l. si patroni 55. §. qui fideicommissum ff. ad SC. Trebell. §. 1. Inst. de hered. qua ab intest.

Sed hic in scopulum impingimus, quem interpretes nostri declinantes prætervehuntur. Si Prætor defuncti iudicium rescindit, l. 1. ff. de leg. præst. rescindit etiam testamentum. Quid enim est testamentum, nisi voluntatis nostræ iusta sententia? l. 1. ff. qui testam. fac. poss. Quid, nisi supremum defuncti iudicium? l. vel negare ff. testam. quemadm. aper. l. nec si mora 5. C. de quæstion. l. nec fideicommissa 36. ff. de legat. 3. l. 1. ff. de bonor. poss. ex testam. milit. l. 1. C. de collation. l. ex testamento 5. C. de testam. milit. l. non oportet 5. C. de his quib. ut indig. l. hi quibus 7. C. de fideicom. libere.

Præterea, si a Prætore hæres scriptus excluditur, & admittitur hæres non scriptus, sit irritum testamentum, & defunctus intestatus decedit. l. 1. in princ. ff. de suis, & legis. heredib. princ. sit. Instit. de heredit. qua ab int. defer. Paria enim sunt aliquid non esse, & non esse legitime. l. quoties 6. ff. qui satisd. cog. l. 1. ff. si quis in jus voc. non per. l. 1. §. quod si nemo in fin. ff. quod cuiusq. univers.

Respond. quod quoties a iure civili rescinditur iudicium testatoris, rescinditur etiam, atque evertitur testamentum: item, cum iure civili sit irritum testamentum hærede non adveniente, decedit intestatus, qui ejusmodi condidit testamentum. At vero, cum Prætoris auctoritate iudicium testantis rescinditur, non evertitur testamentum: potius enim Prætor a voluntate testatoris recedit, quam testamentum subvertat, de cuius iure non quaerit. l. filio 16. in fin. ff. de inoff. testam. Quamobrem, etsi hæredibus non advenientibus corrumpat exheredatio, & exheredatus admittatur ab intestato; tamen filio petente bonorum possessionem contra tabulas, alter filius exheredatus non admittitur ab intesta-

to, quia non infirmatur testamentum, & ideo sustinetur exheredatio. l. filio 16. in princ. ff. de bonor. possess. contra tab. Itaque Justinianus in l. ult. §. senecimus C. de liber. prætor. recte ait: *us & ipsa, si fueris præterita, adinstat filii emancipati, vel sui, vel testamentum ipso jure evertat, vel per contra tabulas bonorum possessionem stare hoc non patiat.* Suus, qui juris civilis prædicio munitus est, evertit ipso jure testamentum: emancipatus, qui solum ope Prætoris succedit, non evertit ipso jure testamentum, sed ipsum stare non patitur, hoc est, non patitur admitti hæredem scriptum in testamento, & locum habere voluntatem testatoris. Item in l. si duo 16. ff. de legat. præst. filius in potestate existens præteritus, licet accipiat bonorum possessionem contra tabulas, tamen, quia etiam iure civili munitus est, ab intestato rem habere videtur, & legata non præstat. Contra frater ejus emancipatus, licet & ipsi communicetur bonorum possessionis auxilium, tamen legata præstat, quia ex testamento rem habere videtur, in quo fuerat institutus.

Ratio autem, cur Prætor non rescindit testamentum, ea est, quia nec potest test rescindere, nec potest facere intestatum eum, qui recte & secundum præcepta legum testatus est. Testamentum enim a lege xxi. tabul. sunt confirmata. l. verbis legis, & l. lege obvenire ff. de P. S. Prætor autem contra leges facere non potest. l. 1. §. 1. ff. de ser. l. cum sponsus §. si res ff. de Public. in rem act. Itaque, quod legis auctoritate munitum est, a Prætore subverti non potest: neque enim eam habet auctoritatem, ut vim legis possit infringere, sicut non potest legem condere. Quemadmodum igitur non potest hæredem facere, quia sola lex hanc potestatem habet, §. quos autem Instit. sit. de bonor. possess. ita non potest impe-

dire, quominus sit hæres ille, qui jure civili hæres existit. *l. cum quasi 30. §. sed etsi suus ff. de fideic. libert. l. & sine §. sed quod Papinianus ff. de minor. §. restituta Instit. de fideicommiss. heredit.* Quapropter, cum dat bonorum possessionem contra tabulas præterito, non excludit hæredem institutum, qui recte adire potest hæreditatem. *l. is qui in potestate §. sed si scriptus ff. de legat. præst. licet sine effectu sit aditio: Prætor enim potest indirecto effectum impedire, non potest directo impugnare, ac subvertere actum jure civili comprobatum.*

Sed hoc accuratius explicare operæ pretium est. Non potest Prætor directo legem impugnare, & abrogare, aut subvertere id, quod a lege fuit constitutum. Potest tamen indirecto effectum a legis sanctione prodeuntem impedire. Exemplis id planius exponam. Non potest Prætor obligationem jure civili comprobatam tollere, nec impedire quominus contractus jure civili comprobatus civilem pariat obligationem: idcirco, cum æquitate suadente improbat aliquem contractum, non ipsum subvertit, non tollit ejus obligationem, sed effectum impedit dando exceptionem. Valet contractus: ex contractu nascitur civilis obligatio: parit actionem: sed vis actionis infringitur exceptione: *princ. tit. Instit. de except. & §. 1. & 2. & tot. tit.*

Prætor potest dare bonorum possessionem illis, qui a jure civili non vocantur ad hæreditatem: *§. emancipati Instit. tit. de hered. qua ab int. non potest tamen dare bonorum possessionem illis, qui a lege prohibentur capere hæreditatem. l. non est ambigendum §. 1. ff. de bonor. poss.* Ita dat Prætor actionem Publicianam ad persequendam rem non usucaptam, perinde ac si usucapta esset, ad quam actio civilis non competit: *§. namque si cui Instit. tit. de action. l. 1. ff. Publician.* non tamen eam dat,

si res a jure prohibeatur alienari. *l. cum sponsus §. si res ff. de Public. in rem act.*

Prætor excludit eos, qui a jure civili vocantur ad hæreditatem, non tamen directo, declarando eos incapaces successionis, sed indirecto aliquem ipsis præferendo. Jus civile vocat agnatos ad hæreditatem post suos hæredes. Ulpian. *Instit. cap. 26. l. 1. post suos & §. seq. & l. 2. ff. de suis, & legit. hered.* Prætor non excludit a successionibus agnatos, neque enim id efficere poterat; sed prætulit ipsis emancipatos. *§. emancipati Instit. tit. de hered. qua ab intest. Itaque, si moriatur paterfamilias sine suis hæredibus relicto emancipato, jure civili succederent agnati. Non tollit Prætor hoc jus succedendi, quod habent a lege, sed ipsis præfert emancipatum, cui dat bonorum possessionem, perinde ac si esset in potestate: *d. §. emancipati, quam ipsi non daret, si nominatim a lege fuisset exclusus. l. non est ambigendum §. ult. ff. de bonor. poss.**

Eodem modo se res habet in successione testamentaria, de qua agimus, Testator rite condidit testamentum. Prætor non rescindit testamentum, quod legis auctoritate nititur; *l. verbis legis ff. de V. S.* non impedit, ne scriptus hæres adeat hæreditatem; *d. l. is qui in 20 potestate §. sed si scriptus ff. de legat. præst.* sed hæredi scripto præfert præteritum, dando ipsi bonorum possessionem. Et quia hæc bonorum possessio repugnat scripturæ testamenti, dicitur contra tabulas: est tamen ex testamento, quia non evertitur testamentum, licet non sit secundum testamentum. Atque ita directo non facit contra legem, comprobantem testamentum.

Imo nec directo Prætor impugnatur, ac subvertitur voluntatem testatoris, nam & ipsa legis auctoritate vallatur. Nam, si testator nominatim filium ab hæreditate exclusit, eum exhæredando, Prætor eum non admittit ad bonorum possessionem.

pos-21
feli.

cessionem: *l. non putavis 8. in princ. ff. de bonor. poss. contr. tab.* ubi notandum est illud verbum, *remotos*. Exheredati non admittuntur, quia ab hereditate remoti sunt a testatore, nec possunt admitti, nisi directo impugnetur, & subvertatur testatoris voluntas. Et ideo nec commissio per alios edicto admittuntur. *l. si post mortem 10. §. exheredati ff. eod.* Cum vero admittit præteritum, non impugnatur directo voluntatem, licet eo admisso excludatur institutus, quia hoc fit in consequentiam. Quemadmodum non facit contra legem Prætor, cum agnatis præsert emancipatos, licet hinc consequatur, ut excludantur agnati, qui a lege vocabantur.

His explanatis viam stravimus ad intelligendam Leonis constitutionem io *l. ut liberis 17. C. de collat.* quæ adeo contraria est huic sententiæ, ut nihil supra. Ut liberis tam masculini, quam feminini sexus quocumque jure intestata successione, id est, aut testamento penitus non condito, aut, si factum fuerit, contra tabulas bonorum possessione petita, vel inofficiosi querela mota rescisso. Tria sunt in his verbis observanda. Primum, quod, qui accipit bonorum possessionem contra tabulas, obtinet hereditatem jure intestatæ successionis. Præterea, quod petita bonorum possessione contra tabulas rescinditur testamentum. Denique, quod hac in re bonorum possessio comparatur querelæ, qua vere testamentum rescinditur, *l. testamentum 24. C. de inoffic. testam. l. filii 16. C. sam. excus. l. qui repudiantis ff. de inoffic. testam.* & fit defunctus intestatus. *l. posthumus 6. §. si quis ex his personis ff. eod.*

Respondetur, quod quotiescumque filii non succedunt ex voluntate testatoris, qui potest partes inæquales facere, locum habet collatio, ut omnes consequantur pares portiones ex bonis patris. Itaque sicut collatio locum habet,

cum succeditur ab intestato, ita locum habet, cum succeditur per bonorum possessionem contra tabulas. *l. filia 4. C. de collat.* Imo collatio præcipue induta est propter bonorum possessionem contra tabulas. *l. 1. in princ. ff. de collat.* Nam, qui accipit bonorum possessionem contra tabulas, non succedit secundum voluntatem defuncti, sed ex voluntate Prætoris, & ideo non debet plus obtinere ex bonis paternis, quam alii, qui vel a testatore, vel a jure civili vocantur ad hereditatem. Quamobrem Prætor liberos ad hanc bonorum possessionem vocat, eo jure, eoque ordine, quo vocantur ad successionem jure civili, & distribuit ipsis eas portiones, quas habituri essent ab intestato: *l. 1. §. vocantur autem l. non putavis 8. in fin. versic. Prætori l. si in adoptionem 11. §. 1. ff. de bonor. poss. contr. tab. l. ult. in princ. ff. de legat. prest.* Ad servandam autem hanc æqualitatem inter liberos, hanc collationem introduxit. Igitur, cum agitur de collatione, (ut in *d. l. ut liberis*) omnis successio dicitur intestata, etiam quæ obtinetur per bonorum possessionem contra tabulas: non, quia vere sit ab intestato; ab ea enim distinguitur; sed quia idem jus est, idem effectus, *l. filia 4. C. de collat. lation.* Sic etiam, quoad tutelam dicitur intestatus etiam ille, qui vere intestatus non decessit. *l. intestato 6. ff. de legit. suor. §. quod autem Inst. tit. de legit. agn. sui.* Et Imperatorem Leonem in *d. l. ut liberis*, voluisse comprehendere omnes successiones, in quibus obtinet collatio, sive proprie, sive improprie essent intestatæ, constat ex illis verbis generalibus: *quocumque jure intestata successionis.*

Verbum autem, *rescisso*, proprie refertur ad querelam inofficiosi, cui subiectum est: minus proprie ad bonorum possessionem contra tabulas. Est enim illud usitatum, ut, quando verbum plu-

ra debet comprehendere, & ad plura referri, sufficiat unum ex illis proprie comprehendere, etiam si alia contineat minus proprie. Rescissum autem dicitur testamentum, quia Prætor ipsum stare non patitur, *l. ult. §. sancimus. C. de liber. prætor.* hoc est, non patitur observari quoad hæredis institutionem, cui præsert præteritum, quasi hic, non ille, fuisset institutus. Ita rescindere dicitur emancipationem Prætor, cum emancipatum admittit ad bonorum possessionem unde liberi, eumque præsert agnatis. *l. sed cum patrone §. 1. ff. de bonor. poss.* Non potest Prætor rescindere emancipationem, quæ a lege XII. tabul. fuit inducta, ejusque auctoritate sustinetur: sed tamen dicitur rescindere spectato effectu: quia emancipatum admittit, perinde ac si non esset emancipatus. Sic rescindere usucapionem dicitur Prætor, cum dat actionem ad rem persequendam, perinde ac si non fuisset usucapta. *l. in honorariis 35. in princ. ff. de oblig. & act. §. rursus Instit. tit. de acti.* Sic rescindi testamentum dicitur, cum hæres transgreditur voluntatem testatoris. *l. in tabulis 36. ff. de statu lib.*

Nimirum si verba referamus ad jus, non est rescissio: si ad effectum, rescissio est: quia idem consequitur effectus, qui per rescissionem conquireretur. Sic nulla dicitur obligatio in *l. si dare 25. ff. de V. O.* quæ tamen dicitur jure subsistere, & efficax esse in *§. 2. Instit. tit. de except.* hic enim ad jus: illie ad effectum verba referuntur. Ad effectum quoque refertur verbum illud, *rescisso*, in nostra *l. ut liberis*, quia quoad inducendam collationem, perinde est, ac si rescissum esset. Et quoad eundem effectum comparatur ibi querela inofficiosi testamenti cum bonorum possessione contra tabulas, quia per utramque ita succeditur, ut sit necessaria collatio.

CAPUT VIII.

Ad l. Papinianus 8. in princ. ff. de inoff. testam.

SUMMARIUM.

- I. Bonorum possessio alia sunt cum re, alia sine re.
- II. Bonorum possessio litis ordinanda gratia est sine re.
- III. Querela inofficiosa, nisi cum heres institutus advenit hereditatem.
- IV. Bonorum possessio litis ordinande gratia non est necessaria liberis in potestate existensibus, sed emancipatis.
- V. Per querelam inofficiosa testamenti sunt heredes singuli rescindi testamentum, & hereditatem acquirunt.
- VI. Qua de causa sunt hereditibus non sit necessaria bonorum possessio litis ordinande gratia.
- VII. Filii agendo querela inofficiosa se hereditati, nec potest postea obstruere.
- VIII. Agnosceret bonorum possessionem, & agens querela inofficiosa pro herede gerit.
- IX. Impletis conditionem non agit, & quare?
- X. Emancipati post rescissum querela testamentum possunt repudiare hereditatem juxta quorundam sententiam.
- XI. Testamentum patris querela rescinditur, quasi pater non sine meritis fuerit, cum testatus est.
- XII. Non debet esse in arbitrio ejusque, ad quem velit deferri hereditatem, sed contra, n. 33.
- XIII. Emancipatus agendo querela agnosceret successionem.
- XIV. Hec bonorum possessio inventa est in commodum emancipatorum, ut querela agere possint.
- XV. Emancipatus jure civili nihil juris habet in bonis paternis.
- XVI. Pater filium emancipatum exheredando, non facit ei injuriam secundum jus civile.
- XVII. Bonorum possessio litis ordinande gratia reddit emancipatum capaxem successionis, & querela inofficiosa.
- XVIII. Emancipatus sine hoc bonorum possessionem non potest per querelam vindicare hereditatem, in qua nullum jus habet.

Quoniam de bonorum possessionibus sermo est institutus, de bonorum pos-

possessione litis ordinandæ gratia pauca lubijemus, de qua in *l. Papinianus* 8. in princ. ff. de inoffic. testam.

- Præter illas bonorum possessiones cum re, quæ nobis jus tribuunt, & dominium omnium rerum hæreditarium, 1. 1. 2. & 3. ff. de bon. poss. sunt quædam bonorum possessiones sine re, de quibus Ulpian. in frag. & Imperatores in *l. filius matrem* C. de inoff. testam.

Inter has bonorum possessiones sine re, quæ jus non tribuunt, est illa, quæ datur acturis querela inofficiosi testamenti: *l. quamvis* 2. C. eod. de inoff. quæ dicitur bonorum possessio litis ordinandæ gratia in *l. Papinianus* 8. ff. de inoff. testam.

- Est autem sine re, quia querela inofficiosi non datur, nisi hæres institutus adiverit hæreditatem. d. *l. Papinianus* §. si conditioni vers. quoniam ff. eod. 3. Itaque donec testamentum per querelam rescindatur, hæreditatem obtinet institutus, non, qui agit querela, aut ordinat litem inofficiosi testamenti, ut avocet hæreditatem ab instituto. d. *l. 2. de inoff. testam.*

Hæc bonorum possessio liberis in potestate existentibus necessaria non est.

4. *l. quemadmodum* 7. ff. de inoff. testam. Hinc a contrario argui posse videtur, eam bonorum possessionem liberis emancipatis esse necessariam. Quorsum detur hæc bonorum possessio, & qua de causa necessaria sit emancipatis, non suis hæredibus, est inter doctissimos homines magna dissensio. Rem obscurissimam, quantum potero, dilucide explicabo. Omittam autem, quæ hac in re fingit Accursius, atque ejus affectæ, Græcorum fabulis simillima.

Suis hæredibus non est necessaria bonorum possessio hære, quia, cum ipsi succedant ab intestato, per solam querelam inofficiosi, utrumque consequuntur, & ut rescindatur testamentum patris, & ut avocent hæreditatem a scriptis hæredibus. Nam querela inofficiosi

testamenti est actio, qua simul rescinditur testamentum, & petitur, ac vindicatur hæreditas; *l. Papinianus* §. quoniam. *l. cum qui* §. ult. *l. si instituta* §. de inofficioso ff. de inofficioso testam. *l. 3. C. de petit. hered.* vel qua rescisso testamento fit hæres ipso jure. *l. in suis* 14. ff. de suis & legitim. hered. Uno verbo: eadem de causa, qua ipsis necessaria non est aditio, *l. quemadmodum* ff. de inoff. testam. necessaria quoque non est hæc bonorum possessio.

Non potest admitti communis sententia, qua statuitur, filium exheredatam etiam post rescissum testamentum posse abstinere, nec agendo querela se immiscere hæreditati, argum. text. in *l. Antistius* 62. ff. de acqu. hæredit.

Etenim, qui testamentum accusat, hoc ipso videtur agnovisse successionem: *l. cum quidam* ff. de bonor. poss. quia ideo accusat, ut jus suum sibi servet; *d. l. cum quidam*. & ideo semper accusat, tamquam hæres; quamobrem agnoscit successionem. d. *l. Antistius*. Nam, qui implet conditionem, potest eam implere etiam alia de causa, vel fato: *l. 2. ff. de condit. & demonstr.* & ideo, ut ex conditionis implemento arguatur animus acquirendæ hæreditatis, qui omnino requiritur in adeunda hæreditate, *l. si avia* 6. C. de jur. delib. §. ult. Inst. de hered. qual. & differ. necesse est, ut impleat, tamquam hæres. d. *l. Antistius*. At accusatio testamenti vel falsi, vel inofficiosi natura sua includit animum acquirendi hæreditatem, non minus, quam pro hærede gestio. Et sicut pro hærede gerit, qui agnoscit, ac petit bonorum possessionem, *l. puberem* 12. C. de jur. delib. ita, qui accusat testamentum inofficiosum: cum accusando petat, ac vindicet hæreditatem.

Emancipatis autem quidam putant necessariam esse hanc bonorum possessionem, ne post expugnatum patris testamentum repudient hæreditatem. Accipit

pta hae bonorum possessione, simul ac rescissum fuerit testamentum, obtinent hereditatem: quia bonorum possessio, quæ pendente judicio erat sine re, finito judicio statim incipit esse cum re. At si eam non acceperint, erit in eorum arbitrio repudiare hereditatem. At hoc ipsis non est permittendum.

10 Primum, quia testamentum rescinditur hoc colore, quasi non sanæ mentis fuerit, quia contra officium pietatis statutus est: *l. 2. l. nam & his 3. in fin. l. Titia ff. de inoff. testam. l. patronus §. ult. ff. de legat. 2.* & ideo non est permittendum filio notam hanc patri incurrere sine causa, si nolit hereditatem adire.

Præterea, quia esset in potestate filii hereditatem deferre heredibus ab intestato, & adimere institutis: rescindendo enim testamentum excluderet institutos: & postea repudiando admitteret hæredes ab intestato. Hoc autem non 11 debet esse in cuiusquam arbitrio. §. *at hi, versic. quod ideo Instit. tit. de hered. qual. & diffen.*

Negari non potest, dici hæc admodum probabiliter. Verumtamen, si nihil aliud obfisteret, non intelligo, cur emancipatus agendo querela, non agnoscat successorem, ita ut amplius repudiare non possit, *d. l. cum quidam*, ut modo dicebamus.

Præterea non est novum, ut querela inofficiosa non profit ei, qui egit, sed heredibus ab intestato, qui admittantur exclusis institutis propter testamentum 13 querela rescissum. *l. posthumus. §. si quis ex his personis ff. de inoff. testam.* Quod & in scriptis heredibus aliquando evenit, ut sit venale eorum beneficium, & sit in eorum arbitrio aliquem vel excludere, vel admittere ad hereditatem *l. filio, quem 20. in princ. ff. de bonor. poss. contr. tab.*

Nec illud est omittendum, quod Paulus in *l. quemadmodum 7. ff. de inoff.* videtur innuere, hanc bonorum pos-

sionem esse necessariam emancipatis, ut 14 possint agere querela: adeoque ad eorum commodum videtur inducenda. Atqui esset ipsis incommoda, si tolleretur ipsis ejusmodi facultatem repudiandi post rescissum testamentum.

Existimo igitur, hanc bonorum possessionem necessariam esse emancipatis, quia sine ea non possent admitti ad agendum querela inofficiosa. Primum enim querela inofficiosa est remedium civile, non prætorium, ad quod admitti non possent emancipati, qui jure civili nihil juris habent in bonis paternis. §. *emancipati Instit. tit. de hered. 15 que ab intest.* Quorsum enim tentent rescindere patris testamentum, si ei non possunt succedere? *d. §. emancipati.* Cum jure civili sint incogniti, non debent ab eo admitti ad rescindendum testamentum: nam, etsi factum non fuisset testamentum, numquam successuri fuissent. Considerato jure civili nullam injuriam fecit filio emancipato parens, qui eum exheredavit: & ideo nulla causa est, cur non debeamus ei consentire. *l. non est 4. ff. de inoff. testam.* Nec, 16 quicquam potest allegare emancipatus, cur exheredari non debuerit, cum nihil juris habeat, *l. 3. ff. eod. juncta l. 4. §. si emancipatus versic. cum possit ff. de bon. poss. contr. tab.*

Prætor igitur, ut ipsum reddat successioneis capacem, ac eum præparet ad agendum, & ut possit allegare, cur non debuerit exheredari, & se injuria affectum ostendere, dat ei hanc bonorum possessionem, qua & jus succedendi consequitur, & rescinditur emancipatio, 17 perinde habetur, ac si esset in potestate. *l. sed cum patronus 6. §. 1. ff. de bon. poss. d. §. emancipati Instit. tit. de heredit. que ab intest. versic. perinde.* Est enim hæc bonorum possessio litis ordinandæ gratia eadem, ac bonorum possessio unde liberi: sed pendente judicio est sine re; quemadmodum ea, quæ datur

tur instituto sub conditione, quæ pendente conditione sine re est; existente conditione incipit esse cum re. l. 2. §. 1. l. sub conditione 5. ff. de bonor. poss. sec. tab. l. 3. §. si sub ea conditione ff. de bonor. poss. contr. tab. Etenim hæc quoque bonorum possessio pendet a conditione rescissionis testamenti.

Præterea, cum per querelam inofficiosi testamenti petatur, ac vindicetur, § 88 & evincatur hæreditas, ut supra probavimus; quo jure emancipatus petat, ac vindicet hæreditatem, in qua nihil juris habet? Quo jure iudex excludit institutum, eumque condemnabit ad restituendam hæreditatem ei, qui in ea nihil juris habet? Querela inofficiosi testamenti est actio contra jus civile, quod testamentum confirmavit. l. verbis legis ff. de V. S. Est autem moribus introducta, & paulatim cœpit admitti. Valer. Maximam. lib. 7. cap. 7. Hæc autem actio dari non poterat emancipatis, qui nihil juris habebant in hæreditatem patris, & ideo nullo colore poterant rescindere ejus testamentum. Prætor igitur, ut ipsi quoque admitterentur, & considerarentur tamquam sui hæredes, cœpit dare ipsis hanc bonorum possessionem, qua suis hæredibus pares efficiebat: d. §. emancipati; atque ita ipsis quoque cœpit hæc actio communicari. Cum igitur consuetudo admiserit emancipatos solum post acceptam hanc bonorum possessionem, necessaria erat emancipatis, qui non ipso jure sunt hæredes, ut sint, sed per bonorum possessionem.

CAPUT IX.

Ad l. ei qui se 12. ff. de acquir. vel om. hered.

SUMMARIUM.

1. Sui heredes sine ullo facto proprio, etiam ignorantes & invito acquirunt hæreditatem intactam.

- nisterio legis. & 5. 8.
II. Prætor volentibus solum indulget beneficium abstinentiæ. & 36. & seqq.
III. Pro hereditibus habentur, quoad commodam, non quoad incommodam. Sed contra a n. 55. ad 59.
IV. Facta non finguntur, nec presumuntur.
V. Filius ergo heres.
VI. Qui dixit se heredem, pro herede gerit.
VII. Sui, qui dicit se heredem non esse, probare debet se abstinuisse. & 41.
IX. Filius fit heres eo ipso momento, quo pater moritur: & que sint effectus.
X. Retinet potius hæreditatem, quam acquirit.
XI. Fit hoc vi patris postulatis.
XII. Fit heres etiam ignorans: explicatur multis exemplis.
XIII. Fit heres etiam invitus, & hereditati obligatur, & patrem obligat.
XIV. Fit heres etiam sine auctoritate vel immixtione. & 15. 16. 17.
XVIII. Creditores, qui conveniunt filium, probare tantummodo tenentur, cum tempore mortis fuisse in potestate, & primum locum obtinuisse.
XIX. Heres suum succedit in omni jure defuncti, & obligatur creditoribus hereditariis.
XX. Sui heres illis obligatur etiam sine tutoris & curatoris auctoritate & 57.
XXI. Immixtio in suo idem est, ac aditio in extraneo.
XXII. Hæreditas est successio in universum jus tam quoad commodam, quam quoad incommodam.
XXIII. Servus acquirit domino ignoranti, & invito, excepta hereditate: & quare? & 51. 57.
XXIV. Creditores hereditarii non tenentur probare immixtionem. & 25. & seqq. Patri filium superuixisse presumitur.
XXVII. Resolutoria sententia existimantium beneficium abstinentiæ filium tueri sine ullo ejus facto. & n. seqq.
XXVIII. Non potest Prætor officere, ut non fit heres ille, quem lex heredem facit. & 33.
XXIX. Filius est heres antequam abstineat, & etiam postea. & 38.
XXX. Lex non avertit jure hereditis ei, qui semel heres fuit: declaratur exemplo.
XXXI. Filius manet heres etiam postquam abstinit: effectus hujus rei.
XXXII. Sui heres, etiam postquam abstinit, potest se immiscere.
XXXIII. Nec potuit, nec voluit Prætor per beneficium abstinentiæ tollere jure sui hereditis: sed solum cum non haberi loco hereditis, & quidem non in omnibus & 34.
XXXV. Beneficium abstinentiæ non obstat libertatibus, substituto pupillari, & transmissiوني hereditatis. & 52.

F

. XXXVI.

XXXVI. Extraneus non acquirit hereditatem nisi factis proprio.

XXXVII. Sui non gaudet beneficio, nisi de facto abstineat.

XXXVIII. Abstineat, & repudiare quemodo differant?

XL. Sui heres, antequam delinquerit hereditatem, officioque convenitur. & 58. 59.

XLII. Probatio voluntatis exigitur ab eo, qui dicit se voluisse.

XLIII. Sui, qui dicit se nolle retinere hereditatem, non tamen abstinet.

XLIV. Non amittit dominium bonorum paternorum, nisi facto aliquo ab eo evellatur.

XLV. Cur pater sui heredes preterire non possit.

XLVI. Tam immixtio, quam abstentio sit voluntate sui heredis.

XLVII. Proponitur communis sententia, & replicatur.

XLVIII. Existentia sui heredis praeiudicatio. & 49. & 50. 51. & 52.

XLIX. L. Exempla, quibus heres non cogitur suscipere partem vacantem.

LII. Hereditas a suo herede matris autem immixtionem transmittitur.

LIII. Transmissio damnosa hereditatis est incommoda.

LIV. Praetor impedit plerisque effectus fuitatis in abstinentem.

LV. Suias aliquando nocet suo heredi. & 56. 57. & seqq.

LVII. Per hereditatem non fit melior conditio nostra.

LXI. Pupillus etiam post immixtionem habet beneficium abstinenti.

LXII. Qui abstinet, potest intra certum tempus repetere hereditatem.

LXIII. Quod admittit sub conditione, sub contraria dari videtur.

LXIV. Condicio in contrariis, non in legatis, retrahitur.

LXV. Novata sub conditione obligatione pura, prius minus obligatus sub contraria conditione.

LXVI. Beneficium abstinenti non efficit, ut suus sit heres sub conditione.

LXVII. Acquisitio hereditatis non recipit conditionem.

LXVIII. Spes non liberat debitorem.

LXVIII. Stipulatio vivit capis ab initio.

LXIX. Non potest iudex supplere abstinentem.

LXX. Beneficium abstinenti non parit exceptionem, sed a Praetore dequantur actiones.

LXXI. Beneficium abstinenti non operatur ipso iure, ut committere creditur.

LXXII. Praetor non operatur ipso iure, maxime cum legem impugnatur.

LXXIII. Stipulatio contraria stipulatione tollitur ipso iure: statum est in postis: & quare?

LXXIV. Sui, qui vult abstinerere, potest id facere sola voluntate, nec tenetur Praetorem adire.

LXXV. Si suus amoverit aliquid ab hereditate, vel pro herede gesserit, amittit beneficium abstinenti.

LXXVI. Restitutio non datur illis, qui ipso iure muniri sunt.

LXXVII. Qui se non immiscuit hereditati, non indiget restitutione.

LXXVIII. Nova interpretatio l. ei qui se bonis ff. de acquir. vel omitt. hered.

LXXIX. In libro undecimo ad edictum Ulpiani pertractatum de restitutione in integrum, quae a Praetore datur minoribus: in libro duodecimo de ea, quae datur maioribus.

LXXX. Id ipsum eruitur ex l. i. C. Si Min. ab hered. se abstinet.

LXXXI. Prius non desideratur verborum adminicula.

LXXXII. Potest filius abstinerere hereditate patris, & retinere statum, cui substitutus erat, hereditatem.

LXXXIII. Sui, qui abstinet hereditate patris, potest petere legatum sibi relictum in patris testamento.

LXXXIV. Emancipatus omnia hereditas patris legatum consequi potest.

Ignoratio praetoria jurisdictionis, ejusque auctoritatis, quam in iure civili corrigendo, mitigandoque Praetor habebat, multos errores invexit in jurisprudentiam: idcirco ad ea explicanda, quae sunt juris praetorii, non invitus aggredior. Sui heredes ipso iure, sola legis potestate, sine ullo facto proprio, etiam ignorantes, & invitati sunt heredes. §. sui autem Instit. tit. de hered. qual. & differ. l. in suis ff. de suis & legit. hered. l. i. §. qui sunt in potestate ff. si quis omis. caus. testam. Praetor tamen volentibus indulgit beneficium abstinenti, ut eos liberaret ab oneribus non sponte susceptis. d. §. sui autem l. si filius 12. ff. de vulg. & pup. l. necessarii 57. ff. de acquir. vel omis. hered. l. nam nec emancipatus 89. ff. de legat. 1. Plerique interpretes, quorum sententia in foro recepta est, hoc ita acceperunt, ut sui heredes ab oneribus liberi sint, etiam antequam abstineant, & beneficio Praetoris utantur; & licet in iis, quae

quæ ad eorum commodum pertinent, pro hæredibus habeantur, tamen quoad alia non sint hæredum loco, nec possint a creditoribus hæreditariis conveniri. Adeoque, si suus hæres ab illis conveniatur, debent creditores probare, eum bonis paternis se immiscuisse, alioquin suus hæres erit absolvendus; quasi beneficium Prætoris tollat jura sui hæredis, eoque fruantur etiam antequam ipsum amplexi fuerint. Hoc falsum esse viderunt etiam nonnulli ex Pragmaticis, præ ceteris docti, & emendatæ naris interpretes. Nam, si suus hæres ipso jure, & sine ullo facto proprio statim a morte defuncti sit hæres etiam invitus; & contra, si beneficium abstinendi non gaudet, nisi de facto abstineat; utique ipse probare debet, se abstinuisse: facta enim nec finguntur, nec præsumuntur, & probanda sunt ab allegante. *l. in bello §. facti ff. de capt. & postlim. l. adseveratio 10. C. de non numer. pecun.* Creditores, qui conveniunt suum hæredem, allegant, eum esse hæredem. Fundatam habent intentionem suam in legis dispositione, quæ ipsum facit hæredem sive velit, sive nolit. *d. §. sui autem Inst. tit. de hæredum qual. & differ.* Unde illud Apostoli recte possunt usurpare: *filiius, ergo hæres*. Si suus hæres contra nihil allegaverit, non poterit effugere condemnationem: cum enim a lege hæres declaratur, non potest non declarari etiam a iudice, nisi velit contra leges judicare: adeoque non poterit non condemnari tamquam hæres. *l. cum de lege 17. ff. de probat.* Quod si opponat se non teneri, & non posse condemnari propter Prætoris beneficium, probare debet, se usum fuisse eo beneficio, & a bonis paternis abstinuisse, & a se removisse hæreditatem, quam legis ministerio consecutus erat. Itaque aut fatetur, se hæredem esse, & tamquam hæres erit condemnandus, quia hoc ipso

pro hærede gerit; *l. si filius 12. ff. de interr. action. aut negat, se hæredem esse, & docere debet, quomodo jam quæsitam hæreditatem a se repulerit*: quod cum efficere non potuerit nisi abstinendo, utique docere debet, se abstinuisse hæreditate paterna. Qui enim dicit, se abstinuisse, utique id probare debet. *l. 2. l. quoties §. 1. l. in exceptionibus in prime. ff. de probat.* Sed hæc expendenda sunt accuratius, & argumentis nihil dubii relinquentibus demonstranda.

Ac primum illud certissimum est, suum hæredem ipso jure fieri hæredem. *§. sui autem Inst. tit. de hæred. qual. & differ. l. 1. §. qui sunt in potestate ff. Si quis omnis. caus. 1. §. l. penult. §. longe ff. de bon. liberi.* Et quidem fit hæres statim, nec ullum, nec minimum quidem momentum intercedit inter mortem patris, & filii acquisitionem. *d. l. 1. §. qui sunt in potestate.* Cujus acquisitionis factæ a filio eo ipso momento, quo pater moritur, effectus scitu dignos habemus in *l. si post mortem 68. §. 1. in l. questum 91. §. presenti ff. de legat. 1. l. Julianus 86. ff. de condit. & dem. l. si optio 13. ff. de opt. legat.* Imo nec proprie acquirit hæreditatem, sed eam retinet: *l. si servum §. Prætor ff. de acquir. hæred. l. sed si non alias 86. ff. de leg. 1. l. si filius 12. ff. de vulg. & pupil.* quia non tam acquirit dominium rerum paternarum, quam in eo continuatum dominium, quod & vivo patre habere existimabatur. *l. in suis ff. de liber. & postb.* Quare dicitur suus hæres, quasi sibi ipsi succedat, non patri: *l. scripto 7. ff. unde liberi*: quod elegantius a Græcis explicatur, qui eum vocant *αὐτοκληρονόμος*: hoc est, *sui ipsius hæredem*. Nec dicitur hæres fieri per mortem patris, sed existere: *l. si quis filius 7. §. 1. ff. de acquir. hæred.* quod pariter Græci elegantissime explicat verbo *ἀνταρξισθῆναι*: hoc est, *apparere*. Apparent enim hære-

des, & quodammodo emergunt, qui antea non apparebant, accipientes potius liberam bonorum administrationem, quam percipientes hæreditatem. *d. l. in suis 11. ff. de liber. poss.*

- 11 Illud etiam certissimum est, hanc acquisitionem, seu continuationem fieri vi patriæ potestatis: *l. conditioni 5. ff. de cond. & demonstr.* adeo ut ad hanc acquisitionem hoc tantummodo requiratur, ut sit in potestate, si quidem ab alio non præcedatur. Quamobrem nec scientia, nec voluntas, nec ullum aliud ejus factum desideratur, ut hæres existat.

- 12 Non requiritur scientia acquirentis: nam etiam ignorans hæres existit. *§. sui autem Inst. tit. de hered. qual. & differ.* Itaque & furiosus hæreditatem acquirit, *l. furiosus 63. ff. de acquir. hered.* & infans statim ac nascitur: *l. Lucius 9. ff. de jure fisci*: qui tamen nihil scit, nihil intelligit. *l. 1. §. furiosus ff. de oblig. & act. §. furiosus & §. sed quod diximus Inst. tit. de inut. stip.* Et, qui ignorat patrem suum decessisse, nihilominus ipso jure hæres ejus existit; *l. apud hostes 8. C. de suis, & legis. hered. l. qui duos 10. §. cum in bello ff. de reb. dub. & qui ignorat, quo jure ei delata sit hæreditas, & ex qua parte: l. cum quidam §. suum & l. ventre præterito ff. de acquir. hered.* quod secus est in extraneis. *l. qui hæreditatem 19. & l. heres institutus 32. cum seqq. ff. de acquir. hered.* Imo, etsi putet hæreditatem ad se non pertinere, tamen eam acquirit. *l. liber homo §. ult. ff. de stipul. servor.* Ipsi enim hæreditas acquiritur, sicut nobis acquiritur, quicquid servus noster acquirit. *l. de hæreditate §. filiusfamilias ff. de castrens. pecul.* Quare, etsi filius patri hæreditatem non acquirit sine ejus jussu, *l. qui in aliena 6. & l. si quis mihi 25. per tot. ff. de acquir. hered.* tamen hanc hæreditatem ei acquirit etiam sine ejus jussu, & scientia *d. l. qui in aliena & interdum ff. de*

acquir. hered. In hac enim acquisitione nulla ratio habetur scientiæ, cum omnia fiant necessitate legis.

Eadem de causa non requiritur voluntas ipsius acquirentis, cum hæc acquisitio sit necessaria: ac propterea etiam invitis acquiritur. *d. §. sui autem Inst. tit. de hered. qual. & diff.* & ideo etiam infanti, & furioso acquiritur, *l. furiosus 63. ff. de acquir. hered. l. Lucius 9. ff. de jure fisci.* quorum nulla est voluntas. *l. furiosi ff. de reg. jur.* Nec solum acquiruntur invitis, sed invitus hæreditari obligatur; *l. lege Cornelia ff. de testam.* sed & invitum hæreditati patrem obligat, si in ea causa sit hæreditas, ut patri per filium acquiritur. *l. in aliena 6. in princ. juncto §. interdum ff. de acquir. hered.*

Denique nullum factum aditionis, aut immixtionis requiritur: *l. in suis 14. ff. de suis & legitimis.* quæ etsi nominet aditionem, non immixtionem, tamen ratio, quam assert, convenit etiam immixtioni. Nam si ideo aditio non est necessaria, quia ipso jure hæredes existunt; eadem de causa non erit necessaria immixtio. Nec immixtio differt ab aditione, nisi ratione personæ, a qua celebratur: nam, quæ in extraneis vocatur aditio, in suis dicitur immixtio. *l. cum bonis 27. ff. de acquir. hered.*

Præterea constat ex iis, quæ hætenus demonstravimus, hæreditatem a suo hærede etiam ignorante acquiri; imo & 15 ab eo, qui putat, hæreditatem ad se non pertinere. Atqui ignorans non miscet se hæreditati. *d. l. cum bonis 27. ff. de acquir. hered.* Multo minus se autem miscet invitus: & tamen hic etiam acquirit.

Denique suus hæres acquirit hæreditatem, sicut acquirimus per servos nostros. *l. de hered. §. filiusfam. ff. de castrens. pecul.* Sed per servos nostros sine ullo facto nobis acquiritur, imo & nobis vetantibus. *l. servus vetante ff. de 16 V.O.*

V. O. l. numquam 31. §. si servus ff. de usurp. & usucap. l. quemadmodum 46. ff. de jure dot. l. etiam in vestis ff. de acquir. rer. dom. §. item vobis Instit. sit. per quas person. cuiq. acquir.

Quo factum est, ut in l. 3. C. de jure delib. in extraneis quidem requiratur 17 aditio, in suo autem nihil desideretur. Et l. 2. §. si quis ex liberis ff. ad S. C. Tertull. in posthumo extraneo requirit, ut agnoverit bonorum possessionem, antequam decesserit; in suo autem nihil aliud desiderat, quam ut suus agnoscat. Hoc enim solum ei tribuit idem jus, quod extraneo petita bonorum possessio. Similis textus in l. duos 10. §. cum in bello ff. de rebus dub. ubi certo non poterat constare de immixtione filii, cum igniraretur, ante ne, an post patrem decessisset; & tamen responsum fuit, eum hereditatem patris acquisivisse, & ad hæredes transmisisse. Similis text. in l. apud hostes C. de suis & leg. hered. in quo filia ignorabat patrem apud hostes decessisse, adeoque non poterat se miscere bonis paternis; l. cum bonis ff. de acquir. hered. & tamen sua hæres exiit, & decedens quæritam sine ulla immixtione hereditatem transmisit ad hæredes. Similes sunt text. in l. de hereditate §. filiusfam. ff. de castrens. pec. in l. ex militari 11. & seqq. ff. de milit. testam.

His probe constitutis, quæ in controverfiam adduci non possunt, illud 18 necessario consequitur, creditores, qui conveniunt suam heredem, hoc solum probare debere, eum conventum esse suam heredem: hoc est, fuisse in potestate defuncti, & primum locum in successione obtinuisse; quæ duo tribuunt jus sui hæredis. Hoc enim probato sa- 19 ptis fundarunt intentionem suam. Cum enim non possit esse suus hæres, quin ipso jure statim defuncti hæres existat, ut demonstravimus, & hæres statim succedat in omne jus defuncti, l. hæres in

omne ff. de acquir. hered. & eadem cum defuncto persona censetur, auct. de jurejur. in presat. utique tenetur respondere creditoribus hereditariis, l. 2. C. de hered. vel act. vend. & onera hereditaria subire. l. passio 26. C. de pass. Nec possunt adstringi creditores ad probandum quicquam aliud præter fuitatem, cum hæc sola sufficiat ad constituendum ipsum heredem etiam ignorantem, & invitum, eundemque hereditati obligandum, ut demonstravimus. An enim ab eis exigatur probatio scientiæ, aut voluntatis, aut alicujus facti; si hæc ad acquirendam hereditatem non sunt necessaria in suo herede? Sussulit has omnes defensiones suo hæredi legis necessitas. Imo sussulit etiam pupillaris, aut minoris ætatis, aut tutoris excusationem, quæ in nulla alia causa solet umquam deficere. Nam & pupillus hæ- 20 reditati obligatur sine tutoris auctoritate, & furiosus. l. more 8. ff. de acquir. hered. l. furiosus 63. ff. cod. Nulla igitur defensio superest suo hæredi ad excludendos creditores.

At enim interpretes nostri exigunt, a creditoribus probationem immixtionis. Quo jure id exigant, ignoro. Certe hac ratione suum heredem redigunt ad similitudinem hæredis extranei, cum idem sit immixtio in suo herede, quod aditio in extraneo. l. cum bonis ff. de ac- 21 quir. hered. Et sicut in extraneo exigunt probationem aditionis, ita exigunt probationem immixtionis in suo herede. Itaque nullus superest effectus fuitatis. Neque potest defendi suos hæredes quoad commoda tantum hæredes esse, antequam se immisceant; non quoad incommoda. Quis enim umquam audivit, hereditatem non esse successionem in 22 universum jus contra text. in l. heredit. 62. ff. de reg. jur. & in l. hæres in omne ff. de acquir. hered. aut hereditatem damna & incommoda non comprehendere? l. hereditatis ff. de V. S. l. si heredi-

23 *ratem ff. mandas. l. i. ff. de bon. poss.* Adeo ut, licet servus etiam ignoranti, & invito domino acquirat; tamen ab hac regula nos recedere cogat natura hereditatis, cui omnino repugnat, eam acquiri solum quoad commodam, non autem quoad incommoda: quapropter hereditas non nisi iuberi domino per scriptum acquiritur. §. *item vobis versic. sed si heres Inst. tit. per quas person. cuique acquir. l. acquiritur* 10. §. 1. *versic. ideoque ff. de acquir. rer. dum. l. qui in aliena* 6. *in princ. & l. si quis mihi* 25. §. *iussum ff. de acquir. hered.* Sed hac de re postmodum dicemus uberius: modo ad rem redeamus.

24 Contra veteres Jurisconsulti hanc probationem immixtionis numquam exegerunt. *l. qui duos* 10. §. *cum in bello ff. de reb. dub.* Pater & filius in acie simul mortui erant, puta in eodem praelio: & ignorabatur, quisnam prius mortuus esset. Concurrerant ad hereditatem Agnati Patris, & Mater. Agnati Patris petebant ejus hereditatem. Mater filii defuncti allegabat, Patris hereditatem filio tamquam suo heredi quaesitam fuisse, & ideo bona illa cum hereditate filii ad se fuisse devoluta. Ad Matrem admittendam, & excludendos Agnatos duo erant necessaria: & ut Pater pramortuus esset filio, & ut filio fuisset acquisita Patris hereditas ante mortem. Et filium quidem Patri supervixisse presumendum esse, Divus Adrianus credidit. Non poterat tamen Mater probare immixtionem filii, quæ presumi non poterat, cum ambo in eodem praelio cecidissent. Verumtamen cum ageretur de suo herede, qui statim ipso jure etiam ignorans heres existit, non exegit Jurisconsultus probationem immixtionis, & admisit Matrem ad hereditatem, quæ utique excludenda esset, si probanda esset immixtio, quæ eo casu probari non poterat; imo erat omnino improbabilis, & inverisimilis.

In *l. cum de hereditate §. filiusfam. ff. de castr. pecul.* filius de castrensi peculio testamentum fecit, ignorabat Patrem, in cuius erat potestate, decessisse, atque ita mortuus est. Agnati Patris vindicabant hereditatem Patris ab intestato. Hæredes scripti in testamento petebant eadem bona, tamquam filio jam quaesita, & ad se delata cum ejus hereditate. Non poterant hi probare immixtionem filii, quia non poterat se miscuisse bonis paternis, cum ignoraret Patrem decessisse. Nihilominus tamen JC. eos admittit ad hereditatem filii simul & patris. In *l. 2. §. si quis ex liberis ff. ad S. C. Tertull.* missus 26 fuit venter in possessionem, mox natus est posthumus, & decessit ante petitam bonorum possessionem. Quaestum fuit, an Matrem excludisset. Distinguit: si suus heres agnoscitur, excludit: si minus, non excludit. Non supponitur hic immixtio: nam si se miscuisset, utroque casu Matrem excluderet.

Sublatis hisce defensionibus superest tantummodo filio beneficium abstinendi, quo se tueri possit a creditoribus, a quibus tamquam suus heres convenitur. Atque hoc beneficio satis tutum esse filium existimant, quia, cum sit a jure introductum, etiam sine ullo facto hominis operatur, & producit effectum. Sed hic in tres gravissimos errores incurunt. Primo, quia beneficium hoc abstinendi, non a lege suit introductum, quæ ipso jure efficit, quod præcipit, sed a Prætor, qui non potuit tollere jura sui hæredis. Secundo, quia Prætor, etsi potuisset, noluit tamen tollere jura suorum hæredum, proponendo hujusmodi beneficium. Tercio, quia non proposuit hoc beneficium absolute, sed pollicitus est, se daturum illud tantummodo volentibus eo uti. Singillatim hæc omnia explicemus, & confirmemus.

Non potuit Prætor tollere jus sui hæredis, seu, ut nostri ajunt, suitatatem.

Cum

Cum enim hoc jus a legibus duodecim tabularum sit constitutum, §. *sui autem versis. necessarij Instit. tit. de hered. qual. & differ.* non potest Prætor hoc jus tollere, cum non possit juri derogare. l. 1. §. 1. ff. de foris. Et cum non possit
 28 Prætor heredem facere, §. *quos autem Instit. tit. de bonor. posses.* multo minus potest efficere, ut non sit hæres ille, quem ipsa lex heredem facit. Itaque non solum hæres est filius, antequam abstinuerit, sed etiam postquam abstinuit, & usus est beneficio Prætoris,
 29 tamen hæres manet; l. *cum quasi* 30. §. *sed etsi* suus ff. de fideicem. libert. & etiam, postquam abstinuit, tenetur creditoribus jure civili. l. *necessariis* ff. de acquir. hered. Atque id evenit etiam in aliis remediis. l. *ait Prætor* 7. §. *sed quod*
 30 Papinianus ff. de minor. Imo nec ipsa lex aulert jus hæredis ei, qui semel hæres extitit. Etenim lex Ælia Sentia tunc solum permittit servum, in fraudem creditorum heredem institutum, liberum, & heredem esse, cum memo alius ex testamento hæres esse potest. l. *si is qui solvendo* 57. ff. de hered. instit. Verumtamen, si prius servus hæres fuerit, & postea alius ex eo testamento hæres sit, non avocat hereditatem a servo, nec definit esse hæres, cum semel existerit, ut in exemplo proposito in l. *ei qui solvendo* 88. ff. de hered. instit.
 Neque hoc est sine effectu. Primum enim, etiamsi filius abstinuerit hereditate, tamen non corrumpit testamentum,
 31 in quo fuit institutus, sicut corrumpit, alio heredem instituto repudiante. *princ. tit. Instit. de hered. que ab int. deser.* Quamobrem & libertates eo testamento datæ debentur, l. *cum quasi* §. *sed etsi* suus ff. de fideic. libert. que non debentur extraneo repudiante. l. 1. C. de fideic. libert. Et suo heredem abstinentem nihilominus sustinetur & confirmatur substitutio pupillaris, l. *Julianus* & l. *quæsum* ff. de acquir. her. que evane-

scit non adita hereditate. l. 2. §. 1. ff. de vulg. Præterea licet hereditas, semel repudiata, amplius adiri non possit, l. 4. C. de repud. hered. tamen suus hæres, etiam postquam abstinuit, potest iterum suscipere hereditatem, quia penitus hæres esse non desiit, l. *si quis suus* ff. de jure delib. l. ult. C. de repud. hered. Imo & pro heredem gerendo, ac miscendo se bonis, etiam postquam abstinuit, hæres fit, nisi alio animo, aliaque nomine, ac titulo attigerit bona hereditaria. l. 1. & 2. C. de repud. hered. l. *pro heredem* §. *Papiniano* ff. de acquir. hered.

Non potuit igitur Prætor tollere jus sui hæredis, nec efficere, ut suus hæres non esset, cum legis necessitate suus hæres esset. Solum potuit Prætor eum non habere heredis loco; & sane heredis loco non habet, postquam se
 32 abstinuit. l. *si filius* 12. ff. de interrog. actio.

Sed nec voluit Prætor tollere jus sui heredis. Voluit quidem, eos non haberi heredis loco, quantum attinet ad retinendam hereditatem, & suscipiendam
 34 commoda, & incommoda hereditaria: non tamen voluit, eos per omnia heredis loco non esse. Quocirca noluit penitus abolere jus sui heredis, etiamsi si quis admiserit, eum potuisse. Itaque & patitur, liberos esse servos, qui in testamento, in quo suus hæres fuit institutus, libertatem acceperunt: & eos utique pro liberis habet: nam sine ulla exceptione dicuntur libertatem consequi in l. *sciendum* ff. de manu rest. 35 in l. *cum quasi* 30. §. *sed etsi* suus ff. de fideicem. libert. Nec repellit substitutum pupillarem. l. *si filius* 12. ff. de vulg. Nec impedit transmissionem hereditatis, que fit a suo heredem etiam ignorante. l. *apud hostes* C. de suis & legit. hered. Denique ea omnia, que supra a nobis exposita sunt de suo heredem, tradita fuerunt a veteribus Juris-

con-

consul:is post introductum a Prætoribus abstinendi beneficium; ex quibus constat, quod hujusmodi beneficium non tollit jura suorum hæredum: & quod salva manet suis etiam post inventum beneficium abstinendi.

Demum in hoc errant, quod putant, beneficium abstinendi operari, & enervare vires suitaris, etiam antequam suus hæres abstineat. Neque enim hoc Prætori propositum fuit eximere liberos ab hæreditate, etiam antequam abstinerent. Fingamus igitur, Prætores habuisse supremam potestatem omnino parem legi, 36 & potuisse convellere funditus, & penitus abolere jura suorum hæredum: tamen cum hoc non fecerit, sed solum proposuerit hoc beneficium abstinere volentibus; non potest hujusmodi beneficium quicquam operari, & vires suas exercere antequam suus hæres abstineat: hoc est, voluerit hoc beneficio uti. Exemplo rem planius explicabo. Lex, quæ supremam habet potestatem, potest aliquem etiam invitum hæredem facere, ipso jure, & sine ullo ipsius facto. Et quidem hac potestate utitur in servis, & in suis hæredibus, quos facit hæres necessarios, & in eos transfert hæreditatem etiam ignorantes, & invitos. §. 1. & 2. *Instit. tit. de hæred. qual. & differ.* Contra vero in extraneis hac potestate non utitur, sed ipsos volentes ad hæreditatem admittit, & dat ipsis jus deliberandi, & facultatem adeundi, vel repudiandi hæreditatem. §. *extraneis Instit. tit. eod.* Hi autem non acquirunt hæreditatem ipso jure, & sine facto proprio, sed necesse est, ut eam adeant: §. *item extraneis Instit. eod.* hoc est, necesse est, ut utantur facultate adeundi, quam ipsis lex concessit: nec ante consequuntur aliquod jus, quam hæreditatem adierint. *l. si jussu 44. in fin. ff. de furs.*

Eadem ratione Prætor non dedit beneficium abstinendi invitis; non eos ipso jure liberavit; non sulsit jura suorum

hæredum: sed dedit hoc beneficium volentibus: hoc est, dedit facultatem abstinendi ab hæreditate ipso jure quæsitam, si voluerint ab ea abstinere. Itaque licet hæres extraneus non gaudet commo- 37 do hæreditatis antequam adeat: ita nec suus hæres gaudet commodo hujus beneficii, antequam eo utatur: hoc est, antequam abstineat. Itaque recte Ulpianus in *l. 1. §. qui sunt in potestate ff. si quis omis. caus. testam.* dixit: *Qui sunt in potestate, statim hæredes sunt ex testamento, nec, quod abstinere possint, quicquam facit.* Nimirum facultas abstinendi non impedit quominus sint hæredes antequam abstineant; & quidem sint hæredes pleno jure: nam hæredes sine re manent etiam postquam abstinerunt. *l. cum quasi 30. §. sed etsi suus 38 ff. de fideicom. libert.* Beneficium enim abstinendi nihil operatur, nisi volente suo hærede. Antequam is declaraverit suam voluntatem, perinde est, ac si hoc beneficium numquam fuisset introductum. Neque enim Prætor dedit suis hæredibus facultatem repudiandi hæreditatem, sed beneficium abstinendi. Beneficii nomen indicat, id non concedi nisi volentibus. *l. invito ff. de reg. jur.* Abstinendi ver- 38 bum demonstrat, id non concedi, nisi quæsitam jam hæreditate. Abstinere enim dicimur ab hæreditate jam acquisita; *l. 1. §. si quis adita ff. ad SC. Tertul. l. jam dubitari 86. §. ult. ff. de hæred. instit. l. cum hæreditate 55. & l. pen. ff. de acquir. vel om. hæred.* repudiare autem hæreditatem jam delatam, sed nondum quæsitam. *l. 1. §. decretalis ff. de success. edict.*

Et sane, quod Prætor solum volentibus hoc beneficium largiatur, tradidit Imperator noster in §. *sui autem Instit. tit. de hæred. qual. & differ.* ibi *sed his Prætor permisit volentibus abstinere hæreditate.* Non præcipit, ut abstineant: non liberat eos ipso jure ab oneribus hæreditariis: sed ipsis *permisit*, ut ab-

sti-

39 *absentibus*. Itaque antequam velint, nullum effectum habere potest hæc Prætoris permissio. Qui permittit alicui ut faciat, nihil ei tribuit antequam fecerit. Tradiderat & ante ipsum Cajus in *l. necessariis ff. de acquir. vel omis. hered.* ibi: *abstinenti se ab hereditate Præconsul potestatem facit, ut quamvis creditoribus hereditariis jure Civili teneantur, tamen in eo alio non detur, si velint derelin-*

40 *quere hereditatem*. Derelinquunt igitur hereditatem, cum se abstinent, atque id faciunt solummodo, si velint. Si derelinquunt, ergo antequam eam derelinquerent, obtinebant. Et si non datur in eos actio, cum dereliquerunt hereditatem, antequam derelinquant, in eos a Prætoris actio datur, & quidem efficax: nam & jure Civili tenentur, ut ait Cajus; & tenentur etiam jure Prætorio, quo in eos actioem dat, & pro hæredibus habet, antequam voluerint derelinquere hereditatem: neque enim Prætor invitos removel ab hereditate. *l. si Filius 12. ff. de vulg.* Antequam igitur voluerint derelinquere hereditatem, non removel eos ab hereditate: itaque pro hæredibus eos habet: & cum polliceatur, se denegaturum actionem, cum voluerint eam derelinquere, utique non denegat actiones antequam velint hereditatem derelinquere. Tenentur igitur creditoribus tam jure Civili, quam jure Prætorio, antequam se abstineant: neque enim hoc casu prodita est a Prætoris ulla exceptio, qua se tueri possint, antequam beneficio Prætoris utantur.

41 His illud etiam consequens est, quod sui heredes cogi debent ad probandam abstentionem. Etenim cum a Prætoris eorum voluntas exigatur, hanc voluntatem ipsi probare debent. Sicut enim aditio, licet nuda voluntate fiat, *§. ult. Inst. tit. de hered. qual. & differ. l. si avia C. de jure deliber.* probanda est ab eo, qui allegaverit quempiam hæredem

Tom. I.

esse, ut communiter fateantur omnes, quia facta probanda sunt ab allegante, ut initio diximus: ita licet abstentio fieri possit nuda voluntate, tamen probanda erit a suo hærede, qui eam allegat, & per abstentionem contendit, se esse liberatum a creditoribus, quibus jure Civili tenetur. *d. l. necessariis ff. de acquir. vel om. hered.* Nam &, qui dicit, 42 probare debet, *l. 2. ff. de probat.* & hæc probatio ab eo exigitur etiam cum agitur de probanda voluntate. *l. 3. & l. cum qui ff. eod.*

Confirmatur, quia abstentio requirit factum amovendi, ac repellendi, seu derelinquendi hereditatem. Cum enim hereditas sit jam acquisita suo hæredi, non potest ab eo amitti sine aliquo facto, quo a se abigat hereditatem. *l. id quod nostrum 11. ff. de reg. jur.* Quocirca qui dicit, se nolle retinere hereditatem, non tamen idcirco abstinet hereditate, eamque amittit; sed necesse est, ut revera abstineat, & derelinquat hereditatem: adeoque, & qui dixit, se nolle retinere hereditatem, tamen potest postea abstineri; & si quid postea amoverit, amittit beneficium abstinenti. *l. si servum §. Prætor ff. de acquir. hered.* Aliud enim est dicere, se nolle retinere hereditatem, aliud est re vera hereditatem derelinquere. Cum igitur hujusmodi factum derelinquendi hereditatem sit necessarium, non potest dubitari, suum hæredem, qui hoc facto se tuetur, ipsum probare debere. Suus hæres est in possessione suitaris, ex qua necessario permanat hic effectus, ut sit hæres, qui effectus est necessario conjunctus cum suitate. Quapropter si dicit, se non esse hæredem, nec teneri creditoribus hereditariis, ipse probare debet. Argumento text. in *l. circa ff. de probat.*

Item comprobatur, quia continuatio illa domini in suis hæredibus, de qua in *l. in suis ff. de liber. & poss. tolli* non potest, & ab ipsis avelli, nisi ali-

G

quo

quo facto, & certa aliqua declaratione. Quare pater, licet haberet in liberos jus vitæ, & necis, *d. l. in suis*: licet haberet a lege XII. tab. plenissimam facultatem disponendi de rebus suis; *l. verbis legis ff. d. V. S.* tamen si filium prætereat in testamento, non valet testamentum. *l. si filius 7. l. Gallus 45 §. in omnibus l. inter cetera 30. ff. de lib. & post.* Non alia ratione, nisi quia priusquam dominium transferat in alium, debet illud a filio avocare, & filium expresse exheredare, ut possit alium instituere. *l. 1. 2. & 3. ff. de lib. & post.* Filius igitur non potest hujusmodi dominium amittere, nisi facto aliquo ab eo adimatur, & avellatur, unde efficitur, ut hoc dominium non amittat ex sola potestate abstinendi: sed necessarium sit factum ipsum abstinendi. Hoc autem factum utrique probandum est ab ipso, qui in eo fundat defensionem suam.

Denique duo sunt actus contrarii, qui fieri possunt a suo hærede: immixtio, & abstentio. Utraque desiderat voluntatem a6 sui hæredis. Non se immiscet suus hæres, nisi habeat animum se immiscendi. *l. cum bonis ff. de acquir. hæred.* Non se abstinere suus hæres sine voluntate se abstinendi, cum beneficium abstinendi solum volentibus detur. *§. sui autem l. sit. tit. de hæred. qual. & differ.* Cum suus hæres convenitur a creditoribus hæreditariis, quæritur, an probanda sit immixtio, vel abstentio. Absurdum autem est exigere probationem immixtionis ab iis, pro quibus militat ratio suitatis, quæ ipso jure hæredem facit: non autem exigere probationem abstentionis ab eo, contra quem militat eadem ratio suitatis, & qui semper hæres erit, nisi ab hæreditate abstinuerit. Utriusque actus par est conditio. Uterque enim agentis voluntate perficitur. Uterque desiderat probationem: cum enim in facto consistat, non præsumitur; sed immixtio non allegatur a cre-

ditoribus, qui habent intentionem fundatam in suitate, & ideo ab ipsis probanda non est. Contra, abstentio allegatur a suo hærede, qui convenitur, & se tueretur adversus necessitatem suitatis: & ideo ab eo probanda est.

His expofitis progrediamur ad ea expendenda, quæ statuant Bartolus, & Pragmatici in hac controversia. Eorum est illa distinctio. Aut agitur de com-47 modo, & utilitate sui hæredis: & tunc habet effectum suitas, & nihil operatur beneficium abstinendi, antequam re vera suus abstineat. Aut agitur de incommodo, & damno sui hæredis: & tunc beneficium abstinendi infirmat jus sui hæredis, & enervat vires suitatis, etiam antequam suus hæres re vera abstineat, & declaret suam voluntatem. Aut denique agitur de re, quæ ad suum hæredem non pertinet, sed continet commodum, aut incommodum tertii: & tunc pariter nihil operatur existentia sui hæredis: per text. in *l. 1. §. ult. ff. ut in possess. legat. & in l. etsi 6. §. si filius ff. de bon. libert.* Hujus distinctionis prima pars verissima est: reliquas duas perpendamus: & a postrema ordiamur.

Quod existentia sui hæredis vires suas exerat, & effectum habeat etiam quoad tertium, satis constat ex *l. si post mortem 68. §. sed si servo ff. de legat. 1.* Ubi48 quidam servo legavit post mortem domini. Dominus moriens eum servum testamento manumisit. Disputat ibi Cajus, cui acquiritur legatum; utrum servo manumisso, an per servum hæreditati. Distinguit autem inter hæredem extraneum, & suum. Si testator instituit hæredem extraneum, acquiritur legatum per servum hæreditati, & hæreditati acquisitum postea pertinet ad hæredem adeuntem hæreditatem. Quod si institutus sit suus hæres, quia eodem tempore cedit dies legati, & suus existit hæres, tunc legatum ipsi servo manumisso acquiritur. Nam suus hæres

sta.

statim hæres existit a morte testatoris, & ideo, cum statim fiat liber servus, sibi acquirit legatum, quod eodem tempore ac momento cedit, quo libertatem consequitur, & capax est acquisitionis. En igitur, quod fuitas, & existentia sui hæredis vergit in commodum, & utilitatem servi, cui legatum acquiritur.

Rursus in *l. cum hereditate 55. ff. de acq. vel omis. hered.* datus erat cohæres 49 luo hæredi. Cohæres antequam filius abstineret, adivit hereditatem pro sua portione. Postea suus hæres abstinuit. Si esset extraneus, & repudiasset hereditatem, pars ejus cohæredi etiam invito accresceret. *l. un. §. bis ita C. de caduc. toll. l. qui ex duabus §. 1. ff. de acquir. hered. l. si ex pluribus ff. de suis, & legit. hered.* Sed quia suus hæres abstinuit, qui antequam abstineret jam hæres erat, excusatur cohæres, qui portionem suam adivit, cum sciret alteram portionem suo hæredi quæsitam: nec cogitur eam portionem suscipere. *d. l. cum hereditate.* Ne tamen destruat illa regula, qua traditum est, neminem posse partem hereditatis suscipere, partem repudiare; sed aut totam agnoscere debere, aut a tota recedere; *l. 1. & 2. ff. de acquir. hered. l. quidem in fin. C. de jur. delib. l. sed si plures §. filio ff. de vulgar. constitutum* fuit in ejus arbitrio, utrum portionem vacantem accipere velit, an omittere portionem, quam accepit. Immo si creditores dicant, se contentos parte vacante, poterit portionem suam retinere, & omittere portionem vacantem, quæ inter creditores distribuetur. Constat igitur, suum hæredem, adeo antequam abstinere, hæredem existere; ut nihil obijci possit cohæredi, qui reliquam portionem adivit, cur putaverit, divisam jam esse hereditatem, nec cogitaverit, eam vacare posse per beneficium abstinendi. Quod pariter constitutum est in extraneo minore, qui

adivit hereditatem: licet enim per restitutionem in integrum possit eam omittere; tamen quia ante restitutionem vere hæres erat, non cogitur cohæres portionem ejus vacantem beneficio restitutionis suscipere. *l. si minor ff. de acquir. hered.* Non minus igitur hæres existit suus hæres, antequam se abstinere, quam minor, qui adivit hereditatem, antequam restituatur. Atque hoc prodest cohæredi, qui non cogitur invitus suscipere partem vacantem.

Alterum exemplum, in quo fuitas, & existentia sui hæredis parit effectum quoad tertium, peti potest ex *l. qui in aliena 6. §. interdum ff. de acquir. vel omis. hered.* Hereditas delata filio & servo non acquiritur patri & domino, nisi eorum jussu adeatur, ne æri aliena inviti obligentur. *d. l. qui in aliena in princ. l. si quis mihi 25. §. jussu ff. de acquir. hered. §. item vobis iussis, sit. per quas person. cuiq. acquir. l. acquiruntur 10. §. igitur ff. de acquir. rer. dom.* Si tamen delata sit hereditas suo hæredi, statim eam acquirit patri, non solum sine jussu ejus, sed etiam ignoranti, & invito, *d. l. qui in aliena §. interdum.*

Denique suus hæres, etsi decefferit, antequam se misceret bonis patris, aut abstineret; imo etsi decefferit, antequam sciret, patrem defunctum fuisse, tamen transmittit hereditatem ad hæredes ex testamento, vel ab intestato: *l. de hereditate §. filiusfam. ff. de castr. pecul. l. ex militari 11. & l. seq. de milit. testam. l. qui duos §. cum in bello ff. de reb. dub. l. Lucius 9. ff. de jure fisc. l. 2. §. si quis ex liberis ff. ad S. C. Tertull. l. apud hostes C. de suis, & legit. hered.* cum contra hæres extraneus hereditatem non aditam non transmittat. *l. quoniam sororem l. si infanti §. fin vero C. de jur. delib. l. un. §. in novissimo C. de caduc. tollen.* Suius igitur hunc operatur effectum quoad heredes, ut ad eos transmittatur hæ-

hereditas, etiam si suus hæres mortuus sit, antequam hereditati se immisceret.

Et quamvis Bartolus, & alii putent, hunc ex suite proficisci, quia respicit favorem, & commodum sui hæredis transmittentis; tamen eos satis docte reprehendit doctissimus Antonius Faber 53 *de error. Pragm. decad. 31. error. 9.* quia pertinet ad commodum sui hæredis solum transmissio hereditatis opulentæ, & lucrosæ, non hereditatis damnosæ: & tamen quælibet hereditas etiam damnosa transmittitur. Incertum est igitur commodum sui hæredis: at certus est, & indubitatus effectus suitatis quoad hæredes, ad quos hereditas transmittitur.

Ex his constat, quod existentia sui hæredis operatur, & suos effectus producit etiam quoad tertios. Nec contrarium traditum est in legibus, quæ a Bartolo contra afferuntur. Nam in *l. x. §. ult. ff. ut in possess. legat. & in l. csti 6. §. si filius ff. de bon. liber.* agitur de 54 hereditate, a qua filii abstinerunt. Postquam suus hæres abstinuit, Prætor plebrosque effectus suitatis impedit, quia et si maneat hæres jure Civili; tamen a Prætoris hæredis loco non habetur. *l. si filius ff. de interrog. action.*

Altera quoque pars distinctionis falsa est. Nam quod existentia sui hæredis tires, & effectum habeat etiam quando agitur de incommodo, damnoque sui hæredis, probatur evidenter ex *l. si post mortem §. 1. ff. de legat. 1.* quam supra 55 exposuimus. Ibi enim legatum, quod acquireretur heredi, si hæres esset extraneus, acquiritur ipsi servo, quando insitutus est suus hæres. Nocet igitur ipsi suitas, cum amittat legatum, quod esset acquisiturus.

Præterea suus hæres acquirit hereditatem, etiam si furiosus sit: *l. furiosus 63. §. ff. de acquir. hered.* & pupillus acquirit sine tutoris auctoritate, & non solum acquirit, sed hereditati obligatur, *l. more 8. ff. de acquir. hered.* Imo et si fuerit

institutus sub conditione potestativæ, potest sine tutoris auctoritate conditionem implere, licet, impleta conditione fiat hæres necessarius, quia sit hæres jure potestatis, non impleta conditionis. *l. conditioni 5. ff. de cond. & demonst.* hæc autem vergunt in damnum, & incommodum pupilli & furiosi. Nam quod pupillus hereditatem adire non possit sine tutoris auctoritate, in ejus favorem, & commodum constitutum est: tum ne creditoribus hereditariis obligetur; tum ne suscipiat damnosam hereditatem; tum ne vexationibus, insidiis, negotiorum multitudini, offensis, invidiæ fiat obnoxius. *l. quia poterat 4. in fi. ff. ad S. C. Trebell. d. l. more 6. ff. de acquir. hered. l. si hereditatem 22. ff. mand. l. obligari 9. §. hereditatem ff. de auctor. tut. §. neque tamen Insit. tit. cod.* Nam si acquirere hereditatem non esset periculosum, damnosumque pupillo, posset etiam extranei hereditatem adire sine tutoris auctoritate. *princ. tit. Insit. de auct. tut. §. nunc admonendi Insit. tit. quibus alienar. lic. vel non §. pupillus Insit. tit. de inus. stipul. d. l. obligari 9. ff. de auct. tut. l. contra 28. ff. de pact. l. pupillus 11. ff. de acquir. rer. dom.* Quod & in furioso & prodigo constitutum est. *l. is cui bonis. de verb. oblig.* Et confirmatur, quia per servos nostros melior conditio nostra fieri potest, non deterior; *l. melior ff. de R. J. & ideo 57* servi nostri, nobis etiam ignorantibus & invititis, acquirunt; *l. servus vetante ff. de V. O. l. acquiruntur 10. §. 1. ff. de acquir. rer. dom. §. item vobis Insit. tit. per quas person. cuique acqu. hereditatem* tamen nobis non acquirunt ignorantibus & invititis, ut supra diximus: igitur per acquisitionem hereditatis non fit melior conditio nostra. Et utcumque sit de universitate hereditatis, certe quod quis æri alieno obligetur, quod evenit per hereditatem, id non respicit ejus favorem, nec ejus conditionem meliorem

rem facit. *l. qui in aliena in princ. ff. de acquir. hered.* Et cum periculosa sit acquisitio hereditatis, maxime expedit pupillo hac in re consilium & auctoritas tutoris. Hoc autem contra utilitatem pupilli fuit operatur, ut hereditati obligetur etiam sine tutoris auctoritate, *l. more ff. de acquir. hered.* & obligetur etiam invitatus. *l. lege Cornelia ff. de testam.*

Tertio, quod aliquæ competant creditoribus hereditariis actiones, id vergit in ejus incommodum: sed in suum heredem competunt actiones etiam ante immixtionem, hoc est sola potestate

58 *§* *siuitatis. l. ita tamen 27. §. si pater filium ff. ad S. C. Trebell.* ibi: *quare etsi non immiscuerit se hereditati, nihilominus actiones, quæ ei & in eum competeant, ad Sempromium transferuntur.*

59 Confirmatur ex *l. 2. ff. de condit. furtiv.* ibi: *condictioni ex causa furtiva, & furtivo & infantes obligantur, cum heredes necessarij essentur.*

Huic certæ, stabilique sententiæ quæ opponuntur, accurate perpendamus. Primum opponunt text. in *l. pecuniam 36. ff. de reb. cred.* ubi, si pecuniam, quam mihi pure debes, jussu meo promittas Titio sub conditione; pendente conditione frustra tecum ago: quia, cum incertum sit, an conditio adjecta stipulationi Titii sit exitura, incertum quoque est, an à te possit exigere pecuniam. Existente enim conditione adjecta promissioni Titii, à Titio est exigenda pecunia, non à te. Interim igitur, si petam, ante tempus peto. Eadem ratione, quia potest suus hæres abstinere: quamdiu hoc incertum est, conveniri utiliter non potest, quia, si abstinerit, adversus eum Prætor actionem daturus non est.

Sed hoc argumentum nimis probat. Nam & pupillus, qui se immiscuit paternæ hereditati, non posset etiam post immixtionem conveniri a creditoribus

hereditariis, quia etiam post immixtionem habet beneficium abstinendi. *l. necessarii ff. de acquir. hered.* Et mino: non posset pariter conveniri, etiam postquam se immiscuit, quia per restitutionem in integrum ipse quoque potest uti beneficio abstinendi, & derelinquere hereditatem. *d. l. necessarii §. sed tamen.* Imo, quod magis est, etiam postquam suus hæres se abstinit, creditores non possent exercere suas actiones: quia suus hæres, qui abstinit, potest, si major sit, intra triennium repetere hereditatem, quam dereliquit: si minor, reti-
62 net hanc facultatem repetendi hereditatem, & sequè immiscendi bonis paterois ulque ad annum tricesimum secundum exactum. *l. si quis seroi ff. de jure delib. l. ult. C. de repud. hered.* Toto igitur hoc tempore non possent creditores suas actiones exercere, quia incertum est, an suus hæres sit habiturus hereditatem. Quæ omnia oppido sunt absurda.

Fallax igitur est argumentum: neque enim exemplum deductum ex *l. pecuniam ff. de reb. cred.* simile est rei, de qua agimus. Qui pecuniam, quam mi-
63 hi pure debet, jussu meo promittit alteri sub conditione, mihi manet obligatus sub contraria conditione, ut notatur in *d. l. pecuniam.* Quod enim sub conditione admittitur, sub contraria conditione datum videtur. *l. aliquando in fin. ff. de condit. & demonstr. l. quod pure 6. in princ. ff. quando dies leg. ced. l. si quis ita 13. in fin. ff. de statu lib. l. si post mortem 68. §. si pure ff. de legat. 1.* Atque hæc contraria conditio, quæ tacite adijcitur per ademptionem conditionalem, habet vim veræ conditionis, & suspendit actum in incertum eventum, & impedit legari transmissionem. *d. l. si post mortem §. si pure ff. de leg. 1. d. l. quod pure in princ. juncto. §. 1. ff. qu. dies leg. ced.* Quod multo magis obtinet in contractibus, in quibus conditio retrahitur ad tempus celebrari contra-

tra-

64tractus. l. necessario 8. in princ. ff. de pe-
ric. & cons. rei vend. l. sub conditione 16.
ff. de solut. Cujus rei effectus scitu dig-
nissimos habemus in l. si filiusfam. 78.
ff. de V. O. l. que legata 18. in fin. ff. de
reg. jur. l. ult. ff. de stip. servor. l. postior.
21. ff. qui postior. in pign. bab. Nam in
stipulationibus id tempus spectatur, quo
contrahimus. l. non omne 144. §. 1. ff.
de reg. jur. Quod non evenit in legatis,
in quibus spectatur tempus eventientis
conditionis, nec ea retrahitur l. 3.
§. ult. l. si ususfructus 14. §. ult. ff. qu.
dies leg. ced. l. si legati 28. ff. de pignor.

Hinc constat, cur agi non possit con-
tra primum promissorem, licet pure
obligatum, quando ejus obligatio nova-
65ta est sub conditione: quia, licet initio
pure promiserit; tamen per nova-
tionem conditionalem injecta est ejus
promissioni contraria conditio, & pe-
rinde habetur, ac si sub conditione pro-
misset. Et, si existat conditio nova-
tionis, ejus obligatio videtur precepta
jam tum ab initio tempore celebratæ
novationis. l. sub conditione 16. ff. de so-
lut. ibi: sub conditione debitori si acce-
ptum feratur, postea conditione existente
intelligitur jam olim liberatus. Quapro-
pter permittendum non est, ut conve-
niatur eo tempore, quo eum debitorem
non fuisse apparebit, existente conditione.

Nihil simile est in beneficio abstinen-
di. Nam beneficium abstinenti non ef-
ficat, ut suus heres existat heres sub
66conditione, si non abstinerit. Ut enim
provavimus, antequam abstineat, ipso jure
est heres, & jam acquisivit hereditatem.
Nec acquisitio hereditatis recipit condi-
tionem. l. cum qui §. 1. in fin. ff. de acquir. he-
red. Et adeo verum est, beneficium absti-
nendi non efficere, ut ab initio heres non
sit: ut etiam, postquam se abstinuit, ma-
neat heres jure Civil. l. cum quasi §. sed
est si ff. de fideic. liberr. Beneficium
abstinenti prodest volentibus. §. sui vers.
sed bis, Inst. tit. de hered. qual. & differ.

Antequam velint, nihil eis prodest, in
l. pecuniam ff. de reb. cred. Novatio facta
fuerat voluntate debitoris: itaque con-
stabat, eum voluisse liberari ab obliga-
tione, existente conditione. Si eodem
modo constaret & de voluntate sui hæ-
redis abstinerere volentis, utique & ipsi
proderet contra creditores hoc benefi-
cium: sed si non constat de hac volun-
tate, ipse eam probare debet: præ-
sertim quia & dum convenitur, absti-
nere potest, atque ita eludere creditores,
a quibus convenitur. Tunc enim cre-
ditoribus incumbet onus probandi im-
mixtionem, per quam amiserit benefi-
cium abstinenti.

Neque ad rem facit, quod spes sit
futurum, ut abstineat. Neque enim spes
hæc ipsum liberat, sed abstentio: nec
spes prodesse potest ei, in cuius est po-
testate actus, per quem consequi potest
emolumentum, quod per spem consequi
desiderat. Atqui ut spes solutionis non
liberat debitorem, sed ipsa solutio; nec
eo minus conveniri potest a creditoribus,
quod speretur eum soluturum: sic
non spes abstinenti liberat suum hæ-
redem, sed abstentio; nec eo minus con-
veniri poterit a creditoribus, quod spe-
retur futurum ut abstineat. Unde ne-
mo non videt, quam dispar sit ratio
novationis initæ sub conditione: quia
hic spes novandæ obligationis non est
vana & pendens a sola potestate facien-
di aliquid, quod factum non est, qualis
est spes abstinenti: sed est spes in-
mixta jam contractæ stipulationi, & no-
vationi, quæ amplius retractari non
potest, & eventiente conditione necessa-
rio liberat debitorem. Stipulatio vires
capit ab initio, l. ususfructus 26. ff. de
stipul. servor. & in ea spectatur initium.
l. non omne §. 1. ff. de reg. jur. Quapro-
68pter stipulatio jam contracta præstat
firmum ac stabile fundamentum spei,
quam habet debitor de liberatione. Ce-
terum si novata non esset obligatio, seu
in-

interposita novandæ obligationis causa stipulatio, nihil debitori prodesset, quod novare posset aut solvere; & spes in hac potestate fundata, inanis prorsus esset & inutilis. Eademque ratione inanis est & inutilis spes fundata in potestate abstinendi.

Nec obstat, quod istud beneficium abstinendi & ejus exceptio, insit a principio cuilibet hæreditati, quæ filio defertur, & ideo possit dici pars substantialis ipsius actus, & suppleri a Judice etiam parte non opponente; argumento text. in *l. t. §. 1. versic. nam dies ff. de edend.* ut subtiliter animadvertit Gomez. *variar. tom. 1. cap. 9. num. 25.*

Enimvero fateor ingenii mei tarditatem: non intelligo, quid supplere possit Judex, neque perspicio, quid probet hujusmodi argumentum. An Judex supplebit suum hæredem habere beneficium abstinendi? At hoc non liberat suum hæredem, qui jam non oblante hoc beneficio hæres extitit ipso jure, ut probavimus. An suppleat Judex suum hæredem abstinuisse? At supponimus, ipsi vere non abstinuisse. Uno verbo hoc argumentum supponit id, quod queritur, & verum esse id, de quo disputatur: nam si solum beneficium, & potestas abstinendi liberat, & tuetur suum hæredem a creditoribus; si non est necessarius ipsi actus abstinendi, verissima sunt omnia, quæ in argumento assumuntur, & concluduntur. Sed hoc ipsum est, de quo disputamus. Enimvero cum beneficium abstinendi non operetur, nisi volente suo hærede, antequam velit, non potest parere exceptionem: quia antequam velit abstinere, non vult liberari a creditoribus. Unde igitur nascatur hæc exceptio? Postquam autem voluit abstinere, ne tunc quidem vere parit exceptionem: sed a Prætoris non 70 lantur actiones adversus suum hæredem, qui abstinuit. *l. necessariis ff. de acquir. vel om. hered.* Itaque hæc exceptio est

merum commentum nostrorum Interpretum. Quo jure igitur a judice suppleatur? Nec illud intelligo, cujus actus dici possit pars substantialis hæc exceptio, cum in suo hærede nullus actus requiratur, ut hæres existat, sed sit hæres ipso jure, ut luculenter initio demonstravimus.

Sed rursus opponunt, quod hoc beneficium abstinendi cum sit a jure inductum, non requiritur, ut exprimat, vel opponatur ab homine; sed semper operatur effectum suum, nisi constet de immixtione. Confirmant autem 7 hoc per text. in *l. ei qui se in princ. ff. de acquir. vel om. hered.*

Ad hoc satis supra respondimus, ubi demonstravimus, quantum hac in re differat potestas legis a potestate & auctoritate Prætoris. Lex enim ipso jure, & sine ullo facto atque opera hominis efficit, quod vult. Prætor autem numquam ipso jure operatur, præsertim quando aliquid molitur contra jus Civile, quod potest mollire, ac mitigare, non evertere. *l. 1. §. 1. ff. de feriis.* Adeoque numquam aperte legem oppugnat, sed per cuniculos; & non directo obviam it legibus, sed per anfractus, propositis quibusdam remediis, quibus subvenit miseris, & rigore juris oppressis. Sed hoc fieri non potest sine aliquo facto hominis, quod percurrant totum jus Prætorium clare apparebit. Imo, & cum non agitur de emendando, & oppugnando jure Civili; tamen jus Prætorium ipso jure non operatur. Quamobrem licet stipulatio contraria stipulatione tollatur ipso jure, quia stipulatio juris Civilis auctoritate nititur; tamen pactum contrario pacto ipso jure 72 re non tollitur, sed necesse est, ut elidatur replicatione *l. si unus 27. §. pactus ff. de pact.* quia pacta nituntur Prætoris auctoritate. *l. 1. l. juris Gentium 7. §. ait Prætor ff. de pact.* Ac propterea, licet secundo pacto actum sit, ut

rec

res ad terminos, & præcepta juris Civilis redigatur; tamen ipso jure non tollit prius poscū. Hoc enim proprium est solius legis, operari ipso jure. Prætor autem tanta auctoritate non pollet.

Ad textum autem in *l. ei qui se bonis ff. de acquir. vel omit. hered. facilis* 74 est & prompta responsio. In ea lege non quæritur, an videatur se abstinuisse, qui se non miscuit, sed solum, an qui vult abstinere, debeat Prætozem adire, & ab eo impetrare beneficium abstinendi, sicut impetratur restitutio in integrum, sicut petitur bonorum possessio: & statuitur, necessarium non esse Prætozem adire, sed sola destinatione, & voluntate abstinendi sui posse suos hæredes hoc beneficio. Ut enim supra diximus, eadem ratione, eodemque modo potest quis abstinere ab hæreditate, quo potest hæres extraneus adire hæreditatem. De hoc agi constat in ea lege, quia Jurisconsultus probat hanc sententiam scripto quodam, quo continebatur, non esse necessariam restitutionem pupillis adversus contractum avitum, si eorum pater constituerat non agnoscere paternam hæreditatem, & neque quicquam amovit, neque pro hærede gessit. Et merito: quia si constituit non agnoscere paternam hæreditatem, & declaravit se abstinere; hoc ipso abstinuit; nec possunt ejus filii conveniri, sicut nec ipse conveniri potuisset. *l. necessariis ff. de acquir. vel omit. hered.* Vel solum constituit non agnoscere hæreditatem, sed tamen re vera non abstinuit, ut in *l. si servum §. Prætor ff. de acquir. hered.* & hoc casu si neque pro hærede gessit, neque quicquam amovit ex hæreditate; quibus modis amittitur beneficium abstinendi; *d. l. si servum §. ais Prætor l. necessariis ff. cod.* poterunt ejus filii abstinere, sicut ipse vivens abstinere potuisset; *l. si quis 7. §. si filius ff. cod. ac pro-*

pterea non indigebunt restitutione, quæ non datur illis, qui jure muniti sunt. *l. in causa 16. ff. de minor.* Sensus igitur ejus legis hic est. Ei, qui se non miscuit hæreditati, sive major, sive minor sit, semper liberum est se abstinere. Nec cogitur Prætozem adire; neque ut ab eo restituatur in integrum: quia ei, qui se non miscuit, in integrum restitutio necessaria non est, sed solum ei, qui se miscuit; *l. necessariis §. 1. ff. de acquir. hered.* neque ut ab eo obtineat hoc beneficium, quia hoc a Prætoze impetrare non est necesse, cum 77 Prætor hoc largiatur omnibus volentibus eo uti. *§. sui autem. versic. sed his. Instit. tit. de hered. qual. & differ.*

Imo, ut dicam quod sentio, & quod nostri non animadvertunt, existimo in ea lege solum agi de restitutione in integrum, & hoc tantum ab Ulpiano de 78 finiri, non esse necessariam in integrum restitutionem ei, qui se non miscuit hæreditati: licet enim sit hæres ipso jure; tamen non debet a se amovere hæreditatem adeundo Prætozem, & petendo ab eo restitutionem, cum possit liberari abstinendo ab hæreditate: quæ de re copiose etiam agitur in *l. necessariis ff. cod.* Multa sunt; qui conjecturam hanc facio. Primum ea lex deprompta est ex libro undecimo Ulpiani ad Edictum, quo in libro Ulpianum exposuisse edictum Prætoris de restitutionibus in integrum, satis constat ex *l. 1. ex l. denique 3. ex l. si tamen 5. ex l. ait Prætor 7. ex l. si ex causa 9. ex l. verum 11. ex l. in causa 13. ex l. minor autem 18. & duabus seqq. l. integrum 22. ff. de minor.* in quibus copiose, & enucleate pertractatur materia restitutionis in integrum, quæ minoribus datur; atque omnes depromptæ sunt ex libro undecimo Ulpiani ad Edictum. Libro autem duodecimo pertractavit Ulpianus de restitutione, quæ majoribus a Prætoze datur, ut constat ex *l. 1. 3. 5. 7. 10. 12.*

12. 15. 17. 21. 23. 26. 28. ff. ex quibus caus. major. Præterea in rescripto, quod allegatur in ea lege, aperte tractabatur solummodo de restitutione in integrum. Denique & verba illa, non esse necesse Prætorum adire, maxime conveniunt petitioni restitutionis in integrum. l. verum 11. §. ex facto l. Papi-nianus 20. ff. de minor. l. 3. C. si minor se major. dixeris.

Non dissimile est argumentum, quod petunt ex l. 1. C. si minor. ab hered. se abstin. ibi: si vos paterna hereditate non inamiscuistis, ob eam rem testificatio necessaria non fuit, cum fides veritatis verborum adminicula non desideret. Quod si pro herede gessistis, vel bonorum possessionem accepistis, propter etatem, cui subveniri solet, in integrum restitutionis auxilium accipere debetis.

Non dissimilis etiam responsio. Suus hæres volebat abstinere ab hereditate. Respondent Imperatores, quod si minor est, & pro herede gessit, debet petere restitutionem in integrum, sine qua amplius abstinere non potest. d. l. necessariis. Si vero pro herede non gessit, hoc est, paternæ hereditati se non immiscuit, non indiget restitutione, etiam si non fuerit testificatus, nolle se immisce-

81r. Ut enim quis possit abstinere, sufficit, cum se non miscuisse: & omnis testificatio supervacanea est, quia veritas non desiderat verborum adminicula. Quod si quis contendat, cum abstinere non potuisse; ipse, qui hoc contendit, probare debet, cum, antequam abstinere, se immiscuisse, quia per immixtionem amittitur beneficium abstinendi; sufficit sola veritas, hoc est, ut vere se non immiscuerit. Quibus expostis non video, quid obstat nostræ sententiæ.

Nullius quoque momenti est alterum argumentum petiti ex l. si filius 12. ff. de vulg. ibi: etenim jus dicenti propositum est liberis oneribus hereditariis non sponte susceptis liberare, non invidos

Tom.L

ab hereditate removere. Etenim in ea quoque lege agitur de filio volente abstinere ab hereditate paternâ. Constat id ex principio ejusdem legis, ibi: si filius, qui parvi, ac postea fratri ex secundis tabulis hæres extitit, hereditatem patris recusat, fratris autem retinere maluit. Quæstio igitur ibi proposita est, an filius possit abstinere hereditate patris, & retinere hereditatem fratris: & respondet JC. posse: quia Prætori propositum est liberos oneribus hereditariis liberare, non invitos ab hereditate removere. Quos liberat oneribus hereditariis? nempe abstinentes & recusantes hereditatem patris. Quos non remonet invitos? nempe volentes retinere hereditatem. Imo retorqueri potest argumentum. Nam ibi JC. promiscue accipit, filium reculare patris hereditatem, & cum liberari oneribus hereditariis. Cum enim quæsierat, an recte recuset patris hereditatem; respondet, recte reculare, quia Prætori propositum est liberos oneribus hereditariis non sponte susceptis liberare; Ergo liberat solum recusantes. Etenim si liberaret etiam non abstinentes, absurda esset illa responsio, & aliena a quæstione proposita, nec eam solveret. Plane hoc in errorem induxit interpretes nostros, quod ea, quæ in jure nostro tradita sunt de filiis abstinentibus, acceperunt perinde ac si dicta essent de non abstinentibus.

Denique non obstat textus in l. nam nec emancipatus 37. ff. de leg. 1.

Nam & ibi agitur de filio abstinens. 83r. Proponitur in duabus legibus antecedentibus quæstio, an, si filio instituto pater legatum reliquerit, & filius abstinuerit hereditate, possit legatum petere? Respondet posse. Sicut enim emancipatus potest, omissa hereditate, legatum petere: ita & suus hæres abstinens ab hereditate, potest legatum petere: quia filiis abstinentibus tribuit Prætor idem ac emancipatis: hoc est

H

idem

idem ac si habuissent liberum arbitrium adeundi hereditatem. Sed hoc tribuit abstinentibus, quia, ut supra diximus, beneficium suum Prætor imperatur solummodo volentibus.

CAPUT X.

Ad l. filio præterito 17. ff. de inoff. rupt.

SUMMARIUM.

- I. Filio præterito se abstinentem, ex bono & equo voluntas testatoris est servanda.
- II. Voluntas testatoris servari potest non solum ex testamento, sed etiam ab intestato.
- III. Si quis omnia causa testamenti possiderat ab intestato hereditatem, Prætor tunc defuncti voluntatem quasi legat.
- IV. Aliud exemplum.
- V. Quomodo possit servari ex testamento?
- VI. Proponatur tui sententia.
- VII. Præterito abstinente testamentum jure Civili non convalescit.
- Præterito suo herede testamentum est ipso jure nullum.
- VIII. Et non potest convalescere, cum nunquam fuerit testamentum.
- IX. Deservitorem alius in suspensum esse non possunt.
- X. Testamentum ab initio nullum, aut postea ruptum, irritumve, nunquam jure Civili convalescit: probatur exemplis.
- XI. Proponitur exceptio in casu captivitatis.
- XII. Et in casu restitutionis damnatorum.
- XIII. Præterito decedente ante patrem non convalescit testamentum.
- XIV. Etiam si præteritus sit posthumus.
- XV. Suius est heres, & antequam abstineat, & postea. & 31.
- XVI. Non valet hujusmodi testamentum: si filius mori ut virum decesserit, Titius heres esse.
- XVII. Infractio & exhereditatio librorum sunt de forma.
- XVIII. Forma hominum arbitrio mutari non potest.
- XIX. Convensione patris & filii fieri non potest, ut liceat filium præterire. & 23.
- XX. Filius non potest institui sub conditione, que non sit in ejus potestate.
- XXI. Conditiones impossibiles, & turpes dema-

- hantur ab ultimis voluntatibus.
- XXII. Filius non potest institui sub conditione turpi, vel impossibili.
 - XXIII. Forma testamenti præscripta est a legibus.
 - XXIV. Testamenti factio est juris Publici.
 - XXV. Jus Publicum proutonum pactis mutari non potest. & 46.
 - XXVI. Non potest patronus liberto permittere, ut se præterat.
 - XXVII. Patroni institutio non est de forma testamenti, & ideo valet testamentum, in quo præteritus est patronus.
 - XXVIII. Quæ sunt ipso jure, etiam nobis intuitu sunt: & explicatur.
 - XXIX. Beneficium abstinendi est a Prætoribus.
 - XXX. Non potest Prætor efficere, ut valeat jure Civili, quod eo jure improbatum.
 - XXXI. Si valet testamentum, non potest esse locus inofficiosa successione.
 - XXXII. Nemo potest abstinere ab hereditate, nisi jam quesita.
 - XXXIII. Deservitorem decedens intestatus, cum testamentum non valet.
 - XXXIV. Quisquisque potest renunciare suo beneficio.
 - XXXV. Volenti non fit injuria.
 - XXXVI. Emphyteusis per non solutionem canonis recidit solum valenti domino.
 - XXXVII. Valet alienatio, facta cum consensu vocatorum, si eorum favore suis interdicta.
 - XXXVIII. Judicium convalescit, si dominus rationem habeat, quod gessit procurator.
 - XL. Testamentum propter præteritionem nullum est, non propter injuriam factam filio.
 - XLI. Majori injuria affectus exhereditatus, quam præteritus.
 - XLII. Nullum pariter non est favore filiorum.
 - XLIII. Affertur ratio, cur testamentum vitium præteritus, non exhereditatio. & n. 45.
 - XLIV. Duo in solidum domini, aut heredes esse non possunt.
 - XLV. Nemo potest renunciare suo favori, quando respicit jus Publicum.
 - XLVI. Probatur exemplis.
 - XLVII. Conditiones aliæ sunt suspensivæ, aliæ resolutivæ: & harum exempla.
 - XLIX. Nullitas testamenti non pendet a conditione resolutiva.
 - L. Non datur conditio resolutiva nullitatis.
 - LI. Jus est, quod bonum & equum est.
 - LII. Hæc descriptio convenit juri Civili in genere.
 - LIII. Jus Civile in specie sepe opponitur æquitati.
 - LIV. Quod ipso jure nullum est, non rumpitur.
 - LV. Ipso jure rupti dicitur id, quod ipso jure non valet.
 - LVI. Aliud est rumpi ipso jure: aliud ex post facto rescindi.

Filius præterito, qui fuit in patris potestate, neque libertates competunt, neque legata præstantur, si præteritis fratribus partem hereditatis avocavit: quod si bonis se patris abstinuit, licet subtilitas juris refragari videtur, attamen voluntas testatoris ex dono & æquo tuebatur. Constat ex hac lege, filio præterito se abstinentem voluntatem testatoris tuendam esse. Potest voluntas testatoris defendi, & observari vel ex testamento, vel ab intestato. Ab intestato; quemadmodum, cum quis omnia causa testamenti ab intestato possidet hereditatem: tuetur enim Prætor defuncti voluntatem quoad legata, perinde ac si ex testamento hereditatem adivisset; l. 1. & toto tit. ff. si quis omnia caus. testam. quemadmodum conservantur libertates, & fideicommissa alumnæ data in l. in testamento 38. ff. de fideicommiss. libers.

Ex testamento, si aut testamentum jure Civili convalescat abstinentem filio præterito, quod propter præteritionem erat ipso jure nullum; l. 1. ff. de injust. rupt. aut a Prætoris sustineatur data bonorum possessione secundum tabulas hæreditibus scriptis in testamento.

Si defenditur voluntas ab intestato, corrumpit institutio, & solummodo legata præstantur. Si convalescit jure Civili testamentum, omnia sustinentur, & hæres poterit adire hereditatem. Si sustinetur jure Prætorio, omnia pariter subsistunt, sed non poterit ab hærede scripto hereditas adiri, & confugere debet ad bonorum possessionem secundum tabulas. Hinc Interpretes nostri dividuntur in tres classes: alii tum jure Civili convalescere putant testamentum, tum jure Prætorio: alii solum jure Prætorio sustineri: alii denique neutro jure subsistere, & ab intestato defendi voluntatem defuncti. Eam, quæ inter duas media est, opinionem probamus, quæ & communis est, & verior videtur: nempe jure Prætorio subsistere testamentum, si

filius in eo præteritus bonis paternis abstineat. Primum autem probandum est, illud jure Civili nullum esse, eoque jure non convalescere, etiam si filius præteritus abstineat hereditate patris.

Quod jure Civili non subsistat testamentum, in quo præteritus est filius, id passim in jure nostro traditum est, & quidem sine ulla exceptione; unde conjectura consequi possumus, ipsum numquam subsistere, nullo casu convalescere. l. inter cetera 30. l. dum apud 31. ff. de liber. & post. l. si quis cum 16. in fin. ff. de injust. rupt. l. ex facto 43. §. Lucius Titius ff. de vulg. princ. tit. Instit. de exhered. liberar. l. maximum vitium in princ. & in §. 1. C. de liber. præteris.

Nec dici potest, quod licet testamentum sit ipso jure nullum, tamen filio abstinentem ex bono & æquo convalescat. Quod enim numquam fuit, quod statim nullius momenti fuit, convalescere non potest. Æger potest convalescere: mortuus potest reviviscere, sed qui numquam natus est, neque convalescere potest, neque reviviscere. Testamentum autem, in quo præteritus fuit filius, qui erat in potestate, numquam fuit testamentum: nam & ab initio nullius fuit momenti, numquam valuit, semper fuit inutile. l. 1. ff. de injust. rupt. l. si quis 16. §. ult. l. ex facto §. Lucius ff. de vulg. princ. tit. Instit. de exhered. liber. Quare nusquam in jure nostro traditum est, hujusmodi testamentum pendere, & in suspenso esse, sed semper inutile, & nullius momenti, quia defunctorum actus suspendi non possunt. l. ult. in fin. ff. commun. præd. Suspendetur autem, & penderet ab approbatione filii, si eo abstinentem subsisteret, & non abstinentem corrueret.

Præterea testamentum, quod jure Civili nullum est, numquam convalescit: imo etsi ab initio valuerit, si postea ruptum fuerit, amplius non reviviscit, etiam si removeatur causa, quæ testa-

mentum illud evertit. Sic prius testamentum non convalescit, etiamsi posterius, quo ruptum fuit, irritum fiat. §. *posteriore Instit. tit. quib. mod. testam.*

10 *infirm.* Sic testamentum, quod per capitis diminutionem irritum factum est, etiam cessante, & sublata causa non convalescit jure Civili, sed solum jure Prætorio. §. *alio autem modo juncto §. non tamen Instit. cod. l. penult. §. 1. ff. de bonor. posses. secund. tabul. l. posthumus 12. versic. idem & circa ff. de injust. rupt.* Sic testamentum, in quo præteritus est filius, non convalescit jure Civili, etiamsi filius vivo testatore moriatur. *princ. tit. Instit. de exhered. liber. l. si filius 7. ff. de lib. & post.* Et hoc voluit significare Pomponius in *l. si primo 8. ff. de lib. & post.* illis verbis: secundum sententiam, qua utimur, non eris secundus hæres, quasi ab initio inutiliter institutus. Et Legislator noster in *princ. tit. Instit. de exheredat. liber.* ibi: adeo quidem, ut si vivo patre filius moriatur, nemo ex eo testamento hæres existere possit, quid scilicet ab initio non constiterit testamentum.

11 Solummodo convalescit testamentum, quod fuit factum irritum per captivitatem: sed necessaria fuit lex Cornelia, & jus postliminii ad ipsum confirmandum, quibus non tam confirmatur, quam fingitur, numquam fuisse irritum: ejus exemplo idem videtur constitutum etiam in restitutione damnatorum facta a Principe. *l. si quis filio 6. §. quatenus penult. ff. de injust. rupt.* Ergo, si jure Civili neque testamentum, quod initio fuit nullum, neque testamentum, quod postea factum est irritum, convalescit, reinota ac sublata causa, propter quam testamentum non valet; dubitari non potest, ne quidem convalescere, cum filius abstinet ab hæreditate.

Confirmatur, quia, etiamsi filius ille decessisset ante patrem, a quo fuit in testamento præteritus, tamen testa-

mentum non convalesceret. *l. si filius 13 7. ff. de lib. & post. princ. tit. Instit. de exhered. liber.* Imo si præteritus sit posthumus, initio, antequam nascatur, valet testamentum, & solum rumpitur nascente posthumo. §. *posthumi quoque. Instit. tit. de exhered. liberor. l. 1. C. de post. hered. instit.* Licet autem valeat initio, **14** licet rumpatur solum nascente posthumo, tamen ejus morte non reviviscit, nec ad pristinum statum redit *l. 2. C. cod.* Si testamentum non reviviscit morte filii, ob cujus præteritionem nullum fuit, aut ruptum; quanto minus reviviscere poterit filii abstentione? Filius, qui mortuus est vivo testatore, nec hæres est, nec esse potuit: filius, qui abstinet, & hæres esse potuit, & hæres fuit; antequam abstineret, statim a morte testatoris ipso jure; *l. 1. §. qui sunt 15 in potestate ff. si quis omis. caus. testam. l. si post mortem. §. 1. l. quaestum 91. §. praesenti ff. de legat. 1. l. Julianus 86. ff. de cond. & demonstr. l. si optio 13. ff. de opt. legat. & denique hæres manet, etiam postquam abstinuit. l. cum quasi §. sed etsi suus ff. de fideic. libert.*

Confirmatur evidentius. Si quis ita testatus fuerit: *si filius meus me vivo decesseris, Titius hæres esto*; non valet hujusmodi testamentum. *l. si quis cum 16. in fin. de vulgar. & pupill.* Et tamen nullum videtur obstat impedimentum huic testamento. Nam aut filius **16** decedit vivo patre, & tunc non potest obstat hæredi, qui sub ea conditione est institutus, quæ existit moriente filio. Aut non decedit, & tunc deficit institutio deficiente conditione. Itaque nec filius obstat hæredi, nec hæres obstat filio, quia ex natura institutionis simul concurrere non possunt: adeoque nec hæres institutus excludit filium, nec filius hæredem institutum. Sic igitur concludi licet. Non valet testamentum, quando hæres institutus est in eum calum, in quo filius hæres esse non

non potest: ergo multo minus valebit testamentum, quando ventum est ad eum casum, in quo, licet filius hæres esse nolit, tamen vere hæres fuit, & concurret cum hærede instituto. Rursus probatur hæc sententia, quia institutio, & exheredatio filiorum est de forma
 17 testamenti; *l. inter cetera ff. de lib. & postum.* forma autem hominum arbitrio mutari non potest, quia mutata forma
 18 actus interit. *l. Julius 9. §. sed si quis ff. ad exhibend.* Quamobrem hac in re, & patris cautio inutilis est, *l. ult. ff. de suis, & legit. hered.* & patris, &
 19 filii conventio. *l. si quando 35. §. illud C. de inoff. testam.* Prævalet enim privatorum cautioni, & voluntati legum auctoritas. *d. l. ult. ff. de suis, & legit.* Ergo, etiamsi filius maxime voluerit testamentum subsistere, tamen non proinde testamentum convalescet, quod contra legum auctoritatem factum est.

Confirmatur ex *l. filius 15. ff. de condit. instit.* Non potest institui filius sub conditione, quæ non est in ejus potestate. *l. juris 4. ff. de hered. instit. l. Lucius Titius 83. ff. de condit. & demonstr.*
 211. *4. C. de instit. & substit.* Condicio impossibilis detrahitur a jure in institutionibus, *l. 1. ff. de condit. instit. l. cum in secundo in fin. ff. de injust. rupt. l. multa §. 1. ff. de condit. & demonstr.* *l. quæ sub conditione §. mortuo ff. de cond. instit.* sicut etiam detrahitur condicio turpis: nam omnes hujus generis conditiones pro non scriptis habentur. *l. non dubitamus ff. de condit. & demonstr.* *l. conditiones, & l. pen. ff. de condit. instit. l. reprehendenda C. de instit. & substit. l. si a milite 30. §. edictum ff. de test. milit.* Si filius sit institutus sub conditione turpi, vel impossibili, videretur dicendum, valere institutionem, quia conditio illa pro non scripta habetur, eaque
 22 detracta manet pura institutio. Tamen quia præteritio filii est contra formam testamenti, & filius institutus sub con-

ditione, quæ non est in ejus potestate, pro præterito habetur, conditio illa non detrahitur, & corrumpit testamentum. *d. l. filius 15. ff. de condit. instit.* Si igitur ad sustinendum testamentum nullum propter filii præteritionem lex ipsa non detrahit conditionem, quam detrahere solet ex aliis testamentis; ne subsistat testamentum, in quo peccatum est contra formam ipsius testamenti; quanto minus poterit id sustineri sola voluntate filii abstinentis ab hereditate? Non videtur peccasse contra formam, qui adjecit eam conditionem, quæ habetur pro non abjecta: sed tamen eo solo, quod adjecit illam conditionem, lex improbat, & everrit testamentum, & recusat detrahere conditionem, ad sustinendum testamentum. An igitur probabit testamentum, in quo filius non est institutus, sed præteritus? in quo filius abstinet ab hereditate, cum reprobet illud, ex quo filius consequi possit hereditatem, quemadmodum eam consequuntur omnes alii, sub eadem conditione instituti? profecto id est plane absurdum.

Præterea testandi facultas legibus certis est permessa, & a jure præscripta forma, quam tenemur observare; nec quisquam potest ei derogare, aut efficere, ut subsistat testamentum, in quo forma illa servata non est. *l. testandi C. de testam.* Est enim juris Publici factio testamenti: *l. 3. ff. eod.* & jus Publicum privatorum voluntate mutari non potest. *l. jus Publicum ff. de pact. d. l. testandi de testam.* Non potest igitur filius abstinento derogare juri Publico, quoz hæc forma testatoribus præscripta est, ut filios aut instituant, aut exheredent, alias testamentum nullius momenti fit. Facit ad rem text. in *l. 2. §. sed quis veremur C. de jurejur. propt. calum.*

Hoc idem probat evidenter text. in *26 l. Paulus 47. §. patroni ff. de bon. libert.* Patronus ob merita liberti concessit ei li-

liberam testamenti factionem. Libertus patronum in testamento præterit. Respondit Paulus, libertum non fuisse consecutum liberam testamenti factionem: adeoque non impune patronum præterit, etiam si id fecerit voluntate ipsius patroni. Patroni institutio non est de forma testamenti, & patroni præteritione non evertitur testamentum, sed solum datur bonorum possessio contra tabulas. §. 1. & 3. *Instit. tit. de success. libert.* Filii institutio est de forma testamenti, & filii præteritio subvertit ipso jure testamentum, ut diximus. Sed patronus voluntate sua non potest efficere, ut impune præteratur, ergo multo minus filius.

His addo, quod ea, quæ sunt ipso jure, sunt etiam nobis invitis, & contra nostram voluntatem: supervacanea enim est omnis opera, & voluntas hominis in illis, quæ ipso jure sunt, & ab ipsa lege. *l. sed & socius 17. §. ult. ff. pro soc.* Quapropter, quia filius est ipso jure hæres patris, *l. nihil interest 50. §. longe ff. de bon. libert.* idcirco est hæres patris etiam invitus. §. *sui. versic. necessarij Instit. tit. de hered. qual. & differ.* Sed testamentum, in quo præteriti sunt liberi, evertitur ipso jure: *l. maximum vitium §. 1. C. de liber. præter.* ergo evertitur etiam contra voluntatem filii. Item, quoties aliquid ipso jure rescinditur, non attenditur factum hominis, & semper idem jus est, siue quid factum fuerit, siue non fuerit. *l. mulieri, & Titio 74. juncta l. hoc modo 64. §. 1. ff. de condit. & demonstr.*

Ad alia jam progrediamur. Primum est animadvertendum, quod in nostra *l. filio præterito*, agitur de filio abstinente. Beneficium abstinenti est a Prætoris auctoritate. §. *qui autem. versic. sed his Instit. de hered. qual. & differ. l. necessarij ff. de acquir. vel omis. hered. l. nam nec emancipatus ff. de legat. 1.*

Quomodo autem potest Prætor effi-

cere suo beneficio, ut jure Civili subsistat testamentum, quod ab eodem jure improbatum, cum Prætor juri Civili derogare non potest? *l. 1. §. 1. ff. de feriis.* Potest quidem Prætor ipse approbare testamentum; non tamen potest cogere jus Civile ad approbandum: maxime quia Prætor heredem facere non potest. §. *quos autem Prætor Instit. tit. de bonor. posses.* Non potest igitur efficere heredem eum, qui scriptus est in testamento. Non potest autem subsistere testamentum, si hæres esse non potest. *l. 3. versic. Calpurnius ff. de his que in testam. delent.*

Secundo, quod filius, qui abstinet ab hereditate, non solum hæres est, antequam abstineat, *l. 1. §. qui sunt in potestate ff. si quis omis. caus. testam.* sed etiam, postquam abstinuit, hæres manet. *l. cum quasi §. sed etsi suus ff. de fideicom. libert.* Est autem, & fuit hæres ab intestato: ex testamento enim, in quo præteritus est, hæres esse non potest. Igitur, si testamentum jure Civili convalesceret, ipse esset jure Civili hæres ab intestato; & hæres scripti in testamento eodem jure Civili essent hæres ex testamento, quod fieri non potest. *l. jus nostrum ff. de reg. jur.* Item si jus Civile facit filium heredem ab intestato; eumque, etiam postquam abstinuit, pro hærede habet, non potest comprobare & confirmare testamentum: neque enim locus esse potest successioni ab intestato, si valeat testamentum, & successio ex testamento deferatur. *l. quamdiu ff. de acquir. vel omis. hered.*

Tertio, quod filius abstinet ab hereditate: a qua hereditate? certe ab hereditate jam acquisita. Abstinentus enim ab hereditate acquisita. *l. 1. §. si 33 quis adita ff. ad SC. Tertull. l. jam dubitare 86. §. ult. ff. de hered. instit. l. cum hereditate 55. & l. penult. ff. de acquir. hered.* Sed cujus generis hereditatem acquisivit? non testamentariam, quia ea

testamento defertur: ille autem in testamento non fuit institutus. Ergo ab intestato. Defunctus igitur decessit intestatus, quia hereditas ab intestato tunc tantummodo defertur, cum defunctus intestatus decessit. *Instit. tit. de hered. qua ab int. defer.* Defunctus autem decessit intestatus, cum testamentum non 34 valet. *princ. tit. Instit. cod. l. 1. in princ. ff. de suis & legitimis hered.*

His probe constitutis, quæ opponi possunt, argumenta confutemus. Primum autem, potest unusquisque contemnere ea, quæ pro se introducta sunt; *l. si* 35 *judex ff. de minor. & beneficio suo, suæque privilegio renunciare. l. ult. C. de post. l. invito ff. de reg. jur.* Poterit ergo filius approbare testamentum patris, in quo præteritus est: quod enim sit nullum propter præteritionem, favore filii videtur introductum. Item propter injuriam factam filiis, a lege improbatum 36 testamentum. *Authent. ut cum. de appell. cogn. §. hæc autem. in princ.* Sed volenti non fit injuria: *l. 1. §. usque adeo ff. de injur. & omnis injuria remissione aboletur. l. non solum 11. §. 1. ff. de injur. §. hæc actio. tit. cod. l. qui res 98. §. aream ff. de solut.*

Confirmatur exemplo emphyteusis, in qua si emphyteuta per biennium canonem non solvat, decedit ab emphyteusi: 37 sed quia hoc respicit commodum domini, decedit solum, si Dominus voluerit. *l. 2. C. de jure emphyteut.* Item si alienatio rei, fideicommissio subjicitur, sit interdicta favore fideicommissario- 38 rum, consentientibus fideicommissariis valebit alienatio. *l. quoties ab omnibus 11. C. de fideicom. l. cum pater. §. liber. 39 tit. ff. de leg. 2.* Non valet judicium, si procurator agat sine mandato. *l. licet C. de procurat.* Si tamen dominus ratum habeat, quod gestum est, convalescet. *l. licet. ff. de judic.*

Nullum momenti est argumentum. Falsum est enim, quod assumitur. Te-

stamentum, in quo præteritus est suus hæres, nullum est: non tamen favore, 40 ipsius filii, aut ad vindicandam ejus injuriam. Hoc admissio illud consequens esset, etiam filio exheredato nullum esse debere testamentum: magis enim as- ficit injuria filium, qui cum nominatim exheredat, & expresse repellit ab hereditate, quam qui silentio prætermittit, & ad hereditatem non vocat. Major est injuria quemquam expellere, quam non invitare. Itaque in *Auth. 41 ut cum. de appellat. cognosc. §. hæc autem*, non de præteritione agitur, sed de exheredatione, quæ vere injuria est, & ad quam vindicandam datur querela inofficiosa. Et tamen præteritio vitiat tes- tamentum, exheredatio non vitiat. *l. inter cetera ff. de liber. & posthum. princ. tit. Instit. de exhered. liber.*

Illud quoque falsum est, favore filio- rum constitutum fuisse, ut propter præteritionem nullum sit testamentum. Quid enim rei est, cur non sit pariter nul- lum & propter exheredationem? cur li- beri præteriti veniant ab intestato, & quidem etiam inviti? *§. sui autem. in 42 fin. Instit. tit. de hered. quæst. & differ.* Sane beneficium omne desinit esse benefi- cium, si cogas: beneficium enim invi- to non datur. *l. invito ff. de reg. jur.* Et vero quod beneficium est, ut filius copatur etiam damnosæ hereditatis onus subire? Itaque Prætor miseris libero- rum, ut eos removeret ab oneribus non sponte susceptis, abstinendi beneficium introduxit. *l. si filius 12. ff. de vulgar.* Enimvero si beneficium est id, quod Prætor ipsis pollicetur, ut abstinere pos- sint ab hereditate; non est beneficium necessitas suscipiendæ hereditatis. Hac autem necessitate fit, ut nullum sit tes- tamentum, in quo filius est præteritus.

Quod igitur testamentum sit nullum ob præteritionem liberorum, id certa juris ratione constitutum est, non fa- vore liberorum. Etenim cum filius, & pa-

pater eadem persona censeantur, *l. ult. C. de impuber. & al. substit.* filius etiam vivo patre quodammodo dominus bonorum paternorum fingitur; ac propterea ejus morte filius non tam dominium acquirit bonorum paternorum, quam eorum liberam administrationem. Dominium enim non transfertur in filium moriente patre, sed continuatur. *l. in suis 11. ff. de liber. & post. §. sui autem Instit. tit. de hered. qual. & differ.* Non potest igitur pater dominium in alium transferre, cum heredem instituendo, nisi prius ipsum adimam filio: cum non possint esse duo domini in solidum. *l. si ut certo §. si duobus ff. commod.* Et cum filius sit hæres patris ipso jure statim a morte patris. *l. in suis ff. de suis & legit. hered. l. nihil interest §. longe ff. de bon. libert.* non potest hæres esse ille, quem pater instituit in testamento, quia duo hæredes in solidum esse non possunt. *l. 3. versio. Calpurnius ff. de his que in testam. del.* Hinc præteritio vitiat testamentum, non vitiat exheredatio. Nam qui filium exheredat, cum removet ab hereditate, *l. non putavit. in princ. ff. de bonor. poss. contr. tab.* adeoque remoto filio locum facit hæredi, quem instituit. At, qui filium silentio prætermittit, neque eum removet ab hereditate, neque ab eo dominium advocat; adeoque nec hæres institutus hæres esse potest, nec in eum transferri dominium, quod continuatur in filium.

Præterea et si demus, id favore filiorum fuisse constitutum; tamen illud proinde non consequitur, filium posse huic favori renunciare, adeo ut hac renunciatione reviviscat testamentum, quod erat ipso jure nullum. Nemo enim potest sua renunciatione aut mutare solemniam juris, aut formam actus: quia cum

hæc a lege præferbantur, hominis voluntate mutari, & perverti non possunt. *l. nemo potest ff. de leg. 1.* Nam licet respiciant etiam favorem singulorum, tamen respiciunt etiam jus Publicum, quod privatorum pactis mutari non potest. *l. jus Publicum ff. de pact. l. ult. ff. de suis & legit. hered.* Quare licet solemnitas septem testium constituta sit favore testatoris, ne qua fraus, aut dolus obrepat; *l. ult. C. de fideicom.* tamen testator huic solemnitati renunciare non potest, nec cavere, ut sustineatur testamentum sine hac solemnitate. *l. si unus C. de testam.* Licet necessitas instituendi patronum vergat in favorem patroni; tamen hanc necessitatem patronus remittere non potest. *l. Paulus 47. §. Patrono 47 ni ff. de bon. libert.* Licet querela infideliosi testamenti tendat in favorem filii exheredati, tamen filius patri nequit hoc jus remittere. *l. si quando 35. §. illud C. de inoff. testam.* Licet jusjurandum respiciat favorem litigantium, tamen ipsorum conventionem huic renunciari non potest. *l. 2. §. sed quia veremur C. de jurejur. propt. calumn.* Et infinita in jure nostro occurrunt exempla.

Secundo opponi potest, quod, cum non omnes condiciones suspendant actum, sed sint quædam condiciones resolutivæ, quarum eventu actus, qui initio valebat, resolvitur; *l. 2. ff. de in diem addict. l. 1. ff. de leg. commiss.* nihil impediret, quominus testamentum sit initio nullum, & postea filio abstinentie resolvatur hæc nullitas, & testamentum convalescat. Sic testamentum, quod initio valet, postea resolvitur hærede non adiente hereditatem. *l. si nemo 181. ff. de reg. jur. l. eam quam C. de fideicom.* Si legatarius a se repulerit legatum, numquam videtur ejus dominus fuisse: *l. si tibi homo 88. §. cum servus ff. de legat. 1.* licet dominum statim, & recta via transeat in legatarium. *l. a Titio 64. ff. de jurt.*

Re-

Respond. quod, si filio abstinente resolveretur nullitas testamenti, non opus fuisset confugere ad æquitatem, ut fuisset voluntas testatoris: nam si nullitas testamenti penderet a conditione resolutive, existente conditione nullitas resolveretur; eaque resoluta testamentum ipso jure subsisteret, ut accidit in exemplis allatis.

Præterea haud scio, an usquam detur conditio resolutive nullitatis. Datur quidem conditio resolutive actus: sed conditio resolutive nullitatis videtur esse suspensiva actus, præsertim cum agitur de hereditate, in qua conditio & actio retrahitur ad tempus mortis. *l. hæres quandoque ff. de acquir. hered.* Nam si resolvitur ab initio nullitas, valet testamentum; si non resolvitur, numquam valet. Itaque dum incerta est hæc resolutio, in suspensio est, an valeat vel non valeat testamentum.

Sed impugnatur responsio ex *l. filio præterito ff. de injust. rupt.* ubi dicitur sustineri testamentum ex bono & æquo: ergo de jure Civili, quod bonum & æquum est. *l. 1. ff. de just. & jur.*

Resp. quod in ea lege juris nomen in genere accipitur, & comprehendit jus Naturale, jus Gentium, jus Civile, jus Prætorium; adeoque non potest ita concludi: sustinetur ex bono & æquo; ergo sustinetur jure Civili: maxime si sumamus jus Civile in specie, tamquam distinctum a jure Prætorio. Licet omne jus sit bonum & æquum; tamen id maxime omnium convenit juri Prætorio, quia Prætor semper æquitatem sequitur: minime omnium convenit juri Civili, quod sæpenumero opponitur æquitati. *l. 2. §. quamquam ff. de aqua, & aqua pluvi. Donat. in Terent. in Adelpb. act. 1. sc. 1. Inter jus, & æquitatem hoc interest: jus est, quod omnia recta, & inflexibilia exigit: æquitas est, quæ de jure multum remittit. Senec. lib. 7. contr. 4. Albutius non juris fecit illam*

Tom. I.

quæstionem, sed æquitatis. Symmach. epist. 52. lib. 10. In plerisque causis alterum jure, alterum æquitatis niti. Cic. pro Cæcin. Si contra verbis, & litteris, & ut dici solet, summo jure contendatur, solent hujusmodi iniquitati, æqui & boni nomen dignitatemque opponere. Quintilian. lib. 4. Est aliquid æquum, sed prohibitum jure. Et in nostra lege filio præterito æquitas juri opponitur, ibi: licet subtilitas juris refragari videatur.

Potest etiam opponi text. in *l. inter cetera ff. de liber. & post.* considerando verbum illud, *rumpatur*: quod enim ipso jure nullum est, non rumpitur, nec rumpi potest. *l. nam etsi 5. vers. post defectum ff. de injust. rupt.*

Resp. quod rumpitur quidem testamentum, sed rumpitur statim, & rumpitur ipso jure: *l. maximum vitium C. de liber. præ.* hoc est, testamentum est nullum, est inutile. Sic enim in laudata *l. inter cetera ff. de lib. & postum.* explicatur in fine legis verbum illud *rumpatur*. Et merito: quia testamentum vere fecit testator. Cur igitur hujusmodi testamentum nullum est? cur testator decedit intestatus, perinde ac si testamentum non fuisset? nempe, quia testamentum statim rumpitur, & infringitur a lege. Quapropter in *l. ex factis §. Lucius Titius ff. de vulgar.* pro eodem accipit Paulus infirmari testamentum, & testamentum nullius esse momenti. In eadem significatione hæc accipiuntur in *l. 1. §. 1. ff. de ser. l. juris gentium 7. §. & generaliter ff. de post.* Nam, quod ex post facto rescinditur, utique aliquando valet: quod autem statim rumpitur, & evertitur ipso jure, & a lege, quæ non indiget tempore ad operandum, semper fuit nullum.

CAPUT XI.

*Ad eandem l. filio praterito ff. de
injust. rupt.*

SUMMARIUM.

- I. Ex testamento rupto nihil peti potest.
- II. Testamentum aut jure Civile, aut jure Prætorio valet.
- III. Filio præterito abstinente testamentum jure Prætorio convalescit. Probatur nn. seqq. per tot.
- IV. Verba ex bono & æquo maxime conveniunt Prætori, qui scilicet æquitatem spectat.
- V. Tuendi verbum ad Prætorium refertur.
- VI. Filio præterito abstinente, Prætor dat scriptis hereditibus bonorum possessionem secundum tabulas cum ex & n. 13.
- VII. Per beneficium abstinendi hæres necessarius a Prætorio habetur pro voluntario.
- VIII. Abstinens a Prætorio non habetur pro hærede.
- IX. Prætor non potest improbare testamentum, cum dat præterito beneficium abstinendi.
- X. Cum filius a jure pro voluntario habetur, testamentum sustinetur.
- XI. Testamentum, in quo præteritus est filius, jure Prætorio non est nullum: & quare & n. 26.
- XII. Instructio & exhereditatio non est de forma testamenti Prætoris.
- XIII. Quod Prætor impugnans, non est ipso jure nullum. Contraria sunt inter se ferri aliquid ipso jure, & jure Prætorio.
- XIV. Quod Prætorium in pari causa sunt omnes liberi.
- XV. Filio insciente sub conditione Prætor dat bonorum possessionem secundum tabulas.
- XVI. Datur hæc solum rite institutis.
- XVII. Successio Prætoris ex testamento duplex, secundum, & contra tabulas.
- XVIII. Filio exhereditato valet testamentum, & quare.
- XIX. Cessante bonorum possessione contra tabulas, Prætor dat ex testamento secundum tabulas.
- XXI. Bonorum possessio contra tabulas datur etiam institutis, commissio per alium præteritum edicto.
- XXII. Quoties testamentum sola juris subtilitate non valet, sustinetur a Prætorio. Vide exempla numer. seqq. & n. 28.
- XXIII. Agnoscenti posthumi, posteriore testamento, capitis diminutio non impeditur testamentum jure Prætorio.

XXIX. Instructio non debet ex alieno arbitrio pendere.

Et multo minus delatio hereditatis.

XXX. Distinguitur hæc propositio.

XXXI. Repudiatus, & abstinens non potest dici arbitri, & dator hereditatis, quia a lege, vel Prætorio ea datur.

XXXII. Exempla, quibus in alicujus potestate est ipsa delatio hereditatis. & 32.

Hæres non adeunte cornis substitutio pupillaris.

XXXIII. Et cornis exhereditatio.

XXXIV. Filio præterito succeditur ab intestato per bonorum possessionem unde liberi. Distinguitur ut n. 35.

XXXV. Exhereditatus non datur bonorum possessio contra tabulas.

XXXVI. Si præteritus petat contra tabulas, datur exhereditato quærela: si vero dicat testamentum nullum, datur bonorum possessio unde liberi.

XXXVII. Ex testamento, in quo præteritus est suus hæres, nemo hæres esse potest.

XXXIX. Non potest filius abstinere ab hereditate non delata.

XL. Non defertur ab intestato, nisi cesset ex testamento.

XLI. Jus Civile non defert hereditatem ex eo testamento, in quo præteritus est filius: sanctorum est de jure Prætorio.

XLII. Olim in suis non erat successio.

Testamentum, in quo præteritus est suus hæres, etiam si ille abstinere hereditate, tamen jure Civili non convalescere, supra demonstratum est. Constat tamen, legata, & libertates esse præstandas, & tuendam voluntatem testatoris. l. filio præterito in fin. ff. de injust. rupt. Constat etiam, ex testamento rupto nihil peti posse. l. 1. ff. de posthum. hered. instit. Consequens igitur est, ut dicamus, testamentum jure Prætorio sustineri. Omne enim testamentum aut jure Civili, aut Prætorio subsistit. l. testamentum ff. qui testam. facere poss.

Secundo probatur perpendendo verba Papiniani in eadem l. filio præterito, quæ maxime sunt accommodata ad iradicandum jus Prætorium. Ac primum verba illa ex bono & æquo, Prætori maxime conveniunt, l. si domus 71. §. in pecunia ff. de legat. 1. l. non solum

11. §. 1. ff. de injur. l. 1. & si quis 14. §. hoc actio ff. de religiof. & sumptib. funer. l. 5. §. hoc autem ff. de his qui de jec. qui semper aequitatem sectatur, l. 1. ff. de pact. l. 1. ff. de consil. pecun. l. 1. ff. de collat. l. 1. ff. quod quisque jun. l. 1. ff. de legat. prest. l. 1. ff. de minor. l. 1. ff. quod solus tutor. l. 3. C. qui bon. ced. l. 2. ff. unde cognati. Accedit tuendi verbum, quod ad Prætozem fere semper referri solet: l. 1. §. proponitur ff. de superfic. l. 1. §. hoc interdictio ff. de itinere act. privato l. 4. §. 1. ff. de doli & met. exc. l. 1. §. 1. ff. ne vis fiat ei, l. ult. in princ. versic. hoc casu ff. de jur. jur. l. mancipiorum ff. de option. legat. l. 1. ff. quib. mod. usus. l. si usufructus 9. §. illud, ff. usufr. quem caveat. & maxime cum apitur de bonorum possessione, quæ est successio Prætoris, & sola nititur auctoritate & jurisdictione Prætoris, ut in l. 1. §. ult. & in l. 2. ff. si tab. testam. nulla ex tab. l. 1. §. ibidem. ff. de collation. l. 1. ff. de ventre in poss. mitt. l. 1. §. si sub ea conditione, & l. si sub conditione 5. ff. de bonor. poss. secund. tabul. l. 3. §. si sub ea conditione. l. filium 20. ff. de bon. poss. contra tab. l. ult. §. 1. ff. de legat. prest. Re-cte igitur in nostra lege dixit Papinianus, tueri voluntatem defuncti: quia Prætor hæredibus scriptis in testamento dat bonorum possessionem secundum tabulas, quæ cum re, & effectu est, filio abstinente, ut infra probabimus: atque ita tueri voluntatem defuncti, hoc est tueri ipsum testamentum: ita enim usurpantur hæc verba in l. si suscepto 29. in princ. ff. de inoffic. testam.

III. Prætor in ea lege dat beneficium abstinendi filio præterito: beneficium enim abstinendi a Prætoze datur. §. sui autem in fin. Inst. tit. de hered. qual. & differ. l. necessarii ff. de acquir. vel omis. hered. l. nam nec emancipatus ff. de legat. 1. ergo Prætor, cujus beneficio filius præteritus approbat testamentum pater-

num, debet idem testamentum confirmare, ac tueri.

Confirmatur, quia per beneficium abstinendi, filius, qui jure Civili est hæres necessarius, a Prætoze habetur quasi voluntarius. l. nam nec emancipatus ff. de legat. 1. Quemadmodum igitur valeret testamentum, si præteritus esset hæres voluntarius: ita, quoad Prætozem, sustineri debet testamentum, in quo præteritus est is, qui quoad Prætozem est voluntarius.

Et licet suus hæres pro voluntario non habeatur, si nolit uti beneficio Prætoris, quia Prætor dat hoc beneficium solummodo volentibus: §. sui autem Inst. tit. de hered. qual. & differ. tamen filium, qui abstinuit, hæredis loco non habet. l. si filius 12. ff. de interrogat. in jure fac. Nulla igitur est ratio, cur a Prætoze non sustineatur testamentum illud, in quo præteritus est ille, qui a Prætoze non solum habetur pro voluntario, sed etiam removetur ab hereditate, & pro hærede non habetur. Absurdum enim esset a Prætoze reprobari testamentum illud, quod nullo virio laborat. An enim Prætor judicabit vitiosum esse illud testamentum, in quo testator non vocavit ad hereditatem eum, quem Prætor ipse removet ab hereditate? secum ipse pugnaret Prætor, si improbarer voluntatem testatoris non instituentis hæredem eum, quem ipse pro hærede non habet. Testator filium hæredem esse non vult: Prætor pariter eundem hæredem esse non vult. Est igitur Prætoris voluntas consentanea voluntati testatoris. Quomodo ergo potest improbare voluntatem testatoris, & denegare bonorum possessionem hæredibus institutis?

Confirmatur evidentius, quia, quoties suus hæres jure Civili fit hæres voluntarius, valet jure Civili testamentum, & hæres institutus non repellitur ab adeunda hereditate: ergo etiam,

quoties suus hæres, quoad Præto-
rem, est hæres voluntarius, valebit jure Præ-
torio testamentum, & hæres institutus
non repellitur a successione prætor-
ia, hoc est a bonorum possessione. Jure Ci-
vili suus hæres fit hæres voluntarius,
quando a parente fuit hæres institutus
sub conditione arbitraria. Potest enim
 parere conditioni, & hæres esse: potest
& conditioni non parere, quo casu hæ-
res non erit, & potius voluntate sua
videbitur a se abdicasse hereditatem,
quam a patre fuisse privatus. Quapro-
pter, si non pareat conditioni, patrem
intestatum non facit, & hæres institu-
tus admittitur. l. suus 4. ff. de hered.
instit. Jure Prætorio fit hæres volunta-
rius per beneficium abstinendi: l. nam
nec emancipatus ff. de leg. 1. & abstin-
endo abdicat a se hereditatem, & a Præ-
tore pro hærede non habetur. l. si fi-
lius 12. ff. d. interr. actio. Sicut igitur
jure Civili hæres institutus in testamen-
to admittitur, quando suus eo jure ha-
betur pro voluntario, & a se abdicavit
hereditatem; ita jure prætorio debet
admitti, quoties suus a Prætore habetur
pro voluntario, & a se abdicavit
hereditatem beneficio Prætoris. Atque
id tanto magis, quia in eo concurrit
solum ipsius voluntas abdicandi heredi-
tatem: in hoc præter voluntatem ipsius
concurrat etiam jurisdictio Prætoris,
cujus auctoritate abstinet ab hereditate.
Quamobrem tenetur quodammodo Præ-
tor approbare testamentum, quod filius
Prætoris auctoritate fidei approbavit.

IV. Testamentum, in quo præteritus
est filius, licet sit jure Civili nullum;
l. 1. ff. de injust. rupt. l. inter cetera ff.
de suis & legit. hered. l. maximum vi-
tium C. de liber. præter. tamen jure præ-
torio non est ipso jure nullum, etiamsi
a Prætore improbetur, & a filio im-
pugnatur. Ac propterea Prætor adver-
sus hujusmodi testamentum dat bonorum
possessionem contra tabulas. §. sunt au-

tem Instit. sit. de bonor. possess. §. emanci-
patus Instit. sit. de exhered. liber. l. 1. ff.
de bonor. possess. contr. tab. At bonorum
possessionis contra tabulas est ex testamen-
to. §. sunt autem Instit. sit. de bon. pos-
sess. Et per eam succeditur ex testamen-
to, non ab intestato. l. 1. §. ita autem
ff. unde liberi. l. quis autem 6. §. hoc edi-
ctum ff. si quis omisi. caus. testam. Imo
bonorum possessio contra tabulas non
datur, nisi testamentum sit validum,
& saltem jure Prætorio subsistat. l. si
duobus 12. in fin. versic. & ita jus ha-
bet l. quod vulgo 21. ff. de bonor. posses-
sion. contr. tab. l. 1. §. si hæres ff. si tab. tes-
tam. null. exstab. Igitur de jure Præ-
torio non est ipso jure nullum testa-
mentum, in quo præteritus est filius. 12
Et ratio duplex est. Prima, quia Præ-
tor in suo testamento non exigit pro
forma institutionem, & exheredationem
liberorum, quæ solum jure Civili exi-
puntur; sed sufficienti signa septem tes-
tium. §. sed prædicta Instit. sit. de tes-
tam. ordinan. l. cum tabula & l. ut bo-
norum ff. de bonor. possess. contr. tabul. Et
ideo, licet testamentum jure Civili ru-
ptum fuerit propter præteritionem, ta-
men Prætor dat ex eo testamento bo-
norum possessionem secundum tabulas,
ut ait Ulpian. in fragment. sit. quemad-
modum. testam. rump. Si septem signis testium si-
gnatum sit testamentum, licet jure Civili
ruptum, vel irritum factum sit, Prætor
scriptis heredibus juxta tabulas bonorum
possessionem dat. Altera ratio est, quia,
quod lex improbat, potest esse ipso jure
nullum, & pro infecto haberi. l. non
dubium C. de legib. Quod vero im-
probat, & impugnat Prætor, non fit
ipso jure nullum, cum Prætoris aucto-
ritas non habeat vim legis. Sunt enim
hæc inter se contraria, fieri aliquid ipso
jure, & fieri jure Prætorio, vel tui-
tione Prætoris l. 1. ff. quib. mod. usus-
fruct. amitt. l. 1. in fin. ff. de superfic. l.
1. §. penult. ff. quod falso tutor. l. si usus-
fruct.

fructus 9. §. illud ff. usufruct. quemad. cav. princ. tit. Instit. de perpet. & temp. act. Impugnat igitur Prætor testamentum, in quo præteritus est filius, non tamen illud rescindit, aut reddit ipso jure nullum, aut defunctum facit intestatum, ut alias luculente demonstravimus.

Confirmatur, quia ratio, propter quam testamentum jure Civili nullum est præterito filio in potestate existente, tota est juris Civilis, & cessat jure Prætorio. Ratio enim, cur testamentum ob præteritionem sit ipso jure nullum, nittitur fitione juris Civilis, quod fingit filios etiam vivo patre quodammodo dominos bonorum paternorum, & continuationem domini in filios, mortuo patre, l. in suis 11. ff. de liber. & 15 posthum. ut supra copiose exposuimus. Hæc autem fictio, hæc continuatio a Prætore non attenditur: nam ipse in pari causa habet emancipatos, & existentes in potestate, & omnes eodem modo admittit ad successionem. §. emancipatos Instit. tit. de exhered. liber. & nemo acquirit Prætoriam successionem ipso jure, sed omnes petere debent & agnoscere bonorum possessionem. Itaque, cum jus Prætorium suos hæredes non faciat; nec imponit necessitatem eos instituendi, aut exheredandi, nec statuit, nullum esse testamentum, in quo præteriti fuerunt.

Item confirmatur, quia jure Civili testamentum nullum est, etiam cum filius fuit institutus sub conditione, quæ non est in ejus potestate: cum enim deficere possit, pro præterito habetur. l. suis 4. ff. de hered. instit. l. Lucius 83. ff. de condit. & demonstr. l. 4. C. de Inst. 16 sit. & substit. Et tamen ex hoc testamento Prætor dat bonorum possessionem secundum tabulas: l. 2. §. 1. ff. de bonor. possess. sec. tab. quam bonorum possessionem dat solummodo jure scriptis hæredibus, & utiliter institutis. §. sunt

Juris, LIB. I. CAP. XI. 69
autem Instit. tit. de bonor. possess. l. bi de-
mum 6. ff. de bonor. possess. secund. tabul.

His positis, cum mortuo patre omnino deferri debeat ejus successio: necesse est, ut deferatur aut successio ex testamento, aut ab intestato: neque enim ullum aliud est genus successionis. §. ult. Instit. tit. per quas person. cuque acquiruntur. Non potest jure Prætorio deferri successio ab intestato, quia, cum jure Prætorio subsistat testamentum, defunctus non decessit intestatus. princ. tit. Instit. de hered. que ab int. l. 1. ff. de suis, & legitim. hered. Sequitur igitur ut deferatur successio ex testamento. Successio Prætoria ex testamento duplex est: contra tabulas, & secundum tabulas. §. sunt autem Instit. tit. de bonor. 18 possess. bonorum possessio contra tabulas locum habere non potest, quia filius, cui competebat, abstinuit hæreditate. Superest igitur solummodo bonorum possessio secundum tabulas. Nec potest Prætor aliam bonorum possessionem dare, si vult aliquam bonorum possessionem dare, ut semper dat.

V. Filio exheredato valet jure Civili testamentum; & scriptis hæredibus ex testamento deferuntur hæreditas. princ. 19 tit. Instit. de exhered. liber. princ. tit. Instit. de inoffic. testam. l. Papinianus 8. §. si conditioni, versic. quoniam ff. de inoffic. test. Atque id non alia ratione, nisi quia pater filium exheredando avocavit ab eo dominium bonorum paternorum, quod vivo patre habereungebatur, eoque mortuo in ipsum continuatur, ut in superiore exposuimus. Atqui hæc continuatio non obtinetur jure Prætorio, sed tantum fitione juris Civilis: & per beneficium abstinendi Prætor avocavit a suo hærede dominium, sicut avocavit testator eum exheredando. Ergo, sicut filio exheredato admittitur hæres institutus ad hæreditatem, ita filio abstinente debet hæres institutus admitti ad bonorum possessionem: maxime

xime cum Prætor admittat ad bonorum possessionem hæredem institutum, quando filius fuit exheredatus, & ab eo advocatum dominium a patre. Quanto magis eundem igitur admittere debet, quando ipse dominium illud a filio avocavit?

VI. Prætor scriptis hæredibus dat bonorum possessionem secundum tabulas, & sequitur judicium defuncti, quoties a liberis occupata non fuit bonorum possessio contra tabulas: quare, si aut tempus ejus petendæ fuerit finitum, aut eam repudiaverint, aut ante decesserint, vel jus petendæ bonorum possessionis amiserint, tunc revertitur bonorum possessio ad scriptos. Ita Ulpianus in l. 2. in princ. ff. de bonor. posses. secund. tab. Idem Ulpian. in fragm. tit. de posses. daud. Secundum tabulas bonorum possessio datur scriptis hæredibus, scilicet, si eorum, quibus contra tabulas competis, nemo sit, aut petere nolis. Et in titulo quemadmod. testam. rumpantur: Si septem signis testium signatum sit testamentum, licet jure Civili ruptum, vel irritum factum sit, Prætor scriptis hæredibus juxta tabulas bonorum possessionem dat, si testator & civis Romanus, & sue potestatis, cum moreretur, fuit: quæ bonorum possessio cum re, id est cum effectu habetur, si nemo alius jure hæres sit. Quare Imperator Alexander in l. 2. C. de bonor. posses. contra tab. ait, bonorum possessionem secundum tabulas locum habere non posse, si petita sit bonorum possessio contra tabulas: quo tacite innuit, quod, si contra tabulas petita non sit, locum habet secundum tabulas: Argumento text. in l. 1. ff. de offic. ejus, cui mand. est jurisd. Ex quibus evidentissime constat, quod filio præterito abstinente, Prætor sequitur judicium defuncti, & dat scriptis hæredibus bonorum possessionem secundum tabulas: nam quoties filius abstinere ab

hæreditate, repudiat bonorum possessionem contra tabulas, & ejus petendæ jus amittit.

Imo in casu proposito in nostra l. filio præterito ff. de injust. rupt. in qua instituti fuerunt fratres abstinens, habent illi bonorum possessionem contra tabulas, si velint, quia per filium præteritum committitur edictum; etiam si non petierit. l. nonnumquam t. 4. & l. 1. 2. segg. ff. de leg. præst. l. si post mortem 10. §. ult. ff. de bonor. poss. contra tab.

Denique in nostra l. filio præterito ff. de injust. rupt. testamentum non valet mera juris subtilitate, ibi: licet subtilitas juris refragari videatur, sed quo-²² ties testamentum non valet juris subtilitate, sustinetur a Prætore per bonorum possessionem. Probatur id primo, quia si posthumus sit præteritus, & nascatur post conditum testamentum, statim rumpit testamentum, nec convalescit testamentum, etiam si posthumus vivo testatore moriatur. l. 2. C. de post. hæred. l. si a primo 8. in fin. ff. de liber. & post. Quia tamen nimia juris scrupulositate,²³ ac subtilitate ruptum videtur, bonorum possessionem secundum tabulas accipere hæres scriptus potest. Sunt verba Ulpiani in l. posthumus 12. ff. de injust. rupt. Utrobique testamentum rumpitur præteritione sui hæredis: utrobique testamentum non valet juris subtilitate. Ex hoc testamento constat dari bonorum possessionem secundum tabulas: cur non detur etiam ex illo?

Probatur alio exemplo. Si testamentum factum fuerit irritum capitis diminutione, licet tollatur capitis diminutio, & testator ad pristinum statum revertatur, tamen testamentum jure Civili non valet. Quoniam vero, si testator declaret, se manere in pristina voluntate, & velle decedere cum eo testamento, sola juris subtilitas refragatur, Prætor tunc voluntatem defun-
Ai,

ti, & dat scriptis hæredibus bonorum possessionem secundum tabulas. *l. qui ex liberis §. testamento. ff. de bonor. poss. sec. tab. §. alio autem modo. juncto §. non tamen Instit. tit. quib. mod. test. infirm.*

Alterum exemplum habetur in eadem *l. qui ex liberis §. testamento*. Si quis posteriore testamento facto postremas tabulas incidisset, ea mente, ut prius testamentum valeret; prius testamentum licet jure Civili non valeat, ruptum a 25 posteriore, *§. posteriore Instit. tit. quib. mod. testam. inf.* tamen sustinetur jure Prætorio, & datur a Prætorè bonorum possessio secundum tabulas scriptis in primo testamento. Alterum exemplum est in *l. posthumus 12. versic. idem & circa* 30 *injustum ff. de injust. rupt.* Animadvertendum autem est, quod in superioribus exemplis, quantum attinet ad jus Prætorium, testamenta illa vere non rumpuntur, aut irrita fiunt; sed scriptis hæredibus petentibus bonorum possessionem secundum tabulas, aut obstat bonorum possessio contra tabulas, quam Prætor dat liberis præteritis, aut obstat exceptio mutatae voluntatis. Obstat bonorum possessio contra tabulas, quia, quando liberi præteriti fuerunt in testamento sive posthumis, sive jam nati, Prætor æquissimum ordinem sequitur dando prius bonorum possessionem contra tabulas liberis præteritis, mox secundum tabulas scriptis hæredibus, cessante contra tabulas. Quare mortuo posthumo, aut filio præterito, aut eo absistente, non reviviscit proprie testamentum, quod jure Prætorio numquam fuit extinctum, aut ruptum; sed tollitur impedimentum bonorum possessionis contra tabulas, quæ obstabat, quo minus a Prætorè daretur possessio secundum tabulas scriptis hæredibus: *l. 2. C. de bonor. poss. contr. tab. l. 2. in princ. ff. de bonor. poss. sec. tab.* in qua sunt observanda verba illa: tunc reversionetur bonorum possessio ad scriptos. Re-

vertitur ad scriptos, quia & ante non erant penitus exclusi, sed solum obstabat ipsis impedimentum bonorum possessionis contra tabulas, quæ præsertur, ac prævertit bonorum possessionem secundum tabulas. Sublato hoc impedimento revertitur ad eos bonorum possessio, ad quam & antea erant vocati.

Obstat exceptio, quoties aut testamentum ruptum est posteriore testamento, aut factum irritum capitis diminutione: quia jure Prætorio vere non 27 concidit testamentum, sed scripto hæredi opponitur exceptio doli deficiente voluntate testatoris, qui primam voluntatem mutavit, eum secundum condidit testamentum, aut cum se dedit in arrogationem. *d. l. qui ex liberis §. testamento*. Quoties autem testator ad primam voluntatem regressus est, aut incidendo secundum testamentum, aut factus sui juris declarando voluntatem suam, tunc infringitur illa exceptio, & vires amittit: quia eam opponens nullum jus habet, cum opponat, mutatam fuisse a testatore voluntatem, qui cum ea voluntate decessit, & nova voluntate primam voluntatem confirmavit. Si testamentum concidisset, nuda voluntate revocari non posset, sed necessarium esset novum testamentum. Quia testamentum jure Prætorio non concidit, sed solum ope exceptionis infirmatur; ad elidendam hanc exceptionem sufficit nuda voluntas testatoris. Hæc sunt, quæ breviter indicantur in *d. l. qui ex liberis*.

Ex his apparet, quod, quando testamentum non deficitur voluntate testatoris, sed sola juris subtilitas refragatur, Prætor ex eo dat bonorum possessionem secundum tabulas: quia Prætor in testamento solum requirit signa septem testium, & ut testator, eum moriturus, sit civis Romanus, & suæ potestatis, ut docet Ulpianus in *fragment. loco laudato*. Illud etiam explorati ju-
ris

ris est, ejusmodi testamenta jure Prætorio nulla atque inutilia non esse; sed vires non habere, quamdiu ipsis obstat aliquod impedimentum vel exceptionis, vel bonorum possessionis contra tabulas; sublato autem impedimento vires suas recuperare, & scriptos hæredes cum re bonorum possessionem obtinere.

Expendamus modo, quid contra possit opponi. Primum autem illud est, quod non debet esse in potestate cuiusquam, ad quem bona, & hæreditas alterius debeant pertinere, quia institutio ex alieno arbitrio pendere non debet. *l. illa institutio ff. de hered. instit.* & apposite ad rem nostram Justinianus in §. *at hi versis. & ideo Instit. tit. de hered. que ab int.* ubi ait, quod esset iniquum in potestate patris adoptivi esse, utrum bona patris naturalis ad liberos, an ad agnatos debeant pertinere. Atqui, si filio præterito abstinente convalesceret testamentum, esset in potestate ipsius filii, utrum bona patris ad scriptos hæredes pervenire debeant, an ad hæredes ab intestato. Nam eo abstinente admitterentur scripti hæredes, quia convalesceret testamentum: eo non abstinente admitterentur hæredes ab intestato, quia testamentum corruerit. Atque adeo etiam institutio ab ejus arbitrio penderet.

Sed facilis est, & prompta distinctio. Iniquum profecto est poni in potestate cuiusquam extranei, qui nullum jus habet in hæreditate, utrum ea ad hunc, vel ad illum pertinere debeat? nemo enim alienæ hæreditatis, aut legari arbitrer, & dator esse potest. *l. illa institutio ff. de hered. instit. l. nonnumquam ff. de cond. & demonstr.* Et de hoc casu agitur in laudato §. *at hi 10. Instit. tit. de hered. que ab int. defer.* At vero non est iniquum, ut ille, qui vocatur ad hæreditatem, eam admittendo, vel non admittendo efficiat, ut hæreditas, uam a se rejecit, ad alium pertineat.

Et ratio est, quia tunc hæres utitur jure suo. Nam si est hæres voluntarius, habet a lege jus deliberandi, & potest vel adire, vel repudiare hæreditatem pro suo arbitrio. §. *extraneis Instit. tit. de hered. qual. & differ. l. 1. ff. de jure delib.* Si est necessarius, etsi hoc jus non habeat a jure Civili, tamen habet a jure Prætorio, quo ipsi tribuitur jus abstinendi: §. *sui autem Instit. de hered. qual. & differ.* quo filius abstinens comparatur hæredi voluntario non adevnti. *l. nam nec emancipatus 89. ff. de legat. 1.* Ergo tam hæres voluntarius, qui repudiat, quam suus hæres, qui abstinet, jure suo utuntur. An igitur iniquum erit quemquam jure suo uti? Pugnant hæc inter se: jure suo uti, & inique agere. Neque hæres, qui repudiat hæreditatem, arbitri est, & dator hæreditatis. Licet enim eo repudiante fiat irritum testamentum, & hæreditas deferatur ad hæredes ab intestato; tamen illis non datur hæreditas ab ipso hærede, sed a lege. Hæres tantummodo repudiat hæreditatem ad se pertinentem, quod cum facit, jure suo utitur; ceterum nihil disponit circa hæreditatem repudiatam: sed circa eam disponit ipsa lex. Disponit autem testamentum irritum fieri; eoque irritato vocat hæredes ab intestato. *l. 1. ff. de injust. rupt. princ. Instit. tit. de hered. que ab int.* Sicut igitur iniquum non est, hærede repudiante, deferri hæreditatem ad hæredes ab intestato; ita iniquum non est, filio præterito abstinente, deferri bonorum possessiones ad scriptos hæredes. Eo casu datur hæreditas a lege, non ab hærede repudiante: hoc casu datur bonorum possessio a Prætoris, non a filio abstinente.

Addo jam, quod non solum hæres omitendo hæreditatem ad se delatam, potest in causa esse, ut hæreditas ad alios devolvatur; sed etiam aliquando in arbitrio hæredis est, utrum hæredi-

tas ad hunc, vel ad illum potius sit devolvenda. Primum enim, si in testamento, in quo quis hæres est institutus, datus fuerit a patre filio impuberi substitutus pupillaris; si hæres adeat, valet substitutio, & ad hæreditatem pupilli substitutus admittitur; si hæres repudiet, corrumpit pupillaris substitutio, & ab hæreditate pupilli substitutus excluditur, & admittuntur hæredes ab intestato. *l. 2. §. quisquis ff. de vulg. & pupill.* Præterea, si pater, habens duos filios, alterum in potestate, alterum emancipatum; exheredit filium in potestate, & prætereat emancipatum, & instituat hæredem extraneum; erit in potestate hujus hæredis extranei, utrum velit hæreditatem totam pervenire ad emancipatum, an vero pro dimidia devolvi etiam ad filium in potestate. Nam si hæres institutus adeat hæreditatem, substitit exhereditatio, & exclusio exhereditato emancipatus præteritus per bonorum possessionem contra tabulas auferet totam hæreditatem ab hærede instituto. Quod si hæres institutus repudiet, sit irritum testamentum, sit irrita exhereditatio, & exhereditatus pro dimidia parte succedet ab intestato. Est igitur in potestate hæredis instituti, utrum velit exhereditatum admitti, an excludi ab hæreditate. *l. filium 20. in princ. ff. de bonor. possess. contra tab.* ubi eleganter ait Tryphoninus: Erit ergo venale beneficium scripti hæredis extranei, ut, cum ipse jure hæreditatis nihil sit consecuturus, ad eundem repellat filium in potestate relictum, præstetque assensum emancipato filio jure contra tabulas bonorum possessionis: si autem omiserit hæreditatem, in portionem bonorum exhereditatum effectum admittet jure factum solum suum hæredem.

Secundum est, quod, quando præteritus est suus hæres, non succeditur ex testamento, sed solum ab intestato etiam de jure Prætorio. Datur enim a Præ-

Tom. I.

toris bonorum possessio unde liberi. *l. ult. ff. de liber. & post. l. 1. in fine ff. Si tab. testam. null. ex tab.* Ea autem datur solummodo ab intestato, & cum certum est, nullas tabulas extare. *l. 1. §. 1. & 2. ff. eod. l. bonorum ff. unde liberi §. suus autem Instit. de bonor. possess.* Ergo, cum filius in testamento præteritus est, succedi non potest ex testamento.

Respondetur, leges illas ad rem nostram non pertinere, quia in illis non agitur de filio se abstinente, sed de filio se immiscente, qui vult patri succedere, improbatæ patris præteritione. Pater suum hæredem præterierat, emancipatum exheredaverat. Exhereditatus non habet bonorum possessionem contra tabulas, quia ea non datur exhereditatis. *l. non putavis 8. ff. de bonor. possess. contra tab.* Præteritus autem, & potest dicere nullum testamentum jure Civili, & potest ipsum impugnare per bonorum possessionem contra tabulas jure Prætorio, si quidem velit adspirare ad paternam hæreditatem. Si petat bonorum possessionem contra tabulas, quia est ex testamento, §. sunt autem Instit. sit. de bonor. possess. substitit exhereditatio; & solum superest exhereditato querela inofficiosi testamenti, qua potest patris testamentum impugnare. *l. si post mortem §. exhereditati ff. de bonor. poss. contra tab.* Si vero filius præteritus utatur remedio juris Civili, & dicat testamentum nullum, tunc nullius momenti est exhereditatio, & uterque succedit ab intestato, perinde ac si pater nullas tabulas reliquisset: idem etiam Prætorio dat eis bonorum possessionem unde liberi. *d. l. 1. in fin.* Neutro autem casu possunt succedere hæredes scripti in testamento: quia filius præteritus non approbavit, sed impugnavit patris testamentum; & vel jure Civili, vel Prætorio advocavit a scriptis hæredibus hæreditatem. *l. filium 10. in princ. ff. de bon. poss. contr. tab.*

Tertium petitur ex princ. sit. Instit. de

K

exba.

exhered. liber. ubi ait legislator noster, quod ex testamento, in quo prateritus est filius, nemo hæres existere potest. 30 Facilis responso. Sane verissimum est, ex testamento, in quo prateritus est filius, neminem posse hæredem existere. Cum enim jure Civili testamentum sit nullum, non potest eodem jure Civili ex eo testamento hæreditas deferri. Imo etsi filius approbet testamentum, tamen ex eo non deferretur hæreditas, quia testamentum jure Civili non convalescit, ut supra demonstravimus. Ceterum non negat ibi Justinianus posse aliquem esse bonorum possessorem. Quamquam eo casu, de quo ibi agit Justinianus, neque hæres, neque bonorum possessor esse potest quisquam ex testamento: quia ibi filius prateritus non abstinerat paterna hæreditate, nec testamentum patris approbaverat, sed mortuus erat ante testatorem. Adeoque id ad rem nostram non pertinet.

Postremum, quod maxime urget, petitur ex nostra *l. filio praterito ff. de injust. rupt.* ubi supponitur filius prateritus abstinens bonis paternis. Non potest autem abstinere ab hæreditate testamentaria, quia in testamento prateritus est. Abstinet ergo jâb hæreditate 39 ab intestato: non potest autem abstinere ab hæreditate, antequam ei deferatur. *l. 1. §. decretalis ff. de success. edito l. 10. qui hæres 13. in princ. ff. de acquir. hered.* Ergo delata est filio hæreditas ab intestato: sed hæc non desertur, quamdiu locum habet successio ex testamento. 40 *loc. quamdiu ff. eod.* Ergo in casu nostræ legis locum non habet amplius successio testamentaria; ac proinde scripti hæres des non possunt ex testamento succedere.

Respondeo, hæc omnia verissima esse inspecto jure Civili. Hoc enim non desert hæreditatem ex testamento, in quo prateritus est suus hæres: nam cum jure Civili testamentum sit nullum, non potest ex eo testamento deferri hæ-

reditas scriptis hæredibus; sed desertur filio hæreditas ab intestato. Multo aliter se res habet de jure Prætorio. Etiam cum jure Prætorio testamentum non sit nullum, ut alias diximus, datur a Prætoris filio praterito bonorum possessio contra tabulas, quæ est ex testamento. *§. sunt autem Instit. tit. de bonor. posses.* Filius itaque bonis paternis abstinere dicitur, quando nec vult dicere testamentum nullum, & hæreditatem ab intestato de jure Civili suscipere; neque vult petere bonorum possessionem contra tabulas. Quoniam vero bonorum possessio contra tabulas est ex testamento, & ideo non pugnat cum bonorum possessione secundum tabulas; nihil impedit, quo minus Prætor, filio cum non petente, det bonorum possessionem secundum tabulas scriptis hæredibus. *l. 2. §. expectandi ff. de bonor. posses. secundum tab. Ulpian. in fragm. tit. de posses. dand. Secundum tabulas bonorum possessio datur scriptis hæredibus, scilicet, si eorum, quibus contra tabulas competit, nemo sit, aut petere nolis. Et tit. quem. adm. testam. rump. Si septem signis testamentum signatum sit, licet jure Civili ruptum, vel irritum factum sit, Prætor scriptis hæredibus juxta tabulas bonorum possessionem dat, quæ cum re, id est, cum effectu habetur, si nemo alius jure hæres sit.*

Animadvertendum autem est, quod olim, quando filius abstinebat hæreditate patris, nemo alius jure hæres erat: nam neque in suis, neque in agnatis 41 jure Civili erat successio; & hæreditas semel tantum a lege deferrebat, ac semel delata filio, non poterat alteri postea deferri. *l. 1. §. sciendum 8. ff. de suis & legit. hered. l. 2. in princ. ff. eod. §. placebat autem, Instit. tit. de legis. agnat. success. Paul. lib. 4. sent. tit. 8.* Igitur abstinente filio, nemo alius jure hæres est, & Prætor scriptis hæredibus dat bonorum possessionem juxta tabulas, & quidem cum re.

CA.

CAPUT XII.

Ad l. per procuratorem 90. ff. de acquir.
vel omis. hered.

SUMMARIUM.

- I. Bonorum possessio re ipsa & effectu non differt ab hereditate.
- II. Bonorum possessor acquirit hereditatem bonorum.
- III. Aditus quoad nudum & formam acquirendi.
- IV. Bonorum possessor per alium agnoscere potest, etiam per familiam: & quare. n. 19.
- V. Hereditas per alium adiri non potest.
- VI. Hereditatem credere, & adire quid?
- VII. Aditio est actus legitimus: qui adit, lege agit. ib. n. 9. & 21.
- VIII. Alius legitimus non potest per alium replicari, & solum peragi potest apud Magistratum, prout quem legis actio est.
- X. Aditio, & pro herede gestio equiparata sunt creditis.
- Alius legitimus neque dicit, neque conditionem recipiunt; adeoque nec aditio. & n. 21.
- XI. Olim legationes liberae hereditatum adendum causa Senatores imperabant.
- XII. Senatores & eorum filii peragere prohibiti non poterant.
- XIII. Qui mandat, ut aditatur hereditas, hoc ipso tam adit & acquirit.
- XIV. Hereditas pro parte adiri, pro parte repudiari non potest.
- XV. Hereditas aditus sola animi destinatione, etiam tacita.
- XVI. Hereditas nobis ignorantibus non acquiritur.
- XVII. Ne quidem a servis & filiis nostris seu ipsi nostro speciali.
- XVIII. Nec sufficiens ratihabito subsequens.
- Excipitur bonorum possessio, & restitutio ex fideicommissis.
- XIX. Cur distinet hereditas a bonorum possessione & restitutione. & n. 44.
- XX. Si post mandatum agnoscenda bonorum possessioni, antequam agnoscat, heres iudicatus in forem, nulla est agnitio.
- XXII. Semel heres non potest amplius desinere esse heres.
- XXIII. Heres acquirit dominium suum ministerio legis sine ulla mora.
- XXIV. Bonorum possessio potest esse in suspensio, non aditio.
- XXV. Homo liber nobis acquirere non potest: & multo minus hereditatem.

XXVI. Hereditas devoluitur acquiritor.

XXVII. Tutor pro pupillo adire non potest. & 29.

XXVIII. Tutor facere potest pro pupillo etiam ea, quae requirunt speciale mandatum.

XXIX. Pupillus, etiam infans, ipse debet adire. & 30.

XXXI. Nec curator sarius adire potest.

XXXII. Hereditas ne modico quidem tempore residet in servo.

XXXIII. Dominus, & pater adire non possunt hereditatem, servo, & filio delatam.

XXXIV. Instructio servi valet ex persona domini.

XXXV. Filius & pater eadem persona censentur.

XXXVI. Etiam si dominus ipse pro parte sit instructus, tamen adire non potest pro parte relicta servo suo.

XXXVII. Adiri non potest hereditas non delata.

XXXVIII. Qui adit, non desinit esse heres, etiam si alii acquirit hereditatem.

XL. Procurator Caesaris fuisse pro eo adire opulentiam hereditatem.

XLI. Sed hoc speciale est.

XLII. Procurator Caesaris quis, & quod ejus officium, & auctoritas.

XLIII. Proponitur sententia Duarum: & consuetudo in sequentibus.

XLIV. Acceptilatio fieri potest per procuratorem, & quomodo?

XLV. Refertur sententia Revardi, & refellitur.

XLVI. Mancipari non poterant, nisi res propria ab ipso domino.

Hereditas ante aditionem mancipari non poterat.

XLVII. Nec post aditionem.

Hereditas intestata credi poterat etiam ante aditionem, & quare?

XLIX. Opponitur testimonium Ciceronis: & explicatur n. sequ.

L. Cretio libera quae?

LI. Diffusio hominis non potest refragari dispositioni legis.

LII. In cretione filii necessarius erat Patris iussus.

LIII. Superior sententia Revardi admittitur quodam in casu.

LIV. Veteres circumsione utebantur, ne recederent a regulis juris: & explicatur exemplis.

LV. Cur inventa fuerit Aquiliana stipulatio.

LVI. Filii & servi iussu patris ac domini aditantes, non aditunt procuratorio nomine.

LVII. Mandatum generale non sufficit ad adendum hereditatem.

LIX. Nec mandatum de hereditate vivente.

LX. Quo casu admitti possit communis sententia: & quomodo defendi possit.

ETI bonorum possessio re ipsa, & i potestate, atque effectu non differt ab hereditate; l. 2. ff. de bonor. poss.

1. *Prator in omnibus ff. de reg. jur.* quia bonorum possessor amplectitur, & acquirit, & possidet hereditatem; *l. ult. C. qui admitti l. si infanti §. parente C. de jure deliber. l. filium 60. ff. de acquir. hered. nempe hereditatem honorariam; l. 1. in fin. C. de secund. nupt.*
2. quare agnoscendo bonorum possessionem fit hæres; *l. 1. C. unde liberi.* tamen agnitio bonorum possessionis omnino differt ab additione hereditatis. Inter cetera illud est multo maximum discrimen, quod bonorum possessio agnosci potest per tutorem nomine pupilli, *l. servus 7. §. impuber ff. de bonor. possess. l. bonorum 7. C. qui admitti*, per curatorem, *l. ult. §. si autem ex alia C. de curat. furios.* per procuratorem, *l. 3. §. acquirere ff. de bonor. poss.* per alium quemlibet, etiam non habentem mandatum, *ead. §. acquirere.* &, quod magis est, seminare etiam possunt pro alio petere bonorum possessionem: *l. servus 7. ff. de bonor. poss.* licet pro alio possulare non possint. *l. 1. §. secundo loco ff. de possulando.*

3. Contra vero hereditas per alium adiri non potest. Ipsa verborum significatio id satis demonstrat. Utebantur veteres verbis *cernendi* hereditatem; *adeundi* hereditatem; quia hæres ipse debebat in rem præsentem venire. Hinc *adire*, & *cernere* hereditatem dicebatur. In cretione enim hæc verba solemnia pronunciabat: *cum me Mævius heredem institueris, eam hereditatem adeo, cernoque, ut refert Ulpian. in fragm. tit. qui hered. institui possint.* Vetus Glossar. *Cernere πορίζεις* *τα τῆ ἀποροχῆς.* Postquam vero Imperatores scrupulosam cretionum solemnitatem amputarunt in *l. cretione 17. C. de jur. deliber.* mansit solummodo verbum *adeundi*.

- II. Id ipsum demonstrat natura additionis. Aditio hereditatis est actus legitimus. *l. actus legitimi 77. ff. de reg. 7 jur.* Actus legitimus per procuratorem

expediri non poterat. *l. nemo alieno 123. ff. de reg. jur.* Nemo alieno nomine lege agere potest. Lege agere, legis actio, actus legitimus, sibi invicem respondent. Ideo actus legitimi non poterant explicari apud Magistratum, apud quem legis actio non erat. *l. 1. §. ff. de offic. Juridic. Alexandr. l. 4. ff. de adopt. l. 3. ff. de offic. Proconsul.* Et lege agere dicebantur hæreses, qui adibant hereditatem. Val. Max. *lib. 7. cap. 7. de Terentio* quodam: *Egregia, inquit, est C. Calpurnii Pisonis, Prætoris Urbani constitutio. Cum enim ad eum Terentius ex octo filiis, quos in adolescentiam perduxerat, ab uno in adoptionem dato exheredatum se, querelam detulisset; bonorum adolescentis possessionem ei dedit, heredemque lege agere passus non est.* Itaque si adiens hereditatem lege agit, & nemo potest alieno nomine lege agere; nemo etiam poterit alieno nomine adire hereditatem.

Et, licet sola cretio propter solemnitates, quibus peragebatur, actus legitimus fuisse videatur; tamen eandem quoque vim, & naturam habet quælibet aditio, & pro hærese gestio: quia per eam, sicut per cretione, ipso jure fit hæres, qui adit hereditatem. *§. quos autem solus Inst. tit. de bonor. poss. 10 sess.* Quod fit, ut, quemadmodum actus legitimi non recipiunt diem, & conditionem; *d. l. actus legitimi 77. ff. de reg. jur.* ita non recipiat hereditatis aditio *l. eum qui duobus in fin. ff. de acquir. vel omis. hered. d. l. actus legitimi.* Nec a cretione differt pro hærese gestio, quam cretioni æquiparavit D. Marcus. Ulp. *in fragm. titulo modo laudato: si sub imperfectam cretione hæres institutus sit; id est, non adjectis his verbis: si non creveris, exheres esto; sed si ita: si non creveris, tunc Mævius hæres esto: cernendo quidem superior inferiorem excludit; non cernendo autem, sed pro hærese gerendo in partem admittis sub*

substitutum, sed postea D. Marus constituit, ut & pro herede gerendo ex asse heres fiat.

III. Hoc idem veterum monumenta confirmant: quæ legationes liberas hæreditatum adeundarum causa Senatoribus datas fuisse testantur. Cicer. in prima Agrar. contra Rullum: non videtis, hæreditatum adeundarum causa, quibus vos legationes dedistis, qui, & privati, & privatum ad negotium exierunt, non maximis opibus, neque summa auctoritate; tamen auditis profecto, quam graves eorum adventus sociis vestris esse soleant. & lib. 3. de legib. Jam illud apertum profecto est, nihil esse surpius, quam quemquam legari, nisi Reip. causa. Omitto quemadmodum isti se gerant, atque gesserint, qui legatione hæreditates suas, aut syngraphas persequuntur. Quid est, quod legationes hæreditatum adeundarum causa impetrabant, si poterant adire per procuratorem? maxime postquam a Julio Cæsare, & Augusto fuit interdictum Senatoribus, eorumque filiis, ne peregrine proficiscerentur. Sueton. in Jul. Cæsar. cap. 42. Non quis Senatoris filius, nisi consueveritis, aut comes Magistratus, peregre proficisceretur. Percommode Liplius in Tacitum legit: Non quis Senator, Senatorisque filius. Dio lib. 52. de Augusto: τῶν πατρὶς πᾶσι βουλευσιν, μὴ ἐκδιραμῆν ἔξω τῆ Ἰκαδίας, ἀν μὴ αὐτὸς πρὶ κελύρῃ, ἢ κ' ἐπιτρέψῃ κ' τὸν κ' δι' αὐτοῦ αἰὶ φυλάττειν. Vesius omnibus Senatoribus extra Italiam peregrinari injussu, permissu suo: atque hoc etiamnum servatur. Suidas de Claudio: νόμον προὔθηκε, μὴ δύνασθαι βουλευτὰς ὑπερ ἑπτα σμυθία τῆς πόλεως ὁμιλεῖν χωρὶς τῆς τοῦ βασιλέως ἀδείας: legem tulit, ne cui Senatori liceret ultra septimum ab urbe lapidem proficisci injussu Imperatoris. Si potuissent aliter adire hæreditates, nulla causa fuisset concedendi has legationes ad hæreditatem adeundam.

IV. Demonstrat id etiam ratio evidens. Nam aut quis mandat procuratori, ut suo nomine adeat hæreditatem: aut non mandat, sed is sponte sua adit sine ullo mandato. Si mandat procura-¹³tori, ut adeat, hoc ipso adit ipse hæreditatem. Nec opera, aut ministerio procuratoris amplius opus est ad adeundam hæreditatem: per textum elegantissimum in l. si ego & servus 26. ff. de acq. iur. vel omis. hered. ubi, si ego & servus instituti fuimus, & mandem servo, ut adeat hæreditatem, hoc ipso hæreditatem acquiri pro ea portione, pro qua sui institutus. Licet enim animi mei destinatio quoad hæreditatem adeundam videatur solum respicere partem servo relictam, non vero partem, in qua ego sui institutus; tamen cum hæreditas tota mihi acquiri debeat, tam quoad partem relictam servo, quam quoad partem mihi relictam; & hære-¹⁴ditas pro parte adiri, pro parte repudiari non possit: cum pro parte heres esse destinaverim, video adivisse hæreditatem ex asse. l. si ex asse 10. ff. de acquir. vel omis. hered. Facit, text. in l. si quis mihi §. sed si mandav. ff. cod. in l. cum heres 52. §. ult. in l. liber homo 59. §. si ita ff. cod. in l. si quis ita 33. ff. de heredib. Inst. Sola enim animi destinatione adinvis hæreditatem, l. si avia C. de jure delib. §. ult. Inst. vis. de hered. qual. & differ. & sufficit etiam voluntas tacita, ut constet ex nostra lege si ego 26. & elegantissima proponuntur exempla in l. qui in aliena 6. §. sed etsi non adieris ff. de acquir. vel om. hered. in l. 4. C. de jur. delib. in l. filiusfam. 10. C. de petis. hered. Cum igitur etiam in mandato adeundi portionem alii relictam continetur destinatio sufficiens ad adeundam portionem sibi relictam; quanto magis ea continebitur in mandato adeundi eam ipsam portionem? Si sufficit tacita illa destinatio, quanto magis sufficere expressa?

Quod

Quod si hæres non mandet procuratori, ut adeat hereditatem, sed hic adeat sponte, sine ullo mandato, erit domino inutilis aditio. Nobis enim ignorantibus, aut invitis hereditas acquiri non potest. Hoc enim interest inter hæres voluntarios, & necessarios: quod necessarii sunt hæreses ipso jure etiam ignorantes, & inviti: voluntarii vero non sunt hæreses, nisi sua voluntate. *toto tit. Instit. de hered. qual. & differ.* Itaque licet servi nostri, & liberi in potestate existentes nobis acquirant etiam ignorantibus, & invitis penes ex omnibus causis, *l. etiam invitis l. acquiruntur 10. §. 1. ff. de acquir. ver. dom. l. servus vetante ff. de V. S. §. item vobis Instit. tit. per quas person. nob. acquir.* tamen hereditatem nobis non acquirunt, nisi jussu nostro eam adierint. *l. qui in aliena 6. §. si quis mihi bona 25. §. jussum ff. de acquir. hered. l. acquiruntur 10. §. 1. ff. de acquir. ver. dom. d. §. item vobis Instit. tit. per quas person. nob. acquir.* Neque in hac re sufficit consensus patris, ac domini, sed requiritur mandatum, ac jussus præcedens ipsam aditionem. *d. l. si quis mihi bona. §. jussum.* Quare cum agitur de adeunda hereditate, semper fit mentio jussus, cujus natura est, ut actum præcedere debeat: jubemus enim quæ facienda sunt, non quæ jam facta fuerunt. *l. servus dotalis 58. ff. solut. matrim. l. si servus 7. in fin. ff. de hered. instit. l. si ego & servus ff. de acquir. vel omis. hered. d. l. acquiruntur 10. & 17. d. §. item vobis.* Nec sufficit jussus generalis de quacunque hereditate deferenda, sed desideratur jussus specialis de certa hereditate jam delata. *d. l. si quis mihi bona §. sed utrum, cum §. seq. ff. de acquir. hered.* His positis constat, quod cum hereditas sine nostro mandato non acquiratur, ne quidem per eas personas, quæ nobis etiam ignorantibus, & invitis acquirunt; multo minus ac-

quiri poterit per liberarum personarum, quæ nobis sine nostro consensu, aut mandato nihil possunt acquirere.

Nec illud dici potest, quod hereditas nostro nomine nobis ignorantibus adita per ratihabitionem confirmetur exemplo bonorum possessionis, *l. 3. §. acquirere ff. de bonor. posses. & restitutionis hereditatis ex fideicommissio. l. servo invito 65. ff. ad SC. Trebellian.* Et enim cum in ipso servo, & filio, qui nobis ex ipsa legis dispositione omnia acquirunt etiam ignorantibus, & invitis, requiratur præcedens mandatum; multo magis id requireretur in aliis, nec ratihabito sufficeret. Itaque in bonorum possessione apocensenda, & in restitutione hereditate fideicommissaria, in quibus sufficit ratihabito subsequens, eadem ratihabito sufficit etiam in servo, & filio. *d. l. servo invito ff. ad S. C. Trebell. l. 1. C. qui admittit. l. qui in aliena 6. §. 1. ff. de acquir. hered. l. servus 7. ff. de bonor. posses. l. ult. ff. quis ordo in bon. poss. serv.*

Non potest igitur duci argumentum a bonorum possessione, & restitutione fideicommissi ad hereditatis aditionem. Primum, quia illæ desiderant aliquam operam externam, quæ per alium expediri potest; non nuda voluntate acquiruntur. Bonorum possessio petenda est a Judice: seu coram Judice agnoscenda est per restitutionem amplectendæ hereditatis. *l. ult. C. qui admittit.* illa testatio complectendæ hereditatis, alterius opera, ac ministerio potest expediri. In restitutione fideicommissi necessaria est etiam voluntas restituentis, non sufficit sola voluntas fideicommissarii; itemque necessarius est actus restitutionis. Hæc exploratio voluntatis restituendi, & actus ipse restitutionis etiam per alium possunt explicari. Hos actus ab alio gestos potest hæres approbare, & ratos habere; per quam approbationem acquirit hereditatem, & in eum tran-

transferuntur omnia commoda, & incommoda hereditaria. *l. i. C. qui admittit.* Contra in hereditatis aditione, quæ sit nuda voluntate, nihil aliud requiritur, quam voluntas ipsius hæredis. *l. si avia C. de jure delib. §. ult. Instit. tit. de hered. qual. & differ.* Supervacanea est igitur omnis opera, & ministerium alterius cujuscunque personæ. Voluntas enim residet in ipso hærede, nec ab alio præstari potest. Probatur id exemplo ipsius bonorum possessionis, in cujus acquisitione duo requiruntur: factum petitionis, & voluntas hæredis. Factum petitionis explet procurator: voluntatem præstare non potest, etiam si mandatum ab hærede acceperit. Quare si post mandatum hæres in furorem incidat, nulla est petitio procuratoris, deficiente per furorem voluntate hæredis. *l. si quis alieni 48. ff. de acquir. her.* In aditione igitur hereditatis, in qua requiritur sola voluntas hæredis, nihil est, quod præstare possit procurator. His positis, si hæres approbet aditionem factam ab alio, sit quidem hæres per hanc approbationem, sed sit hæres sua voluntate, non per actum gestum a procuratore. Imo vere nec per approbationem sit hæres, sed per voluntatem expressam in approbatione, atque in ea contentam. Nam etsi improbaret aditionem ab alio factam, & declararet, se nihilominus hæredem esse velle, non eo minus hæres fieret.

Præterea, quia aditio hereditatis est actus legitimus, qui neque tempore, neque conditione suspendi potest. *l. actus legitimi 77. ff. de reg. jur.* Non potest igitur expectari approbatio, seu ratihabitio hæredis: interim enim penderet ex incerto eventu aditio, quod est contra naturam aditionis. *l. cum qui solvendo §. ult. ff. de acquir. hered.* Aditio enim aut statim perfecta est, aut statim irrita est, & nulla, nec ex postfacto potest confirmari, aut convalescere. Bo-

norum possessio hæredem ipso jure non facit, sicut aditio. *§. quos autem solus Instit. tit. de bonor. posses.* Qui autem per aditionem factus est ipso jure hæres, non potest amplius desinere esse hæres. *l. hereditas 34. ff. de hered. Instit. l. ex facto 43. §. ult. ff. de vulg. l. ait Praetor 7. §. sed Papinianus ff. de minor. l. ei qui solvendo 88. ff. de hered. Instit.* Itaque hereditatis aditio statim sine ulla mora ipso jure operatur, & quidem perfecte, & immutabiliter, & ne momento quidem suspendi potest, quod & in legatis est constitutum. *l. ult. in fin. ff. commun. prædior.* Cum enim ministerio legis dominium, & omne jus defuncti transferatur in hæredem, *l. more, C. l. hæres in omni ff. de acquir. hered.* lex nullam moram patitur, & statim perficit id, quod intendit. Differt igitur hac in re aditio hereditatis a bonorum possessionis acquisitione. *l. servo in viis 65. in princ. ff. ad S. C. Trebell.* Non solum enim petitio bonorum possessionis sæpe numero est in suspensio, & non statim producit effectum suum, ut in *l. si servus 10. ff. de bonor. poss. sec. tab. in l. 2. §. 1. ff. eod. in l. 3. §. si sub ea conditione ff. de bonor. posses. contra tabul. l. ult. in fin. ff. de bonor. posses. sec. tab.* sed aliquando etiam non habet effectum, & dicitur possessio sine re, quia titulo tenus est bonorum possessio, cum sit sine effectu. *l. filius C. de inoff. testam. Ulpian. in fragm. tit. quemadmodum. testam. rump.* hereditas autem numquam est sine re: numquam ne momento quidem temporis sine effectu esse potest. Constat igitur, quod neque cum nostro mandato, neque sine nostro mandato per alium nobis acquiri potest.

V. His accedunt leges, in quibus id discrete constitutum est. In *l. homo liber. 54. ff. de acquir. rer. dom. homo liber hereditatem nobis acquirere non potest.* Ratio est in promptu. Per liberam enim personam nihil nobis acquiri potest. *l. 25. i. C.*

1. C. *per quas person. nobis acq. §. ex his itaque Inst. sit. per quas person. cuique acquiritur*. Et licet ea, quæ naturaliter acquiruntur, etiam per liberam personam acquirantur; tamen ea, quæ acquiruntur civiliter per liberam personam, acquiri non possunt. *l. ea qua civiliter*

26 ff. *de acquir. rer. dom.* Constat autem, hæreditatem civiliter acquiri, cum nuda voluntate legis ministerio in nos transferat omne jus hæredis, & etiam dominium rerum hæreditariarum sine ullo facto apprehensionis. *l. heres in omne ff. de acquir. rer. dom.* Et hæreditas ipsa tota est juris Civilis: est enim persona ficta a jure Civili, personam defuncti repræsentans, seu successio in universum jus defuncti, *l. hæreditas ff. de reg. jur. & nomen juris est. l. pecunia §. hæreditas ff. de verb. signif.* Quod cum non probaret Seneca, irridet Jurisconsultos lib. 6. *de benef. cap. 6. Jurisconsultorum ista acute incepta sunt, qui hæreditatem negant usucapi posse; sed ea quæ sunt in hæreditate: tamquam quicquam aliud sit hæreditas, quam ea, quæ in hæreditate sunt.* Vere autem apud Jurisconsultos aliud est hæreditas, aliud res hæreditariæ. Hæreditas enim est incorporalis, & in jure consistit, *l. 1. §. 1. ff. de rer. divif.* & est universitas quædam, quæ omnes res hæreditariæ continentur.

VI. In *l. potius 5. C. de jure deliber.* responsum fuit ab Imperatoribus, ne tutorem quidem nesciente pupillo potuisse hæreditatem pro pupillo adire. Si non potest tutor, qui in rebus pupillaribus administrandis domini loco habetur; *l. interdum §. qui tutelam ff. de furt. l. tutor qui 27. ff. de admin. tut.* multo minus poterit procurator, qui minus juris habet, quam tutor. *l. mandato 60. ff. de procur. juncta d. l. interdum §. qui tutelam ff. de furt.*

Nec potest responderi, quod tutor non poterat adire, quia non habebat mandatum adeundi, quemadmodum nec pro-

curator potest adire sine speciali mandato. Itaque par esse videtur causa tutoris, qui ad adeundum indiget voluntate pupilli; *d. l. potius in princ. & procuratoris, qui indiget mandato.*

Primum enim animadvertendum est, quod tutor non indiget mandato, aut voluntate pupilli in administrandis ejus rebus, cum habeat jus, & facultatem ab ipsa lege, ut constat ex definitione tutelæ, quæ dicitur jure Civili data, ac permessa. *§. 1. Inst. sit. de tutel. l. 28 1. ff. eod.* Et ideo etiam ea facere potest vi suæ potestatis, quæ in procuratore speciale mandatam requirunt. *l. procurator. 60. ff. de procurat. juncta l. interdum 56. §. qui tutelam ff. de furt.* Itaque si hæreditatis aditio posset per alium expediri, utique posset a tutore.

Præterea observandum est, quod in laudata *l. potius 5. C. de jure deliber.* existunt Imperatores, ut ipse pupillus adeat, cum exeat aut ejus voluntatem, aut pro hærede gestionem, quibus modis aditur hæreditas. *§. ult. Inst. sit. de hered. qual. & differ.*

Nec solum pupillus ipse adire debet, si intelligat id quod agit; sed etiam, si sit infans. *l. servo invito §. si pupillo. versio. five enim ff. ad SC. Trebellian. ubi 30* notandum est discrimen inter bonorum possessionem, & hæreditatem. Bonorum possessionem agnoscit tutor pro infante: hæreditatem aut ipse infans pro hærede gerendo auctore tutore. Quid ita? quia bonorum possessio per alium agnoscitur potest; hæreditas adiri non potest. Quorsum desiderare actum, ac pro hærede gestionem infantis, qui nullum habet intellectum, & sed quod diximus *Inst. sit. de iunt. stip. l. 1. §. huic proximis ff. de oblig. & act. nisi quia per tutorem adiri non potest hæreditas?*

VII. Idem fuit constitutum in curatore furiosi, cui ne Justinianus quidem, qui omnes juris regulas insuper habuit, facultatem adeundi dare voluit, sed solum

lum agnoscendi bonorum possessionem.

- 31 *l. ult. §. fin autem ex alia C. de curat. furios. vel prodig.* Quod a Legislatore nostro sancitum fuit ad sedandas veterum controversias, cum quidam existimarent furioso non deferri hæreditatem, *l. 1. §. furiosi ff. de success. edict.* eumque commodum hæreditatis acquirere non posse. *l. furiosus ff. de acquir. vel om. hered.*

- VIII. Cum hæreditas servo delata 32 debeat acquiri domino, adeo ut ne momento quidem temporis consistat in servo, *l. places 79. ff. de acquir. hered. consentaneum omnino videretur, ut si per alium posset adiri hæreditas, utique posset adiri ab ipso domino, cui statim acquiri debet; & tamen ne dominus quidem potest adire hæreditatem* 33 *servo relictam, sed ipse servus jubente domino adire debet; & si servus nolit adire, compellendus est. l. 1. §. quid ergo ff. si quis omis. caus. testam.* Quod & in filio constitutum est. *l. Julianus 26. ff. eod.* Nec ad acquirendam hæreditatem quicquam proficit domini iussum sine facto servi adeuntis. *l. Antistius §. 1. ff. de acquir. vel om. hered.*

- In domino duo concurrunt ad præstandam ei facultatem adeundi: & quod ipsi statim acquiri debet hæreditas, & quod institutio servi valet ex ejus persona, quæ sola inspicienda est. *l. non minus 31. ff. de hered. inst. l. debitor. 82. §. ult. ff. de leg. 2.* Duo etiam concurrunt in patre: & quod ad eum pertinet hæreditas, & quod eadem persona cum filio censetur. *l. ult. in fin. C. de impub. & aliis sublit. l. ne cum filio* 35 *l. 16. ff. de furt.* Et tamen neque dominus pro servo, nec pater pro filio adire potest: & filius ipse adire debet, etiamsi sit expers consilii. *l. more. in* 36 *fin. ff. de acquir. her.* Et quod magis est, etiamsi dominus pro parte fuerit institutus, & eam partem adierit, tamen non acquirit partem relictam ser-

Tom. I.

vo suo, sed necesse est, ut cum adire jubeat. *l. si ex sua 36. ff. de acquir. hered.* Adeo verum est, hæreditatem ab alio acquiri non posse, si ei delata non sit. Atque id merito constitutum est: ut enim quis possit adire hæreditatem, necesse est, ut prius ei delata fuerit. *l. si quis extraneus 21. §. 1. ff. de acquir. hered.* Quanto minus igitur adire poterit procurator, cui neque delata est, *l. delata 15. ff. de V.S.* neque acquiri debet?

Præterquam quod si procurator adiret hæreditatem, hæreditas per ejus personam ad heredem transmitteretur: & licet in persona ejus nullo momento consisteret; tamen ipsum faceret heredem, quia hæreditas infigitur ossibus adeuntis; & licet alio transeat, tamen ille non desinit esse hæres. *l. 3. & l. qui liberis §. ult. ff. de vulg.*

IX. Denique de hac sententia dubitari non sinit text. in *l. per procuratorem 90. ff. de acquir. hered.* ibi: *per procuratorem hereditatem adiri non posse.* Non poterat dici clarius. In Pandectis Florentinis legitur: *per curatorem.* Sed si non potest acquiri per curatorem, multo minus per procuratorem: tum quia 39 plus juris habet curator, quam procurator, ut supra diximus; tum quia ille habet potestatem a lege, hic ab homine; tum quia major urgebat necessitas hanc facultatem concedendi curatori, qui administrat res furiosi, aut prodigi, qui hac in re non habent intellectum, & furiosum exitum faciunt; *l. hi qui 12. in fin. ff. de tutor. & curat. dat.* aut minorum, quorum est infirmum, ac imbecille consilium; *l. 1. ff. de minor.* quam procuratori, qui administrat res ejus, qui sanæ mentis est, & perfecti judicii, & ope procuratoris non indiget ad hæreditatem adeundam. Quorum enim operam procuratoris, & opem imploret, qui nuda voluntate potest adire? Qui autem legem hanc re-

L

strin-

stringunt ad casum, de quo in *l. cum in una 17. in fin. ff. de appellat.* nempe ad curatorem datum pupillo, utique maximam vim faciunt legi generali, eam referentes ad unicum tantum casum, qui rarissimus est.

Enimvero, ut dicam, quod sentio; etsi Pandectarum Florentinarum apud me magna sit auctoritas; tamen hic magis mihi arridet lectio vulgata. Primum, quia in ea lege agitur de eo, qui mandato alterius adit hereditatem, ut constet ex §. sequenti, quod convenit procuratori, non autem curatori; præterea quia in *l. 1. §. ult. de off. Procur. Cesar.*

40 ait JC. hoc præcipuum esse in procuratore Cesaris, ut miscendo se opulenta hereditati Cesarem heredem faciat: quod demonstrat, in aliis procuratoribus aliud cautum fuisse.

Et quamvis quidam putent, hoc solum singulare esse in Procuratore Cesaris, ut possit adire sine speciali mandato; tamen id falsum videtur, quia sine speciali mandato adire potest solummodo opulentam hereditatem: ceterum si hereditas solvendo non sit, Cesarem consule debet, & ejus voluntatem explorare. *l. 2. ff. de off. Procurat. Cesar.* Utrumque autem in eo præcipuum esse videtur, non solum, quod possit miscere se opulente hereditati sine mandato, sed etiam, quod hereditatem non opulentam adire possit cum speciali mandato. Utrumque enim continetur eadem oratione, licet in diversis legibus; adeoque ad utrumque casum pertinent illa verba: *hoc est præcipuum*, & utrumque casum complectuntur.

Nec sine causa hæc singulariter Procuratori Cesaris concessa fuerant. Neque enim Procurator Cesaris erat simplex procurator, cujusmodi sunt procuratores privatorum, nullum jus habentes præter mandatum administrandi, quod 41 apertum a privato acceperunt. Procura-

tor Cesaris jurisdictionem habebat, & fisci jura tuebatur, & fiscales causas judicabat; *l. cum hi §. transactiones ff. de transact. l. 2. si adversus fisci. l. nec quicquam. in princ. ff. de offic. Procurat. l. si heredum C. de transact. & adversus ejus sententiam solus Princeps restituere poterat l. 1. C. ubi & apud quem restit. in int.* Et licet jus deportandi vel relegandi non haberet, *l. ult. ff. de offic. Procur. Cesar. l. 2. C. de ponn. nec multat indicendæ, l. procuratores 2. C. de nudo multat.* tamen Dio lib. histor. 57. videtur ipsi aliquam partem imperii tribuere. *Καρίτωκα, ἡ τῶν Ἀδίου ἐπιτροπείτωκα, ἐς τὸ συνδρῶν ἐνέσχε, καὶ ἐγκλίτας αὐτῷ, ὅτι στρατιώτας ἐχρησαστο, καὶ ἄλλα πάλ, ὡς ἀρχὴν ἔχον, ἐπαίξεν, ἐφορᾶντο.* οὗ γὰρ ἐπὶ τοῖς τοῖς αὐτοκρατορικῇ χρηματικῇ διακομῇ πλείον αὐδὲς ταίαν, ἢ τοῖς νομισματικῇ προτοῖς ἐλέγχεον, καὶ περὶ τῶν διαφορῶν ἐν τῇ ἀγορᾷ, καὶ κατὰ τοῖς νόμοις τοῦ ἱεροῦ τοῖς ἰδιωτικῇ δικάζοντο. Capionem sive Procuratorem in Senatum intraduxit, & ipsum accusans, quod militibus usus esset, & alia gessisset perinde ac si imperium haberet, exilio multavit. Tunc enim non licebat iis, qui res Principis administrabant, quicquam aliud facere, quam legitima vestigalia exigere, & in foro controversas aquo cum privatis jure judicare. Loquitur autem historicus de Tiberio: itaque post Tiberium non omnino expertes imperii fuisse videntur. Quin & eorum sententias majorem vim habuisse, quam aliorum Judicum, probabile est, quia auctoritate Senatus nitentur. Sueton. in Claudio cap. 12. *Claudius a Senatu, ut rata essent, quæ procuratores sui in judicando statuerent, præoria egerit.* Quo factum puto, ut adversus eorum sententiam solus Princeps posset restituere. *l. 1. C. ubi & apud quem in int. restit.* Quamobrem duci non potest argumentum a Procuratore Cesaris ad alios procuratores.

Hæc

Hæc ideo accuratius, quam res ipsa postulabat, persequuti fuimus, ut constet, quam temere Duarenus affirmaverit hanc sententiam nulla auctoritate, aut ratione niti. Ac miror, Virum doctissimum in contrariam sententiam perductum fuisse argumento admodum futilli, ac prope nullius momenti. Fateatur enim, se a recepta, & communi opinione recessisse, quia procuratoris usus permissus est in omnibus negotiis, nisi in quibus id exceptum reperitur.

431. 1. ff. de procur. At nullo jure id excipitur: nulla lex proferri potest, in qua id exceptum reperitur de hæreditatis additione. De bonorum possessione id certum est ex l. 3. §. *acquirere ff. de bonor. poss.* l. qui ita 66. §. 1. ff. ad SC. Trebell. sunt ejus verba.

Primum negatur hæreditatis additionem negotium continere, aut desiderare operam alicujus, vel ministerium personæ: cum sola voluntate adeatur, & ipsum mandatum adequandi sit aditio, l. si ego & servus ff. de acquir. hered. ut supra probavimus satis copiose.

Præterea negamus, hujusmodi actum non fuisse exceptum. Nam & natura ipsa additionis, & ratio evidens, & legum auctoritas hunc actum eximit è numero eorum, in quibus opera procuratoris potest adhiberi. Sed hæc omnia hic repetere opus non est, cum a nobis sint hæcenus luculenter explicata.

Nec obstat, quod bonorum possessio per procuratorem agnosci possit, & hæreditatis fideicommissariæ restitutio alteri fieri. Etenim non posse hac in re duci argumentum a bonorum possessione, & hæreditatis fideicommissariæ restitutione ad additionem hæreditatis, diserte traditum est a veteribus in l. qui in aliena 6. in princ. & in §. 1. ff. de acquir. hered. & in l. servo invito 65. in princ. ff. ad SC. Trebell. Qua de causa autem inter se differant, supra expostum est satis accurate.

Sed opponi potest, quod, licet aditio hæreditatis sit actus legitimus; tamen hoc non videtur impedimento esse, quominus fieri possit per procuratorem. Nam & acceptilatio est actus leg. 45 gitimus: l. actus legitimi 77. ff. de Reg. jur. & tamen fieri potest per procuratorem, si speciale mandatum intervenierit. l. per procuratorem 3. ff. de acceptil.

Respondetur, acceptilationem fieri posse per procuratorem, non quidem directo, sed quodam quasi circuitu: nam procurator debet novare obligationem, & in se transferre, per quamnovationem debitor liberatur: ipse autem debet deinceps a creditore per acceptilationem liberari ab obligatione, quam in se transiit. l. & per jurjurandum 13. §. tutor ff. de acceptil. Hic autem circuitus vix potest locum habere in hæreditatis additione. Doctissimus & eruditissimus Revardus de auctor. prudens. 46 cap. 5. simile quiddam in hæreditatis additione ingeniose commentus est. Ait enim, interposita fiducia hoc fieri potuisse. Nam si hæres mancipasset hæreditatem procuratori suo, abjecta remanicipationis clausula, hoc est, ea fiducia, eaque lege, ut acquisitam hæreditatem remaniciparet hæredi; procurator poterat adire, & per additionem sibi acquirere hæreditatem, quam postea tenebatur mancipare hæredi, seu in eum mancipio transferre.

Sed explicatu difficile est, quomodo mancipari posset hæreditas ab hærede, antequam eam adiret, & acquireret. Erat enim mancipatio species alienationis: adeoque mancipari poterant solum ea, quæ erant in dominio mancipantis. Ulpian. in fragm. tit. de dominio & acq. Mancipatio propria species alienationis est, & rerum mancipi, eaque fit certis verbis, libripende, & quinque testibus presentibus. Boët. in Topic. Cicéron. Mancipatio erit species alienationis adhibitis quinque testibus, civibus Romanis

nis puberibus, & libripende. Eleganter Plaut. in Curculion.

— *Ego ne ut ab lenone quiequam.*

Mancipio accipiam, quibus suum nihil est, nisi una lingua,

Qui abjurant, si quid creditum est?

alienas mancipatis,

Alienos manumittitis, alienisque imperatis.

Mancipatio enim transferebat dominium de jure Quiritium, nempe dominium legitimum, atque perfectum. Quo pertinet illud Poëtae Lucretii lib. 3.

Vitaque mancipio nulli datur, omnibus usu. Unde sumpsit Arnob. lib. 2. advers. gent. Usu & illis est vita, non mancipio tradita. Eleganter Cic. lib. 7. epist. fam. Cujus quando proprium te esse scribis mancipio, & meum, meum autem usu, & fructu, contentus isto sum. Curius ad Ciceronem epist. fam. lib. 7. Ergo fructus est tuus, mancipium illius. Horat.

Si proprium est, quod quis libra mercatur, & ere.

Itaque res non poterat mancipari nisi a domino.

De eo etiam dubitari posset, an hæreditas mancipari possit. Certe ab Ulpiano in fragm. titulo laudato non recensetur inter res mancipi, nec dicitur eam mancipari posse, sed solum notatur, eam in jure cedi posse: qua in re illud est animadversione dignum, quod hæreditas ab intestato cedi potest etiam antequam adeatur. In cessione non est necesse, ut res, quæ ceditur, mancipi sit: & ideo etiam prædia provincialia, quorum dominium legitimum haberi non poterat, cum eorum proprietas ad populum, aut Principem spectaret, cedi poterant, ut ibidem notat Ulpianus. In mancipatione autem necesse erat, ut, qui mancipabat, plenum ac legitimum rei dominium haberet, & ideo res non mancipi non poterant mancipari. Quo in numero fuisse puto etiam res incor-

porales exceptis servitutibus prædiorum rusticorum. Ideo autem hæreditatem legitimam etiam non aditam cedi potuisse existimo, quia cum ad eam hæres vocetur a lege, per cessionem ejusdem legis ministerio in ejus locum subrogatur is, cui ceditur hæreditas. Hinc recte ait Ulpianus: *Si, antequam adeatur hæreditas, in jure cessa sit, perinde heres fit, cui cessa est, ac si ipsa heres legitimus esset.*

Quoniam in hæc incidimus, respondendum est alteri argumento, quod infirmat, ac labefactat sententiam, quam supra constituimus, nobis in eas adigit angustias, ex quibus vix ulla patet evadendi via. Nititur illud auditoritate Ciceronis epistol. 44. lib. 13. ad Attic. ubi ait: *Ex eo cognovi cessionem C. L. vii liberam testibus præsentibus sexaginta duobus. Metuebam, ne ille arcescendus esset: nunc mittendum est, ut meo jussu cernat. & Epist. 45. Idem Pollex remittendus est, ut ille cernat.*

Hotomannus ait, liberam fuisse cessionem, quia testator dederat facultatem hæredi vel per se, vel per procuratorem adeundi; legit autem: *testibus præsentibus, sexaginta duobus*. Quare non potest dici libera ratione temporis, quia certum tempus erat præscriptum. Solum igitur cressio libera erat, quia testator facultatem dederat cernendi per procuratorem.

Sed non facile admisero, potuisse testatorem sua dispositione refragari juris dispositioni, & solemnibus actus legitimi, contra text. in *l. quod bonis 15. §. 1. ff. ad leg. Falc. in l. nemo potest ff. de legat. 1. in l. jus Publicum ff. de pact.* Nec possum omnino probare illam lessionem, licet ab aliis quoque recepta sit. Quorum enim testes nominavit Cicero, si numerum eorum non adjecit? Quis ignorat, cessionem factam fuisse præsentibus testibus, nec aliter fieri potuisse? Supervacanea igitur est illa ad-

je-

jectio testium, aut dispositio circa testes, nisi numerus eorum præscribatur. Quis hæredem hodie instituit adjecta lege, ut hæreditatem adeat, vel nuda voluntate, vel pro hærede gerendo? Ridelicula esset hæc dispositio. De hoc jus disponit, non testator.

Duo itaque mihi videntur esse persupia. Alterum, quod tutissimum est, ibi institutum fuisse filium, aut filiam Ciceronis, qui jussu ejus cernere debebant. Nam & in cretione jussus patris erat omnino necessarius. Extat Antonini constitutio in Codice Gregoriano his verbis: *Si in potestate patris fuisti, cum hereditas Basse tibi obvenit, eamque jussu patris crevisti, jure patria potestatis ei eam quasisti.* Nec contrarium suadent illa verba Ciceronis: *nihil a nobis legavit.* Nam cum hereditas patri statim acquiritur, *l. placet ff. de acquir. vel om. hered.* ipse pater solvit legata.

Alterum est, quod ibi Ciceroni datus erat coheres Titus Hordeonius, quo casu potest aliquatenus defendi sententia doctissimi Rævardi, quam modo impugnavimus. Potest enim quis cohæredi mandare, ut adeat totam hæreditatem, adhibita fiducia, ut sibi postea mancipet, aut cedat portionem ad se pertinentem. Illud enim mandatum continet repudiationem mandantis: quo fit, ut ejus pars accrescat cohæredi adeunti. *l. qui ex duobus 52. §. ult. ff. de acquir. hered. l. unic. §. his ita C. de caduc. tollen.* Itaque partem acquisitam potest postea in jure cedere, aut alio modo transferre in cohæredem. Veteres, ne recederent a regulis juris, sæpenumero his circuitionibus utebantur. Exempla sunt: primum in acceptilatione, in qua procurator prius transfert obligationem in se ipsum, deinde a creditore liberatur per acceptilationem: *l. & per juijurandum §. tutor ff. de acceptil. lat.* qua de re uberius supra. Alterum in veteri man-

cipitatione, in qua venditor fundum venditum mancipabat procuratori: procurator fundum mancipio acceptum remanebat emptori: ut docet Cicero eodem libro. 13. *ad Atticum ep. 48.* *Vestorius ad me scripsit, ut jubere mancipio dari servo suo pro mea parte Heterio cuidam fundum Brinnianum, ut ipse ei Puteolis velle mancipio dare posset, cum servum, si tibi videbitur, ad me mitte.* Ergo Cicero mancipat fundum servo Vestorii ad se misso; servus acquirit fundum domino suo Vestorio; Vestorius mancipat emptori Puteolis. Huc etiam pertinet illud ex *epist. 5. ad Attic. lib. 10. Ad me nuper, se H. xxx. emisit: (diversorium) ut scriberent, cui vellem addici. Diem pecunie Id. Novemb. efforescripsi.* Hoc circuitu sæpe veteres utebantur, ne recederent a regulis juris. Simile quiddam apparet in Aquiliana stipulatione. Naturæ conveniens est, unumquodque eo genere dissolvi, quo & ligatum est. *l. nihil tam naturale ff. de reg. jur.* Idcirco obligationes, quæ verbis contractæ non erant, verbis dissolvi non poterant. *l. an inutilis 8. §. acceptum ff. de acceptil. §. item per acceptilationem Instit. tit. quib. mod. oblig. lig.* Ne recederent ab hac regula Jurisconsulti, statuerunt solummodo obligationes verbis contractas per acceptilationem tolli posse. Quod recta via fieri non poterat, per circuitionem assequutus est Gallus Aquilius, inventa Aquiliana stipulatione, per quam obligatio quocumque modo contracta transfunditur in obligationem verborum, & postea tollitur per acceptilationem. *l. & uno 18. §. 1. ff. de accept. §. est autem. Instit. tit. quib. mod. toll. oblig.* Et in cernenda hæreditate similem quemdam circuitum usurpasse non est improbabile.

Jam vero ad alia progrediamur. Filius, & servus adeunt hæreditatem jussu mandatoque patris, ac domini. *l. qui in aliena 6. l. si quis mihi §. sed quid si*

11111111

mandatis ff. de acquir. heredis. Sed qui mandato alterius aliquid gerit, procurator est. *l. 1. & tota tit. ff. de procurat.*

Facilis, & expedita distinctio. Procurator est, qui gerit aliquid mandato alterius, & ejus nomine; non vero qui gerit nomine proprio, licet id gerat, ut alicuius præceptis obtemperet. Patris, ac domini jussus est, non mandatum, quale est illud procuratoris. *l. si quis mihi 25. ff. de acquir. hered. l. si ego & servus ff. eod. l. servus dotalis 58. ff. solut. matrim. l. si servus 7. in fin. ff. de hered. Inst. l. acquiruntur, §. 1. vers. ideoque ff. de acquir. rer. dom. §. item vobis Inst. tit. per quas person. cuique acquir.* Mandatum enim procuratoris est contractus, & perficitur utriusque consensu. *res. tit. Instit. de mand. tit. ff. & C. eod.* Jussus patris, ac domini unius jubentis voluntate constat, cui filius, & servus tenentur obtemperare. Præterea filius, & servus, etsi adeant jussu patris, ac domini; tamen adeunt suo nomine, non alieno, & adeunt hæreditatem sibi delatam, non hæreditatem delatam patri, ac domino, quam utique adire non possunt. Procurator adit hæreditatem non suo nomine, sed mandantis; & adit hæreditatem non delatam sibi, sed mandanti. Uno verbo non adeunt hæreditatem sibi delatam pater, ac dominus per filium ac servum; sed filius ac servus adit hæreditatem sibi delatam jussu patris ac domini: & ipse filius ac servus fit hæres, *l. 3. & l. liberi 8. ff. de vulg.* licet eam statim acquirat patri ac domino, vi patriæ ac dominicæ potestatis. *l. placet ff. de acquir. hered.*

Supereft text. in *l. si infanti C. de jure deliber.* in qua permittitur patri aut 57 tutori infantis adire pro eo hæreditatem. Sed hoc specialiter a Justiniano constitutum est in solo infante, ut constat ex eadem *l. §. ult.* cum olim ipse infans adire deberet. *l. invito 66. §. si*

papillo ff. ad SC. Trebellian. Sed hoc ipsum demonstrat, pro alio adiri non posse.

His expositis rem in pauca contraham. Aut datus est procurator omnium bonorum: aut datus est procurator ad adeundam hæreditatem. Si datus est procurator omnium bonorum, hic certe adire non potest hæreditatem domino delatam: mandatum enim generale non tribuit facultatem adeundæ hæreditatis, sed requiritur mandatum speciale. *l. si quis mihi bona 25. §. sed utrum ff. de acquir. hered.* Et præcipuum est in Pro-58 curatore Cæsaris, ut possit adire: *l. 1. §. ult. ff. de offic. Procur. Cæs.* quam facultatem vel ipse Cæsaris Procurator habet solum, cum hæreditas est opulenta, non cum hæreditas solvendo non est. *l. 2. ff. eod.*

Si vero datus sit procurator adeundæ hæreditatis, rursus distinguendum est. Aut habet mandatum generale ad adeundam quamlibet hæreditatem, & hujusmodi mandatum est inutile. *d. l. si quis mihi §. an nominatim ff. de acquir. hered.* Aut habet mandatum speciale ad adeundam certam hæreditatem. Et, si mandatum illud continet hæreditatem viventis, pariter est inutile. *d. l. si quis mihi §. an nominatim ff. de acquir. hered.*

Tota igitur quæstio eo redigitur, an possit hæres, cui jam delata est certa hæreditas, mandare procuratori, ut eam adeat. Et sane si simpliciter mandat, supervacaneum est mandatum: nam eo ipso adit hæreditatem, ut supra probavimus ex *l. si ego & servus ff. de acquir. hered.* Itaque nihil superest peragendum procuratori, cum hæreditas semel adita amplius adiri non possit: quia statim transfert omne jus defuncti in hæredem adeuntem. *l. heres in omne ff. de acquir. hered.*

Solus igitur superest casus, cum hæres non mandat simpliciter, ut adeat hæ-

hæreditatem; sed cum hæreditas in longinquo posita sit, aut multis oneribus implicata, mandat procuratori, ut diligenter expendat, & excutiat vires hæreditatis; & si cognoverit, eam esse lucrosam, adeat. Quo casu in foro a plebrique receptum est, adiri posse hæreditatem per procuratorem: quod & Duzenus subodoratus est.

Enimvero hæc sententia non est absurda; & quoad effectum meo judicio verissima est: nam non ante hæres acquirit hæreditatem, quam procurator eam adiverit. Illud tamen falsum est, quod hæredi acquiratur ex aditione procuratoris. Ei enim acquiritur ex sua voluntate, & ex propria aditione. Licet enim mandatum sit conditionale, & non inducat aditionem, quia hæreditas sub conditione adiri non potest; *l. actus legiti ff. de reg. jur. l. Cum quis 51. ff. de acquir. her.* tamen cum voluntas hæredis continetur, & excurrat in illud tempus, quo aditur hæreditas a procuratore; non ex facto procuratoris acquiritur, sed ex voluntate hæredis cum facto procuratoris concurrente. Nam si voluntas hæredis non continuaretur, & non concurreret cum aditione procuratoris, nulla esset aditio. *ex text. in l. qui servum 47. & in l. sequens. ff. de acquir. hered.* Cum autem voluntas hæredis, ejusque destinatio sola sufficiat ad adendum, *l. si avia C. de jur. delib. §. ult. Instit. tit. de hered. qual.* hæc sola voluntate acquirit hæreditatem, & factum procuratoris solummodo tendit ad declarandam voluntatem hæredis. Declaratio autem, etsi necessaria sit; tamen non declaratione acquiritur hæreditas, sed voluntate, de qua constat per declarationem.

CAPUT XIII.

Ad l. 2. §. sed etsi mater ff. ad SC. Tertull. & l. 1. §. qui habebat ff. de ben. poss. cont. tab.

SUMMARIUM.

- I. *Quæstio proponitur.*
- II. *Jure veteri agnati vocabantur in infinitum. & n. 44.*
- III. *Cognatus proximior, vel agnatus proximus, non excluditur a cognato remotiore, licet ille sit etiam agnatus.*
- IV. *Quæ bonorum possessiones dentur transfusibus.*
- V. *In successione non admittitur ordo subsequens, nisi deficiente prius antecedente. & n. 29.*
- VI. *Non defertur bonorum possessio ei, qui est ultra gradum a jure prescriptum.*
- VII. *Bonorum possessio unde cognati soli primo defertur.*
- VIII. *Non consideratur in jure tertium genus conjunctionis ex cognatione & agnatione compositum, ex quo successio defertur.*
- IX. *Agnatus potius unde cognati non excludit cognatos proximiores, aut agnos proximos.*
- X. *In bonorum possessione unde cognati sola proximitas spectatur.*
- XI. *Nec attenditur pars agnationis.*
- XII. *Et agnati admittuntur ultra sextum gradum.*
- XIII. *Agnati sunt cognati.*
- XIV. *Aliquando eadem est conjunctio tam agnationis, quam cognationis: aliquando diversa, & quid oportet.*
- XV. *Non defertur bonorum possessio unde cognati, nisi deficiente unde legitimi. & n. 16.*
- XVI. *Soror olim patri preferebatur in successione.*
- XVII. *Mater autem patri postponebatur.*
- XIX. *Nemo potest simul uti duplici jure in succedendo.*
- XX. *Incepit succedendi jure agnationis, non potest uti eo jure succedens inter cognatos.*
- XXI. *Non defertur successio ei, qui est ultra gradum successioni prescriptum.*
- XXII. *Femina pariter successio, quæ non est delata.*
- XXIII. *Non prodest proximitas ei, qui non est ex genere vocatorum, & explicatur exemplis.*
- XXIV. *Ut quis admittatur ad successionem, tria requiruntur.*
- XXV. *Successio agnatis non defertur jure proximitatis, sed jure agnationis. & 26.*

XXVII.

XXVII. Succedens tamquam nepos non potest uti prerogativa filii, etiam si sit filius: & contra, si velit succedere tamquam filius, non potest uti prerogativa nepotis. & x8.

XXIX. Succedens in secundo ordine non potest mutuari qualitatem tertii ordinis.

XXX. Qualitas non potest esse sine substantia, cui cohaereat.

XXXI. Generatio & cognationem & gradum simul efficit.

XXXII. Gradus est a cognatione inseparabilis.

XXXIII. Nec potest transferri de una conjunctura ad aliam.

XXXIV. Duplex vinculum ultra fratrum filios non attenditur.

Maxime si utrumque non sit ejusmodi, ut tribuat jus succedendi.

XXXV. Bonorum possessio unde legitimi datur solum a lege vocatis ad hereditatem.

XXXVI. Proximus agnatus & a lege, & a Praetore vocatur, & praefertur omniaque cognatis.

XXXVII. Proximus dicitur etiam, qui solus est.

XXXVIII. Agnatus est nomen civile, & constituit in prerogativa succedendi in hereditatibus, & tutelis.

XXXIX. Sublata huius prerogativa tollitur agnatio: & probatur exemplis.

XLI. Proximus est, quem nemo precedit.

XLII. Proximitas, quam quis habet tamquam cognatus, non constituit eum proximum agnatum.

XLIII. In fideicommissis agnitionis desumi potest proximitas a cognatione juxta communem Pragmaticorum sententiam.

XLIV. Successio intestata differt a testamentaria.

XLV. Capax succedendi facilius potest proximitatem gradus mutuari quam incapax.

XLVI. Gradus non tribuit jus succedendi incapaci.

XLVII. Famina nubens in familia conservat, & propagat agnationem: sed refertur hanc opinionem non sequi.

XLVIII. Famina per nuptias non transiit in familiam viri: nec desinit esse agnata, & manet in potestate patris: & si affinis viro, non agnata.

XLIX. Filii vulgo questui sumus cognati matri suae, & inter se.

L. Filii sunt patris, non matris agnati: & patris, non matris familiam sequuntur.

LI. Nemo potest esse agnatus illis, quibus per matrem conjungitur.

LII. Jure Civili saepenumero famina nubescent in familia: & afferuntur exempla.

dimur. Ex facto quaesitum fuit: Decessit Cajus ab intestato: concurrunt ad ejus successionem Titius agnatus Caji ultra decimum gradum, ejusdemque cognatus in tertio, utpote natus ex sorore defuncti; & Sempronius cognatus Caji in secundo gradu: quis eorum praefertur in bonorum possessione. Quaestio proponi potest in genere: An cognatus remotior excludat cognatum proximorem, vel aequae proximum, dummodo sit defuncto conjunctus etiam jure agnationis, sed ultra gradum in successione praescriptum. Sussultit hanc controversiam jus novissimum, sublata prerogativa agnationis. Itaque hac de re disputari solummodo potest, aut secundum jus vetus, quo agnati praeferebantur cognatis; aut secundum jus municipale, quo ubique fere locorum agnati usque ad certum gradum cognatis praeferebantur.

Respondi, hanc quaestionem jure veteri non fuisse definitam. Licet enim eo jure agnati cognatos excluderent; tamen nullus usquam gradus agnatorum successionis praescriptus est, & ubique vocantur ad successionem sine ulla praefinitione. l. 2. §. agnati & §. haec hereditas ff. de suis & legit. hered. l. Jurisconsultus 10. ff. de gradib. & affin. §. 1. Instit. tit. de legit. agn. tut. §. ult. Instit. tit. de servil. cognat. §. ceterum Instit. tit. de legit. agn. success. novell. 118. cap. 3. l. unic. C. unde vir & ux. l. 1. C. de bon. vac. Solus Justinianus exempli causa nominavit decimum gradum in §. hoc loco Instit. tit. de success. cogn. Cum igitur in jure nostro nusquam successio agnatorum intra certum ac definitum gradum cogatur, non potest in eo reperi exemplum agnati non succedentis, eo quod sit ultra gradum praescriptum successioni agnatorum.

Admissa tamen communi sententia, praescribente decimum gradum agnatorum successionis, vel examinando contra-

Novam, & ab Interpretibus nostris haecenus non agitatam quaestionem de bonorum possessionibus aggreg-

troverſiam de jure municipali, veriffimum puto, cognatum proximiorẽ, vel æque proximum non excludi a cognato, qui fit ſimul agnatus defuncti, ſed ultra gradum ſucceſſioni præſcriptum. Ut autem id demonſtrems, duo ſunt præmittenda.

- 4 Primo, quod tranſverſalibus duæ tantum competunt bonorum poſſeſſiones: Unde legitimi, & unde cognati. §. ſed eas luſt. tit. de bon. poſſ. l. 1. ff. quis ord. in bonor. poſſ. ſerv. Itaque Titius remotior cognatus, & ſimul agnatus, aut petere debet bonorum poſſeſſionem unde legitimi, tamquam agnatus; aut unde cognati, tamquam cognatus. Neque enim ulla alia bonorum poſſeſſio ei deſertur.

Secundo, quod in ſucceſſione ab inteſtato, & præſertim in bonorum poſſeſſionibus, plures diviſi ſunt gradus, ſeu ordines ſuccedentium: veluti de jure veteri liberorum, legitimorum, cognatorum: de jure noviffimo deſcendentium, aſcendentium, & collateralium. l. 1. §. 1. ff. ſi tab. teſtam. null. exſtab. novell. 118. cap. 1. 2. & 3. Atque ita diviſi ſunt, ut, quamdiu ſuperſt perſona aliqua primi ordinis, non admitatur quicumq; ſecundi ordinis, nec ad tertium ordinem progredi poſſimus, niſi ſecundo penitus excluſo, ac terminato. l. filius qui 42. §. cum filium ff. de bon. libert. l. 1. §. ſed videndum: ibi: ceteris deſertur ff. de ſucceſſ. edict. jureta l. delata 151. ff. de V. S. Itaque hi ordines confundi, & commiſceri non poſſunt, quia non deſertur hæreditas, & bonorum poſſeſſio ordini ſubſequenti, niſi deficientibus omnibus perſonis ordinis antecedentis. d. l. 1. & d. l. delata.

Hiſce præmiſſis, quæ ſunt exploratiſſimi juris, ad rem veniamus. Aut Titius petit bonorum poſſeſſionem unde legitimi, aut unde cognati: nulla enim alia ipſi deſerri poteſt. Bonorum poſſeſſionem unde legitimi fruſtra petit: quia, cum ſupponamus, hanc bonorum poſſeſſionem non deſerri agnatis ultra decimum gradum, a jure præſcriptum ſucceſſioni agnatorum; & Titium eſſe agnatum ultra decimum gradum; evidens eſt, Titio hanc bonorum poſſeſſionem non deſerri.

Fruſtra etiam petet bonorum poſſeſſionem unde cognati, quia, cum hæc proximioris jure deſeratur, excluditur a Sempronio, quem ſupponimus eſſe cognatum proximiorẽ. princ. tit. Luſt. de ſucceſſ. cognat. l. 1. §. ſi quis proximior. ff. unde cognat. l. 2. in fin. C. de ſucceſſor. edict. novell. 118. §. ſi vero. Nulla igitur ei deſertur bonorum poſſeſſio: non unde legitimi, tamquam agnato, quia eſt ultra gradum ſucceſſioni præſcriptum; non unde cognati, tamquam cognatio, quia non eſt proximus.

Cum non poſſit admitti ad ſucceſſionem neque tamquam agnatus, neque tamquam cognatus, ſuperſt tantummodo, ut petat bonorum poſſeſſionem utroque jure ſimul, ſam agnationis, quam cognationis: hoc eſt, ut conjungat agnationem cum cognatione, & ſimul utatur utraque prærogativa agnatorum, & cognatorum, inaudita quadam incifione agnationis & cognationis, ex qua fiat tertium quoddam genus conjunctionis ex utraque compoſitum; & tertius ordo ſucceſſionis cum ſecundo commiſceatur, & confundatur. Atqui nec hi duo ordines, qui ſunt inter ſe omnino diſtincti, ac ſeparati, poſſunt commiſceri, ut initio probavimus; nec ulla uſquam a Prætorẽ propoſita eſt ſpecialis bonorum poſſeſſio venientibus ad ſucceſſionem utroque jure, cum agnationis, tum cognationis. Ergo, ſi neque admittitur ad bonorum poſſeſſionem unde legitimi, neque ad bonorum poſſeſſionem unde cognati; neque propoſita eſt ulla alia bonorum poſſeſſio, ad quam poſſit admitti, utique nulla ei deſertur, nulla competit bonorum poſſeſſio.

Atque hæc clariffima ſunt germanam

juris scientiam callentibus. Quia tamen multi hic hærent, nec facile se possunt expedire, enucleanda sunt accuratius. Si Titius id agit, ut admittatur, & tamquam agnatus simul, & tamquam cognatus, alterutrum necessarium est: vel ut petat bonorum possessionem *unde cognati*, tamquam cognatus, & ab agnatione mutetur jus agnationis, quo fulciat, & corroboret cognationem, per se infirmam, & incapacem successionis: vel, ut petat bonorum possessionem, *unde legitimi*, tamquam agnatus, & a cognatione mutetur gradus prærogativam, seu proximitatem, qua destituitur agnatio. Utrumque autem est contra regulas, & præcepta juris; & ideo neutrum Titio permittendum.

Non potest Titius petendo bonorum possessionem *unde cognati*, & succedens tamquam cognatus, mutuari prærogativam, & jus prælationis ab agnatione ad excludendum proximiorum cognatum.

- 9 Etenim agnatus, qui petit bonorum possessionem *unde cognati*, etiam si sit agnatus in gradu successibili; tamen non præfertur cognatis proximioribus, aut æque proximis, sed inter ceteros æque proximis admittitur; *l. 1. §. sed videndum, ibi: inter ceteros ff. de success. edit. §. placebat. ibi: imperfecto jure. Inst. tit. de agnat. success.* & ibi omnes Interpretes; & est in confesso apud omnes DD. Itaque sœmina agnata, quæ olim admittebatur inter cognatos, non præferrebat cognatis æque proximis, sed succedebat secundum gradus prærogativam. *§. ceterum. vers. sed quia Inst. tit. de legit. agnat. success.*

- 10 Ratio autem duplex est. Prima, quia hæc bonorum possessio folius proximitatis nomine deferitur, & ideo appellatur in jure nostro bonorum possessio proximitatis nomine. *§. est, & §. vulgo & §. ult. Inst. tit. de success. cogn. princ. tit. Inst. de serv. cognat. l. capitis 3. l. si spiritus 4. ff. unde cognat. l. ad intestati 5.*

C. de legit. hered. l. item 8. ff. de suis, & legit. hered. l. qui admissi l. 1. l. 2. §. nam si quis 1. ff. de jur. & fact. ignor. Itaque in hac bonorum possessione deferenda Prætor nihil aliud considerat, quam gradus proximitatem.

Altera ratio est, quia, qui vult frui privilegio, ac prærogativa agnationis, petere debet bonorum possessionem *unde legitimi*, quæ jure agnationis deferetur. Qui petit bonorum possessionem *unde cognati*, hoc ipso declarat, se nolle uti jure agnationis: nec posset uti, si vellet: quia, ut initio diximus, cum sint separati ordines succedendi, ita ut simul concurrere non possint; qualitas, & prærogativa secundi ordinis in tertium transferri non potest, in quo sola cognationis conjunctio consideratur. Quamobrem licet agnati in bonorum possessione *unde legitimi* admittantur etiam usque ad decimum gradum; tamen in hac bonorum possessione *unde cognati* non admittuntur ultra sextum: *l. octavi ff. unde cognat. & DD. omnes*: quia in hoc tertio ordine nulla habetur agnationis ratio.

Ex his procul dubio inferitur, Titium succedentem, tamquam cognatum, per bonorum possessionem *unde cognati*, non posse excludere proximiorum cognatum, propterea, quod sit etiam agnatus. Etenim si ille, qui est agnatus, intra gradum successionis præscriptum, uti non potest prærogativa agnationis, quando succedit in tertio ordine, tamquam cognatus; multo minus ea uti poterit, qui est agnatus ultra gradum successionis præscriptum. Si illi non prodest agnatio, licet ipsa per se sit utilis ad succedendum; multo minus huic prodesse potest illa agnatio, quæ non est utilis ad succedendum, neque reddit Titium capacem successionis. Illud etiam animadvertendum est, quod, quando agnatus succedit in tertio ordine, tamquam cognatus, idem est vinculum, eademque

que conjunctio sanguinis, qua constituitur & agnatus, & cognatus. Nam & agnati sunt cognati, eademque conjunctio sanguinis, quæ facit agnatum, facit etiam cognatum. §. 1. *Instit. tit. de leg. agnat. tut. & §. 1. de legit. agn. success.* Itaque etsi omiserit bonorum possessionem unde legitimi, tamquam agnatus; & petat bonorum possessionem unde cognati; tamen in petenda hac bonorum possessione utitur eodem vinculo, eademque conjunctione sanguinis, quæ tribuit ipsi jura agnationis. Verum, quia venit ad successionem tamquam cognatus, non tamquam agnatus; nihilominus non potest allegare jus agnationis ad excludendum æque proximum, aut proximiores cognatum. Multo minus igitur id allegare poterit, quando jus agnationis non promanat ab eo vinculo, eaque conjunctione sanguinis, quæ tribuit ipsi jura successione. Si conjungi non potest jus agnationis cum agnatione, quando utraque manat ab una, eademque conjunctione sanguinis, & nittitur uno, eodemque vinculo consanguinitatis, quo ad successionem admittitur, quanto minus conjungi poterunt in casu nostro, in quo duæ sunt causæ distinctæ, ac separatæ, agnationis, & cognationis; duo sunt vincula; duæ conjunctiones; & conjunctio, per quam admittitur ad successionem tamquam cognatus, nihil commune habet cum conjunctione, per quam est agnatus? Primo casu idem est agnatio, & cognatio, & eatenus tantum differt, quatenus in cognatione consideratur conjunctio sanguinis in genere; in agnatione consideratur in specie, quatenus est specialis conjunctio per masculos; ceterum est una & eadem conjunctio. In casu nostro diversa est agnatio a cognatione: diversæ enim sunt conjunctiones, diversæ personæ, ex quibus utraque oritur.

14 Confirmatur, quia aut Titio deferretur bonorum possessio unde legitimi,

tamquam agnato, aut non deferretur. Neutro casu potest excludere proximiores cognatum petendo bonorum possessionem unde cognati. Nam si ei deferretur bonorum possessio unde legitimi, utique non potest petere alteram bonorum possessionem unde cognati, nisi repudiet bonorum possessionem unde legitimi, quæ prius deferretur. Neque enim fit locus cognatis, nisi deficientibus, aut repudiantibus agnatis: neque deferretur bonorum possessio unde cognati personis vocatis in tertio ordine, quamdiu personæ vocatæ in secundo ordine possunt petere bonorum possessionem unde legitimi; quia hæc illam præcedit. *princ. tit. Instit. de success. cognat. §. fin. in fin. Instit. de servil. cognat. l. 1. ff. quis ord. in bonor. possess. servet.* Repudiata autem bonorum possessione unde legitimi, non potest amplius uti jure, & prærogativa agnationis ad excludendum proximiores cognatum. Probatum id evidenter ex l. 2. §. sed etsi ipsa mater 19. ff. ad SC. Tertullian. Species ejus legis hæc est. 16 Antonius ex Faustina filia nepotem habebat. Eum adoptavit in locum filii. Decessit hic filius adoptivus: quaesitum est, ad quem deferretur ejus successio, utrum ad Antonium patrem, an ad Faustinam? Faustina defuncti mater est, & soror: mater ratione generationis; soror jure adoptionis. Soror olim patri præferebatur. §. præferuntur *Instit. tit. de SC. Tertull. d. l. 12. §. si sit consanguinea ff. ad SC. Tertull.* Mater vero patri postponebatur. d. §. præferuntur & d. l. 2. §. undecumque ff. ad SC. Tertull. Itaque Faustina duplici vinculo conjungitur defuncto, & qua mater est, & qua soror; & duplici jure potest succedere, & tamquam soror, & tamquam mater. Tamquam soror excludit patrem: tamquam mater a patre excluditur. Respondet igitur JC. in d. l. 2. §. sed etsi ipsa mater; quod si Faustina petat hæreditatem, tamquam soror, excludit patrem; si vero 19

repudiavit jus consanguineæ, & veniat tamquam mater, a patre excluditur: quia, quæ petit hæreditatem, tamquam mater, non potest uti jure fororis, licet foror sit. Etenim non defertur ei hæreditas, tamquam matri, nisi prius extincto jure succedendi, quod habebat tamquam foror, vel per repudiationem, vel per lapsum temporis: ac propterea uti non potest eo jure, quod jam extinctum est. Ita in casu nostro Titius duplici vinculo conjungitur defuncto, agnationis, & cognationis, & duplici jure potest admitti ad successionem: sed si velit succedere, tamquam cognatus, non potest uti jure agnationis, quæ nulum amplius ei præstat jus succedendi, cum sit extinctum vel per repudiationem, vel per lapsum temporis.

Quod si Titio non defertur bonorum possessio *unde legitimi*, sed sola bonorum ²⁰ possessio *unde cognati*; quia non est agnatus intra gradum præscriptum successionis agnatorum; multo minus in succedendo uti poterit jure agnationis ad excludendum proximiorum cognatum: quia hoc jus succedendi ratione agnationis numquam habuit. Si jus succedendi ratione agnationis nobis non prodest, quando illud amissimus, quanto minus prodesse potest, quando numquam habuimus? Qui repudiavit, ipse per se jure capax est successionis inter agnatos: hic autem nec est, nec umquam fuit capax successionis. Ille (ut a Scholis formulas mutuemus) privatur successione, quæ defertur agnatis, accidentaliter: hic vero essentialiter. Absurdum est plus juris huic tribuere, quam illi: sicut absurdum esset plus tribuere ei, qui intestabilis est, quam ei, qui jure fuit institutus, licet omiserit hæreditatem.

Hactenus demonstratum est, non posse Titium, petentem bonorum possessionem *unde cognati*, mutuari prærogativam, & jus succedendi ab agnatione, ut excludat proximiorum, vel æque proxi-

mum cognatum. Superest demonstrandum, quod nec admitti potest ad bonorum possessionem *unde legitimi*, mutuando proximitatem, & gradum a cognatione. Si enim Titius est agnatus ultra gradum successionis præscriptum, & nulli alii sunt agnati, non defertur hujusmodi successio. *l. delata ff. de V. S.* Frustra igitur petitur bonorum possessio *unde legitimi*, si ea non defertur: & frustra queritur de proximitate gradus, non delata bonorum possessione: frustra ²² enim petit successionem ille, cui delata non est *l. 1. §. decretalis ff. de success. edit. juncta l. is potest ff. de acquir. hæred. l. in plurium ff. end.* Item prius necesse est, ut quis sit ex genere vocatorum ad eam successionem: deinceps, ut sit proximus; nihil enim prodest gradus proximitas ei, qui non habet jus ²³ capiendæ hæreditatis. Emancipati olim, & nunc erant filii, & erant proximi: utrumque tamen nihil eis proderat, quia a lege duodecim Tab. non erant vocati ad hæreditatem. *§. emancipati Inst. tit. de success. quæ ab int. Mater ante Senatus. Tertullianum erat proxima, non tamen excludebat remotiorum agnatum, quia non habebat jus capiendæ legitimæ hæreditatis princ. tit. Inst. de SC. Tertull.* In summa, ut quis admittatur ad successionem ab intestato, ceteris omnibus exclusis, tria concurrant necesse est. Primum, ut delata sit hæreditas, & successio: deinde, ut ille sit ex genere ²⁴ vocatorum ad eam successionem: denique ut sit omnium vocatorum proximus. Titius in casu nostro, etiam si posset mutuari proximitatem gradus a cognatione, tamen non posset succedere, quia neque delata est agnatis successio, cum nulli sint intra gradum a lege præstiturum; neque est ex genere vocatorum ad bonorum possessionem *unde legitimi*: vocantur enim ad eam legitimi hæredes, ille autem non est hujusmodi, ut infra probabimus: & vocan-

can-

cantur usque ad certum gradum, non ultra; ille autem est ultra gradum, ac proinde non est ex numero vocatorum; nihilque ei prodesse potest proximitas, quam a cognatione mutuatur.

Alia quoque de causa a cognatione adscita proximitas prodesse non potest ad excludendum proximiorum cognatum, quia agnati cum cognatis concurrentes in successione, eos excludunt jure agnationis, non jure proximitatis: succedunt enim agnati non jure proximitatis, sed solum jure agnationis. §. ult. vers. toties *Instit. tit. de servit. cognat. l. spurius 4. ff. und. cognat. l. ab intestat. 5. C. de legit. hered. §. fin. Instit. tit. de success. cogn.* & ibi Vult. n. 4. Cujac. in l. 1. §. proximus ff. unde cogn. Cum enim agnati remotiores præferantur proximioribus cognatis, utique præferri non possunt jure proximitatis: nam jure proximitatis remotior non potest excludere proximiorum, sed semper proximior præfertur. *auth. de hered. ab intest. §. si vero l. Jurisconsultus 10. in princ. ff. de gradib.* Itaque in concursu agnatorum, & cognatorum non proximitas spectatur, sed solum jus agnationis: & ideo soli cognati proximitatis nomine succedere dicuntur, non agnati, ut supra probavimus. Frustratur igitur Titius mutuatur proximitatem a cognatione, cum non habeat jus agnationis, jus capiendæ legitimæ hæreditatis, quo solo nritur agnatorum successio, & quo sublato præferri non potest proximioribus, aut æque proximis.

Dico jam, quod Titius ne quidem potest mutuari proximitatem a cognatione, & uti gradu proximitatis, quem habet tamquam cognatus, si velit succedere jure agnationis. Probatur id primo, quia nemo, qui aliquo titulo adoptatus ad adoptionem, uti potest qualitate, aut gradu, quem habet alio nomine; nec cuiquam permittitur ex duabus personis, quas potest repræsentare,

unam conflare, & conjungere duas qualitates ad excludendum proximiorum, vel æque proximorum. l. 1. §. qui habebat ff. de honor. poss. contr. tab. Quidam habebat Cajum filium, & ex eo nepotem Sejum. Emancipavit Cajum, eumque adoptavit in locum nepotis. Queritur, an Cajus Sejo præferatur in parentis successione. Et quidem, si potest mutuari proximitatem a se ipso, quam habet tamquam filius, utique præferendus est nepoti Sejo. Sejum enim præcedit, cum sit in primo gradu, tamquam filius defuncti, & Seji pater; & sit in potestate propter adoptionem. Nihilominus tamen responderi JC. Cajum Sejo præferendum non esse: ratio est, quia in potestate est, quasi nepos adoptivus, non quasi filius; l. 1. §. si quis filium ff. si tab. test. null. extab. & quasi nepos est in pari gradu cum Sejo, nec ipsum præcedit. Et quamvis sit etiam filius; tamen cum succedat quasi nepos, uti non potest proximitate, quam habet quasi filius. Si vero velit succedere, tamquam filius, non poterit uti prærogativa sui hæredis, quam habet quasi nepos: quia quasi nepos est in potestate: quasi filius autem est emancipatus. Uno verbo, si petat emancipationem, quasi filius, quia est emancipatus, jungitur nepoti in potestate existenti. l. 1. §. si quis filium ff. si tab. testam. null. extab. l. 1. & tot. tit. ff. de conjung. cum emanc. liber. Si vero petat, quasi nepos, est in pari gradu cum altero nepote: nec potest cum excludere ea de causa, quod ipsum præcedat, quasi filius, adscita proximitate a persona filii. In hoc casu non agitur de adsciscenda proximitate ab alio ordine succedendi, quia tam filius, quam nepos succedunt in primo ordine liberorum. Item non agitur de admitrendo ad successionem eo, qui natura sua sit incapax ejus successionis, quia, si veniat quasi filius, siue quasi nepos, semper

per habet jus capiendæ hæreditatis. *tot. tit. Instit. de hæredit. qua ab int. defer.* Contra in casu nostro, qui successurus est in secundo ordine, tamquam agnatus, vult adsciscere proximitatem a tertio ordine cognatorum; &, qui non habet jus capiendæ hæreditatis, quasi agnatus, jus illud consequi vult adscita proximitate cognatitia, quæ est alterius generis, atque ideo non potest tribuere jus succedendi inter agnatos. Quam sint hæc absurda, nemo non videt.

Confirmatur ex *l. 2. §. sed est ipsa mater ff. ad SC. Tertull.* quam supra exposuimus: ubi mulier, quæ simul est mater, & soror defuncti; si veniat tamquam mater, non potest uti prærogativa, quam habet, tamquam soror, excludendi patrem. Hic quoque neque fieri debet transitus de uno ordine ad alium; neque tribui debet jus succedendi ei, qui nullum jus habet, ut in casu nostro.

Probaturn secundo, quia supra demonstratum est, quod, si Titius, quasi cognatus, petat bonorum possessionem *unde cognati*, non potest uti jure agnationis, licet sit agnatus: ergo multo minus, si, quasi agnatus, petat bonorum possessionem *unde legitimi*, poterit uti prærogativa cognationis. Facilius enim qualitas secundi ordinis in tertium derivari potest, quam qualitas tertii ordinis a secundo præoccupari. Ratio est, quia successio prius deferatur secundo ordini, deinceps vero tertio: itaque, cum succedit, quasi cognatus, in tertio ordine, facile possit retinere prærogativam, quam habebat, cum ipsi successio deferretur in secundo ordine, quasi agnato. Contra vero, cum succedit 29 in secundo ordine, quasi agnatus, non potest præoccupare qualitatem, quam habitus est in tertio ordine, quasi cognatus, quia tertii ordinis nulla habet ratio, quamdiu exstant personæ secundi ordinis, cum tertio ordini suc-

cesso non deferatur, nisi penitus excluso, ac terminato secundo ordine. *l. filius qui 42. §. cum filius ff. de bon. libert.*

Tertio, quia gradus, & proximitas, cum sint qualitates coherentes cognationi, non possunt de cognatione in agnationem transferri, & de una conjunctione ad aliam, quia qualitas esse non potest sine substantia, cui coheret. *l. si servum 4. §. si modus*, & ibi Castren. *n. 3. ff. de action. empt. Bellon. conj. 2. n. 81.* Coheret autem inseparabiliter cognationi proximitas gradus; quia generatio producit cognationem. *l. 1. §. cognati ff. unde cognati. l. non facile 4. §. cognati ff. de gradib.* Eadem vero generatio facit simul etiam gradum. *§. ba-tlenus Instit. tit. de gradib. cognat.* Nec potest separari gradus a cognatione, quia nemo potest esse cognatus, quin sit in aliquo gradu cognatus: & contra nemo potest esse in aliquo gradu conjunctus, quin sit cognatus. Multo minus gradus, qui uni conjunctioni coheret, ad aliam transferri potest: quoniam tot sunt gradus, quot generationes, & generatio addita gradum adjicit. *d. §. batlenus Instit. tit. de grad. cognat.* Itaque si in una conjunctione tres sunt generationes, in alia duodecim; non possunt illi tres gradus ab illa conjunctione ad hanc transferri: quia generationes, quibus illa conjunctio connectitur, & numero, & specie diversæ sunt ab his generationibus, quibus connectitur hæc altera conjunctio. Quamobrem absurde diceretur Titius agnatus defuncti in tertio gradu: nam cum in conjunctione per masculos inter Titium, & defunctum intercesserint duodecim generationes, non possunt hæc constituere tres gradus, sed necesse est, ut constituent duodecim gradus. Est quidem Titius in tertio gradu cognatus: sed generationes, per quas cognatus constituitur, sunt omnino diversæ ab illis, per quas constituitur agnatus, & ideo diver-

ver-

verſi etiam ſunt gradus.

Nec poteſt Titio prodeſſe duplex vinculum, agnationis, & cognationis: tum
34 quia tunc prodeſt duplex vinculum, quan-
do utrumque eſt idoneum & aptum ad
tribuendum juſ ſuccedendi; in caſu au-
tem noſtro vinculum agnationis non eſt
huiusmodi: tum quia duplex vinculum
non conſideratur ultra fratrum filios,
ut eſt in conſeſſo apud omnes DD. ex
autent. poſt fratres C. de leg. hered. Ita-
que ſi cum patruo concurrat alter, qui
ſit ſimul patruus & avunculus, nihil
illi prodeſt duplex vinculum agnationis &
cognitionis ad excludendum patruum,
ut notat Bartol. in l. poſt ſuas §. legiti-
ma ff. de ſuis, & legis. hered. & clarius
Anron. de Roſell. de ſucceſſ. ab int. n. 158.

Denique probatur, quia bonorum poſ-
ſeſſionem unde legitimi Prætor dabat ſo-
lum illis, qui a jure Civili vocaban-
tur ad hæreditatem in ſecundo ordine
agnatorum, ſeu legitimorum hæredum.
l. 2. §. hæc autem l. 1. & l. 3. ff. unde cogn.
35 Sed juſ Civile nullam omnino rationem
habebat cognatorum princ. tit. Inſtit. de SC.
Tertull. l. 1. unde cogn. Ergo nec Prætor in
danda bonorum poſſeſſione unde legitimi
habet ullam rationem cognitionis: alio-
quin ad hanc bonorum poſſeſſionem vocaret
aliquem, qui a legibus non vocabatur.

Hiſ probe conſtitutis evidentem con-
ſtat, Titium ad neutram bonorum poſ-
ſeſſionem admitti poſſe, ita ut exclu-
dat proximiorē, vel æque proximum
agnatum. Jam vero, quid contra dici
poſſit, examinemus. Doctiſſimi Advo-
cati, qui contrariæ ſententiæ patrocinium
ſuſceperunt, ejus multa jaciunt fundamen-
ta, quæ mihi oppoſitæ videntur infirma.

Primum fundamentum eſt huiusmo-
di. Titius eſt agnatus: Titius eſt pro-
ximus deſuncto, utpote conjunctus in
36 tertio gradu: ergo Titius eſt proximus
agnatus. Atqui proximus agnatus, &
ad legitimam ſucceſſionem a lege voca-
tur, & a Prætorē ad bonorum poſſeſ-

ſionem unde legitimi; princ. tit. Inſtit.
de legis. agnat. ſucceſſ. §. ult. Inſtit. tit.
de ſucceſſ. cogn. l. Jurisconſultus 10. in
princ. ff. de grad. l. 2. ff. de ſuis, & le-
gis. hered. l. promunciatio 195. §. 1. ff.
de V. S. & præſertur omnibus cognatis;
§. ult. Inſtit. tit. de ſervil. cognat. l. 1.
in princ. ff. quis ord. in bonor. poſſ. ſer-
vet. & proximus eſt etiam, qui ſolus 37
eſt. l. 2. §. legitima ff. de ſuis, & le-
gis. l. 1. §. proximus ff. unde cogn. l. pro-
ximus 115. ff. de V. S. §. ſi plures In-
ſtit. tit. de legis. agn. ſucceſſ.

Sed facilis eſt, & prompta reſponſio.
Utrumque enim falſum eſt; & quod
Titius ſit agnatus, & quod ſit agnatus
proximus. Vere Titius non eſt agna- 38
tus, cum ſit ultra gradum ſucceſſioni
præſtitutum. Agnationis enim nomen
non naturale eſt, ſed civile. l. non fa-
cile 4. §. cognationis l. Jurisconſultus 10.
§. inter agnatos ff. de gradib. & affin. §.
ult. Inſtit. tit. de legis. agnat. tut. Conſi-
ſtit autem agnatio in prærogativa ſuc-
ceſſionis, & tutelæ, quæ a jure Civi-
li tribuitur illi certæ conjunctioni ſan-
guinis: & ſublata hac prærogativa tol-
litur agnatio, & ſuperſt eſt ſola cognatio,
ſeu conjunctio ſanguinis; ut evenit per
capitis diminutionem. §. ult. Inſtit. tit.
de legis. agnat. tut. Quamobrem quia 39
lex duodecim tabularum vocabat ad hæ-
reditatem non omnes liberos, ſed ſo-
lum ſuos hæredes; idcirco liberi, ſi
non erant ſui hæredes, nec erant agna-
ti. l. ſcripto 6. verſ. & alioquin ff. unde
liber. Eadem de cauſa, quia lege Voca-
tia formæ excludebantur ab hæredita-
te, licet per maſculos eſſent conjunctæ,
tamen non dicebantur agnatæ. l. 2. §.
agnati ff. de ſuis, & legis. hered. &
ideo Ulpianus in definitione agnatorum
ſemper excludit ſcæminas: ut in fragm.
tit. de tutel. ibi: agnati ſunt a patre
cognati virilis ſexus, per virilem ſexum
deſcendentes. & in tit. de legis. hered.
ibi: agnatos, id eſt, cognatos virilis ſe-
xus,

mus, per mares descendentes ejusdem familie. Quibus definitionibus ostendit, quod sicut ad substantiam agnati requirebatur, ut esset masculus, ita requirebatur ut esset vocatus ad successionem. De substantia igitur agnationis est jus succedendi. Hinc doctiores Interpretes recte putant, olim agnatos successisse in infinitum, atque id ex eo merito deducunt, quod in l. 2. §. agnati ff. de suis & legit. agnati dicuntur, qui nascuntur per mares in infinitum. Neque enim dici possent agnati, nisi haberent jus successionis, in quo consistit agnatio. Barry de success. lib. 18. tit. 3. n. 8. Foster. de success. lib. 3. cap. 10. n. 1. Vinn. ad §. fin. n. 4. de success. cogn. & ibi Timæ. Faber.

Sed ne verbi controversia nos misere torqueat; siue Titius sit vere agnatus, siue non sit; illud certissimum est, eum non esse agnatum, quoad jus succedendi, cum sit ultra gradum a lege præscriptum. Itaque falsum est, Titium esse agnatum in ea significatione, in qua accipitur. In hac enim enunciatione: Titius est agnatus: nomen agnati refertur ad jus succedendi; alioquin ex eo assumpto inferri non posset, Titium debere succedere exclusis cognatis, quemadmodum argumento illo concluditur. Falsum igitur, Titium esse agnatum; quia non est ex eo genere agnatorum, qui vocantur ad successionem, ut affirmatur in ea enunciatione. Exempli gratia: si quis enunciaret, Sirium esse canem; & ex hoc inferret Sirium esse animal; negandum utique esset Sirium esse canem in ea significatione, in qua accipitur ab enunciante: quoniam ex illatione constat, eum nomine canis non quicumque canem in genere significare voluisse, sed canem animal; falsum autem, Sirium esse ejusmodi canem. Ita in nostro argumento, cum ex illatione constet, agnati nomine significari eum agnatum, qui capax est

successionis, utique negandum est, Titium esse agnatum; neque enim est ejusmodi agnatus, cujusmodi affirmatur in enunciatione.

Falsum igitur est, quod Titius sit agnatus: falsum est etiam, quod sit agnatus proximus. Nam etiam si demus, eum esse agnatum; tamen proximitas ei nulla ratione convenit. Non ratione agnationis, quia est ultra terminum successionis præscriptum, & ideo non potest in eo considerari proximitas, quoad successionem: non ratione cognationis, quia præceditur a Cajo proximior cognato: proximus autem is est, quem nemo antecedit. l. 2. §. hæc hereditas & §. legitima ff. de suis, & legit. heredib. l. ex duobus 34. in princ. ff. de unig. & pupill. l. proximus 92. ff. de V. S.

Sed demus, esse proximum cognatum; num ideo erit proximus agnatus? minime vero. Sunt hæc diveria, esse proximum agnatum, & esse proximum cognatum. Neque sic recte concluditur: Titius est agnatus: Titius est proximus: ergo Titius est proximus agnatus. Est hoc sophisma puerile: hisce decipulis, ac laqueis pueris irretire solemus, cum intendimus, eos esse filios canis, aut felis, quod tamen ipsis simili sophismate non possumus persuadere. Felis est tua: felis est mater: ergo felis est tua mater. Falsum est, quod inferitur, quia felis est tua ratione dominii, non ratione maternitatis, ut ita dicam. Sic in casu nostro, Titius est proximus ratione cognationis, non ratione agnationis: & ideo non potest inferri, quod sit proximus agnatus. Cicero erat Poeta: Cicero erat excellentissimus: ergo erat excellentissimus Poeta. Falsum est hoc, quod concluditur, quia erat excellentissimus in arte oratoria, non in poetica. Aristoteles erat summus: Aristoteles erat summus, & omnium princeps: ergo erat summus, & omnium pri-

princeps Geometra. Est hoc falsum, quia erat summus, & omnium princeps in Philosophia, non in Geometria. Quæ vere enunciatur de uno, falso enunciantur de alio: & ideo, si ab uno ad alium transferas, fit falsum enunciatum: De Oratore vere enunciatur, quod fuerit excellentissimus: si id transferas ad Poetam, est omnino falsum. Quod Aristoteles fuerit summus ac princeps omnium, jure enunciat de Aristotele, quatenus erat philosophus, non quatenus erat Geometra. Eodem modo, quod Titius sit proximus, vere enunciatur de Titio, quatenus est cognatus, non quatenus est agnatus. Ideo falsum est, Titium esse agnatum proximum.

Non ignoro tamen, in fideicommissis fere communiter receptum fuisse, proximitatem delumi posse etiam a cognatione, quando vocati fuerint a testatore agnati proximi in infinitum. Miror equidem, hac impigisse summos viros, tam futili argumento deceptos. Magis tamen mirarer, si quis sententiam, tam infirmo fundamento innixam, vellet extendere ad successiones ab intestato: maxime cum hac in re sit omnino dissimilis successio testamentaria a successione ab intestato.

Primum enim in successione ab intestato certi ordines succedendi a lege præscripti fuerunt, inter se distincti, ac separati, ita ut existente aliqua persona ordinis antecedentis non possit considerari subsequens ordo, & ille in perpetuum a successione excludatur. Quapropter leges nullam rationem ejus haberi voluerunt, & alterum cum altero confundi, & commisci prohibuerunt, ut supra copiose demonstravimus. Aburdum autem est, contra notissima juris principia, legumque sanctionem producere velle ad consequentia opinionem, quæ supina DD. oscitantia, vel Consulentiū avaritia increbuit.

Secundo loco animadvertendum est, Tom. I.

quod in fideicommissis, in quibus vocantur agnati in infinitum, qui mutuantur proximitatem a cognatione, ex voluntate testatoris est agnatus, & est ex numero vocatorum ad successionem: & ideo habet jus succedendi, & est ca-45 pax successionis, solaque proximitas ipsi deest ad alios excludendos: ideoque non est adeo absurdum, cum uti proximitate adscita a cognatione. At in casu nostro, in quo Titius non habet jus succedendi, tamquam agnatus, quia non est ex numero vocatorum, præter proximitatem debet mutuari etiam jus capiendæ hereditatis. Abhorret autem a jure, ut cognatio præstet jus succedendi inter agnatos: maxime quia ne quidem inter cognatos admitti potest ad successionem. Quam absurdum igitur est, ut, qui ratione cognationis non admittitur ad successionem inter cognatos, ab ea cognatione mutuetur non solum proximitatem, sed etiam jus succedendi inter agnatos?

Argumentum deducum a fideicommissis fortasse vim aliquam habere posset, si Titius esset agnatus intra gradum præscriptum successionis agnatorum: sed cum nullum habeat jus successionis,46 tamquam agnatus; imo agnatio in eo vel nulla sit, vel intermortua, non potest ope cognationis reviviscere. Si arbori aridæ sarculum inferas, non germinabit, nec fructum ferre poterit: ut germinet, ut fructum ferat, necesse est ut arbori viridi inferatur. Si vivum corpus mortuus jungas, ipsum quoque morietur. Sic Mezentius infando supplicio mileros afficiebat, &, ut ait Virg. lib. 3. *Æneid.*

Complexu in misero longa sic morte necabat.

Alterum fundamentum est, quod Titius nascitur ex semina agnata, nupta in familia, quæ continuatur, & propagatur agnationem in posteros: ac proinde, cum per matrem defuncto jungatur in

N

ter.

tertio gradu, erit in tertio gradu agnationis; & idcirco erit proximus agnatus ratione agnationis, quam ipsi mater impertit. Licet enim per sceminam constitutur cognatio, & a matre cognatio oriri soleat, non agnatio; §. *junt autem Instit. tit. de legit. agnat. tut.* tamen quando scemina nubit in familia, conservat agnationem in liberis, ut non pauci ex pragmaticis arbitrantur: quia tunc non transfertur in alienam familiam per nuptias, nec transit in familiam viri, sicut quando nubit extraneo. *l. falsus §. Julianus ff. quod fals. tut. l. quicumque 10. & ibi Bartol. C. de remilit.*

Respondetur, falsa esse omnia, quæ assumuntur. Primum falsum est, mulierem per nuptias transferri in familiam viri. Nam mulier, etiam si nupta sit extra familiam, tamen retinet originem, & familiam patris: *l. pater 8. ff. de collat. dot. nec definit esse agnata, ut est in consensu apud omnes: l. 3. C. de legit. hered. imo nec definit esse in potestate patris, l. 1. §. 1. ff. de agnos. liber. l. 2. §. 1. l. quoties. 29. ff. solut. matrim. l. filia licet. 12. C. de collat. §. postea Instit. tit. de SC. Tertull. l. 1. §. ult. C. l. 2. ff. de liber. exhib. l. patri 20. ff. ad leg. jul. de adulter. l. nec inter 4. C. de dom. int. vir. & uxor. & ideo est sua hæres patri, l. pen. in princ. vers. cui enim C. de legit. hered. l. ult. ff. de dot. collat. & succedit simul cum aliis filiis. l. 3. l. filia licet C. de collat. l. 1. & ult. ff. de dot. collat. l. ult. ff. de suis, & legit. hered. l. 1. C. de legit. hered. l. 3. C. eod. Nuptiæ enim non pariunt cognationem, sed affinitatem: l. non facile §. sed quoniam 12. fin. ff. de grad. & affin. & ideo non potest mulier in familiam viri per nuptias transferri, sicutque ejus agnata; sed solum affinis. l. quod Servius 8. ff. de condit. caus. dat.*

Præterea falsum est, ideo mulierem non conservare suam agnationem in filiis, quia per nuptias in familiam vi-

ri transeat. Hoc enim admissio, illud etiam esset admittendum, quod filii vulgo quæriti sint agnati suæ matris; & quod fratres vulgo quæriti sint agnati inter se, quia eorum mater nullis contractis nuptiis in alienam familiam non transit, Utrumque tamen falsum est. Nam filius etiam vulgo quæritus est cognatus matri suæ: §. vulgo quæritus Instit. de success. cogn. l. 4. §. cognationis ff. de grad. & affin. l. 2. ff. unde cogn. & fratres vulgo quæriti sunt inter se cognati. d. §. vulgo quæritus Instit. de success. cogn. & d. l. 2. ff. unde cogn.

Verissima igitur ratio, cur mater 49 nunquam continetur, nec propaget agnationem suam in liberos, est, quia mater semper est scemina. Leges enim distinxerunt conjunctionem per sceminas a conjunctione per masculos: hanc vocarunt agnationem: illam cognationem. Non magis igitur fieri potest, ut mater filiis agnationem impertiatur, quam ut mater non sit scemina. A patre igitur 50 tur, non a matre, agnationis jura oriuntur: l. si spurium 4. ff. unde cogn. & filii patris, non matris familiam sequuntur. l. familia §. ult. ff. de V. S. l. cum legitima ff. de stat. hom.

Ex his sequitur, falsum quoque esse, quod mulier nupta in familia continuat, ac propaget suam agnationem in liberos. Etenim cum filii sint semper cognati matris suæ, princ. tit. Instit. de SC. Tertull. non potest continuari agnatio, quæ per hanc cognationem statim interruptitur. Nam si filius ipse matri cognatus est, non potest esse agnatus illis, quibus per eandem matrem conjungitur: hoc enim ipso, quod per 51 sceminam conjungitur, cognatus est. §. 1. Instit. tit. de legit. agn. success. §. 1. Instit. tit. de legit. agnat. tut. l. jurisconsultus §. cognati ff. de grad. & affin. l. 2. §. 1. ff. de suis & legit. l. sunt autem ff. de legit. tutor. Nec usquam in jure nostro ab hac regula excipiuntur conjuncti per

sæminam nuptam in familia.

Neque quisquam putet, hanc exceptionem in omittam fuisse, quod raro eveniret sæminam in familia nubere: cum imo hujusmodi nuptiæ quotidie contraherentur, earumque læpe numero mentio fiat in jure nostro. I. Paulo Callimacho 27. ff. de legat. 3. l. si nepotem 3. ff. de rit. nupt. l. non solum 67. §. 1. ff. cod. l. Lucius 78. §. filiam ff. ad SC. Trebell. l. celebrandis 19. C. de nupt. l. uter 23. ff. de cond. instit. Ulpian. in fragm. tit. 5. de his qui sunt in potest. Nam jure Romanorum nuptiæ non prohibebantur inter transverales, nisi inter fratres, & sorores: itaque patruelam licebat uxorem ducere: §. inter eas, & §. duorum Instit. tit. de nuptiis: qua de re factum fuit plebiscitum teste Plutarcho in *Questian. Roman.* Imò SC. Claudiano permissum fuit etiam fratris filiam uxorem ducere: itaque Claudius Aëpiuinam, Domitianus Juliam, Heraclius Marcianam, fratrum filias, uxores duxerunt. Ulp. in fragm. tit. 5. Tacit. lib. 12. *annal.* Suet. in *vita Claudii cap. 26.* Filii igitur ex his nuptiis progeniti erant matrum suarum & patruales, & filii: hoc est & agnati, & cognati. Agnati per patrem in quarto gradu: cognati per ipsam matrem in primo gradu. Sic in casu nostro Titius est defuncti cognatus, & agnatus: cognatus in tertio gradu per matrem: agnatus ultra decimum per patrem. Item & matris suæ cognatus est, & agnatus, cognatus in primo gradu tanquam filius, agnatus per patrem ultra decimum: cum enim ejus pater sit agnatus uxoris suæ, ipse quoque per patrem sit ejusdem agnatus, sed uno gradu remotior propter additam generationem.

CAPUT XIV.

Ad l. hujusmodi 84. §. qui seruum ff. de legat. 1.

SUMMARIUM.

- I. Dolus, datus causam contractus bonæ fidei, reddit ipso jure nullum.
- II. Secus in contractu stricti juris.
- III. Exceptio comparata est ad elidendum actionem. Non habet locum exceptio, ubi nulla est actio. & *non, seqq.*
- IV. Non est actio ex contractu sine obligatione.
- V. Non tenet ipso jure: & ope exceptionis sunt opposita.
- VI. Inest exceptio in contractibus bonæ fidei.
- VIII. Exceptio doli datur etiam, cum dolus non est admissus in contrahendo, si quis petat id, quod prestari æquum non est. & *ibi.*
- IX. Inesse dicitur exceptio, quando actio non datur. & probatur *non, seqq.*
- XI. Maritus facinus impensus in res doteles ipso jure liberatur.
- XII. Impense minuant dorem ipso jure.
- XIII. Contractus, qui consensu constant, contrariis consensu dissolvuntur, & *non, seqq.*
- XVI. Exceptio aliquando pactum significat.
- XVII. Exceptio, & recipere quid?
- XIX. Petitio hereditatis est actio bonæ fidei.
- XX. Pacta neque patiuntur actionem, neque ipsam tollunt.
- XXI. Pacti inesse contractibus, quid?
- XXII. Actiones invicem concurrentes quomodo consensuant?
- XXIV. Optinentur inter se fieri aliquid ipso jure: & jure Prætorio. & *quæ?*
- XXV. Ipso jure fieri quid?
- XXVb. Cur contractus bonæ fidei sunt ipso jure nulli, cum in eis insunt exceptiones.
- XXVil. Explicatur ordo veterum judiciorum: & que essent Prætorii *patres.*
- XXVIII. In jure discipulari dicebantur, que discipulabantur apud Prætorium: & que hæc essent.
- XXIX. Tam actio, quam exceptio, in jure prætorio a Prætoribus, & apud tam de utraque discipulabatur.
- XXX. In strictis judiciis exceptio omnino a Prætoribus impetranda.
- XXXI. Cur exceptio dicitur *conditio.*
- XXXII. Cur exceptio esset *initio comparanda.*
- XXXIII. In bonæ fidei judiciis necesse non erat exceptionem a Prætoribus postulare: & *quæ?*
- XXXIV. Cur contractus bonæ fidei essent nulli.

XXXV. *Pretor in his aliquando actionem denegabat.*

XXXVI. *Que jura sunt, Juxta supplere debet; non que sunt facti.*

XXXVII. *Conversatio opponi debet & probari apud Judicem, licet minus ipso jure obliget.*

XXXIX. *Cur esset nullus contractus, etiam si a debitorum probanda esset exceptio.*

XL. *Proponitur aliud argumentum.*

XL. *Sine consensu quilibet contractus est nullus.*

XLII. *Actus, cui lex resistit, est ipso jure nullus, etiam si nihil dicitur ejus substantie.*

XLIII. *Cur in contractibus bonae fidei dolus impedit consensum; non in contractibus strictis.*

XLIV. *In strictis contractibus solum strictamur id, quod lingua nuncupatum est.*

XLV. *Conditiones de presenti, si falsae sint, statim primum obligantur.*

XLVI. *Quod in stipulationibus efficit expressa conventio, id in contractibus bonae fidei efficit officium Judicis.*

re faciend. Non potest autem esse actio, 4 ubi nullus est contractus, nulla obligatio, ex qua oriatur. *l. actionum 25. in princ. vers. in personam ff. de oblig. & action. §. omnium Instit. tit. de act.* Igitur nec dari potest exceptio, quia non potest elidi, atque infringi actio, quae non est. Itaque per exceptionem adjuvatur ille, qui stricto jure est obligatus. *l. si quis duobus 30. ff. de const. pecun. nam qui stricto jure non est obligatus, exceptione non indiget, cum non possit conveniri.* Propterea opponuntur 5 haec inter se: ipso jure non teneri: & defendi per exceptionem. *l. qui servum §. si is cui ff. de oblig. & action. l. cum quis 38. §. 1. vers. & ideo. & l. qui decem, in princ. ff. de solut. l. nec ex Pretorio ff. de reg. jur.*

Quod autem in contractibus bonae fi- 6 dei detur exceptio, probatur, quia tum aliae exceptiones, tum exceptio doli, inesse dicuntur in bonae fidei judiciis. *l. hujusmodi 84. §. qui servum ff. de legat. 1. l. 3. ff. de rescind. vendit. l. sed etsi 21. ff. solut. matrim. l. juris Gentium 7. §. adeo ff. de pact. Tenetur igitur contrahens ipso jure, sed adjuvatur per exceptionem.*

Respondere solent: id esse intelligendum de exceptione doli, quae oritur ex dolo incidente in contractum, cum ille, qui sua sponte contrahit, in contrahendo decipitur, veluti si rem pluris emat, quam fuisset empturus. Etenim contractus valet, quia dolus non dedit causam contractui, nec dolo adductus est ad contrahendum: ac proinde opus est exceptione ad purgandum dolum decipientis.

Sed haec responsio vix potest convenire nostrae *l. hujusmodi 84. §. qui servum ff. de legat. 1. ubi legatarius ignorans, sibi fuisse servum legatum, eum emit ab haerede.* Certe hic dolo haeredit adductus est ad emendum: neque enim fuisset empturus, si scivisset, servum illum sibi legatum fuisse. Et quamquam

- 1 **C**onstat fere inter omnes, contractum bonae fidei, cui dolus causam dedit, ipso jure non valere; *l. & eleganter 7. in princ. vers. aut nullam ff. de dol. mal. l. in cause 16. ff. de minor. l. 3. §. ult. ff. pro soc. contra contractus stricti juris valere ipso jure, & actionem producere, sed eam elidi, atque infringi exceptione doli mali. l. 5. C. de inut. stipul. Et hoc esse praecipuum discrimen inter haec duo genera contractuum, fatentur plerique omnes: & quamvis multa sint argumenta, quibus probari potest, etiam bonae fidei contractus ipso jure subsistere; tamen ea accurate refutantur ab Interpretibus nostris. Illud unum, quod ipsi leviter attingunt, fortasse quia parvi pendunt, nos perpendere constituvimus, & explicare diligenter.*
- 2 **Q**uotiescumque datur exceptio, contractus ipso jure valet: sed in contractibus bonae fidei, dolo initis, datur exceptio: ergo valent ipso jure. Prima propositio certa est. Nam exceptio datur ad elidendam actionem, & opponitur actioni ex contractu proficiscenti. *l. 2. in princ. ff. de exception. princ. tit. Instit. de except. l. 1. §. ult. ff. de interrog. in ju-*
- 3

responderi possit, hæredem quoque ignorasse, servum fuisse legatum, adeoque nullum hæredis dolum in venditione intervenisse; sed doli exceptione nihilominus repelli, quia dolo facit, cum ex vendito agit ad pretium, quod ei ex æquitate præstandum non est; l. 2. §. circa, & §. item, & duobus segg. ff. de dol. mal. except. (Exemplum peti potest ex l. si quis cum aliter 36. ff. de V. O. ex l. sed et ideo 21. ff. solut. matrim.) tamen dura est hæc interpretatio, nec probabile est, id hæredem ignorasse; minusque probabile, ibi de hoc solo hærede agi: præsertim quia ibi affertur ratio propria judiciorum bonæ fidei, cum tamen eo casu idem dicendum sit in strictis judiciis. d. l. si quis cum aliter 36. ff. de V. O.

Existimo ego hac ipsa de causa contractus bonæ fidei ipso jure non valere, si dolus eis causam dederit, quia exceptio doli inest bonæ fidei judiciis. Inesse enim exceptio dicitur, quia a Prætoribus non datur: nec ulla opus est ejus auctoritate ad infirmandam actionem, & enervandas vires contractus, sed actio ipsa suapte natura evanescit, & contractus sua sponte corrumpitur.

Probatur id ex l. sed et ideo 21. ff. solut. matrim. Ait ibi JC. quod, si maritus pro uxore impenderit quantum ab ea dotis nomine accepit, actio dotis evanescit. Quid ita? quia, cum doli exceptio inest de dote actioni, ut in ceteris bonæ fidei judiciis, potest dici inesse hunc sumpsum actioni de dote, maxime si ex ejus voluntate factus sit.

Non est dubitandum, hoc casu maritum ipso jure liberatum esse: nam compensatio etiam olim, non solum hodie, minuebat actionem ipso jure in bonæ fidei judiciis. §. in bonæ fidei Inst. rit. de action. l. postquam 21. ff. de compensat. l. si constat 4. C. end. Et necessariz

impensæ ipso jure dotem minuunt. l. cum quis uxori. in princ. ff. de dot. præleg.

Itaque recte Jurisconsultus ait, evanescere actionem de dote in d. l. sed et ideo. Ratio autem, cur evanescat actio, ea est, quia exceptio doli inest bonæ fidei judiciis. Ergo exceptio judicio inesse dicitur, cum actio evanuit, cum reus ipso jure non tenetur. Idem igitur dicendum est in casu nostro: cum dolus dedit causam contractui, ideo contractus ipso jure non tenetur, quia exceptio doli inest bonæ fidei judiciis.

Confirmatur ex l. 3. ff. de rescind. vendit. Post contractam emptionem contrahentes contrario consensu ab emptione discesserant. Respondit Julianus, resolutam esse venditionem, & ex empto agi non posse, quia bonæ fidei judicio exceptiones pacti insunt. Ergo inesse dicitur exceptio, quando agi non potest: quando actio nulla est, & ipso jure non tenetur, qui contraxit. Quod autem ipso jure non teneatur emptor & venditor, certum est tum ex ipsa l. 3. tum quia satis constat, contractus, qui solo consensu celebrantur, contrario consensu dissolvi §. ult. Inst. quib. mod. tollit. oblig. l. juris Gentium 7. §. adeo ff. de pact. l. 2. & §. 1. ff. de rescind. vend. Atque ita dissolvuntur, ut infecti fiant, nullumque eorum vestigium superlit, quasi non præcessissent. d. l. 2. ff. de rescind. vend. ibi: potest enim conventionione nostra infecta fieri emptio; & paulo post: quasi nulla emptio præcesserit. Et hoc est, quod ait Pomponius in l. nec ex Pretorio ff. de reg. jur. Obligationum causas immutari posse vel ipso jure, vel per pacti conventi exceptionem. Ipso jure immutantur in his contractibus: in aliis ope exceptionis. Licet igitur contractus sit ipso jure dissolutus, & pro infecto habeatur; tamen dicitur inesse exceptio: imo ideo dicitur nullus, & quasi infectus contractus, quia inest exceptio bonæ fidei judicio.

Similis est lxxi. in l. juris Gentium 7. §. adeo ff. de pact. unde constat, quod

ex.

exceptiones adeo insunt bonæ fidei judiciis, ut constet, in emptione aliisque bonæ fidei judiciis, re nondum sequuta, abiri posse ab emptione, tamque dissolvitur
 15 sed in hac lege non consisto. Verissimum enim est, quod Viris doctissimis placet, in ea non agi de exceptionibus judicialibus, sed de pactis, quæ insunt bonæ fidei judiciis. Exceptiones postea factæ, hoc est, pactiones postea factæ. Sententia enim ejus legis hæc est: pactiones postea factas, adeo inesse bonæ fidei judiciis, ut non solum liceat aliquid excipere, & cavere ne comprehendatur, & pro parte ab emptione recedere, sed etiam ut liceat abire in totum; quæ sententia pluribus verbis in eò §. explicatur, & in l. sed Celsus 6. §. ult. ff. de contrab. empt. & in l. pacta conventa. in princ. ff. cod. Non tantum assentior maximis Viris, Cujacio, & Antonio Fabro: quorum alter in lib. 2. observ. cap. 15. emendat depetitiones; alter in suis Rational. legit pactiones. Neque enim necesse est quicquam mutare, & erit dictio multo elegantior,
 16 nihil immutemus. Exceptio est pactum, quo inter contrahentes convenit, ut aliquid obligatione non continetur; seu quo aliquid excipiunt, & nolunt pervenire ad eum, cum quo contrahunt, & ad quem pertineret, si non fuisset exceptum. Sic usurpatur in hac l. 7. §. adeo ff. de pact. & in l. pacta conventa 72. §. 1. ff. de contrab. empt. l. quæro 39. circa fin. ff. de action. empt. Flac. de condit. agror. Private itaque viæ ad finitimes agrorum non pertinent, sed ad itinera eis præstantia, quæ sub exceptione nominari in emptione agrorum solent. Excipere enim significat pacisci, & cavere, ut eximatur aliquid a contractu & obligatione, ne ad emptorem, aut alium perveniat, ad quem ex vi contractus fuisset perventurum l. qui usum fructum 36. §. stipulatus ff. de usufr. l. 2. §. apud Julianum ff. de hered. vet. act.

vend. l. fundi 17. §. si rura ff. de action. empt. l. 3. ff. de eviction. l. qui duo 30. ff. de servit. rust. præd. l. si venditor ff. de religiof. l. in lege ff. de contr. emptio. l. Julianus §. penult. ff. de action. empt. l. qui quatuor 30. §. si fundum ff. de legat. 3. Varro de re rust. In emptione idem jure utimur, quod lex præscripsit: alii enim plura, alii pauciora excipiunt. Idem quoque dicebant recipere, quasi retinere, & non transmittere ad eum, ad quem fuisset perventurum, ut explicat Gell. lib. 17. cap. 6. l. qui libertatis 69. §. sed etsi quis ff. de evict. l. quicquid 10. ff. commun. præd. l. qui fundum. §. fundi. & cum fundum ff. de contrab. empt. l. si mercedem. §. ult. ff. de action. empt. l. Secus 42. in princ. ff. de donat. caus. mort. l. qui fundum 205. ff. de verb. sign. Recipere enim, & excipere idem significant, ut constat ex l. qui duo 30. ff. de servit. rust. præd. & ex Gell. d. lib. 17. cap. 6. circa medium. Plaut. in Trinum. (Posticum hoc recepti, cum ades vendidit.) Cic. de orator. lib. 2. Sed dicit te, cum ades paternas venderes, ne in rutiis quidem, & castis solum paternam recepisse. Simile est, quod ait id. Cic. in Topic. Itaque pactio illa, quæ in hac l. 7. dicitur exceptio, dicitur receptio in l. quicquid 10. ff. commun. prædior.

Ad rem redeamus. Marcus Imperator constituit, ut in Aristis judiciis compensatio admitteretur opposita doli mali exceptione: §. in bonæ fidei. In-
 18 sit. sit. de action. quia dolo facit, qui petit id, quod redditurus est. l. in condemnatione 173. §. ult. ff. de regul. jur. l. dolo fuit. 8. ff. de dol. mal. enc. l. qui non militabat 78. in princ. ff. de hered. instit. At vero in judiciis bonæ fidei compensatio ipso jure minuebat actionem: l. 4. & l. posteaquam 21. ff. de compensat. l. si consas. 4. C. cod. ea de causis, quia in judiciis bonæ fidei Jurex ex homo & æquo æstimandi potestatem habet, ut ait Legislator noster Justina.

nianus in §. *in bonæ fidei. Instit. tit. de action.* hoc est, quia exceptiones insunt in bonæ fidei judiciis: hæc enim duo in idem recidunt, ut infra dicemus. Igitur actio, quæ in strictis judiciis eluditur ope exceptionis doli, in judiciis bonæ fidei ipso jure minuitur, & evanescit: & ideo evanescit ipso jure, quia in his exceptiones insunt: ergo inesse dicuntur exceptiones, quia reus ipso jure non tenetur, & nulla opus est exceptione, sed actio sua sponte labitur.

- 19 Confirmatur id satis evidenter, quia cum petitio hereditatis sit actio bonæ fidei. *l. ult. in fin. C. de petit. heredit. §. actionum 28. in fin. Instit. tit. de action.* nulla opus est exceptione doli ad liberandum reum, sed ipso jure, & officio Judicis tutus est. *l. plane. vers. nam nec exceptio. l. ult. in fin. ff. de petit. heredit.* Et tamen negari non potest, in hoc judicio inesse doli exceptionem, cum exceptiones insunt in omnibus bonæ fidei judiciis. *l. sed etsi ideo 21. ff. solut. matr. l. bujusmodi 84. §. qui servum ff. de legat. 1.*

- Sic etiam, licet nulla pacta non pariant obligationem, & actionem, *l. 7. §. quin imo ff. de pact. l. legem C. eod. l. solent. 15. ff. de prescript. verb. cam-*
20 demque ipso jure non tollant, sed solum pariant exceptionem, qua actio eliditur, §. *præterea Instit. tit. de except. l. juris Gentium 7. §. sed cum nulla ff. de pact. l. si unus §. si cum decem ff. eod. tamen pacta incontinenti adjecta insunt bonæ fidei contractibus, & judiciis; & quando insunt, non amplius profunt ope*
21 *exceptionis, sed formant ipsam actionem, eamque aut minuunt, aut amplificanc; & profunt ipso jure. l. 7. §. quis imo ff. de pact. l. pacta conventa 74. in princ. ff. de contrab. empt. l. lecta. vers. dicebam ff. de reb. cred. l. 4. l. emptori 37. l. si dictum 56. ff. de eviction. l. cum dotem 100. C. de jure dot. l. in bonæ fidei 13. l. petens 27. C. de pact. l.*

5. *Or l. penult. C. de pact. inst. empt.* Quemadmodum autem pacta, sic & exceptiones inesse dicuntur bonæ fidei judiciis, cum ipso jure tollunt, aut minuunt actionem, nec opus est exceptione ad repellendum actorem. Imo etiam pacta ex intervallo adjecta, si detrahant aliquid contractui, dicuntur contineri contractui, hoc est, inesse contractui. *l. pacta conventa 72. in princ. ff. de contr. empt. sed ea solum pacta insunt, quæ legem contractui dant, & formant ipsam actionem. l. 7. §. quin imo ff. de pact.* Ergo hæc pacta etiam ex intervallo adjecta formant actionem, eamque minuunt ipso jure. Atqui certum est, pacta ex intervallo adjecta non esse partem contractus, & solum parere exceptionem, ut modo diximus: ergo exceptiones inesse judiciis, & ipso jure liberatum esse debitorem, & diminutam aut extinctam actionem, idem significant.

Adde, quod in incursum plurimum actionum altera alteram ipso jure tollat, cum ea, quæ tollitur, est bonæ fidei: cum vero est stricta, tollitur per exceptionem; *l. prædia 28. ff. de action. empt. 22 l. qui servum 34. §. si is cui rem, ff. de oblig. Or act. l. si is cui 71. ff. de furt. non alia de causa, nisi quia exceptiones insunt bonæ fidei judiciis.*

Quapropter animadvertendum est, in nostra *l. bujusmodi 84. §. qui servum ff. de legat. 1. non repelli actorem exceptione doli mali, sed reum absolvi actione ex vendito: hoc est, venditorem recedere debere a sua actione, & emptio 23 rem dimittere. l. si ex duobus. §. 1. ff. judic. solvi. l. sullo 90. in princ. ff. de furt. l. quid enim 14. ff. de dolo mal.*

Demonstravimus, ut arbitror, satis perspicue sententiam nostram: nunc est explicandum, qua ratione id possit evenire. Opponuntur hæc duo inter se, liberari aliquem, aut aliquid constitui ipso jure, *Or jure Prætorio l. 1. §. ult. ff. de superfic. l. 1. §. idem Pomponius ff. quod sal.*

falso tutor. l. 1. quib. mod. ususfruct. amit. l. si ususfructus. §. 1. ff. ususfruct. quemadmodum. cav. Etenim ipso jure fieri dicitur, quod sit jure Civili, & jus Civile opponitur hac in re juri Prætorio: §. 1. & *segg. Instit. de exception.* & quamvis jus Prætorium sit pars juris Civilis, §. *Prætorium Instit. tit. de jure Nat. Gen. & Civ.* tamen emphatice jus Civile dicebatur ipsum jus, jus merum, jus strictum, jus solemne. *l. in causa ff. de minor. l. penult. ff. de constit. pecun.*
 25. *nec ex Prætorio ff. de reg. jur.* Quamobrem cum dicitur contractus bonæ fidei ipso jure non valere, ipso jure tolli, aut minui actionem; id significamus, hoc totum fieri opera, atque auctoritate juris Civilis, & cessare partes Prætoris, nec ejus auxilio opus esse. *l. in causa 16. in princ. & in §. 1. ff. de minor.* Hoc ipsum usu venit in contractibus bonæ fidei. Contractus, & actiones constituuntur bonæ fidei ab ipso jure Civili. *l. ult. in fin. C. de petition. obheredit. §. actionum. in fin. cum §. seq. Inst. tit. de action.* De natura horum contractuum, & actionum est, ut in eis insint exceptiones, hoc est, ut non egeant auxilio Prætorio, unde extrinsecus adveniunt exceptiones ad eos infirmandos, a Prætorē concessæ. *l. plane, & l. ult. ff. de petit. heredit.* Hanc autem naturam a jure Civili acceperunt: igitur ipso jure non valent, ipso jure tolluntur; hoc est jure Civili. Si necessaria esset Prætoris auctoritas, & exceptio a Prætorē data, ut infirmarentur, utique eliderentur & infirmarentur jure Prætorio, & ope exceptionis: sed cum neque Prætoris auctoritas sit opus, neque ulla exceptione, utique nulli sunt ipso jure, & ex sua ipsorum natura, quam a jure Civili acceperunt.

Sed hæc alius repetenda sunt, & uberius explicanda. Olim Romæ Prætor causas privatas non judicabat, sed Judices petentibus dabat, dabat actio-

nes, dabat exceptiones. Itaque litigatores primum omnium a Prætorē postulabant, & exceptionem; ac proinde apud Prætorē disceptabatur non quidem de controversia, sed an is, qui petebat, agere posset; an ejus generis actio, an eo tempore, quo petebat, ei tribuenda esset; & rursus an reo danda esset exceptio, quam adversus actorem postulabat: & hæc in jure disceptari dicebantur, nempe apud Prætorē. *l. jus pluribus. in 23 fin. ff. de justis. & jur. l. 4. §. ult. ff. de interrog. in jur. facien. l. si seriatis 6. in fin. ff. de seriis. l. 1. §. postulare & §. ait Prætor. ff. de postul. Plaut. in Menæchm. seu in jure, seu ad Judicem res est. Cornif. ad Heren. lib. 6.* Ex translatione controversia nascitur, cum aut tempus differendum, aut accusatorem mutandum, aut Judices mutandos reus dicit: hac parte constitutionis Græci in judiciis, nos in jure Civili plerumque utimur. Et infra: *Quæritur in translationibus primum, num aliquis ejus rei actionem, aut petitionem, aut possessionem, aut persecutionem habeat, quam non oporteat: num alio modo, tempore, loco, num alia lege, num alio querente, aut agente. Cicer. lib. 2. de invent.* Atque in nostra quidem consuetudine multis de causis fit, ut rarius incident translationes: nam & prætoris exceptionibus multe excluduntur actiones, & ita jus Civile habemus constitutum, ut causa cadat is, qui non, quemadmodum oportet, egerit. *Quare in jure plerumque versatur: ibi enim & exceptiones postulatur, & quodammodo agendi potestas datur, & omnis conceptio privatorum judiciorum constituitur. Idem in partitione.* Atque etiam ante judicium de constituendo ipso judicio solet esse contentio, cum, aut sine actio illi, qui agit, aut jamne sit, aut num jam esse desierit, aut illane lege, bisne verbis sit actio, quæritur. *Quæ etiam si, antequam res in judicium venit, aut*
 con-

concertata, aut adjudicata, aut confecta non sunt; tamen in ipse iudiciis permagnum saepe habens pondus, &c. Cicero. de invent. lib. 2. Postulat is, quo cum agitur, a Prætoris exceptionem. Id. in Lucull. Postulat, ut excipiantur hac inexplicabilia. Tribunal aliquem, censo, adeant: a me istam exceptionem numquam imptetrabunt. Victorius in Cicero. de invent. Apud Prætorum, cum litis ipsius forma componeretur, ibi partes, aut excipiebant, aut simplicem actionem accipiebant. Unde in ipso jure, hoc est, apud Prætorum tractabatur exceptio. Qui volet exempla hujus disceptionis, adeat Ciceronem lib. 2. de invent. & l. 1. de orator. Igitur, & actio, & exceptio postulabatur a Prætoris, & an utraque danda esset, apud eum disceptabatur. Hinc toties in jure nostro traditum est, a Prætoris causa cognita actionem dari. l. item si eum 14. §. 1. ff. quod met. caus. l. ait Prætor. 10. ff. que in fraud. credit. l. si quis affirmaverit 9. alias l. si oleum §. ult. & seqq. ff. de dol. mal. l. item apud Labeonem §. Prætor. 34. cum seqq. ff. de injur. l. sed etsi restituatur §. sed etsi dies ff. de judic. Causæ autem cognitio utriusque partis præsentiam, & disceptionem supponit. l. in causæ 13. in princ. ff. de minor. l. unic. C. si adversus dos. Idem fere traditum de exceptione in l. 1. sunt qui putant ff. ne quid in flum. publ. in l. 1. §. Labeo ff. de flum. Alcon. Pædian. in 3. action. in Verr. Et tandem inquisita, audita, cognitaque utrimque causa, in verba litis ejus componebat, quod iudici præscribebat, ut secundum illud præsens controversia definitio nem acciperet.

- 29 Hoc intererat inter actionem, & exceptionem: quod actio semper a Prætoris postulanda erat; exceptio vero solum in strictis iudiciis, ita ut reus condemnandus esset, nisi a Prætoris imptetrasset exceptionem. §. 1. & 2. Inst. tit. de exception. l. 5. C. de inust. stipul.

Tom. I.

lat. Iudex enim in his iudiciis alligatus erat formulæ a Prætoris compositæ. Formula hoc fere modo concipiebatur. Si paret Titium dare oportere, Marcus iudex esto, eumque condemnato nisi si dolo malo inductus promiseris. Hinc dicta est exceptio, quia Prætor reum condemnari jubebat, sed excipiebat eum calum, quo dolo inductus fuisset, aut alium quemlibet. Hinc etiam exceptio dicitur conditio in l. exceptio 22. ff. de except. quia Prætor jubebat, reum condemnari, sub conditione, si non hoc, aut illud factum fuisset, quibus verbis conditionis proponi solebat exceptio. l. si is qui §. pen. ff. de pignor. l. ficut §. quod si is fundus §. quib. mod. pign. solv. l. creditor. ff. qui pot. in pign. l. itaque ff. de procurat. l. Papinianus. in fin. ff. de Publician. l. qui pendente ff. de action. empt. l. consilio §. 1. ff. de curat. furios. l. quamdiu ff. de bon. libert. l. vir uxore §. 1. ff. ad SC. Vellejan. & passim in jure nostro. In his igitur iudiciis reus ipso jure tutus non erat, sed jure Prætoris, sed ope exceptionis a Prætoris concessæ, quæ ideo initio opponenda erat, & contestanda: l. siquidem 9. vers. nam si etiam C. de exception. l. emptor. C. de prescript. long. tempor. l. prescriptionem 8. C. de exception. l. exceptionem 19. C. de procur. nam ea omissa Iudex omnino reum condemnare debebat: quare reus solo Prætoris auxilio a condemnatione liberabatur.

In iudiciis bonæ fidei non postulabatur a Prætoris exceptio, quia inerat in ipso iudicio, & ex natura ipsius actionis, atque contractus. Itaque in his iudiciis Prætor certos termini iudicii præscribebat, sed eum ex bona fide iudicare jubebat: §. in bona fide Inst. tit. de action. & constat ex Cicerone in Topic. & alibi, cujus verba offerre superledemus, quia ab aliis asseruntur: 34 Quamobrem hi tractatus non auxilio Prætoris accedente infirmabantur, neque

O

que prætoria exceptione eorum actio elidebatur; sed ipsa ex se ipsa confumebatur, & propria natura contractus erat irritus, & ipso jure munitus erat reus: hoc est, jure Civili, quod eam naturam his contractibus tribuerat, ut intestino vitio laborarent, & suapte natura deficerent. Itaque quod in strictis judiciis efficit exceptio, & auxilium Prætoris, id in his efficit natura ipsa contractus; ac propterea, sicut illi contractus ope Prætoris nulli, atque inutiles efficiuntur; sic hi naturæ suæ, & ipso jure nulli sunt, atque inutiles.

Ac si quis contendat, Prætozem ex his contractibus, quibus dolo causam 35 dederat, actionem non dedisse; cum non facile reprehendi posse crediderim. Ostendimus, apud Prætozem disputatum fuisse, an actio danda esset: duabus de causis hæc disceptatio instituebatur. Prima erat, ut Prætor posset decernere, an ipse deberet cognoscere, an vero Judicem dare. *l. 9. in fin. ff. de offic. Præs.* Altera, ut inspiceret, an leges, an æquitas actionem dari permitterent, ut constat ex illis quas supra adduximus, & ex *l. ult. ff. de alienat. mus. jud. caus. sac.* Itaque sæpenumero traditum est in jure nostro, Prætozem causâ cognita actionem denegaturum. *l. Titia 34. ff. solut. matr. l. in cause 13. in princ. ff. de minor. l. 4. in princ. ff. de judic. l. si debitor 30. ff. de solution. l. veluti ff. de verb. obl. l. 1. §. ais Prætor. cum seqq. & l. eleganter §. ult. ff. de dol. mal. l. non alias 24. §. ult. ff. de judic. l. item apud Laqueonem §. Prætor ait. cum seqq. ff. de injur. l. nihil interest §. 2. ff. de bon. lib. l. filiosam. §. ult. ff. de procurat. l. etsi 7. ff. de oper. nov. nunciat. l. si cum ff. de nov. action. l. 1. §. in operis ff. de nov. oper. nunc. l. 1. in princ. ff. de aleator. l. Patris §. 1. ff. de minor.* Quapropter, si reus poterat facile Prætori probare, se dolo adductum fuisse ad con-

trahendum, Prætor actori denegabat actionem, argum. text. in *l. nam posleaquam. in princ. ff. de jurejur. in l. necessarii in princ. ff. de acquir. velom. hered. in l. veluti 27. ff. de verb. oblig.* Quorsum enim a Prætoze daretur actio, in qua juberet, reum ex bona fide condemnari, si reus ex bona fide condemnari non poterat? *l. 3. in fin. ff. pro soc. l. contractus 23. ff. de reg. jur. l. 5. C. de rescind. vend.* Et hoc est, quod traditur 36 in *l. sed etsi 27. ff. solut. matr.* doris actionem evanescere; & in *l. 3. ff. de rescind. vendit.* ex empto agi non posse; & in *l. hujusmodi 84. §. qui servum ff. de legat. 1.* emptorem absolvi debere actione ex vendito. In quibus legibus ea ratio redditur: quia exceptiones insunt in bonæ fidei judiciis: hoc est, quia in his judiciis a Prætoze nondatur exceptio, sed ea inest in ipso judicio; & cum Prætor ex bona fide judicare jubeat, frustra daret actionem, si reus ex bona fide condemnari non posset: ac propterea recte dicitur, actionem evanuisse, & agi non posse; & reum absolvendum actione.

Quod si de dolo ambigeretur, dabat quidem Judicem Prætor, qui hac de re cognosceret: sed tamen hos non impedit, quo minus reus ipso jure tutus esset, ipso jure non teneretur. Nam ea, quæ juris sunt, a Judice suppleri possunt: *l. unic. C. ut quæ des. ad. jud. 37* supp. at vero, quæ facti sunt, neque a Prætoze, neque a Judice suppleri possunt, cum facta non possit divinare, argum. text. in *l. si pntator. 3. in fin. ff. ad leg. Aquil.* Igitur etiam compen- 38 latio obijci, & opponi debebat, *l. ult. C. de compens. §. in bona fidei Instit. tit. de action. & de ea Judex cognoscere debebat: l. quod in diem 6. §. 1. ff. de compens. l. ult. vers. hoc itaque C. eod. & tamen certum est, quod compensatio ipso jure tollebat, & miscebat actionem, ut supra ostendimus. Ratio est, quia*

quia hæc omnia ad factum demonstrandum pertinebant, non ad jus. Nam probata compensatione, probato dolo, cognoscitur, ab initio nullum fuisse contractum, nullam actionem, & eum numquam fuisse debitorem, & actorem non solum male egisse, sed nihil egisse, ut ait Ulpian. in l. un. §. ult. ff. quando dies ususfr. leg. ced. Quemadmodum, si quis ex falso instrumento, vel conficto testamento aliquid petat, utrique Prætor Judicem dabit; sed, cum constabit de falsitate instrumenti, vel testamenti, apparebit, eum actionem non habuisse, & adversarium debitorem numquam fuisse. Sic in casu nostro, cum constabit de dolo, aut compensatione, apparebit, actorem nihil egisse, & reum numquam fuisse debitorem argum. text. in l. eum alter. 12. & in l. posteaquam 21. ff. de compens. l. ejus quantitas 7. C. de solut. l. si constat. 4. C. de compensat.

Ea, quæ copiose hæcenus disputavi-
mus, enervant etiam vim alterius argu-
menti, quo hanc sententiam labefac-
tare conantur adversarii. Ajunt enim:
quando in contractu nihil deest, quod
pertineat ad substantiam contractus, ipso
jure valet: sed in contractibus dolo ini-
tis nihil deest: nam si quid deesset, id
esset consensus: consensus autem non
deest: quia si deesset consensus, etiam
contractus stricti juris essent ipso jure
nulli: l. 1. §. conventionis ff. de pact. l.
2. ff. de oblig. & action. quod falsum est
l. 5. C. de inus. stip. §. 1. Inst. tit. de except.

Nam demonstratum est, ideo esse nul-
los hosce contractus, quia in judiciis
bonæ fidei insunt exceptiones, lege ita
præcipiente. Atqui, quoties lex resistit
alicui actui, actus est ipso jure nullus,
etiāsi expleta sit ejus substantia. l. non
dubium C. de legib. Sic donatio inter vi-
rum & uxorem non valet lege resiste-
nte l. 1. & 3. & tot. tit. ff. de don. in-
ter vir. & uxor. Et infinita asseri pos-
sent exempla.

Quamquam non absurde quis posset
affirmare, in his contractibus deesse
consensum, licet non desit in contra-
ctibus stricti juris. Dolus enim, quod
quis adducitur ad contrahendum, et si
aperte non impediatur consensus; tacite
tamen, & ex interpretatione voluntatis
contrahentium consensui opponitur. Nam
si velimus tantummodo considerare verba,
& id, quod expressim gesserunt
contrahentes, certum est, eos consensisse:
si vero velimus interpretari eorum vo-
luntatem, non videntur consensisse, quia,
qui dolo deceptus falsa causa adducitur
ad contrahendum, non fuisset contractus-
rus, si causam illam falsam esse scivisset,
adeoque videtur consentire sub condi-
tione, si causa illa vera sit. Hæc inter-
pretatio admittitur in contractibus
bonæ fidei, in quibus ex bono, & æquo
interpretamur voluntatem contrahentium.
l. sed & Celsus 6. §. 1. ff. de contrah.
empt. §. in bonæ fidei 30. Inst. tit. de
action. l. licet §. 1. ff. de jur. dos. Non
admittitur autem in contractibus stricti
juris, in quibus solum spectamus id,
quod lingua nuncupatum est, nec ab
eorum verbis recedimus. l. ita stipula-
tio 115. in princ. ff. de V. O. & ad rem
nostram est testim. l. si ita stipulatio 126.
§. Cbrysogonus in fin. ff. de V. O. Igitur
deest consensus in contractibus bonæ fi-
dei, non in strictis.

Explicabo planius. Si quis falsa cau-
sa adductus ad promittendum, promi-
serit sub conditione: si causa illa vera
sit, stipulatio ipso jure non valebit,
quia conditio falsa de præsentibus ipso ju-
re vitiat contractum. l. si ita stipula-
tio 20. ff. de V. O. §. conditiones Inst.
ead. sed quod efficit in stipulatione id,
quod expressum est, idem efficit in con-
tractibus bonæ fidei id, quod supple-
tur ex interpretatione, & officio Judi-
cis. l. 7. ff. de negot. gest. l. Lucius 20.
ff. de positi. ergo sicut hæc conditio ex-
pressa in stipulatione redderet nullam

46 stipulationem deficiente consensu, ita reddit nullum contractum bonæ fidei, & tollit consensum, etiam si expressa non sit, quia suppletur interpretatione, & officio Judicis ex bono, & æquo.

CAPUT XV.

Ad l. hæc, si res 47. ff. de rei vind.

SUMMARIUM.

- I. Traditionibus, non nudis pactis, dominia rerum transferuntur.
- II. Sine nova traditione transfertur, cum traditio præcessit ex alia causa & quare. n. 3.
- III. Dominium capit a naturali possessione.
- IV. Possessio non solo animo, sed animo & corpore acquiritur.
- V. Quando non sit necessaria rei præsentia ad dominium transferendum.
- VI. Opponitur text. in l. ejus rei. cum seq. ff. de rei vind. & explicatur.
- VII. Rei vindictio datur contra possessorem.
- VIII. Datur etiam contra eum, qui sui se obtulit, aut dolo defuit possidere.
- IX. Cor præsens res dicitur, quæ possidetur: absens, quæ non possidetur. & n. 15.
- X. Mor olim observatus in rei vindicatione.
- XI. Cor dicta vindictio?
- XII. Vindicta, & vindicta quid?
- XIII. Explicatur Cicero in oratione pro Muræna.
- XIV. Rei præsentis nomen in judiciis quid significet?
- XV. Qui sui se obtulit, aut dolo defuit possidere, condemnatur ad puniendum ejus dolum.
- XVII. Si actor a possessore consequatur rem vel affirmationem, non potest postea convenire eum, qui dolo defuit possidere: at, si prius hunc convenerit, potest postea possessorem convenire & quare?
- XVIII. Possessio adversarii parit actionem in rem.

1. **Q**uamvis rerum dominia traditionibus, non nudis pactis, transferantur, l. traditionibus C. de pact. tamen, quando præcessit traditio ex quacunque causa, ex qua res est in potestate alicujus, non est necessaria nova traditio, & sola conventionem dominium transfertur in eum, qui rem ex alia causa detinet. l. certi conditio 9. §. ult.

ff. de reb. cred. l. qui negotia 34. ff. mand. l. qua ratione §. interdum ff. de acquir. rer. 2 domin. §. interdum Insti. tit. de rer. divis. l. absenti 10. ff. de donat. l. si servus 21. §. 1. ff. de acquir. rer. dom. l. si fur. 32. in princ. ff. de usucap. l. si sponsalibus 58. §. 1. ff. de jure dot. Nam res pro tradita habetur ex hac nova causa, idonea ad transferendum dominium. l. si rem qua apud te esset ff. de eviction. d. l. si sponsalibus l. si res autem 9. §. 1. cum seq. ff. de Publician.

Quorum enim traditio, nisi ut rem redigat in potestatem accipientis? Dominium enim coepit a naturali possessione, l. 1. §. 1. ff. de acquir. vel amitt. possess. supervacanea igitur est traditio, quando res est in potestate ejus, qui dominium debet acquirere, & ab eo naturaliter possidetur. Superveniente enim titulo, & animo, affectuque dominii, efficitur iusta, & civilis possessio. l. 3. §. Neratius ff. cod. Neque hæc possessio solo animo acquiritur, quod fieri non potest, l. 3. in princ. & l. quemadmodum 8. ff. cod. sed animo & corpore: accessit enim animus præcedenti detentioni corporali; quo fit, ut animo & corpore res possideatur, & per possessionem dominium acquiratur.

Neque in hac dominii translatione necessaria est rei præsentia. Cum enim ad justam possessionem desit solus animus; eo accedente statim efficitur iusta, & civilis possessio. Et cum ad dominium transferendum desit solummodo titulus idoneus, eo per conventionem superveniente, statim dominium acquiritur. Animus enim, & titulus non desiderant rei præsentiam, & etiam à longinquo operantur. Itaque nusquam Veteres in hac dominii translatione præsentiam rei desiderarunt.

Contrarium tamen videtur constitutum in l. ejus rei cum l. seq. ff. de 6 rei vind. ubi Paulus ait, quod, si reus, qui conveniebatur rei vindicatione, con-

venerit cum auctore de solvenda rei æstimatione, dominium statim ad possessorem pertinet. Subdit deinceps in *l. seq.* Hæc, si res præsens sit; si absens, tunc, cum possessionem ejus possessor nactus sit ex voluntate auctoris.

Qui totius legis verba paulo accuratius perpenderit, facile intelliget, præsentem rem a Paulo dici, quæ est in potestate rei conventi: absentem, quæ non est in ejus potestate, sed ab alio possidetur. Demonstrant id verba, quæ subsequuntur: *Et ideo non est alienum, non aliter litem æstimari a Judice, quam si caveris actor, quod per se non fiat, possessionem ejus rei traditum iri.* Si actor cavere debet per se non fieri, quominus possessio reo tradatur, ergo res ab alio possidebatur, & non erat in potestate rei.

Nec obstat, quod in ea lege reus appellatur possessor, & quod rei vindicta competit solum contra possessorem. §. 1. *Instis. sit. de action. l. officium 9. ff. de rei vindic.*

Nam responderetur, agi rei vindicatione etiam cum eo, qui aut liti se obtulit, aut desitit dolo possidere. *l. qui petitorio 36. l. quod si dolo 22. l. is qui se obtulit ff. de rei vindic. l. fin autem 27. ff. eod.* Et quia hi conveniuntur, tamquam possessores, & tamquam possessores condemnantur; *l. qui dolo 131. ff. de reg. jur.* uno verbo, pro possessoribus habentur; idcirco a Paulo reus conventus possessor appellatur.

Sed qua ratione, quæ de causa præsens res dicatur, quæ a reo detinetur, & in ejus potestate est; absens, quæ detinetur ab alio; non explicant Interpretes nostri. Videtur autem absurda hæc loquendi forma. Atque eo magis, quod agitur de judicio. Quis autem, cum convenitur, rem petitam asserti in judicium? Certe hujus rei exemplum singulare assertur in *l. qui vas argenteum ff. de furt.*

Verum enim vero plena est recondita

eruditionis, & antiquitatis hæc elocutio. Verba hæc accommodata sunt ad veterem judiciorum formam. Vindicabant enim rem in judicio, tamquam præsentem, cum a reo possidebatur. Resertit A. Gell. lib. 20. *Noct. Attic. cap. 9.* primis Reip. temporibus, cum Romanum Imperium angustis finibus concluderetur, cum, qui jurisdictioni præerat, simul cum litigantibus in rem præsentem venisse, atque ibi litigantes manum conferuisse, juxta leges duodecim Tabularum, in quibus scriptum erat: *Si qui in jure manum conferunt.* Atque hinc sortasse nomen vindicationis inditum huic actioni. Ut enim ait Cicer. 2. *de inventione: Vindicatio est, per quam vis, aut injuria, aut omnino, quod obfuturum est, defendendo, aut ulciscendo propulsatur.* In hac manuum contestatione vim adhibebat actor, vim propulsabat reus, & imaginarium quoddam, ac civile bellum inter eos peragebatur. Quamobrem non immerito Ennius bellum huic contestationi comparavit illis versibus.

Non ex jure manu confertum, sed magis ferro.

Rem repetunt: Regnumque petunt: vadunt solida vi.

Sed ad rem redeamus. Subjicit idem Gellius, quod propagatis Imperii finibus, cum Prætor gravaretur in res longinquas proficisci, institutum fuit, tacito consensu contra leges *xii. Tabul.* ut ex jure manu confertum vocarent: id est, alter alterum ex jure ad conferendam manum in rem, de qua ageretur, vocaret: atque ita profecti simul in agrum, de quo litigabatur, terræ aliquid ex eo, veluti unam glebam, in jus, in Urbem ad Prætorem deferrent, & in ea gleba tamquam in toto agro vindicarent. Hanc glebam, quæ totum agrum repræsentabat, *vindicat*, seu *vindiciam* appellatam Festus ait, & apud eum Servius Sulpitius. Glossæ quoque, quæ

quæ Philoxeno tribuuntur, ita vindicias definiunt: *τὴν ἐν ἀμαρτυρίᾳ ἀποζημίωσιν, ἣν οὐκ ἔστιν ἐν ἀποζημίωσιν*. Longe alia est sententia Alconii Padiani in 3. in *Verr.* & aliorum Scriptorum. Sed hæc ad rem nostram non pertinent.

Paulatim autem obsolevit etiam solemnitas illa litigantium professio, & res redacta est ad imaginariam, fictamque professionem, ac meram solemnitatem, ut conjectura assequi possumus perpendendo verba Ciceronis, irridentis Jurisconsulto in oratione pro Muræna. Ne sim longior, verba Ciceronis prætermittam, formulas tantum litigantium ac Prætoris inde depromam. Actor igitur his verbis in iure utebatur: *Fundum, qui est in agro, qui Sabinus vocatur, eum ego ex jure Quiritium meum esse ajo: inde ego te ex jure manu conserutum voco*. Tum respondebat reus: *Unde tu me ex jure manu conserutum vocasti, inde ego te revoco*. His Prætor subijciebat hæc verba: *Utrisque superstitibus presentibus istam viam dico: ite viam*. Præsto erat J.C. qui doceret ire viam. Tum Prætor: *redite viam*. Fingebant igitur in agrum proficisci, atque inde reverti, gleba in jus allata. Atque hæc formulæ in usu erant etiam tempore A. Gellii, ut ipse testatur ibidem, qui floruit non multo ante Paulum nostrum. Quamobrem non est incredibile, etiam ejus ætate ventum fuisse in rem præsentem ficta illa, atque imaginaria professio; vel saltem mansisse nomen rei præsentis, & conservatum fuisse illam reliquam vetustatis etiam abolita consuetudine eundi, & redeundi: quemadmodum *vindicta* nomen mansit etiam sublata virga, & aliis solemnibus ejus munitionibus.

Recte igitur Paulus vocat præsentem rem, quam reus possidet, quia tunc vindicatur tamquam præsens, ac præsens esse fingitur. Dicitur autem abiens, cum a reo non possideret, quia tunc

agitur ad pueniendum dolum rei, ac reus condemnatur ad præstandam litis æstimationem, non tam propter rem possessam, quam propter dolum, qui pro possessione habetur. *l. qui dolo & l. parum ff. de reg. jur.* hujus rei argumento sit: quod, si actor prius convenerit possessorem, & ab eo vel rem ipsam, vel litis æstimationem sustulerit, non potest amplius convenire eum, qui dolo desit possidere. Contra, si prius convenerit eum, qui dolo desit possidere, & ab eo consecutus sit rei æstimationem, potest nihilominus convenire possessorem, & ab eo auferre rem, vel litis æstimationem. *l. nec ullam §. pen. in fin. ff. de petit. heredit. l. Stichum §. dolo ff. de solut. l. si is qui 7. ff. de rei vindicat.* Ratio est, quia possessio parit actionem in rem. *l. un. C. de alien. mut. judic. caus.* Itaque licet consecutus sit rei æstimationem ab eo, qui dolo desit possidere, tamen extincta non est actio, quam ei parit possessio alterius, qui vere possidet. Atqui illam litis æstimationem consecutus est ex dolo adversarii, non ex ejus possessione. Quare nulla causa est, cur solutio hujus æstimationis extinguat actionem. Contra vero secundo casu, quia rem vel litis æstimationem a possessore auferit propter rem possessam, & ex causa possessionis, statim extinguatur actio, quæ ex ea possessione nata erat. Nec amplius haberi potest ratio doli ejus, qui desit possidere, cum actor dolo illo deceptus non sit, nec damnum sit passus re sua recuperata. *argum. text. in l. is qui se obtulit 25. cum seq. ff. de rei vind.*

Non potest igitur fingi res præsens, quando reus non possidet, cum potius dolum, quam possessio, liti causam præbe-

C A P U T XVI.

Ad l. Ejus qui 41. ff. de reb. cred.

S U M M A R I U M.

- I. Error contrarius est consensui.
- II. Quod per errorem actum fuit, non valet.
- III. Error in corpore rei vitiat contractum.
- IV. Error impedit dominii translationem.
- V. Non transferitur dominium, nisi concurrat affectus utriusque contrahentis.
- VI. Qui transfert aliud dominium, quam quod vult, nihil transfert.
- VII. Tradens voluntate, aut jussu domini, transfert dominium.
- VIII. Dominium non transfert, qui vult transferre dominium, quod non habet, licet sit ex alia causa dominus.
- IX. Explicatur l. servum Tituli ff. mand.
- X. Diversa sunt dominia, ex diversis causis quaesita.
- XI. Quam de evictione tenet actio, multo magis repellit exceptio.
- XII. Transfertur dominium eo eo, qui vult illud dominium transferre, etiamsi ignoret se habere.
- XIII. Explicatur l. ejus qui 41. ff. de reb. credit.
- XIV. Explicatur l. si pater ff. de man. vind. & qua in re diffusus liberus a dominio.
- XV. Jussus & mandatum morte mandantis finitur.

1. Error contrarius est voluntati, & consensum, & conventionem impedit. l. sed hoc ita 20. ff. de aqu. & aqu. pluvi. l. 2. ff. de judic. l. si per erro-
2. rem ff. de jurisdic. omn. judic. hinc nihil valet, quod per errorem actum est. l. in omnibus negotiis ff. de obligat. & act. Multi errores possunt in contrahendo, & hominum commerciis intervenire. Duo sunt meo judicio similes: error in corpore rei, de qua contrahimus: & error in dominio, quod volumus
3. transferre. Si erratum sit in corpore rei, inutilis & irritus est contractus, ac nulla ex eo nascitur obligatio. l. inter stipulantes 83. §. 1. l. continuus 137. §. 1. ff. de V. O. l. 9. in princ. ff. de contr.

empt. §. si de alia Instis. sit. de inut. stip.

Si erratum sit in dominio, quod transferre volumus, pariter inutilis, & irritus est actus, nec dominium transfertur. Nemo enim errans rem suam amittit. 4
l. si procurator 39. ff. de acquir. rer. dom. l. 3. §. subtilius ff. de cond. causi. dat. l. etsi consensum 15. §. ult. ff. de contr. empt. quemadmodum enim nullus sine conventionione potest esse contractus, l. 1. §. adeo ff. de pact. ita & dominium transferri non potest, nisi concurrat affectus ex utraque parte contrahentium. l. in omnibus rebus ff. de oblig. & action.

Sunt autem similes hi duo errores. 6
Sicut enim non sufficit ad contrahendam obligationem, velle fundum vendere, vel alio modo contrahere, nisi fundus, quem vendimus, sit ille ipse, quem vendere volumus; ita non sufficit velle dominium transferre, nisi illud ipsum dominium transferamus, quod volumus: & sicut vendendo aliud corpus, quam quod vendere volumus, venditio nulla est, ita transferendo aliud dominium, quam quod transferre volumus, nihil agimus, & nulla est alienatio. l. etsi consensum 15. §. ult. ff. de contr. empt. Vendidisti mihi, vel donasti rem meam, & jussu meo alii tradidisti. Nulla videtur esse causa, cur dominium non transferatur in accipientem: nam qui rem tradit jussu, & voluntate domini, transfert dominium. §. nihil autem interest Instis. tit. de rer. divi. Dominus eram: habui voluntatem transferendi domini: intervenit traditio necessaria ad dominium transferendum, & tamen dominium non transfertur. Quid ita? quia volui transferre dominium, non meum, quod habeo, sed tuum, quod transferre non possum, quia non habes. d. l. etsi consensum. in fin.

Idem omnino statuendum est, si voluerit transferre dominium, quod putat se habere, cum non habeat, licet sit do.

dominus ex alia causa, & habeat dominium, quod se habere ignorat. Sicut enim, qui vult vendere, aut donare fundum Cornelianum, & vendit, aut donat Sempronianum, non contrahit obligationem, licet habeat fundum Sempronianum, deficiente voluntate. *l. in conditionibus g. in princ. ff. de contr. empt.* ita non transfero dominium, licet illud habeam, si non eo animo sum, ut illud ipsum, quod habeo, transferam; sed aliud ab eo diversum, quod transferre non possum, quia non habeo.

9 *l. servum Titii 49. ff. mand.* Servi dominus eram, cum id ignorarem. Fui hæres Sempronii, qui servum illum emerat a non domino, ac proinde dominus factus non fuit. Cum tamen crederem, Sempronium dominum fuisse, putabam, dominium Sempronii in me translatum fuisse jure hæreditario: & me esse servi dominum tamquam hæredem Sempronii, cum vere multo ante dominus essem ex alia causa. Vendidi servum illum, vel alius jussu meo vendidit: non transfero dominium in emptorem. Volo enim transferre dominium in me a Sempronio translatum jure hæreditario, quod transferre non possum, quia non habeo. Dominium autem, quod habeo, non transfero, deficiente voluntate: cum enim dominium illud me habere ignorem; non possum habere voluntatem *o* ejus transferendi. Sunt autem diversa hæc dominia. *l. si mater §. eandem causam ff. de except. rei judic.* Itaque possum servum, quem vendidi, vindicare.

11 *l. l. servum Titii in fin.* Repellor tamen exceptione doli mali, quia cum teneat de evizione, alio vindicante, dolo facio ipse vindicans, quod vendidi. *l. vindicantem ff. de evizion.*

Quemadmodum autem, cum non est erratum in corpore rei, nihil interest, an res sit penes cum, qui contrahit, an penes alium; &, etiam si contrahens ignoret, se rem habere, quam habet; ta-

men contrahitur obligatio: ita transfer-
tur dominium, etiam si ille, qui vult transferre dominium, ignoret, se illud habere; dum tamen velit transferre illud ipsum dominium, quod habet, licet putet, dominium illud non penes se esse, sed penes alium. Quid enim refert, ipse habeat dominium illud, an alius, si & vult illud dominium transferre, & potest transferre, cum ipse habeat? Evenit id cum quis acquisivit ab aliquo dominium ignorans, quod iam aliquem transferre vult, cum putet ejus esse, cujus erat, antequam in ipsum transferretur: veluti si dominium acquisiverit jure hæreditario ignorans.

His expositis constat, verissime ab Africano responsum fuisse in *l. ejus qui. 13. Vers. quas vero pecunias ff. de reb. cred.* pecunias a servo creditas, pro ea parte alienatas fuisse, pro qua ipse hæres extitisset, licet id ignoraret: quod responsum perculit omnes Interpretes. Servus fuit hæres domini ignorans: itaque dominium pecuniae acquisivit ignorans. Pecuniam credidit, dominium transiit in mutuatarium; non quia hæres videatur eadem persona cum defuncto, ut quidam Viri docti sunt arbitrati: nihil enim hoc ad rem pertinet. Non eadem persona id efficit, sed idem dominium. Voluit nimirum servus transferre dominium pecuniae in mutuatarium, quod putabat esse penes dominum suum, & erat penes se ipsum: sed tamen erat idem dominium. Nam a domino in illud translatum erat jure hæreditario. Ignoravit, quis haberet illud dominium, non vero erravit in dominio: voluit enim illud ipsum dominium transferre, quod vere transferre poterat, quia ipse habebat jure hæreditario quæsitum. Itaque nulla ratio est, cur transferre non debeat. §. per traditionem *Instit. tit. de rer. div.* hinc puto, veteres Interpretes recte statuisse, quod, quando quis habet causam ab eo, quem dominum putat

tat, tradendo dominium transfert, licet ipse ignoret, se esse dominum. Etenim, cum habet causam ab eo, quem dominum putat, habet illud ipsum dominium, quod ille habebat, & cum velit transferre dominium, quod ille habebat, utique vult transferre suum dominium: est enim idem dominium ab eo in hunc translatum.

Idem constitutum est in libertate. Si quis servum suum manumittat, quem putat alienum, servus fit liber, quia verum est, voluntate domini manumissum esse. *l. si pater 4. §. quoties ff. de manum. vind.* Nec obest error ignorantis, suum esse servum, sicut non obest error ignorantis, suum esse dominum. Illud animadvertendum, quod in libertate non querimus, an manumissor habuerit causam ab eo, quem putabat dominum servi. Nam libertas una & eadem est, nec errari potest in genere libertatis: nec ea ab uno ad alium transfertur simul cum servo, quemadmodum dominium; nec a domino quidem in servum transfertur, cum eum manumittit. Itaque in manumissione non potest manumissor errare, & velle servo dare libertatem, quam habet Titius, non quam ipse habet; cum libertas, quam servus ex manumissione consequitur, non fuerit penes quemquam; nec possit esse hæc vel illa libertas: neque enim existit ante manumissionem.

15 Contrarium videtur constitutum in eadem *l. si pater. in princ.* ubi id contingere dicitur favore libertatis. Sed non eo pertinet favor libertatis, ut manumissus liber fiat, sed ut videatur manumissus jussu, & mandato domini, etiamsi post mortem ejus fuerit manumissus, cum in aliis causis jussus & mandatum morte finiantur. *l. si per epistolam 50. ff. de acquir. hered. l. mandatum C. mand.* Quod si mutata fuerit voluntas, non videbitur volente patre manumissus. *l. quaesitum §. Julianus ff. qui, & a quib. manum.* Itaque favor libertatis id efficit, ut, nisi constet, domi-

Tom.I.

CAPUT XVII.

Ad l. si ego pecuniam 18. ff. de reb. credit.

SUMMARIUM.

- I. Error in causa contrahendi vitiat utrumque contractum.
- II. Sine conventionione nullus contractus.
- III. Error in causa domini transferendi impedit domini translationem, si utraque causa non sit idem.
- IV. In dominio transferendo concurrere debet voluntas utriusque.
- V. Si utraque causa sit idem, error non impedit domini translationem.
- VI. Cur in dominio transferendo utriusque voluntas debeat concurrere.
- VII. Conciliatur Ulpianus cum Julianis. & non seqq.
- IX. Nummos non fieri accipimus, & mutuum non esse contractum, idem significam.
- X. Reversus nummos sua voluntate consumptos obstat exceptio.
- XI. Mutuum non recte contractum consumptione conciliatur.
- XII. Voluntas dantis attenditur in domini translatione.
- XIII. Nuda traditio dominium non transfert.
- XIV. Ad dominium transferendum sufficit etiam causa putativa, & explicatur exemplis.
- XV. Solvens indebitum transferi dominium, & idem repetit conditio, non rei vindicationis.
- XVI. XVII. Qui habet mandatum a domino, si tradat proprio nomine, dominium non transfert: & quare.

Diximus de errore in dominio transferendo: de errore in causa transferendi domini pauca subiciamus, de quo non minus impedita, & magnis difficultatibus involuta disputatio est. Quando erratum est in causa domini transferendi, duæ quæstiones occurrunt: altera de obligatione, altera de dominio. Quantum attinet ad obligationem, constat, inter omnes, hunc errorem obstat obligationi, & neutrum contractum valere. Dedi tibi pecuniam, quasi donaturus, tu quasi mutuum accepisti: nec donatio, nec mutuum contrahitur. *l. si ego pecuniam 18. ff. de reb. credit.* Non
P do

donatio, quia defuit tuus consensus, qui non ex causa donationis accepisti. Non mutuum, quia deest meus consensus, qui non habui animum mutui contrahendi. *l. in omnibus negotiis ff. de oblig. & act. sine conventionem enim non potest esse contractus. l. 1. §. conventionis ff. de pact. conventio autem non est consensus unus tantum, sed duorum in idem placitum concurrentium. d. l. 1. §. & est passio. Non concurrunt autem in idem placitum, cum alter donationem, alter mutuum voluerit contrahere.*

- 3 Quantum autem attinet ad dominium, ita distinguendum est. Si utraque causa non sit idonea ad dominium transferendum, constat inter omnes, dominium non posse transferri. Ad dominium enim transferendum non sufficit voluntas unus, sed requiritur affectus ex utraque parte contrahentium. *l. in omnibus rebus ff. de oblig. & act. Non potest autem concurrere affectus utriusque contrahentis, cum utraque causa non est idonea ad dominium transferendum. Dedi tibi pecuniam quasi mutuum; tu quasi depositam aut commodatam accepisti: non transfertur dominium, quia licet ego voluerim transferre, tu tamen acquirere noluisti, cum commodatarius dominium non acquirat. l. rei commodata. cum seq. ff. commod.*

Si vero utraque causa sit idonea ad dominium transferendum, putat dominium transferri Julianus in *l. cum in corpus ff. de acquir. rer. dom. nec ait, se videre, cur inefficax debeat esse traditio. Et merito: quia traditio conjuncta cum affectu utriusque, & dantis & accipientis, omnium dominium transfert. l. in omnibus rebus ff. de oblig. & act. §. per traditionem Instit. tit. de rer. div. Qui dedit, voluit dominium transferre: qui accepit, voluit dominium acquirere. Quid cause est, cur ille non transferat, hic non acquirat? An non naturali equitati consentaneum est, utriusque volun-*

tatem servari, eum uterque de dominio transferendo consentiat? *d. §. per traditionem. At enim diffentiunt in causa transferendi. Hoc quidem pertinet ad obligationem, quæ ex illa causa nasci debet, & hic dissensus obstat obligationi; non tamen obstat dominio, quod traditione transfertur: eui traditioni ideo 6 accedere debet utriusque voluntas, ne aut invito dominium auferatur, aut invito acquiratur, quod rationi repugnat: hic autem neque invito auferatur, neque invito acquiratur; & ideo nulla causa est, cur traditione transferri non debeat. Nec obstat dissensus in causis dandi, & accipiendi: d. l. cum in corpus. in fin. ff. de acquir. rer. dom. quia hic potius respicit obligationem, quam dominium, quod etiam ex causa non vera transfertur, ut infra probabimus. Non enim, ut causa producat obligationem, ita & transfert dominium. In obligatione causa requiritur, (licet his verbis uti) tamquam productiva obligationis; in dominio desideratur, tamquam declarativa voluntatis. Quomobrem ex falsa causa dominium transfertur, licet ex ea non nascatur obligatio. Idcirco Julianus in hac sententia constituenda non hæsitavit, sed constanter dixit transire proprietatem in te, si ego tibi pecuniam numeravero, quasi donaturus, tu quasi creditam acceperis.*

Ulpianus tamen in nostra *l. si ego pecuniam ff. de reb. cred. contrarium respondit: Si ego pecuniam tibi quasi donaturus dederis, tu quasi mutuum accipias, Julianus scribit, donationem non esse. Sed an mutuum sit, videndum: & 7 puto nec mutuum esse, magisque nummos accipientis non fieri, cum alia opinione acceperis. Quare si eos consumpserit, licet conditione teneatur, tamen doli exceptione uti poterit, quia secundum voluntatem dantis nummi sunt consumpti.*

Hujusmodi responsum percudit omnes Interpretes. Mirum est, quanta com-

ma-

menti sint, ut Julianum cum Ulpiano componerent. Plerosque doctes refellit Melch. de Valent. in *epist. jur. exercit. exerc. 10.* quibus etsi non pauca addi possent, tamen operæ pretium non est, in re tam difficili, tamque controversa ad evertendas aliorum opiniones laborem impendere. Quamvis vero propiora a me proferre non posse consilium; liceat tamen aperire, quid sentiam.

Animadvertendum est, Ulpianum in laudata *l. si ego pecuniam*, non tractasse quæstionem dominii, de qua secundo loco diximus; sed quæstionem obligationis, quam primo loco exposuimus. Nihil enim aliud querit, quam, an valeat donatio, an valeat mutuum, & neutrum valere respondet. Et recte, ut initio probavimus. Contra Julianus in *l. cum in corpus ff. de acquir. rer. domin.* tractat alteram quæstionem dominii: neque enim querit, an valeant contractus, sed an dominium transferatur, licet erratum fuerit in causa dominii transferendi. Respondet autem, dominium transferri, quod & nos probavimus in secunda quæstione.

- 8 Hætenus igitur nullum dissidium est inter Julianum, & Ulpianum. Ac, si Ulpianus non adjecisset illa verba: *Magisque nummos accipientis non fieri*; nemo posset judicare, Ulpianum a Julio dissidere. Itaque si verba illa in ea significatione accipi possint, ut conveniant quæstioni obligationis, quam tractat Ulpianus, nec referantur ad quæstionem dominii, nulla erit inter eos dissensio. Ac, si accurate rationem loquendi a Veteribus usurpatam expendamus, non erit ab eorum mente aliena hujusmodi interpretatio. Illi enim mutui adeo proprium esse existimabant pecuniam fieri mutuatarii, ut, cum volebant significare contractum non fuisse mutuum, hac formula uterentur: *pecuniam non fuisse factam accipientis*, ut in *l. rogasti 11. in l. nam etsi fur. 13.*

in *princ. in l. ejus qui 41. vers. nam et si tibi ff. de reb. cred. l. proinde ff. cod. vel pecuniam non fuisse alienatam. l. ejus qui, vers. quas vero pecunias ff. cod.* Itaque cum ait Ulpianus: *magisque nummos accipientis non fieri*; non recedit a quæstione obligationis, quam tractabat, nec tractandam suscipit quæstionem dominii, quæ ad rem non pertinebat: & ideo verba illa nihil aliud significant, quam mutuum non fuisse contractum; & nummos ex causa mutui non fuisse factos accipientis, quia alia opinione acceperit: hoc est, quia causa, ex qua dari sunt, non est eadem, ac causa, ex qua accepti sunt. Quamobrem cum non conveniret inter eos in causa dandi & accipiendi, neutra causa potest subsistere. Et cum neutra causa subsistat, nummi ad accipientem pervenerunt sine causa, & ideo repeti, & condici possunt. *l. ult. ff. de cond. sine causa.* Quia tamen secundum voluntatem dantis contractus sumpti sunt, repetenti obstat exceptio. *d. l. si ego pecuniam.* Ex quibus constat, quod in hac lege solum tractatur quæstio obligationis, non dominii; & quod etiam verba illa: *magisque nummos accipientis non fieri*, ad eandem quæstionem obligationis sunt referenda, & ad causam dominii, non ad ipsam dominii translationem. Uno verbo: non sunt accipientis ex causa mutui: an fiant absolute & simpliciter, ibi non queritur, quia non tractatur quæstio dominii.

Atque ut hoc clarius pateat, duo consideranda sunt. Primum quod, cum soleat mutuum, quod traditione contractum non erat, consumptione conciliari, & nasci conditio ad mutuum rependum; *l. rogasti 11. §. ult. l. nam etsi fur. in princ. Et in §. 1. ff. de reb. cred. l. si quis pro eo §. si nummas ff. de fidejuss.* querit Ulpianus, an consumptis nummis conditio sit efficax ad rependum; & respondet obstat exceptio-

nem, quia voluntate dantis consumpti fuerunt. Unde constat, hic agi de obligatione & actione ad repetendum, non de dominio.

Præterea notanda est particula illa: *quare*, quæ causam notat: & contineret absurdum sententiam, si supra egisset de dominio. Ex eo enim, quod nummi non fiant accipientis, perperam deducitur, quod consumptis nummis datur exceptio adversus repetentem; cum potius contrarium deduci possit & debeat. Eset igitur inepta illatio illa, nisi id omne, quod præcedit, referatur ad obligationem. Optime autem id deducitur ex eo, quod non sit mutuum; nam si mutuum esset, non obstat exceptio repetenti: obstat autem, quia dominium translatum est non ex causa mutui, sed sola voluntate dantis, quæ attenditur in dominio transferendo. *l. qui mihi 13. ff. de donat. §. per traditionem Infit. tit. de rer. divif.*

Sed potest opponi, quod si neutra causa subsistit, neque donatio, neque mutuum, transferri non potest dominium, quod nuda traditione non transferitur. *l. numquam nuda 31. ff. de acquir. rer. dom.*

Respondetur, non esse nudam traditionem, sed traditionem factam ex causa idonea ad dominium transferendum: & utrumque, tam dantem, quam accipientem, eo animo fuisse, ut dominium transferretur, & transferretur ex causa idonea. Quo casu etiam causa falsa sufficit ad dominium transferendum: quia causa idonea tantummodo requiritur ad fundandam voluntatem dantis & accipientis. Itaque, & cum quis solvit indebitum, transfert dominium, nec repetit indebitum rei vindicatione, quæ domino datur, sed conditione indebiti. *§. 1. ff. de condit. ind. conditio autem numquam domino datur, nisi adversus furem §. sic itaque discretus Infit. tit. de acq. Et cum quis dat aliquid si-*

ne causa; cum tamen veram, ac justam causam subesse putet, dominium transfert. *l. 1. in fin. l. ult. in princ. Et in §. 1. ff. de condit. sine caus.* Et, si quis putet, se libertatem accepisse sub conditione, si decem Titio dederit; cum vere libertatem pure accepisset; si decem Titio dederit, dominium transfert, quia, licet vera causa non subit; tamen eam subesse putat; & ideo eo animo dat, ut dominium transferat ex ea causa, quæ justa esset & idonea, si vere subesset, sicut ipse putat. *l. 3. §. subtilius; vers. quid ergo ff. de condit. caus. dat.* hic enim error non impedit voluntatem dantis, qui omnino vult dominium transferre. Quapropter & in casu nostro dominium transferri debet, quia subest causa donationis, quæ vera est ex opinione, & voluntate tradentis, licet falsa sit propter errorem accipientis, qui alia opinione accipit. *d. l. si ego pecuniam.*

Nec obstat text. in *l. si tibi dederim 16 25. ff. de donat.* Nam ibi dominium non transfertur, deficiente jure, & auctoritate tradentis. Nam qui rem tradidit, neque dominus erat, neque habebat mandatum a domino: non enim tradidit nomine mandantis, sicut ei mandatum fuerat, sed nomine suo, contra id, quod ipsi mandatum erat. Ac propterea, cum neque ipse dominus esset, neque ex mandato, & voluntate domini dederit, non potuit dominium transferre. *l. traditio 20. ff. de acquir. rer. domi. §. per traditionem Et §. nihil autem interest. Infit. tit. de rer. divif.*

C A P U T XVIII.

Ad l. si quis vinum 9. ff. de vino trit. Et oleo leg.

S U M M A R I U M.

L. Rerum vocabula sunt immutabilia: Et non ex opinionibus, sed ex usu sunt expandenda.

Il. Nox

- II. Non videtur dixisse, qui suo nomine usus non est.
- III. Error in nomine non vitiat institutionem, legatum, contractus, indicia.
- IV. Nomina propria mutabilia sunt.
- V. Error in nomine appellativo vitiat legatum.
- VI. Legato vino quid continetur?
- VII. Legato vestis muliebris non continetur vestis muliebris, qua testator utebatur.
- VIII. Vestis muliebris solo usu differt a virili, & quedam vestes sunt utriusque communes.
- IX. Testatoribus permittitur abusive loqui. Vide exempla.
- X. Vini duo genera; naturale, & factitium. Factitia que.
- XI. Chartarum legato libri non continentur, & quando.
- An argentum legato supellectilibus continetur.
- XII. Legato vino mulsam non continetur; & quid sit.
- XIII. Legato vino continetur aromati, quid sit, an differat a mulsis. Vinum Narbonense quomodo feret. Passum quid.
- XIV. Psyllium, & melampsygium passii genera.
- XV. Vinum melitense quid sit, & quomodo fiat.
- XVI. Acinaticum quid, & quomodo fiat?
- XVII. Legato vini defrutum non continetur.

rit; vel aurum, putans eo contineri electrum, & orichalcum; neque vestis, neque electrum, neque orichalcum debetur. Nam, ubi nulla est in verbis ambiguitas, non est admittenda voluntatis questio. *l. ille, aus ille. §. 1. ff. de leg. 3. l. non est ferendus ff. de transact. l. quicquid, in fin. ff. de V. O.*

Contrarium tamen responsum videtur in nostra *l. si quis vinum ff. de vin. trit. 6* & *aleo legat.* ubi ait, quod, licet vini appellatione non contineatur zythum, camum, cervisia, hydromeli, cydoneum, defrutum; tamen legato vino hæc omnia continebuntur, si ea vini numero patrifamilias habuit. Sola conjectura ducta ex usu patrisfam. efficit, ut vini nomine comprehendantur ea, quæ vina non sunt.

Nec simile est, quod respondetur in *7 l. inter vestem 33. ff. de aur. & arg. leg.* ubi, qui uti solet veste muliebris, non videtur, hanc vestem comprehendisse legato vestis muliebris. Ideoque usus testatoris prævalet rei veritati.

Non est, inquam, hoc simile: nam *8* vestis virilis a muliebris solo usu differt, non substantia; & quedam sunt vestes utrique communes, & communes usus facit. *l. vestis 23. §. vestimenta, cum seqq. ff. eod.* At vero zythum, cervisia, & aliz hujus generis potiones substantia differunt a vino, quam mutare non potest usus, ac voluntas testatoris.

Sed animadvertendum est, quod, *li. 9* cet rerum vocabula sint immutabilia, nec quicquam videtur dixisse quod non suo nomine usus est: tamen non adeo præfracte apendum est cum testatoribus, ut ad definitionem descendendum sit, nec iis negandum ut abusive loquantur interdum: *l. non aliter 69. §. 1. ff. de legat. 3. l. cogi 16. in princ. ff. ad SC. Trebell.* maxime si utantur nomine generali, quod aliquo modo possit eam speciem comprehendere, etsi minus proprie,

- R**ERUM vocabula sunt immutabilia, *l. 4. ff. de leg. 1.* nec ex opinionibus, sed ex usu communi sunt exaudienda: atque ideo nemo videtur, dixisse id, quod suo nomine usus non est. *l. Labeo ait 7. §. Servius ff. de supellect. leg.* Quocirca, licet error in nomine proprio nec institutionem vitiet, *l. si in nomine C. de testam.* nec legatum, *l. 4. ff. de leg. 1. §. si quis in nomine Inst. tit. de legat.* neque contractus, *l. si in nomine ff. de V. O. l. in venditionibus 9. §. si in nomine ff. de contr. empt. neque iudicium; l. idem Pomponius 5. §. cum in rem ff. de rei vindic.* quia nomina propria mutabilia sunt, & a nostro arbitrio pendent; *d. l. 4. ff. de leg. 1.* tamen constanter veteres responderunt, inutile esse legatum, si testator erraverit in nomine appellativo. *d. l. 4. vers. quod si quis, l. Labeo 7. §. Servius, cum seq. ff. de supellect. leg. l. si alii fundum ff. de us. & usufr. leg.* Itaque si quis vestem legare volens supellectilem legave-

pie, & abusive. Sic permittimus testatori, ut abutatur nomine *usus* ad significandum usufructum; l. *Divus* 21. in princ. ff. de usu, & habis. & abutatur nomine *tutela* ad significandam curam; l. *Pater Severinam* 101. §. *conditio* ff. de condit. & dem. & pubertatem vocet *minorem etatem*, l. cum *fidiosam* 50. versic. ego quidem ff. de leg. 3. Idque suadet tum rerum inter se similitudo, tum generalis verbi significatio. Nam & usufructus est quædam species usus: ac licet in jure differat usus ab usufructu; tamen negari non potest, quin & fructuarius vere utatur & habeat plenioris rei usum. Et cura species tutelæ est: quia qui curat aliquid, etiam tueretur. Et minor ætas est plenissima pubertas.

Quibus probe constitutis facilis est, & prompta nostræ legis explicatio. Vini duo genera sunt: naturale, & factitium. Factitium non est vere, & proprie vinum: sed tamen & habet vini similitudinem, & vinum a multis appellatur. Nam & pro vino bibitur a multis Nationibus. Quamobrem nulla causa est, cur vini appellatione non debeat comprehendi, si aliqua conjectura possumus arguere mentem testatoris, illud legato comprehendere volentis.

Primum igitur habet maximam vini similitudinem. Tacit. de moribus German. Potui humor ex hordeo, acs frumento, in quamdam similitudinem vini corruptus. Virgil. 3. Georgic. de Populis ad Septentrionem:

Et pocula leti.

Fermento, atque acidis imitantur vitæa ferbis.

En zythum: en cydoneum, nempe vinum ex pomis confectum. Hydromeli quoque, seu aqua mulla, seu aqua melle condita, ejusdem modi est. De hac Plin. lib. 22. cap. 24. Longa tamen vetustate transit in vinum, ut constat inter omnes. Aristotel. de mirab. auscult.

cujus verba Græca omittam, & Latine vertam, ne fastidium creem illis, qui Græca nesciunt. Ait igitur. Ferunt Illyrii, quos Taulantios vocant, ex melle vinum conficere. Nam ubi favos expresserint, aqua superfusa coquant in lebetis, donec dimidium absumatur: deinde fictibus infundunt, & jam tum dulcissimum ponunt in vasis ligneis, in quibus longum tempus conservant, & quadis omnino vino simile, cætera dulce, & sincerum. Hoc idem in Græcia aliquando evenisse quidam ferunt, adeo ut a vino vetere nihil differret: sed postea eandem temperationem quærentes invenire non potuisse.

Præterea hujusmodi vina factitia a veteribus Auctoribus vina appellatur. Ita zythum definit Suidas: Ζυθος, οίνος από μελις μερόμενος. Zythum, vinum ex hordeo factum. Tacit. de morib. German. Diem noctemque continuare potando nulli probrum: crebra, ut inter vinolentor, rixæ: & deinceps. Potui humor ex hordeo, & frumento, in quamdam vini similitudinem corruptus. Athenæus, lib. 10. Deipnosophist. in fin. ait, Ægyptios, qui ob egestatem vino carere cogebantur, excogitasse inapia solatium, & bibisse vinum ex hordeo confectum. Et narrat, Aristotelem scripsisse, eos, qui vino temulentum sunt, pronos in faciem vergere: eos autem, qui vino hordeasco, in caput resupinari. Aristot. de mirab. auscult. Εἰς Ἰλλυρίους φησὶ, τοὺς Ταυλάντιους λαλόμενους, ἐκ τοῦ μελιπῶτος οἶνον. Ferunt apud Illyrios, qui Taulantii vocantur, ex melle fieri vinum. Plin. lib. 14. cap. 17. Fit vinum & ex aqua, ac melle tantum &c. hoc vocatur hydromeli, & vetustate saporem vini assequitur. Et infra: Ex unguentis vina composita. Et lib. 22. cap. 4. Longa tamen vetustate transit in vinum, ut constat inter omnes.

Denique multæ Nationes his potionibus pro vino utuntur. Dioscorid. lib.

2. cap. 110. Καὶ τὸ καλῶμενον κόρμι, σκευῶμενον δι' ἡν τ' ἀκαθάρσις, ἢ καὶ ἀντι οἶνον πρὸς πολλὰς χύσεται σαφρῶνται καὶ ἐν πυρὶ τοικῶτα ποίετα, ὡς ἐν πρὸς ἐμῶν ἰσθρίων, καὶ Βριτανίᾳ. Et quod vocatur curmi, ex hordeo fit, qua potione multis in locis pro vino utuntur. Fiant & ex tritico hujus generis potiones, tum in Iberia, que vergit ad Occidentem, tum in Britannia. Est autem hoc curmi id, quod in nostra l. si quis vinum ff. de vino srit. leg. appellatur casum. Utrumque enim simile cervisiz, quæ ita vocata est a Cerere, id est fruge: est enim potio ex seminibus frumenti, vario modo confecta. Ita Theodor. lib. 20. cap. 3.

D. Hieronym. in Esaiam cap. 19. Zythum genus est potionis, ex frugibus, aquaque confectum. Et vulgo in Dalmatia Pannoniaque Provinciis gentili barbaroque sermone appellatur Sabaium: hoc maxime utuntur Ægyptii. Utrumque verum: de nomine Ammian. Marcellin. lib. 25. Est autem Sabai ex hordeo vel frumento in liquore conversus pauperius in Illyrico potus. De Ægypto testatur Athen. loco supra laudato: & versus allatus a Columella.

Et Pelusiaci praritet pocula zythi. Plin. lib. 22. cap. ult. Ex iisdem frugibus sunt & potus: zythum in Ægypto: celia, & ceria in Hispania: cervisia, & plura genera in Gallia, aliisque Provinciis. Id. lib. 14. cap. ult. in fin. Est & Occidentis Populi sua ebrietas fruge madida. Pluribus modis per Gallias, Hispaniasque nominibus aliis, sed ratione eadem. Ægyptus quoque e fruge sibi potus similes excogitavit: nullaque in parte mundi cessat ebrietas. Viden', quot Nationes his potionibus pro vino uterentur? Ægyptus, Illyricum, Dalmatia, Pannonia, Gallia, Hispania, Britannia. De Gallia testatur etiam Diodor. lib. 3. ubi ait, quod, cum ea regio propter æris frigiditatem neque vinum, neque oleum producat, coacti fue-

runt homines potum sibi ex hordeo comparare, quem zythum appellant. Vix totidem Nationes repereris, quæ vino uterentur.

His potionibus pro vino utuntur etiam hodie multæ Nationes: sed hæc scripsimus, ut ostenderemus, non aliana fuisse eorum temporum consuetudinem. Atque omnino mirandum est, quam in bibendo ingeniosa esset illa ætas. Plin. lib. 12. cap. ult. Quanto tamen in potu ingeniosior apparet, ad bibendum generibus centum nonaginta quinque, si species vero assumentur, pene duplici numero excogitatis. Nos etli Indicas potiones accenseamus, tamen ad hunc numerum non poterimus pervenire. Concludam adjecto lepidissimo epigrammate Juliani Imperatoris, quod est in libro primi Anthologie, & inscribitur: In vinum ex hordeo. In eo Bacchum alloquitur Poeta, & ait, le quidem agnoscere verum Bacchum Jovis filium; non autem hunc. Ille enim nectar olet: hic autem hircum. Hunc racemorum inopia confecerunt ex spicis Celta: quare potius Demetrium (hoc est a Cerere) appellandum esse ait, quam Dyonisum: & ex frumento genitum, & Bromum potius, quam Bromium. Est autem bromus, avena.

Τίς; ποθὲν εἰς Διόνυσον; μά γὰρ ἔ
ἀλκεία Βραχόν Οὐ εἰργάσθηται
τ' Διὸς οἶδα μόνον.

Καῖνος γένετο δῶδε, σὺ δὲ τ' ἔργον.
ἢ ὅτ' σε Κελτοὶ Τῇ πενίᾳ βοτρυῶν
πύθεν ἀπ' ἀσχυῶν.

Τὼ σε χρὴ καλεῖσθαι Δημίτηρον, οὐ
Διόνυσον. Πραγινὴ μάλλον, καὶ Βρό-
μον, οὐ Βρίμιον.

Unde? quis ex Dionys? satum Jove
dicere Bacchum.

Par est: Tu Bacchi nomen inane geris.
Hircum tu redoles, hic nectar: spica
Celta, Vites cum nequeant, pocula,
Teque bibunt.

Non Jovis, at Cerevis sobolem voco:
Fru-

Frugigenamque.

Te decet, atque Bromum dicere, non Bromium.

Ad legem nostram revertamur. Recte in ea notat Ulpianus, ea omnia ex mente testatoris vini legato contineri, quæ pro hominum affectione, atque usu, vini numero habentur. Convenit his illud Plinii lib. 14. cap. 10. *Non possunt jure dici vina, quæ Græci deuteria appellant. Cato: Et nos lorum maceratis aqua vinaciæ; sed tamen inter vina operaria numerantur.* Concurrit hic usus, & affectio testatoris cum usu, & affectione multarum Nationum: nec repugnat verbi significatio, cum plerique Auctores vini nomen his potionibus accommodarint, ut demonstravimus: & ideo secundum usum testatoris vini nomen interpretari debemus. Plurimum enim in verbis interpretandis deferendum est usui hominum, & consuetudini quotidianæ. *l. ut Siphus 87. ff. de V. S. Eleganter juxta ac vere Horatius in Art. poetic.*

Multa renascuntur, quæ jam cecidere, cadentque,

Quæ nunc sunt in honore vocabula, si volet usus.

Quem penes arbitrium est, Et jus, Et norma loquendi.

11 Itaque, licet charis legis libri non contineantur, tamen si aliqua ratione argui possit, testatorem libros etiam voluisse legare, continebuntur legato, quia in usu plerique libros chartas appellant. *l. librorum 52. §. quod tamen ff. eod. Suppellectilis quoque appellatione non continetur argentum: sed quia luxus posterioris ætatis, posthabita prisca severitate, argentum in suppellectilem invecit; hic ulus, atque hic error jus facit, ut ait J.C. in l. 3. §. ult. in l. legata §. 1. ff. de suppellect. leg.*

12 Antequam eam legem dimittamus, reliqua explicemus, quæ in ea occurrunt. Mulsam vino non continetur. Mulsam ex vino, & melle fit. *l. adeo*

§. cum quis ex aliena ff. de acquir. rer. dom. §. cum ex aliena Instit. tit. de rer. divis. Plin. lib. 22. cap. ult. Dioscor. lib. 5. cap. 16. & alii. Itaque inter dulcicia potius, quam inter vina numeratur. *l. ult. ff. de vit. vin. Et ol. leg.* Fit enim mulsam duabus vini metretis, admixta una mellis. Dioscor. *ibid.* Itaque ex parte tertia est mel.

Ænomeli autem vino continetur. Vi-¹³ dentur hæc duo contraria. Nam mulsam, & ænomeli idem esse, norunt omnes. Mulsam Latine, ænomeli Græce dicitur: significat enim vinum, melle mixtum. Sed non temere Ulpianus addidit illa verba: *ænomeli, id est, dulcissimum vinum:* scilicet, ut intelligeremus, cum non loqui de mulso, sed de vino dulcissimo. Mulsam vini appellatione non continetur, quia tertiam partem mellis admiscendo fit nova species; *l. adeo 7. §. cum quis ex aliena ff. de acquir. rer. dom. §. cum ex aliena Instit. tit. de rer. divis.* ænomeli continetur, quia vinum est, licet dulcissimum. Atque ita appellatur non a mellis mixtione, sed a mellis dulcedine, ac similitudine. Hujusmodi erat vinum Narbonense dulcissimum, quod fiebat ex uva pediculo in vite intorto. *Plin. lib. 14. cap. 9.* Quod autem hoc genus vini significare voluerit Ulpianus, verosimile est, quia illud conjunxit cum passum. Est autem passum, ut ait Nonius, *Vinum, quod ex uva passa cogitur.* Fiebat autem ex uva apiana, sole adusta, & leniter tusa, ut ait Plin. *ibid.* Vide & Columell. *lib. 12. cap. 39.* ubi late & explicate docet, quomodo passum fiat. Virgil. *lib. 2. Georg.* Pphythiam vitæ passu consiciendo utilem esse ait.

Et passu Pphythia utilior.

Et Plin. *ibid. Pphythium, Et melampsy. 14. tium passu genera sunt.* Recte igitur hujusmodi vinum comparatur ab Ulpiano cum ænomelite.

Possemus id etiam interpretari de vino,

15no, cui admixtum est modicum mel, quod retinet naturam, & appellationem vini, & a Dioscoride lib. 5. cap. 15. appellatur vinum melitites: hoc est, vinum mellitum; & sit addito mellis congio ad quinque congios austeri musti, & salis cyatho. Sane Martialis multo passum comparat in lemmate Passum. Gnoſſia Minœ genuit vindemia Cretæ. Hoc tibi, quod multum pauperis esse solet.

Sicut ab Ulpiano œnomeli, & passum.

Acinaticum quoque ejusdem generis est. Describitur a Cassiodoro *variar. lib.*

12. ep. 4. Autumno lecta de vineis in 16pergulis domesticis uva, resupina suspenditur. Servatur in vasis suis, thecis naturalibus custoditur, rigeſcit, non liqueſcit ex senio: tunc satius humores exsudans magna suavitate dulceſcit. Trahitur ad mensē Decembrem, donec fluxum ejus Hyemis tempus aperiat: miroque modo incipit esse novum, quando cellis omnibus reperitur antiquum. Hyemale mustum uvarum frigidus sanguis, in rigore vindemia, cruentus liquor, purpura potabilis, violcum nectar. &c.

Igitur hæc tria genera similia sunt, œnomeli, passum, acinaticum: sunt enim ex uva, vel in ipsa vite, vel ad solem, vel frigore adulta.

17 Defrutum autem non continetur, quia, ut ait Plin. lib. 14. cap. 9. ingenii non naturæ opus est. Musto ad tertiam partem mensura decocto, sapa ad dimidiam, defrutum vocatur: omnia in adulterium mellis excogitata.

CAPUT XIX.

Ad l. Labeo libro 45. ff. de contr. empt.

SUMMARIUM.

1. Error in corpore vitiat obligationem. Sæpius tamen est, si error sit in pecunia numerata, aut in accessorio.
Tom. I.

II. *Honni interpretatio ad l. Labeo 45. ff. de contr. empt. rejicitur. Aurichalcum non differt ab archalco. Scribendum sit, aurichalcum, an orichalcum. Unde ita dictum sit. Dux species illius. Follitum quomodo fiat. Fosse ubi reperitur. Qua de causa accipitur facile pro auro n. 4.*

III. Error in qualitate non vitiat venditionem.

IV. Qualitatis nomine sæpe materiam significant veteres Jurisconsulti.

V. Error in materia vitiat venditionem; & ideo, si quis emat virginem pro puero, emptio non valet: secus est si emat mulierem pro virgine, n. 6.

VI. Error in materia non vitiat contractus; & pignus, & stipulationem.

VII. Error in materia non vitiat emptionem, si non omnino sit in materia erratum; ut si puerus aureum dicit, quod est inauratum.

VIII. Si altera alteri materie non sit admixta, sed eam cooperiat, error vitiat venditionem.

IX. Cuius in l. Labeo 45. ff. de contr. empt. rejicitur. Alibi ex emptio nullatur emptio in valida existente, ut consequens id, quod nostra interest. Emptio invalida dici non potest, quando venditor tenetur ad prestandam rem venditam, & emptor ad pretium.

X. Facti species de archalco pro auro vendito in l. Labeo 45. ff. de contr. empt. proponitur, & explicatur textus.

XI. Aurichalcum ponitur adjectivè,

Error in corpore rei vitiat obligationem, cum consensum impedit, sine quo contrahi non potest obligatio, l. inter stipulantem 83. §. 1. & l. constitutus 137. §. 1. ff. de V. O. l. 9. ff. de contr. empti. Error tamen in pecunia numerata non nocet: l. que extrinsecus §. 1. ff. de V. O. quia in ea non tam corpus ipsum monetæ consideratur, quam valor, & æstimatio. l. 1. in fin. principii ff. de contr. empti. Error quoque in re, quæ accessionis loco venditur, non vitiat venditionem: l. si in emptione 34. ff. de contr. empti. quia accessorium sequitur naturam principalis. c. Accessorium de reg. jur. in 6. solus igitur error in corpore rei principalis, quæ non sit pecunia numerata, vitiat contractum.

Contrarium suadere videtur Marcianus in l. Labeo 45. ff. de contr. emi. ibi:

Q

Si

Si vas aurichalcum pro auro vendidisset ignorans, tenetur, ut aurum, quod vendidit, praestet. Multis difficilis videtur hæc lex: sed est etiam multo difficilior, quam ipſus videatur.

Respondit Hunnius, in hac lege errasse contrahentes non in corpore & substantia rei, sed in qualitate materiz: aurichalcum enim nihil aliud est, quam aurum chalto mixtum: ac proinde est aurum vilius, sive impurum, & ære contaminatum: neque enim idem est, aurore Festo aurichalcum, & orichalcum.

Falsa omnia. Falsum, quod differat aurichalcum ab orichalco. Falsum, quod aurichalcum sit aurum vilius & impurum, & ære mixtum. Falsum proinde, quod ibi erratum sit in qualitate, non in materia, & substantia.

Aurichalcum non differt ab orichalco: & scribendum esse, *orichalcum*, Viri docti autumant. Certe Poetæ non aliter scribunt. Horat. in *arte Poet.*

*Tibia non, ut nunc, orichalco vin-
cta.* —

Virgil. lib. 12. *Æneid.*

*Ipse debuit auro squalentem, alboque
orichalco.*

Circumdat lorica bumeris. —

Plaut. in *Pseud.*

*Dii Immortales! orichalco contra nan-
carum suis.*

*Meum mendacium, hic modo quad su-
bita commentus fui.*

Idem in *Curcul. scen.* Placide:

*Auro contra cedo modestum amatorem,
a me aurum accipe.*

*Cedo mihi contra orichalco, cui ego se-
na. serviam.*

Idem in *Militie glorioſ.*

Ego istos mores orichalco contra com-
parem. Cicero etiam lib. 3. de offic. Si
quis aurum vendens, orichalcum se putes
vendere, indicente ei vir bonus, aurum
illud esse?

Non tamen is ego sum, qui licet pu-
tem, scribendum esse *orichalcum*, negem

numquam reperiri scriptum *aurichalcum*.

Quamvis enim vox hæc non sit com-
posita ex voce *aurum* & *χαλκός* (cum
sere sit inauditum, teste Quintiliano lib.

1. c. 9. vocem componi ex duabus vo-
cibus, quarum una Latina sit, altera
Græca) tamen mirandum non esset, si
Plautus, aut aliquis eo antiquior, scri-
pſisset *aurichalcum*, cum apud Veteres
facile *au* in *o*, & *o* in *au* convertere-
tur: & *orum* diceretur pro *aurum*, *ora-
ta* pro *aurata*, *aula* pro *olla*, *ausculor*
pro *osculor*. Sic ab iis dictum *codex*
& *codex*, *Clandius* & *Cladius*, *Caurus*
& *Corus*, *plaustrum* & *plostrum*, *auri-
cilla* & *oricilla*, & hujus generis non
pauca. Hujus vocis similitudine de-
cepti quidam putaverunt, ita nominatum
fuisse ab auro, & ære: vel quod sit au-
rum ære mixtum; vel quod auri colo-
rem præferat, & æris duritiem. Ce-
terum vox hæc Græca est, *ὀρείχαλκος*,
quæ significat *æs montanum*. Heliiodi In-
terpres: *Ὀρείχαλκος τὸ λεῖκόν χαλκο-
μα, ἐν οὐρανῷ γὰρ ἄρσεται. ἄλλοι δὲ
φασί, ὀρείχαλκον εἶναι ὅλυν πρὸς μετα-
λλῶν, χαλκοῦ πτωστότερον.* *Orichalcum* spe-
cies æris alba, in montibus enim inveni-
tur. Alii vero ajunt, esse quamdam ma-
teriam metallicam, ære pretiosorem. Au-
ctor *Etymolog. magn.* *Ὀρείχαλκος* εἶδος
ὅλης ὅτω καλεῖται, ἥτις νῦν οὐκ ἔστι-
σται. Ἄλλοι δὲ λέγουσι, ὅτι χυμὸς
ἐστὶ χαλκοῦ τὸ κατὰ ἄρσεται καλεῖται
χαλκοῦ, ὅτος γὰρ σκληρὰ πρὶνεται,
λεῖκός φασί, Helychius definit ipsam
materiam æri similem: & Philoxenus,
materiam metallicam, ære pretiosorem.
Apollonii Interpretes ita dictum putant
ab Orco inventore. Suid. *as splendidum:
æs probatum.*

Constat igitur, quam falsa sit opinio
illa, quæ ex corrupti nominis errore
fluxit in vulgus, orichalcum esse au-
rum ære mixtum, esse aurum vilius,
ut ait Humius. Idque præterea facile
potest hoc modo demonstrari. *Orichalci*
duæ

dum recentur species, factitium, & fossile. In orichalco factitio nusquam aurum. Fit enim ex ære, cum quo Cadmea terra miscetur. Ipse Festus in voce Cadmea. Cadmea terra, inquit, quæ in ær conjicitur, ut fiat orichalcum. Strabo: Apud Andeira lapis reperitur, qui exustus transit in ferri vim. Mixtum cum terra quadam in fornace concoctum pseudargyrum exsudat. Dein si æri promiscetur, fit orichalcum. & idem lib. 13. Geograph. Hanc compositionem agnoscit etiam Auctor Etymol. loco supra allato.

Orichalcum vero fossile in India reperiri scribit Diodor. l. 3. Biblioth. & Plin. lib. 34. c. 2. Fit & ex alio lapide, quem chalcitem vocant in Cypro, ubi prima fuit avis inventio: non vilissimas præcipue reperto in aliis terris præstantiore: maxime orichalco, quod præcipuam bonitatem, admirationemque diu obtinuit, nec reperitur longo jam tempore effossa tellure. Idem videtur confirmare Auctor Etymol. ut supra; & Hesychius in voce ὀρίχαλλος. Servius ad versum Virgilii supra allatum: Apud majores orichalcum pretiosius omnibus metallis fuit: namque, sicut Lucretius dicit, cum primum homines sylvas incendissent, nullarum adhuc rerum periti, terra casu fertilis omnium desideratis metalla, inter quæ orichalcum pretiosius visum est, quod & auri splendorem, & æris duritiem possideret. Nam primum ex auro securis facta displicuit causa mollioris. Simili ratione & argenti contemptus est usus: mox aurichalcum placuit, donec veniretur ad ferrum. Unde dicuntur secula ita fuisse divisa. De orichalco Servii commentum est: aut hoc nomine significare voluit ipsum æs, quod non crede. Certe Lucretius, quem laudat, hæc refert de ære, non de orichalco. Ejus carmina sunt in lib. 5. vers. 1242.

Quod superest æs, atque aurum, feruntque, repertum est,

Et simul argenti pondus, plumbique potestas,

Ignis ubi ingentes sylvas ardere cernat.

Hæc fabulæ fidem non videtur abnegare Posidonius apud Strabonem lib. 3.

Et deinceps:

Nam fuit in pretio magis æs, aurumque jacebat

Propter inutilitatem haberi mucrone rusticum.

Nusquam orichalci mentio. Reperiri tamen orichalcum fossile, negat Aristoteles apud Apollonii Scholasten: & incerta Plinii fides, eum longo jam tempore neget reperiri, ut etiam confirmat Auctor Etymol.

Sed hoc non facit ad rem nostram. Do enim, reperiri orichalcum fossile. Certe id erit quadam species metalli, aut quadam species æris colore aureo, aut species æris albi, ut arbitrantur Auctores supra laudati: non vero aurum ære mixtum, aurum vilius.

Falsum est igitur, errari in qualitate, quoties venditur orichalcum pro auro, ut in nostra l. Labeo. Utrique constat, errorem esse in materia, cum differat orichalci materia a materia auri. Poterat id Hunnius, si non ex peritia antiquitatis, saltem ex ipsa lege assequi. Si enim in ea lege fuisset erratum in qualitate, venditor non teneretur præstare aurum, sed aurichalcum ipsum, quod vendidit: ac præterea, quanto minoris venire solet orichalcum, quam aurum. l. Julianus. in princ. ff. de act. empt. l. si sterilis 21. §. quamvis ff. eod. Valet enim venditio, eum in qualitate erratur, & venditor tenetur ad præstandam rem venditam. l. aliter. & l. quid tamen 14. ff. de contr. empt. Illud tamen est animadversione dignum, quod nomine qualitatibus materiam sæpe significant Veteres Jurisconsulti, ut in d. l. sterilis 21. §. quamvis ff. de act. empt. & probari potest conferendo textum in l. 193. ff. de

ff. de V. S. cum l. si pradium C. de prad. min.

Sed quid sit, inquiet aliquis, ut tam facile erretur inter orichalcum, & aurum, si non in sola qualitate, sed in materia differunt? Certe Cicero, ut proponat exemplum probabilis erroris, supponit, vendi aurum pro orichalco: & Labeo hic. vendi orichalcum pro auro. Dicam, ut res est. Facile obrepat hic error aurei coloris causa, quem præsert orichalcum, teste Servio, Festo, Isidoro, & aliis. Nec solum aureum colorem habet, sed & splendendum, qualis auri esse solet. Quare Græci Poetæ orichalcum semper appellant splendendum. Hesiod.

— κηρυδαὺς ῥοχαλκοῦ φαεινῷ.
& Apollonius:

Δαμπετιν δι' ἐνὶ θυτῇ ὀρεχαλκοῦ φαεινῷ

Πάλλεν δ' ὑπὸ δ' ὄντα καλαβρῶτα. —
Hinc fortasse Virgilius orichalcum dixit album, quasi splendendum: vel potius, quia color ejus albicat aliquantum, & ab Hesiodi Scholiaste, & Auctore *Etymolog. magni* vocatur *album æs*: & harum rerum periti ajunt, pretiosius esse orichalcum album. Est igitur simile auro orichalcum, ut in voce ὀρεχαλκός ait Hesychius, atque inde ejus valor immodicus, ut constat ex Plauti versibus supra allatis, hinc etiam facilis error.

5 His præmissis facilis est responsio. Ea lex non pertinet ad quæstionem nostram: neque enim ibi agitur de errore in corpore rei, sed de errore in materia, qui longe differt.

Sed Charybdis declinantes incidimus in Scillam incauti. Pone, erratum fuisse in materia: certe nihilominus emptio erit irrita. Error enim in materia vitiat emptionem. *l. in venditionibus. §. ult. l. quid tamen ff. de contr. empt. l. si sterilis. §. quævis ff. de act. empt.* ubi legendum est, emptionem non esse, ne sit contraria *l. in venditionibus ff. de contr. empt.* licet in *Pandectis* Florentinis negatio desit.

Quoniam vero hoc argumento conjicimur in aliam quæstionem, de hac quoque pauca delibemus. Error in materia non vitiat contractus. *l. si id quod aurum 22. ff. de V. O. l. 1. ff. de pign. act. l. cum æs ff. de furt.* Vitiat tamen emptionem, & venditionem. *d. l. si in venditionibus*, cum aliis similibus. Ratio hæc asserri solet, quod in aliis contractibus, ut in stipulatione, in pignore, interest creditoris valere contractum, & non esse irritum. Si enim fuerit irrita stipulatio, vel pignus, nec aurum habebit creditor, cujusmodi putabat esse illud corpus; nec æs, quod re vera est. Interest igitur ejus, potius æs habere, quam neutrum. In emptione longe aliter se res habet. In hac solvendum est a venditore pretium: propterea ejus interest emptionem non valere, ne pretio auri emat æs: quo fit, ut nullum in corpore æris consensum præstitisse conjectura assequamur, quia aliud pretium in ære constituisset. Adeo autem hic error vitiat, ut, si quis virginem pro puero emerit, emotio non valeat: licet valeat, si quis mulierem pro virgine emat: *l. alioquin §. 1. ff. de contr. empt.* quia ille errori materiz comparatur, cum sit error in sexu; hic vero comparatur errori qualitat. Mulier enim a virgine solum qualitate differt, & est paulo villior. Imo cum virgo a vigore, vel viridior ætate dicta sit, ut putat Isidorus, ac Festus; & quædam nuptæ eandem ætatis viriditatem, floremque, & vigorem præferant; sæpe etiam mulieres appellantur virgines. In jure nostro Ulpianus nos docet, mulieres appellari etiam virgines. *l. argumento. §. muliebri ff. de auro, arg.* Virgilius Paliphaen virginem appellat, cum jam peperisset tres filios, Phædram, Ariadnam, & Androgeum:

Ab virgo infelix! qua te demonia cepit! & rursus:

Ab virgo infelix! tu nunc in monstribus

tibus erras.

Horatii de Clytemnestra:

*Es in omne virgo**Nobilis ævum.*

Euripides in *Ione*: *ἡ ἀνδρῶν παρθένος* Virgo parturiens, & Terentius in *Hecyra* Philumenam post partum virginem appellat. Philo *ὡςπὶ ὀνίπας*. *Εὐχύων παρ-Δίον*. *Fœcundam virginem*. & Helychius Evam appellat primam virginem.

- 7 Animadvertendum tamen est, quod, etsi error in materia vitiet emptionem; valet tamen emptio, si non omnino in materia sit erratum; ut si putetur aureum id, quod est inauratum; argenteum id, quod est inargentatum: *l. quid tamen ff. de contr. empt.* cum materies illa, in qua convenitur, sit admixta atque insula illi, in qua erratur. Illa enim quodammodo hanc ad se trahit, & hæc ejus naturam induit ac sequitur, quod potest recte explicari exemplo confusionis, tradito in *§. si duorum Inst. tit. de rev. div. Ex d. l. quid tamen ff. de contr. empt.* observandum est, quod, si orichalcum esset aurum ære mixtum, valeret emptio.

- 8 Quod si altera alteri materię non sit admixta, atque insula, sed alia ab alia cooperiatur; ut, si mensalignea cooperita sit lamina argentea, & putetur ex solido argento confecta, emptio nulla erit. *l. cum ab eo §. ult. ff. de contr. empt.* Operimentum enim non est mensę pars, sed ejus accessorium: quomobrem non potest mensam in suam naturam convertere, sed potius ipsum sequitur naturam mensę.

- 9 His delibatis, redeamus ad nostrum argumentum, a quo sortasse paulo longius digressi sumus. Si in *d. l. Labeo* erratum esset in materia, non valeret emptio, & tamen ibi emptio valet. Negat hoc doctissimus Cujacius: putat enim, ibi nullam esse emptionem, monetque, nos moveri non debere, quod ex ea emptione nascatur actio ex em-

ptio, etiamsi emptio nulla sit. ad *sect. in l. qui officii 62. §. 1. ff. de contr. empt. in l. si sterilis §. quævis ff. de ass. empt.*

Ego tamen doctissimo Viro assentiri non possum. Duo sunt, quæ animum meum a sententia ejus abducunt. Primum, emptio illa comparatur cum emptione, in qua vendita erant vestimenta interpola pro novis, quam valere nemo dubitat. Præterea quoties venditor tenetur præstare id, quod vendidit, non potest esse irrita emptio: si enim dicamus, non valere emptionem, in qua venditor tenetur ad præstandam rem venditam, & emptor ad præstandum pretium, nulla emptio valebit: cum in omni emptione nullo alio modo emptor, & venditor obligentur. Plane aliquando nascitur actio ex empto, etiamsi emptio non valeat; sed ideo, ut ea actione consequi possimus id, quod nostra interest, deceptos non fuisse; non ut consequamur rem venditam, ex adductis legibus, & ex *§. ult. Inst. tit. de empt. & vendit.* At vero in *d. l. Labeo*, tenetur, & conveniri potest venditor ad præstandam rem venditam, non ad id, quod interest.

Quo accuratius eam legem perpendo, eo magis mihi monstri instar esse videtur, quod in ea continetur. Si valet emptio, præstandum est orichalcum, non aurum; vendidit enim orichalcum pro auro; si emptio non valet, præstandum est pretium, aut quanti interest; non aurum, aut orichalcum. In ea autem lege nec orichalcum præstandum est, nec quanti interest; igitur nec valet, nec non valet emptio; quod fieri non potest. Rursus, si ibi proponitur venditum orichalcum, quomodo potest teneri venditor, ut præstet aurum, quod vendidit? Si vendidit orichalcum, non vendidit aurum; si aurum vendidit, non vendidit orichalcum pro auro. Negari non potest, pugnare inter se verba Jurisconsulti.

Dum

Dum videor huic legi inextricabilem errorem affingere, eo magis rem expedio. Fingendus est enim casus, cui convenient hæc omnia: videlicet in quo valeat emptio; & tamen venditor non teneatur præstare orichalcum, quod vendidit; ac rursus in quo vendiderit orichalcum pro auro, sed tamen vendiderit etiam aurum: atque ita, ut non teneatur præstare orichalcum, sed aurum.

- 10 Species, quam quærimus, hæc est. Quidam habebat duo vasa ejusdem magnitudinis, figuræ, eodem artificio elaborata, alterum ex orichalco, alterum ex auro. Putabat, utrumque aureum esse. Quidam cum ea videret, & aurea judicaret, emit unum ex his, & ut plerumque fit, non demonstravit, ac designavit, quosnam emeret, cum similia essent. Sed ita emit: *Unum ex his vasis aureis mihi emptum est aureis tot.* Ubi de pretio convenerunt, venditor ei tradidit vas illud, quod factum erat ex orichalco, vel emptor ipse ultro accepit. De hac specie quæritur in *d. lege*: huic enim conveniunt ea omnia, quæ in *d. lege* supponuntur. Valet enim emptio: cum enim emptum sit vas in genere, nullus error in contrahenda emptione intervenit, qui eam vitare possit. Si enim omnia vasa essent ex orichalco, utique non valeret emptio propter errorem in materia: sed cum inter ea vasa sit aliquod vas aureum juxta mentem contrahentium utique emptio valet. Rursus ita valet emptio, ut venditor teneatur præstare vas aureum, licet vendiderit orichalcum pro auro. Utrumque enim vas fuit in venditione, & obligatione, ut usu venire solet in omni obligatione generis: *l. Marcus. §. non idem ff. de leg. 2. l. si duo. l. 28. ff. de V. O. l. ais Pretor. §. est sine ff. de minor. l. 3. qui & a quibus*: seu potius incertum vas erat in obligatione. *l. ubi autem. in princ. ff. de verb. oblig.* Ex solutione autem apparere de-

beret, quodnam ex illis vasis venditum sit: ita ut, si utrumque vas esset aureum, illud venditum intelligeretur, quod traditum est. Verumtamen in nostra specie, cum mens contrahentium sit, ut vendatur vas aureum, licet aliud traditum sit; tamen re vera venditum intelligitur vas aureum, idque a venditore præstandum est. Recte igitur ait Jurisconsultus: *Si quis vas aurichalcum pro auro vendidit.* Utique enim vendidit vas aurichalcum: qui enim vendit unum ex pluribus vasis, illud censetur vendidisse, quod solvit. Postea subjicit: *scietur, ut aurum, quod vendidit, præstet.* Et hoc etiam recte. Nam cum in vase soluto erratum sit, & constet, vas solum non esse aureum, ut putabatur; jam constat, in eo emptionem consistere non posse: ac propterea re vera propter errorem, non vas, quod solum est, sed alterum vas aureum venditum est, & ad illud præstandum tenetur venditor. Vas aurichalcum est in venditione, tum quia continetur in genere vendito, tum quia fuit solum ex causa venditionis. Vas aureum est in venditione, tum quia etiam ipsum est in genere vendito, tum quia tale est, quale volebant esse contrahentes. Illud non recte præstatur, quia quoad ipsum, erratum est in materia, cum sit ex aurichalco. Hoc præstandum est, quia eventus declaravit, in hoc erratum non fuisse, cum sit aureum, cujusmodi esse debebat ex mente contrahentium.

Pro coronide notanda sunt verba Jurisconsulti: *Vas aurichalcum*. Ponitur hic adjective, ut sæpe a Græcis. Observare id potes apud Suid. *αυροχαλκος*. & *αυρεοχαλκος* ἑστίν.

G A P U T XX.

Ad §. est autem litus Inst. tit. de rer. divif.

S U M M A R I U M.

¶ Litoris definitio.

II. Aëstus Maris quando existat maximus.

III. Hiems non solum significat anni tempus,

sed etiam tempestatem Ventorum, & Maris.

IV. Hibernus Aëstus accipitur a Justiniano pro

Æstus, qui in tempestate excitatur.

Arcturus maximus excitat tempestates, & quan-

do oritur.

¶ Explicatur L. Litus 112. ff. de Verb. Sign.

& quid significet vox æstus & æstus.

Memoria proditum est, Scipionem Africanum ac Lælium in litore Maris conchas, & umbilicos legentes honesto otio fuisse delectatos. Nos quoque deambulantes in litore Maris, ex amœnioribus litteris aliquid decerpamus, quod nobis facem præferat ad leges nostras explicandas, & litoris fines constituendos. Admonemur enim a Quintiliano, ut verborum proprietatem accurate inquiramus, cum hoc a veteribus Jurisconsultis factum sit, licet in litore definiendo translatione fuerint usi. Is lib. 5. cap. ult. ait: *Eriam ipsi Jurisconsulti, quorum summus circa proprietatem verborum labor, litus esse audent dicere, quia fluctus alludit.* Galli Aquilii est hæc definitio. Cicero in Topic. *Litus solebat Gallus Aquilius per translationem definire, quia fluctus eluderet.* Nostri autem Jurisconsulti hanc translationem rejecerunt, & noluerunt recedere a proprietate verborum. Celsus l. *Litus* 96. ff. de V. S. *Litus est, quousque maximus fluctus a Mari pervenit: idque M. Tullium ajunt, cum Arbitraretur, primum constituisse.* Legislator noster Justinianus paulum mutavit hanc definitionem in *§. est autem litus Inst. tit. de*

rer. divif. Est autem litus Maris, quatenus hibernus fluctus maximas excurret. In hac definitione explicanda mihi non satisfaciunt Viri doctissimi, qui hibernum fluctum cum esse tradunt, qui æstu reciprocante accedit, ac recedit; eundemque esse maximum, quia Hiemo maximi fiant æstus.

Numquam huic explicationi acquiescere potui, ne quidem tum, cum in scholis agebam, & elementa Juris accipiebam. Neque enim ignorabam, falsissimum esse, maximos æstus hiberno tempore contingere, nisi cum Posidonio errare velimus potius, quam cum omnibus aliis, & cum ipsa rerum natura bene sentire. Strabo lib. 3. circa fin. *Gaditani Posidonium in errorem adduxerunt, qui ei renunciarent circa Bruntium, & Solstitium maximos æstus fieri, minimos in duobus Æquinoctiis.* Itaque maximi æstus sunt in duobus Æquinoctiis, minimi Bruma atque Solstitio. Plin. lib. 2. cap. 97. *Auguribus ea cuncta solis annuis cunctis, duobus Æquinoctiis maxime tumentes, & autumnali amplius, quam verno; inanes vero Brumæ, & magis Solstitio.* Senec. Nat. Quæst. lib. 3. cap. 27. *Ergo ut solet æstus æquinoctialis sub ipsum Luna, Solisque cotrum omnibus aliis major andare.* Tacit. lib. 1. *Annal. Vitellius primum iter siccæ Brumæ, aut modice adlabente æstu, quæritum habuit. Mox impulsu Aquilonis, simul Sidere Æquinoctii, quo maxime vintescit Oceanus, rapti, agique agmen: & appropinquarunt terræ. Eodem fressa, litoni, campis facies.* Igitur verba illa definitionis ad æstum marinum referre non possumus, qui minimus est Hieme: præsertim quia in Mediterraneo maxima pars litoris æstu caret, qui sensu percipitur, ut testatur Riccioli. *Al. mag. nov. part. post. lib. 9. section. 4. cap. 16.* & doctissimus Galileus noster in *diu. log. 4. de system. mund.* & probabile est, suam definitionem nostro Mari ac-

com.

commodasse Legislatorem, non Oceano.

3 Existimo ego, fluctum hibernum significare fluctum tempestate agitatum, nec ad Anni tempus, sed ad tempestatem Maris id esse referendum. Hiems non solum dicitur Anni tempestas, sed etiam tempestas imbrium, Ventorumque, & tempestas Maris irati. Plinius: *Hæc cum sereno Cæle apparere desieris, atrox hiems sequitur.* Virgil. lib. 1. *Georgic.*

Nec nocturna quidem carpentes pensa puella.

Nescivere hiemem. ———

Et ibid.

——— *ita turbine nigro*

Ferret hinc culmumque levem, stipulasque volantes.

Sic & apud Græcos vox *χερσών* non solum Anni tempus, sed & vim Ventorum, & imbrium significat. Itaque quod de apibus tradidit Aristoteles: *Προσμάχον ἐν δὲ τῇ χερσών, καὶ ὄσπον*, Plinius Latine reddidit: *prædivinant Ventos imbreque.* Et quod in Geopon. est *χερσών σπυρίον*, apud Plinium est: *Ventos, & imbres præmonet.* Et Aratus sæpe utitur hac voce ad significandam vim Ventorum, & imbrium.

Præterea *hiems* dicitur tempestas procellosi Maris. Virgil. lib. 3. *Æneid.*

Tum mihi cœruleus supra caput adfluit imber,

Noctem, hiememque ferens; & inborruit unda tenebris.

Idem lib. 1. *Æneid.*

Jam validam Iliacæ navem, jam fortis Achæææ.

Et qua vectus Abas, & qua grandævus Aletes,

Vicit hiems. ———

Et in 2. *Æneid.*

——— *sæpe illos aspera Ponti*

Interclusis hiems, & terruit Austro cuntes.

Statius lib. 3. *Sylv.* 2.

——— *Vitis tumuerunt puppibus undæ, Inque hominem surrexit hiems.* ———

Et lib. 3. *Sylv.* 5. etiam incendium erumpens ex Vesuvio vertice *hiemem* audet appellare.

Non adeo Vesuvius apex, & flammæ divi

Motis hiems trepidas exhanxit civibus urbes.

Hinc derivatz sunt voces hibernus, hibernans, hibernare, quæ omnes de Mari tempestatibus agitato dicuntur. Pers. *Satyr.* 6.

——— *Mibi nunc Ligus ora*

Intepet, hibernatque mecum Mare. ———

Intepet, & hibernat, cum ventis, & tempestatibus agitur. Cic. *de natur. Deor.* lib. 2. *Atque etiam Maria agitata ventis ita tepefcunt, ut intelligi possit, in tantis illis humoribus inclusum esse calorem: nec enim ille externus, & adventitius habendus est, sed ex intimis Maris partibus agitatione excitatus.* Tibullus lib. 2. *Eleg.* 6.

Clandis & indomitum moles Mare, lentus ut intra

Negligat hibernas piscis adesse minas. Arcturus apud Plaut. in Rudens. in Prolog.

Increpus hibernum, & fluctus moti maritimos.

Et ne quis putet, has voces in usu esse solummodo apud Poetas, Plin. lib. 9. cap. 22. *Octobri fere mense, autumnali sidere hiemante lacu.* Senec. *epist.* 114. *Dixit Sallustius aquis hiemantibus.* Aruntius in primo belli Punici ait: *Repente hiemavit tempestas.* Et alio loco: *Inde sexaginta onerarias levis præter militem, & necessarios nautarum, hiemante Aquilone misit.* Petron. *Arbit. Satyr.* *Utinam me solum inimicus ignis hauriret, utinam hibernum invaderet Mare.* Sic & apud Græcos *χερσών* & *χερσών* significat Maris tempestatem: & *νις χερσών* dicuntur naves tempestate jactatz, atque dispersæ, a Thucydide lib.

3. & 8. *hister.*

Quemadmodum igitur Sallustius di. 4 xit:

xit: *aquas hiemantes*, & Petronius, *hibernum Mare*, & Tibullus, *hibernas minas*; sic Justinianus noster dixit: *hibernum fluvium*; nempe fluvium tempestate agitatum. Possit etiam quis id referre ad Anni tempus, quia Hieme sunt maximæ tempestates: sed minus eleganter, ac minus etiam recte. Etenim non semper Hieme maxime tempestates excitantur. Certe Arcturus existimatur, omnium siderum acerrimum esse ad ciendas tempestates. Sic ipse loquitur apud Plaut. in *Rudens*.

Incepui hibernum, & fluxus movi maritimos.

Namque Arcturus signum omnium sum acerrimum.

Vehemens sum exoriens, cum occide, vehementior.

Oritur autem Arcturi sidus ante Æquinoctium autumnale. Plin. lib. 2. cap. 47. Sidus Arcturi, quod exoritur undecim diebus ante Æquinoctium Autumnum. Columell. lib. 11. cap. 2. Nonis Septembris Arcturus exoritur. Itaque etiam Autumno potest contingere maxima tempestas: ac propterea definitio illa nec satis apte, nec satis dilucide aperiet naturam rei, quam definit. Sed tamen omnis interpretatio verior, & probabilior est ea, quæ communiter traditur de æstu marino.

5 Doctissimis Viris, ut opinor, imposuerunt verba Javoleni in l. litus 112. ff. de verb. sig. Litus publicum est eatenus, quæ maxime fluxus exastuat. His perspicue videtur indicari æstus Maris. Sed non ita est. Hac voce utuntur Latini ad describendas tempestates. Virgil. lib. 3. *Georgic*.

Fluctus ut in medio capis cum albescere ponto

Longius, ex altoque sinum trabis, utque volutus

Ad terras immane sonas per saxa, nec ipso Monte minor procumbit: at ima exastuat unda

Tom. I.

Vorticibus, nigramque alte subiectas arenam.

Plin. lib. 37. cap. 2. de electra: *Oceano id exestuante ad Pirenei Promontorium ejici. Exastuare & fervorem, & fragorem etiam indicat. Virgil. de Æneid.*

liquefactaque saxa sub auris

Cum genitu glomerat, fundoque exastuas imo.

Utrumque autem proprium est tempestatis. Fragorem & sonitum in tempestatibus nemo non audit. Fervore quoque tempestati tribuitur. Itaque apud Eustath. lib. 5. *Odyss*. Dorion quidam irridet ineptum Poetam, frigide tempestatem describentem; & ait, se vidisse, multo majorem tempestatem excitari in patella bulliente. Unde Græci quoque utuntur simili verbo in describendis tempestatibus. Calab. lib. 2.

— *ὑπὸ κύματι ἐν βραχέσιν σθάλλης*
Πολλὴ ἐπαφλάζοντα κυλιδίται αἰγῶναι
λοῖσσην

Homer. *Iliad*. lib. 14.

— *ἐν δὲ πὶ πολλὰ*

Κύματι παφλάζοντα πολυφλέβοιο θαλάσσης

Κορὰ φάλαιόντα πρὸ μὲν τ' ἄλλ' αὐτὴ ἐπ' ἄλλα.

Ab utroque Poeta dicuntur κύματα φλάζοντα, hoc est, fluxus exastuantes. Et Eustath. ad hos Homeri versus observat vim, & venustatem verbi, quod non solum fervorem demonstrat, sed etiam fragorem, & strepitum Maris agitati, quod elegantissime expressit Virgilius verbo *exastuandi*, & noster Javolenus in d. l. litus ff. de V. S. quæ maxime fluxus exastuat: quod eleganter dictum est, & non sine figura, quasi dicat: quo excurrit fluxus exastuans, hoc est, tempestate agitatus. Et hanc esse sententiam Jurisconsulti in d. l. litus publicum 112. ff. de V. S. constat ex verbis, quæ subjiciuntur: *Idemque juris est in lacu, nisi is totus privatus est*. Lacus quosdam tempestatibus agitari, certum

R

tum est. Plin. lib. 9. cap. 22. Oſtobri menſe, autumnaſi ſidere, ut palam eſt, biemante lacu. Autumnaſi ſidere: nempe Aſturo, qui maximas excitat tempeſtates, ut ſupra diximus. At vero lacus aſtu, acceſſuque ac reſeſſu reciproco, ſicut Mare, non moventur. Idem lib. 2. cap. 97. ubi de aſtu marino: Qua de cauſa nec lacus, nec amnes ſimiliter moventur. Quamobrem verba Javoleni non poſſunt referri ad aſtum, ſed ſolum ad tempeſtatem: qua lege maxime noſtra ſententia confirmatur.

CAPUT XXI.

Ad §. ſi communi 4. Inſt. ſis. de injur.

SUMMARIUM.

- I. *Stulte injuria non fit, ſed ſi ea atrocior ſit, domino inferatur, & ipſi actio injuriarum acquiritur.*
- II. *Aſſimilationem injuria ſervo communi ſacta quiſque ex dominis pro dignitate ſua facit. Jura vero condemnant pro portione cuiusque ex dominis. Conciliatur §. ſi communi 4. Inſt. Tit. de Injur. cum l. ſed non eſſe 16. ff. de Injur. & n. 3. & 4.*
- III. *Aſſimatio ſacta ab uno ex dominis, ſi referatur ad aſſimilationem alterius, non eſt pro portione domini; ſi vero referatur ad ejuſdem domini aſſimilationem, que facienda fuiſſet, ſi in ſolidum dominus fuiſſet, ea non eſt ſacta pro maiore parte, quam pro qua dominus eſt.*
- IV. *Aſſimatio in l. ſed non eſſe 16. ff. de Injur. comparatur cum aſſimiatione, que facienda eſſet, ſi eſſet dominus in ſolidum. Contra in d. §. ſi communi 4. comparatur cum aſſimiatione alterius domini.*
- V. *Pux quiſque aperiſſima eſt ad comparandum novum cum alio.*
- VI. *Si teſtator inſtituerit filium naſciturum ex beſſe, & ex reliqua parte uxorem; ſi vero filia naſceretur, auri inſtitutus ex uxore, & ex reliqua parte uxorem; natus filio, & filia hereditas dividitur in ſepere partes, quarum una danda eſt filio, due uxori, quoties vero filio. Explicatur l. ſi ita ſcriptum 13. ff. de liber. & poſt.*
- VII. *Si teſtator inſtituerit filium, qui naſcitur ex beſſe, & ex reliqua parte uxorem; ſi ve-*

ro filia naſcatur, inſtituitur eam ex quadraute, & ex reliqua parte uxorem; natus filio & filia hereditas dividitur in decem partes, quarum una filia danda erit, tres uxori, & ſex filio.

VIII. *Regula, qua dividenda eſt hereditas in caſibus n. 6. 7. allatis.*

Servus injuriam non fieri conſtat; ſed ſi quid atrocius adverſus eos tentatum ſit, quod in contumeliam domini redundet, ipſi domino injuriam fieri, ipſum actionem habere ad injuriam vindicandam §. ſervus Inſt. ſis. de injur. l. item apud Labeonem 15. §. pen. ff. de injur. Quod ſi ſervus plures dominos habeat, omnibus actio injuriarum eſt concedenda. d. l. item 15. §. ult. Sed quomodo ſit aſtimanda injuria, an pro portione, quam quiſque habet in ſervo, an pro dignitate cuiusque domini; in hoc nutant ſere omnes Interpretes. Videntur enim duæ leges inter ſe diſcrepare. Juſtin. in §. ſi communi. 4. Inſt. ſis. de injur. ſi communi ſervo injuria ſacta ſit, æquum eſt, non pro ea parte, qua dominus quiſque eſt, aſſimilationem injuria fieri; ſed ex dominorum perſona: quia ipſis ſit injuria. Contra Paulus in l. ſed non eſſe 16. ff. de injur. ſed non eſſe æquum pro maiore parte, quam pro qua dominus eſt, damnationem fieri, Pedius ait: & ideo officio Judicis portiones aſtimanda ſunt.

Cum puer adhuc primis Juris præceptis erudirer, & audirem has leges a doctiſſimis Viris omnino contrarias exiſtimari; ab aliis multa ſingi, aut inepta proſus, aut a vero non parum abhorrentia; ſatis mirari non poteram eorum ſollicitudinem, qui nodum in ſcorpio mihi quærere videbantur. Et cum eo tempore mathematicis diſciplinis ſedulam operam darem, quibus me multum operæ ac temporis impendiſſe non pœoiter, multa ex libris Geometrarum deprompta exempla, atque demonſtrationes afferre ſolebam, quibus oſtenderem, eandem eſſe diſiſionem a Paulo, & Ju-

Justiniano factam, eandemque injuriæ æstimationem. Sed quoniam his modo superlegendum est, ne stomachum moveam Jurisconsultis nostris, nimio plus delicatis, & has res fastidientibus, idcirco alia via aggrediar ad has leges explicandas.

Quantum alii laborant, ut has leges
2 inter se concilient, tantum ego, ut intelligam, quomodo inter se diffideant. Ait Justinianus, æstimationem injuriæ factæ servo communi faciendam ex persona dominorum, non pro parte, quam quisque dominus est. Ait Paulus, condemnationem non esse faciendam pro majore parte, quam pro qua quisque dominus est. Non sunt hæc contraria, ne quidem si velis. Æstimatio injuriæ, non est condemnatio. Injuriam æstimat, qui læsus, & injuriam passus est. §. *pœna Inst. tit. de injur. l. item apud. 15.* Itaque Prætor ff. *cod.* Condemnat autem Judex. *l. ult. C. de injur. lib. 9.* Injuriam æstimat læsus, quanti voluerit: condemnat Judex, quanti ipsi visum fuerit. §. *pœna Inst. tit. de injur.* Non sunt igitur contraria hæc: dominus æstimat injuriam pro sua dignitate, non pro parte, quam dominus est: Judex condemnat reum pro parte, pro qua dominus est. Patritius, aut Senator, qui servi pro dimidia parte dominus est, æstimat injuriam servo factam mille aureis: Judex condemnat reum in quingentos, quia non totius servi dominus est, sed pro dimidia. Plebejus, qui dominus est alterius partis servi, injuriam æstimat centum aureis: Judex condemnat reum in quinquaginta, quia non totius, sed dimidii servi dominus est. Uterque recte æstimavit, quia cum utroque injuria facta sit, §. *si communi. in fin. Inst. l. vis.* & sua cuiusque injuria propriam æstimationem habeat, *l. cum quis. in §. si nupta ff. de injur.* uterque in æstimanda injuria suæ dignitatis debet habere rationem. *l. servo 30. cum*

l. seq. ff. de injur. Sed cum uterque æstimaverit injuriam in solidum, Judex debet æstimationem redigere ad portionem, quam quisque habet in servo, quia non est æquum, pro majore parte damnationem heri, quam pro qua quisque dominus est. *d. l. sed non esse 16. ff. de injur.* Et hoc in *d. l.* significat JC. cum subjicit, & ideo officio Judicis *portiones æstimanda sunt.* Nempe æstimatio, quæ in solidum fieret, si Servus totus esset Senatoris, aut Plebeji, officio Judicis redigenda est ad æstimationem portionis, quam quisque habet in servo: neque enim Judex ipse re vera injuriam æstimat, sed æstimationem ab ætore factam redigit ad id, quod æquum bonum ipsi videbitur. §. *pœna Inst. tit. de injur.* Cum autem æquum non sit, ut pro majore parte, quam pro qua dominus est, pœnam injuriæ consequatur, quia nulla alia de causa eam consequitur, quam quia dominus est, & jure domini pœnam percipit: Judex redigit æstimationem ad portionem domini. *d. l. sed non esse ff. de injur.* Itaque ad ætorem pertinet injuriam pro sua dignitate æstimare. *d. §. si communi.* Ad officium Judicis pertinet æstimare portiones servi, & ad eas redigere æstimationem injuriæ, ab utroque ætore factam. *d. l. sed non esse.* Nec video, qua ratione hæc inter se pugnare dicantur.

Sed finge jam non differre æstimationem a condemnatione, aut æstimationem cum condemnatione convenire debere, nec eam in solidum æstimandam, sed pro parte: ac propterea a Senatore debere æstimari non mille aureis, sed quingentis; & a plebejo quinquaginta, non centum; ut æstimatio congruat condemnationi. Dico, nihilominus has leges non esse contrarias. Utrumque enim verum est: & injuriam æstimandam pro dignitate, non pro parte, pro qua quisque dominus est; & non esse æstimandam pro majori parte, quam pro qua

dominus est. Essent hæc contraria, si eodem referrentur: sed cum eodem non referantur, est utrumque verissimum. Si unius æstimatio referatur ad æstimationem alterius, non est facta æstimatio pro parte, pro qua quisque dominus est: quia non eadem est ratio æstimationis ad æstimationem, quæ partis ad partem. Si vero æstimatio unius referatur ad ejusdem æstimationem, quæ in solidum faciendæ erat, si fuisset dominus in solidum; utique æstimatio non est facta pro majore parte, quam pro qua dominus est: nam eadem est ratio æstimationis ad totam æstimationem, quæ partis ad totum servum. Dicam, si potero, ut intelligant etiam illi, qui geometriæ non sunt. Senator æstimat injuriam quingentis aureis, plebejus quingenta. Si Senator fuisset dominus totius servi, eam æstimasset mille aureis: si vero plebejus, eam æstimasset centum. Si comparetur æstimatio Senatoris cum æstimatione plebei, profecto facta non est pro parte, pro qua quisque dominus est. Etenim Senator, & plebejus æquales partes habent in dominio servi: at vero æstimatio Senatoris non est æqualis æstimationi plebei, sed decupla; nam quingenta decies repetita efficiunt quingenta: igitur non est eadem proportio æstimationum, & partium. Si vero comparetur æstimatio Senatoris ad totam injuriæ æstimationem, quæ Senatori deberetur, si totius servi dominus esset; certe ea facta non est pro majore parte, quam pro qua dominus est. Etenim sicut servi dominus est pro dimidia parte, ita æstimatio ab eo facta, est dimidia totius æstimationis. Tota æstimatio esset mille aureorum; facta est autem æstimatio quingentorum. Quam rationem habent mille aurei ad quingentos, eandem habet totus servus ad dimidium.

- 4 His expostis ad rem revertamur. In l. sed non esse 16. ff. de injur. Paulus

non comparat inter se utriusque domini æstimationes, nam de uno tantum loquitur: itaque comparat ejus æstimationem cum æstimatione injuriæ in solidum, quæ ab eo faciendæ esset, si totius dominus esset. Quapropter verissimum est, quod ait: non esse reum condemnandum pro majore parte, quam pro qua dominus est: nempe Senatori condemnandum in quingenta, non in mille: quia quingenta sunt dimidium mille: sicut dimidium servi ejus est. Contra Justinianus in §. si communi Insit. de injur. non de uno tantum domino loquitur, sed de utroque, & comparat inter se utriusque æstimationes. Est igitur verissimum, quod æstimationes non sunt faciendæ pro parte, pro qua quisque dominus est: nam partes, quas quisque habet in servo, æquales sunt; æstimationes vero sunt valde inæquales; quoniam Senator quingenta consequitur, plebejus vero quingenta. Quod autem Justinianus comparat inter se utrumque dominum, & utriusque partes, & æstimationes, satis constat ex ipsius verbis. Ait enim: *Non pro ea parte, qua quisque dominus est.* Verbum illud *quisque* in ea loquendi formula est aptissimum ad comparandum unum cum alio, & partem cum parte, & æstimationem cum æstimatione. Cicero 3. in Verr. *Pro se quisque, ut in quoque erat auctoritatis plurimum, ad Populum loquebatur.* Nempe qui ceteris comparatus, illis præstabat auctoritate.

In hac explicatione non spero, me jam futurum.

— a tergo quem nulla ciconia pinxit.
Nec manus auriculas imitatur mobilis
albas.

Videor enim, mihi audire quosdam petulanti splene cachiinnones eam risu, & cachiinnis excipientes, quibus, ut risu rumpantur, objiciam alterius legis explicationem, ex penitissimis Arithmetice præceptis depromptam.

Ju.

6 Julianus in *l. si ita scriptum* 13. ff. de liber. & post. proponit hujusmodi institutionem. Si filius mihi natus fuerit, ex beffe hæres esto: ex reliqua parte uxor mea hæres esto. Si vero filia mihi nata fuerit, ex triente hæres esto: ex reliqua parte uxor hæres esto. Et si filius & filia nati essent, dicendum est, affem distribuendum in septem partes, ut ex his filius quatuor, uxor duas, filia unam partem habeat. Vir doctus imprimis, & multis libris celebris, ideo duas partes uxori dandas putat, quia duplici respectu, & quasi duplex mater consideratur, natis & filio, & filia. Est id plane ridiculum. Constat, testatorem voluisse filium ex hæreditate consequi bis tanto pluris, quam uxorem: & uxorem bis tanto pluris, quam filiam: hæc enim est proportio beffis ad trientem, cum beffis trientem bis contineat. Itaque inveniendus erat numerus, qui dividi posset in tres numeros, datam rationem habentes, nempe beffis ad trientem, seu quam habent 2. ad 1. Solet dividi hæreditas in duodecim uncias, sed hic numerus non potest eo modo dividi, nec dupondium quidem aut tripondium. Quærendus erat alius numerus, nempe numerus minimus, qui datas partes haberet. Hujus numeri investigandi rationem docet Euclides lib. 7. *propof. ult.* si memini, eumque recte invenit Julianus. Divisa enim hæreditate in septem partes, consequimur id, quod volumus: nam hic numerus continet datas partes, nec eo minor potest reperiri; quoniam componitur ex his partibus 4. 2. 1. quæ inter se habent datam rationem, quælibet enim alterius est dupla. Quamobrem quatuor partes dandæ sunt filio, duæ uxori, una filiz; ut filius altero tanto amplius habeat, quam uxor, & uxor altero tanto amplius, quam filia. *d. l. si ita scriptum* 13. ff. de liber. & post.

7 Finge aliud non dissimile testamen-

tum. Si filius mihi natus erit, ex beffe hæres esto: ex reliqua parte uxor mea hæres esto. Si filia nata erit, ex quadrante hæres esto, ex reliqua parte uxor hæres esto. Natis filio, & filia, dividenda erit hæreditas in decem partes, quarum sex filio, tres uxori, una filiz danda erit. An hic Vir ille doctus dicet uxorem tamquam triplicem matrem esse considerandam? Infinitæ hujus generis institutiones fingi possunt. Nec difficilis erit divisio ex *d. propof. ult. lib. 7.* Euclid. Quod si quis geometriam non calleat, id affequi poterit incipiendo ab unitate, quam filiz assignabit; postea partem assignabit uxori secundum proportionem, quam voluit testator: ac denique assignabit filio: & has omnes partes colligendo intelligit, in quot partes dividenda sit hæreditas.

C A P U T XXII.

Ad l. si vero 5. §. 1. ff. qui satisd. cog.

S U M M A R I U M.

- I. Quibus casibus recitari possit Fidejussor idoneus.
- II. Ut aliquis sit idoneus fidejussor, requiruntur fides, & facultates.
- III. Qui paupertatis arguit eum, qui pauper non est, injuriam facit ei; & qui debitorem appellat eum, qui non est.
- IV. Pauperes non sunt idonei fidejussores; ideo idoneus opponitur inopi, locupletis dicitur pro idoneo, & vicissim idoneus pro locuplete.
- V. Est de essentia idonei fidejussoris, quod sit locupletis.
- VI. Inopia argui videtur fidejussor, qui tamquam non idoneus rejicitur: ideo injuria ei fit: sed si vult injuriam agere, probare debet, se tamquam pauperem, aut fide indignum rejectum esse.
- VII. Debitori non fit injuria, si rejicitur idoneus fidejussor. Debitor oblato idoneo fidejussore liberatur ab onere dandi fidejussoris; si satisfactio sit necessaria.
- VIII. Prestatione ejus, quod debetur, tollitur omnis obligatio.
- IX. Si satisfactio sit voluntaria, debitori non fit injuria, si rejicitur fidejussor idoneus.

X. Na-

X. Nemo ergo potest ad contrahendam iniuriam, & antequam liberum est contrahere, quibus conditionibus vult; non unusquisque est rei sue moderator & arbiter.

XI. Nemini injuriam facit, qui utitur jure suo.

XII. Creditor recedendo fidejussorem idoneum injuriam non facit debitori, sed ipsum decedendo in jus.

Explicatur l. si vero §. §. ff. qui satisd. cog.

XIII. Creditor ex l. duodecim Tabularum cogere poterat debitorum in jus ire, & si recusare, poterat violentie ducere, etiam oborto collo, sed antequam in eum manus injiceret, debebat antefari, hoc est testem aliquem appellare, cui memoria causa autem tangebatur.

XIV. Ratio quare Magistratus in jus vocari non possunt, & ii, quibus reverentia prestanda est, sine permissu Prætoris.

XV. Prætor cavet, ut in jus vocati irent, aut satisfacerent, & vetuit, ne quis in jus vocatos vi eximiat. Quoties quis disjunctim hoc, aut illud facere tenetur, alterutrum faciendo liberatur.

XVI. Vox quælibet in d. l. si vero, significat gravem. Injuria tribus modis inferitur; scilicet lacerando corpus, aut libertatem, aut existimationem; his autem omnibus modis injuriam facit, qui ducit in jus eum, qui dedit idoneum fidejussorem.

XVII. Explicatur d. l. si vero §. 1. ff. qui satisd. cog.

Quoniam attigimus quædam de injuriis, antequam alio sermonem convertamus, de iis adhuc pauca quædam delibanda. Existimant Interpretes fere omnes, eum, qui rejicit fidejussorem idoneum sibi oblatum, injuriam facere tum ipsi fidejussori, quem rejicit; tum debitori, qui fidejussorem illum obtulit. Impoluit illis incautus Cajus in l. si vero §. §. 1. ff. qui satisd. cog. Verba legis hæc sunt: Qui pro rei qualitate evidentissime locupletem, vel (si dubitetur) approbatum fidejussorem judicio sistendi causa non acceperit; injuriarum actio adversus eum esse potest: quia sane non quælibet injuria est duci in jus eum, qui satis idoneum fidejussorem det. Sed & ipse fidejussor, qui non sit acceptus, tamquam de injuria sibi facta queri poterit. Hanc legem explica-

re constituimus paulo accuratius.

Ac primum differamus de ipso fidejussore, qui rejectus est. Fit huic injuria, ut in fine hujus legis traditur a Jurisconsulto. Verissimum id est, non tamen semper. Multæ sunt causæ rejiciendi, ac reprobandi fidejussoris. Potest recusari fidejussor, si habeat fori præscriptionem. l. si fidejussor. 7. in princ. ff. qui satisd. cogent. Potest recusari, si non sit subjectus jurisdictioni illius Judicis, ad quem vocatus est reus. l. 1. ff. si quis in jus vocat. Potest recusari, si gaudeat privilegio reclusionis, quæ de causa minor probandus non est. l. de die 8. §. qui mulierem. ff. qui satisd. cogent. juncta l. ait Prætor §. non solum ff. de minor. Potest denique recusari, si non facile possit conveniri. l. 2. in princ. ff. qui satisd. cogent. Si quis his de causis recusaverit fidejussorem, non puto ei injuriam facere. Quid enim relet fidejussoris, his de causis non admitti ad satisfactionem? Non læditur ejus existimatio, non ejus personæ inuitur ulla nota, si dicatur, eum tutum esse privilegio aliquo, & ut ita dicam, vulgo exemptum: nisi quis dicat, minus ejus libertatem. Sed adeo morosi esse non debemus. Nec impeditur cujusquam libertas in iis, quæ pendunt ab aliena voluntate, & id omne constitutum est, & inventum in utilitatem creditoris, non fidejussoris, qui non subit onus obligationis, si respuatur, & ideo commodum sentit.

Sunt alia duo, quæ requiruntur, ut aliquis sit idoneus fidejussor: fides, & facultates. Fidejussor dandus est locuples pro rei qualitate. l. 1. ff. in jus vocat. ut cens. Item dandus est homo fide dignus: idoneus enim non tam patrimonio, quam fide æstimatur. l. si quis stipulatus 112. in fin. ff. de verb. oblig. Si his de causis rejiciatur fidejussor, fit ei injuria, quia læditur ejus

exli

existimatio. Contumelia, infamiaque ascribitur fidejussor, si rejiciatur tamquam subdolos, vaser, veterator: & ideo fit ei injuria. *l. item apud 15. §. generaliter ff. de injur. princ. sis. Inst. eod.* Si vero tamquam pauper rejiciatur, item fit ei injuria; nam & qui paupertatis arguit eum, qui pauper non est, injuriam ei facit: *l. si creditores 31. ff. de reb. aut. jud. possid. alias de privileg. credit.* & qui debitorem appellat eum, qui debitor non est. *l. item apud 15. §. si quis non debitorem ff. de injur.* Et aliz multaz occurrunt hujus generis injuriarum.

Et de hoc agi puto in nostra *l. si vero §. 1. ff. qui satisd. cogant.* Nam licet aliis quoque de causis possit rejici fidejussor, tamen ex raro occurrunt, & sæpe earum ratio non habetur: hæc autem duo in fidejussore potissimum requiruntur. *d. l. si quis stipulatus ff. de V. O. & l. 1. ff. in jus vocat. ut eant.* Maxima vero habetur cura facultatum, sine quibus nemo est idoneus fidejussor.

- 4 Egeni enim non sunt idonei fidejussores: *l. 3. §. ult. ff. ut in possess. legat. l. si quo 41. in princ. ff. de petit. heredit.* & idoneus opponitur inopi, *l. patri 27. §. ex hoc ff. de minor.* & ei, qui facultatibus lapsus est. *l. quod si 8. ff. de dol. mal. l. 1. §. si Magistratus ff. de Magistr. conven. l. etiam 14. ff. de admin. sus. l. 2. §. si eo ff. de admin. rer. ad civit. persim.* Quapropter aliquando locuples dicitur pro idoneo, ut in *l. qui rem 166. ff. de reg. jur. juncta l. qui proprio §. qui alium ff. de procurat.* & in *l. 2. in princ. ff. qui satisd. cog. l. quos nos 254. §. 1. ff. de V. S.* Sæpiissime autem idoneus significat locupletem, ut in *l. 2. §. idoneus ff. ad SC. Tertull. in l. auferetur 46. ff. de jure fisco. in l. qui sub conditione 111. ff. de cond. & demonstrat. l. si venditor 14. §. 1. ff. de in di. addit. l. 4. §. item ff. de appellat.* & passim in jure nostro; & quoties non exigitur fidejussor locuples, qualiscumque fide-

jussor admitti dicitur. *l. 1. ff. in jus voc. ut eant. l. 2. §. quod ait ff. qui satisd. cog.* Ex quibus constat, saltem esse sententiam eorum, qui putant, pauperem esse idoneum fidejussorem, dummodo sit probate spectatæque fidei. Nam de essentia idonei fidejussoris est, ut sit locuples pro rei qualitate, nempe ut habeat, unde solvat id, quod in fidejussione promittit. Neque enim alia de causa fidejussor accipitur, nisi, ut securum præstet creditorem; *l. 1. ff. qui satisd. cogant. princ. sis. Inst. de fidejussor.* & ut possit solvere, quod a principali debitore debetur, si ille facultatibus labatur. *§. ult. Inst. tit. de replic.* Itaque idoneus esse non potest, si hæc præstare non possit. Quamobrem Prætor edicto suo cavet, ut locuples fidejussor daretur. *l. 1. ff. in jus voc. ut eant.* Reliqua non expressit, quia cetera omnia sunt adminicula fidejussoris idonei: hoc unum est de substantia.

Cum igitur substantia idonei fidejussoris posita sit in facultatibus, & patrimonio; & idoneus dicatur is, qui locuples est; idcirco recte traditum est a Cajo in nostra lege, fieri injuriam fidejussori, qui recutatur: videtur enim inopiz argui, qui rejicitur, tamquam non idoneus. Et de hoc agi in *d. l.* constat ex primis verbis: *qui pro rei qualitate evidentissime locupletem, vel (si dubitetur) approbatum, &c.* Ceterum si alia de causa rejiciatur, ut supra diximus, nulla erit actio injuriarum adversus rejicientem: itaque fidejussor, qui vult agere injuriarum, probare debet, se aut tamquam pauperem, aut tamquam fide indignum, rejectum fuisse.

Hæctenus de fidejussore: modo dicendum est de debitore. Huic vero nullam injuriam fieri contendo. Nam aut satisfactio necessaria est, aut voluntaria. Si necessaria, tenetur debitor solummodo dare idoneum fidejussorem, quo oblato liberatur ab onere dandi fidejussoris:

ris: satisfecit enim suæ obligationi: l. 3. ff. de fidejuss. l. 3. §. ult. ff. ut in poss. legat. Præstatione coim ejus, quod deberetur, omnis tollitur obligatio. princ. ait. Inst. quib. mod. toll. oblig. Itaque nulla ei fit injuria, cum perinde liberetur, ac si fidejussor acceptus fuisset; nec cogi possit ad alium dandum.

9 Si vero satisfactio sit voluntaria, ejusmodi ea est, quæ exigi solet in contrahendo, non facit injuriam, qui respuit fidejussorem; quia potest dicere: Tecum non contraham, nisi alium fidejussorem dederis, aut nisi dederis hunc vel illum fidejussorem; neque cogi potest ad contrahendum invitus. l. nec oves C. de jure delib. l. invitum C. de contrah. empt. Et unicuique liberum est

contrahere illis conditionibus, quibus voluerit: l. Imperatores ff. de contr. empt. cum unusquisque sit rei suæ moderator, & arbiter. l. in re mandata C. mandat. Itaque utitur jure suo, qui recusat cum aliquo contrahere, nisi alius fidejussor offeratur: nemini autem facit injuriam, qui jure suo utitur. l. injuriarum 13. §. 1. & §. que jure potestatis. l. quod Reipublice 33. ff. de injur. l. & in omnibus C. de appellat. l. continet 3. §. 1. ff. quod met. caus. l. Gracchus 4. C. ad leg. Jul. de adulter. Quamobrem ab aliis Interpretibus recte dissentit Hering. de fidejuss. cap. 6. & ait id, quod traditur in d. l. si vero §. 1. ff. qui satisf. cogant. speciale esse in satisfactione judicio sistendi: sed quia meo judicio rem non satis explicat, idcirco id uberius, & clarius explicabo.

12 Dico igitur, quod nec in aliis satisfactionibus, nec in ipsa satisfactione judicio sistendi fit injuria debitori, recusando fidejussorem idoneum. Fit quidem injuria debitori in nostra l. si vero §. 1. ff. qui satisf. cogant, non tamen fit recusando fidejussorem idoneum oblatum a debitore; sed ducendo in jus ipsum debitorem. Satis evidenter id de-

monstrant verba legis: *Quia sane non qualibet injuria est duci in jus eum, qui satis idoneum fidejussorem det.* Duo sunt facta separata, atque sejuncta: recusatio fidejussoris, & ductio in judicium. Factum recusandi fidejussoris injuria afficit ipsum fidejussorem, non vero debitorem, ut supra ostendimus. Factum ducendi in jus afficit injuria ipsum debitorem. Itaque si creditor recusaverit fidejussorem, & non duxerit in jus debitorem, nullam ei injuriam faciet. Contra si non recusaverit fidejussorem, & nihilominus eum in jus duxerit, ei injuriam faciet, & quidem multo majorem. Hinc constat, quod, etsi verissimum sit, quod lex specialiter est intelligenda, quando tum ipsa, tum ejus ratio specialis est; tamen hoc solo fundamento inniti non debemus, quod etsi convelli posset, tamen subsisteret nostra sententia. Nam superiora verba legis non tam continent rationem, cur injuria fiat, quam demonstrant factum, unde injuria oriatur. Quapropter sublato illo facto, injuria quoque omnis aufertur, necesse est.

Supereft igitur, ut explicemus, cur injuria debitor afficiatur, si in jus duca- tur, cum idoneum obtulerit fidejussorem. Sciendum autem est, quod olim creditor debitorem in jus vocabat, & cogebatur debitor statim in jus ire. Cornific. ad Elen. Lege jus est id, quod Populi jussu sancitum est, quod genus, ut in jus eas, cum voceris. Cic. lib. 2. de legib. A parvis enim, Quinte, didicimus, si in jus vocet, atque eas, & ejusmodi alias leges nominat. Ejusmodi erat lex duodecim Tabularum: Si in jus vocet, atque eas: hoc est, si in jus vocet, statim eas. Si debitor frustraretur, aut fugeret, poterat creditor in eum violentas manus injicere, eumque vi ducere, trahere, capere in jus, etiam oborto collo, si reluctaretur. Constitutum id erat lege XII. Tabularum: Si calviatur,

pedemve struit, manum endo jaciſſo, hoc est, ſi fruſtratur, aut reſugit, manum injicit. Quare nihil frequentius occurrit apud Comicos illis verbis: in jus eat: in jus ambula: ſequere ad tribunal. Plin. in Panegy. ad Trajan. Dicitur Procuratori tuo: in jus veni: ſequere ad tribunal. Plaut. in *Aſulul*. Jam quidem ad Pretorem berce te rapiam, & tibi ſcribam dicam. Et in *Penul*.

Sed quid ego dubito fugere hinc in malam crucem,

Priusquam oborto collo ad Pretorem trabor?

Et in *Rudent*.

— obſecrate, ſubveni mi *Charmides*,
Rapior oborto collo. —

Verum ne injuriam facere videretur debitori, antequam in eum manus injiceret, a lege xxi. Tab. jubebatur anteſtari, hoc est, teſtem aliquem appellare, cui memoriz cauſa aurem tangebatur. Plin. l. ii. Cap. 45. Est in aure ima memoria locus, quem tangentes anteſtantur. Plaut. in *Perſa*: Sed ego in jus voco. D. nonne anteſtariſ? S. tuane ego cauſa, carnifex. eniquam mortali libero aures atteram. Horat. *Satyr*. 9.

— caſu venit obviuſ illi

Adverſariuſ; &, quo tu turpiſſime?
magna

Exclamat voce: &, licet anteſtari?
ego vero

Oppono auriculam: rapit in jus. —

- 14 Hinc intelligimus, cur vim inferre videatur, qui aliquem de domo ſua in jus vocat; l. *plerique ff. de in jus voc.* & cur vocari non poſſint in jus illi, quibus reverentia preſtanda eſt, ſine permiſſu Pretoriſ; l. *generaliter ff. eod.* itemque prohibeantur in jus vocari Magiſtratuſ, qui imperium habent. l. 2. *ff. eod.* quod explicat Gell. lib. 13. cap. 13. Neque vocari, neque ſi venire nollet, capi, atque prebendi ſalva ipſiuſ Magiſtratuſ majeſtate poſſet.

- 15 Pretor autem ut hoc jus mitigaret,
Tem.I.

edicto ſuo cavit, ut in jus vocati irent, aut ſatiſ, vel cautum darent, de quo in *tit. ff. in jus voc. ut eant, aut ſatiſ vel caut. dent*. Non veruit Pretor rapi in jus eum, qui vocabatur. Imo aliud edictum propoſuit, quo metu pœnæ compeſceret eos, qui in jus vocatuſ vi eriperent: l. 1. in *prin. ff. ne quiſ eum qui in jus vocat. vi extimat*. eripere eſt de manibuſ auferre per raptum. l. *ſed eximendi 4. ff. eod.* quare ſi punit eos, qui eximunt, aut auferunt in jus vocatuſ de manibuſ vocantiſ, utique permittit manuſ injicere in eos, qui in jus vocantur. Hoc tantum conceſſit Pretor in jus vocatiſ, ut ſi nollet rapi in jus, & in jus ſtatim ire, ſatiſdarent, & ſatiſdatione ab hac moleſtia eundi in jus in præſentem liberarentur. Igitur, qui idonee cavere paratuſ eſt, in jus duci non poteſt: quotieſ enim aliquiſ diſjunctim hoc aut illud facere, & præſtare tenetur, alterutrum faciendo liberatur. §. *ſi pluſ Inſtit. tit. de hered. inſtit. l. ſi Titio 16. ff. de legat. 2. l. ſi quiſ iſa 129. ff. de V. O. l. ſi unuſ 27. §. ſed ſi ſtipulatuſ ff. de pact. l. ſtipulatuſ ſum, Damam. 105. l. ubi autem §. qui illud l. eum qui certaruſ 133. §. 1. ff. de verb. oblig. l. & per juſjurandum §. ſi iſ qui hominem ff. de accepiſ.*

En ratio noſtræ legiſ. Qui ducit in jus eum, qui ſatiſ idoneum fidejuſſorem dedit, facit ei injuriam, quia eum in jus ducere non poteſt. Olim ſi anteſtatuſ fuiſſet, non faciebat ei injuriam, quia id lege permitteſte faciebat, & jure publico utebatur. l. *injuriam §. 1. ff. de injur.* hodie ex edicto Pretoriſ injuriam facit, ſi ſatiſdare paratuſ eſt, quia per vim eum ducit eò, quò duci non poteſt. Et quidem non quamlibet injuriam facit, ut ait ibi Juſticonſultuſ: hoc eſt, non modicuſ, ſed inſignem, & pravem, l. *fluminuſ 24. §. idem ait ff. de damn. inſect. Plin. lib. 7. cap.*

cap. 23. *Bis ab Annibale captus, neque enim cum qualibet hoste res fuit.* Gravis autem, & insignis injuria est, quia plures injuriæ in unam cumulantur. Inferitur in aliquem injuria tribus modis, lædendo aut ejus corpus, aut ejus libertatem, aut ejus existimationem: hisque omnibus modis injuriam facit, qui in jus ducit eum, quem ducere non potest. Lædit ejus corpus, quia in ipsum injicit manus violentas. *l. 1. §. injuriam ff. de injur.* Lædit ejus libertatem, quia eò ire cogit, quod non vult, & quod cogi jure non potest. *l. injuriarum §. ult. ff. eod. tit.* Lædit denique ejus existimationem, quia dat occasionem Populo existimandi, eum esse adeo pauperem ac deploratæ fidei, ut non possit reperire idoneum fidejussorem. Similes injuriæ proponuntur in *l. item apud Labonem 15. §. item si quis 31. & §. seq. l. si creditor 19. & l. si injuria 20. ff. de injur. §. 1. Instit. eod. tit. l. si creditores 31. ff. de reb. aut. Jud. possid. alias: de privil. credit.* Præterea læditur ejus existimatio, quia hoc non fit sine contumelia & clamore, & vociferatione populi concurrentis. *Horat. Sat. 9.*

— *Rapis in jus, clamor stridentis,*

Undique concursus —

Quæ injuria speciali Prætoris animadversione digna fuit: *l. item apud 15. §. in Prætor. juncto §. convicium autem 17. & §. scilicet ff. de injur. ac proinde non levis injuria est, sed notabilis. d. l. item apud §. hoc editum.*

Non est igitur dubitandum, injuriam fieri debitorum, ducendo eum in jus, non respuendo fidejussores. Quapropter caute Cajus in nostra *l. si vero non absolute dixit injuriarum teneri, qui non accipit idoneos fidejussores judicio fiendi causa datos, sed dixit: adversus eum injuriarum actio esse potest.* Potest esse actio injuriarum: videlicet, si eum nihilominus in jus duxerit. Si autem

non duxerit in jus, nulla erit actio injuriarum. Ideo verbis illis subiecit Jurisconsultus; *quia non qualibet, &c.* ut ostenderet, quando sit actio injuriarum.

C A P U T XXIII.

Ad l. vulgaris 21. ff. de furt.

S U M M A R I U M.

- I. Gallinarum, & columbarum furtum fit.
- II. Explicatur. §. Gallinarum Just. tit. de Ret. divls.
- III. Explicatur d. §. Gallinarum & Pomponius l. 2. §. 1. ff. fam. etc.
- IV. Explicatur Auth. seu Nov. ut omnes obediunt vrsf. 69. Cap. 1. & n. 6.
- V. Pretium Columbarum, Gallinarum, & Turdorum quantum antiquitus esset. Gallina altilis legibus sumptuariis interdita erat.
- VI. Verba: parvum, exiguum, modicum, rutilius sunt; ideo Gallina est quid minimum, ut quis cogatur ire in aliam Provinciam ad eam persequendum; & furtum, de quo agitur in l. 3. §. idem recipit ff. de Bon. eor. qui ant. sent. licet modicum dicatur, in aliis casibus modicum non est, Explicatur d. l. 3.
- VII. Exempla furtorum rei minima referuntur. inter quæ recensentur furtum Aquæ. Explicatur l. Vulgaris 21. ff. de Furtis & n. seqq.
- VIII. Nummus pro re minima ponitur; cum decem nummi viginti quinque Asces continent seu viginti caratia nostra montia.
- IX. Modus pro re minima ponitur, & quantum frumenti contineret. Explicatur l. quidam 7. §. ult. ff. de Trit. Vin. & Olleg.
- X. Pretium, quo venibus antiquitus modius frumenti. Frumentum ab Adilibus plebi distribebatur quatuor assibus in modios, scpe etiam duobus, ac non sunt assibus: postea lege Clodii gratis dari coepit. Mole aquæ versatilis non erat apud Romanos, sed aut manuum servorum, aut junioris agitationis. Modius seu modius coarctat.
- XI. Stratarium frumenti de novo metata auferent furtum facit stratarium. Modius stratarium furtum continet.
- XII. Amphora continet urnas duas, stratarium quadragesima octo. Furtum stratarium vini proponitur, & quo pretio coarctat.
- XIII. Quadragesima urna vini venibus nummis stratarium.

XIV. Si quis ex cisterna Aquæ fentarium abstrulerit, furtum committit.

XP. In quibusdam Regionibus aqua venditur.

XVI. Furtum rei minime ficitur etiam apud Grecos.

XVII. Solonis leges etiam finis fures puniebant; unde adagium *ἄσιν ἄν' ἔστιν ἡμῖν* iudicium.

XVIII. Draconis leges etiam pomi, aut lactuca furem capite puniebant.

XIX. Milibus apud Romanos rei minime furtum permittébatur, donec numerum argenteum excederet.

XX. Pro re minima furti actio datur.

est, ut furtum admittat.

Præterea miror, & hunc §. & d. l. 8. adduci ad hoc probandum. Etenim non unius gallinæ, aut columbæ furtum fieri dicitur, sed gallinarum, & columbarum; nempe tot, quot sufficient ad constituendam rem non minimam.

Ad auct. ut omnes, &c. idem responderi posset, in ea supponi furtum gallinæ domesticæ, dummodo ea tanti fuerit, ut rem minimam excedat: non enim sancitur gallinæ furtum fieri, ut inde possimus arguere fieri furtum cuiuscumque gallinæ, sed obiter gallinæ furtum nominatur, tamquam furtum rei exiguæ, non minimæ.

His addo gallinarum, & columbarum eum olim fuisse valorem, ut non semper minima res sint iudicandæ. Pl. lib. 10. cap. 37. *L. Axius Eques Romanus ante bellum civile Pompejanum denariis quadringentis singula paria (columbarum) vendidit, ut M. Varro tradit.* Sunt quadraginta nostrorum scutorum. Varro de pullis earum lib. 3. c. 7. *Roma si sunt formosi, bono colore, integri, boni seminis, paria singula vult. go veniens ducentis nummis: nec non eximia singulis millibus nummum, quas nuper cum mercator tanti emere vellet.* *L. Axius Equite Romano, minoris quadringentis denariis daturum negavit.* Non mirum igitur, etiam columbarum furtum factum fuisse, cum vulgo venirent singula paria decem, aut viginti quinque scutis nostri temporis. Gallinarum quoque non modicum fuisse pretium exillimo, maxime altilium, quæ legibus sumptuariis interdixtæ erant. Plin. lib. 10. cap. 50. *Hoc primum antiquis earum interdixit exceptum invenio, jam lege C. Fannii Col. xi. annis ante tertium Punicum bellum, ne quid volucrium poneretur præter unam gallinam, quæ non esset altilis, quod deinde caput translatum per omnes leges ambulavit.* Inven-

S 2 sum

Subijciamus aliquid de furtis. Rei minimæ furtum fieri fatentur fere omnes Interpretes, sed meo iudicio omittunt ea argumenta, quibus id perspicue potest demonstrari. Probant hanc sententiam §. Gallinarum Inst. iii. de rer. divis. & acquir. ear. dom. ubi gallinarum fit furtum; gallinam autem esse quid exiguum, tradit Justinianus Legislator noster in auct. ut omnes obediant. vers. 69. cap. 1. Item afferunt textum in l. Pomponius 8. §. 1. ff. fam. ercisc. ubi columbarum furtum fit.

Sed eludi facile potest vis horum argumentorum. Primum in §. gallinarum non queritur de quantitate rei, cujus furtum fieri potest; sed de natura gallinarum, an sint mansuetæ, vel mansuetæ, vel feræ, & ejusmodi, ut occupanti concedatur, an vero ejusmodi, ut earum furtum fiat. Ait Justinianus, natura sua ejusmodi esse, ut earum furtum fiat. Inde autem non consequitur fieri furtum rei minimæ. Ea est natura gallinarum, ut earum furtum fiat, dumne id impediat quantitas rei surreptæ. Ut enim ajunt in scholis, supponendi sunt semper termini habiles. Si gallina sit adeo modicæ æstimationis, ut ejus furtum non fiat, furtum quidem non committitur; non tamen quia furto repugnet natura gallinæ, sed quia repugnat modica quantitas: non quia gallina concedatur occupanti, sed quia tanti non

tumque diverticulum est in fraudem earum gallinaceos quoque pascendi lacte madiis cibis : multo ita gratiores approbantur . Ecquis dubitet de his ? cum denarii ternis turdi venderentur , ut testatur Varro de Re Rustica , cujus verba non pigebit apponere , ut intelligant Nostri valorem avium apud Romanos : Certe , inquit Mucula , ibi vidi greges magnos Anserum , Gallinarum , Columbazarum , Grunum , Pavonum , nec non Glirium , Piscium , Aprorum , ceteraque nationis , ex quibus rebus Scriba librarius ejus in annos singulos plus quinquaginta millium a Villa capere dicebat . Axiò admirante : Certe nosti , inquit , Mitertera meæ fundum in Sabinis , qui est ad vicissimum quartum lapidem via Salaria , a Roma . Quid ni ? inquit . At qui in hac Villa qui est ornitbon , ex eo uno quinque millia scio venisse Turdorum denariiis ternis . Sexaginta millia ea pars reddiderit eo anno Villa , bis tantum , quam tunc fundus ducentorum jugerum Rente reddit . Quid sexaginta , inquit Axius ? Sexaginta , sexaginta , derides ? Sexaginta , inquam . Sed ut ad hunc locum pervenias , opus erit tibi , aut Epulum , aut Triumphus alicujus , ut tunc fuit Scipionis Metelli , aut Collegiorum æna , quæ nunc innumerabiles excandescent annorum macelli . Reliquis annis omnibus & hanc expectabis summam : quotus enim quisque est annus , quo non videas Epulum , aut Triumphum , aut Collegia copulari , quæ nunc innumerabiles intendunt annonam . Plura non exscribo , sed videnda sunt cetera .

- 6 Nec obstat text. in d. Nov. ut omnes 69. cap. 1. ubi gallina domestica exiguum quid dicitur . Verba , parvum , exiguum , modicum , referuntur ad id , de quo agitur . In hac Novella sancit Justin. neminem in aliam Provinciam ire cogi , ut conveniat debitorem suum , sed posse eum in ea Provincia conveniri , in qua deliquit . Certe gallina , non

solum quid exiguum est , sed minimum , ut hac de causa quis cogatur in aliam Provinciam ire ad eam persequendam . Quis in aliam Provinciam iret , ut tam tenuem mercedem acciperet ? Quare inter furta rei minimæ non recensco furtum , de quo in l. 3. §. idem rescriptis ff. de bon. eor. qui ante sent. licet ibi reus modici furti nominetur . Nam cum ibi agatur de eo furto , propter quod reus esset condemnandus morte , vel deportatione , & bona ejus fisco essent vindicanda , omnia furta modica sunt , propter quæ ejusmodi pœna non irrogatur .

7 Exempla igitur furti minimæ rei petenda sunt ex l. vulgaris 21. ff. de furt. Quam nostri aut omittunt , aut stricte attingunt , cum tamen hoc fere fundamento innitatur hæc sententia . Quapropter eam copiose explicare constituimus . Quatuor ibi referuntur exempla furtorum rei minimæ . Furtum facit , & furti se obstringit , tum qui auferat decem nummos : tum qui modium frumenti : tum qui sextarium : tum denique qui aquam . Et ne quid possit incidere dubitationis , proponitur frumentum ablatum de nave onerata , aut de horreo pleno , & aqua de cisterna .

8 Furtum decem nummorum satis modicum est . Decem nummi sunt viginti quinque asses , seu viginti caratæ nostræ monetæ . Nummus pro re nihili ponitur in l. si quis 46. ff. locat. Cicer. pro Q. Rosc. Comed. Hic tu si amplius sestertio nummo petisti , quam tibi debitum est , causam perdidisti . Et ad Astic. lib. 5. epist. 21. Rationes conferatis ; assidunt : subducunt : ad nummum convenerit : Catullus autem , ut rem minima minorem significaret , assen dixit :

Rumoreque senum severiorum
Omnes unius æstimemus asses .

Et Martial.

Asse duos calices emis , & ipse tulit . 9
Alterum est furtum ejus , qui ex acervo frumentati modium sustulit . d. l. vul-

Juris 21. in princ. Modius triticum admetiebantur, & hac mensura vendi, promitti, legari solebat. l. quod sepe §. in his ff. de contr. empt. l. quod legatur ff. de judic. l. colonus 61. §. novum locat. l. ubi autem 75. §. 1. ff. de verb. oblig. l. si ita fideiussorem 42. ff. de fideiuss. & alibi possit. Quantum penderet hæc mensura, tradit accurate Plin. lib. 18. cap. 7. Ex his generibus, quæ Romam invocabantur, levissimum est Gallicum, atque a Chersoneso advectum, quippe non excedunt in modium vicenas libras, si quis granum ipsum ponderet. Adjicit Sardinum siliobas, Alexandrinum & trientem: hoc & Siculi pondus. Boticum totam libram addit: Africum & dodrantem. In Transpadana Italia scio vicenas quinque libras farris modius pendere circa Clusum, & Senam. Modius igitur frumenti vicenas libras pendet, aut non multo plus. Quam modica res est! Hinc explicatur l. quidam 7. §. ult. ff. de vin. trit. & ol. leg. Lucio Titio tritici modios centum, qui singuli pondo centum pendeant, heres dato. Ofidius nihil legatum esse, quod & Labeo probat, quoniam ejusmodi triticum in rerum natura non esset, quod verum puto. Refle: nusquam enim nascitur triticum tanti ponderis.

10 Atque ut appareat, quam modica res sit frumenti modius, dicendum est aliquid de ejus pretio. Pretium certum statui non potest. Varium enim & pro fertilitate Regionis, & pro annonæ vilitate. Polyb. lib. 2. ubi de Gallia Cisalpina: Σίτρον τι γὰρ τοσούτων ἀρθροῦν ἐπαρκεῖν συμβαίνει κατὰ τὴν πόσιν, ὥς ἐν τοῖς καὶ πλεονεκτητοῖς πολλὰ μὲν πητὰρον ὀβολῶν εἰρηταισιν πορὶν ἢ Σικελικῶν μέδιμον, τὸ δὲ καλῶν δοσιον. Frumenti enim ea copia est in iis locis, ut persæpe nostris temporibus tritici medimnus Siculus veniat quatuor obolis, bordei vero duobus. Medimnus sex modios continet. Itaque ibi frumenti modius non

multo plus asse venibat. Hui rem minimam! Ex oratione Demosthenis in *Phormion*. constat, ejus ævo medimum frumenti quinque drachmis Athenis æstimatum fuisse, itaque paucis assibus modius æstimabatur. Quid in Sicilia? Cicer. in *Divin. in Q. Cæcil. Queritur Sicilia tota, C. Verrem ab aratoribus, cum frumentum sibi in cellam imperavisset, & cum esset tritici modius sestertiis duobus, pro frumento in modios singulos duodecim sestertios exegisse. Idem 3. in Verr. Fuis autem te Pretore, ut tu in multis epistolis gloriaris, sestertiis duobus. Et infra: Hoc reprehendo, quod cum in Sicilia sestertiis duobus tritici modius esset, ut istius epistola ad te missa declarat: summum sestertiis ternis scio eo anno magnam fuisse annonæ vilitatem. Sed quam minima res est duo, aut tres sesterti: hoc est, duo, aut tres nummi? Roma quoque satis tenuæ frumenti pretium fuisse existimo: nam cum olim ab Ædilibus plebi frumentum distribueretur quatuor assibus in modios, sæpe etiam duobus, ac non semel etiam assibus, postea vero lege Clodii gratis dari cœperit, non poterat immodicum esse ejus pretium. Plin. lib. 18. cap. 3. *M. Varro auctor est, cum L. Metellus in triumpho plurimos duxit Elephantos, assibus singulis farris modios fuisse. Tacit. lib. 15. Annal. de Nerone: Subvertitque utensilia ab Hostia, & propinquis Municipiis, pretiumque frumenti minutum usque ad ternos nummos. Plin. lib. 18. cap. 10. Panes vero à modio similaginis 122. & floris modio 117. Pretium huius annonæ media in modios farinæ quadraginta asses. Antea dixerat: Similago ex tritico fit: laudatissima ex Africa: justum est & modis redire semodios, & pollinis sextarius quinque: ita autem appellantur in tritico, quod florem in siligine. Si ex modio frumenti semodius similaginis redit, summa redigetur ad viginti asses. Quod si subducamus operam farinæ in cerni-**

CLM

cuio decutiendæ, & impensam tritici in farinam molendi, pretium frumenti ad summam multo minorem redigemus. Neque enim puto, hos sumptus compensari posse cum ea parte, quæ superat secreta similitudine. Etenim sumptum tritici molendi non modicum fuisse existimo, cum illi non uterentur molis aqua veratilibus, sed aut trusatiles essent molæ, manu servorum agitatæ, aut jumentariæ, & alinariæ, jumentorum labore circumactæ, ut satis notum est, & docetur in *l. dolia* 26. §. 1. ff. de *instr. vel instrum. leg.* Certe Martialis *lib. 12. epig. 77.* summam adeo minuit, ut fere ad nihilum redigat:

*Amphora vigeffer, modius datur ere
materno.*

Vides hic quatuor assibus tritici modium æstimari. Pone triticum infimæ notæ, pone summam annonæ vilitatem, vix tamen ad hanc summam descendes: nisi sorte non de Roma, sed de alia Regione id est intelligendum. Nam Columella *lib. 3.* minimum pretium amphoræ vini esse ait quindecim nummorum, hoc est triginta septem assium cum semisse; hoc autem loco Martialis amphoram viginti assibus dari. Itaque aut de insolita ubertate anni loquitur; aut de alia Regione; aut potius pretium minuit.

- II Sed jam ad tertium furtum progrediamur. Hoc vero minimo minus est. In *d. l. vulgaris* §. *Sed si de navi ff. de furt.* traditur eum, qui sextarium frumenti de navi onerata sustulerit, furtum sextarii facere, non totius frumenti: modius sextarius sexdecim continebat, ut nos docet Volusius Macrianus in libro de ponder. & satis constat inter Eruditos. Divide jam in sexdecim partes pretium, quod modio frumenti tribuimus, quantula erit summula? Piget me rationem subducere: sed ut summum frumenti pretium statuas, vix tamen ad duos asses pervenies. Proponitur in eo-

dem §. furtum ejus, qui vini sextarium abstulit. Sextarius enim, & aridorum, & liquidorum mensura communis est. Pretium ejus hoc modo assequemur. Amphora continebat urnas duas, sextarios quadraginta octo, ut docet Volusius, Macrian. Amphoræ sæpe fit mentio in Jure nostro, ut in *l. 3. §. 1. ff. de vin. trit. & ol. leg.* in *l. quod ssep §. in his ff. de contr. empt. l. 2. C. de peric. & com. rei vend. l. quarundam ff. de acquir. possess. l. inter stipulantem §. sacram ff. de V. O. l. ult. §. ult. ff. ad leg. Rhod. l. Vinaria 206. ff. de V. S. & passim in sit. ff. de trit. vin. & ol. leg. Quare urna continet sextarios 24. & quadragenæ urnæ continent sextarios 960. 13 Traditum est a Columella *l. 3.* quadragenas urnas, cum minimum est annonæ pretium, venire nummis trecentis; hoc est assibus 750. Igitur sextarii 960. vaneunt assibus 750. Asses 750. sunt quadrantes 3000. Igitur sextarius vini subducta ratione tribus quadrantibus æstimatur. En furtum, quo vix minus potest excogitari.*

Sed est adhuc furtum quoddam minus. Nam &, si quis ex cisterna aquæ sextarium abstulerit, furtum faciet. *d. §. sed si de navi.* Nihil villius aqua: lolet ea concedi sine ullo pretio etiam illis, qui nobis noti non sunt. Argute, ut lolet, Plaut. in *Aulul.*

Tum aquam aufugisse dicito, si quis petes.

Et infra:

Aquam berche ploras, cum lavas, profundere.

M. Tull. *lib. 2. de offic.* ut rem incredibilem dicat: *At ii, qui ab hostibus absidentur, si emere aquæ sextarium mina cogerentur, hoc primo incredibile videri, omnesque mirari.* Non ignoro, quosdam esse Regiones, ubi aqua emitur. Ulpian. in *l. 1. ff. de alim. legat. Si alimenta fuerint legata, dici potest etiam aquam legato inesse, si in ea Regione fuerint legata, ubi*

Genumdari aqua soles. Et in l. *Mela* §. ult. ff. cod. *Quidam* liberis suis, ut alimentis, ita aquam quoque per fideicommissum reliquerat: *consulebar* de fideicommissis, cum in ea Regione Africa vel forte Aegypti, res agi proponebatur, ubi aqua venalis est. Sed cum vini sextarium tribus quadrantis aestimaverimus, quanti erit aestimandus aqua sextarius? Quid si hoc intelligamus de ea Regione, ubi aqua non emitur? Elegans est hac de re Martialis Epigramma 47. lib. 6.

*Exsolvis votis hac se tibi virgine porca
Marcus, fartivum qui bibis ager
aquam.*

*Tu contenta meo jam crimine gaudia
sentis.*

Da securam tui: sit mihi sana sisit.

16 Videor, mihi satis perspicue probasse, etiam rei minimae furtum fieri. Neque hoc mirum cuiquam videatur, cum & apud Græcos, quorum leges, & instituta Romani sunt imitati, rei minimae furtum fieret. Libani in paradigmate loci communis in proditorem: τῆς εἰς τοῦτο δρῶντος ἀλόω τὰς καλῶντες. Convit-

17 *Illos furti quinque drachmarum punitis.* Solonis enim leges etiam furti fures puniebant: unde apud Græcos usurpatum est adagii loco *Βολὴν δῖαν, furti iudicium*, in eos dictum; qui rei minimae iudicium, ac poenam sultinent; ut traditum est a Scholiaste Aristophanis in *Equis*. & a Suida, & in Vaticana appendice centur. 1. Prover. 24. Draconis autem leges etiam pomi, aut lactucae furem capite puniebant, ut sciunt omnes Plutarch. in *vita Solonis*, & Gell. lib. 11. cap. 13.

19 Hoc tantum monendum foret, quod quamvis apud Romanos severissima esset disciplina militaris; tamen rei minimae furtum militibus permittebatur, dumne excederet nummum argenteum. Gell. lib. 16. cap. 4. Cum delictus antiquitus fieret, & milites scriberentur, in iurandandum eos Tribunus Militaris adigebat

in *verba* hac. In Magistratu C. Lelii C. filii Cos. L. Corneli P. filii Cos. in exercitu, decemque millia passuum prope, furtum non facies dolo malo solus, neque cum pluribus, pluris nummi argentei in dies singulos. Puto id constitutum propter atrocitatem poenae, quae his irrogabatur. Polyb. *Εὐλαστῆται δὲ καὶ ὁ καὶ ψῆς π* & ex τοῦ ἐκπρωτῆς, *Fuisse percussus* & is, qui furto aliquid de Castris abstulit. Suet. in Tiber. cap. 60. Is militem praetorianum ob surreptum e viridario pavonem capite punivit. Et Spartianus testatur, Pescennium Nigrum ob unius gallinae direptionem decem manipulos, qui raptum ab uno comederant, securi percussisse.

Illud ad explicationem nostrae legis subiiciendum est: quod harum rerum minimarum non solum furtum sit; sed etiam furti tenetur, qui abstulit. In nostra l. in princ. ibi in tantum eos furti actione tenent, quantum abstulerint. & in §. 1. teneri furti, decem nomine places. Et in hac lege passim agitur de actione furti: & promiscue dicitur furtum fieri, & furti actionem esse: ut in princ. legis. & in §. item si quis & in §. si duo.

GAPUT XXIV.

Ad l. si ita fideiussorem 42. ff. de fideiussor.

SUMMARIUM.

- I. Fideiussor in maiorem summam accipi non potest.
- II. Modus frumenti in summa annuae earum quindocim sesteris in Sicilia aestimatus fuit.
- III. Fideiussor in maiorem summam, & in maiorem causam accipi potest.
- IV. Quoties nominatur decem, centum, solo significari decem millia HS, centum millia & proinde effrui solent auro genere.
- V. Quando summam aliquam auroreum significare voluerit Jurisconsulti, exprimebant auroreum, aut solidum.

IV. 31

VI. Fidejussor in aliam obligationem accipi non potest, & quando in aliam obligationem accipi dicatur?

VII. Centenarius libertus quis dicatur, & an Tribonianus in hac re deceptus sit? aureus continet centum sestertius.

VIII. Emendatur l. Mavia 48. ff. sol. matrim. sestertium continet mille sestertius.

IX. Emendatur l. Pater 38. §. Fideicommissis ff. de legat. 2. Strevola floruit sub M. Antonino; Paulus sub Alexandro, & Strevola Praepositor verbatim in Jure respondendo, Aureus quando solidi nomina acceptis & n. 20. Tremisser eudi iussit Alexander, qui etiam partem auri continebant.

X. Auri appellati sunt solidi etiam ante Alexandrum, quod multis exemplis probatur.

XI. Emendatur l. Obdus 97. ff. de legat. 3. & l. Tantum 98. ff. de V. S. Petere videtur adverbium numeralibus, & subintelligitur centena millia, adeo ut decies sestertium significat decies centena millia sestertium, & his adverbium tamquam nominibus utantur.

XII. Ostenditur, quod adverbium illud centies in d. l. Obdus & d. l. Tantum non potest significare centum aureos, nec centies centena millia aureorum.

XIII. Emendatur l. Cum heres 4. §. 1. ff. de statulib. & explicatur & n. 14.

XIV. Latinus libertus ferebat olim, qui manumittebatur pendente conditione, sub qua ei jam data erat libertas, non autem Civis Romanus ferebat. Explicatur l. Ultima ff. de Manum. testam.

XV. Deportati quia Civitatem amittunt, dicuntur libertatem amittere. Explicatur l. Cognitionem 3. §. ult. ff. de extraord. Cognit.

QUod de frumenti pretio disputavimus, nobis facem praerunt interpretationi l. si ita 42. ff. de fidejuss. Si ita fidejussorem accipere: quod ego decem credidi, de ea pecunia mille modios tritici fide tua esse jubes? non obligatur fidejussor, quia in aliam rem, quam qua credita est, fidejussor obligari non potest: quia non ut aestimatio rerum, qua mercis numero habentur, in pecunia numerata fieri potest; ita pecunia quoque merce aestimanda est. Aestimantur in hac lege mille modii frumenti decem. Non tamen adjicitur, an sint decem aurei, an vero decem sestertia, hoc est decem mil-

lia sestertia. Si decem aureis aestimetur mille modii frumenti, singulorum valor erit unius nummi: si vero decem millibus HS. erit decem nummorum.

Existimo in hac lege eum, qui fidejussorem accipit, decem millia credidisse: non decem aureos: primum, quia fidejussor in majorem summam accipi non potest §. fidejussores Inst. tit. de fidejuss. l. Grace 8. §. illud ff. & l. bi qui 34. ff. de fidejussor. Itaque maxime verendum esset, ne fidejussor acceptus esset in duriorum causam, si frumentum tam modico pretio fuisset aestimatum. Pluris enim Romae fuisse supra demonstravimus. Et tamen Jurisconsultus in hac lege de re non curat. Decem autem nummi in singulos modios videntur convenire justae aestimationi, cum in summa annonae caritate quindecim sestertia in Sicilia aestimatum fuisse testetur Cicero 3. in Verr. praeterea quia nihil impedit, fidejussorem in minorem summam, & in leviorum causam accipi. dd. II. Itaque curandum potius est, ut de summa a reo principali detraheretur aliquid, quam adderetur. Quare in fidejussione non fuit dictum: pro ea pecunia mille modios tritici fide tua esse jubes? sed, de ea pecunia, ut demonstraretur, pecuniam excedere aestimationem tritici, & fidejussorem potius in partem accipi, quam in majorem summam.

Praeterea quoties in jure nostro Venum, centum, &c. nominantur, solet significari decem millia HS. centum millia, &c. ut interdum adjicitur. l. illa stipulatio 67. ff. de V. O. l. duo societatem 71. ff. pro soc. Quapropter solent huc neutro genere offerri, ut in l. legata ff. de reb. cred. l. obligationum fere §. si ita ff. de obligat. & act. l. ait Prator §. per hanc ff. quae in fraud. cred. l. si ita stipulatus 126. in princ. ff. de V. O. l. liberto 21. ff. de an. leg. l. Aurelius §. centum

centum & §. quidam. l. legavi 25. ff. de liber. leg. l. qui testamento ff. de probat. l. talis scriptura §. quid si forte ff. de legat. 1. l. si cum praesumptione ff. quando d. leg. ced. l. Publius in princip. ff. de cond. & demonstr. l. fideiussores Magistratum §. 1. ff. de fideiuss. l. ut. C. de his que sub

5 mod. Quando autem summam aliquam aureorum exprimere volunt, aut id ipsum exprimunt: decem aureos, decem solidos, ut in l. 1. §. si cui ff. de extr. co. gu. in l. nonnulli 10. ff. de accusat. aut id indicant aliqua adjunctione, unde cognosci possit, ens loqui de aureis, ut in l. libertis 18. in princ. ff. de alim. leg. mensuros decem, mensuros septem, annuos denos. Cum autem simpliciter effertur, de sestertiis, non de aureis sunt intelligenda, ut constat ex l. libertis 26. ff. de bon. libert. & ex l. si libertus 16. ff. de jure patron. juncto §. postea vero Insti. tit. de success. libert.

6 Igitur denis nummis in hac lege vtriusque modus aestimatur, aut minus, si forte pro parte fideiussor intercessit. Non tamen valet fideiussio: quia in aliam obligationem fideiussor accipi non potest. In aliam obligationem accipi dicitur fideiussor, quoties ex sua promissione debiturus est aliquid, quod non debet reus principalis. Exemplum peti possunt ex l. Grace 8. §. si quis Srichum in fin. & ex l. si Srichum 38. ff. de fideiuss.

7 Nec sine causa id admonere volumus: nam hujus rei ignoratione multi errores in Jus nostrum irrepserunt. Non ausim dicere, hac in re deceptum fuisse Tribonianum, qui centenarium libertum statuit eum esse, qui centum aureos habet in bonis, legem Papiam interpretans in §. sed nostra Insti. tit. de success. libert. cum certum sit, centenarium fuisse libertum, qui centum millia in bonis habebat, §. postea, cod. tit. l. libertus 26. ff. de bon. libert. l. si libertus 16. ff. de jure patron. Centum millia sestertium efficiunt summam mille aureorum, non

Tom.II.

centum, cum aureus contineat centum sestertios, non mille. Sed dicendum est, accisis Imperii opibus, & privatorum facultatibus in dies decrefcentibus, a Justiniano summam fuisse diminutam.

Idem est error in l. Marcia 48. ff. 8 solut. matrim. quem si Tribonianus tribuere nolumus, Librariis tribuere necesse est. Marcia marito suo inter alias res dotis, etiam instrumentum solidorum decem tradidit, quo Otacilius eidem Marcia caverat, daturum se, cum nuptum ire cepisset, decem millia. Hic quoque decem millia aestimantur decem solidis, seu decem aureis, cum contineant centum aureos. Itaque perperam adjectum est verbum illud, solidorum: quod fortasse ab aliquo imperito additum est, qui deceptus est nota, qua sestertii describuntur, quæ est hujusmodi: H. S. Si quis hoc modo legat: Marcia marito suo inter alias res dotis etiam instrumentum sestertiorum decem tradidit, certe constabit sententia: nam sestertium continet mille sestertios; ac proinde decem sestertia continent decem millia sestertium. Simile est illud Juvenalis, Satyr. 4.

— nullum sex milibus emis
Æquantem sane paribus sestertia libris.

Mullus erat sex librarum: sex millia sestertium sunt sex sestertia; itaque sestertia libris æquabat. Quamvis autem a Veteribus Auctoribus sestertium neutro genere non dicatur, præterquam a Poetis, tamen in posterioris ævi Scriptoris id a me non semel observatum memini.

Idem est error in l. Pater 38. §. si 9 deicommissis ff. de legat. 3. Fideicommissis ei, cui duo millia legavis, in hæc verba: a te Petroni peto, uti ea duo millia solidorum reddas Collegio cujusdam Templi. Non dubito, Scævola scripsisse: uti ea duo millia H. S. Etenim Scævola temporibus aureis adhuc solidi nomen non

T ac

acceperat. Floruit Scævola sub M. Antonino, ut refert in hujus vita Capitolinus: hoc est, ante Alexandrum Imperatorem. Quare Paulus, qui floruit imperante Alexandro, ejusque Consiliarius fuit, in Scævolam notas scripsit, eumque semper appellabat Scævola nostrum, quia eo Auctore ac Præceptore utebatur in Jure respondendo, ut optime animadvertit doctissimus Cujacius. *l. si unus §. si unus ff. de pact. l. 6. ff. de reb. auct. Jud. l. atqui 19. §. 1. ff. de negat. gest. l. Neseñnius ff. de excus. tutor. l. qui plures 38. §. ult. ff. de vulgar. & pupil. subst. l. quod si minor §. Scævola ff. de minor. l. qui Stichum §. ult. ff. de jure dos. Solidi autem videntur appellati eo tempore, quo Alexander tremisses cudi jussit, ut existimat doctissimus Budæus: quia tunc dicti sunt solidi, hoc est integri aurei, cum tremisses tertiam auri partem continerent. Narrat hæc Lamprid. in vit. Alex. Verba ejus, a Viro incomparabili emendata, sunt hæc. *Vestigialia publica in id contraxit, ut qui decem aureos sub Heliogabalo præstiterant, tertiam partem auri præstarent, hoc est, trigessimam partem. Tuncque primum tremisses aureorum fermati sunt, cum ad tertiam partem auri vestigialia dedidisset: dicente Alexandro etiam quartarios futuros, quod minus non posset. Quos quidem quartarios jam formatos in moneta destinuit, expellens, ut si vestigialia contrahere potuisses, & eosdem ederes: sed cum non potuisses per publicas necessitates, constari eos jussit, & tremisses tantum, solidosque fermari.**

10 Sed vceore, ut defendi possit hæc sententia, cum etiam multo ante Alexandrum aureos appellatos fuisse solidos, reperiam. In Edicto Ædilium Curulium solidi nominantur. *l. qua vulgo 42. ff. de Ædilit. Edict. In Edicto Prætoris itidem solidos nominatos reperimus. l. si vero 5. §. Prætor ait ff. de his qui effud. vel dejec. Item in Rescripto Im-*

peratorum Severi & Antonini *l. Imperatores 34. ff. de jure fisci.* Quæ omnia prodierunt, & scripta sunt multo ante Alexandrum: quod a Budæo aliique doctissimis Viris non fuisse observatum, sane mirandum est, præsertim cum Budæus hanc sententiam confirmet etiam in *annes. ad Pand. in l. qua vulgo ff. de Ædilit. Edict.* Neque probabile est, has leges a Tribonianis emendatas fuisse. Quid enim causa esse potuit? cum etiam Justiniani tempore aureorum nomen esset in usu, §. sed nostra *Instit. tit. de success. libert. §. item is Instit. tit. de obliq. qua ex quasi delictis.* & tot aliis in legibus aureorum nomen sit relictum, ut in *l. 2. ff. in jus voc. ut eant. l. penult. ff. de in jus voc. l. Si quis 7. in princ. ff. de jurisd. in l. Papinianus 8. in fin. & l. seq. ff. de inoff. testam. l. lege Cornelia 25. in princ. ff. ad SC. Silianian. l. an. §. 1. ff. ad leg. Jul. amb. l. Si credider 37. §. 1. ff. de pecul. l. 1. §. Si cui ff. de extraordin. cognit. l. nonnulli 10. ff. de accusat. & alibi. Igitur defendi potest vulgata lectio in *d. l. pater 38. §. fideicommissi ff. de legat. 3. quæ defendi non posset, si probaremus communem doctissimorum Hominum sententiam, existimantium, ante Alexandri tempora solidi nomen in usu non fuisse. Sed puto, nihilominus legendum: duo millia HS.**

Sunt alix duæ leges, quæ eadem in-
digent emendatione. In *l. Ofidius 97. ff. de legat. 3. Imperator interrogavit partem legatarii, quarendi causa pone (inquit) in condito centies aureorum esse, qua in usum sumi solerent: diceret totum, quod esses in arca, relictum debet? In l. tantum 88. ff. de verb. sign. Tantum quisque pecunie reliquit, quantum ex bonis ejus refici potest. Sic dicimus centies aureorum habere, qui tantum in prædiis, ceterisque similibus rebus habeat. In utraque lege expungendum puto verbum, aureorum. Nemo ulla, Veteres his adverbis numeralibus usos fuisse*

se ad describendam summam sestertium, & subintelligi, centena millia. Itaque decies, vices, centies sestertium, significat decies centena millia sestertium, vices centena millia sestertium, centies centena millia sestertium. Idem dicendum de reliquis. Et si autem Veteres soleant addere sestertium, aut sestertio, tamen id aliquando omittebant. Cic. pro Sen. Rosc. Hec bona sexagies, emuntur duobus millibus nummum. Similis omnino loquendi forma ei, qua utitur JC. in l. tantum 88. ff. de V. S. Idem Cic. in orat. in Ver. de frum. Sic per triennium ad hanc frumenti emptionem centies & tricies erogatum est. Liv. lib. 8. Potius quadrages, quam ducenties litem aestimatum. Contra centies aureorum apud probatos Auctores nusquam legisse me memini. Est quidem apud Martialis, lib. 4. epigr. 37. verus, quo videtur defendi posse hæc dictio:

Ex insulis, fundisque tricies solidum. Solidus autem, & aureus idem est, ut norunt omnes. Sed aliud significat Martialis, non tricies solidum, sed solidum, hoc est integrum tricies; hoc enim adverbio utebantur, tamquam nomine. Idem Mart. lib. 1. ep. 79. ad Calen.

Non plenum modo vices habebas. Et alibi.

Dederas, Apici, bis trecentis ventri,
Sed adhuc supererat centies tibi laxum.

Cornel. Nepos in vita Attici: Tantaque fuit moderatio, ut neque in sestertium vices, quod a patre acceperat, parum se splendide gesserit, neque in sestertium centies affluentius vixerit. Alia exempla passim occurrent legentibus Latinos Auctores: nos hæc tria selegimus, quæ ad rem nostram visa sunt maxime accommodata.

12 Quod si quis in adductis legibus putet agi de aureis, non video, quo pa-

cto eas possimus interpretari. Si dicas centies aureorum significare centum aureos, absurda est, & non Latina locutio. Præterea non convenit l. Offidius 97. ff. de legat. 3. in qua Imperator magnam quamdam summam exprimere voluit, ut ostenderet, consentaneum non esse eam legato contineri. At centum aurei modica summa sunt. Non convenit etiam alteri legi. Quomodo enim in prædiis ceterisque similibus rebus haberi possunt centum aurei? Exiguus agellus est, aut hortus, cujus æstimatio non excedat hanc summam. Si vero dicas, centies aureorum significare centies centena millia aureorum, infinita plane summa est. Efficit enim viginti quinque miliones nostrorum scutorum. Quamobrem neque hæc summa convenit nostris legibus. Quis hanc summam in arca habet, ut in suum usum consumat, ut in d. l. Offidius? Ex cujus bonis tanta pecunie summa refici potest, ut in d. l. tantum? Et ut fuerit olim aliquis, qui tantum haberet in bonis; tamen, cum ait JC. Sic dicimus centies aureorum habere, &c. ostendit, id non esse insolitum, nec infrequens. Denique animadversione digna sunt illa verba: Sic dicimus centies, &c. ex quibus constat, ibi Jurisconsultum loqui juxta communem consuetudinem. Atqui communi loquendi consuetudine non centies aureorum, sed centies sestertium aut centies absolute dicebatur. Possem id sexcentis exemplis probare, sed ea trita sunt ac pervulgata, & unicuique obvia. Qui desiderat exempla Juris nostri, adeat l. avia 77. §. ult. ff. de censu. & demonstr. l. cum de in rem verso §. 1. ff. de usur. l. cum heres 4. §. 1. ff. de statu liber.

Quoniam autem aliud agentes incidimus in l. cum heres 4. §. 1. ff. de statu liber, monendum est, a quibuscum ibi legi mille, ab aliis decem millia. Utraque lectio falsa est. Recte datur

libertas sub hac conditione, si decem millia dederit. Ulpian. in *fragm. tit. de statu liber*. Neque enim immodica summa est. Item recte datur sub conditione, si mille dederit. Nam si mille aureos intelligas, mediocris summa est; si mille nummos, etiam parva. Igitur legendum est *millies*: hoc est millies centena millia sestertium: efficiunt autem summam 2500000. nostrorum scutorum. Hanc summam neque servus conficere potest, neque quemquam invenire, qui pro se solvat hæredi. Quamobrem videtur adjecta conditio animo impediendæ libertatis, non dandæ: ac propterea cum desit animus dandæ libertatis, inutile est legatum. Immediatur autem libertas, si valeret legatum, quia si ab alio manumitteretur, non fieret Civis Romanus, sed libertus Latinus. *l. un. §. sed etsi sub condit. 7. C. de Latin. libert. toll.* Itaque domini, ne servi sui possent umquam ad justam libertatem, & Civitatem Romanam pervenire, eos sub conditione pene impossibili, aut quæ in vita impleri non possent, manumittebant. Pompon. in *l. ult. ff. de manum. testam.* Scio quosdam efficere volentes, ne servi sui umquam ad libertatem perveniant, hactenus scribere solitos: *Sicibus, cum marietur, liber esto.* Obiter notanda sunt in hac lege verba illa: *ne umquam ad libertatem perveniant*; & in *l. 4. §. 1. ff. de statu lib.* quia nec animus dandæ libertatis est. Perveniebant quidem ad libertatem, si ab alio manumitterentur, sed quia non consequebantur jure Civium Romanorum, non dicebantur pervenire ad libertatem. Sic Callistratus in *l. cognitionem 5. §. ult. ff. de extraord. cognis.* dixit deportatis adimi libertatem: non alia certe de causa, quam quod omitunt jura Civium Romanorum, qui textus torset, & torquet ingenia omnium Interpretum. Hoc autem obiter manifeste sufficiat.

CAPUT XXV.

Ad §. *Pæna furti last. tit. de obligat. quæ ex delict.*

SUMMARIUM.

- I. *Pæna dupli in furtis non manifestis desumpta ex Lege Solonis.*
- II. *In duplum condemnabatur fur ex lege Solonis, si dominus rem furtivam recepisset, si minus, in decuplum; quod si supra quadraginta drachmas furtis abstulisset, capite puniebatur.*
- III. *Nocturnum furtum, deprehensum in furtis, xlii. Tabula occidi permittitur, quod ex lege Solonis desumptum erat.*
- IV. *Fures manifesti, si tela se defendrent, interfici poterant ex lege xlii. Tabularum; servus autem, furtis manifestis, s. furtis precipitari poterant, & quomodo reliqui fures manifesti puniuntur.*
- V. *Fures manifesti, qui addicebantur ei, cui furtum sectantur, proprie servi non vocabantur, sed veri.*
- VI. *Solutio ejus, quod debebant, libertatem consequantur debitoris veri, non fures manifesti, qui in pænam additi erant.*
- VII. *Pæna addicendi fures manifestos atque Quinciliani non erat amplius in usu.*
- VIII. *Fures manifesti multis verbis puniebantur apud Lacædæmonios, nulla vero pæna irrogabatur furtis non manifestis; apud Athenienses vero, nullum discrimen erat inter manifestos, & non manifestos.*
- IX. *Prætor pænam furti manifesti subrogavit quadruplam. Prætor abrogare legem non poterat.*
- X. *Anno Urbis 429. sublata est lex xlii. Tabularum, quæ a iudice condamnati addicebantur creditori, sed excepti sunt qui nexam meruerant & n. 15.*
- XI. *Solon legem Sisacibis iudis, quæ liberabatur ab obligatione emere debitoris, & curvabatur, ne quis in postum super corpus debitoris minueretur.*
- XII. *Eadem lex erat apud Egyptios, apud quos, ne usura duplum furtis excederet, sancitum erat.*
- XIII. *Apud Athenienses, si iudicatus non solvisset decreto Magistratus, pignora capiebantur, & creditor mittebatur in possessionem bonorum debitoris, quod & Romani imitari sunt; ac si debitor non haberet unde solvere, creditori ei circumscribebatur locus, unde*

agro

egredi non poterat, antequam solvisset; aut in carcerem conjiciebat.

XIV. Catonis tempore an inventa esset quadrupli poena in fures manifestos. § n. 17.

XV. Anno ab Urbe condita 259. sancitum est, ne quis Civem Romanum vinculum, aut clausum teneret, & ne quis militis, domo in cussis esset, bona possideret; postea vero legibus duodecim Tabularum sua utendi debitorum confirmatum est.

XVI. Etiam in Provinciis debitorum addicebantur creditoribus.

Decemviri in XII. Tabulis poenam dupli sanxerunt in fures non manifestos. Translulerunt hanc poenam in XII. Tabulas ex legibus Solonis, qui, ut refert Gell. lib. 11. cap. 18. sua lege in fures, non, ut Draco antea, mortis, sed dupli poena vindicandum existimavit. Hermogen. in partit. sect. 4. Νόμος κελδύτης ἔ μὲν ἡρώτων πένοντα, ἔ δὲ κλέπτην διπλαῖα δίδοναι. subrante lege sacilegem interfici, furem vero duplum reddere. In duplum tamen fur condemnatur, si dominus rem furtivam receperisset; sin minus, in decuplum: ut testatur Demosthenes in Timocratem. Quod si supra quinquaginta drachmas furto quis abstulisset, capite puniebatur, teste eodem Demosthene in laudata Oratione. Quo referendam esse arbitror quest. 16. sect. 29. Prob. Aristot.

3 Multo graviori poena affecerunt Decemviri tum nocturnos fures, tum fures manifestos. Nocturnum furem, in furto prehensum, occidi permiserunt, ut testatur Gell. *ibid.* Et hoc delictum a Solonis lege, quam laudat Demosthenes in eadem Oratione.

4 Fures quoque manifestos, si telo se defendissent, interfici permiserunt. Ex ceteris autem manifestis furibus liberos verberari, addicque jusserunt ei, cui furtum factum esset, si modo id luci fecissent, neque se telo defendissent. Servos item, furti manifesti prehenso, verberibus affici, & e saxo precipitari; sed pueros impuberes Praetoris arbitrata

verberari vulerunt, noxaeque ab his factam faciri. Hæc Gellius loco laudato. Et lib. 20. cap. 1. Nisi duram esse legem putas, quæ furem manifestum ei, cui furtum factum est, in servitutem tradit.

Non tamen erat hæc vera servitus, § nec servi proprie vocabantur, sed nexi. Varro de Lingua Latina, lib. 6. Liber, qui suas operas in servitute pro pecunia, quam debeat, dat, dum solveret, nexum vocatur, ut ab ære oberatus. Erat igitur in servitute potius, quam servus. Quintil. lib. 5. Inst. orat. cap. 10. Aliud est servum esse, aliud servire, qualis esse in additis questio solet. Qui servus est, si manumittatur, fit libertinus: non idem additus. Et lib. 7. cap. 3. Servus cum manumittitur, fit libertinus: additus recepta libertate est ingenuus. Servus invito domino libertatem non consequitur. Additus solvendo, citra voluntatem domini consequitur. Ad servum nulla lex pertinet: additus legem habet. Propria liberi, quæ nemo habet, nisi liber, prænomen, nomen, cognomen, tribum, habet hic additus. Non poterat explicatius nobis demonstrare conditionem additorum; & quantum differant a servis, ostendere. Illud tamen a quod de consequenda libertate per solutionem ejus, quod deberetur, affirmat; tantummodo ad debitores nexos pertingere, arbitror, non ad fures manifestos, qui pecuniam non debebant, sed poenam furti corporealem; & ideo non poterant solutione pecuniae liberari citra voluntatem domini. Nec ad fures ea verba referri commode possunt: quia ætate Quintilianii non erat amplius in usu ejusmodi poena furti.

Sed unde hæc inter furta manifesta, & non manifesta, distinctio? Au ab institutis Lycurgi apud Lacedæmones, qui, ut Xenophontis verbis in Rep. Lacedæmoniorum utar, πολλὰς ὀφθαλμοῖς ἐπειράλλει τῷ ἀδικητήρι, Multis verberibus plectebat eum, qui deprehensus esset; & cum

& cum nullam poenam irrogaret furibus non manifestis, fures manifestos severe puniebat. Sane apud Athenienses nulum fere vestigium apparet hujus distinctionis inter furta manifesta, & non manifesta. Solus, quod sciam, Xenophon lib. 1. memorabil. furis manifesti meminit: Κατὰ γὰρ τὴν νόμον, εἰς πρὸς φανερὸς γίνεσθαι κλεπτῶν, ἢ λατοδωτῶν, ἢ βλάσαντων, ἢ ποικροτῶν, ἢ ἀνδροκτοδωτῶν, ἢ ἱεροσυλῶν τέτοις θανάτος ἐστὶν ἡ ζημία. Nam secundum leges, si quis fuerit fur manifestus, vel balnearius, vel secularis, vel vellicularius, vel plagarius, vel sacrilegus, his omnibus poena mors est. Atque haud scio, an nomine furis manifesti Xenophon intelligat eum, qui furtum confessus est, non vero, ut nostri Jurisconsulti interpretantur. Ita plane Æschines videtur explicare in Oratione in Timarchum: Οἱ δὲ νόμοι κελεύουσιν κλεπτῶν τὴν γινόμενα ὁμολογεῖν θανάτῳ ζημιώσθαι, τὰς δὲ ἀρνημένους κρίνειν θάνατον. Leges precipiunt fures quidem confitentes capite plecti, negantes vero in iudicium adduci.

9 Utrumque sit, poena illa gravissima, a Decemviris in fures manifestos constituta, tempore exolevit, ejusque loco a Prætoribus subrogata est quadrupli poena. Gell. lib. 20. cap. 1. de his legibus: Sed non levis estimator, neque aspernabilis est Populus Romanus, cui delicta quidem istæ vindicanda, poena tamen hujusmodi nimis dura esse visæ sunt. Passus est enim leges istas de tam immundo supplicio, situ atque senio emori. Itaque non abrogavit legem Prætor, quod facere non poterat, l. 1. §. de feriis, sed cum ei desuetudine abrogatum esset, poenam quadrupli introduxit.

10 Quo tempore in usu esse desierit poena constituta a Decemviris, quo tempore introducta a Prætoribus poena quadrupli non constat. Que conjectura assequi potui, breviter subjiciam. Anno Urbis 429. L. Papirio Mugillano, vel,

ut alii putant, Carstore, & C. Petelio Balbo Coss. sublata est lex xii. Tabularum, qua cavebatur, ut a Judice condemnati, ni debitum perolverent intra triginta dies, addicerentur creditori, & ab eo in nervo, ac compedibus haberentur, donec integrum debitum perolverent. Non tamen fuit sublata poena furti, ab iisdem legibus constituta. Liv. lib. 8. Eo anno Plebi Romana velut aliud initium libertatis factum est, quod ligari nexti desierunt. Mutatum autem Jus ob unius feneratoris simul libidinem, simul crudelitatem insigne. Et paulo post: Jusque Consules ferre ad Populum, ne quis, nisi quis noxam meruisset, donec poenam lucret, in compedibus, aut in nervo teneretur. Pecunie credis bona debitoris, non corpus obnoxium esset. Ita noxi soluti, cautumque in posterum, ne nocerentur. Observandum est, in hac lege excipi eos, qui noxam meruerunt. Quoad corpora debitorum, ne creditoribus obnoxia essent, confirmarunt Imperatores Diocletianus, & Maximianus in l. ob es C. de obligat. & action. Hoc idem, cum usurparetur a Græcis, vetitum fuit a Solone, qui legem Sisacithiz tulit, qua & omnes, qui ante id tempus debita contraxerant, ab obligatione liberavit, cavitoque in posterum, ne quisquam super corpus debitoris mutaretur, ut testantur Plutarchus in Solone, & in op. de vitan. are alien. & Diod. Sicul. lib. 1. qui etiam addit, hoc interdictum pariter fuisse apud Ægyptios, apud quos etiam lege cautum erat, ne usurse supra duplum fortis possent ascendere. Apud Athenienses si judicatus non solvisset decreto Magistratus, pignora capiebantur, & mittebatur creditor in possessionem bonorum debitoris, ut refert Ulpian. & Demosthen. in oration. in Midiam. quod Romani postea imitati sunt. At si non haberet unde solveret, creditor ei circumscribebat locum, unde egredi non poterat,

antequam solvisset ut refert Helych. in voce *ωριππαρον*, vel in carcerem coniciebat, & in compediibus habebat, teste eodem in voce *ἰκαδοσταδοῖς*.

- 14 Ut ad furta, unde discessimus, revertamur, postea ad poenam furti manifesti referri illud Catonis apud Gell. lib. 11. cap. ult. *Fures privatorum furtorum in nervo, atque in compediibus etiam agunt: fures publici in auro, atque in purpura*. Unde quis conjecturam capere posset, Catonis tempore nondum inventam quadrupli poenam, nec sublatam poenam additionis.

Nihil tamen ausim certo statuere, quia ea verba referri etiam commodè possunt ad jus neſtendi debitores. Simile est, quod Plautus in *Panulo act. 1. sc. 1. ait*:

*Dupli tibi auri, & hominis fur le-
no fiet;*

*Neque id unde efficias, habes: ubi
in jus veneris,*

Addices Praetor familiam totam tibi.

Et scen. ult.

*Quin egomet tibi me addito. Quid
Praetore opus est?*

*Verum obscuro te, ut liceat simplum
solvere.*

Idem in *Asinul*.

*At ego Deos credo voluisse, ut apud
te me in nervo enecem.*

Si legamus apud me te in nervo enecem, expedita erit sententia: putabat enim senex, illum sibi ollam auri abstulisse.

- 15 Jus neſtendi debitores apud Romanos antiquissimum, & licet multis legibus atque edictis fuisset pluries interdictum, numquam tamen florente Rep. potuit exterminari. Ante latas XII. *Tabularum* leges, anno ab Urbe condita 259. Appio Claudio, & P. Servilio Coſſ. quidam migno natu, qui nexus crudeliter habebatur, cum prorupisset in forum, & magnas turbas excitasset, nexu vincti solutique fere undique in publicum proriperunt, implorantes Qui-

ritium fidem. Itaque Servilius Coſſ. edixit, ne quis Civem Romanum vinctum, aut clausum teneret, quo minus ei nominis edendi apud Coſſ. potestas fieret: & ne quis militis, donec in castris esset, bona possideret, liberos, nepotesque ejus moraretur. Liv. lib. 2. Postea confirmatum est hoc jus neſtendi debitores legibus XII. *Tabularum*, ac certa forma praescripta, ut refert Gell. lib. 20. cap. 1. Nec quisquam ausus est eam revocare, licet hac de causa turbulentissimae tempestates extiterint in Rep. de quibus Liv. lib. 6. & passim. Ipse Licinius Stolo turbulentissimus Tribunus Pleb. qui levandae Plebis gratia inter Patres, ac Plebem implacabiles discordias concitavit, hoc jus Populo auferre ausus non est. Tandem anno 423. ut supra dictum est, jus hoc sublatum est lege a Consulibus lata. Sed hæc lex non fuit observata, ut testatur Quintilianus. Imò cum iterum C. Popilio rogante sublatum fuisset, tamen neſti debitores non desierunt. Varr. de Ling. Lat. lib. 6. Hæc C. Popilio rogante, *Sylla* Dictatore, sublatum, ne fieret, & omnes, qui bonam copiam jurarent ne essent nexi, dissoluti. Quæ verba sublatum ne fieret, ostendunt, non solum lege solutos fuisse, qui jam nexi erant, sed vetitum ne in posterum neſterentur, sicut prior lege cautum erat. Sed urgente avaritia non potuit hoc a Patribus extundi, & neutra lex fuit observata. Gell. lib. 20. cap. 1. *Addici namque nunc, & vinciri multos videmus, quia vinculorum poenam deterrimi homines contemnunt. Terent. in Phorm. act. 4. sc. 4.*

*Cum argentum repetent, nostra causa
scilicet*

In nervum potius ibunt.

Quem locum non recte Donatus interpretatur. Plaut. in *Menachm. act. 1. sc. 1.*

*Nam ego ad Menachmam nunc eo, cui
jam diu*

Sum

Sum judicatus, ultro eo, ut me vincias. Idem in Curren. scen. ult.

— *quia ego ex te faciam pilum catapultarium.*

Aque ita te nervi torquebo, itidem nisi catapulte solent.

Delicatum te hodie faciam, cum catello ut accubes.

Ferreo ego dico.

Leno autem infra merito queritur:

— *Proh Deum atque hominum fidem! Hoccine pacto indemnatum, atque intestatum me abripi!*

Et rurlus:

Tu autem in nervo jam jacebis, nisi mihi argentum redditor.

Et Paulo post:

Ego in nervum, haud ad Praetorem, hinc vapiam, ni argentum refers.

Alia ad hanc rem Plauti testimonia supra attuli. Est & illud Nævii, quod inter genera ridiculi valde laudat Cic. lib. 2. de orat.

Quanti addictus? mille nummum. Nihil addo, ducas licet.

Verba M. Tullii sunt hæc: *Ut apud Nævium videtur esse misericors ille, qui judicatum duci videns percunctatur ita: Quanti addictus? mille nummum.*

Si addidisset tantummodo, ducas licet, esset illud genus ridiculi præter expectationem: sed quia addidit nihil addo; ducas licet; addito ambiguo altero genere ridiculi, suis, ut mihi quidem videtur, falsissimus. Fuit autem hoc præter expectationem, quia qui occurrebat addicto, qui ducebatur, ideo solebat interrogare creditorem, quanti addictus esset, ut eum solvendo debitum liberaret. Liv. lib. 6. de M. Manlio, occurrente Centurioni, qui ducebatur: *In de rem creditori palam populo solvit: libaque, & gre libertatum emittit.* D.

Liv. de eodem M. Manlio: *Homines prope quadringentos produxisse dicunt, quibus sine sanore expensas pecunias tu-*

lisses, quorum bona venire, quas duci addictos prohibuisses.

Nec solum Romæ, sed etiam in Pro-16-
vinciis addebantur debitores creditoribus suis, quia, ut puto, Præfides vel hoc edicto comprehendebant, vel morem & consuetudinem Urbis Romæ hac in re observabant. Cic. in Orat. pro L. Flacco: *Itaque recuperantes contra istam rem minime dubiam prima actione judicaverunt. Cum judicatum non feceres, addictus Hermippo, & ab hoc ductus est. Accidit hoc in Asia. Id in L. Pison. Nonne cum ducenta talenta tibi Apolloniata Roma dedissent, ne pecunias creditas solverent, ultro Fufidium Equitem Romanum hominem ornatissimum creditorem debitoribus suis addixisti?*

Ex his constat, verba Catonis etiam 17
de debitoribus ex causa furti posse intelligi, qui non ob pœnam furti, sed quia non solverent id, ad quod solvendum fuerant condemnati, addicti forent, & in nervo, ac compedibus haberentur. Rectius tamen de pœna furti videntur esse intelligenda. Neque enim cuiquam dura videri potest hæc pœna, si pendat, iisdem vinculis fuisse vinctos debitores, nullius delicti reos. Sane Cato ibi atrocitatem pœnæ in privatos fures exaggerat, ac propterea de pœna furti id interpretari cententaneum est.

C A P U T XXVI.

Ad §. Conceptum Instit. sit. de obligat. qua ex delicto nasc.

SUMMARIUM.

- I. Furtum conceptum dicebatur, quasi simul caprum, seu comprehensum, nam illud est, quod apud aliquem invenitur. n. 2.
- III. Furti concepti pœna gravissima erat; postea mitigata fuit, & tripli pœna constituta.
- IV. Concepti furti per lancem & litrum quod off.

- set. Hic mos a Græcis deductus est.
 V. Nudi furta inquirebant, ne quid clam inferrent. Licio cingebantur virginum causa, ut partes pudendas tegerent, & hic mos observabatur a Sacerdotibus, maxime in Lupercalibus.
 VI. Lictores a licio, an a ligendo dicti sunt?
 VII. Lictum erat pœnus ad velandam partem corporis.
 VIII. Lance quare merentur quærentes furta.
 IX. Servi fugitivi quomodo conquirebantur, & quid esset indicium?
 X. Lex Æbutia sublatus est antiquus mos concipiendi furta.

DE furto concepto est inter doctissimos Homines magna dissensio. Litterator ille, Jurisque, quod profitebatur, non satis peritus apud Gellium lib. 16. cap. 10. ait, furtorum quæstiones cum lance, & licio evanuisse. Nec ipse Gellius, harum rerum non indiligens, cujusmodi esset furtum, per lancem, & licium conceptum, nobis aperuit, sed ad Sabini librum de furtis nos ablegavit lib. 11. cap. 18. Sed quod sit oblatum, quod conceptum, & pleraque alia ad eam rem ex egregiis veterum moribus accepta, neque inutilia cognitis, neque injucunda, qui legere volet, inveniet Sabini librum, cui titulus est de furtis. Quid esset furtum conceptum: quæ ejus pœna: quando in usu esse desierit, conabor explicare.

- 1 Furtum conceptum dicebatur, quasi simul captum, seu comprehensum. Sunt enim sere ejusdem significationis concipere, & comprehendere. Cir. lib. 2. de finib. Concipere, & comprehendere animo voluptatem. Et de Natur. Deor. Concipiens, & comprehendens natura. Ovid. lib. 1. Metamorph.

Sed rimuit, ne forte sacer tot ab ignibus arber.

Conciperet flammæ, totusque ardesceret axis.
 Hoc enim a verbo capio: illud a verbo præbendo compositum est.

- 2 Furtum igitur conceptum, est furtum comprehensum, seu inventum, & captum apud aliquem. Vetus Glossar. Tem.I.

Conceptum furtum dicitur, cum quis præsentibus rebus rem furivam invenit apud aliquem. Cajus lib. 2. Instit. Conceptum furtum dicitur, cum apud aliquem alterum res furiva invenitur. Paul. lib. 2. sentent. cap. 31. Concepti alicuius is tenetur, apud quem furtum questum, & inventum est. Secundum hæc Justinianus in §. conceptum Inst. tit. de oblig. quæ ex delict. nasc. Conceptum furtum dicitur, cum apud aliquem rebus præsentibus furiva res quesita, & inventa sit: nam in eum propria actio constituta est, quamvis fur non sit, quæ appellatur concepti.

Modus investigandi, & concipiendi furta constitutus a legibus XII. Tabularum: a quibus etiam gravissima pœna coerebantur furta concepta. Gell. lib. 11. cap. 18. Ea quoque furta, quæ per lancem, liciumque concepta essent, perinde ac si manifesta forent, vindicaverunt. Sed nunc a lege illa Decemviri illi discessum est. Gravissima autem pœna constituta erat legibus duodecim Tabularum in fures manifestos. Gell. ibid. Ex ceteris autem manifestis furibus liberot verberari, addicique jusserunt ei, cui furtum factum esset, si modo id luce fecissent, neque se solo defendissent: servos item furti manifesti prebentos verberibus affici, & e saxo precipitari; sed pueros impuberes Prætoris arbitratu verberari voluerunt, noxamque ab his factam sarciri. Si eadem erat furti, per lancem, & licium concepti pœna, ut testatur Gellius, nam pœna gravissima erat. Quamobrem fuit mitigata nimia severitas posterioribus legibus, & tripli pœna constituta. Gell. ibid. Furti concepti, item oblati, tripli pœna est.

Concipiebantur autem hæc furta per lancem, & licium. Quid hoc esset, disputant æreter Viri in primis erudit. Id nos paulo diligentius, ac perquisitius exponemus. Enimvero faciem nobis præfert Festus in verbo lance, ibi: Lance, & licio dicebatur aqua Antiquos, quia

quia qui furtum ibat querere in domo aliena, licio cinctus intrabat, lancemque ante oculos tenebat propter matrifamilias, aut virginum praesentiam. Decemviri, ut plerique omnia, sic ejusmodi morem querendi, & investigandi furta a Graecis transfulerunt, & legibus duodecim Tabularum sanxerunt. Aristophan. in Nubib.

Σο. Ἰθὶ κῶ, κατὰ θεοῦ δοιμάκων.

ΣΤΡ. Ἠδίσταται;

Σο. Οὐδ' ἀλλὰ γυνεὺς εἰσίναι νομίζου.

ΣΤΡ. Ἄλλ' οὐχὶ φοβέων ἴσως ἐπισύχου.

So. Age nunc, depone vestes, STR. Quid deliqui?

So. Non, sed nudos introire oportet.

Str. Aliqui non furtum concepturus ingredior.

Explicate rem totam exponit ibi Scholiastes his verbis: "Ἐξὸς γὰρ τῆς εἰσόδου εἰς οἰκίαν πρὸς ἐπὶ τὸ ἐρᾶνθαι, γυνεὺς εἰσίναι, ἵνα μὴ ὑπὸ τῆς ματρικρυψέως λάβωσι, ἢ ἵνα καὶ ὑπὸ ἐχθρῶν λαβῶσι, ὑποβαλόντες τὸ ζητούμενον, καὶ ζημίας αἰτίαι τούτων γινώσκουσι. Οἱ οὖν πολλοὶ πρὸς εἰσίναι, ἵνα ἐπιδικάζονται χρήματα τοῦ δημοσίου, ἢ κληροῦν, γυνεὺς εἰσίναι, ἵνα μὴ τὴν ἀπαρῶνται. Mos erat, ingredientibus alicujus domum ad peruestigandum, nudos introire, ne sub vestibus aliquid occultentes laterent: vel ne propter inimicitiam occultis subficientes id quod querebant, causi essent, cur ille in poenam incurreret. Itaque ingressuri, vel ut publicas res inspicerent, vel ut furta perquirent, nudi introibant, ne quid occultarent. Quod ad consuetudinem refert hic Scholiastes, legi tribuit Iszus de Philothenonis hereditate. Διαγόντων δὲ ἐκείνων, ὅτι οἱ αὐτοὶ ἐξεννοχόντες εἰν εἰς τῶν πολιτικῶν οἰκίαν, καὶ ἀξιοῦντων ἀδελφῶν τῶνδε φοβέμεναι τὸ νομῶν. Dicentibus vero illis, quod in vicinam domum se receperant, & volentibus statim his concipere secundum legem. Plato quoque

id in suas leges transtulit. Sanxit enim libro XII. Φοβέων δὲ αὖ ἰδόντων τις τι παρ' ὁμοῦν, γυνεὺς, ἢ χιτωνίτων, ἐχθρῶν, αἰώσας, προνοήσας τὰς νομίμους θεοῦς, πᾶν ἐλπίδων ἀνέναντον, οὕτω φοβέων. Ἐξὸς δὲ τῶν ἐρᾶνθαι βλαβερῶν φοβέων μὴ διδῶν, διακρίνεται τὸ ἀπειρογόμενον πειναιμῶν τὸ ἐρᾶνθαι. αὖ δὲ τις ὄλην, τῶν διακρίσιναι τοὶ περὶ τὸν βλάβωλον ἐκτίνασθαι. Si quis furta concipere apud quemlibet voluerit, nudus, aut tunicam solum habens, & discinctus, & jurans per patrios Deos se ad id faciendum adduci spe invenienti, ea concipiat. Si vero quisquam inquirere volens furtum concipere non permittat, per judicem condemnatur ad persolvendum id, quod querebatur. Et, si non solvat, in duplum condemnationis tenetur.

Origo igitur hujus instituti a Graecis. Nudi furta conquirebant, ne quid occulte inferrent, ac supponerent. Licio cincti erant ad tegendas partes pendendas, virginum, & matronarum causa. Consuetudo etiam in sacris usurpata apud Romanos. Virgil. 8. Aeneid.

Jamque Sacerdotes, primusque Potestius ibant

Pellibus in morem cincti, flammisque ferebant.

Maxime in Lupercalibus, in quibus Luperci per Urbem discurrerant nudi, succinatique, & puellas occurrentes pelliculis verberantes. Plutarchus de Lupercis: Τυμνοὶ δὲ τῶνδε ἐν νεορῶντι. Nudi discurrerent, cum subligaculis. Ovid. 5. Fastor.

Semicaper coleris cinctus, Faune, Lupercis.

Stat. lib. 5. Sylvar.

Verbera succincti formidare Luperci.

Hinc Lictores a licio transverso, quo cingebantur, dictos fuisse putavit Tiro Tullius apud Gellium, & Isidorus. Cinctus enim erat signum ministrantis. Sueton. in Cajo: Cajo quosdam summis honoribus sanctos cenanti modo ad plenum,

modo ad pedes stare succinctos linteo passus est. Horat. lib. 2. serm. 8.

— Puer albe cinctus acernam

Gaulapae purpureo mensam detergit —

Quare Dominus Jesus in postrema, quam habuit cum discipulis suis cena, ministraturus ipsis posuit vestimenta sua, & linteo præcinxit se. Verius tamen fortasse est, Lictores dictos fuisse a ligando, ut Nonius Marcellus affirmat.

7 Lictum autem erat pannus ad velandam, & circumligandam partem corporis aptus. Varro: *Flamines, quod lictis in apice velati erant.* Virg. Eclog. 8.

Terna tibi hæc primum triplici diversa colore

Licia circumdo —

Eadem de causa lancem oculis investigatoris obiciebant ad tuendam honestatem scæminarum, quæ hac ratione poterant ejus aspectum declinare. Simile quiddam nos usurpamus: nam e fronte mulorum lancem suspendimus, ne libero obtutu omnia, quæ obviam incurrunt, circumspicientes perterrescant & consternerentur.

Enimvero alia fuit ratio conquirendi servos fugitivos. Solebat enim vel libello proposito, vel per Præconem indicium promittere, hoc est, præmium indicanti servum, aut conquiretores a Præ tore petere, & accipere. De hoc indicio fit mentio in l. 4. §. ult. ff. de condit. ob surp. caus. Plautus in Mercatore.

Certum est, Præconum jam quantum est conducier,

Qui illam investigent, qui inveniant.

Post ad Prætorem illico

Ibo: orabo, ut conquiretores det mihi in vicis omnibus Cur. Fortunatian. lib. 1. Rhetoric. Cujus servus fugerat, libello proposito, vel per Præconem nunciatus dixit, daturum se denarios mille ei, qui ad se servum perduxisset. Petron. Arbit. Dum Eumolpus cum Bargate in secreto loquitur, intrat stabulum Præco cum ser-

vo publico, aliæque sane modica frequentia, facemque fumosam magis, quam lucidam quassans, hæc proclamavit: Puer in balneo paulo ante aberravit, annorum circa sedecim, crispus, mollis, formosus, nomine Gnytho. Si quis eum reddere, aut commonstrare volueris, accipiet nummos mille. Nec longe a Præcone Ascyllus stabat, amictus discoloria veste, atque in lance argentea indicium, & fidem præstebat; & paulo infra: Interim Ascyllus, ut pererravit omnes cum Viatorum cellas, venit ad meam, & hæc quidem plenior spem concepit, quo diligentius oppressulatas invenit fores. Publicus vero servus insertans commissuris secures, claustrorum firmitatem laxavit. Hæc quæ de veste discoloria, & lance argentea tradidit Auctor, meo judicio ad lancem, & lictum referri non possunt, cum eo tempore non esset amplius in usu modus ille concipiendi furta. Sunt igitur ea omnia referenda ad perquisitionem servorum fugitivorum, de qua in l. 3. & toto tit. ff. de fugitivis, & toto tit. C. de fugit. & de illis, qui servos alienos occultant, in l. non statim 6. ff. ad leg. Fab. in l. 1. ff. de fugit. in l. Neratius 11. §. ult. ff. de serv. corrupt. in l. si mandavero 12. §. fugitivus ff. mand. l. 3. §. si quis C. de SC. Syllan. Apul. lib. 6. Tunc etiam legibus, quæ servos alienos profugos in vicis dominis vetant suscipi, prohibeor. Et paulo post nobis suppeditat simile exemplum Mercurii, perquirentis Psyche ancillam Veneris fugitivam, & indicium pollicentis.

Quod attinet ad tempus, quo in usu esse desiit hæc ratio investigandi ac perquirendi furta, nihil certo statui potest. Vero simile est, lege Æbutia sublatum fuisse hunc modum concipiendi furta, constitutumque, ut testibus presentibus res furtivæ conquirerentur. Indicat hoc Gell. lib. 16. cap. 10. Sed enim cum proletrii, & assidui, & sanæ, & vades, & subvades, & viginti quinque as-

ses, & taliones, furtorumque questiones cum lance, & licio evanuerint, omnisque illa XII. Tabularum antiquitas, nisi in legis actionibus Centumviralium causarum lege *Æbutia* lata confopita sit. Testatur Ludovicus Charondas se in fragmento quodam Romanæ antiquitatis hæc verba reperisse: *Æbutius, Tribunus Plebis, vir popularis, legem tulit ad Populum, ut duodecim Tabularum capita, quæ inutilia essent Reip. tollerentur: quæ lex multis contradicentibus tandem rogata est. Inter capita inutilia legis XII. Tab. fuisse videtur illud, quo statuebatur de furto per lancem liciumque concepto. Certe Plauti ætate in usu fuisse non videtur. Cum enim in *Pænulo* Milphio servus, & Agorastocles dominus lenoni infidias struxissent, ut is addiceretur Agorastocli, & domum lenonis Agorastocles iret, quaesitum villicum suum, qui apud lenonem cum marsupio auri delitescerebat, non est usus lance, & licio, sed testes advocavit, quibus presentibus villicum comprehendit, nec lenonem sibi addici curavit, tamquam reum furti concepti, sed tamquam debitorem, quod solvendo non esset. Versus quibus hæc indicantur, subijciam *Æt.* 1. *scen.* 1. ubi servus dominum instruit:*

Rogato, servus veneritne ad eum tuus:

Ille me censetis quari: continuo tibi

Negabit. Quid tu dubitas quin extempulo.

Dupli tibi auri, & hominis fur leno fiet?

Neque id unde efficiat habet: ubi in jus veneris.

Addices Prætor familiam totam tibi.

Ita decipiemus foræ lenonem Lycum.

Et Æt. 3. *scen.* 1.

Ille negabit, Milphionem quari censebis tuum.

Id duplicabis omne furtum: Leno addicetur tibi.

Et scen. ultim.

Agor. Imo hæud multo post in jus veneris.

Lyc. Quin egomet tibi me addico a quid Prætor opus est?

Verm obsecro te, ut liceat simplum solvere.

Ex quibus constat, ea ætate nondum fuisse constitutam tripli pœnam, quæ fortasse postea a Prætoribus constituta est, sicut pœna quadrupli in fures manifestos.

C A P U T XXVII.

Ad L. qui vas argenteum ff. de furt.

S U M M A R I U M.

I. Dominus, qui rem suam propria auctoritate auferre a possessore, rem ipsam amittit. & nam. 11.

II. Nemo sibi ipse jus dicere debet, aut propria auctoritate res occupare.

III. Legatarius non potest occupare legatum, sed ab herede illud petere debet.

IV. A fure fugitivo licet propria auctoritate rem auferre, quod observatur & in Decuriones fugientes.

V. Id etiam, quod actione & judicio consequimur, auferri dicitur.

VI. Actione furti solam pœnam persequimur, non rem ipsam & n. 8.

VII. Res furtiva repetitur conditione furtiva, & rei vindicatione.

IX. In actione 'vi bonorum raptorum res rapta constituitur.

X. Juxta debet condemnare reum juxta naturam actionis.

XI. Actor, qui rem suam furi abstulit, eam amittit.

XII. Si dominus rem furto sibi sublatam a fure auferat post litem contestatam, alio judicio fur eam repetere debet.

Qui vas argenteum perdidit, eoque nomine furti egerat, de pondere vasis controversia cum esset, & actor majus fuisse diceret, fur vas protulit: id is, cujus erat, abstulit ei, qui subripuerat, dupli nihilominus condemnatus est. Recliffime judicatum est: nam in actionem pœnalem non venit ipsa res, quæ subrepta est, sive manifesti furti, sive nec manifesti agatur. Interpretes nostri in hujus

jus legis explicatione impingunt in scopulum, quem non sine periculo naufragii præterevehuntur. Dominus enim, qui rem suam propria auctoritate aufert a possessore, rem ipsam amittit. *§. ita tamen Inst. tit. de vi bon. rapt. §. recuperanda Inst. tit. de interd. l. si quis in tantum C. unde vi.* Nemo enim sibi ipsi jus dicere debet aut propria auctoritate res occupare. *l. meminerint 6. C. unde vi. l. negantes C. de oblig. & act. l. un. C. ne quis in sua causa l. qui jurisdictioni 10. ff. de jurisd. l. Julianus 17. ff. de judic.* Adeo ut nec legatarius possit occupare legatarum, sed ab hærede illud petere debeat. *l. 1. §. & continet. versic. etenim ff. quod legat. l. non dubium C. de legat.* Qui fit igitur, ut fur in duplum condemnari debeat domino, qui rem abstulit propria auctoritate, si dominus rem illam amittere debet?

4 Quidam fingunt, ibi agi de fure fugiente a quo licet propria auctoritate rem auferre. *l. ait Prætor. 10. §. si debitorem ff. qua in fraud. credit.* Urget enim necessitas rei nostræ servandæ adversus fugientes, nam si fuga semel evaserint, frustra Magistratus auxilium implorabimus. *arg. text. in l. ult. C. in quib. caus. restit. in integr. neces. l. 1. C. quando liceat unicuique.* Quod jus & in Decuriones fugientes exercetur. *l. generali 54. C. de Decurion. l. 1. C. ubi quis de curial. vel cohort.* Hæc autem facultas injiciendi manus in debitores fugientes innixa est legibus xxi. *Tabul.* quibus cavebatur: *si calceat pedemve struis, manum endo jacio.*

Sed huic interpretationi non possum acquiescere. Nam repugnat narrationi facti. Fur vas protulit in judicio, non cum vase aufugit.

5 Alii existimant, dominum abstulisse rem suam non propria auctoritate, sed modis legitimis, nempe judicio, quasi Judex vas prolatum domino reddi jussit.

Nam & id, quod actione, & judicio consequimur, auferri dicitur. *l. duobus 85. ff. de legat. 1. l. si pro re 22. §. ult. ff. de evictio. l. chirographis §. ult. ff. de administr. tutor. l. creditor. in princ. & l. si prior. §. si simpliciter ff. qui prior. in pignor. l. venditor 21. in fin. ff. de hered. vel action. vendit. l. cum filius 76. in princ. ff. de leg. 2.*

Sed durissima est hæc interpretatio. 6 Primum enim JC. non ait furem condemnatum fuisse ad rem restituendam, & ad duplum rei, sed solum aiti dupli condemnatum fuisse. Præterea non poterat Judex condemnare furem ad rem restituendam, quia apud eum furti actum erat, & actio furti solam poenam persequitur, non rem ipsam. *§. furti actio Inst. tit. de obligat. que ex delict. §. sic itaque discretis Inst. tit. de action. l. si pignore 54. §. cum furti ff. de furt. ad repetendam enim rem competit rei vindicatio, & condictio furtiva. d. §. furti actio, & d. §. sic itaque l. ancilla 12. cum seq. C. de furt. l. si pro fure 7. in fin. cum l. seq. ff. de cond. furti.* Denique quorsum narratur a JC. vas a fure prolatum fuisse in judicio, & a domino ablatum, nisi ut intelligatur, dominum rem suam arripuisse, & de manibus furis extorsisse? Certe tanta illa narratio esset supervacanea, si fur a Judice condemnatus vas restituisset domino.

Ego, ut dicam quod sentio, non intelligo, cur in hac lege interpretanda D. D. nostri tantopere se torqueant: cum clara sit ejus sententia. Primum enim ibi non quaeritur, an dominus auferens rem suam a fure, eam amittat: neque enim hac de re actum erat in judicio: nec agi poterat, quia hoc post inchoatum judicium supervenit. *l. non quemadmodum ff. de judic. l. non potest videri ff. eod. l. bovem §. si sub condicione ff. de Edict. Edict.* Igitur questio ejus legis non est de amissione rei, propria auctoritate occupatz: sed de actione fur-

ti, qua actum erat in judicio, & de condemnatione Judicis, qui furem dupli condemnavit. Quærebatur autem, an recte furem dupli condemnasset, etiam si dominus pendente judicio rem suam recuperasset. Et respondit JC. recte condemnatum fuisse, quia in actionem furti, quæ tota pœnalis est, non venit res subrepta. Itaque sive jure, sive injuria rem suam furi dominus abstulerit: & sive eam amittat, sive jure possit retinere: hoc nihil attinet ad actionem furti, in qua de re ipsa non quæritur, nec quæri potest, quia in actione pœnali res subrepta non continetur. *d. h. furti actio Inst. tit. de oblig. quæ ex delicto.* cum aliis supra laudatis.

9 Si actum fuisset actione vi bonorum raptorum in quadruplum, & dominus a raptore rem abstulisset, tunc minuenda fuisset a Judice condemnatio, quia in quadruplo hujus actionis ipsa res continetur: *prime. tit. Inst. vi bonor. rapt. l. 1. §. in hac actione ff. sod. cum actio vi bonorum raptorum mixta sit, & partim pœnam, partim rem ipsam persequatur. §. vi autem bonorum Inst. tit. de action. Ac propterea non deberet Judex reum condemnare ad restituendam rem domino, qui eam recuperavit. At in actione furti, quæ mere pœnalis est, non potest Judex habere rationem rei, quæ petita non fuit, cum in actione illa, qua actum est, minime contineatur. Debet enim reum condemnare juxta naturam actionis, quæ fuit intentata. §. 1. & segg. Inst. tit. de offic. Judic.*

11 At enim actor, qui rem suam furi abstulit, eam amittit. *l. si quis in sanctam C. unde vi. §. recuperande Inst. tit. de interd. §. ita tamen Inst. tit. vi bonorum rapt.*

12 Utrumque sit, certe hac de re agendum est alio judicio, & nova interpolatione, novo judicio opus est. *l. Saneus §. ult. ff. de aqu. & aqu. pluvi.*

are. l. non potest videri 23. ff. de judic. l. de his rebus 46. ff. de recept. arbit. l. signi 7. §. ult. ff. ad exhib. l. litis contestate 37. in princ. ff. de negot. gest. Itaque recte judicavit Judex, qui nullam rationem habuit ejus, quod post litem contestatam supervenit, & quod in libello petitum non erit, nec conveniebat actioni, qua apud eum actum erat. An enim sententiam diceret, non convenientem actioni intentatæ? An sententiam discrepantem a libello, & petitione actoris? An sententiam diceret de eo, quod in judicium deductum non est? sunt hæc absurda, & aliena ab officio, & potestate Judicis. *l. ut fundus 18. ff. commun. divid.*

Itaque si fur rem sibi ablatam restituendam esse contendat, ad eam recuperandam agat, & alio judicio jus suum experietur. Disputabitur autem in eo judicio, an dominus auferendo rem suam, quam fur a domino elam possidebat, incidat in pœnam amissionis per *text. in l. si alius 7. §. bellissime, & in l. ult. §. si januam ff. quod vi aut elam.* Quæ disputatio, cum omnino sit aliena a judicio furti, in eo peragi non potuit.

Ac si peragi potuisset, & hac de re Judex furti cognoscere potuisset, tamen cum hæc ad actionem furti non pertineat, sed ad aliam actionem, recte Judex furem dupli condemnasset, ut ait ibi JC. etiamsi vicissim deberet condemnare reum ad vas ablatum restituendum. Cum enim actio furti pœnalis vas illud non contineat, duæ condemnationes essent necessariæ: altera furis in duplum: altera domini actoris in restitutionem vasis ablati. Sed, ut dixi, hæc restitutio vasis ablati ad cognitionem hujus Judicis non pertinet: hic enim de furto cognoscere debet, quod solummodo in judicium deductum est: restitutio autem vasis pendet a facto, omnino separato a facto furti, quod in hoc judicium deductum non est.

CAPUT XXVIII.

Ad l. 3. §. si rem ff. de acquir. vel
amitt. possf.

SUMMARIVM.

- I. Possessio acquiritur solo animo sine apprehensione; quia & dominium; ear non & furto adimatur.
- II. Multum interest voluerit, an invito domino quis possessionem acquirat.
- III. In furto non sufficit consilium, sed factum requiritur, & ipsa contrahatio. & n. 10.
- IV. Opponuntur variae Leges & cum his quoque Grilii & Plauti.
- V. Ficta contrahatio in furto non admittitur.
- VI. Nec inficiatione furum fit.
- VII. Exponitur singularium l. i. ff. de Furt.
- VIII. Vis & significatio verbi occultare; ut & abnegare.
- IX. Explicatur l. si quis uxori §. neque verbo ff. de Furt.
- XI. Item l. inficiando, in princ. ff. eod.
- XII. Dactylitheca significatio minus nota ex Plinio.
- XIII. Parvo demonstratur auctoritate Veterum contrahationem desiderari, etiam si res sit in nostra potestate. & n. 18.
- XIV. Derivum conjuncta animo furandi non est species contrahationis.
- XV. Exponitur l. certi conditio 9. cum l. seq. ff. de Reb. cred. & de thesauro adde n. 17.
- XVI. Non sufficit contrahatio in furto, sed eo amplius debet esse fraudulento; praeterea in ipso contrahendo actu fraudi adesse debet, nec sufficit eum postea supervenire.
- XIX. Solvantur leges obstantes, ut l. si rem mobilem 47. ff. de acquir. possf. Differencia inter res mobiles & immobiles, quoad acquirendam possessionem.
- XX. Rem invadere quid significet, occasione d. l. 47. de acquir. possf.
- XXI. Responsio ad l. si quis rem 20. ff. eod.
- XXII. Furti essentia in contrahatione consistit, non in possessionis interventione. Ergo & hereditaria furum fit, & alterius rei, cujus nullus est possessor.
- XXIII. Respondetur ad l. si alienum C. de Furt. ubi de servi & animalium contrahatione.
- XXIV. Item ad l. si quis uxori §. eum creditorem ff. de Furt. Celare est amovere, adeoque & contrahere.
- XXV. Porro ad l. falsus §. si is qui debitum ff. de Furt. in qua contrahatio velut longa manus.

XXVI. Necnon ad l. si is qui rem 66. §. eum qui ff. de Furt.

XXVII. Sicut etiam ad exemplum fugitivi.

XXVIII. Denique responderetur ad auctoritates Grilii & Plauti.

Hanc legem subtiliter, & copiose; ut solet, & praeter communem opinionem exposuit Juris consultissimus Chesius; adeo ut videri possit actum agere, qui in ea explicanda amplius elaboret. Sed quia tam acutas interpretationes plerique non concoquant: idcirco a nobis explicabitur pinguiore Minerva.

Si rem apud te depositam furti facienti causa contrahaveris, desino possidere: sed si eam loco non moveris, & inficiandi animum habeas; plerique Veterum, & Sabinus & Cassius recte responderunt, possessorem me manere, quia furum sine contrahatione fieri non potest, nec animo furum admittitur.

Videtur regulis Juris maxime repugnare hoc Pauli responsum. Etenim possessio acquiritur etiam sine apprehensione rei, ejusve contrahatione, aut loco motione, quando res est in potestate ejus, qui vult adipisci possessionem: & quod magis est, acquiritur etiam dominium. l. 1. §. si jufferim l. quod meo 18. §. si venditorem l. quarundam ff. de acquir. possf. l. si fur. 32. in princ. ff. de usuf. l. certi conditio 9. in fin. ff. de reb. cred. l. qui negotia 34. ff. mand. §. interdum Inst. tit. de rer. divis. l. qua ratione §. interdum ff. de acquir. rer. dom. l. absenti 10. ff. de donat. l. si sponsalibus 58. ff. de jur. dot. l. si servus 21. §. si rem ff. de acquir. rer. dom. Itaque qui apud horreum ejus claves accipit, mercium in horreo conditarum possessionem, & dominium acquirit, quia earum apprehendendarum potestatem nanciscitur l. clavibus. 74. ff. de contr. empt. Et qui fundum ingreditur animo possidendi, totum fundum incipit possidere, licet

cer cum non circumambulet l. 3. §. 2. ff. de acquir. poss.

- 2 Sed ad hæc, & hujus generis cetera est prompta responsio. Facilius acquiritur possessio vacua, & domino volente, quam intervrat in invito domino. Hæc enim avelli debet a domino, a quo retinetur: non debet autem ignoranti, ne dum invito, possessio tolli, etiam si ab eo solo animo retineatur l. quamvis 46. ff. de acquir. poss. Animo enim amittitur possessio, sicut acquiritur d. l. quamvis & l. quemadmodum ff. eod. Quando autem vacua est possessio, aut a domino ceditur, concurrit animus acquirentis cum animo amittentis: ac propterea si præcesserit factum apprehensionis, nihil aliud requiritur, & possessio transferatur necesse est. Recte Paulus in l. 1. §. si vir uxori ff. de acquir. poss. si vir uxori cedat possessionem donationis causa plerique putant possidere eam, quia res facti Jure Civili infirmari non potest: & quid attinet dicere non possidere mulierem, cum maritus, ubi voluit possidere, protinus amiserit possessionem? Si ingrediar fundum voluntate domini, totius fundi possessionem illico acquirō l. 3. §. 1. ff. de acquir. poss. Imo si venditor fundi in mea turre mihi demonstret fundum venditum, vacuumque possessionem se tradere dicat, non minus possidere incipio, quam si pedem finibus intulissim. l. quod meo §. si venditorem ff. eod. Contra si ingrediar fundum animo occupandi possessionem invito domino, eam non accipio d. l. quod meo §. si dum in alia l. 3. §. etsi alii ff. l. clam 6. §. ult. l. si id quod 25. §. ult. l. quamvis 46. ff. eod.

- 3 Item volente domino rei præsentis possessionem acquirimus, etiam oculis, & affectu. l. 1. §. si jusserim ff. eod. & possessionem mercium acquirimus acceptis clavibus in conspectu horrei vel cellæ vinariæ l. clavibus ff. de com-

tr. empt. At in furto, quod sit invito domino, oculis & affectu non acquiritur possessio etiam rei præsentis: atque ideo, si quis animo furandi conclave fuerit ingressus, furtum non facit, si nihil abstulerit l. vulgaris 21. §. qui furti ff. de furt. Item si majoris ponderis quid aperuit, aut reserigit, quod tollere non potuit; non omnium rerum fur est, sed earum tantum quas tulit d. l. vulgaris §. item si. Non solum igitur requiritur contractatio, sed contractatio cum effectu, nam si contractetur quod tolli non potest, non tamen ejus sit furtum, aut possessio intervertitur. Et tantum abest, ut sufficiat solus animus, aut consilium, quando res est in potestate: ut nec sufficiat quidem factum ipsum, & præparatio ad contractandum. Quamobrem, si quis arcam refrigerit eo consilio, ut uniones tolleret, furtum non facit arcam frangendo, sed uniones contractando. l. si quid fur. 22. §. si eo consilio ff. de furt. Et ideo recte Paulus in lege nostra ait: possessorem me manere, quia furtum sine contractatione fieri non potest. Cum enim furtum non fiat, nec possessio intervertitur ex causa furti: furtum autem non fit, quia deest contractatio; quæ adeo necessaria est, ut synonyma existantur: contractare & furtum facere. l. cum creditor 55. ff. de furt. Non sunt igitur hæc contraria Pauli responsio: sunt tamen alia, quæ magis adversari videntur.

Primum enim Papinianus in l. si rem 4 mobilem 47. ff. de acquir. poss. ait, depositario & commodatario constituentibus sibi possidere, & rem domino non reddere, confessum dominum amittere possessionem. Ergo solo animo, sine ullo facto possessio intervertitur.

Confirmat id Marcellus in l. si quis rem 20. ff. eod. ubi respondit dominum invitum possessione interverti a commodatario, qui recusat rem commodatam

tam tradere emptori jubente domino, aut ipsi domino repositenti reddere.

Præterea in l. alienum C. de furt. Alexander Imperator duobus modis furtum fieri respondit, aut contrahendo servum, aut illum detinendo: ibi, & si contraheret, vel apud se detinuerit, furtum facit; ergo & qui retinet, furtum facit, licet non contraheret.

In l. si quis uxori §. cum creditorem ff. de furt. Eum creditorem, qui post solutam pecuniam pignus non reddat, teneri furti Mela ait, si celandi animo retineat, quod verum esse arbitror. Nihil aliud hic exigitur, quam ut retineat animo furandi.

In l. falsus 43. §. si is qui indebitum ff. eod. Si is qui indebitum accipiebat, delegaverit solvendum, non erit furti actio, si cum eo absente solutum sit: ceterum si præsentem, alia causa est, & furtum facit. Sola præsentia requiritur: nempe ut sit in potestate.

In l. si is qui rem 66. §. cum qui ff. de furt. Eum qui mulionem dolo malo in jus vocasset: si interea multa perierint, furti teneri Veteres responderunt.

Hic additur exemplum fugitivi. Fugitivus nemo fit solo consilio. Facto opus est, quo se propiciat e potestate domini l. bovem §. 1. ff. de Edil. Edict. l. fugitivus ff. de V. S. & tamen si quis imprudens, aut invitus domini potestatem evaserit, & postea cum redire posset, mutato consilio redire noluit, solo animo fit fugitivus l. quis fit fugitivus §. idem ait, si servus ff. de Edil. Edict.

Accedit Sabinus auctoritas, quem Gell. refert. lib. 11. cap. ult. in fin. Hæc quidem in eo, quo nunc dixi, libro Sabinus scripsit de rebus furti faciendi causa atrectatis. Sed meminisse debemus secundum ea, quæ supra scripsit: furtum siue ulla quoque atrectatione fieri posse, sola mente atque animo, ut furtum fiat, annitente. Quocirca ne id quidem Sabinus.

Tem.I.

nus dubitare se ait, quin dominus furti sit condemnandus, qui servo suo uti furtum faceret, imperavit. Non dissentit Plautus in Pænul. act. 1. sc. 1.

— continuo tibi

Negabis, quid tu dubitas, quin extempulo

Duplo tibi auri & hominis fur leno fiet

Et act. 3. sc. 1.

Ille negabis, Mithrieniæ quævis censuris tuum.

Id duplicabis omne furtum, leno addicetur tibi.

Et sc. 4. act. 3.

Extemplo denegabis: homo furti so adstringet.

Quamquam hæc omnia magni momenti sint; tamen adeo manifesta est Pauli sententia, ut nisi verba cavillari velimus, nullus ulquam pateat evadendi locus. Neque enim illud dici potest, ibi agi de ficta contrahatione, quæ fit solo animo, cum res est in nostra potestate. Ait enim Paulus, quod depositarius, qui rem loco non movet, furtum non facit, quia furtum sine contrahatione non fit, nec animo furtum admittitur. Agit igitur de contrahatione, qua res loco movetur, non de ea, quæ fit animi destinatione. Contrahatio hic refertur ad loco motionem, & opponitur animo. Plane si depositarius solo animo furtum admitteret, absurda esset illa ratio, & cum dicto pugnaret: depositarius si rem loco non moverit, & animum inficiandi habeat, furtum non facit, quia animo furtum non admittitur.

Nec illud dici potest, cum; qui animum inficiandi habet, furtum non facere, quia nondum inficiatur, sed inficiabitur cum depositum repositur: nam qui animum faciendi habet, non facit. Speciem veri hæc haberent, si inficiatio esset furtum: tunc enim recte diceretur, furem non esse, qui animum ha-

X

bet

bet inficiendi, quia hic non inficiatur. Sed cum inficiatio non sit furtum *l. inficiendo ff. de furt.* non video quid hæc ad rem pertineant. Porro si animo rem sibi habendi furtum facit depositarius; etiam animo inficiendi furtum faciet. Etenim animus inficiendi involvit animum retinendi depositum. Idcirco enim paratus est inficiari depositum quando-
cumque repositur, quia jam destinavit depositum non reddere. Propterea vero nunc non inficiatur, quia nunc non repositur. Si nunc repositur, nunc inficiaretur. Habet igitur in præsens animum non restituendi depositum, si-
bique habendi: & si hic animus sufficit ad furtum faciendum, utique furtum facit. Quocirca non dixit Paulus, eum furtum non facere, quia furtum non admittitur animo inficiendi, aut animo furandi in futurum: sed generaliter dixit, *ne animo furtum admittatur*. Licet enim nunc non inficietur, quia nunc non repositur, tamen nunc habet animum lucri faciendi, & furandi: nihilominus tamen furtum non admittit, quia animo furtum non admittitur.

- 7 Et hæc est germana Pauli sententia, quam confirmat in *l. 1. ff. de furt.* Primum ibi docet, fures a ferendo nuncupatos fuisse: hinc deducit, solam cogitationem furti faciendi furem non facere, quia qui animum furandi habet, nihil aufert. Atque hoc probat exemplo depositarii qui depositum abneget. Animadvertendum est enim, in ea lege omnia esse inter se apta atque connexa. Depositarius, qui depositum abneget, furti non tenetur, ideo quia sola cogitatio furti faciendi non facit furem: & ideo non facit furem, quia fures ab auferendo dicti sunt. Non apertur hic de depositario, qui habet animum inficiendi in futurum, sed de eo, qui depositum abneget in præsens. Nec possunt hæc intelligi de sola cogitatione, seu juncta a detentione rei: nam absurde subiceretur exemplum depositarii,

qui rem detinet. Age vero perpendamus omnia verba. *Sic is qui depositum abneget, non statim etiam furti tenetur, sed si interceptiendi causa occultaverit.* Hæc laudatus Auctor interpretatur de eo, qui, aut interim non potest, aut non tenetur depositum reddere juxta *l. 1. §. est autem ff. de pos.* qui non occultat depositum animo interceptiendi, sed differendi restitutionem, quoad veniat tempus restituendi. Sed huic interpretationi repugnat cum ratio ipsa, tum verborum significatio. Repugnat ratio ipsa: quia ibi quaeritur, an furtum fiat cogitatione furti faciendi: ergo supponendum est, depositarium abnegare depositum animo furandi, non differendi restitutionem in tempus magis opportunum. Alioquin exemplum esset alienissimum a quaestione proposita. Præmittitur regula: quod sola cogitatione furtum non fit: subicitur statim exemplum depositarii ad explicandam regulam: ergo supponitur, depositarium habere animum furti faciendi.

Repugnat etiam significatio verborum. *Occultandi* verbum refertur ad factum abscondendi, non ad animum *l. Fulcinus. §. quid sit autem & §. illud sciendum ff. quib. ex caus. in poss. cat. l. 1. C. de his, qui latrones vel alior. crim. reus occult.*

Ovid. lib. 2. *Metamorph.*

— & arte sua sylvis occultat abas.

Plaut. in *Trinum.*

Necque latebrose me abs tuo

Conspectu occultabo.

Cic. pro *Leg. Manil.*

Et isa regnat, ut se non Ponto, neque Cappadocia latebris occultare velit.

Et pro *Sextio.*

Corpus senile paludibus occultaturis.

Cæf. de *Bell. Gall. lib. 6.*

Qui proximi Oceano fuerunt: ii in Insulis se occultaverunt.

Non

Non aliter sentit Paulus in nostra lege: opponit enim eum, qui occultat, illi, qui solum habet animum furti faciendi. Nec illud dici potest, quod satis occultet, qui abnegat. Etenim Paulus hic distinguit eum, qui abnegat, ab eo, qui occultat, & præter inficiationem, requirit etiam occultationem: ergo diversa est hæc ab illa: verbum etiam *abnegandi* demonstrat, hic agi de depositario, qui negat, se habere depositum: non de eo, qui differt solutionem in aliud tempus: hic enim non abnegat depositum. *l. quod servus II. ff. de pos. Plin. lib. 10. epist. 97.* de Christianis sui temporis. *Seque sacramento non in scelus obstringere: sed ne furta, ne latrocinia, ne adulteria committerent, ne fidem fallerent, ne depositum appellati abnegarent.*

Juven. Sat. 13.

Dummodo vel cæcus teneam, quas abnego, nummos.

Accedit auctoritas Ulpiani in *l. si quis uxori §. neque verbo ff. de furt.* Neque verbo, neque scriptura quis furtum facit: hoc enim jure utimur, ut sine contractatione furtum non fiat. Hæc verba comprehendunt etiam eum, qui rem habet in potestate: tum quia generalia sunt: tum quia magis huic conveniunt, quam ei, qui rem non detinet. Quis enim tam fatuus est, ut verbis, vel scriptura profiteatur, se furtum fecisse? Aut quis dubitare possit, eum non facere furtum. Quam absurde tam manifestam sententiam confirmasset Ulpianus illis verbis: *hoc enim jure utimur &c.* Agitur ergo ibi de illis, qui cum rem detineant, negant se accepisse, vel reddituros quod acceperunt. Hos autem negat furtum facere, quia non contractant, & hoc jure utimur, ut sine contractatione furtum non fiat. Merito confirmat sententiam suam hac regula in Jure ab omnibus recepta, quia res habet in se difficultatem: & ideo etiam Paulus in nostra *l. 3.* id confirmavit auctoritate Sa-

bini, & Cassii & plerorumque Veterum, qui eadem proferunt ratione movebantur, quia furtum sine contractatione fieri non potest. Constat ergo, furtum non facere eos, qui verbo, vel scriptura negant reddere quod detinent. Nec dubitari potest, hic agi de illis, qui negant animo furti faciendi: alioquin enim dixisset Ulpianus, eos furtum non facere, quia sine animo furtum non fit. Absurde confugisset ad necessitatem contractationis, si deesset solus animus: si ideo furtum non fieret, quia animus deficeret. Falsa esset & inepta ratio illa, si furto obstaret animi defectus, non defectus contractationis.

In eandem sententiam ivit Celsus in *l. inficiando. in princ. ff. de furt.* Inficiando nemo furtum facit: neque enim furtum est ipsa inficiatio, licet prope furtum est: sed si possessionem ejus adipiscatur intervortendi causa facit furtum. Non potest dubitari, in hac lege agi de depositario, qui inficiatur animo furandi. Ait, quod ejus inficiatio prope furtum est. Atqui hoc omnino falsum esset, si deesset animus furti faciendi. §. placuit Inst. tit. de oblig. que ex del. §. item si is. de usucap. *l. qui injuria 53. in princ. ff. de furt.* Nemo igitur inficiando depositum facit furtum, etiam habeat affectum furandi. Ac ne possessionem quidem adipiscitur. Si enim hoc ipso adipisceretur possessionem, quod depositum inficiatur, inepte, imo falso subjecisset Celsus illa verba: *sed si possessionem adipiscatur intervortendi causa furtum facit.* Hæc omnino supponunt depositarium inficiando depositum, non adipisci possessionem, quemadmodum traditum est a Paulo in nostra *l. 3.* Ergo præter inficiationem requiritur aliquis actus, quo possessio intervenerat.

Sed scrupulum quibusdam injiciunt verba, quæ subsequuntur. *Nec refert in digito habeat anulum, an dactylorhæcus, quem cum deposito teneret, habere pro suo de.*

destinavit. Sed supponendum est, eum habere prae manibus, aut in crumena dactyliothecam, sicut supponitur habere in digito anulum; ut exemplum respondeat his, quae antecedunt. Si secum habeat anulum, aut dactyliothecam, sufficit ut anulum pro suo habere destinet, quia anulum, quem secum habet, contractat: & contractando intervertit possessionem, licet anulus conditus sit in dactyliotheca *l. qui sacrum ff. de furt.* Quod si quis alteram lectionem praefert: nec refert in digito habere anulum, an dactyliothecam: res erit expedita. Quam lectionem adjuvat Plinii locus *lib. 37. c. 1. Gemmas plures, quod peregrino nomine appellant dactyliothecam, primus omnium habuit priuignus Sylle Scamrus*. Dubitabam olim, an Celsus, qui Proclejanus erat, potuerit fortasse ab aliis dissentire. Certe Paulus in nostra *l. 3.* citat Sabinum, & Cassium. Cassius autem Sabini discipulus fuit *l. 2. §. ult. vers. & Sabinus ff. de orig. jur. l. qualem §. nunc videndum ff. de rec. arbitr.*

13. Sed ad rem redeamus. Non sufficere solam contractandi potestatem demonstrant Veteres, qui requirunt ipsam contractationem etiam quotiescumque res est in nostra potestate: quo casu solum animum requirere deberent. In *l. si seruus 14. §. bove surrepto ff. de condit. furt. Bove surrepto, & occiso, conditio & bovis, & corii, & carnis domino competit: scilicet, si & corinum, & caro contractata fuerunt*. Contractatus fuit bos: non sufficit: contractari debet & corium, & caro. In *l. facienda 8. §. igitur ff. arbor. furt. cas. igitur si occiderit, & lucri facienda causa contractaverit, etiam furti tenebitur lignorum causa*. In *l. 3. ff. rer. amov. Et ideo si post divorcium easdem res contractat, etiam furti tenetur*. In *l. Marcellus 11. ff. eod. siue vir uxorem, siue uxor virum deo expulit, & res amouerunt, rerum amota-*

rum tenentur. In *l. eum qui 14. §. Julianus ff. de furt.* Non habebit furti actionem is, apud quem res deposita est, quamvis periculo ejus esse ceperit, qui eam contractauit. *l. ancilla 60. ff. eod. Ancilla fugiuit quemadmodum sui furtum facere intelligitur, ita partum quoque contractando furtum facit*. Non dissimilia sunt responsa in *l. 1. §. 1. ff. si is qui testam. lib. in l. serui 17. §. 1. in l. fullo 82. in princ. ff. de furt. in §. furtum Inst. tit. de oblig. quae ex del. ubi Justinianus in depositatum non solum requirit, ut contractet rem depositam: sed etiam id explicat exemplo ejus, qui re deposita utitur, ut demonstrat, requiri actum corporis, & veram contractationem.*

Neque defendi potest, detentionem contractam animo furandi esse speciem contractationis. Hoc enim falsum esse ipsa loquendi ratio a veteribus semper usurpata convincit, qui numquam usi sunt verbo *detentionis*, semper autem *contractationis*: convincit etiam ipsa verbi significatio: nam *contractare*, seu *attrectare*, ut Veteres dicebant, est manibus tractare, & tangere. Quocirca recte Theophilus hanc contractationem dixit *παλάμην*, indicans actum palpandi, & attrectandi rem manibus. Item cum Sabinus existimavit etiam rerum immobilium furtum fieri, ut refert Gell. *lib. 11. c. 13.* reprobata fuit ejus sententia *l. quam rem 38. in fin. ff. de usufructu. l. verum ff. de furt.* quia res immobiles loco moveri, & contractari non possunt.

Sed omnium luculentissime Pauli sententiam confirmat distinctio tradita in *l. certi conditio 9. cum l. seq. ff. de reb. cred.* Deposui apud te pecuniam, postea conveni, ut ea, tamquam mutua utereris: statim mutua fit. Contra si ab initio, cum deponerem, permisti tibi uti cum voles, non fiet mutua sola voluntate, nec sola voluntate dominum & possessionem acqui-

quis; sed tunc cum eam loco moveris. Nimirum ad acquirendum dominium & possessionem, non sufficit animus in tu latens: sed necesse est ut crumpat in aliquem actum externum, quo animus ille declaratur: maxime cum agitur de possessione alteri auferenda. Requiritur ergo animus aut cum presenti conventionione, aut cum presenti contractatione conjunctus. Animus autem ab omni facto disjunctus nullum habet effectum. Facile enim hæc acquisitio impeditur. Quapropter licet thesaurus in meo fundo conditus sit in mea potestate; & a nemine possideatur l. 3. §. *Nerva* l. *Pomponius* 13. l. *si rem mobilem* 47. ff. de acquir. poss. Tamen quia perfecte sub custodia mea non est, ejus possessionem non acquirō, nisi loco moveam l. 3. §. *quidam putant* ff. eod.

16 Quæ de mutuo tradita sunt in d. l. *quod si ab initio* ff. de reb. cred. multo magis statuenda sunt in furto. Primum, quia furtum definitur contractatio fraudulosa, l. 1. §. ult. ff. de furt. §. 1. *Inst. de obl. quæ ex del.* adeoque de essentia furti est contractatio: eaque fraudulosa. Licet autem supponamus præcessisse apprehensionem ex causa depositi, tamen illa non est ejusmodi contractatio, cujusmodi in furto requiritur. Ea enim facta fuit bona fide, & iusta de causa, & volente domino: ac propterea nullam fraudem habet adjunctam. Nec fraus, & mala fides superveniens retrahitur ad initium. l. un. ad fin. C. de usuc. transform. l. 2. §. *si defunctus* ff. pro empt. §. *diutius* *Inst. tit. de usucap.* Nec fingi potest nunc facta contractatio. Si enim non fingitur in contractu d. l. *quod si ab initio*: quanto minus fingi debet in delicto. Est enim odiosum, nec fingi potest, factum fuisse quod factum non est, & puniri qui vere non fecit. Nec eadem est ratio possessionis acquirendæ ex conventionione. Nam

possessio est detentio rei: detentio autem habet tractum temporis, & tamdiu durat, quamdiu res est in nostra potestate. Ergo quandocumque superveniat animus, conjungitur cum presenti detentione l. 3. §. *Neratius* ff. de acquir. poss. & implet quod detentioni, & naturali possessioni deest. d. §. *Neratius*. Contra in furto requiritur contractatio, quæ non habet tractum temporis, nec diutius durat, quam quamdiu res attingitur. Quocirca fraus postea superveniens non potest conjungi cum contractatione, quæ multo ante præcessit. Quamobrem deest contractatio fraudulosa, quia quo tempore supervenit fraus, res amplius non contractatur.

Præterea si requiritur motio, & attritus, ut depositum transformetur in mutuum, hoc est in alium contractum valde similem l. *Lucius Titius* 24. l. seq. §. 1. & l. *Publia* *Mavia* 26. §. 1. ff. de pos. in contractum, in quo singularia multa recepta sunt l. *singularia* ff. de reb. cred. quanto magis eadem requiratur ut depositum transformetur in delictum? Illa transformatio fit voluntate domini, ac propterea facilius transferri debet possessio, ut initio probavimus. Hæc fieri debet invito domino, quod multo difficilius admittitur.

Denique conventio est essentia contractus l. 1. ff. de pact. Et licet ad mutuum contrahendum requiratur etiam traditio: tamen eadem traditio requiritur etiam in deposito. Præcessit igitur traditio, quæ in mutuo necessaria est: & quidem simul cum conventionione transformandi depositum in mutuum. Et 12-18 men hæc non sufficiunt sine nova contractatione. Contra essentia furti est contractatio. Et quamvis etiam affectus furandi requiratur §. *placuit* *Inst. tit. de obl. quæ ex del.* tamen in hoc non consistit essentia delicti: nemo enim cogitationis poenam pati debet. l. *cogitationis* ff. de poen. Eleganter Cato apud Gell.

Gell. lib. 7. cap. 3. Neminem, qui male facere voluit, plecti æquum est: nisi quod factum voluit, etiam fecerit. Facta sola censenda esse, atque in judicium vocanda: voluntates nudas, inanesque negligendas, nec pœnis obnoxias esse. Delictum igitur, adeoque etiam furtum in facto consistit. Nec factum traditionis præcedentis furtum constituere potest: quia hujusmodi factum, nedum furto non convenit, sed maxime repugnat. Subripi enim, & auferri res in furto debet, non recipi a tradente. Ab invito debet auferri, non a volente suscipi. *l. qui vos 43. §. qui ex voluntate ff. de furt. §. sed etsi credat 2. Inst. de obl. qua ex delict.* Optime Papinianus in *l. procurator 55. ff. mand. Procurator, qui non res inclusas subtraxit, sed sibi traditas non reddidit, judicio mandati, non furti tenetur.* Etenim nisi contrectet res inclusas lucrandi animo, furtum non facit: quia præcedens traditio volente domino facta, ooo est idonea ad furtum faciendum.

- 19 His probe constitutis, legum, quæ initio opponebantur, prompta, atque expedita viderur explicatio. Primum enim animadvertere oportet, aliam quæstionem a nostra longe diversam tractari in *l. si rem mobilem 47. Et in l. si quis rem 20. ff. de acquir. possess.* In illis non adducitur in controversiam, an solo animo possessio intervertatur. Quocirca (ut aiunt ioh. scholis) supponendi sunt termini habiles; hoc est, supponendum est, ibi concurrisse ea omnia, quæ requiruntur ad intervertendam possessionem: licet ooo exprimentur. In *l. si rem mobilem* proponitur differentia inter res mobiles, & immobiles quas acquirendam possessionem, aut amittendam. In lege præcedenti statuerat Papinianus, ignorantem non amittere possessionem rei immobilis. Nam rei immobilis possessionem amittimus, si aut dejecti fuimus, aut ab occupatore exclusi

cum revertimur, vel si abjicimus animum revertendi, *l. naturaliter ff. de usurp. Et usus. l. 1. §. interdictum autem ff. de vi l. clam possidere. in fin. l. etsi nolis. ff. de acquir. vel am. poss.* Ceterum quandiu ignoramus, possessionem ab alio occupatam fuisse, eam non amittimus. Et hoc statuitur in *l. quævis solus 46. ff. eod. quæ præcedit hanc legem.* Hoc constituto quærit deinceps Papinianus in nostra *l. si rem 47.* an idem dicendum sit de re mobili. Et ait rei mobilis possessionem amitti etiam ab ignorante. Itaque si depositarius aut commodatarius ignorante domino ioverunt rem depositam, aut commodatam, confestim intervertunt possessionem. Hæc est ejus legis sententia. Licet igitur supponat Papinianus interverti possessionem statim ac illi sibi rem possidere, eamque oon reddere constituerunt; tamen, ut dixi, supponendi sunt termini habiles: hoc est, eos non solo animo constituere sibi rem habere; sed accedente facto aliquo contrectationis aut loco motioois. Neque enim ibi tractatur ea quæstio; an solo animo possessio intervertatur: sed an intervertatur ignoranti. Itaque supponendum est, concurrere ea, quæ sunt necessaria ad intervertendam possessionem. Quemadmodum eum in Jure nostro enunciat, furti teneri eum, qui contrectat. *l. cum qui 14. §. Julianus l. fulto. 82. in prin. & possim. ff. de furt. l. si servus §. bonæ ff. de condict. furti.* supponendum est, eum habere animum furandi, quia sine affectu furandi furtum non faceret §. placuit *Inst. tit. de obl. qua ex del.* Ita eum hic traditum sit interverti possessionem ignorantem, supponendum est, concurrere contrectationem.

Et hac mente ea se protulisse indicat idem Papinianus in ea ipsa lege. Sic dicit enim. Cujus rei forsitan illa ratio est, quod rerum mobilium neglecta, atque omissa custodia, quævis eas nemo alius invaserit, veteris possessionis damnum esse.

ferre consuevit. Hoc argumento probat verum esse, quod dixerat. Si amittit possessionem rei mobilis, qui ejus custodiam omittit, ac negligit, quamvis eam nemo alius invaserit: multo magis illam amittit, cum alius eam invadit. Supponit igitur, depositarium, & commodatarium rem invasisse. Invadendi verbum demonstrat actum corporeum apprehensionis, & contrestationis, l. 3. §. si autem ff. de vi & vi arm. l. 1. §. socius ff. de usur. l. 3. C. unde vi. Cic. 3. in Verr. *Iste quod argenti placnis invasis: quæ mancipia voluit, abduxit, & in 2. Philip. In multis præterea pecunias alienissimorum hominum, eiecit veris hereditibus tamquam hæres esset, invasis.*

¶ Alia pariter questio tractatur a Marcello in l. si quis rem 20. ff. de acquir. poss. in libro xix. Digestorum Marcellus tractabat eam questionem, an illi qui rem alienam detinent, eamque jussu domini non tradunt ei, cui jussit, semper intervertant dominum possessione. De commodatario agit in nostra l. si quis rem 20. De depositario in l. 1. §. est autem ff. depos. De colono in l. colonus ff. de vi & vi arm. Et in his omnibus distinguit. Aut nullam habebant causam non tradendi rem jussu domini, & possessionem intervertunt; aut habebant probabilem & rationabilem causam non restituendi, & eam non intervertunt. Non queritur igitur, an intervertant solo animo: sed an cum causa, vel sine causa: & ideo supponere oportet, concurrere ea, quæ sunt necessaria ad intervertendum: sicut expressim adjicitur in d. l. colonus, ubi colonus non admisit, adeoque dejecit missum a domino.

Antequam autem alio progrediamur, monendum est, fallax esse argumentum hujusmodi. Furtum est interversio possessionis: intervertitur possessio; ergo furtum fit. Nam & omnis homo est

animal; non tamen omne animal est homo. Sed hoc omitto. Primum non semper in furto possessio intervertit possessionem, qui lucrandi usus causa contrestat; & tamen furtum facit. l. qui jumentis 40. l. si pignore 54. in princ. l. fulto 82. ff. de furt. §. interdum Inst. tit. de oblig. quæ ex delict. l. si sacculum 29. ff. depos. l. si ut certo §. sed interdum & §. quin imo l. in rebus. l. ult. ff. commod. Labeo & Scævola apud Gell. lib. 7. cap. 15. Exemplum refert Valer. Max. lib. 8. c. 2. in fin. Errant igitur qui de furto judicant non ex contrestatione, sed ex interversione possessionis. Furti enim essentia in contrestatione consistit, non in possessionis interversione. Et ideo recte Paulus in nostra l. 3. a furto ducit argumentum ad possessionis interversionem, non ab interversione ad furtum; ibi *possessorem me manere, quia furtum sine contrestatione fieri non potest.* Non intervertitur igitur possessio, quia furtum non fit. Neque contrarium est quod ait Scævola in l. 1. §. Scævola ff. si is qui restam. lib. Nam Scævola solum negat fieri furtum, ubi nullus est possessor: non vero ducit argumentum ab interversione ad furtum. Etenim etiam rei, quæ sine domino est, furtum non fit l. ult. ff. ex pil. hæred. & tamen furtum non est interversio domini: imo in furto non auferitur dominium l. siue 10. ff. de condit. furt. l. alienum 6. C. de furt. Præterea furtum sine contrestatione non fieri manifesti Juris est l. si quis uxori & neque verbo ff. de furt. & nostra l. 3. At vero quod furtum non fiat hereditati, quia nullus est possessor, magna fuit inter Veteres dissensio. Quamobrem cum Trebatius inter scyphos illuisset Ciceronem, quod hoc controversum esse dixisset: citat contrariæ sententiæ Auctores Sex. Ælium, M. Manilium, M. Brutum, qui putarunt hereditati furtum fieri. Sed Scævolæ sententia, quæ

fuit

suit etiam Trebatii, recepta fuit ab Ulpiano, & Paulo. Inter Recentiores etiam valde disputatur, an aliquando fiat furtum, etsi nullus sit possessor. Nam in *l. falsus §. si factum ff. de furt.* & in *l. si homo ff. de ufuc.* furtum admittitur, licet nullus videatur esse possessor. Constat igitur, magis proprie convenire furto contractationem, quam interventionem, adeoque non recte sentiunt, qui posthabita contractatione solam interventionem possessionis spectandam esse arbitrantur, ut de furto judicetur.

- 23 Ad alia jam progrediamur. In *l. alienum C. de furt.* Imp. Alexander agit de eo, qui alienat servum alienum. Hunc autem furtum facere ait, si aut alienando servum contractet: aut antequam alienet, apud se detineat: nempe si vel ipsum includat, vel eo utatur. Inanimata non contractamus, nisi ea attingamus, aut loco moveamus. Servi, & animalia ipsa fere loco movent, & cum vel ad nostrum nutum, vel a nobis coacta loco moventur, satis contractari videntur. Itaque qui aliena pecora abigit, fur est. *l. 2. ff. de abig.* Et qui servum aut sponte sequentem ducit, aut cogit invitum, aut domi detinet, fur est, quia hoc ipso contractat. Porro ridiculum esset existimare servi furtum non fieri, nisi cum manibus palpatur. Aufferit domino servum, & qui secum ducit, aut agit, aut detinet tam volentem, quam invitum.

- 24 In *l. si quis uxori §. cum creditorem ff. de furt.* creditor pignus retinet, & celat. Celare dicitur is, qui rem amovet. *l. si concubina §. 1. rer. amat. l. si suprum ff. de injur. l. Neratius §. quamvis ff. de servo corrupt.* *l. non statim §. ult. ff. de leg. Fab. de plag. l. cum qui C. cod. l. adversus C. de furt.* Quod in ea lege dicitur celandi animo retineri, dicitur celandi animo contractari in *l. res communis 45. ff. pro soc.* Celandi actus corporeus est, & involvit ablationem,

occultationem, contractationem *l. si de eo fundo §. servum ff. de acq. poss.*

In *l. falsus §. si is qui indebitum ff. 29 de furt.* volens solvere indebitum, adeoque ipse desinebat animo possidere, nec invito possessio auferrebat. Hoc casu possessio etiam oculis & affectu acquiritur *l. 1. §. si jusserim ff. de acquir. poss.* dummodo res prezens sit, & apprehendi possit. *l. clavibus ff. de contr. emps. l. pradia ff. de acquir. poss.* Elegans in hanc rem Javoleni responsum in *l. si pecuniam 79. ff. de solut.* Pecuniam, quam mihi debet, aut aliam rem, si in conspectu meo ponere te jubeam, efficitur, ut & tu statim libereris, & mea esse incipias: nam tum quod a nullo ejus rei possessio corporaliter detinetur, acquisita mihi, & quodammodo manu longa tradita videtur. Mihi igitur tradita videtur, & a me tangi, & contractari, cum in conspectu ponitur. Tacit. lib. 3. Nam quo peritui nudare corpus, & contractandum vulgi oculis permittere. Gell. lib. 6. cap. 8. Vetuit in conspectum suum deduci, ut eam ne oculis quidem suis contingeres. Et quamvis pecunia non ipsi, sed alteri solvatur, tamen cum ejus jussu solvatur, ipsi solvi videtur, & ab eo alteri traditur: & celeritate conjungendarum actionum altera occultatur: ut optime explicat Ulp. in *l. 3. §. pen. & ult. ff. de don. int. vir.*

In *l. si is qui rem 66. §. cum qui ff. 26 de furt.* qui mulionem in Jus vocavit, dolo malo furti tenetur, non quia furtum fecerit, sed quia ope, & consilio ejus furtum factum fuit. Nam mulionem dolo malo in Jus vocavit, ut interim ab alio mulze subriperentur: adeoque furti tenetur §. interdum quoque Inst. tit. de oblig. qua ex delict. *l. in furti actione §. 1. & seqq. ff. de furt.*

Ad exemplum fugitivi facile respondetur. Fugæ nomen non tam consilii, quam facti est, *l. bovem §. 1. ff. de Edictis. Edict.* & fugitivus intelligitur non

non secundum propositionem solam, sed cum aliquo actu. *l. fugitivus 225. ff. de V. S.* Sed actus, qui requiritur, non est loco motio, sed mansio extra domum domini *l. quid sit fugitivus. in princ. ff. de Aedil. Edict.* ibi quid sit fugitivus definit Ofsilius. Fugitivus est, qui extra domini domum fuga causa, quo se a domino celaret, mansit. Cum igitur fugitivus definiatur is, qui manet extra domini domum, necesse est, ut qui fugæ causa abductus est imprudens, aut invitus, si postea re cognita redire nolit; & fugæ causa extra domum domini maneat, sit fugitivus. Contra furtum non est retentio rei alienæ, sed contestatio.

28 Ad Gellii auctoritatem facile respondetur. Nititur ille auctoritate Sabini, quem constat existimasse furtum non fieri sine contestatione: ex nostra *l. 3. §. si rem*. Constat igitur, Gellium agere de eo, cujus ope & consilio furtum fit; ex exemplis, quæ affert ex Sabinis & ideo ait, sola mente atque animo, ut furtum fiat, annitente. Non igitur ille furtum facit, sed ope, & consilio annititur, ut ab alio furtum fiat.

Plauti autem auctoritati non est deferendum, qui putat etiam errantem, sine animo furandi, furti obstringi.

CAPUT XXIX.

Ad *l. si quis conduxerit 46. ff. Locat.*

SUMMARIUM.

- I. Conductio facta uno nummo nulla est, siquidem nulla sit proportio minus nummi ad usum rei, qui in locatione conceditur, & numerus interveniens ad simulandam locationem, sicut vero si conductio iusta merces sit numerus.
- II. Inter vitum & uxorem donationis causa imaginaria venditio contrahi non potest.
- III. Quando quis non decipiendi causa, sed animo donandi in iis causis, in quibus duntaxat.

tio non est interdicta, nummo uno conductio aut enim, licet contractus non valeat jure locationis, vel venditionis, valet jure donationis.

IV. Nummus pro re minima habetur, & unde dictus sit testatius.

V. Donatio antiquitas fecit nummo uno sesteris, sed hoc Justinianus sustulit.

VI. Solemnitates, quæ adhibebantur in mancipatione, sunt quibus res alienari non poterant.

VII. Preter mancipationem inventus est alter solemnitas modus abalienationis, quæ dicebatur in Jure Cessio, cujus solemnitates observantur. Explicatur §. Aliæ autem Instit. tit. de Donat.

VIII. Per mancipationem, & imaginariam illam venditionem omnes fere actus exprimebantur, nam & testamentis, & emancipationes, & adoptiones fiebant.

IX. Locatio & venditio facta uno nummo, quæ non valet.

X. Rejicitur interpretatio illa, quod locatio uno nummo facta non valet, quia merces consistere debeat in pecunia numerata, qualis non est unus nummus: quo occasione recensentur multa, quæ minoris venduntur quam uno nummo, & de utilitate rerum, quæ antiquitus erant. Vinum tricotylam apud Hætychum est, cujus tres coytle uno abole venduntur.

XI. Esi de substantia emptionis sit pretium in pecunia numerata, tamen non est de ejus substantia quod pretium sit justum, ideo venditio viliori pretio facta donationis causa subsistit.

XII. Locatio etiam valere debet, si minore mercede fiat donationis causa, quia eadem regula locum habens in locatione, quæ in venditione.

XIII. Ut venditio aut locatio non subsistat, necesse est, universam venditionem, aut locationem donationis causa factam esse.

ULPIANUS in *l. si quis conduxerit 46. ff. loc. ait*: Si quis conduxerit nummo uno, conductio nulla est, quia & hoc donationis instar inducit. Idem confirmat in *l. si quis ante 10. §. ult. ff. de acquir. vel am. possess.* Si quis & conduxerit, & rogaverit precario ut possideret: siquidem nummo uno conduxit, nulla dubitatio est, quin ei precarium solum teneat, quia conductio nulla est, quæ est in uno nummo.

Quid hoc rei est? annon potest res uno nummo conducì? Certe coquus ille
Y apud

apud Plautum in *Aulularia* nummo conductus erat.

Nummo sum conductus, plus jam medico mercede opus est.

Neque assentior doctissimo Lambino, qui hoc accipit de nummo aureo. Quis enim credat, senem avarissimum, & pauperimum eorum nummo aureo conduxisse, ut agnum macrum coqueret: aut eorum feni exprobraturum, se nummo aureo conductum fuisse? Pomponius quoque admittit locationem, seu venditionem ususfructus uno nummo factam in *l. si ususfructus 66. ff. de jure dot. §. ult.*

¹ Sed verissime dictum est ab Ulpiano, nullam esse conductionem uno nummo factam, si recte id accipiat. Neque enim hoc intelligendum est de ea conductione, cujus iusta merces sit nummus unus: sed de conductione prædii, vel domus, vel cujuslibet rei, in qua nulla sit proportio nummi unius ad usum rei, qui in locatione conceditur. Tunc enim nummus ille non est merces locationis, sed dicitur gratia intervenit ad fingendam simulandamque locationem, ut traditum est in *l. 4. ff. commodat.* Præterea lex illa non debet accipi de ea locatione, quæ urgente necessitate fit, ne Juris regulæ pervertantur, cujus locationis exemplum proponitur in laudata *l. si ususfructus 66. §. ult. ff. de jure dot.* Est igitur id ab Ulpiano dictum de ea locatione, quæ est imaginaria, in qua nummus non mercedis causa, nec ut satisfiat subtilitati Juris, sed simulandæ locationis causa intervenit. Veluti si maritus uxori donaturus ei locet fundum, vel domum uno nummo *l. creditor 20. C. de donat.*

² inter vir. & uxor. Paul. lib. 2. Sentent. tit. 23. Inter virum & uxorem contemplatione donationis imaginaria venditio contrahi non potest. Vel si alicujus decipiendi causa locatio, aut venditio simuletur. Nuda enim & imaginaria venditio pro non facta est, & ideo nec alie-

natio ejus rei intelligitur, *l. nuda ff. de contrab. empt.* cujus rei exempla proponuntur in *l. & qui sub imagine 10. C. de distract. pignor. in l. qui per collisionem 49. ff. de action. empt.*

Quod si quis non colludendi causa, ³ nec cuiusquam decipiendi, sed animo donandi in iis causis, in quibus donatio non est interdicta, locationem, venditionem nummo uno contraxerit, licet contractus non valeat jure locationis, vel venditionis, valebit tamen jure donationis: ut in *l. 1. §. Divi Fratres ff. de question. & in l. cum in venditione ff. de contrab. empt.* ubi Ulpianus ait, quod ille, qui pretium statuit donationis causa non exacturus, non videtur vendere: non tamen negat valere contractum jure donationis, quæ hodie sola conventionem perficitur *l. si quis urgentium C. de donat.* Itaque licet donationis causa venditio, & locatio non contrahantur *l. sicut emptio ff. locat.* tamen nihil impedit valere donationem *l. empti in fin. C. de contr. empt.*

Atque huc pertinent verba illa nostræ legis: quia & hoc donationis instar inducit: hoc est, nummus ille, qui præstat in locatione, non est loco mercedis, sed instar donationis: sicut enim locator donat conductori usum rei locatæ: sic conductor donat nummum illum locatori. Donatio tamen est ex parte locantis, non conductentis, quia nummus, qui a conductore præstat, pro nihilo est. Cic. ad Attic. lib. 5. ep. 21. *Rationes conferatis: assidunt, subducunt, ad nummum conveniunt.* Et pro Q. Roscio Comar. Hic tu si amplius festertio nummo petisti, quam tibi debitum est, causam perdidisti. Et pro Rabir. Ecquis est ex tanto populo qui bona C. Rabirii Posthumi nummo festertio sibi addici velit. Semper igitur pro re minima ponitur nummus sceleris. Et merito: continebat enim duos asses cum semisse, unde dictus est sceleris, quasi semis tertius. Qua-

5 Quamobrem Veteres cum donationis causa aliquid concedebant, id nummo festerio adicebant. Valer. Max. lib. 5. M. Cornutus Prætor fuit Hircii, & Pansa jussu Senatus locante, qui tunc Libitinam exercebant, tum rerum suarum usum, tum ministerium suum gratuitum polliciti sunt; quia ii pro Rep. dimicantes occiderant, perseverantique postulatione extunderent, ut exequiarum apparatus festerio nummo ipsis præbentibus addiceretur. Sueton. in *Cæsar*. Bello civili super alias donationes amplissima prædia nummo addixit. Vitruv. lib. 1. cap. 4. in fin. M. Hostilius rationibus doctissime questis secundum mare mercatus possessionem loco salubri a Senatu, Populoque Romano petiit, ut liceret transferre oppidum, constituitque mœnia, & areas divisit; nummoque festerio singulis municipibus municipio dedit. Vetus Inscriptio Urbis Romæ, quam affert doctissimus Cujac. lib. 10. *Observ.* cap. 37. Hoc monumentum L. Titurnus Sabinus se vivo donavit L. Sanio Sympbore, mancipavitque festerio nummo uno. Quare in donationibus etiam Justiniani tempore solebant apponi verba illa *Festerii nummi unius, assium quatuor*: vel ut Cujac. ex Basilicis emendat *festerio nummo uno assium quatuor*. Tunc enim festerius erat quatuor assium, ac verba illa significabant rem addictam fuisse nummo uno. Quæ verba tamquam superflua sustulit Justinianus in *l. ult. C. de donation.* Superflua autem erant ea ætate, quia non amplius erant in usu solemnes illæ mancipationes in donationibus necessariæ, maxime cum donationem sola conventionione consistere constituerit idem Justinianus in *l. si quis argenteum C. de donat.*

6 Origo igitur addicendi res donatas nummo uno, est a veteri solemnitate mancipationis, in qua imaginaria venditio interveniebat, & ideo vel assus, vel nummus erat necessarius, qui imaginem pretii repræsentaret. Cujas *Inst.*

tit. 6. Mancipatio autem, hoc est, manu traditio, quedam similitudo venditionis est. Boet. in *Topic.* Ciceron. *Mancipatio imaginaria quedam venditio est: quod ipsum Jus proprium Romanorum est Civium.* Varr. lib. 8. *de Ling. Lat.* Pro assibus nunquam ass dicebant Antiqui, a quo dicimus, assens tenentes: hoc ære æneaque libra. Erant hæc verba, quæ proferebat ille, qui rem accipiebat. Sed nemo clarius mancipationis solemnitatem explicat Cajo nostro *l. 1. Inst.* cuius verba refert Boetius in *Topicis.* Ejusdem Caji lib. 1. *Inst.* de nexu faciendo hæc verba sunt: *Est autem mancipatio, ut & supra quoque indicavimus, imaginaria quedam venditio, quod ipsum Jus proprium Romanorum est Civium: eaque res ita agitur. Adhibitis non minus quinque testibus Civibus Romanis puberibus, & præterea alio ejusdem conditionis, qui libram æneam tenens, qui appellatur libripens; is, qui mancipium accipit, ass tenens ita dicit: hunc ego hominem ex jure Quiritium meum esse ajar, isque mihi emptus est hoc ære, æneaque libra. Deinde ære percussit libram: idque ass dat ei, a quo mancipium accipit, quasi pretii loco.* Cum autem ex lege duodecim Tabularum res alienari aliter non poterit, nisi adhibita hac solemnitate mancipationis, ut testatur ibidem Boetius, hinc frequentissimus usus hujus imaginariæ venditionis nummo uno, vel uno ass. Postea inventus est alter modus sollemnis, in Jure cessio, per quam pariter fiebat abalienatio, & dominium de jure Quiritium transferebatur. Cic. in *Topic.* *Abalienatio est ejus rei, quæ mancipi est, aut traditio alteri nexu, aut in Jure cessio, inter quos ea Jure Civili fieri possunt.* Cessionis solemnitas describit idem Boetius. *Apud Magistratum Populi Romani, vel apud Prætores, vel apud Præsides Provinciæ is, cui res in Jure ceditur, rem tenens, ita vindicat: hunc ego hominem ex jure Quiritium*

meum esse ajo. Deinde postquam hic vindicaveris, Prator interrogat eum, qui coedit, an contra vindices: quo negante aut tacente, tunc ei, qui vindicaveris, eam rem addicis: idque legis actio vocabatur. Itaque etiam in donationibus res aut mancipabatur, aut addebatur nummo sesterio; ut rei dominium de jure Quiritium transferretur in donatarium. Hinc Justinianus in Institutionibus donationem recenset inter modos acquirendi dominium de Jure Civili, & in §. alie autem Instit. sit. de donat. ait: & ad exemplum venditionis eas etiam in se habere necessitatem traditionis. Sicut enim olim propter imaginariam venditionem donatio transferrebat dominium de Jure Quiritium, & necessitatem continebat, quia donator nexu obligabatur: ita post sublatas imaginarias venditiones voluit Justinianus ad exemplum venditionis donationem continere necessitatem traditionis.

§ Porro mancipationis, & imaginariæ illius venditionis erat apud Veteres tam assiduus usus, ut nihil propemodum expediretur sine ea. Nam & testamenta per æs & libram fiebant, in quibus hæres defuncti substantiam emebat *princ. sit. Instit. de testam.* Et in emancipationibus liberorum interveniebant imaginariæ venditiones §. *præterea Instit. sit. quib. mod. jur. patr. pot. solvis. l. ult. C. de emancip.* Et in adoptionibus *l. ult. C. de adoption. Sueton. in Augusto. Adoptavit & Lucium, & Cajum domi emptos per æs & libram a Patre.* & denique in omni fere alienatione rerum mancipi. Imo & obligationes contrahebantur, & dissolvebantur. Varro *lib. 6. de Ling. Lat. Nexum Manlius scribit, omne quod per libram & æs geritur, in quo sint mancipi. Mucius Scævola: quæ per æs & libram fiant, ut obligentur, præterquam, quæ mancipo dentur. Hoc verius esse, ipsum verbum ostendit, de quo queritur. Nam idem, quod obligatur per libram, neque saum sit, inde*

Nexum dictum. Cic. pro Murana. Quod si in iis rebus repetendis, quæ mancipi sunt, sit periculum iudicii præstare debet, qui se nexu obligaveris. Liv. lib. 6. de Marco Manlio, qui addictum liberavit. Inde rem creditori palam Populo solvis, libraque & ære liberatum emisit. Fest. Pomp. in voce Nexum. Nexum est, ut ait Gallus Ælius, quodcumque per æs & libram geritur; idque nelli dicitur, quo in genere sunt hæc, testamenti factio, nexi datio, nexi liberatio. Nexum æs, apud Antiquos dicebatur pecunia, quæ per nexum obligatur.

Juxta hunc usum imaginariarum venditionum introductum fuit, ut qui vellet aliquid donare, simularet venditionem, & locationem nummo uno factam privatim, & inter privatos; quo casu cum non haberet animum locandi, aut vendendi, & eum in venditione & locatione non intervenirent ea, quæ sunt de earum substantia, nempe pretium, & merces, quia nummus ille dieis causa dabatur, utrique non poterant consistere contractus venditionis & locationis: Adeoque nulla erat venditio, nulla locatio.

Ex his constat, futilem esse, & subtilem potius, quam solidam rationem illam, quam quidam magni Viri exogitarunt: quod merces consistere debet in pecunia numerata, nummus autem unus non est pecunia numerata, quia unitas non constituit numerum: hac enim ratione nec nummo aureo quicquam emi, aut conducì posset: licet enim nummus aureus contineat plures denarios, tamen & nummus argenteus plures asses continet. At hoc dicere absurdum est. Quid? nonne assis minor est nummo sestertio? sestertius enim etiam antiquitus duos asses cum semisse continebat. An igitur dicemus, nullam fuisse emptionem, de qua Martialis:

Asses duos calices emit, & ipse tulit?
Quid? quam multa sunt apud nos, quæ quadrante æstimantur, & quotidie emuntur,

tur, ut poma, olera, & pleraque alia hujus generis? An igitur dicemus, harum rerum nullam esse venditionem, quia pretium debet consistere in pecunia numerata, & hoc est de substantia emptionis *l. pacta conventa ff. de contr. empt.* in quadrante autem non consistat pecunia numerata? Certe si pecunia numerata non consistit in nummo uno, multo minus consistet in uno quadrante, qui decima pars est unius nummi. *Plin. lib. 18. cap. 3. M. Varro auctor est cum L. Metellus in Triumpho plurimos duxit Elephantos assibus singulis farris modios fuisse, item vini congiis, suisque sicca pondo triginta; olei pondo decem; carnis pondo duodecim.* Refert idem *Plin. lib. 15. Anno Urbis conditæ 505. Appio Claudio Cæci Nepote, & L. Junio Coss. olei libras duodenas assibus venisse.* Narrat & Plutarchus in Lucullo, mancipium quatuor drachmis, bovem una, cetera pari vilitate fuisse, cum Lucullus victo Mithridate prædas e Ponto egit. *Polybius lib. 2. de fertilitate Galliæ Cisalpinæ* narrat suis temporibus in ea Regione viatores nihil cum diversore aut hospite pacisci solitos, sed bene & laute habitos solvisse dimidiatum assem. Solonis tempore Athenis ovis una drachma vendebatur, ut refert Plutarch. in Solone: *vinum tricetylum* apud Helychium dicitur, cujus tres cotylæ obolo venibant. Num igitur harum rerum nulla erat emptio & venditio, ea subtili ratione, quia unitas non est numerus, sed principium numeri?

- 11 Præterea potest donationis causa pretium minui, neque hoc repugnat substantiæ emptionis; quia et si de ejus substantia sit pretium in pecunia numerata *l. pacta conventa ff. de contr. empt.* tamen de substantia emptionis non est, ut pretium sit justum; quantitas enim pretii omnino pendet a voluntate contrahentium, quorum conventionem in hoc contractu pretium definitur, quod auge-

tur, minuiturve pro affectu, commoditate & sagacitate contrahentium. *l. in causa 16. §. idem Pomponius ff. de minor. l. item si pretio 22. in fin. & l. seq. ff. loc. l. si voluntate 8. C. de rescind. vend.* Itaque venditio viliori pretio facta donationis causa subsistit. *l. si quis dona- tionis 38. ff. de contr. empt.* Eademque ratione valere debet & locatio, si minore mercede fiat donationis causa, cum eadem regulæ locum habeant in locatione, quæ in venditione. *prin. tit. Inst. de locat.* Finge igitur aliquem solitum locare operam suam duobus, aut tribus nummis, & donationis causa viliori mercede locare, nempe uno nummo: an non valebit locatio? Ut enim venditio seu locatio non subsistat, necesse est, universam venditionem donationis causa factam esse, ut ait Ulpianus in *d. l. si quis donationis ff. de contr. empt.* Ideo in nostra *l. si quis conduxerit ff. locat.* recte ait J.C. quia & hoc donationis instar inducit. Nempe quia ut irrita sit locatio, necesse est, ut etiam nummus ille, cum loco mercedis esse deberet, donationis instar inducatur, ut initio exposuimus. Ita enim fiet, ut universa locatio donationis causa facta sit. *Plin. lib. 18. cap. 3. Minutius Argurinus, qui Sp. Melium coarguerat, farris pretium in trinis nundinis ad assem redegit, qua de causa statua ei extra portam Trigeminam a Populo stipe collata statuta est. Trebins in Ædilitate assibus Populo frumentum præstis, quam ob causam & ei statue in Capitolio, ac Palatio dicata sunt: ipse supremo die Populi humeris portatus in rogum est.* En diminutio pretii donationis causa. Quare eleganter idem *Plin. ibid. Manius Marcus Ædilis plebis primum frumentum Populo in modis assibus denavit.*

CAPUT XXX.

Ad princip. tit. Instit. de servit. prœdior.

SUMMARIUM.

- I. Iter est jus eundi, ambulandi hominis, non etiam jumentum, vel vehiculum agendi.
- II. Qui iter habet, potest non solum pedes, sed etiam equos committere, & insuper sella, leſticæ gestari.
- III. Baſterna apud Veteres erat ea, quam nos leſticam appellamus.
- IV. Burdones sunt muli ex Equo & Asina.
- V. Baſternis sola Matræne portabatur.
- VI. Leſtica & sella gestatoria non a jumentis portabatur; sed a servis, eorum cervicibus imposita.
- VII. Ad sepulchrum iter, non alius constituebatur, quia mortui feretro, & sandapila exhibebantur, quibus simillima erat leſtica.
- VIII. Jacuies in leſtica portabatur; idem leſtica a lecto dicta est; & sæpe cubile, torus, grabatum appellatur; sedentes vero portabatur in sella gestatoria.
- IX. Servi, qui leſticam aut sellam ferebant, leſticarii vocabantur.
- X. Tot sunt stipulationes, quæ res in stipulationem deducit, sed stipulatio leſticariorum una est.
- XI. Leſtica ampliores ab æſto servis portabatur, & Octophora dicebantur; quædam vero ferebantur a sex, & Hexaphora appellabantur; plerumque tamra a quatuor ferebantur; sella etiam a duobus, nam multo brevior erat.
- XII. Carruca diffimiles erant leſticis; licet in leſticis etiam dormire Veteres, & Scervola mentionem faciat Carruca dormitari.
- XIII. Carruca dormitoria quomodo constructa esset.
- XIV. Quænam esse debeat latitudo itineris, Actus, Vic. In servitute itineris constitui potest latitudo, ut quis equo veli non possit, dummodo ea prorsus ire possit; ita pariter in servitute Actus ea latitudo, ut vehiculum ea inire non possit, dummodo tamen jumentum agi possit.

- I. Iter est jus eundi, ambulandi hominis, non etiam jumentum, vel vehiculum agendi. princ. tit. instit. de servit. præd. l. 1. in princ. ff. de servit. præd. rustic.
2. Potest tamen ille, qui Iter habet, non

solum pedes, sed etiam equos committere, l. inter Actum 12. ff. cod. sis. &, quod magis est, etiam sella, leſticave gestari, quia hic ire, non agere dicitur l. qui sella 7. ff. cod. sis. Explicanda sunt hæc paulo accuratius, quam a nostris Interpretibus fieri soleat. Etenim apud nos leſticæ a mulis, ac burdonibus portantur; & qui leſtica gestatur, vehiculum agit, quia nostra leſtica vehiculi gemus est, & a jumentis portatur. Itaque inter se pugnare videntur illæ leges, sed non ita est, ut modo demonstrabimus.

Quas nos leſticas vocamus, Veteres ³ dicebant Baſternas. A baſto dictæ Baſternæ, baſtum enim Græci dicebant, quicquid erat ferendo, ut notavit doctissimus Salmasius ad Lampridii Heliogabalum, quo nomine nos citellæ vocamus. Baſternam describit vetus epigramma a Viris doctis hanc in rem prolatum.

Antra Matrænes claudis Baſterna pudicas,

Quæ radians latum gestat utrumque latus:

Hæc geminis portas duplici sub robore burdo,

Provehit & modico pendula septa gradu.

Isidor. orig. lib. 20. cap. 12. Baſterna, vehiculum itineris, quasi via sterna molibus stramentis est posita, a duobus animalibus deportatur. Ad hanc referendus est textus in l. item 49. in princ. ff. de legat. 3. Item legato continentur mancipia, puta leſticarii, qui solam matrænam portabant; item jumenta, vel leſtica, vel sella, vel Burdones. Burdones sunt muli ex equo, & asina, Isidor. lib. 4. 12. cap. 2. In animantibus bigenera dicuntur, quæ ex diversis nascuntur, ut mulus ex equa, & asino, burdo ex equo, & asina. Itaque huiusmodi in ea lege sunt muli ad Baſternam. Continentur autem in legato, in quo uxori relicta sunt

sunt ea, quæ ipsius causa parata sunt, quia hoc legatum comprehendit ea omnia, quæ magis uxoris, quam communis, ac promiscui usus causa parata sunt *l. hoc legatum 45. ff. de legat. 3.* Bæsternis autem solæ Matronæ portabantur, ut constat ex superiori epigrammate, & aliis Scriptoris, apud quos nusquam mentio hominum in Bæsternis, semper Matronarum. Ammian. Marcell. *lib. 14. Matronæ complures operis capitis, & Bæsternis per latera Civitatis cuncta discurrunt.* Vetus Interpres Juvenalis. *Bæsterna, vehiculum unde speculabantur Matrone.*

6. Lætica autem apud Veteres non a jumentis portabatur, sed a servis, eorum cervicibus imposita. Senec. *epist. 49. Non turba servorum læticam tuam per itinera urbana, ac peregrina portantium.* & *epist. 111. Cohors culta servorum lætica formosus imposita calanibus.* & *lib. 3. de benefic. cap. 4. Quo tandem ab istis gerulis raperis, cubile istud tuum circumferentibus.* Plin. *ad Trajan. Illas ergo numeri, cervicisque servorum super ora nostra: te fama, te gloria, te Civium pietas, te libertas super ipsos Principes vehunt.* Clemens Alexandr. *Pedag. lib. 3. cap. 4. οὐ δὲ τὰ φορεῖα εἰς ὕψος αἰσχροῦ τοῦ γυναικῶν φεράδων βασιλῆως καὶ τοὶ πολλοί.*

Multi Germani læticas mulierum in alnum tollentes, & cum impetu bajulantes.

Sella quoque gestatoria a servis portabatur eodem modo. Claud. in 4. Consul. Honorii.

Portatur juvenum cervicibus aurea sedes.

Juvenal. *Satyr. 9.*

— & duo fortes

De grege Mæjorum, qui me cervicem locata,

Securum jubeant elamæso insistere Circo.

Et passim occurrunt Poetarum testimonia. Quamobrem cum neque lætica, ne-

que sella a jumentis veheretur, sed servorum humeris portaretur, recte dixit Jurisconsultus in *l. qui sella 7. ff. de servit. rust. prad. cum, qui sella, aut lætica vehitur, ire, non agere: recteque constitutum est, cum, qui iter habet, posse lætica, sellave ferri: hic enim neque jumentum agit, neque vehiculum.* Quare & ad sepulchrum iter constitui solebat, non Actus *l. servitutes pradiorum 14. §. 1. ff. de servitus.* Mortui enim feretro, & sandapilla efferebantur, cui simillima erat lætica. Itaque apud Gellium *lib. 10. cap. 3. bubulcus ille, cui Legatum lætica ferri videret, per jocum interrogavit, num mortuum ferrent.* Et argute jocatut Martial. *lib. 2. epigr. in Zoilum.*

Laxior Hexaphoris tua sit lætica licebit,

Dum tamen hæc tua sit, Zoile, sandapilla.

Jacentes enim, & cubantes in lætica 8 portabantur. Cic. in *Verr. lib. 4. Artagatum, & argentum in lætica cubans ad mare infra Oppidum expellabat.* Lætica enim a læto dicta est, & sæpe cubile, torus, grabatum vocatur. Seneca de *benefic. lib. 3. cap. 4. Quo tandem ab istis gerulis raperis, cubile istud tuum circumferentibus?*

Ovid. *lib. 1. de Arte amandi.*

Interea frue illa taro resupina feretur, Læticano domina dissimulante adi.

Catull. *Epigram. 10.*

Fallum qui veteris pedem grabatæ

In collo sibi collocare posses.

Et in hoc præcipue differbat a sella gestatoria, quod in hac sedentes portarentur, ut a Viris doctis est observatum, quos tamen præterfugit Senecæ locus de brevitate vitæ. *Audio quemdam ex delicatis, cum ex balneo inter manus olatus, & in sella positus esset, dixisse interrogando: jam sedeo?*

Servi autem, qui læticam, aut sellam ferebant, vocabantur læticarii, quorum sapissime fit mentio a Latinis Aucto-

storibus, & a nostris Jurisconsultis non raro, cum de legatis agunt, ut in *l. item 49. in princ. ff. de legat. 3. in l. si ex toto 8. §. ult. ff. de legat. 1. in l. pecuniam 65. in princ. ff. de legat. 2. in l. servis 99. §. servis ff. de legat. 3. in l. uxori 13. in fin. ff. de aur. & arg. legat. & in l. scire debemus 29. in princ. ff. de verb. obl.*

10 In his legibus duo sunt animadversione digna. Primum, quod licet tot sint stipulationes, quot res in stipulationem deductæ, tamen stipulatio leſticariorum una est *d. l. scire debemus ff. de V.O. considerantur enim tamquam unum corpus, sicut quadripa.*

11 Alterum est quod in *l. si ex toto 8. §. ult. ff. de legat. 1.* proponuntur legati octo leſticarii. Et recte; ampliores enim & laxiores leſticæ ab octo servis portabantur, & Octophorum dicebatur hæc leſtica. Martial.

Octo Syris suffulta datur leſtica puella. Cicer. in Verr. Leſtica Octophoro ferebatur, in qua erat pulvinus pellucidus Melitenſi rosa ſarſus. Sueton. in Calig. Iter confectis modo festinanter & rapide, interdum adeo segniter & delicate, ut Octophoro verberetur. Pleai sunt Poetarum libri. Aliquando ferebatur a sex servis, & dicebatur Hexaphorum; plerumque a quatuor; sella etiam a duobus, nam multo brevior erat. Juven. Satyr. 9.

Et duo fortes

De grege Masorum, qui me servie locata,

Securum jubeant clamorſo iuſſiſtere Circo.

12 Leſticis ſimiles fuiſſe Carrucas exiſtimare quis poſſit. Etenim in *l. in commodato 17. §. duabus ff. commod. nominantur Leſticæ & Carrucæ. & in l. uxori 13. in princ. ff. de aur. & arg. leg. Scævola mentionem facit Carrucæ dormitoriz; atque in leſticis quoque dormiſſe Veteres certum eſt. Juven. Sat. 3.*

Namque ſaciſ ſomnum clauiſa leſtica ſueſtra.

Et Satyr. 1.

Proſer Gallia caput; noli vexare, quieſcit.

Et Satyr. 3.

— iugenti curres ſuper ora liburus, Atque obiter leges, aut ſcribes, vel dormiet iutus.

Sed non ita ſe res habet. Leſtica enim ſervorum humeris ferebatur, ut diximus, Carruca a multis vel mulabus, ut conſtat ex *d. l. uxori 13. Paul. lib. 3. ſentent. tit. 7. Carruca cum juſſura legata, mula quoque legata, nec unum mulas videtur, propter quotidianam loquendi conſuetudinem. Hinc multe carrucariz, apud Ulpianum in l. Ediles 38. §. quaſitum ff. de Edilis. Edict. & muliones in urbano miniſterio eſſe dicuntur a Paulo in l. ſervis 99. §. muliones ff. de legat. 3. & in d. lib. 3. ſentent. cap. 7. Præterea leſticæ portabantur, Carrucæ quatuor rotas habebant, ac denique in leſtica cubabant, ut diximus, in Carruca ſedebant. Capitol. in Maxim. Per publicum veniente vehiculo Antonini Caracalli quod vacuum erat, cauſendit, & ſedit, & vix egreſſe a mulionibus carrucariz deſturbatus eſt.*

Dormitoriam igitur Carrucam apud Scævola in *d. l. uxori.* non diſſimilem aliis fuiſſe exiſtimo, ſed tamen ita conſtructam, ut ſublata ſella jacere in ea, & cubare poſſet, qui vchabatur, ut fieri ſolet in noſtris leſticis, in quibus geſtamur ſedentes; ſunt tamen quedam, quibus ad deferendos ægrotos utimur, in quibus jacemus ſublata utrimque ſella. 14

Ad leſticas, & ad ſervitutem Itineris revertamur, de qua id tantum ſubjungam: Iter anguſtius, quam par eſt, a quibuſdam deſiniri, itemque Actum. Feſt. Actus, iter inter vicinos quatuor pedes latum. Si Vix latitudo eſt octo pedum, l. Via 8. ff. de ſervit. ruſt. prad. Actus autem latitudo eſt quatuor pedum; utique latitudo Itineris ſubducta ratione erit duorum pedum, qua vix pedes ire poſſet, nedum equo, aut leſtica, ſellave geſtari. Leſticam enim

gestabant servi asseribus in transversum insertis, ac proinde semitæ angustis fuissent impediti; Martial. lib. 4. epigr. in Cecilian.

Ingeni late vectus es Hexaphoro

Et lib. 2. epigr. in Zoilum.

Laxior Hexaphoris tua sit lectica licebit. Magnam hæ sellæ, lecticæque desiderant Viæ latitudinem, ut transferri possint. Itaque recte Jurisconsulti nostri nullam certam latitudinem Actui, atque Itineri præscripserunt l. certo generi 13. §. latitudo ff. de servit. præd. rustic. Et Varro multo rectius, quam Festus id definivit. *Actus finis minimus constitutus in latitudinem pedes quatuor, quod ea quadrupes agitur.* recte dixit, *finem minimum*: potest enim latior constitui, non minor. Potest enim in Actu constituendo tam angusti loci demonstratio fieri, ut ea vehiculum inire non possit, dum tamen jumentum ea duci possit, l. si tam angusti 13. ff. de servit. Veluti si fiat demonstratio quatuor pedum, qua jumentum agi poterit, non autem vehiculum, ut innuit Varro d. loco. Est autem hic finis minimus, quia si angu-

stior locus designaretur, per eum agi non posset jumentum, & servitus Itineris, non Actus esset, constituta d. l. si tam angusti. Quod de Actu dixi, de Itinere dicendum est. Non poterit in Itinere angustior locus duorum pedum definiri, quia nec pedes posset per eum ambulare. Loco autem tam angusto designato recte constituta erit servitus Itineris, etsi neque equo, neque lectica, aut sella possit commutare argum. d. l. si tam angusti, & l. Via 23. in princ. ff. servit. præd. rustic. At si nihil in constituenda servitute sit definitum, ab Arbitro loci latitudo præscribenda erit l. certo generi §. latitudo ff. de servit. rustic. præd. & quidem, ut arbitror, tanta, ut ea possimus lectica etiam, ac sella ferri, cum hoc jus habeamus Itineris servitute constituta, l. qui sella ff. eod. Non tamen tanta, ut Hexaphoro, aut Octophoro seramur, servitute enim civili ter uti debemus l. si cui simplicius 9. ff. de servit. Notabantur autem a veteribus tamquam molles, ac delicati, qui Hexaphoro, vel Octophoro gestabantur.

F I N I S.

JOSEPHI AVERANII

JURISCONSULTI ET ANTECESSORIS,

INTERPRETATIONUM JURIS

LIBER SECUNDUS.

CAPUT PRIMUM.

AD LEG. CONSUETUDINIS II.

C. quæ sit longa consuet.

SUMMARIUM.

- I. Consuetudo tam apud Athenienses, quam apud Veteres Romanos semper legi derogavit. Probat id Veterum Scriptorum testimonio & exemplis.
- II. Confirmatur ex frequenti legum tam confirmatione, tam revocatione.
- III. Explicatur l. 2. C. quæ sit longa consuetudo. & nova affertur interpretatio: adde num. p.
- IV. Tam consuetudo, quam lex priorem legem ab-

rogat, non quod potentior sit, sed quia posterior.

V. In hypotheca plurium dotium tempus attenditur. VI. Item in testamentis, in quibus posterior prævalet.

VII. Item in datione tutorum; in legatis; in conditionibus: excipitur tamquam quoddam conditionem institutio, & legatum libertatis.

VIII. Posteriora derogant prioribus. Probat id pluribus exemplis, & quid juris in contrariis.



CONSUETUDINE posteriore priorrem legem abrogari dubitandum non est. Nam præter argumenta, quibus id ab Interpretibus nostris demonstratur, constat apud Romanos numquam aliter observatum fuisse. Origo Juris Romani præcipue ducta est ab Atheniensibus, apud quos consuetudine leges abrogabantur. Gell. lib. 11. cap. 18. Ejus igitur leges quoniam videbantur impendio acerbiores, non de creto, jussuque; sed ratio, illustratoque Atheniensium consensu obliterata sunt. Itaque

& apud Romanos eadem erat consuetudinis auctoritas. Liv. lib. 45. quas ne usus quidem longo tempore (qui unus est legum corrector) experiendo argueret. Gell. lib. 20. cap. 1. Passus est enim (Pop. Romanus) leges istas de tam immodico supplicio situ, atque senio emori; & lib. 2. cap. 24. Postea L. Sylla Dictator, cum legibus istis senio, atque situ obliteratis plerique in patrimoniis belluarentur &c. Quintil. lib. 3. cap. 6. Ut in duodecim Tabulis debitoris corpus inter creditores dividi licuit, quam legem mos publicus repudiavit. Tacit. lib. 6. Annal. Lusa-

Inter ea magna vis accusatorum in eos irrupit, qui pecunias senore auclitabant adversum legem Dictatoris Caesaris, qua de modo credendi, possidendique intra Italiam cavetur, emissam olim, quia privato usui bonum publicum postponitur. Macrobi. lib. 3. cap. 17. Dehinc paucis interjectis annis, alia lex pervenit ad Populum ferente *Antio Restione*, quam legem, quamvis esset optima, obstinatio tamen luxuria, & victorum firma concordia nullo obvagante irritam fecit. Quamobrem de eadem re multas leges variis temporibus rogatas fuisse accepimus, non alia de causa, quam propter consuetudinem, qua priori legi fuerat derogatum, ut nova lege opus esset ad tollendam consuetudinem, revocandamque legem contraria consuetudine sublata. Macrobi. d. lib. 3. Saturn. cap. 17. In ea enim ferenda *quaesita est novae legis auctoritas, exolescente metu legis antiquioris. Ita hercules, ut de duodecim Tabulis scilum est, quarum ubi contemni antiquitas coepit, eadem illa, quae illis legibus cavebantur in alia Latiorum nomina transferunt.* Itaque cum Lex duodecim Tabularum, qua sancitum erat, ne quis unciario senore amplius exerceret, consuetudine fuisset abrogata, nova lege opus fuit ad ipsam revocandam anno Urbis 398. & de hac re actum sapissime a Plebe, cum nulla tam firma lex esset, quae contraria consuetudine non abrogaretur. Livius lib. 7. Corn. Tacit. lib. 6. *Annal.* & copiose Appian. lib. 1. *Bell. Civil.* sic etiam Ti. Sempronius Gracchus anno Urbis 520. renovavit legem C. Licinii Stolonis latam anno 377. qua cavebatur, ne quis plus quingentis agri jugeribus possideret. Sic lex Sempronia primum a Ti. Sempronio Graeco Trib. Pleb. lata, deinde renovata est a Cornelio Sulla Dictatore, & postmodum a C. Julio Caesare, qua cautum erat, ut per actuarios limites populo jus eundi esset, sicut per viam publicana. Plura exempla praetermitto, ex his enim satis constare arbitror, apud Romanos tantam vim fuisse consuetudinis,

ut & priorem legem tolleretur, & ipsa non nisi posteriore lege tolleretur.

Contrarium tamen videtur constitutum in l. consuetudinis 2. C. *qua sit longa consuet.* Consuetudinis, ususque longevi non visus auctoritas est, verum non usque adeo sui valitura momento, ut aut rationem vincat, aut legem. Sed non est ita, si verba legis accurate perpendantur. Observanda sunt illa verba, *sui momento*, quae non temere ab Imperatore suat adjecta Constitutioni. Consuetudo abrogat priorem legem, non tamen eam vincit *sui momento*, suis viribus, propria natura. Utrumque verissimum est: neque sunt haec contraria. Consuetudo natura sua, suisque viribus, & proprio momento non est potentior lege, sed omnino par; itaque eam non vincit, sed tamen ipsi derogat, ipsamque tollit. Sed quomodo eam tollit? non quia sit potentior, suoque momento eam vincat; sed quia est posterior. Lex vincit legem non propriis viribus, non ratione sui momenti; sed ratione temporis, & mutationis voluntatis. Modestini in l. ult. ff. de *Constit. Princ.* *αὐτοκράτορος τοῦ διατάξας ἱσχυρότερος τῶν προϋπάρχοντων ἐστίν.* Posteriores constitutiones posteriores sunt his, quae eas praecesserunt. Cicero. de *Invent.* lib. 2. Deinde considerando utra lex posterius lata sit: nam postrema quoque gravissima. Liv. lib. 9. Ubi duae contrariae leges sunt, semper antiquam abrogat nova. Quemadmodum igitur in legibus non est considerandum proprium ipsarum momentum, ut sciamus utra alteram abroget, quia omnes eandem vim habent, cum eadem auctoritate sanctae sint; sed considerandum est utra sit posterior: sic quando lex pugnat cum consuetudine, considerandum est, utra posterior sit, nam cum idem sit utriusque momentum, nec altera alteram vincere possit vi propria, potior, & gravior erit posterior. Quamobrem si lex posterior sit consuetudine, lex tollit consuetudinem: contra si consuetudo posterior sit, legem tollit, non suo momento, sed ratione temporis.

Exemplis rem explicabo. Uxori concessa est hypotheca pro dote cum privilegio prelacionis *l. affiduis C. qui pot. in pign.* Finge concurrere duas uxores in repetenda dote, ut in *Auth. ut exalt. instant. 91.* utraque uxor par habet privilegium, & quale est utriusque robur, neque vi atque momento sui privilegii altera alteram vincere potest, ut ait Justin. in *d. Auth. cap. 1. vers. & dotem &c. non potest dotem proponere doti, nec hypothecam hypothecis.* Sed tamen prior uxor præfertur posteriori *d. Auth.* Qua de causa præfertur ? non vi, & momento sui privilegii, sed ratione solius temporis *d. Auth. & Auth. de aqual. dot. 97. cap. 3. vers. si qua mulier.*

Aliud sit exemplum in testamentis. Testamentum natura sua non est potentius alio testamento, cum iisdem solemnitatibus utrumque perfectum sit. Prius tamen testamentum posteriori rumpitur *§. posteriori Inst. tit. quib. mod. testam. infirm. l. 2. l. cum in secundo. ff. de injuri. rupt. l. hac consultiissima. §. si quis autem, & l. fanticus C. de testam.* non quia hoc sui momento vincat prius, eoque sit natura sua potentius; sed quia posterius est. Itaque si duo extent testamenta, nec constare possit, utrum sit prius, aut posterius, aut utrumque valebit, aut, quod verius videtur, neutrum subsistet. Sublata enim ratione temporis, qua sit, ut posterius prævaleat priori, utrumque habet æquales vires, utrumque æqualia momenta, ac proinde alterum ab altero vinci non potest, & vel utrumque valere debet, vel neutrum, argumento text. in *l. duo sunt Titii. & ibi gloss. ff. de testam. tut. l. cum qui 51. in princ. ff. de acquir. vel om. her. & ibi gloss. & passim DD.* eadem est ratio legatorum, & fideicommissorum *l. clari C. de fideicom. l. si mihi 12. §. in legatis ff. de legat. 1. & dationis tutorum, l. si hereditas §. 1. ff. de testam. tut.* item conditionum adjectarum: novissima enim prævalet priori, præterquam in institutione hæredis, & in legato libertatis *l. tu-*

cor datus §. ult. ff. de testam. tut. l. quod traditum 87. cum duab. seq. l. sub diversis, & l. levissima ff. de condit. & dem. imo & 8 in legato libertatis datæ per fideicommissum posterior scriptura servanda est *l. per fideicommissum 90. ff. eod.* hæc autem non alia de causa constituta sunt, nisi quia posteriora derogant prioribus *l. Divi 6. §. licet ff. de jure codicill. d. l. per fideicommissum 90. ff. de condit. & dem.* Neque enim prævalent prioribus sui momento, quod majori solemnitate confecta sunt, sed ratione solius temporis, & mutatz voluntatis. Eadem de causa etiam pacta novissima derogant prioribus *l. pacta novissima 12. C. de pact. l. si unus §. pactus ne peteret ff. de pact. Item contractus l. si quis ante 10. in princ. ff. de acquir. vel amit. poss. l. pacta conventa 72. ff. de contrab. empt.* Alia exempla peti possunt ex *l. quod iussit ff. de re judic. ex l. si quis cum procuratoria 31. §. ult. ff. de procurator. ex l. in duobus §. ult. ff. de jurejur. ex c. ceterum, de rescript. l. si mater C. ne de statu defunct. ex l. illud sciendum ff. de peric. & com. rei vend. & l. si seruum 91. §. sequitur ff. de V. O.*

Ex his constat quid de consuetudine sit existimandum. Si consuetudinem suo momento velimus ponderare, legem non vincet, sicut nec a lege vincetur: paria enim sunt momenta legis, & consuetudinis *l. de quibus §. inveterata ff. de legibus.* Derogat tamen legi, si posterior sit; quia quoties duo sunt actus pendentes a voluntate alicujus, ejusdem momenti, ac roboris, si uterque valere non possit, posterior derogat priori, ut constat ex his, quæ diximus. In contractibus tamen, in quibus utriusque contrahentis consensus est necessarius, utriusque pariter consensus requiritur, ut posterior priori præferatur *§. ult. Inst. tit. quib. mod. toll. oblig. d. l. pacta conventa.* alloqui prior posteriori præfereretur, non tamen ratione temporis, sed suo ipsius momento. Quapropter huic sententiæ de consuetudine legem abrogante non repugnat *d. l. 2. C. qua sit longa consuet.* quia ibi solum agitur de vi propria,

pria, proprioque momento consuetudinis, quod si consuetudo legem vinceret, non solum tolleret priorem legem, sed etiam posteriorem: itaque in ea lege recte negatur, consuetudinem adeo sui momento valituram, ut vincat legem.

CAPUT II.

AD L. SI IN EMPTIONE XXXIV.

In princ. ff. de contr. empt.

SUMMARIUM.

- I. Error in re, de qua contrahitur, vitiat omnem contractum.
- II. Error contrarius consensui.
- III. Error in accessione non vitiat contractum in re principali.
- IV. Nec in ipsa accessione.
- V. Loca Sacra per accessionem vendi possunt.
- VI. Contractus quoad formam sunt individui.
- VII. Ambigua pacta contra quem interpretanda? Et n. 10.
- VIII. Quid sit ambiguum? Et n. 15, 16, Et 27.
- IX. Consecuti emendatio.
- X. Communis Pragmaticorum sententia. Rejicitur n. 11. Et seqq.
- XI. Cur ambigua pacta necesse venditori.
- XII. Ex pactis venditori adjectis sepe venditor obligatur.
- XIII. Contra venditorem su interpretatio, etiam si ipse ex pacto obligetur.
- XIV. Proponatur, ac rejicitur communis Eraditorum interpretatio.
- XV. Pacta venditionis a venditore adiciuntur.
- XVI. Aliquando ab emptore, sed hic interponitur stipulationem.
- XVII. In stipulatione verba ambigua contra stipulatorem interpretantur.
- XVIII. Pactum de accessione rei interponebatur a venditore.
- XIX. Revendi conventio proponitur, ac rejicitur.
- XX. Emptionis Et venditionis nominibus promissae Petres utebantur.
- XXI. Tam nomen emptionis, quam nomen venditionis ratum contractum significat.
- XXII. Abiones empti Et venditi in Jure nostro sepe confunduntur, Et altera pro altera accipiuntur.
- XXIII. Modus fundi venditi a venditore dicitur.
- XXIV. Error ad ambigui controversiam non pertinet, Et aliud est error, aliud ambiguum.
- XXV. Error vitiat contractus, non ambiguum.

XXXVI. Non est ambiguum ubi apparet voluntas contrahentium.

XXXVII. In obligatione generis, vel alternativae debitoris est electio.

XXXIX. Explicatur l. comprehensum ff. de contr. empt.

XXXI. Affertur ratio cur praestandus sit Stichus, quam venditor intellexit, non quem eligit.

Paulus ait: Si in emptione fundi dictum sit, accedere Stichum servum, neque intelligatur, quis ex pluribus accesserit, cum de alio emptor, de alio venditor senserit: nihilominus fundi venditionem valere constat. Sed Labeo ait, cum Stichum deberi, quem venditor intellexerit. Duo sunt in hac lege explicanda. Primum cur valeat venditio. Præterea cur potius præstandus sit ille Stichus, quem venditor intellexerit, quam ille, quem intellexerit emptor.

Primum igitur dubitari potest, cur valeat venditio. Etenim satis constat, inter omnes errorem in re, de qua contrahitur, vitare tum emptionem l. in venditionibus 9. in princ. ff. b. t. tum stipulationem l. inter 83. §. 1. l. continuus 137. §. 1. ff. de V. O. tum omnes alios contractus l. in omnibus rebus 55. ff. de oblig. Et act. Quia nullus potest esse contractus sine conventionione, & consensu utriusque d. l. in omnibus, Et l. 1. §. conventionis ff. de pact. error autem consensui contrarius 2 est l. si per errorem 15. ff. de jurisd. om. Jud. l. 2. ff. de judic. l. sed hoc ita 20. ff. de ag. Et ag. plur. arc. l. regula 9. ff. de Jur. Et fact. ignor. Hinc erroris fidejussionem nullam esse respondit Paulus in l. si quis postquam in fin. ff. de fidejuss.

Sed tamen verissima est Pauli sententia in hac lege, & communis omnium interpretatio. Si erratum fuisset in fundo, qui principaliter venibat, venditio non valeret, quia error eam vitaret: sed de fundo venit, & fuit erratum in Stichus, qui vendebatur per accessionem. Itaque valere debet tum emptio fundi, tum emptio Stichi. Valet emptio fundi, quia in fundo consensum est: nec potest infirmari emptio fundi per errorem, quo 3 err-

- erratum est in accessione. Sicut enim per accessionem non confirmatur principale, *l. quod per manus ff. de jura cod. l. sed si paterfam. in princ. ff. de Senatusc. Muced. ita nec infirmari potest. Neque consentaneum est, ut accessio, quæ vires capit a re principali, vires ejus infringat, & labefactet. Cum igitur valeat emptio fundi, valet etiam emptio Stichi. Accessio enim cedit rei principali, ejusque naturam, & robur induit *l. nihil dolo 129. §. 1. l. cum principalis 178. ff. de Reg. Jur. c. accessorium. de Reg. Jur. in 6. l. cum aurum 19. alias l. cisi §. perveniamus l. vestis 23. §. vestimentorum ff. de aur. & arg. leg. Et sicut quando non subsistit amplius causa principalis, nec accessio locum habet *d. l. cum principalis, & l. cor 26. in princ. C. de usur. l. 4. C. de pos. l. 6. §. 1. ff. de leg. omni ff. l. proinde 33. §. ult. ff. de Edil. Edict.* ita quoties debetur res principalis, debetur etiam id, quod rei principali accessit: *d. l. proinde §. ult. ff. de Edil. Edict. l. quod si noluit. §. illud plane ff. cod. l. cum aurum §. perveniamus ff. de aur. & arg.* Nam omnia, quæ dicuntur de venditione rei principalis, dicenda sunt etiam de ea re, quæ venit per accessionem *l. ex empto 11. alias l. emptorem 12. §. si quis rem ff. de act. empt. quoniam res principalis rapit secum accessionem l. 4. in princ. ff. de pen. legat.* Itaque non solum vitium accessionis non influit in rem principalem; sed ab ipsa quodammodo purgatur, atque diluitur. Exemplum esto. Loca**
- 5 Sacra, ac Religiosa cum nullius sint in bonis *§. nullius Inst. sis. de rer. divis. emi.* vendique non possunt *§. loca sacra Inst. sis. de contr. empt. l. si in emptione 34. §. 1. & l. hanc legem 22. in fin. ff. de contr. empt.* Verum tamen si non specialiter vendantur, sed emptioni alterius rei accedant, valet eorum venditio, & ad eas petendas emptori datur actio ex empto *l. hanc legem 22. cum duobus seq. ff. de contrab. empt.* Et errat Ant. Fab. qui contra sentit. Tacit. *lib. 1. Annal. prope fin. Falanio objiciebat accusator, quod ven-*
- dis hortis, statum Augusti simul mancipasset &c. Qua ubi Tiberio noscere, scriptis Consulibus &c. Nec contra religionem fieri, quod Effigies ejus, ut alia Numinum Simulacra, venditionibus hortorum, & domuum accedant. Aliter rem narrat Dio lib. 57. in fin. Vide l. non contrahitis 5. in fin. cum l. seq. ff. ad leg. Jul. majest. Hoc autem multo magis statuendum est in specie, de qua agimus. Etenim cum rei principalis, & accessionis una sit venditio l. quod si noluit 31. §. ult. ff. de Edil. Edict. non potest venditio esse partim utilis, partim inutilis, ea de causa, quod desit consensus in accessione: quia consensus est de forma emptionis *Inst. sis. de oblig. ex consens. cum similibus.* Contractus autem quoad formam sunt individui *l. 1. §. 1. & l. continuus 137. in princ. ff. de V. O.* itaque non potest partim habere formam, partim eam non habere; partim esse, et partim non esse, argum. *text. in l. si ita 39. §. ult. ff. de oper. libert. l. pro parte 11. in fin. ff. de servit. l. una est 18. ff. de servit. rustic. pradior.* Est igitur jure responsum, valere non solum fundi venditionem, sed etiam Stichi, qui accessit venditioni fundi.*
- Illud omnium, qui umquam fuerunt, interpretum torisit ingenia, quod secundo loco in ea lege traditur, cum Stichum deberi, quem venditor intellexerit. Videtur enim potius deberi Stichus, quem emptor intellexerit. Ambigua atque obscura pacta venditori nocere, toties a Veteribus traditum, ut dubitari ea de re non possit. *l. Veteribus 39. ff. de pact. l. 7 cum in lege 33. ff. de contr. empt. l. in contrahenda ff. de Reg. Jur. Prodesset autem venditori, non noceret; si dare posset eum, quem ipse intellexit, argum. *text. in l. græce 8. §. idem Julianus. cum seq. ff. de fide juss. & noceret emptori, qui cogere- tur accipere eum Stichum, quem emere nolebat. Nec dubitari potest ambiguum esse venditionem Stichi, cum plures essent Stichi, & singuli possent eo nomine comprehendi, nec intelligatur quis sit venditus. Isidor. lib. 2. cap. 5. Ambigui-**

tas est, cum id, quod scriptum est, duas, aut plures res significare videtur. Felt. in voce ambiguum. Ambiguum est, quod in ambas agi partes animo potest. Facit text. in l. cum Stichus 29. ff. de solut. l. ubi est verborum 21. ff. de reb. dub. Et Quintil. lib. 7. Inst. orat. cap. 9. hoc primum ambigui genus ponit, quod ex multis dicitur, cum singula verba asserunt errorem, cum pluribus rebus, aut etiam hominibus eadem appellatio est, ut Gallus; utrum enim avena, an gramen, an novum, an fortunam corporis significet, incertum est; Et Ajax, Telamonis, an Oilei filius. Et paulo post. Unde fere lites, precipue ex testamentis, cum de libertate, aut etiam de hereditate contendunt ii, quibus idem nomen est: aut quid sit legatum, queritur. Facit ad hanc rem text. in l. si fueris 10. ff. de reb. dub. ubi hæc luculenter explicantur.

Cujacius Interpretum nostrorum eruditione, doctrinaque, & rerum copia facile princeps, unius vulgæ mutatione scopulum hunc alacriter est prævertectus.

9 Etenim in explicatione l. Veteribus ff. de pact. contendit ita legendum esse: cum Stichum præstandum, quem emptor intellexerit. Sed neque possum, si velim; nec vellem, si possem, hanc legem emendare.

Alii vero, inter quos Pragmatici plerique omnes, hoc modo rem expediunt. In ambiguis interpretatio fieri debet contra eum, qui ex obscura conventionione aliquid petit, & ex ea sibi aliquem obligatum esse contendit: quoniam ille, qui petit, & conventioni innititur, probare debet sibi deberi id, quod petit; nam auctore non probante reus absolvitur l. 2. ff. de probat. l. 4. C. de edend. l. siquidem 9. C. de except. l. negantes 9. C. de oblig. Et alii. Nec satis probat, qui nititur obscura & ambigua conventionione. c. in præsentia de probat. l. non nudis C. de probat. Quamobrem in nostra lege fit interpretatio contra emptorem, quia cum ipse Stichum petat, probare non potest, quis Stichus sibi debeat.

Sed vereor necnon defendi possit hæc sententia: ac multa concurrunt simul, qui de ea dubitem. Primum quia nullam in Jure nostro traditum est, ideo pacta ambigua nocere venditori, quia venditor ipse sit actor, & probare debeat, quod probare non potest propter obscuritatem pacti: Sed nocere venditori, quia debuit perspicue, ac luculenter, non obscure dicere. l. Labeo 21. ff. de contr. empt. l. Veteribus ff. de pact. l. quicquid 99. ff. de V. O. tum quia nihil dicere videtur qui obscure, & perflusorie loquitur l. de atate §. nihil ff. de inter. act. l. aut qui aliter §. 1. ff. quod vi aut clam. tum quia plenius dolo non caret, qui ambigua obscuraque utitur oratione. l. ea que §. ult. ff. de contr. empt. l. qui libertatis §. sed et si quis ff. de evict. Et sane nulla non ratio suadet, ambigua & obscura verba nocere debere ei, qui protulit; est enim cur id sibi imputet, cum possit apertius dicere.

Præterea semper Veteres Jurisconsulti nos monent, ut ambigua pacta contra venditorem interpretentur. l. Veteribus ff. de pact. l. Labeo 21. l. cum in lege 33. ff. de contr. empt. l. in contrahenda ff. de Reg. Jur. At si superiorem regulam a Pragmaticis traditam sequi volumus, sepius ambigua, & obscura pacta contra emptorem pro venditore debemus interpretari: quia sæpius ex pacto adjecto venditori venditor ipse obligatur, & reus est, non actor ut in l. quod si nolis 31. §. 1. ff. de Edil. Edict. l. qui fundum 40. in princip. Et in §. 1. Et §. dolia l. cum venderes 59. l. si cum fundum 68. in princ. ff. de contr. empt. l. tenetur 6. §. si vas, Et §. sed si fundum. l. Julianus §. idem Julianus l. si venditor 38. in princ. ff. de action. empt. l. quid sit fugitivus 17. §. ult. Et l. seq. Et toto fere tit. ff. de Edictis. Edict. l. si dictum 56. l. quod ad servitutes, Et toto tit. ff. de eviction. l. si ex plagis §. quidam ff. ad Leg. Aquil. l. traditio ff. de acquir. rer. dom. l. non tantum ff. de Verb. sign. l. is qui duo 29. ff. de servit. præd.

prad. rustic. & ubique passim. In his omnibus adjectum erat a venditore pactum, quo ipse venditor obligabatur: itaque aut falsa est illa regula, qua nos monent Veteres, interpretationem faciendam esse contra venditorem, qui dixit: aut falsa est Pragmaticorum regula, qua docemur, interpretanda esse verba contra auctorem, pro eo, qui est obligatus.

Denique ut nullus pateat evadendilocus, rem paucis conficiam. Si in venditione sit adjectum hujuscemodi pactum: *Stillicidia uti nunc sum, ut ita sint: obligatur hoc pacto venditor emptori, quia* 13 *hæc verba significant rei venditæ servitutem debere, ut ait Ulpian. in l. si arborem 17. §. hæc lex. ff. de servit. prad. urban.* Et tamen si non appareat de quibus stillicidiis actum sit, ambigua hæc oratio venditori nocet. *l. cum in lege 33. ff. de contrab. empt.* ergo etiam si ex ambiguo pacto venditor obligetur, tamen contra ipsum fit interpretatio.

Respondent postremo loco, ut omnium opinionibus resellam, fere omnes politioris literaturæ Interpretes: Ambigua verba interpretanda esse contra eum, qui obscure dixit, cum posset dilucide voluntatem suam explicare. Quo fit, ut cum venditioni pacta plerumque adjiciantur a venditore, nocent ipsi venditori, qui ambigue locutus est. Atqui in nostra lege ideo verba ambigua nocent emptori, non venditori; quia verba illa protulerat emptor, non venditor: & emptorioni Stichum accessurum emptor ipse dixerat; suæque stupiditati, vel negligentiz, serat acceptum, si non habet servum, quem voluit. Ac si posset probare pactum illud ab emptore adjectum fuisse, nihil jam mutare auderem. Sed cum nullam afferant conjecturam, divinare mihi videntur, & hariolari.

Imo vero ego contra existimo probari posse satis evidenter, pactum illud a venditore adjectum fuisse. Primum quia pacta a venditore semper adjiciuntur, ut observare poterit, quicumque nostrum Jus

Civile diligenter evolverit. Et ratio est, quia nemo cogitur ad vendendum invitatus *l. nec quasi publicianam 70. ff. de rei vindic. l. non æquum ff. rerum amot. l. invictum 11. l. dudum 14. C. de contr. empt.* ac propterea rei suæ, quam vendit, legem dicere debet, quam voluerit *l. legem C. de pact.* est enim rei suæ moderator & arbiter *l. in re mandata C. mand.* Eleganter Plaut. in *Captiv. act. 1. scen. 2.*

Quasi fundum vendam, me meis addicam legibus.

Et in *Epidic. act. 3. scen. 4.*

Esne empti mihi hæc? Periph. istis legibus habere licet.

Imo ipse venditor pretium indicabat.

Idem in *Perf. act. 4. scen. 4.*

S. Indica, fac pretium. D. tua merx est, tua indicatio.

Respondent quidem illi, quod licet pacta plerumque a venditore adjiciantur; aliquando tamen adjiciuntur etiam ab emptore *l. hæc venditio 7. §. 1. l. pacta conventa 72. l. cum manus 30. §. 1. ff. de contr. empt.* Sed nemo non videt has leges ad rem non pertinere. Non tamen constanter negaverim, aliquando ab emptore pacta adjecta fuisse, sed fortasse emptor, quantum conjectura assequi possum, de pactis a se adjectis interponebat stipulationem, ut in *l. cum ab eo 41. in princ. ff. de contr. empt. l. evicta re §. ult. l. si ita quis ff. de evict. l. Labeo. §. 1. ff. de Edil. Edict.* & alibi passim. Varro de re rustic. lib. 2. cap. 1. In emptione alias stipulandum esse & valetudinario, alias & sano pecore, alias & neutro. & eod. lib. cap. 2. Empor stipulatur prisca formula sic: *illasc oves, qua de re agitur, sanas recte esse, uti pecus ovillum, quod recte sanum est, extra surdam, luscum, minam, id est, venire glabro, neque de pecore morbofo esse, habereque licere; hæc sic recte fieri spondet?* Et cap. 3. *Illas capras bodie recte esse, & bibere posse, habereque recte licere, hæc spondetne?* & similes stipulationes proponit capitibus, quæ subsequuntur: & cap. 10. *In pastorum emptione solet accedere pecuniam;*

lium, aut si excipies, stipulatio intercedere, sanum cum esse, furtis, noxiisque solum. Harum autem stipulationum formulas composuerat Manilius Jurisconsultus, unus ex iis, qui Jus Civile fundasse dicuntur a Pomponio in l. 2. §. post hoc 39. ff. de Orig. Jur. a quo dicebantur actiones Manilianæ. Varr. de re rust. lib. 2. cap. 3. Et 5. Et 7. vel leges Manilianæ Cic. lib. 1. de Orat. Nec quisquam est eorum, qui, si sit addiscendum sibi aliquid, non Teuerum Pacuvii malis, quam Manilianas venalium vendendorum leges ediscere. Sed ad rem redeamus. Aliquando etiam stipulatio necessaria erat, ut in l. quod si locus ff. de relig. Et sumpt. fun. Itaque cum emptor stipularetur ea, quæ volebat adicere, ut de sanitate, de dupla, de evictione; utque contra ipsum emptorem fiebat interpretatio, quia in stipulationibus ambigua & obscura verba nocent stipulatori. l. quicquid adstringenda ff. de V. O. l. stipulatio ista 38. §. in stipulationibus ff. cod. l. cum queritur ff. de reb. dub. Pacta igitur a venditore adiciebantur, quoniam venditor de iis non stipulabatur, & quicquid adiciebat rei suæ, & venditioni legem dicens, pactum a venditore adjectum dicebatur.

Sed ut ad rem propius accedam, animadverto, in nostra lege agi de eo pacto, quo convenit inter contrahentes, ut servus accederet venditioni fundi: hujusmodi autem pacta, quibus cavebatur, ut aliquid accederet venditioni rei principalis, semper adiciebantur a venditore: ut in l. qui fundum §. 1. Et §. dolia ff. de contr. empt. observando, quod omnia verba ejus legis referuntur ad initium legis, & reguntur a casu recto, venditor, qui initio positus est: item in l. si cum fundum 68. in princ. ff. de contr. empt. l. teneatur 6. §. sed si fundum ff. de act. empt. in l. ex empto 11. §. si quis rem, alias l. emptorem 12. ff. cod. l. si quis cum fundum 26. l. quicquid venditor 27. l. si mercedem 53. ff. cod. l. insulam 58. in princ. ff. locat. l. proinde 33. ff. de Æd. Edict. l. servi. 5. ff. de

Tom. I.

evict. l. quod ad servitutes ff. cod. l. insulam ff. qui pos. in pign. habeant. Nusquam autem in Jure nostro reperiri arbitror, ejusmodi pactum ab emptore adjectum fuisse. Imo & quod pretio accedere debebat, venditor dicebat. Recte venditor apud Plaut. in Pers. act. 4. sc. 4.

Hæc tu, etiam pro vestimentis huc decem accedant mina.

Quis igitur tam perstrictæ frontis erit, ut sine exemplo, sine conjectura audeat affirmare, in nostra lege illud ab emptore adjectum fuisse, seque nobis id putet posse persuadere?

Doctissimus Rævardus, & quidam alii sagaciores, & emunctæ naris Interpretes, ut qualemcumque conjecturam adducant, observant verba illa legis: Si in emptio-
ne fundi dictum sit &c. Si dictum fuit in emptione, utique dictum fuit ab emptore: quia emptio ad emptorem refertur, & ab emptore contrahitur, sicut venditio refertur ad venditorem, & a venditore contrahitur.

Sed nihili est hæc observatio, nam paucis verbis interpretis, venditionem appellat Jurisconsultus, quam modo emptionem nominaverat: ibi, nihilominus fundi venditionem valere. Veteres enim in emptione, ac venditione appellationibus promiscue utebantur, ut ait Gajus in l. Veteres 19. ff. de act. empt. Quamobrem id ab iis frequenter usurpatur, ut quod modo emptionem dixerant, paulo post venditionem nuncupent, ut in l. 2. §. 1. in l. hæc venditio 7. §. hujusmodi. cum seqq. in l. nec emptio 8. §. aliquando in l. in venditionibus 9. in fin. juncta l. seq. in l. Et si 15. in princ. in l. quod sepe 35. §. in bis. l. si duos 44. l. res 54. l. fundus 64. ff. de contr. empt. l. cum autem §. 1. ff. de Ædilit. l. quod si nolit. 31. §. ult. ff. cod. Et ratio est, quia qui emptionem dicit, completitur etiam venditionem: & contra qui nominat venditionem, comprehendit etiam emptionem. Nam & nomen emptionis totum contractum significat l. 1. in fin. l. 2. in princ. l. 3. Et 4. l. in ven-
di-

A a

ditionibus 9. & alibi passim ff. de contr. empt. & nomen quoque venditionis de toto contractu dicitur l. 2. §. 1. l. 7. in princ. & ubique ff. eod. quia nec emptio sine venditione, nec venditio sine emptione esse potest. Hinc nomen venditionis aliquando ad emptorem refertur, & emptor dicitur adimplere venditionem l. domum 57. in fine principii ff. de contr. empt. l. si ita 25. & l. si duos 44. ff. eod. Imo cum ex hoc contractu duz nascantur actiones empti, & venditi inter se separatae, atque dissimiles (nam actio empti datur emptori ad consequendam rem venditam l. 22 ex empto 11. in princ. ff. de act. empt. contra actio venditi datur venditori ad consequendum pretium l. Julianus 13. §. ex vendito ff. eod. l. 1. ff. de ver. permut.) tamen aliquando actio empti nuncupatur a Veteribus actio venditi, ut in l. sed hoc nomine 26. & in l. si cum venditor 66. §. 2. ff. de evict. in l. ex conventionem C. de pact. in l. 1. C. sine censu vel reliq. Contra vero actio venditi vocatur actio empti l. un. C. si servus utero se emi mand. l. Julianus 13. §. si procurator 25. ff. de action. empt. Sed harum actionum nomina raro admodum confunduntur, quia altera cum altera nihil commune habet: at in appellationibus emptiois, & venditionis nulla regula observatur: quia nulla causa est cur hunc contractum venditionem potius appellemus, quam emptioem. Itaque quod in nostra lege ita enuntiatur: *si in emptione fundi dictum sit accedere Stichum*, in l. proinde 33. ff. de Edil. Edict. aliter hoc modo dicitur: *quod in venditione accessurum esse dictum est*. Et in l. quod si nolis 31. §. ult. ff. eod. Quod emptiois accedit, partem esse venditionis, Prudentibus visum est, & alibi venditioni accedere aliquid dicitur, ut in l. 1. §. 1. vers. & si quid aliud ff. eod. l. cum antem 23. §. 1. l. quod si nolis 31. §. restitui 19. ff. eod. l. itaque 32. in fin. l. seq. in princ. l. iustissime. in princ. ff. de Edil. Edict. l. venditi in fin. C. de act. empt. Adeo verum est, ex his verbis nullam satis idoneam

duci posse conjecturam. Et sane quod emptio nominetur, etiam ubi aliquid a venditore dictum est, satis constat: quia in agro, fundoque vendendo modus a venditore dicitur. l. si in qualitate 22. l. si duorum 42. ff. de act. empt. l. qui fundum §. qui agrum ff. de contr. empt. absurdum enim esset modum rei venditae ab emptore dici, cui ea tantum de causa dicitur, ut sciat quantum agri emat: & tamen, licet modus a venditore dicatur, saepe Veteres modum fundi venditi in emptione dictum ajunt, l. si in emptione 2. ff. de act. empt. & l. Julianus §. si Titius ff. eod. Plura omitto: neminem enim futurum arbitror, qui de his possit dubitare.

His expositis constat, quam variae sint hac de re Interpretum nostrorum sententiae. At mihi quidem, ut dicam quod sentio, nodum in scirpo querere videntur. Existimo enim hanc legem ad ambigui controversiam non pertinere. Duo igitur sunt explicanda. Primum, quod hae lex perperam allegatur, ubi de ambigui interpretatione disputatur. Deinde, cur praestandus sit ille Stichus, quem venditor intellexerit.

Non pertinet haec lex ad ambigui controversiam: quia in ea erravisse contrahentes supponit Paulus; supponit enim de alio servo emptorem, de alio sensisse venditorem. Aliud est errare: aliud ambigui pacisci. Distinguuntur haec in l. haec 24. reder 21. §. 1. ff. qui test. fac. poss. Errant in re contrahentes, quoties in eadem re non conveniunt; sed aliquis eorum de una re, alter de alia sentit, seque contrahere putat: erratur enim quoties aliud pro alio accipitur. l. si per errorem 15. ff. de jurisd. om. jud. l. 2. in princ. vers. aut si praeverunt ff. de jud. l. 9. in princ. ff. de contr. empt. l. inter stipulantem 83. §. 1. l. continuus 137. §. 1. ff. de verb. obl. §. si de alia. Instit. tit. de inut. stipul. Plaut. in Amphitr.

Qui me Amphitruonem ventur esse, errans probe.

Itaque in nostra lege errarunt contrahen-

hentes, cum de alio emptor, de alio venditor fenserit, & uterque putaverit, se de eodem fensisse. Quocirca queris ibi Paulus, an valeat venditio. Absurde hoc queretur, si ibi ageretur de ambiguo. Hoc enim non vitiat contractum. Ambigue vero pacisci dicuntur contrahentes, quoties non satis constat quid fenserint contrahentes, nec apparet quid actum sit: ac propterea confluendum est ad interpretationem verborum. Quamobrem error vitiat omnes contractus, quia quandocumque constat de errore, constat etiam
 25 de consensu contrahentium ex *dd. II.* Ambiguitas autem, & obscuritas non vitiat, quia non constat dissensisse contrahentes, & interpretatione res expeditur *l. in contrahenda 172. ff. de Reg. Jur.* cum similibus. Quod si constet quid actum sit, & appareat quid fenserit ille, qui ambigua verba protulit, non amplius dubia, obscura, incerta res est, cum in conventionibus voluntas potius, quam verba spectentur. *l. in conventionibus ff. de V. S.* Eleganter ad rem nostram Cic. lib. 2. de Invent. Ex ambiguo autem nascitur controversia, cum quid fenserit scriptor, obscurum est. Auct. ad Heren. lib. 2. Nec esse ambigue scriptum, cum intelligatur utra sententia vera sit. Quintil. lib. 7. Instit. cap. 9. Ideoque frustra precipitur, ut in hoc statu vocem ipsam ad nostram partem conerimus vertere, nam si id fieri potest, ambiguitas non est. Pomponius in *l. cum in lege 33. ff. de contr. empt.* primum spectari oportet quid acti sit: si non id appareat, tunc id accipitur, quod venditori nocet, quia ambigua oratio est. Igitur ambigua oratio est, quae venditori nocet, cum non apparet, quid actum sit, cum incidit voluntatis questio, cum queritur de voluntate *l. cum queritur 26. ff. de reb. dub. l. cogit. 16. in princ. ff. ad S. C. Trebell. l. si peculium 10. §. ult. ff. de man. test. l. evicta 16. §. si servus. vers. samesti ff. de evict.* Itaque in Jure nostro opponuntur hae inter se: apparet quid actum sit; & res est in obscuro. *l. cum manu*

80. §. sylvus ff. de contr. empt. l. si quis v. na 4. in princ. ff. de peric. & cum. rei vend. l. Titius 43. ff. de act. empt. Id enim, de quo constat, est exploratum, & non dubium, non ambiguum; hoc est, ambiguum contrarium. Hinc quae in jure certa sunt, non ambigui Juris esse dicuntur *l. curatorem 10. C. qui dar. tut. poss. l. ult. C. de crim. expil. hered. l. ult. C. de fidejuss. res. l. 9. C. de collat.* Quae aliter dicuntur, Juris explorati *l. 7. C. de usufr. l. 7. C. de rei vind. l. 7. C. de cont. ind. l. 1. C. si cert. pet. l. 8. C. quod cum eo l. 6. C. de pass. contr. & passim.*

Cum igitur in nostra lege supponat Paulus de alio Stichio emptorem, de alio fensisse venditorem: certum est pactum, 26 & non ambiguum, ac nulla incidit voluntatis questio; quare nec conjecturis opus est ad indagandam contrahentium voluntatem, nec admittitur interpretatio. *l. continuus §. cum ita. in fin. ff. de verb. oblig. l. pediculus §. argenteo ff. de auro, & arg. leg. l. in lege 77. ff. de contr. empt. l. cum manu 80. §. sylvus ff. eod. l. cum in lege 33. in fin. ff. eod.* In ambiguis enim & obscuris, & in quibus incertum est quid acti sit, desideratur interpretatio. *l. in ambiguis, & l. in contrahenda 172. ff. de Reg. Jur. l. napienda 163. §. 1. l. ea quae 192. §. 1. ff. eod. l. nepos 125. ff. de V. S. l. stipulatio ista 39. §. in stipulationibus ff. de V. O. l. cum in testamento 23. ff. de reb. dub. l. in Praetoriis 9. ff. de Praet. stipul. Cic. lib. 2. de Invent. Cum lex contractus aperte scripta est, iudex ei parere debet, non interpretari.*

Sed, inquiet aliquis, Stichi nomen, quo usi sunt contrahentes, ambiguum est, *l. ubi ff. de reb. dub.* Est utrique ambiguum: non hoc negamus. Atqui nullum fere verbum ambiguum non est, ut ait Cicero: sed cum constat quid fenserint contrahentes, non est amplius ambiguum, nam id solum significat, quod voluerunt contrahentes, non utrumque *l. 3. ff. de reb. dub. l. nepos 125. ff. de V. S. l. in ambiguis 96. ff. de Reg. Jur.* quia voluntas potius, quam

verba spectantur *l. in conventionibus ff. de V. S. Auct. ad Heren. lib. 4. per ambiguum, cum verbum potest in duas pluresve sententias accipi, accipitur in eam partem, quam vult is, qui dixit*. Sed rursus opponet aliquis. In nostra lege ita Paulus: *Si in emptiane fundi dictum sit accedere Stichum servum, nec intelligatur, quis ex pluribus accesserit*. Ambiguum igitur, quia non intelligitur quis ex pluribus accesserit. Non ita est. Aliud est, 27 quod non intelligatur, quid senserint contrahentes: aliud, quod non intelligatur, quis accesserit. In nostra lege intelligitur quid senserint contrahentes, quia de alio emptor, de alio venditor sensit: non tamen intelligitur, quis accesserit venditioni, quia in eodem servo non conveniunt contrahentes: & nisi hoc a Jure statuatur, id neque ex verbis, neque ex mente contrahentium potest intelligi; quia tam verba, quam voluntas utrumque Stichum comprehendunt, cum tamen unus tantummodo debeat accedere. Idemque accidit in omni errore: nam licet constet, non convenisse contrahentes; non tamen intelligitur utra res in contractum deducta sit; cum hic de illa, ille de alia re senserit, atque contraxerit.

Veniamus ad id, quod secundo loco proposuimus explicandum. Cum non sit ambiguum pactum, non est interpretandum contra venditorem, quia nulla opus est interpretatione. Inio servus ille præstandus est, quem venditor intellexerit. Quid ita? quia cum contrahentes erraverint, si quidem servus non esset venditus per accessionem, non valeret emptio: sed cum valeat emptio, quia per accessionem venditus est, ut initio exposuimus, nulla causa est, cur dicamus hunc potius, quam illum fuisse venditum. Emptor probat, se de hoc sensisse: contra venditor probat, se sensisse de alio: uterque videtur in obligationem deductus, non quod uterque sit præstandus, sed quod alteruter ex his duobus sit præstandus. Eo 28 itaque res redit, ut videatur venditus

Stichus, vel in genere unus ex illis duobus, quos habebat venditor; vel alternative, hic, aut ille Stichus: utroque enim modo res eodem recidit. Atqui si venditus esset Stichus in genere, vel alternative, præstandus esset ille, quem venditor intellexit, & elegit. *l. si ita 25. C. eadem l. si in emptione 34. §. pen. ff. de contr. empt.* Nam in contractibus quoties plures res in genere, aut alternative deducuntur in obligationem, debitoris est electio *l. qui ex pluribus 106. ff. de verb. obl. l. plerumque 10. in fin. ff. de jur. dot. l. 2. §. Scavola ff. de eo quod cert. loc. §. si quis agens 33. vers. huic autem. Inst. tit. de act.* Et hanc sententiam mirifice probat text. in *l. comprehensum 60. ff. de contr. empt.* ibi: *comprehensum erat in lege venditionis doli sexaginta emptori accessura, cum essent centum: in venditoris fore potestate responsum est, quæ vellet dare: (ac ne possint hic Interpretes captare verbum emptoris, ut in nostra lege; observandum hic nominari venditionem) sic in nostra lege dictum erat accessurum Stichum, cum duo essent Stichi servi, utique in potestate venditoris est, quem velit dare; nempe quem probat, se voluisse accedere.* 30 Similis est text. in *l. si servus, penult. §. ult. ff. de act. empt.* in qua est observandum, quod continetur ejusdem Labeonis sententia a Paulo confirmata, quemadmodum in nostra lege *si in emptione 34. ff. de contr. empt.*

Postremo ad explicationem ejus legis animadvertendum est, quod ait Paulus, *cum servum præstandum, quem venditor intellexerit: non vero quem venditor elegerit*, quia, cum non possit constare, de alio sensisse venditorem, nisi id ipse probet: utique cum ipsum dare vult; frustra enim 31 contenderet cum emptore, si vellet ei dare servum illum, quem emptor desiderat, ac voluit accedere venditioni. Itaque hunc ipsum venditor elegit, quem intellexit, & quem accedere voluit; nam si hunc non eligeret, emptori daret cum quem petiit, nec contenderet, se de alio

scilicet

INTERPRETATIONUM
sensisse. Nec æquum est, ut cum voluerit unum vendere, atque eo animo contraxerit, metret modo voluntatem, & alium eligat; neque enim in contrahendo referavit sibi electionem, aut eo animo contraxit, ut postea eligere posset; ut eveniret in eo, qui contrahit de re in genere, vel disjunctim: sed contraxit ea mente, ut se obligaret ad dandum Stichum, quem tunc intellexit, adeoque non potest mutare electionem.

C A P U T III.

AD L. GRÆCE 8. §. ILLUD

commune ff. de fidejuss.

S U M M A R I U M.

- I. Explicatur l. Græce 8. §. illud commune ff. de fidejuss.
- II. Quid significet verbum omnino, & omnino non, tam apud Veteres Scriptores, quam apud Veteres Jurisconsultos.
- III. Qui de universis loquitur, nihil recipit.
- IV. Fidejussor in duriorum causam adhibetur quatuor modis.
- V. Verba, non in solidum, committere non possunt fidejussoribus, qui loco, tempore, aut causa plus promittunt.
- VI. Hi nulla modo, nullaque ex parte obligantur.
- VII. Generaliter & sine ulla exceptione semper traditum est, fidejussorem in duriorum causam accipi non posse.
- VIII. Fidejussor non solum obligari, sed etiam accipi, & adhiberi in duriorum causam prohibetur.
- IX. Aliud est accipere fidejussorem: aliud eum obligari.
- X. Votum in forma iurati actum. Forma non potest suppleri, neque alius redigi potest ad formam iuris.
- XI. Utile per inutile non vitatur.
- XII. Hac regula non habet locum, cum vitium est in forma actus.
- XIII. Fidejussor plus promittens in aliam obligationem accipi videtur.

Nescio, quo fato factum fuerit, ut, cum & a Veteribus Jurisconsultis traditum sit, & ab Antiquis Interpretibus constanter approbatum, fidejussorem

JURIS, LIB. II. CAP. III. 151
promittentem majorem quantitatem, quam debeat reus principalis, non obligari: postea repente ab Interpretibus nostris in contrariam sententiam itum fuerit, ad quam tuendam perversa interpretatione coguntur derorquere Ulpiani verba in l. græce 8. §. illud commune ff. de fidejuss. Ait Ulpianus: *Illud commune est in universis, qui pro aliis obligantur, quod si fuerint in duriorum causam adhibiti, placuit eos omnino non obligari.* Verbum illud omnino interpretantur, in solidum: quasi dixerit Ulpianus, eos quidem in solidum non obligari, sed pro parte, videlicet pro ea parte, pro qua tenetur reus principalis. Sed hæc interpretatio & est contra rectam rationem Latini sermonis, & est plane absurda, & falsam sententiam continet.

Est contra rectam rationem Latini sermonis, quia verbum omnino nunquam significat in solidum, sed prorsus, funditus, plene, utique. Cic. Tuscul. 1. omnino, aut magna ex parte liberantur. Opponuntur hæc omnino, & magna ex parte. Id. pro Cornel. Balb. Quæ labore hujus aut omnino, aut certe facilius consequuntur. Idque præsertim postposita adjunctione negante, omnino non, omnino nunquam, & similibus. Cic. lib. 2. Orat. Poetas omnino, quasi aliena quadam lingua loquutos, non conor attingere. & lib. 3. ad Attic. epist. 23. Scis enim Clodium sanxisse, ut vix, aut omnino non posses, nec per Senatam, nec per Populum infirmari sua lex. Opponuntur vix, & omnino non. Id. lib. 2. de Orat. Theopompus, & Ephorus Isocrate Magistro impulsu ad industriam se contulerunt: causas omnino nunquam attigerunt. & de Amicit. omnino nusquam reperiri: & alibi: omnino nequaquam par. & alio loco: ut non multum, aut nihil omnino Græcis cedamus. & lib. 1. ad Lentulum. epist. 7. eaque, quæ de ea scripta est auctoritas, cui scis intercessum esse, ut ne quis omnino Regem reduceret. Horat. Sermon. lib. 2. Sat. 8. ——— Ut nihil omnino gustaremus.

Terent. in Andria.

Nem.

Nempe huic prorsus illam non dat. Id. in Enoch. Illum liquet mihi dejerare his mensibus, sex, vel septem prorsum non vidisse proximis.

Nec aliorum in Jure nostro usurpantur hæc verba. In l. 1. §. ult. ff. de oblig. & action. Non de eo nos loqui, qui tardius exaudis, sed qui omnino non exaudis. In l. continuus 137. §. cum quis ff. de V. O. Cum quis sub hac conditione stipulatus sit, si rem sacram Titius venderis, ubi conditio Jure impleri omnino non potest. In l. 1. §. sed utrum ff. de eo, qui pro tutor. & si quidem omnino non attingit tutelam, non tenebitur. In h. item surdus Insti. tit. quid. non est permitt. fac. testam. Usque autem de eo surdo loquimur, qui omnino non exaudis, non de eo, qui tardius exaudis. In §. mutum Insti. tit. de iust. stipul. unde apparet non de eo nos loqui, qui tardius exaudis, sed de eo, qui omnino non audit. Est etiam absurda hæc interpretatio, absurdam enim sententiam affingit Ulpiano. Quod ut demonstremus, duo præmittenda. Primum, quod hic agit Ulpianus de omnibus fidejussoribus, qui in duriores causam adhibentur. Illud commune est in universis. Cic. 4. Acad. quest. Hæc loquor de universis. nihil excipis, de quo non proficiatur. quid enim esse potest extra universa? Non tamen hoc ita accipiendum est, ut comprehendat etiam mandatores, & reos constitutæ pecuniæ, tum quia in hac longissima lege non agitur nisi de fidejussoribus, & regula proposita explicatur solummodo exemplis fidejussorum: tum quia verba illa, qui pro aliis obligantur, proprie conveniunt fidejussoribus, qui semper pro aliis obligantur, & ideo fidejussores per antonomasiam dicuntur illi, qui pro aliis obligantur: nam mandatores, & rei constitutæ pecuniæ plerumque pro se ipsis, non pro aliis obligantur: tum denique quia falsa esset sententia, si comprehenderet hos omnes. Etenim reus constitutæ pecuniæ in duriores causam recte accipitur l. 1. §. an potest. l. 4. l. cum qui 5. l. id, quod 19. ff.

de const. pecun. Loquitur igitur Ulpianus de solis fidejussoribus: sed tamen de universis fidejussoribus, qui in duriores causam adhibentur.

Secundo præmittendum est, quod quatuor modis in duriores causam fidejussor adhibetur, vel ratione loci, vel ratione temporis, vel ratione causæ, vel ratione quantitatis. Ratione loci, si aut certo loco, aut alio loco minus commodo promittat l. si fidejussor. 16. §. 1. & 2. ff. de fidejuss. ratione temporis, si id agatur, ut fidejussor vel obligetur, vel conveniri possit ante reum principalem: cuius rei exempla proponuntur in hoc nostro §. illud commune, versic. item. in l. si fidejussor. 16. §. pen. in l. si a reo 70. in princ. & §. 1. ff. de fidejuss. ratione causæ in obligationibus disjunctim contractis, quoties, aut fidejussor non habet electionem, quam reus principalis, aut caret spe liberationis, quam habet principalis, ut in nostra lege græc. 8. §. si quis Strichum, & §. seq. in l. hi, qui 34. ff. de fidejuss. ratione quantitatis, si plus promittat. §. fidejussores Insti. tit. de fidejuss. & nostro §. illud commune.

His præmissis constat, quam absurdam locutionem affingant Ulpiano, qui verba illa omnino non, interpretantur, non in solidum. Cum enim hæc verba referantur necessario ad quantitatem, non possunt ullo modo convenire illis fidejussoribus, qui vel ratione loci, vel temporis, vel causæ in duriores causam adhibentur; & tamen de his maxime agit Ulpianus in laudata lege. Quis enim dixerit, eum, qui loco minus commodo promittit, aut citiorem die, aut pure pro reo sub conditione obligato, & his similes fidejussores in solidum non obligari? Ne Barbari quidem ita loquuntur. Quid enim attrahent ad locum, ad tempus, ad causam, verba, in solidum? Ridenda insulsa est, hoc modo leges interpretari.

Nec solum insulsam locutionem, sed etiam falsam sententiam affingunt Ulpiano, perversa hæc interpretatione. Falsum est

est enim, quod illi, qui adhibentur induriorem causam tribus illis modis, quos primos recensuimus, in solidum non obligantur. Certum est enim, eos nullo modo, nulla ex parte obligari, ut constat
 6 ex legibus supra laudatis. Qui autem dicit, aliquem in solidum non obligari, supponit, eum aliquo modo, aliqua ex parte obligari. Itaque illa locutio & convenit solis fidejussoribus plus quantitate promittentibus, & in his solummodo vera est: in ceteris, & absurda est, & falsam continet sententiam; & tamen de his potius agitur, quam de illis, ut demonstrant exempla, quæ ibi subjiciuntur.

Et sane semper in Jure nostro traditum est, fidejussores in duriorem causam accipi non posse, eos non obligari, plus esse non posse in accessione, quam in re principali *l. grace 8. §. illud commune l. bi, qui 34. ff. de fidejuss. §. fidejussores Inst. tit. de fidejuss.* Nec usquam excipiuntur fidejussores, qui majorem quantitatem promiserunt. Cum enim omnes alii nullo modo obligentur, utique necessario debebant nos admonere Veteres Jurisconsulti, hos illis esse dissimiles, & in summa a reo principali debita obligari.

Ac si prohibitum solummodo esset a lege, fidejussores non obligari in duriorem conditionem; admitti fortasse posset communis sententia, juxta quam fidejussor in majorem summam non obligatur. Licet enim majorem summam promiserit, ac propterea fuerit acceptus in duriorem causam; tamen detrahitur a promissione summa excedens, & in ea inutilis est promissio: valet autem in summa a reo debita, & in ea fidejussor obligatur. Quapropter in majorem summam non obligatur, ut ipsi ajunt. Equidem si a lege solummodo prohiberetur obligatio in majorem summam, & in duriorem causam; hæc fortasse viderentur habere rationem.

8 Sed animadvertere oportet, quod non prohibetur fidejussor obligari solum, sed etiam accipi, & adhiberi in duriorem causam. Ulpianus in nostro *§. illud commune: si*

fuerint in duriorem causam adhibiti. & rursum: *in leviozem place causam accipi possunt: propter quod in minorem summam recte fidejussor accipietur.* Paulus in *l. bi, qui, 34. ff. de fidejuss. bi, qui accessionis loco promittunt, in duriorem causam accipi non possunt.* Papinianus in *l. si testamento. in fine eod. ne in duriorem causam, contra Juris formam acceptus intelligatur.* Julianus in *l. fidejussor 16. §. pen. ff. de fidejuss. stipulatione in diem concepta, si fidejussor sub conditione accipiat.* Hoc ipsum igitur est contra legem, accipere, & adhibere fidejussorem in duriorem causam: adeoque ut sit inutilis fidejussio, & præ infecta habeatur, sufficit, fidejussorem acceptum fuisse in duriorem causam *l. non dubium C. de legib.* frustra igitur conantur redigere ad formam Juris obligationem, eam amputando, & circumcidendo, cum ipsa acceptio fuerit contra formam Juris. Aliud enim est accipere fidejussorem in duriorem causam, aliud eum obligari *d. §. illud commune.* ibi: *si fuerint in duriorem causam adhibiti, placuit, eos non obligari;* & infra, *si reus sub conditione fuerit acceptus, fidejussor pure, non obligabitur.* Et passim in tota illa lege distinguuntur inter se, accipi fidejussorem, & obligari. & in *l. fidejussor 16. §. qui certo loco, & §. fidejussor ff. de fidejuss.* Præcedit enim acceptio, subsequitur obligatio, & licet acceptus, & adhibitus fuerit fidejussor; tamen sæpenumero non obligatur, ut in laudatis legibus. Licet igitur dicamus, fidejussorem promittentem majorem summam obligari solum in summa debita; tamen non ideo minus verum erit, eum acceptum fuisse in duriorem causam, hoc est, contra Juris formam, adeoque actum accipiendi fidejussorem inutilem fuisse, & nullam ex eo oriri potuisse obligationem. Accipitur enim in duriorem causam fidejussor, cum id agitur inter contrahentes, ut ipse plus debeat, quam principalis. Non potest autem negari, actum fuisse inter contrahentes, ut plus debeat fidejussor, quam prin-

cipalis, quoties majorem summam promittit.

Præterquam quod etiam si contra formam Juris peccaretur solum, quando fidejussor esset in majorem summam obligatus: non vero quando majorem summam promittit, quod falsum esse demonstravimus: tamen obligatio contra formam Juris contracta, non posset ad formam Juris redigi, amputando summam 10 excedentem. Nam illud omnibus commune est Philosophis, Theologis, Jurisconsultis; vitium in forma vitare omnem actum, nec formam suppleri posse: & ad rem nostram accommodatum exemplum suppeditat nobis Papinianus in *l. filius 15. ff. de condit. insti.* Filius in potestate non potest a Patre institui sub conditione, nisi ea sit in ipsius potestate. Hæc est forma Jure præscripta. *l. suis 4. in princ. ff. de hered. insti. l. Lucius 83. ff. de condit. & demonstr. l. si pater C. de Inst. & subst.* Quidam filium instituit sub conditione impossibili, & a legibus improbat. Non est hæc in potestate filii *d. l. filius 15.* videbatur nihilominus dicendum, valere institutionem: quia cum ab ultimis voluntatibus detrahatur conditio, & pro non adjecta habeatur, puer videtur filius institutus *l. obtrivis ff. de cond. & dem. l. 1. ff. de cond. insti. §. impossibilis Inst. tit. de hered. insti. l. conditiones 14. ff. de cond. insti. l. non dubitamus ff. de cond. & demonstr. l. un. C. de his, qui pœna nom. & tamen ait Papinianus non valere institutionem: licet enim hujus generis conditio semper ab institutione detrahatur, & pro non scripta habeatur: non detrahitur tamen ab institutione filii repugnante Juris forma. Quanto minus detrahetur quantitas excedens contra formam Juris. Ac si liceret ex fidejussione detrahare id, quod efficit durior conditionem fidejussoris, omnes prope fidejussiones ad formam Juris redigi possent, adeoque valerent. Detrahe locum ex fidejussione, de qua in *l. fidejussor 16. §. qui certo ff. de fidejuss.* & non*

obligabitur in duriorē causam. Detrahe decem ex fidejussione, de qua in *l. græc. §. si quis Stichum ff. eod. & non erit durior conditio fidejussoris.*

Neque in hac causa locum habet regula, quod utile per inutile non vitiat, & quod vitium in excessu quantitatatis non vitiat totum actum *c. utile de Reg. Jur. in 6. l. 5. §. generaliter l. sed si vir. §. si vir uxori ff. de don. int. vir. & uxor. l. placuit 29. de usur. l. 1. §. Trebatius ff. de aqua quorid.*

Hæc enim regula obtinet, cum lex statuit certam quantitatem, quam excedere non liceat: tunc enim vitiatur solus excessus, quia vitium est solummodo in excessu. Contra vero quando lex statuit aliquid de natura actus, eique formam præscribit, tunc quia vitium est in ipsa natura, formaque actus, necesse est, ut totus actus corruat. Hujus accessionis natura, & forma a Jure præscripta est, ut in ea plus esse non possit: quam in principali obligatione *§. fidejussor Inst. tit. de fidejuss.* ut non possit fidejussor accipi in deteriorem conditionem, *l. si testamento 49. in fin. ff. de fidejuss.* adeoque vitium inest naturæ, formaque fidejussionis, totamque subvertit: actus enim est individuus *l. 1. §. 1. l. continuus ff. de V. O.* itaque non potest esse pro parte secundum Juris formam, & pro alia parte contra formam Juris. Exemplum in *l. in hoc judicio 27. ff. famil. herisc. in l. Pedius §. 1. ff. de recept. arbit. in c. cum de non sacerdotali. de præb. in 6. in c. ad audiendam, ubi DD. de reb. Eccles. alien.*

His omnibus accedit, quod cum fidejussor majorem summam promittit, in aliam obligationem accipi videtur. Toties enim in aliam obligationem accipi dicitur fidejussor, quoties in contrahenda fidejussione agitur, ut fidejussor aliquid debeat, quod non debet reus principalis, ut infra probabimus. Itaque alio etiam de nomine inutilis est fidejussio *lege si ita 42. & l. græc. §. si quis Stichum ff. de fidejuss.* Argu-

Argumenta, quibus contraria sententia probatur, non magnam vim habent ad persuadendum.

CAPUT IV.

AD L. GRÆCE 8. § SI QUIS

Stichum, & in l. si ita 42. ff. de Fidejuss.

SUMMARIUM.

- I. Fidejussor pro eo, qui non est obligatus, obligari non potest.
- II. Item accipi debet in eandem obligationem.
- III. Quando in aliam obligationem acceptus intelligatur.
- IV. Pro eo, qui Stichum debet, non potest promittere Stichum, aut decem.
- V. Nec pro eo, qui decem debet, promittere potest decem, aut Stichum.
- VI. Pro eo, qui Stichum & Pamphilum debet, promittere potest Stichum, aut Pamphilum.
- VII. Pro eo, qui debet Stichum, aut Pamphilum, utrum ipse voluerit, non potest promittere Stichum, aut Pamphilum, utrum ipse voluerit.
- VIII. Pro eo, qui debet Stichum, aut Pamphilum, utrum creditor voluerit, potest promittere Stichum, aut Pamphilum, utrum ipse voluerit.
- IX. Explicatur, & conciliatur l. si Stichum 38. ff. de fidejuss.
- X. Explicatur, & conciliatur l. qui accessionis 34. ff. eod.
- XI. Quando propter facultatem eligendi vitietur, aut non vitietur fidejussio.
- XII. Aliud est merx, aliud estimatio: & merx pecunia estimatur, non pecunia merce.
- XIII. Pro merce estimata fidejussor recte promittit estimationem.
- XIV. Pro fundo debito potest promittere usufructum.
- XV. Usufructus separatus a proprietate est jus fundi: conjunctus est portio fundi: & quomodo id accipiendum?
- XVI. Fidejussor potest promittere saluum rei principalis.
- XVII. Fidejussorem alium non recte promittitur nisi sub pona.
- XVIII. Differentia inter fidejussorem, & reum conjunctum pecunia.

Cum fidejussio sit accessio principalis obligationis §. fidejussores Instit. tit. de fidejussor. non potest obligari fidejussor Tom.I.

pro eo, qui non est obligatus l. fidejussor 16. ff. de fidejuss. & si nulla subest principalis obligatio, inutilis est etiam fidejussio l. si mihi. l. qui contra. l. si sub impossibili. l. si quis pro eo. in princ. & in §. si nummar. l. si a reo. in fin. l. si debitori ff. de fidejuss. Cum autem fidejussor omni-
a no debeat accedere principali obligationi, & promittere pro eo, qui est obligatus; debet etiam accipi in eandem obligationem, & promittere id ipsum, quod debet reus principalis. Si in aliam obligationem accipiat, non valet fidejussio, ut respondet Ulpianus ex sententia Marcelli in l. græce 8. §. si quis Stichum. vers. Marcellus ff. de fidejuss. & si promittat id, quod reus principalis non debet, non obligatur l. si ita 42. ff. eod.

In aliam obligationem accipi dicitur 3 fidejussor, quoties id agit in contrahenda fidejussione, ut ipse aliquid debeat, quod reus principalis non debet. Exemplum proponitur in laudata l. si ita ff. de fidejuss. Reus debebat decem, fidejussor promittit mille modios tritici: non obligatur. Facit ad rem text. in l. si a reo 70. §. si reo ff. de fidejuss. ibi, an non obligetur, quasi in aliud.

Alterum exemplum proponitur in nostra lege græce 8. §. si quis Stichum ff. de fidejuss. Reus Stichum debet, fidejussor promittit Stichum, aut decem: non obligatur, tum quia durior est ejus conditio, tum quia alia est ejus obligatio.

Tertium proponitur in eodem §. versic. denique. Reus debebat decem: fidejussor 5 promittit decem, aut Stichum: non obligatur, licet levior sit ejus conditio: levior est conditio fidejussoris, quia habet electionem, utrum velit solvere decem, an Stichum l. plerumque 10. ff. de jure dotium §. si quis. versic. hinc autem Instit. tit. de action. In superiore exemplo durior erat conditio fidejussoris, quia reus per mortem Stichi poterat ab obligatione liberari, fidejussor non poterat l. bi, qui accessionis 34. ff. de fidejuss. est igitur in postremo exemplo levior conditio fi-
B b de.

fidejussoris; sed tamen non tenetur, quia in aliam obligationem acceptus est. Etenim in obligatione fidejussoris est Stichus, qui non est in obligatione rei principalis.

Hic autem duo oportet animadvertere ad hujus legis explicationem. Primum, quod alia est obligatio, etiam si in obligatione sit etiam id, quod reus debet. In utraque enim obligatione sunt decem: sed quia in obligatione fidejussoris est etiam Stichus, idcirco in aliam obligationem acceptus intelligitur: vel saltem est in ejus promissione, quod verius est. Sufficit igitur, eum promississe aliquid, quod reus non debet.

Præterea, quod non ideo alia dicitur fidejussoris obligatio, quod disjunctim concepta sit, quasi hac de causa ab alia differat, & impediat, quominus fidejussor obligetur. Nam si reus debeat Stichum, & Pamphilum, fidejussor autem promittat Stichum, aut Pamphilum: licet hæc disjunctim, illa conjunctim concepta sit; tamen fidejussor tenetur, laudata *l. græce §. penult. ff. de fidejuss.* quia nihil promittit, quod non debeat reus, nec quicquam debere potest, quod ab illo non debeat. Contra etsi utraque promissio disjunctim concipiatur, fieri potest, ut fidejussor non obligetur, tamquam in aliam obligationem acceptus. Reus debet Stichum, aut Pamphilum utrum ipse voluerit. Fidejussor promittit Stichum, aut Pamphilum, utrum ipse voluerit. Videntur omnino similes hæc duæ obligationes. Fidejussor tamen non tenetur, quia in potestate ejus est alium velle, quam reus voluisset *l. si Stichum 38. ff. de fidejuss.*

Contrarium tamen videtur respondisse Ulpianus in nostra *l. græce §. contra*. Reus promissit Stichum, aut Pamphilum, quem creditor voluerit: Fidejussor promittit Stichum, aut Pamphilum, quem ipse voluerit. Obligatur fidejussor: & tamen videtur in aliam obligationem acceptus, sicut in superiori exemplo.

Sed similia non sunt hæc duo exempla. In superiori exemplo petito ex *l. si*

Stichum 38. ff. de fidejuss. est in potestate ipsius fidejussoris alium velle, & ideo præsumitur, ipsum velle alium, ne teneatur, argumento text. in *l. si ita stipulatus 12. ff. de V. O. l. sub hac ff. de oblig. & act.* Quoties enim ad impediendam, vel minuendam obligationem, sufficit voluntas debitoris, ea non expectatur, & etiam sine ulla declaratione præsumitur a Lege statim voluisse. Contra vero in altero exemplo, cum id pendeat a voluntate creditoris, cujus est electio, non præsumitur alium velle, quam fidejussor ipse velit, ne corruat ejus obligatio. Eadem enim ratione, qua præsumitur, debitorem nolle teneri, præsumitur, creditorem velle eum obligari. Si enim noluisse, eum obligari, non accepisset fidejussorem. Igitur creditor aut reum prius conveniet, & eo solvente, fidejussor liberabitur. Aut conveniet prius fidejussorem, & petet ab eo Stichum, aut Pamphilum: nec enim aliter agere potest *§. si quis agens Inst. tit. de act.* Satiùs est autem prius convenire fidejussorem: ne si convenerit reum, atque ita elegerit, eo non solvente, fidejussor liberetur alium eligendo; sed cum hæc omnia posita sint in potestate creditoris, cujus interest habere fidejussorem obligatum, non obstant ejus obligationi, nec potest præsumi, alium velle, quam velit ipse fidejussor.

Contrarium quoque videtur respondisse Paulus in *l. hi, qui accessionis 34. ff. de fidejussor.* Reus debebat Stichum, aut Pamphilum; fidejussor promittit Stichum: levior est ejus obligatio, quia mortuo Stichō liberatur. Adeoque recte contracta est fidejussio. Est hic in potestate debitoris alium velle, quam debeat fidejussor; nec ejus interest obligari fidejussorem, vel saltem magis ei expedit, habere liberam electionem, quam fidejussorem esse obligatum.

Animadvertendum est, in hac lege nihil a Paulo definiri quoad obligationem fidejussoris, sed solum ab eo in contrariam adduci, ac definiri, leviori esse

se fidejussoris conditionem. Puto igitur, valere quidem fidejussionem, sed hactenus pendere, quamdiu debitor elegerit, quemadmodum cum futuræ, aut conditionali obligationi accedit. Sed hæc quæstio pendet ab altera quæstione, an in promissione disjunctiva, utraque res sit effecta obligatione, an vero debeatur quid incertum, quod solutione certum fiat. Si primum, non erit in pendenti obligatio fidejussoris, quia debet Stichum, quem debet etiam reus principalis. Si secundum, erit in pendenti obligatio quamdiu constat, an Stichus, vel Pamphilus debeatur. Hoc autem videtur multo rectius: nam si primum admitramus, & illud probandum erit in *l. si Stichum* 38. ff. de fidejuss. obligari fidejussorem, quod falsum est.

His positis hæc regula statuenda videtur. Quoties electio est fidejussoris, inutilis est fidejussio. Si Stichum 38. ff. de fidejussor. quia præsumitur, alium velle. Quoties autem electio est creditoris, initio valet fidejussio: quia præsumitur, in eodem concurrere. *l. grace. §. contra ff. de fidejuss.* Denique quando electio est debitoris, quia incertum est, quem sit electurus, in pendenti est obligatio fidejussoris. Atque ita exponendum puto textum in laudata lege. Hi, qui accessionis 34. in fine ff. de fidejuss.

Sed iterum obstat text. in nostra lege si ita 42. in fine ff. de fidejuss. ubi Javolenus ait, quod si reus debeat decem, fidejussor non potest promittere mille modios tritici. Subdit hanc rationem; quia non potest pecunia æstimari merce, sicut merx æstimatur pecunia. Quibus verbis indicat, quod si reus deberet mille modios tritici, fidejussor posset promittere decem; tunc enim merx pecunia æstimaretur. Atqui aliud est merx, aliud ejus pretium, & æstimatio *l. 1. ff. de rer. permut. l. 1. §. 1. in fin. ff. de contr. empt. §. si res aliena Inst. tit. de legat.*

Respond. quod Jurisconsultus non statuit, fidejussorem promittere posse æsti-

mationem rei debite a principali debitor: sed quod non potest promittere mercem pro pecunia debita, quia pecunia merce non æstimatur, sicut merx æstimatur pecunia. Ex hoc illud recte deducitur, quod numquam fidejussor potest pro pecunia mercem promittere; poterit tamen pecuniam pro merce promittere: cum merx pecunia fuerit æstimata. Et hoc verissimum est. Si reus principalis debeat mercem pecunia æstimatam, potest fidejussor pecuniam illam, hoc est, æstimationem promittere. Ratio est in promptu, quia & ipse reus principalis debet eandem æstimationem *l. quoties ff. de jure dotium*. quare non accipitur in aliam obligationem. Posset etiam tentari, quod cum ibi agatur de mutuo, in quo juxta communem sententiam creditor post moram eligere potest utrum velit, rem, an æstimationem per text. in celebri *l. vinum 22. ff. de reb. cred.* fidejussor obligari possit in æstimationem, quam commissæ moræ utique electurus est creditor, ut fidejussorem habeat obligatum secundum eam, quæ supra diximus. Quod non valde probō, cum Interpretum nostrorum commentum putem illam electionem.

Opponi etiam potest, quod si reus fundum debeat, potest fidejussor usufructum promittere *l. si a reo 70. §. si reo ff. de fidejuss.* sed aliud est fundus, aliud ejus usufructus *l. recte 25. ff. de V. S. l. O per jusjurandum 13. §. illud ff. de acceptil.*

Respondetur, quod fidejussor, qui promittit usufructum pro eo, qui debet fundum, similis est ei, qui promittit partem pro eo, qui totum debet, *l. quis 19. usufructum 53. ff. de V. O.* Licet enim usufructus a proprietate separatus, non sit pars fundi, sed fundi jus, ac servitus *l. Marcius §. fundo legato ff. de legat. 2. l. recte ff. de V. S.* tamen conjunctus cum proprietate portionis instat est *d. l. qui usufructum ff. de V. O. l. si ab emptore ff. de evictio.* Et hunc usufructum promittit fidejussor. Ac si a reo principali solutus fuerit fundus deducto usufructu: si-

cut creditor potest a reo principali ulum-
fructum petere l. cum qui ita 56. §. si a
re ff. de V. O. ita poterit eundem ulum-
fructum petere a fidejussore. Et quamvis
eo casu jus fundi sit, tamen incivile est
fidejussorem non teneri l. si a reo 70. §. si
reo ff. de fidejuss. emolumentum enim rei
continet l. Merivins 66. §. fundo legato ff.
de leg. 2. & sicut peti potest a debitore
principali, ita & a fidejussore. Neque
enim petitur tamquam jus, sed tamquam
pars avulsā a proprietate, quia quoad cum,
cui fundus debetur, partis instar obtinet,
l. cum filius 76. §. dominus ff. de leg. 2. li-
cet quoad fructuarium sit jus distinctum,
& diversum ab ipso fundo.

Potest etiam alicui scrupulum injice-
re, quod fidejussor promittere potest fa-
16ctum rei principalis l. cum filius 49. ff.
de fidejuss. Hoc autem cum sit factum
alienum promitti non potest, nisi sub pœ-
na l. stipulatio ista 38. §. ut si quis ff. de
17V. O. l. si quis 65. ff. de fidejuss. Potest igitur
promittere quod non debet reus principalis.

Respondetur, quod ipse reus principa-
lis si non fecerit, tenetur vel ad pœnam,
vel in id, quod interest l. si quis 13. in
prin. & in fin. ff. de re judic.

Qui putant, fidejussorem similem esse
reo constitutæ pecuniæ, possent ab hoc ad
fidejussorem ducere argumentum, & con-
cludere, quod sicut aliud pro alio con-
stitutum potest l. 1. §. an potest ff. de consti-
pec. ita & aliud pro alio possit a fide-
jussore promitti.

Sed non sunt similes fidejussores, & rei
constitutæ pecuniæ. Reus constitutæ pe-
18cuniæ potest plus promittere l. hactenus
§. 1. ff. de const. pecun. potest promitti ei,
qui non est creditor l. cum, qui §. quod
exigimus ff. cod. potest constitui frumen-
tum pro pecunia l. 1. §. an potest ff. cod.
potest constitui citiori die l. 4. ff. cod.
& potest pure, vel certo die constitui
id, quod sub conditione debetur, & ea-
dem conditione suspenditur l. id, quod sub
conditione 19. ff. cod. & potest constitui
alio loco l. cum, qui §. cod. Quæ omnia

in fidejussione sunt improbata l. græce 8.
§. illud commune, cum seqq. l. fidejussor.
16. in prin. §. 1. & seq. l. bi, qui 34. l.
si a reo 70. ff. de fidejuss. §. fidejussores Inst.
iii. cod. Constituta enim sola æquitate ni-
tuntur l. 1. ff. de consti. pec. In fidejussione
autem strictam Juris rationem sequimur
l. quicquid adstringenda ff. de V. O.

CAPUT V.

AD L. ULT. §. SI MULIER

Pen. ff. ad S. C. Vellejan.

SUMMARIUM.

- I. Mulier an possit renuntiare S. C. Vellejano.
- II. Causa cur mulieribus interdicitur intercessio.
- III. Civilia officia interdicta sunt feminis: & quæ ea sunt.
- IV. Ad civilia officia non admittitur mulier etiam si renuntiet.
- V. Feminæ cur ardeantur a tutela.
- VI. Beneficia ac privilegia, quæ dantur ob meritum, non dantur inuitis: contra, quæ dantur ob imbecillitatem, dantur etiam inuitis.
- VII. In fraudem Senatusconsulti, recogitata rata non sunt.
- VIII. Renuntiatio est in fraudem Legis.
- IX. Renuntiatio Legis Falcidie est in fraudem Legis.
- X. Renuntians post biennium tenetur.
- XI. Cur mulier obligetur, si post biennium conferret obligationem.
- XII. Mulier post biennium potest consentire alienationi rerum propter nuptias donatarum.
- XIII. Si mulier debuerit liberet, alio creditorum restituitur.
- XIV. Quis dicatur vetus debitor?
- XV. Mulier rata est, etiam si non opposita exceptio-
nis fuerit condemnata.
- XVI. Vellejanum non succurrit mulieri exercenti
liberalitatem suam.
- XVII. Non decipitur mulier in casu proposito in
l. ult. ff. ad Senatusconsultum Vellej.
- XVIII. Mulier etiam renuncians decipitur.
- XIX. Cur mulier intercedendo decipitur.
- XX. Pupillarum causa favorabilior quam malicrum.

Pomponius ait: Si mulier pro eo, pro
quo intercessit iudicium parata sit
accipere, ut non in veterem debitorem actio
de

detur: Quoniam Senatusconsulti exceptionem opponere potest, cavere debet exceptione se non usuram, & sic ad Judicem ire. Ex hac lege id effici putant Interpretes nostri, mulierem posse renunciare Senatusconsulti Vellejani beneficio. Atque id confirmant, tum quia quilibet potest privilegio suo, ac beneficio renunciare l. si Judex ff. de minor. l. pen. C. de pact. l. invito ff. de Reg. Jur. tum, quia mulier certior facta de Senatusconsulto, eique renuncians, non meretur ejus auxilium, cum non decipiatur, imo ipsa decipiat creditorem l. 1. §. 2. & 3. l. si decipiendi 30. ff. ad S. C. Vellejan. tum denique, quia id mulieri promitti videtur tum in Nov. 118. c. 5. tum in l. si mulier perfecta C. ad S. C. Vellejan.

Ego tamen, ut contra sentiam, moveor his argumentis. Primum, quia potissima causa removendi mulieres ab intercessione, fuit, quia pro alio intercedere est officium virile, ac civile. Officia autem virilia, ac civilia dempta sunt foeminis: adeoque multo magis adimendum eis fuit id officium, in quo non sola opera, nudumque ministerium earum versaretur, sed etiam periculum rei familiaris. Hæc est unica ratio, qua nitiatur Senatusconsultum Vellejanum, tum a Paulo exposita in l. 1. §. 1. ad S. C. Vellejan. tum in ipso Senatusconsulto expressa, cujus verba relata sunt in l. 2. §. 1. ff. eod. Quis autem dixerit, mulierem, quæ obeundis virilibus officiis non est idonea, idoneam effici sua ipsius voluntate, ac renunciatione, contra expressam Senatusconsulti prohibitionem? repugnat constitutio l. non dubium C. de legib. C. villa, ac virilia officia sunt: Judicem esse: Magistratum gerere: postulare: procuratorem existere: & pro alio intervenire: & ab omnibus remotæ sunt foeminae l. 2. ff. de Reg. Jur. l. cum Prætor 12. §. fin. ff. de judic. l. ult. C. de recept. l. 1. §. secundo loco ff. de postul. l. neque foemina 54. ff. de procur. Quis dixerit, foeminam renunciantem his legibus, quibus arceatur

ab hujusmodi officiis virilibus, posse aut Judicem, aut procuratorem existere, aut Magistratum gerere, aut postulare? Si non prodest mulieri renuntiatio, ut ad hæc officia admittatur: multo minus prodesse potest, ut admittatur ad intercedendum, cum ab hoc officio multo magis arceatur, quam ab aliis: quia in hoc non sola opera, nudumque ministerium mulieris versatur, sed etiam periculum rei familiaris l. 1. §. 1. ff. ad S. C. Vellej. Præterquam quod alia officia mulieribus interdita sunt moribus d. l. 1. §. 1. Hoc autem & moribus, & Senatusconsulto, ut indicant illa verba Senatusconsulti: *Tametsi ante videtur ita Jus dictum esse.*

Hic autem monendum est, perverſe admodum Interpretes nostros, ex quo periculum rei familiaris versatur in intercessione, statuere mulierem posse intercedere cum renunciatione. Hoc enim efficitur, ut multo magis arceantur sint foeminae ab intercessione, non ut ad eam facilius admittantur. l. 1. §. 1. ff. ad S. C. Vell. Tutela quoque est officium virile, ac propterea arceatur ab ea foeminae l. tutela 16. & l. ult. ff. de tutel. l. 1. C. quando mul. tut. offic. Ipsa quoque est onus, & quidem grave: in ea quoque versatur periculum rei familiaris. Inst. tit. de legat. Pat. tut. l. 3. & passim ff. de tutel. toto tit. ff. de adm. & peric. tut. Et tamen non potest mulier, etiam si maxime velit hujusmodi periculum subire, etiam si huic beneficio renunciet, ad tutelam admitti. Novel. 118. cap. 5. §. hoc autem l. ult. ff. de tutel. Neque enim per renunciationem effici possunt idoneæ ad subeundum munus, quod proprium est masculorum d. l. ult. sublata enim causa periculi, superest alia causa, quæ per renunciationem non tollitur. Maritus quoque non potest renunciare privilegio, ne condemnetur ultra id, quod facere potest. l. alia 14. §. 1. ff. solut. matrim. est enim hoc contra reverentiam maritis debitam, quæ causa per renunciationem tolli non potest.

Confirmatur, quia etiam si mulieres ar-

cerentur ab intercessione ob solum periculum rei familiaris, tamen non possent huic beneficio renunciare. Beneficia non ejusdem modi sunt omnia. Quædam conceduntur ob meritum, virtutemque, & industriam personæ, aut ob commiserationem, ut sunt privilegia Militum, Doctorum, miserabilium personarum, & hujus generis cetera. Quædam tribuuntur ob imbecillitatem, imperitiam, & imprudentiam, ut consulari quibusdam personis, quæ ipsæ per se sibi satis prospicere non possunt, ut sunt pupilli, minores, prodigi, furiosi, mulieres. Illa indulgentur concedendo aliquid, quod non haberet, aut facere non posset is, cui conceduntur. Hæc tribuuntur prohibendo id, quod alias facere possent. Illa non essent beneficia, si tribuerentur invitis: nam ut ait Plautus in *Trinummio*: *nullum beneficium esse duco id, quod, cui facias, non placeat*. & de illis agitur in *l. pen. C. de post. in l. invito ff. de Reg. Jur.* Hæc autem contra non essent beneficia, si non tribuerentur etiam invitis: prohibitio enim non volentes afficit, sed invitos. Finge furiosum sibi violentas manus inferentem: nullum ipsi confers beneficium, nisi gladium vi e manibus eripias. Recte Seneca de *Benefic. l. 2. cap. 14.* *Sunt quedam nocturna impetrantibus, quæ non dare, sed negare beneficium est:* & infra: *Ut frigidam agris negamus, & lugentibus, ac sibi iratis servum, aut amantibus, quicquid contra se usus ardor petit: sic ea, quæ nocturna sunt, impense & submisce, nonnumquam etiam miserabiliter rogantibus, perseverabimus non dare;* & rursus: *Exorari in perniciem rogantibus severa bonitas est. Quemadmodum pulcherrimum opus est, etiam invitos, nolentesque servare; ita rogantibus pestifera largiri, blandum & asfabile adius est.* Servat nolentes, & invitos Jus Civile, pupillos, minores, furiosos, prodigos, mulieres, cum prohibet eos obligari, & ideo non possunt huic beneficio renunciare, nam hoc ipso circumveniuntur *l. doli exceptio. versic. diversum*

est ff. de novat. De pupillo, minore, & prodigo, aut furioso, nemo dubitat; quid causæ est, cur de muliere dubitare debeamus, cujus est par ratio? enimvero incassum mulieribus prospexisset *Senatusconsultum*, si permitteret eis renunciare. Voluit Senatus prospicere mulieribus, quia facile circumveniuntur, ac seducuntur a callidis hominibus, non prævidentes damnum, quod imminet ex intercessione. Profecto, mulier, quæ non prævidet damnum imminens ex intercessione, nec prævidet damnum imminens ex renunciatione. Nullum enim aliud damnum potest pati propter renunciationem, quod non pateretur ex sola intercessione ante hoc *Senatusconsultum*. Ideo mulier facile adducitur ad intercedendum, quia sperat, debitorem soluturum, aut rellitutum quicquid ipsa pro eo solverit, ac propterea nullum se damnum passuram ex intercessione. Quæ ita animata est, quæ hoc certo sperat, promptissima erit & paratissima ad renunciandum. Quid enim potest ei obesse renunciatio?

Quamobrem hæc perpendentes Veteres Jurisconsulti responderunt, ea, quæ in fraudem *Senatusconsulti* excogitata probari possunt, rata haberi non oportere *l. quidam 29. in fin. ff. ad S. C. Vellejan.* Quod autem renunciatio in fraudem *Senatusconsulti* sit excogitata, dubitari non potest, per text. in *l. Sejus, & Agerius 27. ff. ad Leg. Falcid.* Lex *Falcidia* lata fuit tum in gratiam ipsorum testatorum, ne intestati decederent, *princ. iij. Inst. vers. idque ipsorum, de Leg. Falcid.* tum ipsorum hæredum, ut ex hereditate perciperent emolumentum *l. potest hæres 71. ff. ad Leg. Falcid.* Et tamen huic beneficio renunciare non possunt neque testatores, neque hæredes: & etiamli concurrat simul voluntas testatoris, hæredis, & legatarii, tamen inutilis est renunciatio, quantumvis stipulatione vallata *l. quod bonis 15. §. frater ff. ad Leg. Falcid.* tamquam initia contra Jus Publicum, & in fraudem legis *d. l. quod bonis 15. & d. l. Sejus 27. ff. ad*

ad Leg. Falcid. Imo etsi hæres instituitur sub hac conditione renunciationis, & sub eadem conditione ei datus fuerit substitutus; tamen non impleri conditione, potest hæreditatem adire, & excludere substitutum perinde ac si conditio illa adscripta non fuisset d. l. *Sejus*, & *Agrius ff. ad Leg. Falcid.* Nam conditio in fraudem legis adscripta remittitur l. *si quis sub conditione ff. de condit. instir. d. l. Sejus. in fine.* Quanto magis igitur in fraudem Senatusconsulti, & inutilis erit renunciatio mulieris, cui interdictum est intercessione, tum ne virilibus officiis fungatur, tum ne periclitetur de re familiari l. 1. ff. ad S. C. *Vellejan.* quod periculum non declinat renunciando. Quin imo inventa est renunciatio, ut periculum certius incurat, & eludatur dispositio Senatusconsulti mulieri prospicientis.

Ut his fraudibus occurreret Justinianus in l. *si mulier* 22. C. ad S. C. *Vellejan.* statuit, mulierem non teneri, si intra biennium confirmaverit intercessionem suam; quia ex consequentia sue fragilitatis in secundam jacturam incidit, teneri autem, si post biennium confirmaverit intercessionem suam. Renunciatio est confirmatio intercessionis: itaque nisi post biennium renunciet, non tenebitur.

Nec dici potest, nos supponere, mulierem renunciasse postquam fuit certior facta de Senatusconsulti auxilio: contra vero in laudata lege non supponi mulierem certiorrem factam fuisse de Senatusconsulto 11to, & ideo ei dari biennium, ut possit de Senatusconsulto certior fieri, ibi: *si quod sapius cogitare potuit, & evitare, non fecit, sed ultro firmavit.* Primum enim id generaliter constitutum est in omnibus mulieribus: nec distinguitur inter eas, quæ sciebant, se esse munitas auxilio Senatusconsulti, easque, quæ id ignorabant. Neque in ea lege habetur ratio scientiæ, vel ignorantie, sed solius prolixitatis temporis, ibi: *videtur enim ex hujusmodi temporis prolixitate, non pro aliena obligatione se obligare, sed pro sua*

causa aliquid agere. In his verbis oportet animadvertere, quod Justinianus ex prolixitate temporis non deducit conjecturam scientiæ, quæ esset multo verosimilior. Sed confugit ad conjecturam remotissimam & alienam a verisimilitudine, quod mulier videatur in rem suam se obligare; ad quam utique non confugisset, si sola scientia & notitia Senatusconsulti sufficeret ad obligandam mulierem confirmantem intercessionem suam.

Præterea mulier post biennium confirmans intercessionem suam, ideo tenetur, quia sæpius potuit de sua intercessione cogitare, ac propterea non labitur in secundam jacturam ex consequentia sue fragilitatis: sed ultro firmat, quod potuit evitare: ut in laudata lege monet Justinianus. Tam longo tempore potuit sæpius cogitare, hoc est, explorare fidem debitoris, pro quo intercessit: explorare ejus facultates: accurate expendere periculum imminens, aliarum exemplo, & adversis casibus admoneri, quam periculosum sit pro alio intercedere. Hæc omnia ut sedulo mulier possit expendere, & sæpius cogitare de sua intercessione, tribuit ipsi tam longum temporis spatium Justinianus. Ergo si ante lapsum biennii, quomodocumque confirmet intercessionem suam, non obligatur, quia non potuit sæpius cogitare, nec tantum temporis effluxit, quantum præscripsit ad cogitandum Imperator. Multo minus obligabitur, si renunciando confirmet obligationem suam in ipso contractu intercessionis.

Quæ sine ulla dubitatione confirmatur ejusdem Imperatoris auctoritate in 12a *Authent. Ut immob. ante nups. donat. esp. 1. §. 1. & 2.* ubi comparat mulierem intercedentem mulieri consentienti alienationi, vel hypothecæ rerum subjectarum donationi propter nuptias: & huic indulget idem biennii tempus ad confirmandum consensum semel præstitum alienationi, ad exemplum mulieris intercedentis. Rationem concedendi tam longum tempus ad cogitandum, tam mulieri inter-

tercedenti, quam consentienti alienationi, eam assert: quia multa primo auditu facile peccari possunt, & facile mulier seduci potest: cum vero in plurimo tempore cogitaverit pro negotio, fiet forsitan cautior. Animadvertendum est, hic agi de mulieribus, quæ sciebant, sibi competere jus, eique renunciarunt, & tamen non valet renunciatio, nisi eam confirmaverint post biennium. Item improbat in hac Constitutione quælibet via, quodlibet artificium excogitatum & institutum ad privandam mulierem jure suo, adeoque improbat, tum renunciatio, tum omnis promissio mulieris, ut nulla ratione possit amittere jus suum, nisi post elapsum biennium: & hoc exemplo mulieris intercedentis.

- 13 His probe constitutis, non obstat text. in nostra l. ult. §. si mulier ff. ad S. C. Vellejan. Ad hujus legis explicationem operæ pretium est animadvertere, in ea agi de muliere expromittente, quæ alienam obligationem, liberato debitore, in se transulerat: quo casu illi mulieri succurritur, ut in veterem debitorem actio restituitur l. 1. §. 1. ff. ad S. C. Vellejan. l. quamvis §. quoties. cum seq. l. aliquando. in fin. cum leg. seq. l. si pro uno 20. l. debitorum. 24. §. si pro eo l. quidam 29. ff. eod. l. si mulier 16. C. eod. De hoc genere intercessionis agi in nostra lege demonstrant illa verba, ut non in veterem debitorem actio detur. Vetus debitor appellatur is, qui a muliere liberatus est, in quem, subducta ab obligatione muliere, datur actio restitutiva, hoc est, restituitur actio, perinde ac si mulier eum non liberasset. l. quamvis §. plane l. si mulier 14. ff. ad S. C. Vellejan. l. un. C. de reputat. quæ sunt in judic. in integ. restitut. Ergo mulier transulerat in se debitoris cujusdam obligationem. Creditor, cum intelligeret, mulierem tutam esse Senatufconsulto Vellejano, Prætozem adivit, ut sibi restitueret actionem adversus veterem debitorem, quod utique ei negare non poterat l. 1. ff. ad S. C. Vellejan. l. un. C.

de reputat. quæ sunt in jud. restit. in integ. Rem actam fuisse apud Prætozem demonstrant illa verba: debes cavere exceptionem se non usuram, & sic ad Judicem ire. Cum Prætor paratus esset dare restitutivam creditor, mulier intervenit impeditura, ne in veterem debitorem actio daretur, dixitque, se pro eo paratam esse judicium accipere. Maluit ipsa ex sua intercessione conveniri, quam permittere, ut in veterem debitorem actio restitueretur. Ut autem conveniri posset, utiliter cavuit Prætori, se non usuram exceptione. 15 Poterat Prætor exceptionem non dare; sed quia mulier etiam non opposita exceptione tuta est, etiam si fuerit condemnata l. tamen si ff. de Senatusconsultis. Macedon. idcirco a muliere exegit, ut caveret, exceptione se non usuram.

Ex hac facti serie liquido constat, mulierem illam voluisse liberalitatem suam exercere erga debitorem, ne propter solutionem vexaretur. Senatufconsultum autem succurrit quidem oneribus mulierum, 16 non tamen impedit, quominus liberalitatem suam exerceant, & liberent aliquem a vexatione creditoris l. si pro aliquo. §. 2. ff. ad S. C. Vellejan. Non potest dubitari, quin hæc mulier velit pro debitore solvere, velit ei donare. Cur enim prohibet restitui actionem adversus veterem debitorem? Cur ipsa vult conveniri, ne ille conveniatur, & cogatur ad solvendum? Cur renunciat exceptioni, ut efficaciter conveniatur? Non jam est incertum aut remotum periculum, sed certum ac præsens, quod ipsa sponte subire vult, etiam contra voluntatem creditoris, qui ipsi ad evadendum viam patefecerat. Donanti autem, & pro debitore solventi mulieri Senatufconsultum non auxilium l. 4. §. 5. ff. ad S. C. Vellejan. l. 4. C. eod. Saltem est admodum probabilis præsumptio, quam probat Justinianus, ac deducit ex confirmatione intercessionis, facta post biennium in l. si mulier 22. C. ad S. C. Vellejan. Videlicet, quod videatur mulier in rem suam intercessisse. Non

Non constat in nostra lege renunciacionem factam fuisse post lapsum biennii. Sed tamen multo plura concurrunt, qui conjecturam hanc facere possimus. Etenim mulier renunciat, postquam videt advenisse tempus solutionis, & creditorem exigere velle pecuniam sibi debitam. Impedit, ne pecunia exigatur ab eo, pro quo intercessit; imo impedit etiam ne conveniri possit. Ipsa conveniri vult, ne ille conveniatur, & ut efficaciter conveniri possit, renunciat exceptioni. Hæc certe, aut pro eo vult solvere, aut scit, se proprium negotium agere, & in rem suam intercessisse. Accedit auctoritas Prætoris, apud quem cavet exceptione se non usuram, quæ actus alioquin irritos solet confirmare, præsertim cum actus a Lege improbat ob periculum, quod imminet, ne quis, aut propter imbecillitatem animi decipiat, aut objecta aliqua spe seducatur l. 1. *¶* *et totis. ff. de reb. cor. qui sub tut. l. cum hi, quibus 8. ff. de transf. act.* Certe hæc mulier non decipitur: deceptis autem Senatusconsultum opitulatur l. 2. *¶* *verba ff. ad S. C. Vellejan.*

His expositis, ad reliqua facilis est, & prompta responsio. Non decipit mulier, quæ renunciat: sed decipitur. Scit quidem se non teneri: sed ideo renunciat, ut teneatur, adeoque tantum abest, ut velit decipere creditorem, ut potius renunciat, ne ipsum decipiat. Decipitur autem ipsa renunciando, licet certior fiat de Senatusconsulto. Neque enim mulieres decipiuntur ob ignoracionem Senatusconsulti. An non enim factum fuit Senatusconsultum, ne deciperentur? Ergo ante Senatuscons. decipiebantur, & tamen non poterant decipi propter ignoracionem Senatusconsulti, quod nondum factum erat. Decipiuntur igitur, quia sibi faciliè blandiuntur, & spondent de fide debitoris, neque in animum inducere possunt, eum permitturum ipsas vexari, & ad solutionem compelli. Decipiuntur igitur, imo magis circumveniuntur renunciantes, quam non renunciantes. Nec permittitur

Tam.L.

renunciatio, in l. si mulier 22. C. ad S. C. Vellejan.; aut in Nov. 118. cap. 5. Nam in l. si mulier permittitur solum post biennium: qua de re jam late diximus. In Nov. 118. non permittitur, aut approbatur solum renunciatio; sed præcipitur. Præcipitur favore pupillorum, quorum causa favorabilior est, quam mulierum l. si apud minorem ff. de minorib. l. ult. C. si mater indemnis. Mulieres non minus arcentur a tutela, quam ab intercessione: utrumque enim virile munus est, l. ult. ff. de tutel. l. 2. ff. de Reg. Jur. l. 1. ff. ad S. C. Vellejan. Justinianus in favorem pupillorum admisit ad tutelam matrem, & aviam propter charitatem erga liberos. Ne hic favor in perniciem pupillorum redundaret contra text. in l. nulla ratio ff. de legibus, necesse erat ipsis præcipere, ut renunciarent S. C. ut possent pro pupillis obligari.

CAPUT VI.

AD L. IN HIS 5. §. S. IDUOS

ff. de solut.

SUMMARIUM.

- I. Debitor potest ita solvere, ut unum ex fidejussoribus liberet.
- II. Non potest tamen liberare quem voluerit.
- III. Quid requiratur, ut unus tantum liberetur, & 8. & seqq.
- IV. Qui non solvit nomine unius fidejussoris, eum solum non liberat.
- V. Debitor partem solvens liberat omnes fidejussores pro rata.
- VI. Qui solvit nomine unius fidejussoris, ipsum liberat.
- VII. Potest quilibet pro debitor solvere etiam ignorante, & invito.
- VIII. Unus ex duobus reis solvens, ceteri liberantur.
- IX. Debitor solvens id, quod unus tantum fidejussor debet, ipsum liberat.
- X. Solutio in quam causam cedat, & quem liberet.
- XI. Non liberat eum fidejussorem, nisi solvat id, quod ille debet.
- XII. Si fidejussor sit heres rei principalis, pro ea parte, pro qua est heres, liberatur ab obli-

C c

24-

gatione fidejussoria: & quid Juris sit in pluribus fidejussoribus reo succedentibus.

XIII. Naturalis obligatio rei principalis non confunditur cum fidejussoria; & qua de causa.

XIV. Quid Juris sit in fidejussoribus, qui non tenentur in solidum.

XV. Quo casu solvens tamquam principalis, se ipsum liberet etiam ab obligatone fidejussoria.

XVI. Fidejussoria obligatio per consultationem non tollit alteram obligationem fidejussoriam, & qua sit ratio?

EX facto quæsitum fuit. Qui centum debebat, Cajum, & Mævium fidejussores dederat, & decedens utrumque ex æquo hæredem instituerat. Cajus a creditore conveniebatur; offerebat quinquaginta, quæ debebat tamquam hæres principalis debitoris; & hac solutione volebat liberari a tota obligatione. Licet enim deberet alia quinquaginta, tamquam fidejussor: tamen cum principalis solvendo posset liberare fidejussorem quemcumque voluerit, Cajus solvens quinquaginta tamquam principalis, declarabat, se velle liberare se ipsum tamquam fidejussorem, auctoritate Ulpiani in *l. in his vero* §. §. *si duos ff. de solut. Si duos quis dederis fidejussores, potest ita solvere, ut unum liberet.* Mirum quantum se torserint principes nostræ civitatis Advocati, ut ab hoc laqueo se expedirent. Interrogatus a Judice respondi, non posse Cajum solventem quinquaginta liberari a tota obligatione: atque ita iudicatum fuit.

- Non potest debitor, qui solvit partem
2 debiti liberare fidejussorem, quem voluerit, neque hoc dixit Ulpianus in laudata *l. §. §. si duos ff. de solut.* Est enim falsissimum, cum hoc non pendeat ab arbitrio debitoris. Potest tamen ita solvere, ut unum liberet. Ergo si velit unum liberare, debet eo modo solvere, quo posset ille liberari. Si solvat totum id, quod debet, utique omnes fidejussores liberantur *l. in omnibus* 43. *ff. de solut.* si partem debiti solvat, omnes pro rata liberantur. Potest tamen ita solvere, ut unus liberetur, alter maneat obligatus.
3 Sed hoc omnino necessarium est, ut sol-

vat nomine ejus fidejussoris, quem vult liberare: & solvat id, quod ille debet.

Primum igitur necesse est, ut solvat nomine ejus, quem vult liberare. Innuit hoc Julianus in *l. quoties* 37. *ff. de solut.* ubi ait, quod reus liberat unum ex fidejussoribus: si non ex forte decedat id, quod solvit, & solvat nomine ejus fidejussoris, cujus debitum solvit. Quamobrem si ex forte decedat id, quod solvitur, hoc est, si ex causa proprii debiti solvatur a reo principali, non vero nomine fidejussoris: non poterit fidejussorem illum liberare.

Atque id ratio suadet evidenter. Obligatio fidejussoris est quedam accessio principalis obligationis §. *fidejussores Inst. tit. de fidejussor. l. bi, qui* 34. *ff. eod.* adeoque sequitur principalem obligationem: & sicut non potest contrahi fidejussoris obligatio, nisi subist obligatio principalis, cui applicatur *l. fidejussor* 16. *in princ. & §. fidejussor ff. de fidejuss.* ita corrumpitur, & extincta principali obligatione, corrumpitur, ac tollitur obligatio fidejussoris in *l. in omnibus ff. de solut.* secundum naturam accessionis *l. nihil dolo. in fine. & l. cum principalis ff. de Reg. Jur.* Si igitur duo, pluresve fidejussores eidem obligationi accesserint, sublata per solutionem principali obligatione, omnes liberentur necesse est. Et si principalis obligatio pro parte solvatur, pro rata parte quoque corrumpatur omnium fidejussorum obligatio necesse est: cum enim omnes illæ obligationes pares sint, & ejusdem conditionis, & eidem obligationi innituntur, substracto fundamento, cui insisterant, nulla ratio est, cur non omnes ex æquo debeant intercidere. Cujuscumque obligationis fidejussoria pars, quæ adhaerebat parti illi principalis obligationis, quæ dissoluta est per solutionem, amplius subsistere non potest, sublato fulcimento, a quo sustinebatur. Quemadmodum si eisdem fundamento plures muri superstruuntur, subducta parte fundamenti, corrumpuntur pars omnium murorum, quæ parti illi fun-

fundamenti erat superædificata.

In propofita fpecie, fi debitor folviffet quinquaginta proprio nomine, extincta fuiffet ejus obligatio in quinquaginta, nempe pro dimidia parte; & quia huic parti jam extinctæ obligationis adhærebat dimidia pars obligationis tam Cajj, quam Mævii, utraq; pro dimidia fuiffet extincta, & tam Cajus, quam Mævius pro dimidia parte liberati: quapropter ut folus Cajus liberetur, necesse est, ut debitor folvat nomine ipfius Cajj; tunc enim Cajus liberatur perinde ac fi ipfe folviffet. *l. quoties. in princ. ff. de folut.* Potest enim quilibet pro alioolvere, cumque vel ignorantem & invitum ab obligatione liberare *l. folutione 23. l.olvere 53. l. fi pro me 40. ff. de folut. l. folvendo ff. de negot. gest. l. maniffeti C. de folut.*

Verum tamen fi Cajus, & Mævius in folidum effent obligati, ut folent fidejuffores, debitor folvendo quinquaginta nomine Cajj, liberaret etiam Mævium in quinquaginta, nam Cajus folvendo liberat etiam Mævium *l. amiffi. in fin. ff. de fidejuff.* Nam in duobus reis uno folvente ceteri liberantur *§. ex hujusmodi Inftit. tit. de duobus reis. l. 2. & l. 3. §. 1. ff. de duobus reis.* Et cum, Cajo parte folvente, liberetur pro ea parte debitor principalis, pro eadem parte reliqui omnes fidejuffores liberentur necesse est, extincta principali obligatione.

Non fufficit igitur, debitorem principalem folvere id, quod debet unus ex fidejufforibus, nifi etiam folvat ejus nomine. Ut puta, fi Cajus, & Mævius fidejufferint non in folidum, fed finguli in quinquaginta; folvit quidem id, quod debet Cajus, non tamen liberat folum Cajum, nifi folvat ejus nomine; fed uterque, ut diximus, pro rata liberatur.

Aliquando tamen folvendo id, quod unus debet, eum folum liberat, etiamfi ejus nomine non folvat. Accidit id cum finguli fidejuffores diverfas res debent. Reus principalis debebat Stichum, & Pam-

philum: de Sticho fidejuffor est Cajus, de Pamphilo Mævius. Si reus principalis Stichum folvat, utique folum Cajum liberat. Mævium autem liberare non potest, cum non folvat id, quod ipfe debet *l. cum quis 38. §. qui hominem l. fi quis aliam ff. de folut. l. fi cum aurum ff. eod.* Item fi debet pecuniam, quam in arca habet, & pecuniam, quam habet in vidulo; & pro pecunia, quam habet in arca, fidejuffor fit Cajus, pro alia Mævius. Solvendo pecuniam, quam habet in arca, folum Cajum liberat, etiamfi non folvat ejus nomine. Idem dicendum de reo, qui ex pluribus caufis debeat. Nam folvens ex una caufa liberat folum fidejufforem, qui pro ea caufa interceffit: & fi non declarat, ex qua folvat, liberabit fidejufforem, qui acceffit duriori caufæ, quia in duriozem caufam folutum videtur *l. 1. 2. 3. 4. 5. & feq. ff. de folut. fi pares caufæ fint, cum, qui pro antiquiori debito fidejuffit, quia antiquius in pari caufa gravius est l. 5. in princ. ff. de folut. & facit ad rem text. in l. ubi fidejuffor 24. ff. de folution. in qua licet agatur de folutione facta a fidejuffore duorum debitorum; tamen dubitari non potest, idem dicendum de folutione facta a debitore ex pluribus caufis habente plures fidejuffores, argumento *l. quoties ff. eod.* Quod fi plures caufæ, & æque pares fint, & æque antiquæ, uterque fidejuffor pro rata liberabitur: folutio enim cedit in utramque caufam pro rata *l. illud 8. ff. de folut.* Multo magis igitur uterque fidejuffor pro rata portione liberabitur, fi ex unica caufa debeat, & folvat nomine proprio; & non declarat, fe folvere nomine fidejufforis: femper enim pro femetipfo folvere præfuitur *l. cum ex pluribus ff. de folut.**

Non fufficit, reum folvere nomine fidejufforis, ut cum liberet ab obligatione. Illud etiam neceffario requiritur, ut folvat id, quod debet ille fidejuffor, quem vult liberare: fi enim aliud folvat, etiamfi folvat ejus nomine, illum non libera-

bit: quia nec si ipse fidejussor id solveret, liberaretur *l. si quis aliam*, & *l. si cum auro ff. de solut.* solutione enim ejus quod debetur, tollitur obligatio. *princ. tit. Inst. de fidejuss.* Itaque si debeat Stichum, & Pamphilum, solvendo Stichum, non potest liberare eum, qui pro Pamphilo fidejussit, licet ejus nomine solvatur: & hoc est Juris explorati.

His expositis facile quisque intelliget, cur Cajus solvendo quinquaginta non possit a tota obligatione liberari. Cajus, & Mævius fidejussores in solidum succedunt reo principali, qui debebat centum. Uterque incipit debere quinquaginta tamquam hæres, & reus principalis, & hæc amplius non debet tamquam fidejussor, quia per confusionem tollitur, & extinguitur obligatio fidejussoria, quæ absorbetur a principali *l. generaliter in princ. ff. de fidejuss. l. cum quis §. ult. & l. si duo 93. §. penult. l. Stichum 95. §. quod vulgo ff. de solut.* non potest enim ea debere simul & tamquam principalis, & tamquam fidejussor, cum nemo possit esse fidejussor sui ipsius *l. hæres 21. §. servo tuo ff. de fidejuss.* Cajus igitur debet quinquaginta tamquam reus principalis, quia est hæres debitoris: & debet alia quinquaginta tamquam fidejussor Mævii, in quem translata est obligatio debitoris defuncti pro reliqua parte, pro qua ipse erat fidejussor defuncti. Etenim pro hac parte obligationis, quæ in Mævium translata est, Cajus manet obligatus tamquam fidejussor, cum pro hac parte non sit sublata per confusionem obligatio fidejussoria. Eadem ratione Mævius debet quinquaginta, tamquam principalis, cum sit hæres defuncti debitoris, pro quibus est fidejussor Cajus. Debet & alia quinquaginta tamquam fidejussor eorum quinquaginta, quæ a Cajo principaliter debentur. Itaque uterque est debitor principalis, & fidejussor: Cajus est fidejussor Mævii, & Mævius fidejussor Caji. Supponimus autem, defunctum fuisse verum debitorem, nam si naturaliter tantum fuisset obliga-

tus, non tolleretur per confusionem obligatio fidejussoria. *l. hæres §. servo tuo ff. de fidejuss.* Quia neque principalis obligatio potest perimere fidejussoriam, cum sit imbecillior & infirmior *l. Stichum. §. quod vulgo ff. de solut.* neque fidejussoria potest perimere principalem, cum ei accedat, eamque sequatur. *c. accessorium de Reg. Jur. in 6.*

Progrediamur ad solutionem Caji. Cajus solvit quinquaginta: aut ea solvit tamquam principalis, & hæres defuncti, aut ea solvit tamquam fidejussor; si solvit ea quinquaginta, quæ debet tamquam principalis, non potest liberari in iis quinquaginta, quæ debet tamquam fidejussor, quia illa non solvit. Summa enim, quam debet tamquam principalis, diversa est a summa, quam debet tamquam fidejussor: cum non possit eamdem summam debere simul & tamquam principalis, & tamquam fidejussor, ut diximus. Non liberat autem fidejussorem, quem vult, qui non solvit summam ab eo debitam, ut probavimus. Præsertim quia si solvit tamquam principalis, non solvit nomine fidejussorio. Itaque solvendo quinquaginta, quæ debet nomine hæreditario, & tamquam principalis, liberat Mævium ab obligatione fidejussoria: quia pro ea summa fidejussor est Mævius. Eandem enim summam, quam debet Cajus, tamquam principalis, debet Mævius tamquam fidejussor, eamque summam, quam Cajus debet tamquam fidejussor, debet Mævius tamquam principalis.

Quod si Cajus solvat tamquam fidejussor, liberatur quidem ab obligatione fidejussoria, non vero a principali. A principali enim obligatione liberat Mævium, cum solvat eam summam, quam debet Mævius tamquam principalis: *princ. Inst. tit. quib. mod. tollit. oblig.*

Finiamus, jam Cajum, & Mævium non fuisse fidejussores in solidum, sed utrumque pro æquis partibus, cum succedat uterque reo pro æquis partibus, pro dimidia parte per confusionem tolli-

tur

tur obligatio l. 1. *¶* l. pen. C. de heredi-
14dis. alioquin. itaque uterque debet quinquaginta tamquam hæres, hoc est, tamquam reus principalis: & alia vigintiquinque tamquam fidejussor. In reliquis enim per confusionem sublata est obligatio. Quamobrem si Cajus solvat quinquaginta, quæ debet tamquam hæres defuncti debitoris, liberat Mævium pro summa eorum vigintiquinque, quæ debet tamquam fidejussor. Quod si solvat 25. quæ debet tamquam fidejussor, liberat Mævium in pari summa, hoc est in dimidio ejus, quod debet tamquam principalis.

Proponamus modo speciem, in qua Cajus solvens tamquam principalis, se
15ipsum liberet ab obligatione fidejussoria. Fingamus, duos reos debendi sibi invicem in solidum esse fidejussores, & præterea utrique fidejussorem in solidum esse Cajum. Moritur unus ex duobus reis, eique succedit Cajus ex asse. Per confusionem tollitur obligatio fidejussoria, qua antea obstrictus erat pro defuncto, cui succedit. Manet tamen obstrictus tribus obligationibus. Prima est principalis, qua tenetur tamquam hæres defuncti. Aliæ duæ sunt fidejussoriæ: altera, qua & antea tenebatur, & nunc etiam tenetur pro reo superstiti: altera, quæ in eum translata est, per hereditatem, qua defunctus erat obstrictus tamquam fidejussor correi. Neutra enim ex his duabus obligationibus alteram extinguit, cum ambæ pares sint, nec ulla potentior altera l. generaliter ff. de fidejuss. l. si reus promittendi § 3. ff. de duob. reis, l. non est novum 10. ff. de act. empt. & nominatim in
161. heres 21. §. 1. ff. de fidejuss. Si Cajus, qui tribus hisce obligationibus obstrictus erat, aliquid solvat tamquam debitor principalis, pro parte soluta liberatur, & ab obligatione principali, & ab utraque obligatione fidejussoria: quia ex qua parte liberatur a principali obligatione, liberat & corream suam l. 2. *¶* 3. §. 1. ff. de duob. reis §. 1. Inst. tit. cod. liberato autem correo, cujus ipse est fidejussor, necesse

est, ut etiam ipse liberetur ex causa fidejussionis l. in omnibus ff. de solution. & quidem ex utraque causa, ex utraque obligatione, cum harum obligationum ea natura sit, ut non solum per solutionem utraque tollatur, sed etiam, ut altera in judicium deducta, altera consumatur l. generaliter in fine ff. de fidejuss.

Si quid simile acciderit, facillime poterit definiri, dum illud semper teneamus, non esse in arbitrio debitoris solventis liberare fidejussorem, quem voluerit, sed posse solummodo liberare eum fidejussorem, cujus nomine solvit, aut cujus debitum solvit, ut initio exposuimus. Neque in his controversiis dirimendis poterit quisquam errare, si accurate expendierit, quæ summa solvatur, & quæ debeatur a fidejussore, qui liberandus est.

CAPUT VII.

AD L. MARCELLUS 25.

ff. de fidejuss.

SUMMARIUM.

- I. Proponentur verba Legis: & quorundam de ea sententia.
- II. Fidejussor pupilli tenetur: & quare.
- III. Fidejussor prodigi, & furiosus non tenetur: & quare.
- IV. Fidejussori non debet esse damnosum officium suum.
- V. Quibus ex causis pupillus, furiosus, prodigus obligatur sine tutoris & curatoris auctoritate.
- VI. Fidejussor pro pupillo, furioso, & prodigo obligatur, potest ab eis repetere quod solvit: & qua actione.
- VII. Solvente fidejussore, pupillus, prodigus, & furiosus sibi satisfacere.
- VIII. In hac Lege agitur de restitutione in integrum.
- IX. Subveniendi verbum refertur ad restitutionem.
- X. Restitutio in integrum non præstatur fidejussoribus.
- XI. Fidejussor liberatur quoties habuerit effectum regressum adversus eum jam liberatum.

Hanc Legem aggressi sunt fere omnes magni nominis Interpretes: quam pro-

prospero successu, alii judicent. Ego eam ita explicabo, ut nulla possit esse amplius controversia apud Viros Doctos, & non refractarios: neque tamen illam aut emendare aulim cum multis, aut ex Jure Civili expungere, quasi in ea proponatur Marcelli sententia, non tamen probetur, ut alii sunt arbitrati. Legis verba sunt hæc: *Marcellus scribis: Si quis pro pupillo sine tutoris auctoritate obligato, prodigum, vel furioso fidejusseris, magis esse ut ei non subveniatur, quoniam mandati actio non competit.*

Duo occurrunt in hac Lege, quæ homini etiam in Jure Civili exercitato serupulum injicere possint. Primum, quod putaverit Marcellus, teneri fidejussorem furiosum, & prodigum. Quod teneatur fidejussor pupilli sine tutoris auctoritate contrahentis in confesso est, dum ille sit proximus pubertati *l. si pupillus 127. ff. de V. O. l. si pupillus 35. ff. de recept. arb.* Et ratio est in promptu: quia pupillus pubertati proximus contrahens sine tutoris auctoritate naturaliter obligatur *l. 1. in fin. ff. de novat. l. cum illud 25. §. 1. ff. quando dies leg. ced. l. si pupillus 21. in princ. ff. ad Leg. Falc. l. ult. in princ. ff. de jurejur. l. Ssichum 95. §. aditio. Et §. naturalis ff. de solut.* Atqui naturali obligationi aecedere posse fidejussorem non dubitatur *l. fidejussor 16. §. fidejussor ff. de fidejuss. §. in omnibus Inst. eod.* Sed ut hoc verissimum est, ita falsissimum est, teneri fidejussorem prodigum, aut furiosum sine consensu curatoris contrahentium *l. si a reo 70. §. si a furioso ff. de fidejuss.* Et ne quis putet, sortasse hæc de re fuisse controversiam inter Veteres Jurisconsultos; idem Ulpianus, qui Auctor est Legis, quam explicamus, diserte monet, fidejussorem prodigum, & furiosum non teneri, in *l. is cui bonis 6. ff. de Verb. obl.* Et merito: nam qui nullo modo est obligatus, nec naturaliter, nec civiliter, frustra dat fidejussorem *l. fidejussor 16. in princ. ff. de fidejuss. at prodigum, & furiosus sine curatore nec naturaliter, nec civiliter ob-*

ligantur, cum consensu destituantur, & si quid egerint, nihil egisse intelligantur *l. 2. ff. de jur. eod. l. 5. ff. de Reg. Jur. l. si a reo §. si a furioso ff. de fid. l. is cui bonis 6. ff. de V. O. l. furiosus 40. ff. de Reg. Jur.*

Secundum est, quod inepta videtur ratio adjecta in Lege nostra, cum potius videatur subveniendum fidejussori, quoniam mandati actionem non habet, ne ei damnosum sit officium suum. *l. si servus 61. §. quod vero 5. vers. multo aequius ff. de furt. l. sed si quis 7. ff. testam. quem aper. l. cum quadam 26. C. de admin. tut.*

Hæc sunt, quæ videntur contra rationem Juris ab Ulpiano, & Marcello prodita in *d. l. Marcellus*. Sed re ipsa ejusmodi non sunt, ut videntur. Et primum omnium observandum est, ibi agi de furioso, & prodigo, pupilloque obligatis sine auctoritate tutoris: verba Legis sunt: *Si quis pro pupillo sine tutoris auctoritate obligato, &c.* Supponuntur igitur pupillus, furiosus, & prodigus obligati, ac propterea mirum non est, si obligetur, ac teneatur etiam eorum fidejussor. Non obligantur quidem pupillus, furiosus, & prodigus contrahendo, nisi tutoris, & curatoris auctoritas interveniat, sed tamen etiam sine ullius auctoritate obligantur, quoties ex re actio venit; quoties scilicet obligatio non ex consensu nascitur, sed ex facto aliquo; ut si habeant fundum communem cum aliquo; & is aliquid in eum fundum impenderit, certe obligatur pupillus, furiosus, & prodigus ad refundendas impensas *l. furiosus 46. ff. de oblig. Et al.* & quicumque alienus ex his negotia gerit, eos sibi obligat, etiam tutore, & curatore ignorantibus *l. 3. §. pupillus. cum seq. ff. de negot. gest.* atque eadem de causa ipsi obligantur tutoribus, & curatoribus suis, & tenentur actione tutelæ contraria *l. 1. §. 1. Et 2. ff. de contr. tut. act.* & iis, qui pro tutore, vel curatore negotia gesserint *l. ult. ff. de eo qui pro tut.* Uno verbo, in obligationibus, quæ sine con-

consensu confitere non possunt, hi non tenentur sine tutoris, & curatoris auctoritate propter iudicii imbecillitatem: at vero adstringuntur obligationibus illis, quæ sine consensu contrahuntur, quia in his nullum obfistit impedimentum, quo fiat ut obligari non possint. Eum autem, qui fidejussor pro pupillo, furioso, prodigo his modis obligatis, teneri non ambigitur, cum omni obligationi possit accedere fidejussor *l. 1. l. grace 8. §. 1. cum seq. ff. de fidejuss.*

Atque hæc suboluerunt etiam eloquentissimo Donello: sed tamen rem non potuit expedire. Hoc enim constituto non solum inepta est ratio, quæ adjicitur in nostra Lege, sed omnino falsa. Ait enim Marcellus, fidejussorem teneri, *quia mandati actio non competit*. Atqui si fingimus, ibi fidejussorem intercessisse pro furioso, & prodigo obligatis, habebit fidejussor, si non mandati actionem, saltem actionem negotiorum gestorum *l. 3. §. pupillus. cum seq. ff. de negot. gest.* gerit enim eorum negotium utiliter fidejussor, cum pro illis Jure obligatis solvit, eosque liberat ab obligatione *l. sed videamus 4. ff. de negot. gest.* neque eo confugere licet, quod sortasse illi, pro quibus fidejussor solverat, locupletiores facti non erant, cum hoc æstimandum sit tempore litis contestatæ *l. liris 37. in pr. ff. de negot. gest.* nam primum in nostra Lege generaliter negatur actio fidejussori, cum tamen vix possit accedere, ut ex illa solutione prodigus, & furiosus non sint facti locupletiores, cum liberati sint ab obligatione. Præterea semper illi fiunt locupletiores hoc ipso, quod non sunt facti pauperiores, quia non sunt coacti solvere propter fidejussorem, qui suscepit onus solutionis *l. in pupillo §. 1. ff. de solut.* Quamobrem scopulum declinantes in Syrtis impingimus; sed has etiam prætervelli feliciter enavigabimus.

Animadvertendum igitur est, in ea Lege pertractari de pupillo, furioso, & prodigo Jure obligatis, ut diximus, & in

integrum restitutis. Nulla in ea Lege mentio est restitutionis, sed tamen conjectura id facile assequi possumus. Primum enim Lex illa deprompta est ex libro undecimo Ulpiani ad Edictum: quo in libro certum est, Ulpianum pertractasse de restitutione in integrum, quæ minoribus a Prætoribus conceditur. ut constat ex titulo, *ff. de minoribus*, in quo sunt undecim, eæque longissimæ leges depromptæ ex libro 11. Ulpiani ad Edictum, in quibus de hac restitutione agitur: & in *l. 1. ff. de min.* quæ ex eod. libro deprompta est, Ulpiani proponit Edictum Prætoris de restitutione, ejusque explanationem exorditur, quam prolequitur in legibus subsequentiis. Ac si divinare licet, præponenda erat hæc lex legi in causa 13. *ff. de min.* sed quia in ea idem copiosius explicatur, hoc fragmentum absciderunt compilatores, & in locum hunc rejecerunt, cum in illa *l. in causa 13.* nihilominus satis explicetur quid Juris sit de fidejussore minoris restituti, & in hac de minoribus non pertractatur, quod in eo titulo propositum est; sed de pupillo, furioso, & prodigo.

Præterea observanda sunt verba illa nostre Legis: *magis esse ut ei non subveniatur*: quæ ut propria sunt restitutionis; ita minime conveniunt, si generaliter legem accipiamus. *Subvenire* enim alicui dicimur, quoties ille tenetur ipso Jure, sed ei aliquid indulgemus auxilium, quo id consequatur, ut cogi non possit ad solvendum: quod minime convenit fidejussori obligato, de quo inepte quis dixerit ei non subveniri, cum nullus supererat modus, quo ei subveniri possit. Sunt autem hæc verba aptissima ad indicandam restitutionem: subveniri enim ei dicitur, cui porrigitur auxilium restitutionis, *l. minoribus 6. l. ais Prætor 7. §. sed etsi 2. & §. sed etsi 5. l. si ex causa §. nunc videndum, cum seq. l. verum §. quid si ff. de min.* & passim in eo titulo. Et aptissime idem Ulpian. in *l. in causa 13. in princ. ff. de min.* Non est æquum fidejussor

si in necem meam subveniri, sed potius ipsi deneganda erit mandati actio: in summa perpendendum eris Prætori, cui potius subveniat, utrum creditori, an fidejussori: nam minor captus neutri tenebitur. En eadem sententia, iisdemque fere verbis expressa. Et in l. minor 51. ff. de procur. Minor viginti quinque annis defensor idoneus non est: quia & ipsi, & fidejussoribus ejus per in integrum restitutionem succurritur. Et in l. si pupillus 89. ff. de acquir. vel om. her. Si pupillus hereditate se abstineat, succurrendum est & fidejussoribus ab eo datis. Quamquam hic fortasse non agitur de restitutione, ut putant Interpretes.

His positis, nihil est in nostra lege, quod abhorreat. Finge enim pupillum, furiosum, aut prodigum jure obligatos sine tutore, aut curatore, quamquam furiosum, & prodigum, etiam cum curatore obligatos supponere possumus, cum in nostra lege contrarium non sit expressum. Ac si placet, finge speciem propositam in l. si ex causa 9. si in commissum ff. de min. aut in l. 1. C. si advers. delict. quæ tamen furioso convenire non potest. Hos autem ita obligatos proponere fuisse in integrum restitutos: quaeritur an hæc restitutio prosit etiam eorum fidejussoribus: seu an per restitutionem ipsis solummodo subveniat, an etiam eorum fidejussoribus. Controversia adeo obscura, ut in ea nemo non cæcutiat: sed & huic non lucem non modicam attulimus. Hæc de re sæpe etiam Veteres quaesivere, ac præsertim Ulpianus tum in l. 3. §. sed utrum. vers. sed an hoc: tum in l. in causa 13. in princ. ff. de min. Hæc eadem controversia ab eodem Ulpiano proponitur in hac lege: & ex sententia Marcelli respondet, fidejussori non subveniri, sicut respondit etiam in d. l. in causa 13. in princ. ff. de min. Addit hanc rationem: quoniam mandati actio non competit. Ac merito quidem: quia si fidejussor haberet actionem mandati adversus restitutos, inutile esset subvenire etiam fidejussori,

ne foret inutilis restitutio iis, qui fuerant restituti, cum parum eorum interesset an a principali, an a fidejussore conveniantur. Idcirco quoties fidejussor habiturus est regressum adversus principalem, liberatur etiam fidejussor, ne principalis frustra sit liberatus, l. ult. in fin. C. de usus. rei jud. l. quod dictum ff. de pact. l. sed si paterfamilias q. non solum ff. de S. C. Mac. ed. l. cum lex 46. ff. de fid. l. 1. §. exceptionem in fin. ff. quar. ver. act. Quamobrem idem Ulpianus etiam in l. in causa 13. ff. de min. monet, fidejussorem minoris restituti in integrum non habiturum mandati actionem. Quorsum enim restitutio, si possit minor a fidejussore conveniri? De his, quæ diximus, credo non dubitabit, qui hanc cum illa lege contulerit, & utramque accurate perpendit.

CAPUT VIII.

AD L. SI PUPILLUS 89.

ff. de acquir. vel om. hered.

SUMMARIUM.

- I. Restitutio concessa minori non predesti fidejussori.
- II. Minor adiens hereditatem indiget restitutione, ut possit abstinere; secus in pupillo.
- III. Quando restitutio minoris prosit fidejussori.
- IV. Deficiente causa obligationis debitor non tenetur, & potest se tueri exceptione doli.
- V. Restitutio adversus inconsulto aditam hereditatem predesti etiam fidejussoribus: & quare?
- VI. Exceptio doli transit ad fidejussorem.
- VII. Minor restitutus adversus aditam hereditatem nec naturaliter, nec civiliter majori obligatus.
- VIII. Explicatur l. si quis pro eo 56. de fidejuss.
- IX. Ubi naturalis manet obligatio, fidejussor non liberatur: secus si nec civilis, nec naturalis obligatio subsistat.
- X. Naturales obligationes nec Prætor tollit, neque Jus Civile: & quare?

Quoniam incidimus in restitutionem in integrum, explicemus duas alias leges, quæ eodem pertinent, Interpretibus nostris plus nimio molestas. Faten-

tur

tur plerique omnes, restitutionem in integrum non prodesse fidejussori minoris, ita ut licet minor ipse per restitutionem liberetur, atque eximatur ab obligatione, tamen fidejussores ejus maneant obligati, **1** ad text. in *l. 1. §. 2. C. de fid. min.* cum aliis. Dux sunt tamen leges, in quibus contrarium videtur affirmari. Prima est, quam modo explicamus, *l. si pupillus 89. ff. de acquir. vel om. her.* verba legis hæc sunt: *Si pupillus se hereditate abstineat, succurrendum est & fidejussoribus ab eo datis, si ex hereditario contractu conveniuntur.* Idem confirmatur toridem fere verbis in *l. 2. in fin. ff. de adm. & peric. tut. Si satisfecit tutor, mox abstinuit pupillus, fidejussoribus quoque ejus debet subveniri.*

In his legibus agi putant Interpretes de restitutione in integrum, quia agitur de pupillo, qui jam adiit hereditatem, & ut postea se abstineat, in integrum **2** restituendus est. Ego contra sentio. Animadvertendum est, in utraque lege agi de pupillo, non de minore. Hoc autem minor, ac pupillus interest; quod minor, si se immiscuerit hereditati, non potest se ab ea abstinere, nisi fuerit restitutus in integrum: pupillus vero etiam sine ulla restitutione potest se abstinere, etiamsi se immiscuerit *l. impuberibus 11. & l. necessariis 57. ff. de acquir. vel om. hered.*

Atque ita facile eluditur argumentum. Sed hic non hæreo: qui sit enim, ut pupillo se abstinere sine restitutione potius liberetur fidejussor, quam si restitutionem in integrum impetraverit, ea-que impetrata se abstinerit? Dico igitur liberari fidejussores, etiamsi minor se abstinerit, cui certe necessaria est resti- **3** tutio. Ulpianus in *l. denique 4. §. sed utrum, vers. sed an hoc ff. de min.* ait, restitutionem interdum prodesse fidejussoribus. Hanc unam esse speciem, in qua prodest restitutio fidejussoribus, nullus dubito. Causam paucis aperiam. Quotiescumque quis aliqua causa adducitur ad

Tom. I.

promittendum, si causa illa falsa sit, aut ex post facto evanescat, non tenetur. Obligatur quidem ipso Jure, & conveniri potest: sed frustra convenitur, quia repellere potest actorem exceptione doli mali. *l. 1. §. circa ff. de dol. mal. & met. 4* except. *l. Julianus 7. ff. eod. l. si quis cum aliter ff. de verb. obl.* Datur hæc exceptio ex æquitate naturali, quia æquum non est, ut cogatur ad solvendum debitor, deficiente causa illa, sine qua promissurus non fuisset §. 1. *Inst. tit. de except.* Si igitur aliquis putans, se debere centum Titio, ea centum ipsi promittat per stipulationem, licet summo Jure teneatur, & conveniri possit; tamen exceptione doli defenditur *d. l. 2. §. circa, vers. proinde. & l. Julianus 7. ff. de dol. mal. exc. uno verbo,* tenetur civiliter, non naturaliter. Imo perinde est, ac si nulla esset ejus stipulatio *l. si dari 25. in fin. ff. de V. O.* Et eleganter Paulus in *l. qui pecuniam 30. ff. de reb. cred. Qui pecuniam accepturus spondit creditori futuro, in potestate habet, ne accipiendo se ei obstringat.* Nimirum quia deest causa, qua adductus fuerat ad promittendum.

Veniamus ad rem nostram. Minor, qui adita hereditate spondet creditoribus hereditariis, se soluturum id, quod ipsis a defuncto debebatur, eisque dat fidejussores, urique ideo promittit, quia putat, se ipsis debere, quod promittit; videlicet, **5** quia adeundo hereditatem eum ipsius obligationem contraxit, aut potius in defuncti obligationem successit. §. ult. *Inst. per quas person. cuique acquir. cum similibus.* Quando autem minor restituitur in integrum (et si eo tempore, quo promisit, justam causam habuit promittendi) tamen nunc nullam idoneam causam habet, cum hæres non sit, nec in eum transmissa sit obligatio defuncti. Tutus igitur esse debet saltem exceptione doli mali, si convenitur ex sua stipulatione *l. 2. §. circa, vers. est. l. Julianus 7. ff. de dol. mal. exc. l. qui pecuniam 30. ff. de reb. 6* cred. Atqui exceptio doli mali transit **D d** etiam

etiam

etiam ad fidejussores, cum rei, causæque cohzreat, non personæ. *l. exceptiones 7. §. 1. ff. de except.* Et ad rem nostram accommodatè Julianus in *l. si stipulatus 15. in princ. ff. de fidejuss.* Si stipulatus esses a me sine causa, & fidejussorem dedisses; fidejussori etiam invito me exceptio dari debet. Creditores hæreditarii stipulati sunt a minore sine causa, quia per restitutionem factum est, ut ipse non sit hæres, nec illi sint ejus creditores. Igitur omnino danda est exceptio fidejussoribus. Idcirco in legibus, quas explicamus, statuitur succurrendum, ac subveniendum esse etiam fidejussoribus.

Sed progrediar etiam longius. Dixi eum, qui falsa causa adducitur ad promittendum, teneri summo Jure, teneri civiliter; non teneri naturaliter. Minor igitur, cum per restitutionem evanescat causa promissionis, naturaliter non est obligatus. Dico præterea, nec civiliter quidem obligatum esse. Restitutio enim rescindit ipsam stipulationem, unde oriri posset illa obligatio mere civilis, illa obligatio inutilis, & quasi nulla: nam restitutione fieri solet irritus actus, unde minor læditur *l. quod si §. 1. & §. restitutio. t. non omnia ff. de minor. vel saltem inutilem proflus efficit eam ipsam obligationem mere civilem, quia actionem denegat l. patri §. si pecuniam ff. de minor.* Cum igitur minor nec naturaliter, nec civiliter amplius teneatur, fidejussores liberentur necesse est. *l. in omnibus ff. de solut.* Utar exemplo ad id, quod dicimus, confirmandum accommodato, quod mihi suppeditat Paulus in *l. si quis pro eo 56. in princ. ff. de fidejuss.* Species ejus legis hæc est, ut ego arbitror. Quidam, cum putaret, se libertum esse, juravit, se præstiturum operas ei, quem patronum suum credebat, eique dedit fidejussores: non tenentur fidejussores dati; ratio est in promptu. Non possunt fidejussores obligari, nisi principalis aut civiliter, aut naturaliter saltem sit obligatus. *l. fidejussor. 16. §. fidejussor. ff. de fidejuss.* In hac

specie principalis non est obligatus civiliter, quia juramentum civiliter, & efficaciter obligat solos liberos libertaria causa jurantes *l. ut jurisjurandi. in princ. ff. de oper. libert.* Non est obligatus naturaliter, quia promisit, quod putabat, se libertum esse, non promissurus, si scivisset, se libertum non esse: ac propterea cum errore lapsus sit, naturaliter æquum non est, eum obstringi *§. t. Inst. tit. de except.* Quo fit, ut fidejussores ab eo frustra dati sint. Eadem ratio in re, qua de agimus. Minor non tenetur naturaliter, quia promissurus non erat, si scivisset, se nihil debere creditoribus defuncti, se hæredem non esse. Non tenetur civiliter, quia obligatio etiam civilis irrita facta est per restitutionem in integrum. Eo igitur omnino liberato, liberantur etiam fidejussores *l. in omnibus ff. de solut.*

Atque hic animadvertendum est, cur in hac specie fidejussores liberentur, non vero in aliis. Nimirum hic minor ita contraxit, ut contrahendo non obligaretur naturaliter: quamobrem infirmata civilis obligatione per restitutionem, nulla superest obligatio principalis, cui inniti possit, atque adhærere obligatio fidejussoris. At vero cum minor contrahendo naturaliter obligatur, per restitutionem non liberantur fidejussores: quia minor manet obligatus naturaliter; & quando principalis naturaliter obligatus manet, fidejussores non liberantur *l. ubicumque ff. de fidejuss.* Quod eo fit, quia tum naturalis obligatio, tum quicquid a Jure Naturali promanat, mutari non potest, aut tolli a Prætorè, vel Jure Civili *l. eas obligationes ff. de cap. min. l. 2. §. 1. ff. de usufr. ear. rer. l. ubi pugnantia 88. §. 1. ff. de Reg. Jur. §. pen. Inst. tit. de Jur. Nat. Gent. & Civ. Inst. tit. de legis. agn. rus. in fin. nascitur enim obligatio naturalis ex fide, quam minor præstitit. *l. cum amplius §. 1. ff. de Reg. Jur.* nec efficere potest Prætor, ut sit insectum, quod factum est *l. in bello l. facti ff. de captiv.* aut non convenisse de eo, quod convenit.*

CAPUT IX.

AD L. MINOR 51. ff. de Procurat.

SUMMARIUM.

- I. Proprietur alius casus, in quo restitutio predesti fidejussoribus minoris.
- II. Aliena litis nemo est idoneus defensor sine satisfatione.
- III. Minor non est idoneus defensor: & quare?
- IV. In omni judicio tres persone sunt necessariae, Actor, Reus, & Judex.
- V. Subdacto reo judicium corruit.
- VI. Infirmato judicio corruit satisfactio judicialis.
- VII. Satisfactio judicatum solvi quid continet.
- VIII. Cur liberentur fidejussores defensore in integrum restituto.
- IX. Rescissa causa satisfactiois, rescinditur ipsa satisfactio, & fidejussores liberantur.
- X. Multo magis rescisso judicio, rescinditur satisfactio judicialis.
- XI. Satisfactio judicialis erronea, nulla est.
- XII. Exceptio, quae competis capite minutis, non extenditur ad fidejussores, nisi in satisfactioe judiciali.
- XIII. Litis mortuae, non tenentur fidejussores judicatum solvi.
- XIV. Mutata conditione rei conventi, fidejussores ejus liberantur.
- XV. Judicio in dominum translato, liberantur fidejussores dati a defensore.
- XVI. Praeter restitutionem non impugnatur, nec committit stipulationem de rato.
- XVII. Reprehenditur eorum sententia, qui praeter liberari fidejussorem, quacumque principalis mutata qualitate.

Jam vero ad aliam legem, superiori prope similem explicandam aggrediamur. Ulpianus in l. minor 51. in princ. ff. de Procur. discrete affirmat restitutionem in integrum prodesse etiam fidejussori, his verbis: Minor viginti quinque annis, si defensor existeret, ex quibus causis in integrum restitui possit, defensor idoneus non est: quia & ipsi, & fidejussoribus ejus per in integrum restitutionem succurritur. Dubitandum non est, huc etiam pertinere id, quod indicatur in l. 3. §. sed utrum, vers. sed an hoc ff. de min. restitutionem interdum prodesse fidejussoribus:

cum utraque lex sit ejusdem Ulpiani. Cur autem prodest in specie hujus legis, non in aliis, explicandum est.

Primum omnium observandum est, in hac lege agi de minore, qui volebat reum in judicio defendere. Nemo autem alienae litis idoneus defensor est sine satisfatione l. qui proprio §. qui alium ff. de proc. l. si ad defendendum 10. ff. de jud. solvi. l. un. in fin. C. de satisf. §. si vero & §. ult. Instit. eod. non potest igitur ad defensionem minor admitti sine satisfatione: atqui minor frustra satisfacit, cum possit in integrum restitui, ac non solum ipse, sed etiam fidejussores in satisfatione adhibiti liberari d. l. minor. Quid sit, ut idoneus defensor non sit.

Sed hoc ipsum quaeritur, cur fidejussores liberentur. Meo quidem judicio ita res habet. In omni judicio tres personae concurrant necesse est: Actor, Reus, & Judex l. ea quae C. commun. & ep. l. ult. C. quomodo, & quando jud. Ac si desit aut Judex, aut Actor, aut Reus, nullum est judicium: est enim omne judicium de re controversa, cui Judex sententia sua finem debet imponere l. 1. ff. de re jud. non potest autem ulla esse controversia nisi inter duos, quorum alter dicat, alter neget. Qui dicit, actor est; qui negat, reus; qui finem controversae imponit, Judex. Veniamus ad rem nostram. Minor, qui alium in judicio defendit, rei vicem gerit, rei personam sustinet l. minor §. 1. ff. de proc. l. Titius 76. ff. eod. per restitutionem subtrahitur minor a judicio: confestim evirgitur judicium, atque infirmatur, subdacto reo, sine quo judicium non potest consistere. Infirmato judicio fit irrita omnis satisfactio, quae propter judicium fuerat interposita, deficientem scilicet causam, cui satisfactio innitebatur. Quid enim promittit defensor, ejusque fidejussores? promittunt judicatum solvi. Hæc stipulatio tres clausulas in unum collatas habet: de re judicata, de re defendenda, & de dolo malo. l. judicatum 6. ff. jud. solvi. Atqui non possunt

teneri ex prima clausula ad solvendum judicatum: quid enim solvant, si nulla est res judicata; nullum judicium? non tenentur ex secunda clausula ad defendendum, & propter rem non defensam, quia
 8 indefensa non est res, de qua Prætor judicium accinere non cogit *l. vir bonus* 18. ff. jud. solvi: Est autem ipse Prætor, qui restituit in integrum, *l. 1. ff. de minor.* & restituendo, non solum non cogit, sed etiam vetat, judicium a minore accipi. Denique non possunt teneri de dolo ex tertia clausula, cum nullus dolus intervenerit, & minor jure permitteat a judicio sit exemptus, & bonus vir non arbitretur rem indefensam esse *d. l. vir bonus* 18. ff. jud. sol. non potest igitur committi stipulatio judicatum solvi.

Sed explicemus hæc uberius, & si fieri potest, etiam planius. Quoties rescinditur causa, propter quam fuerat interposita satisfactio, infirmatur quoque ipsa satisfactio, & liberantur fidejussores. Exemplum nobis suppeditat Paulus in *l. 3. ff. de rescind. vend.* Celebrata erat venditio, & propter venditionem interposita satisfactio. Contraheutes a venditione recesserunt contrario consensu: respondit Paulus, fidejussores liberatos esse. Obtenet hoc in contractibus, multo magis in judiciis, in quibus sola mutatio personæ satisfactionem irritam reddit. Exemplis hæc
 9 illustro. Qui injuriarum acturus erat, mortuus est: eo mortuo finitur judicium, quia actio injuriarum ad heredes non transit. §. non autem Inst. tit. de perpet. & temp. act. cum igitur nullum sit judicium, nulla causa, cui accessit satisfactio, licet hæc stipulatio sua natura ad heredem transeat; tamen in hac causa sit irrita, & fidejussores liberantur, rescissa causa, cui innitebatur satisfactio *l. si eum. §. qui injuriarum ff. si quis caus. in jud. sist.* Rursus, si quis cum non teneretur satisfactio, per errorem satisfecerit, fidejussoribus danda est exceptio *l. 4. §. item queritur ff. eod.* Rursus, si quis his personis, quæ agere non potuerunt fidejussor

forem dederit, frustra erit datio *l. fidejussor* 2. §. 1. ff. qui satisf. cog. cur frustra datur fidejussor ei, qui agere non potest? nimirum quia judicium ipsum est irritum, cum desit in judicio idonea persona actoris. Sic frustra datus est fidejussor a minore defensore, si postea restituitur, cum desit idonea persona rei. Quo fit, ut licet exceptiones, quæ com-
 12 pectunt capite minutis, non extendantur ad fidejussores, argum. text. in *l. defensionum* 11. C. de except. tamen in satisfactioe judiciali contrarium sit constitutum *l. 4. in princ. ff. si quis caution.*

Etiam propius ad rem accedamus. Paulus in *l. 2. ff. judic. solvi*: Cum lite mortua nulla res sit, ideo constat fidejussores ex stipulatu judicatum solvi non teneri. Nilhil clarius. Quoties lis est mortua, quo-
 13 ties judicium est nullum, ut fit, cum a judicio subducitur reus per restitutionem, non tenentur fidejussores. Etiam amplius. Non solum si a judicio subtrahatur persona rei, fidejussores liberantur, sed etiam si mutetur conditio personæ,
 14 licet eadem judicium prosequatur; tamen fidejussores liberantur. Veluti si quis defendens absentem sine ejus mandato, satisfecerit; & postea mandato ejus procurator sit factus, aut ei hæres extiterit: quia non est eadem causa personæ, fidejussores non tenentur *l. si ante acceptum* 7. ff. eod. Hoc eo magis dicendum in specie, qua de agimus, in qua non solum mutatur conditio, & causa minoris per
 15 restitutionem, sed etiam minor omnino eximitur a judicio, & judicium amplius non prosequitur, ac proinde judicium in dominum, quem defendebat, transferendum est: judicio autem in dominum translato, non tenentur fidejussores, quos defensor dedit *l. 1. in fin. ff. quib. mod. pig. vel hyp. solvi.* Præsertim cum; minore petente restitutionem, non solum non committatur stipulatio judicatum solvi, sed nec ipsa quidem stipulatio de rato,
 16 quia petendo restitutionem non videtur impugnare stipulationem *l. 3. in princ. ff. rem*

rem rat. hab. confugit enim ad auxilium commune, sibi que a Jure tributum, ac propterea deficit conditio stipulationis d. l. 3. §. falsus ff. rem rat. hab.

Hoc tantum moneo, falsum videri, quod plerique D-cti Viri respondent: 17 quod fidejussor, qui intercedit pro minore certæ personæ qualitatem induente, liberatur per restitutionem, quia fidejubendo videtur id egisse, ut ne teneretur, si minor eam qualitatem deponeret, quam revera deponit cum restituitur. Nam, ut omittam cetera, ex d. l. si ante acceptum. in princ. ff. jud. solvi, constat, cum fidejussorem, qui intercessit pro procuratore, teneri, etiamsi ille destinat esse procurator, domino mandatum revocante. Nec liberatur fidejussor, etiamsi principalis deponat qualitatem procuratoris.

XX. Item non liberatur eum, altero exempto, aliter ex duobus reis manens obligatus.

XXI. Explicatur l. Uranius 71. ff. de fidejuss.

XXII. Afferitur ratio cur restitutio non prosit fidejussoribus.

XXIII. Fidejussor non liberatur, quoties reus omnino non liberatur. Mox per restitutionem non liberatur a naturali obligatione.

XIX. Naturalis obligatio minus aequitate: item & in integrum restitutio.

XX. Naturalis aequitas non eodem modo semper estimatur.

XXI. Prætor defensionem, & tutelam minorum suscipit.

XXII. Jus Civile impedit effectus naturalis obligationis quoad personam pupilli, non quoad accessiones.

XXIII. Mulier intercedendo naturaliter obligatur.

XXIV. Pro ea fidejussor obligatur, licet ejus obligatio improbetur S. C. Vellejana.

XXV. Minor restituitur etiamsi sit Decurio, aut Confiliarius.

Item quomodo gesserit actum cum consensu curatoris, & auctoritate Judicis.

XXVI. In restitutione stricte tenet factum lesionis, non peritia, aut diligentia in actu gerendo.

C A P U T X.

AD L. IN OMNIBUS 43.

ff. de solution.

S U M M A R I U M.

I. Restitutio in integrum minor liberatur ab obligatione: & quare?

II. Liberato reo principali, semper liberatur fidejussor.

III. Quando non liberatur.

IV. Restitutio vim actionis obtinet, non exceptionis: locutur probatur.

V. Restitutio, quæ datur creditori adversus veterem debitorem a muliere liberatum, dicitur alio restitutionaria, aut rescissoria.

VI. Explicatur l. quod si minor ff. de minor.

VII. Persecutiones actionis insular obtinent.

VIII. Exceptiones omnes, præter personales, transferunt ad fidejussorem.

IX. Si reus eximatur ab obligatione, fidejussor non liberatur.

X. Non potest subsistere obligatio, si reus ab obligatione eximatur: & quare?

XI. Non potest esse servitus sine re, vel persona, quæ serviat.

XII. Quando præsti, exempto debitor, subsistere obligatio.

XIII. Fidejussor debitoris hereditarii non liberatur restituta hereditate.

XIV. Fidejussor non liberatur per dispositionem debitore.

A Ntequam alio divertam, adhuc pauca subjiciam de restitutione in integrum. Hætenus refutavimus, & infirmavimus duo argumenta, quibus probari videtur, restitutionem in integrum procedere fidejussoribus. Superest tertium, idque gravissimum, atque firmissimum. Restitutione in integrum liberatur minor ab obligatione, sed liberato reo principali semper liberatur fidejussor. Ergo restitutione in integrum minoris liberatur fidejussor. Quod restitutione in integrum liberetur minor ab obligatione, dubitandum non est; nam restitutione in integrum rescinditur, & fit inritus actus ille, quo minor fuit obligatus l. quod si §. 1. & §. restitutio l. non omnia ff. de minor. l. 1. C. si advers. transf. & restituitur minor in eum statum, in quo erat antequam obligaretur l. 2. C. in quibus caus. in integr. rest. nr. eff. non est. Illud quoque certissimum est, quod liberato minore, hoc est, reo principali, liberatur etiam fidejussor l. in omnibus 43. ff. de solut. Verba legis hæc sunt: In omnibus speciebus liberationis, etiam accessiones liberantur, puta adpromissores, hypotheca, pi.

3 *pignora*. Omnes species liberationum comprehendit Ulpianus: quod tamen intelligendum non est de liberationibus, quæ contingunt ope exceptionis: nam in his fidejussor non liberatur, si exceptio personalis sit *l. exceptiones 7. ff. de exception. l. si reus 12. ff. judic. solvi §. ult. Inst. tit. de replicat. l. etsi 24. ff. de re judic.* In aliis autem liberationibus una tantum causa est, in qua liberato reo principali, fidejussor non liberatur: videlicet cum ipse fidejussoris culpa perpetua sit obligatio, nempe cum ipse rem debitam corrumpit, & interimit *l. mora 88. in fin. ff. de verb. obl.*

4 Neque dici potest, restitutionem in integrum liberare minorem ope exceptionis, & ideo hanc liberationem non pertinere ad eas, de quibus agitur in *d. l. in omnibus ff. de solution.* nam restitutio in integrum non exceptionis, sed actionis instar obtinet. Paulus *lib. 1. Recept. Sent. Tit. de in integr. restit.* eam definit, *redintegrandæ rei, vel causæ actionem.* Actio appellatur ab Ulpiano in *l. non solum §. est & casus ff. de procurat. & in l. etiamsi 29. §. ult. ff. de minor.* ibi: *ad agendum evocata.* Et omnia obtinet, quæ sunt propria actionum: agit enim minor læsus: agit cum eo, ad quem res amissa pervenit: agit de re amissa, ut rescindatur actus *l. in causa 13. §. 1. ff. de minor. l. 1. C. si advers. dot.* potest agere per procuratorem, qui debet satildare de rato, nisi habeat speciale mandatum: potest reus per alium se defendere, & defensor satildare debet judicatum solvi *l. illud 25. §. ult. cum l. seq. ff. de minor. transit ad heredes, sicut ceteræ actiones l. non solum 6. ff. de in integr. restit. l. 3. §. Pomponius l. minor 18. §. ult. ff. de minor. l. Stichum 95. §. quod vulgo ff. de solution.* Denique sicut actiones cedi possunt *l. hac in factum 14. ff. quæ in fraud. credit.* sic cedi potest restitutio in integrum *l. quod si minor 24. ff. de minor. l. alterius 20. §. 1. in fin. ff. tutelæ & ration. distr.* Est igitur restitutio quædam species actionis

rescissoriæ, quæ rescinditur actus & minore gestus *l. 1. §. 1. ff. ex quibus caus. major. in integr. restit.* sicut restitutio, quæ datur creditori, ut ei restituatur actio adversus debitorem mulieris interfectione liberatum, semper dicitur actio restitutoria *l. quamvis §. Marcellus & §. si mulier. cum seq. & l. aliquando §. ult. ff. ad S. C. Vellejan. l. 3. §. 1. ff. de eo, per quem fact. erit. seu actio rescissoria l. si pater nam 8. C. ad S. C. Vellejan.* Nec contrarium est, quod traditur in *l. quod si minor 24. ff. de minor. ex hoc edito nulla propria actio, vel cautio proficiscitur, totum enim hoc pendet ex Prætoris cognitione.* Nam ideo non dicitur propria actio, quia Prætor non dat Judicem, sicut in aliis actionibus, sed ipse de causa cognoscit, sicut cognoscit de salariis, & honorariis Professorum *l. 1. C. mand. l. 1. ff. de extraord. cognit. de transactione alimentorum l. cum bi, quibus 8. §. si Prætor. 17. cum seq. ff. de transact. de fideicommissis l. pecunie 178. ff. de verb. sig.* Hæc omnes etsi proprie sint extraordinariæ persecutiones, quia ad cognitionem Prætoriam pertinent, & proprie appellantur persecutiones, tamen actionis instar obtinent, & generali actionis appellatione continentur *d. l. pecunie §. actionis ff. de V. S. l. actionis 37. ff. de oblig. & action.*

Neque illud est omittendum, quod si restitutio esset exceptio, eo magis fidejussoribus prodesse deberet. Etenim etsi exceptiones personales non profunt fidejussoribus, reales certe profunt, omnesque aliæ, præter personales *l. exceptiones 7. ff. de exception. l. ex persona 32. ff. de fidejuss.* At restitutio non esset exceptio personalis, nam exceptiones personales ad hæreses non transeunt *l. maritum. cum seq. ff. solut. matrim.* Restitutio autem transit ad hæreses, ut diximus.

Itaque ad argumentum respondent Viri eruditissimi; quod licet restitutione in integrum minor liberetur; tamen ejus obligatio non extinguitur, quia minor eximitur ab obligatione, manente ipsa obli-

obligatione, ut accidit in *l. ult. ff. de duob. reis*, & in *l. Uranius 71. ff. de fidejuss.* Quoties reus ita liberatur, ut ejus quocunque obligatio intererat, utique liberantur etiam fidejussores, quia sublata principali obligatione, subsistere non potest accessoria *d. l. in omnibus ff. de solut.* At vero quoties reus principalis eximitur ab obligatione, & adhuc durat ejus obligatio, non liberantur fidejussores, quia horum obligatio adhæret obligationi principali, quæ adhuc subsistit, licet exemptus sit, atque subductus reus principalis *d. l. ult. & d. l. Uranius ff. de fidejuss.*

Dicam quod sentio, fatebor tarditatem meam. Non intelligo, qui fieri possit, ut eximatur debitor ab obligatione, & subsistat ejus obligatio. Neque enim potest esse obligatio, ubi nulla est persona, quæ sit obligata *l. quærit 14. in fin. ff. de novat.* Annon obligationum substantia in eo consistit, ut aliquem nobis obstringat ad dandum, vel faciendum? *l. obligationum substantia in princ. ff. de oblig. & action.* Ergo si nemo sit obstrictus, deficiet substantia obligationis, ac propterea etiam ipsa obligatio. Annon obligatio est Juris vinculum, quo necessitate quis adstringitur? *princ. tit. Inst. de oblig.* potestne fieri, ut super sit vinculum, quo quis adstrictus sit, si ille non sit adstrictus? at hæc sunt agentia, & negantia. Quid? quod, ut Philosophi omnes docent, non potest esse qualitas sine subiecto, cui inhæreat. An potest esse servitus, nisi sit aliqua res, vel persona, quæ serviat, cuique servitus inhæreat, atque affixa sit? minime vero: sublato corpore necesse est tolli Jus, quod ipsi inhærebat *l. 2. ff. de usufr. l. 3. C. eod. l. 8. §. 3. ff. de liber. leg. §. 3. Instit. tit. de servitut.* An potest esse dominium alicujus rei, nisi sit aliquis ejus dominus? Ne hoc quidem. Igitur nec obligatio potest subsistere, nisi aliquis sit obligatus.

Neque confirmat eorum sententiam *d. l. ult. ff. de duob. reis*. Neque enim ignoro, aliquando eximi debitorem ab obliga-

tione, licet obligatio ipsa non intereat: sed id solummodo potest evenire quandoque exempto, subductoque debitore, alia subest persona, cui possit coherere, atque inniti obligatio. Accidit id duabus in causis. Prima est, quando alius debitor succedit, & substituitur in locum debitoris exempti. Exempla sunt hæc. Hæres fidejussorem accepit a debitore hæreditario, postea restituit hæreditatem fideicommissario: eximitur ab obligatione hæres, sed quia in ejus locum substituitur fideicommissarius, idcirco non perit ejus obligatio, nec fidejussores liberantur *l. hæres 21. in princ. ff. de fidejuss.* Alterum sit hujusmodi. Debitor principalis deportatus est, ejusque bona fiscus occupavit. Deportatus eximitur ab obligatione *l. 2. & 3. ff. de sen. pass. l. servus 30. ff. de oblig. & action. l. tutelæ 7. §. ult. ff. de cap. minut.* Sed tamen non extinguitur ejus obligatio, nec fidejussores liberantur *l. 1. & l. sententia 20. C. de fidejuss.* quia in ejus locum subrogatur fiscus, qui successoris loco habetur, ejusque obligationibus obstringitur. *l. 2. C. ad leg. Jul. de vi publ. l. si ut proponis. §. C. de bon. proscript. l. si ademptis §. C. de sentent. pass. l. si marito 31. in princ. ff. solut. matrim. l. 2. C. eod. l. si tutor 9. §. sed etsi fuerit ff. de tutel. & ration. distr. l. 2. §. ult. ff. de alim. legat. l. in factis 60. in fin. ff. de condit. & dem.*

Secunda causa est, quando plures sunt debitores ejusdem rei: tunc enim unus ex illis ab obligatione eximi potest, non extincta ipsa obligatione, manet enim alter obligatus, & ideo subest persona, cui inhære possit obligatio: quemadmodum accidit in adducta *l. ult. ff. de duob. reis*. Ibi duo erant rei: si alter ex his deportetur; non extinguitur obligatio, quia subsistit in altero reo, & solus eximitur atque subducitur ab obligatione deportatus. Quapropter obligatus est etiam fidejussor, non quidem pro deportato *l. si debitori 47. in princ. ff. de fidejuss.* sed pro altero reo, qui manet obligatus, & in

in quo subsistit pristina obligatio; est enim duorum reorum una tantum obligatio *l. in duobus 3. in fin. ff. de duobus reis.*

- At vero in casu nostro, in quo unus dumtaxat est reus, non potest ipse eximi ab obligatione, quin ipsa obligatio extingatur: neque enim superest ulla persona, cui possit inhxere. Et hanc differentiam indicat Paulus in *l. Uranius*
 1671. *ff. de fidejuss.* ubi ait, quod si unus sit debitor principalis, eique succedat creditor, non est dubitandum, tolli obligationem principalem, & cum ea etiam fidejussoriam: at vero quando duo sunt debitores, & creditor uni succedit, eximitur ab obligatione ejus persona, & subsistit obligatio in altero reo, & ideo nec fidejussor liberatur. Perperam igitur ex *d. l. ult. ff. de duob. reis* deducitur argumentum, quia ibi duo sunt rei, cum in casu nostro sit unus. His animadversis, facile possit definiri, quandonam confusio debitorem eximat ab obligatione, quando ipsum liberet solutionis potestate, in qua questione mirum in modum se torquent Interpretes nostri. Sed de hac fortasse alias opportunius: ad argumentum propositum revertamur. Puro, verissimum est,
 1717. quod quidam existimant, restitutionem in integrum non prodesse fidejussoribus, quia non omnino liberat minorem ab obligatione. Quoties reus principalis aliquo modo manet obligatus, vel
 18 solum naturaliter, non liberatur fidejussor *l. ubicunque 60. ff. de fidejuss.* nam etiam ab initio naturali obligationi potest accedere fidejussor. *l. stipulatus 6. in fin. & seq. ff. cod. tit.* igitur fidejussor etiam post restitutionem minoris manet obligatus, quia minor per restitutionem non liberatur ab obligatione naturali. Restitutionem enim concedit Prætor, qui naturales obligationes tollere non potest *l. eas obligationes 8. ff. de capit. min.* cum Naturalia Jura mutari, subvertique non possint §. *pen. Inst. tit. de Jure Nat. Gent. & Civil. Inst. tit. de legiti. agnat. tut. in fin. l. ubi pugnancia 188. §. 1. de Reg.*

Jur. l. 1. §. 1. ff. de usufr. ear. rer. & cum naturalis obligatio nascatur ex fide, quam præstitit minor in contrahendo, l. cum amplius §. 1. ff. de Reg. Jur. non potest Prætor efficere, ut præstita non sit fides, quæ vere præstita est *l. in bello §. facti ff. de capt. & possim.*

Sed videntur hæc omnia facile convelli posse hoc argumento. Naturalis obligatio æquitate nititur *l. Stichum 95. §. naturalis ff. de solution.* sed restitutio a Præatore conceditur ex æquitate *l. 1. in princ. ff. de minor. l. Divus Antoninus 7. ff. de integr. restit.* ergo vinculum, quo minor obstringitur, caret naturali æquitate, ac proinde etiam naturali obligatione. Neque enim naturalis æquitas contraria potest suadere, & ut sit obligatus, & ut non sit obligatus.

Ad hoc respondetur, quod etsi una sit, atque eadem naturalis æquitas, tamen non semper eodem modo æstimatur, & ideo aliud, atque aliud potest suadere. Aliquando æquitas æstimatur ad merum Jus Gentium; interdum cum præceptis Civilibus, & Prætoriiis, neque idem suadet hoc vel illo modo æstimata: ut optime ad rem nostram notat Tryphonius²⁰ in *l. bona fides ff. de positi.* si naturalem æquitatem æstimemus ad Jus Gentium, utique minor est naturaliter obligatus, cum fidem dederit intelligens id, quod agit, neque ab adversario deceptus sit *l. cum amplius §. 1. ff. de Reg. Jur. l. 1. ff. de pacti. l. 1. ff. de constit. pecun.* si vero naturalem æquitatem æstimemus cum præceptis Civilibus, & Prætoriiis, suadet restitutionem in integrum, cum & Jus Civile, & multo magis Prætor tutelam minorum suscepit, & miscreatur eorum imbecillitatis, quæ multis captionibus est obnoxia. *d. l. 1. in princ. ff. de minor.* Sed hoc non impedit, quominus minor naturaliter maneat obligatus: nam æquitas²¹ illa accommodata Regulis Civilibus, ac Prætoriiis, hoc solum suadet, ut Prætor opem ferat læsis, quorum tutelam succipit, ut eos a damno eximat, & reddat im-

immunes, quod efficitur restitutione in integrum, etiam si minor maneat naturaliter obligatus, cum hæc obligatio ipsi non noceat. Cum autem Prætor tutelam minorum susceperit, non fidejussorum: idcirco de eorum fidejussoribus non curat, dummodo non noceat ipsis minoribus. Non multo dissimilis est ratio pupillorum. Pupillus pûbertati proximus, hoc est, doli capax, contrahendo sine tutoris auctoritate naturaliter obligatur *l. hoc jure 19. §. si quis servo ff. de donat. l. si pupillus 21. in princ. ff. ad Leg. Falc. l. si ejus 64. in princ. ff. ad S. C. Trebell. l. cum illud 25. §. 1. ff. quoniam dies legat. ced. l. ult. in princ. vers. nam si ff. de jurejur. l. Stichum 95. §. aditio ff. de solut. Verum quia Jure Civili constitutum est, ne pupillus sine tutoris auctoritate conditionem suam facere possit deteriore*

22 *princ. tit. Inst. de auct. tutor. idcirco Jus Civile impedit omnes effectus hujus obligationis, qui afficerent personam ipsius pupilli, eique nocerent, cujusmodi sunt retentio, & compensatio. Quo factum est, ut cum hæc obligatio personam pupilli non afficiat, & quoad eam sit prorsus inutilis, aliquando dicatur pupillus nec naturaliter quidem obligatus l. quod pupillus 41. ff. de condit. indeb. l. pupillus ff. de obligat. & alion. non impedit tamen Jus Civile, quominus hæc obligatio noceat accessionibus, noceat fidejussoribus l. Stichum 95. §. aditio ff. de solut. l. 1. in fin. ff. de novat. l. si pupillus 127. ff. de verb. obl. Quapropter pupillo ab omni periculo substracto, fidejussor ejus recte obligatur d. l. si pupillus. sic Prætoris factis fuit per restitutionem in integrum a periculo damnoque obligationis subtrahere minorem, cujus tutelam susceperat: ceterum de fidejussoribus ejus non curat l. in causa 13. vers. in summa ff. de minorib. & ideo obligatio naturalis minoris etsi vires suas non exerat contra personam minoris impediende Prætor; exoritur tamen contra ejus fidejussores, & accessiones.*

Tom. I.

Hæc omnia confirmamus exemplo mulieris. Mulieribus intercedentibus subvenit S. C. Vellejanum eadem de causa, qua Prætor subvenit minoribus, hoc est 23 propter earum imbecillitatem, quia multis casibus suppositæ sunt l. 2. §. verba ff. ad S. C. Vell. junctis l. 1. in princ. ff. de minor. & eadem æquitate suadente d. l. 2. §. 1. ibi, & ejus generis obligationibus obstringi non sit æquum. Atqui certum est, mulierem intercedendo naturaliter obligari, nam & novat obligationem l. 1. §. ult. l. si mulier 14. & l. ult. §. pen. ff. eod. & pro ea fidejussores obligantur, licet eorum quoque obligatio improbetur l. si mulier 16. §. ult. ff. eod. Igitur si naturalis æquitas, qua mulieris obligatio improbat, non impedit, quin mulier naturaliter obligetur: nec impedienda debet, quin obligati sint naturaliter minores, licet naturali æquitate restituantur.

Et sane cum minor restituitur, etiam si in rebus venditis sit navus, & industrius, etiam si sit Decurio, sit Consiliarius l. 2. C. de integ. rest. min. l. 1. C. qui & advers. quos: etiam si ad confirmandum ejus actum accesserit curatorum consensus, decretum Judicis, Magistratus auctoritas l. 1. & 4. C. si advers. rem jud. l. 2. C. de fidejuss. min. l. 1. & toto tit. C. si tutor vel curator l. ult. C. de fil. fam. min. quis possit dubitare minorem tam expertum, ex actu tanto consilio, tanta auctoritate gesto naturaliter obligari? An dicemus hunc non intellexisse id, quod ageret? Itaque in hac restitutione constat, 26 potius factum læsionis spectari, quam facti rationem, & diligentiam, & experientiam minoris l. 1. C. qui & advers. quos l. 1. §. apparet cum seq. ff. de minor.

E c

CA.

CAPUT XI.

AD L. DEBITOR 59. IN PRINC.

*ff. ad S. C. Trebell. & l. cum quis
38. §. ult. ff. de solution.*

SUMMARIUM.

- I. Quando confusione tollitur obligatio.
- II. Debitoris, & creditoris item architeris, & fidejussoris persona distincta esse debent.
- III. Quando confusio habeat vim solutionis: aut solum eximat ab obligatione debitorem, & non seque.
- IV. Explicatur l. heres 21. in fine ff. de fidejuss.
- V. Cum unus tantum est debitor, confusio habet vim solutionis.
- VI. Confusio non habet vim solutionis ex aequitate, sed ex quadam necessitate.
- VII. Confusio tollit obligationem etiam quoad pignus.
- VIII. In omnibus speciebus liberationem pignus tollitur, sive ipse Jure, sive ope exceptionis debitor liberetur.
- IX. Pignus manet obligatum quando superest naturalis obligatio.
- X. Cum creditor causa cecidit plus petende, vel lapsu temporis actione submotus est, pignus non liberatur.
- XI. Confusione tollitur etiam naturalis obligatio.
- XII. Qui cogitur adire, totam restituit hereditatem.
- XIII. Semel heres semper heres.
- XIV. Quando remaneat obligatio naturalis non obstat confusio.
- XV. Subtilitas Juris tollitur confusione obligatio fidejussoria.
- XVI. Pacto de separationem bonorum fidejussoris, non obstat confusio.
- XVII. Obligatio pignoris trahitur de casu ad casum: explicatur exemplis.

O Stendimus supra quando debitor eximi possit ab obligatione, non sublata ipsa obligatione. Ea, quæ ibi diximus, lucem præferre possunt obscuræ quæstioni de confusione obligationum. Confusione tollitur obligatio, cum duæ personæ, quas in obligatione distinctas esse oportet, in unam coeunt per successionem. Itaque cum debitor, & creditor distincti esse debeant, nec possit quicquam sui ipsius debitor, aut creditor esse

l. si ei cui in princ. ff. de evict. l. cum filiosam. 11. vers. ipsi vero ff. de legat. 1. si per successionem concurrat in eandem personam utriusque persona, confusione tollitur obligatio l. sicut 75. l. Stichum 95. §. aditio ff. de solut. & alibi passim. Item cum distinctæ esse debeant personæ debitoris, ac fidejussoris, ac nemo pro se ipso fidejussor esse possit l. heres 21. §. servo tuo. in fin. ff. de fidejuss. ideo si per successionem hæc duæ personæ in unam coeant, tollitur obligatio fidejussoria, quoties plenior est obligatio principalis l. si duo 93. in fin. l. Stichum 95. §. aditio ff. de solut. l. debitori 30. in fin. ff. de fidejuss. l. heres 21. §. servo tuo ff. de fidejuss.

Quæritur autem, quandom hæc confusio solutionis habeat potestatem. Aliquando enim hæc confusio debitorem eximit ab obligatione, aliquando solutionis potestate tollit omnem obligationem. Equidem sic existimo: confusione eximi debitorem ab obligatione, neque enim alia de causa tollitur obligatio, nisi quia deficit persona debitoris, cum idem homo, & creditoris, & debitoris personam gerere non possit, & sui ipsius esse debitor. Quia vero exemplo debitore aliquando permanet obligatio, aliquando vero omnino extinguitur: primo casu manente obligatione solum reus eximitur, atque subtrahitur, nec habet potestatem solutionis confusio: secundo casu potestatem solutionis habet, quia tollitur omnis obligatio, sicut tollitur solutio *princ. tit. iust. quib. mod. toll. oblig.* Itaque quod habeat, vel non habeat vim, & potestatem solutionis ex eo pender, num potuerit eximi reus manente obligatione, vel non potuerit. Et hoc indicat J. C. in l. heres 21. in fin. ff. de fidejuss. ubi ait, quod cum post confusionem factam inter creditorem, & fidejussorem maneat debitor principalis obligatus, non potest dici solutionis potestate sublata obligationem. Potest autem, ut supra diximus, quoties plures sunt debi-

bitores ejusdem rei. Quando vero unus est tantummodo debitor, eo exempto, necesse est tolli totam obligationem, quia nulla superest persona, in qua consistere possit obligatio. Quo fit, ut si plures sint debitores ejusdem rei, confusio non habeat vim solutionis, quia uno exempto, ceteri manent obligati. Ac propterea si duo sint rei debendi, & creditor uni ex illis succedat, eximitur ille reus ab obligatione, non solutionis potestate tollitur obligatio *l. Uranius 71. vers. sed cum duo rei ff. de fidejuss.* Item si fidejussor debitori hæres exillat, confusio non habet vim solutionis; manet enim obligatus tamquam principalis *l. si duo 93. in fin. ff. de solut.* cum aliis, quas supra adduximus. Imo si duo erant debitores, manet etiam obligatus tamquam fidejussor alterius, cui non successit *l. heres §. cum tu ff. de fidejuss.* Denique si fidejussor creditori succedat, eximitur ab obligatione fidejussor, sed reus principalis manet obligatus *l. Uranius 71. vers. quod si creditor. l. heres 21. §. quod si, & §. ult. ff. de fidejussor.* his igitur in causis non habet potestatem solutionis confusio, quia plures erant debitores ejusdem rei, & potest unus ita eximi, ut non extinguatur omnis omnino obligatio. Atque idem dicendum, quando alius in locum exempti debitoris potest subrogari. Nam, ut supra diximus, etiamsi unus sit debitor, potest tamen eximi ab obligatione, si alius in ejus locum substituitur, ac subrogetur, in quo consistere possit obligatio, ut accidit in *l. 2. §. cum quis, & in l. si hæreditem ff. de hered. vel ast. vend. & in l. quod bonis ff. quod avus ff. ad Leg. Falcid.*

At vero quando unus tantummodo debitor est, cum, eo deficiente, nemo superest, in cujus persona subsistat obligatio, utique ea funditus tollitur, quemadmodum tollitur solutio, aut compensatione, ut in *l. que dotis 33. ff. solut. matrim. in l. debitori 50. ff. de fidejuss. l. si 75. ff. de solut. l. si id quod 21. §. 1. ff. de liberat. legat.* Et ita nos monet

Paulus in *l. Uranius ff. de fidejuss.* ubi ait, quod si unus tantum sit debitor, eique successerit creditor jure solutionis, tollitur obligatio: secus autem si duo fuerint debitores. Nec obstat, quod jure solutionis tollatur, etiamsi intercesserint fidejussores, ac mandatores; & proinde plures sint debitores ejusdem pecuniæ *l. Uranius & l. heres 21. §. quod si, & l. si Stichum 38. ff. eod. tit.* Nam facile responderetur, quod licet plures sint debitores, tamen cum non possit eximi debitor principalis, quin liberentur etiam fidejussores *l. in omnibus ff. de solut.* perinde est, ac si unus esset debitor, quia, hoc exempto ab obligatione, necesse est, ut tota extinguatur obligatio; ac proinde solutionis vim obtinet exemptio, atque confusio. Unde nostra sententia potius confirmatur. Ex his constat, confusionem habere vim solutionis non ex æquitate, sed quadam necessitate: quia cum unus est debitor, & subtracto, necesse est omnino tolli obligationem: quemadmodum tollitur solutio.

His præmissis examinemus oportet, quod putant Viri doctissimi, confusionem vim solutionis non habere quoad pignus, eum per confusionem principalis obligationis pignus non liberetur, sicut liberatur fidejussor. *l. debitor 59. in princ. ff. ad S. C. Trebell. l. cum quis 38. ff. de solut.* quia pignoris causa continet hanc conditionem, ut non liberetur, nisi pecunia soluta sit, aut alio modo satisfactum creditori *l. grege 13. §. etiam ff. de pignor. facit text. in l. ex sextante. pen. in fin. ff. de except. rei judic.*

Ego vero numquam adduci potui, ut crederem, extincta penitus principali obligatione, durare obligationem pignoris, cum contrarium nominatim traditum sit in *l. in omnibus 43. ff. de solut.* & hæc in re comparatur pignus fidejussori *d. l. in omnibus*. Præterea certum est, omnibus speciebus liberationum pignus extingui, sive ipso jure liberetur debitor, sive ope exceptionis. Non dico de solutione, &

compensatione, de quibus nemo potest dubitare: sed & novatione pignora tolluntur *l. novatione 18. ff. de novation. l. solutum 11. §. si quasi ff. de pign. act.* item acceptilatione *d. l. solutum.* pacto de non petendo *l. si tibi §. de pignore ff. de pact. l. 5. §. 1. ff. de pign. iurejurando*, & re iudicata, *l. si deferente. in princ. & in fin. ff. quib. mod. pign. vel hyp. solv.* licet in plerisque causis nulla sit satisfactio creditoris. Denique, si posset pignus sine ulla principali obligatione subsistere, cur tam sollicitè quæreret de naturali obligatione Paulus in *l. debitor 59. ff. ad S. C. Trebell.* Aliis argumentis hæc sententia perspicue posset demonstrari, sed non est hic locus opportunus.

Veniamus ad *d. l. debitor 59. in princ. ff. ad S. C. Trebell.* Dico, pignoris obligationem in ea lege non tolli, quia superest naturalis obligatio, cui adheret: ut ostendit J. C. illis verbis *remanet ergo propter pignus naturalis obligatio*: quæ modo explicabimus. Idem ostendit J. C. exemplo illo, *quemadmodum cum amissa est actio propter exceptionem*: quo casu dubitandum non est, superesse naturalem obligationem; hæc enim verba referri non possunt ad eum, qui tutus sit aliqua ex illis exceptionibus, quas supra numeravimus, hic enim tutus est eadem exceptionione etiam quoad pignus, ut diximus. Referuntur igitur ad eum, qui plus petendo causa cecidit *§. si quis 33. Inst. tit. de action.* quo casu pignus pericverat. *l. servum 27. ff. de pign.* aut qui tempore actionem amisit *l. qui occidit 30. §. 1. ff. ad Leg. Aquil.* Quo referenda etiam fortasse est *l. 2. C. de luit. pign.* nam & in hac agitur de actione submota, quod accidit, quoties quis definit esse obligatus civiliter, manet tamen obligatus naturaliter; tuhc enim vere submoveretur actio, non tollitur penitus obligatio. Cum igitur illis casibus debitor subtilitate Juris liberatus maneat obligatus naturaliter, etiam in casu *d. l. debitor*, manebit naturaliter obligatus, cum casus hic dicatur esse si-

milis illis. Adde quod in *d. l. solutum* repeti non potest, quod certissimum est argumentum naturalis obligationis *l. naturales 10. ff. de oblig. & act. l. quia naturalis ff. ad S. C. Maced. l. si non sortem 26. §. libertus l. si quod 64. ff. de condit. indeb.* Cum igitur hæres maneat naturaliter obligatus, pignus debet perseverare *l. questum 14. §. 1. ff. de pignor.*

Non extinguitur autem naturalis obligatio in *d. l. debitor*, quia licet confusione soleat extinguì etiam obligatio naturalis, ut probari potest ex *l. frater a fratre 38. ff. de condit. indeb. & ex l. ha-11 res 21. §. quod si ff. de fidejuss.* tamen in *d. l. l.* non extinguitur, quia coactus hæres adiit hæreditatem; ac proinde statim totam restituere cogitur *l. 4. l. nam quod 14. §. qui compulsus l. ita tamen 27. §. 12 qui suspectam, & §. si præceptis l. si postum 55. §. quid ergo ff. ad S. C. Trebell.* Non est autem æquum, ut amittat jus suum, qui hæreditatem accepit invitus, ut statim restitueret: neque enim videtur capere, qui cogitur alii restituere *l. non videtur capere ff. de Reg. Jur.* obligatio autem naturalis sola æquitate nititur *l. Stri-13 ctum 95. §. naturalis ff. de solut.* Et licet, qui semel fuit hæres, sit semper hæres *§. restituta 3. Inst. tit. de fideic. hered. l. ei qui 88. in fin. ff. de hered. insti.* tamen hoc inductum est ratione Juris Civilis, quæ naturalem non tollit obligationem.

Observanda autem sunt illa verba Jurisconsulti: *remanet ergo propter pignus naturalis obligatio.* Nam licet hæc obligatio naturalis in quibusdam causis a Jure Civili non consideretur, & sit inutilis; tamen quoad causam pignoris remanet, & utilis est: cum pignus nitatur æquitate prætoria, a quæ actionem obtinet *§. item Serviana Inst. tit. de action.* & passim. Prætor autem subtilitatem Juris insuper habet, & solam æquitatem spectat. Exemplis afferendis superse demus; sunt enim trita ac pervulgata: unum tamen omittere non possum. Prætor ex æqui-

æquitate concedit creditoribus separationem bonorum. *l. 1. ff. de separat.* si debitor fidejussori suo hæres existat, confunditur obligatio, & fidejussoria tollitur a principali, ut initio diximus. Sed hoc fit subtilitate Juris, quod major minorem tollat, *l. 3. in princ. ff. de separat.*

15 Neque enim naturaliter repugnat, eundem teneri & principali, & fidejussoria obligatione *l. hæres 21. §. servo tuo ff. de fidejuss. l. Stichum 95. §. aditio ff. de solut.*

16 Igitur cum sola Juris Civilis ratione sit constitutum *l. 3.* manet naturalis obligatio fidejussoria, quæ etsi a Jure Civili non consideretur, & pro nulla habetur; tamen consideratur a Præatore, qui solam æquitatem intuetur, & dat separationem bonorum fidejussoris, quemadmodum si non esset sublata fidejussoris obligatio *l. 3. in princ.* Non aliter in casu nostro manet naturalis obligatio propter pignus, quia obligationem naturalem Prætor tuetur dando, actionem hypothecariam, quæ obligatio alioquin a Jure Civili nihili poneretur.

17 Superest text. in *l. cum quis 38. §. ult. ff. de solut.* Observandum est, quod licet fidejussoris obligatio, quæ stricti Juris est, non trahatur, ut ajunt, de casu ad casum; trahitur tamen obligatio pignoris. Itaque quories pignus accessit alicui obligationi, quæ contracta sit alterius obligationis gratia, pignus tenetur etiam pro hac obligatione, licet huic non accesserit. Elegantissimum exemplum proponitur in *l. ult. ff. in quib. caus. pign. tac. contrab.* Aliud exemplum est in *l. solutum 11. §. solutam. vers. plane ff. de pign. actum.* ubi investita & illata a secundo conductore tenentur pignori etiam pro obligatione primi conductoris, quatenus tamen secundus conductor conduxit. Constat autem, ibi teneri etiam pro obligatione primi conductoris, quia perperam dubitaret, & conjecturis probaret Jurisconsultus, non teneri in universam pensionem, si tenerentur solum pro conductione secundi conductoris, qui solum

partem conduxit. Simile est exemplum, quod proponitur in *l. cum quis 38. §. ult. ff. de solut.* Etenim cum & obligatio fidejussoria, & obligatio pignoris a fidejussore constituti contractæ sint contemplatione principalis obligationis, & ad eam magis, ac magis confirmandam, licet pignus non accesserit obligationi principali, sed fidejussoriz, tamen sublata obligatione fidejussoria ex sola Juris subtilitate, tenetur pro obligatione principali.

Possent etiam responderi eodem modo, quoad superiorem legem. Nam cum inter hos confundatur obligatio sola ratione Juris Civilis *l. 3. ff. de separat.* remanet naturalis obligatio, quæ licet nihil fiat a Jure Civili; consideratur tamen a Præatore in pignore, ut diximus.

CAPUT XII.

AD L. I. ff. QUI POTIOR IN

pign. & *l. 2. C. de lit. pign. & alias.*

SUMMARIUM.

- I. Pignoris obligatio non nascitur sine principalis obligatione: late probatur.
- II. Hypotheca liberorum in bonis patris incipit a descripta administrationis: & quare non seqq.
- III. Revertuntur varie sententiae, & resolluntur.
- IV. Unica est patris administrantis obligatio: eaque ab initio.
- V. Cujusmodi sit hæc obligatio.
- VI. Futura & konvensionali obligationi recte pignus accedit, & quare?
- VII. Similia exemplo afferuntur.
- VIII. Pignus pro dote restituenda tenetur etiam ante numerationem, & quare?
- IX. Pignoris obligatio revertitur simul cum principali obligatione.
- X. Cunctio quando revertitur, vel non?
- XI. Dissert deus ab aliis contrahentibus quoad revertendam conditionem numerationis.
- XII. Mulieris interest dotem marito numerari.
- XIII. In legatis cunctio non revertitur.
- XIV. Hæres satisfat in legatis conditionalibus.
- XV. Si legatum corruat, evanescit satisfactio, & ipsum sequitur, & quomodo.
- XVI. Simul conditio legati, & satisfactio; & quando id accidat.
- XVII. Explicatur *l. 2. C. de lit. pignoz. & non seqq.*

XVIII.

XXIII. *Pignoris causa est individua.*

XXIX. *Pignus datur subiecta actione personali, non extincta obligatione.*

XX. *Subiecta actione per lapsum temporis, datur pignus, & quare?*

XXI. *Imo potest etiam de novo constitui.*

XXII. *Explicatur l. solutum §. solutam ff. de pign. act.*

XXIII. *Inventa a secundo conductore tenentur pro obligatione primi conductoris, & quare?*

XXIV. *Explicatur l. si rem §. 1. ff. de pign. act.*

XXV. *An, & cur pignus possit dari pro iis, que prestantur officio Iudicis. Explicatur id variis exemplis.*

XXVIII. *An cedi possit hypotheca sive principali obligatione.*

Diximus alias, neque obligationem fideiussoris, neque obligationem pignoris sustineri posse, sublata penitus & extincta principali obligatione. Sicut enim ruunt ædificia, subductis fundamentis, & vites decidunt, subtrahitis pedamentis; ita corrumpunt hæ obligationes, sublata principali obligatione, cui innitebantur. Sunt hæ obligationes bederæ similes: principalem obligationem sequuntur; ipsi tenaciter hærent; ea sulciuntur; ea subducta confestim intercidunt. *l. cum principalis ff. de R. J.* Quo fit, ut nec possint contrahi sine principali obligatione, a qua sustineantur. Frustra igitur pignus contrahitur, si nulla subsit principalis obligatio, cui innitatur. Itaque si spe futurae numerationis, cautionem emisero, & pignus dederò; pignus non obligatur, si postea numeratio pecunie non intervenierit *l. 1. & 2. C. si pign. convent. num. pecun.* Si pater ab hærede pignus accepit ex causa legati conditionalis filio relicti; pignus non tenetur, si conditio legati existat, postquam filius a patria potestate liberatus est *l. si legati 28. ff. de pign.* quia pignus patri datum est, cui nulla principalis obligatio per filium acquiritur, qui non est sub patria potestate eo tempore, quo conditio existit, hoc est, quo nascitur obligatio: nam in legatis conditio non retrahitur, sed spectatur tempus existentis conditionis, quo tempore dies legati cedit. *l. si post diem 5. §. ult.*

l. si usufructus 14. §. ult. ff. quando dies leg. ced. secus effect in contractibus, argum. text. in l. potior §. 1. ff. qui potior in pignor. quia obligatio ex contractu patri acquiritur, etiam si conditio existat eo tempore, quo filius liberatus est a patria potestate, *l. si filiusfam. 78. ff. de V. O. l. que legata 18. in fin. ff. de Reg. Jur.* quia in contractibus spectatur tempus contractus, non existens conditionis *l. non omne 144. ff. de R. J.* Item si quis promiserit, se daturum mihi, aut Titio, nihil agit dando pignus Titio, cui non est obligatus *l. sed et si §. 1. ff. de const. pecun. l. cum, qui ita 56. §. qui sibi ff. de V. O.* Quamobrem in pignore recte contrahendo hoc primum oportet observare, an subsit aliqua principalis obligatio, cui possit pignus accedere, eaque quasi quoddam fulcimento sustineri.

Verumtamen sæpenumero occurrunt in Jure nostro pignorum obligationes, quæ videntur contractæ sine ulla principali obligatione, cui possint inniti, de quibus accurate differendum est. Ac primum cum liberi in bonis parentis, administrantis eorum bona adventitia, tacitam habeant hypothecam, & dubitaretur, quo tempore incipiat hæc tacita hypotheca; statuit Justinianus incipere a die susceptæ administrationis *l. cum oportet §. ult. C. de bon. que liber.* & tamen principalis obligatio nasci non videtur nisi a die damni dati, eoque tempore, quo pater male rem gessit. Quare bona patris jure pignoris obligata sunt eo tempore, quo nondum nata est principalis obligatio.

Sed ego puto, saluum esse, quod assumitur: ac verissimum existimo, principalem obligationem initio nasci a die susceptæ administrationis. Enimvero hac de re inter doctissimos homines est magna dissensio. Bartholus enim, & cum eo plerique putant, obligationem nasci tempore rei male gestæ; sed tamen cum pater administrationem suscipiendo quasi contrahat §. 1. *Inst. tit. de oblig. que quasi ex contr. l. ait Prator ff. de negot. gestis*, statim

tim nascitur obligatio pignoris, quæ et si nasci non possit, antequam celebretur contractus principalis obligationis; tamen nasci potest antequam oriatur principalis obligatio.

Baldus autem, & Salicetus duas constituunt obligationes, quibus filio pater obstringitur: alteram primævam & generalem, quæ incipit a die susceptæ administrationis: alteram secundariam ac specialem, quæ pater obstringitur ex mala administratione.

4 Ego vero contra sentio, unicam esse obligationem, eamque nasci initio a die susceptæ administrationis. Nemo enim ignorat, eos, qui aliena negotia suscipiunt administranda, obligari illis, quorum negotia administrant, & hanc obligationem ex quasi contractu nasci, si nullum mandatum intervenierit. §. 1. *Instit. tit. de oblig. que quasi ex contr. l. 5. in princ. ff. de obl. & act. l. 3. & 101. tit. ff. de negot. gest.* Hæc autem obligatio initio nascitur, cum quasi contractus similis sit contractui; & sæpenumero in Jure nostro contractus appellatur *l. sed & cum aliquis 16. ff. de negot. gest. l. contractus 23. ff. de Reg. jur.* & in hoc quasi contractu spectandum sit initium, quemadmodum spectatur in contractibus *l. Pomponius 15. l. sed & cum aliquis 16. ff. de negot. gest.* Consequens est igitur, ut initio etiam pignus obligetur.

Atque, ut hoc apertius demonstremus, naturam hujus obligationis attentius inspicimus. 5 Omnis obligatio, aut in dando consistit, aut in faciendo. *l. stipulationum, in princ. l. obligationum substantia 3. in princ. ff. de oblig. & act. §. ult. Instit. tit. de V. O.* His additur obligatio mixta, quæ partim in dando, partim in faciendo consistit *l. veteris C. de cont. & commit. stip.* In obligationibus dandi statim debitor tenetur ad dandum: in obligationibus faciendi statim tenetur ad faciendum. Illud in his est singulare, quod si non fecerit elapso tempore, quo facere potuit, tenetur in pecuniam numeratam: hoc est, in id, quod creditoris interest, cum non

fecisse, quod facere debebat. *l. si quis ab alio. §. ult. ff. de re judic. l. si pnam. l. quoties quis. l. stipulationes non dividuntur. l. si quis stipulatus 112. ff. de V. O. l. 1. ff. de act. empt. l. ult. ff. si quis in jus voc. non ier.* Hujus generis est obligatio, de qua agimus, videlicet obligatio faciendi, aut mixta. Quia aliena negotia suscipit administranda, confestim obligatur ad faciendum omne id, quod in utilitatem Domini geri potest: obligatur ad administrandum diligenter, & ex bona fide. Quamobrem non solum tenetur, si damnum dederit gerendo id, quod geri non debebat, sed etiam si omiserit id, quod geri potuit *l. si pupilli 6. §. ult. ff. de negot. gest.* Quid ita? quia ad id faciendum erat obligatus: omnia enim facere debet, quæ vergunt in utilitatem, & commodum ejus, cujus negotia suscipit: propterea tenetur etiam de omissione, & condemnatur in pecuniam numeratam, nempe in omnem utilitatem, quæ ex facto percipi potuit, ut in aliis faciendi obligationibus *l. si pecuniam pen. ff. si quis cautionem. l. si quis ab alio. in fin. ff. de re judic. §. 1. Instit. tit. de oblig. que quasi ex contr.* Ex his apparet, qui fiat curator, & administrator non teneantur, nec adstringi possint ad solvendum, si recte administraverint. Hoc enim non ideo fit, quod initio non essent obligari, vel quod solum ex mala administratione nascatur obligatio: sed quia recte administrando satisfecerunt obligationi, & ab ea liberati sunt. Qui enim obligatus est ad dandum, ab obligatione liberatur dando, quod debet: & qui obligatus est ad faciendum, liberatur faciendo id, quod facere debebat, cum solutione ejus, quod debetur, omnis tollatur obligatio *in princ. tit. Instit. quibus mod. toll. obl. l. si fidejussor ff. de condit. ind. l. si pupillus 21. in fin. ff. ad leg. Falc. l. in omnibus, cum seq. ff. de solut. l. creditori 5. C. de pact. nec aliud sit solutio, quam præstatio ejus, quod debetur. l. solutum 49. ff. de solut.*

Obligatur igitur pater a die susceptæ ad-

administrationis, non a die damni dati: & ideo a die susceptæ administrationis bona ejus sunt liberis obligata.

Alterum exemplum pignoris contracti sine principali obligatione proponi videtur in l. 5. vers. & siue ff. de pignor. ubi ait Juriscons. quod etiam futuræ obligationis potest pignus accedere: & in l. grege 13. §. si sub conditione ff. eod. ubi conditionali obligationi recte pignus accedit.

Sed facilius est & expedita distinctio. Accedit pignus & futuræ & conditionali obligationi: ita tamen, ut non ante pignus obligetur, quam principalis obligatio nascatur. De conditionali obligatione perspicue docemur in laudata l. 5. & in l. grege 13. §. si sub conditione ff. de pign. De futura obligatione testatur Paulus in l. 4. ff. quæ res pign. oblig. poss. ubi hujus rei proponit elegantissimum exemplum. Est autem hoc perpetuum in Jure nostro. Fidejussor obligari non potest, nisi principalis debitor sit obligatus. l. si de jussor obligari 16. ff. de fidejuss. l. qui contra 11. & l. si mihi 23. ff. eod. nihilominus potest accedere & futuræ & conditionali obligationi l. 6. §. ult. ff. de fidejuss. quia suspenditur ejus obligatio, quamdiu suspenditur obligatio principalis l. si debitori 47. §. ult. & l. fidejussor 37. ff. de fidejuss. Novatio fieri non potest, nisi præcedat obligatio, quæ novatur l. 1. ff. de novat. §. præterea Inst. quib. mod. toll. oblig. & tamen novari potest futura & conditionalis obligatio l. si Stichum §. 1. l. quoties 14. in princ. ff. de novat. quia pendet novatio, donec principalis obligatio nascatur, quæ per novationem extinguitur eodem momento, quo nascitur d. l. si Stichum §. 1. & d. l. quoties. in princ. ff. de novat. Constitui non potest nisi id, quod debetur. l. 1. §. 1. l. cum qui §. quod exigimus. l. balenus. l. item §. quod adjicitur ff. de const. pecun. Potest tamen constitui debitum conditionale, quia eadem conditione suspenditur l. id, quod sub conditione ff. eod. Acceptilatio pariter fieri non potest nisi de eo, quod

per stipulationem debetur. §. item per acceptilationem Inst. tit. quib. mod. toll. oblig. l. an inutilis §. acceptum ff. de acceptil. potest tamen accepto ferri etiam debitum conditionale, quia suspenditur acceptilatio, quamdiu pendet conditio: ea vero existente, debitor jam olim ab initio simul & obligatus, & liberatus fuisse videtur. l. si sub conditione 21. ff. de acceptil. l. sub conditione 16. ff. de solutionib. Eadem ratione pignus accedit & futuræ & conditionali obligationi, etiam si non possit sine principali obligatione subsistere.

Sed opponi potest, quod pignus accedens futuræ obligationi, statim obligatur, etiam si antequam nascatur principalis obligatio. Probatur id auctoritate l. 1. ff. qui pot. in pign. hab. ubi pignus a marito datum, pro securitate dotis restituentæ, tenetur statim etiam antequam dos marito fuerit numerata. Et tamen maritus non obligatur ad restituentam dotem, nisi post numerationem l. si ex cautione 3. C. de non numer. pecun. cum obligari ad restituentum non possit ille, qui non accepit l. qui pecunia n. 30. ff. de reb. cred. l. cum ultra C. de non numer. pecun.

Sed nullius momenti est hujusmodi argumentum. Non nascitur ibi obligatio pignoris ante principalem obligationem. Licet enim promissio restituentæ dotis non obliget ante numerationem, & pendeat a tacita conditione numerationis; tamen existente conditione numerationis, retrahitur obligatio ad tempus promissionis, perinde ac si eo tempore conditio extitisset l. necessario. 8. in princ. ff. de peric. & comm. rei vend. In contractibus enim id tempus spectamus, quo contrahimus l. non omne 144. §. 1. ff. de Reg. Jur. Itaque pignoris obligatio retrahitur, & initio nata fingitur, cum principalem sequatur obligationem l. qui balneum §. 1. & l. prior 11. §. 1. ff. qui pot. in pign. hab. quod & de acceptilatione traditum est in l. sub conditione 16. ff. de solut.

Sed obstat, quod licet conditio fortuiti.

10 tuita, quæ a casu pendet, retrahatur ad tempus initii contractus, tamen conditio arbitraria, quæ pendet a potestate debitoris, non retrahitur *l. qui balneum §. 1. ff. qui pot. in pign. bab. l. 4. ff. que res pign.* Atqui in potestate mariti est, dotem non accipere, & non accipiendo se ex præstita cautione non obligare *l. qui pecuniam 30. ff. de reb. credit. l. Titius 4. ff. que res pign. vel hypoth.*

11 Resp. multum interesse inter dotem, & mutuum, alioque contractus. In mutuo, & aliis contractibus conditio numerationis est arbitraria. Potest enim, qui promisit creditori futuro, se restitutum pecuniam, eam postea non accipere, eaque non accepta, inutilem reddere promissionem *d. l. qui pecuniam 30. ff. de reb. credit.* Nemini enim facit injuriam, sed oblato beneficio non utitur: quod omnino est in nostra potestate *l. si Juxta ff. de minor. l. invito ff. de Reg. jur.* quapropter in mutuo pignoris obligatio non retrahitur ad tempus promissionis, sed tunc nascitur, cum pecunia numeratur, quia conditio numerationis est in potestate debitoris *l. Titius 4. ff. que res pignor.* Non ita res se habet in dote. In hac conditio numerationis non est arbitraria: neque enim est in potestate mariti, dotem non accipere, & mulierem indotatam efficere; quoniam mulieres esse dotatas, & ipsarum mulierum, & Resp. interest *l. 2. ff. de jur. dot.* Itaque si maritus aut dotem non exegerit, aut promissorem liberaverit, ipse tenetur *l. vir ab eo ff. de jur. dot. l. penult. §. si vir socio ff. solut. matrim.* Quamobrem cum non sit in potestate mariti, dotem non accipere, conditio numerationis non pendet ab ejus potestate, & propterea retrahitur ad tempus promissionis.

Hujusmodi discrimen inter dotem, & mutuum indicavit Papinianus in laudata *l. 1. ff. qui pot. in pign. bab.* ubi ait, quod non probe dici potest esse in potestate mariti, ne pecuniam reddat, ut minus dotata mulier esse videatur. Quibus signi-

Tom. I.

ficat, quod cum in potestate mariti non sit pecuniam non accipiendo efficere, ne teneatur ad eam restituendam, observandum est tempus promissionis, non numerationis. Non est autem in potestate mariti non accipere, ne mulier minus dotata esse videatur. Ita recte meo iudicio verba illa interpretatur Accursius: a vero aberrat Cujacius, quia ea aliorum accipit. Subdit deinde Papinianus: *Alia causa est ejus, qui pignus accepit ad eam summam, quam intra certam diem numerasset, & forte prius, quam numeraret, alii res pignori data est.* En mutuum, in quo pignus non obligatur ante numerationem, quia sicut in potestate debitoris, pecuniam non accipere, & impedire conditionis eventum, ut perspicue explicat Paulus in *l. Titius 4. ff. que res pignor.*

Nec refragatur his, quæ diximus, quod in laudata *l. 1. ff. qui pot. in pign.* promissor dotis eam sibi reddi stipulatus erat; adeoque non intererat mulieris dotem a marito non accipi. Etenim plurimum nihilominus poterat mulieris interesse, dotem marito numerari. Quid enim, si promissor cavisset, dotem sibi reddi solum in aliquem casum, ut sæpenumero solet evenire? Quid? quod mulieres indotatæ a maritis facile contemnuntur, ac dimittuntur, *l. ult. C. ad S. C. Vellej.* Quid? quod soluto matrimonio potuit iterum eandem dotem promissori restitutam obtinere pro secundis nuptiis.

Sed rursus opponi potest, quod in legatis conditio non retrahitur ad tempus mortis *l. 12. cui 42. ff. de obl. & act. l. si mater §. eandem, in fin. ff. de except. rei judic. l. 1. §. servi appellatione ff. ad S. C. Syllaniam. l. si usufructus 14. in fin. ff. qu. dies leg. ced. l. si legati 23. ff. de pignor.* & tamen pignoris obligatio statim nascitur, etiam antequam existat conditio, hoc est, antequam principalis obligatio nascatur *l. qui balneum §. sed & si ff. qui pot. in pign. bab.*

Animadvertendum tamen est, in ea le-

F f

ge

gr non agi de obligatione legari, sed de obligatione conventionali. Neque ibi pignus accessit legato, sed stipulationi condicionali. In legatis enim conditionalibus hæres tenetur satisficere legatario: hoc est, legatario promittere per stipulationem, datis pignoriis, vel fidejussoribus *l. 1. in princ. & in §. 1. & toto tit. ff. ut legat. vel fideicom. nom. cavat.* & si hæres nolit satisfacere, mittitur legatarius in possessionem bonorum hæredis *l. 1. §. 1. & toto tit. ff. ut in possess. legator.* Supponitur in laudata lege legatum condicionaliter: supponitur conventio pignoris: unde consequens est, ibi agi de satisfactione legatario præstita ab hærede. Intercessit igitur stipulatio, & stipulationi pignus accessit: & retrahitur ad tempus celebrati contractus. Quamobrem non supponit Jurisconsultus teneri pignus a morte testatoris, quemadmodum eveniret, si retraheretur, cum ipsa obligatione legati: sed teneri a die conventionis: supponit enim pignus alteri traditum fuisse post initam conventionem cum legatario, & statuit, legatarium esse potiore, licet conditio postea extiterit.

Sed obstat text. in *l. 1. §. si quis sub conditione ff. ut legat. nom. cav.* ubi evanescit stipulatio, si pendente conditione decedat legatarius, quia legatum non transmittitur. Ergo stipulatio sequitur naturam, & conditionem legati. Item si legatum fuerit filio fam. Sub conditione satisficendum est patri, sed si existat conditio legati eo tempore, quo legatarius factus est sui juris, evanescit satisfactio *l. 1. in fin. ff. ut legat. vel fideicom. caus. arv. l. si legati ff. de pign.* Non potest enim in persona filii consistere satisfactio, quia ei præstita non est. Non in persona patris, quia ei legatum non acquiritur, sed filio *l. si usufructus 14. in fin. ff. quando dies leg. ced.* Atqui si stipulatio non sequeretur naturam legati, & conditio retraheretur ad tempus præstitæ satisfactiois, patri acquireretur obligatio *l. qua legata 13. ff. de Reg. Jur. l. si*

filiusfam. 78. ff. de V. O.

Respondetur, quod utique, si legatum non debeatur, aut non debeatur ei, cui præstita est satisfactio, necesse est, ut corruat ipsa satisfactio. Etenim hæc satisfactio tacite in se continet hanc conditionem, *si legatum debebitur.* Præstatur enim pro securitate legatarii, non ut aliquid ex ea legatarius acquirat. Iniquum autem est, cautum esse ei, cui nihil debetur *l. 1. §. ult. vers. iniquum ff. ut legator. caus. arv.* Quamobrem omnes exceptiones, quæ obstant legato, obstant etiam stipulationi *d. l. 1. §. si quis sub conditione, in fin. ff. ut legat.* Quamvis autem corruente legato evanescat satisfactio, quæ tuendi legati causa præstita fuerat: nihil impedit, quominus subsistente legato, possit satisfactio vires suas exercere a die, quo præstita fuerat. Fingamus, debitorem pignori obligasse rem alienam, & postea dominum rei ratum habuisse, non dubitatur, subsistente pignore, rati habitationem retrahit ad tempus contracti pignoris *l. si fundus 16. §. 1. ff. de pignor.* Corruente tamen obligatione pignoris, vel quia contracta erat sub conditione, & conditio defecit, vel quia ille, qui pignus dedit, nihil debebat: utique corruit & rati habitio domini, & inutilis est. Sic inutilis est satisfactio, corruente legato: eo autem subsistente, retrahitur. ¹⁶ Sed contrarium videtur respondisse Ulpianus in *l. cum legatorum 8. ff. ut legat. causa arv. Cum legatorum nomine satisfactum est, simul dies legatorum cessit, prius iisdem diebus, etiam ex stipulatione debentur.*

Respondetur, in hac lege agi de legatis in diem, ut constat ex lege sequenti, quæ hujus explicandæ causa subiecta est: ibi, *non tamen ut statim peti possint: deberi enim dicimus, & quod die certa præstari oportet, licet dies nondum venerit.* Cessit dies legati, debetur legatum: sed peti non potest: necdum venit dies legati. Hæc omnia propria sunt legatis in diem, nec possunt convenire legato condi-

di.

ditionali, *l. cedere diem ff. de V. S. l. si post diem 5. & toto tit. ff. quan. dies legat. ced.*

Quod si quis velit eam legem latius interpretari, ut comprehendat etiam legata conditionalia, animadvertat, oportet, nihil aliud in ea lege statui, ac definiri, quam quod stipulatio, & satisfactio legatorum causa præstita tacite continet eandem conditionem, idemque tempus, quod continent ipsa legata, ut responsum est de obligatione constitutæ pecuniæ in *l. id, quod sub conditione in princ. ff. de constit. pecun.* Hoc enim significant verba illa, *iisdem diebus debentur*: hoc est, quod si legatum debebatur sub conditione, sub eadem conditione debetur etiam ex stipulatione, quamvis in stipulatione conditionis mentio facta non fuerit: si vero debebatur in diem, debetur idem eodem die, etiam ex stipulatione. Diei enim nomen, & diem certum, & diem incertum, & conditionem comprehendit, ut in *l. talis scriptura ff. de leg. 1. in l. si quis legata 54. ff. de cond. & dem.* Quæ omnia utique verissima sunt, sed non impediunt, quominus existens conditio retrotrahatur. Debetur quidem ex stipulatione legatum iisdem diebus, & sub eadem conditione, sed tamen existente conditione spectatur tempus celebrati contractus, ut in quacunque stipulatione uluvenit *l. si filius famil. 78. ff. de V. O.*

Ad alia jam progrediamur. Pignus subsistere sine principali obligatione traditum est in *l. 2. C. de luit. pign.* Intelligere debet vincula pignoris durare principali actione submota. Si durant vincula pignoris sine principali obligatione, possunt etiam colligari *l. nihil tam naturale. l. omnia l. fere quibuscumque ff. de Reg. Jur.*

Doctissimus Cujacius putat, hanc legem referendam esse ad legem primam ejusdem tituli, idemque factum in ea supponi. Si plures sint ejusdem debitoris hæredes, & unus ex eis solvat creditori pro portione hæreditaria, liberatur qui-

dem ab obligatione, & submovetur, & extinguitur actio personalis, qua poterat conveniri: durant tamen vincula pignoris, etiam pro ea portione, quæ ad ipsum pertinet, quia pignoris causa est indivisa *l. rem hæreditariam 65. ff. de civi. soluta enim parte debiti, totum pignus nihilominus manet obligatum*: nam licet res pignori subiectæ divisionem patiantur, pignus tamen ipsum est individuum, nec pro ulla parte debitor liberatur, quamdiu totum debitum non fuerit exsolutum *d. l. 1. C. de luit. pign. l. qui pignori 19. ff. de pignor. l. solutum 11. §. si in sortem. ff. de pignor. act. l. si rem §. omnis ff. cod.* Quo facto supposito, recte ait Imperator, durare vincula pignoris submota actione personali.

Si quis huic interpretationi non acquiescat, vel quia diversa sunt Rescripta diversorum Imperatorum; vel quia id satis luculenter in prima lege fuerat explicatum, adeo ut supervacaneum videri possit, id multo obscurius repetere in secunda lege, & generaliter enunciare, quod generaliter verum non est; is animadvertat, in hac lege non statui vincula pignoris durare extinctæ principali obligatione, sed submota personali actione. Submoveri enim potest actio, etiam si non sit sublata principalis obligatio. Quoties enim subtilitate Juris Civilis tollitur obligatio, durant vincula pignoris, ut in *l. debitor 59. in princ. ff. ad S. C. Trebellian. in l. ex sextante. in fin. ff. de except. rei judic.* ratio enim non patitur, ut pignore fraudetur ille, cui satisfactum non est *d. l. ex sextante.* Et ideo Prætor, cujus auctoritate nititur actio hypothecaria §. item *Serviana Insti. tit. de action.* non denegat hanc actionem, quæ ex pacto descendit *l. contrahitur 4. ff. de pignor. & hypoth. l. 1. ff. de pignor. act.* & idcirco ex naturali ratione, & æquitate proficiscitur *l. 1. ff. de pact. l. 1. ff. de const. pec.* Neque pignus durat sublata penitus obligatione principali. Nam ratio & æquitas naturalis id efficit, ut perseveret

F f 2

na.

naturalis obligatio, quæ solo æquitatis vinculo sustinetur *l. strictum 95. §. naturalis ff. de solut.* Perseverante autem naturali obligatione, perseverat & pignus, licet sublata sit civilis obligatio *l. questum §. 1. ff. de pignor.* Nec Prætor obsecundat Juri Civili in illis, quæ ab eo subtile sunt introducta, ut observat etiam in separatione bonorum *l. debitor. 3. ff. de separ.*

Existimo tamen, laudatam *l. 2. C. de luit. pign.* referendam esse ad præscriptionem actionis. Hoc enim casu propriè dicitur actio submoveri *l. empti actio 21. C. de evict.* submota autem actione per lapsum temporis durant vincula pignoris. *l. debitor 59. in princ. versic. quemadmodum ff. ad SC. Trebell. l. qui occidit 30. ff. ad L. Aquil. l. 3. juncta l. 7. §. 1. C. de prescript. triginta, vel quadraginta annor.* quia per lapsum temporis non omnino extinguitur obligatio, cum tempus non sit modus finiendæ obligationis *l. obligationum fere ff. de oblig. & action.* submovebatur etiam actio, quando creditor plus petens causa cadebat *§. si quis 33. Instit. tit. de action.* Nemo autem dixerit, hoc casu penitus sublatam fuisse obligationem, saltem naturalem, durante æquitate, qua sustinebatur. Ac propterea durant vincula pignoris *l. servum 27. in fin. ff. de pignor.* Atque ad hos duos modos commodissime referri potest Rescriptum Imperat. in laudata *l. 2. C. de luit. pign.*

Illud postremo est animadvertendum, quod non solum durant vincula pignoris, submota actione principali, sed etiam de novo constitui possunt. Exemplum suppeditat nobis Scævola in *l. ult. ff. in quibus caus. pign. sac. cons. ubi facta transactio, & soluta majori parte pecuniæ, debitor in residuum quantitatem pignus obligavit creditori: tenetur pignus etiam pro veteri contractu. Submota enim est actio, ex veteri contractu per transactionem: tamen si transactio postea rescindatur vel propter dolum, vel propter errorem, vel alia simili causa; apparet, naturalem obligationem sublatam non fuisse,*

se, & residuum quantitatem, in quam pignus fuit obligatum, non esse solam quantitatem debitam ex transactione, sed etiam eam, quæ debebatur ex veteri contractu, pro qua non quidem expressim, sed tacite pignus obligatur. Plane hos etiam casus ea generali lege comprehendi, nullus dubitat.

Opponi etiam potest text. in *l. solutum 11. §. solutum ff. de pignor. act.* Dominus locavit domum suam Titio; Titius ejus partem Cajo locavit. Cajo secundus conductor, in domum conductam res suas intulit. Ex res pignori obligantur domino domus. Et tamen Cajo secundus conductor domino domus non est obligatus, neque enim cum eo contraxit. Nec potest per Titium primum conductorem acquiri obligatio domino *d. l. solutum §. per liberam ff. de pignor. act.* contrahitur igitur pignoris obligatio, & domino acquiritur sine ulla principali obligatione, cui innitatur.

Respondetur, quod res investæ, & illatæ a secundo conductore pignori obligantur domino, & accedunt obligationi primi conductoris, qua ipse domino obstringitur: non vero obligationi Caji secundi conductoris, qua ipse domino non est obstrictus: adeoque non contrahitur obligatio pignoris sine principali obligatione. Quod autem pignus teneatur pro obligatione Titii, non Caji, constat, quia frustra nos admoneret Ulpianus, pignus teneri solummodo in eam summam, in quam cenaculum Cajo conduxit, non vero in universam pensionem; quoniam credibile non est, Cajum voluisse in universam pensionem frivola sua obligare. Absurda esset questio, si investæ, & illatæ obligarentur pro pensione Caji: & multo magis absurda esset ratio petita a præsumptione voluntatis, & a verisimilitudine. Eadem de causa ineptum esset etiam, quod admonet Marcianus ex Pomponio in *l. 5. in princ. ff. in quibus caus. pign.* quod si conductor mihi gratuitam habitationem concessisset, investæ a me tenerentur.

ment domino. Quis enim de his posset dubitare, si pignus accederet obligationi secundi, non primi conductoris? præsertim hoc casu, quo secundus nullam contrahit obligationem solvendæ pensionis.

Ideo autem investita, & illata a secundo conductore pignori obligantur domino ædium pro obligatione primi conductoris, quia utraque obligatio tam primi, quam secundi conductoris respicit personam domini: & ideo, qui infert, & invehit res in domum conductam, videtur tacite convenire cum domino domus, eas res ipsi obligatas esse pro pensione, quæ ipsi debetur. Debetur autem domino pensio a primo conductore: ibi, *videtur tacite & cum domino ædium hoc convenisse, ut non passio carnularii proficiat domino, sed sua propria*. Accedit igitur pignus alienæ obligationi, quod fieri posse non dubitatur *l. aliena res ff. de pignor. act.* & ideo accedit alienæ obligationi, quia obligatio propria secundi conductoris pendet ab obligatione primi, & cum ea conjuncta est, atque connexa; adeo ut licet nemo solvens creditori sui creditoris, ipso jure liberetur *l. si opera 6. ff. de dol. mal. except.* tamen secundus conductor recte solvat domino ædium, hoc est creditori sui creditoris *d. l. solutum §. solutam ff. de pignor. act.* Non admodum dissimile exemplum proponitur in *l. cum quis sibi 38. §. ult. ff. de solut.* Titius pro me fidejussit apud Cajum creditorem meum, & in suam obligationem Cajo pignus dedit. Moritur Titius, & me hæredem instituit. Adeo hæreditatem: confusione tollitur obligatio fidejussoria *l. Strichum 95. §. quod vulgo ff. de solut. d. l. cum quis 38. §. ult.* nemo enim pro se ipso fidejussor esse potest *l. bares 21. §. quod si ff. de fidejuss. extincta* fidejussoria obligatione, pignus quoque, quod ei accesserat, extingui deberet. Respondit tamen J. C. pignus durare: manet enim obligatio principalis, cujus contemplatione tam obligatio fidejussoria, quam obligatio pignoris contracta fuerat.

Opponi præterea potest text. in *l. si rem 9. §. 1. ff. de pign. act.* *Non tantum autem ob pecuniam, sed & ob aliam causam pignus dari potest. Veluti si quis pignus alicui dederit, ut pro se fidejubeat.* Nulla hic videtur subesse principalis obligatio, cui pignus accedat; Nemo enim alteri obligatus est, ut pro se fidejubeat. Sed non ita est. Qui dat alicui pignus, ut pro se fidejubeat, ei mandat, ut fidejubeat: eoque fidejubente, mandati obligatur *l. semper 60. ff. de Reg. Jur. l. indebitam 47. ff. de condit. indeb. l. si remunerandi 6. §. si passus ff. mandat.* Huic obligationi mandati pignus accedit.

Denique duci recte potest argumentum a fidejussione ad pignus *l. 2. ff. quæ res pign. dari poss. l. si legatis 23. in fin. ff. de pign. imo duci potest, ut ajunt Logici, a fortiori l. cum quis 38. in fin. ff. de solut. & l. si quis posteaquam 37. ff. de fidejuss. juncta l. 2. C. de luit. pignor.* Atqui fidejussoris obligatio interdum sine principali obligatione contrahitur, aut sustinetur. Exemplum proponitur in *l. ult. in fin. ff. de duob. reis*. Alterum in *l. mortuo ff. de fidejuss.* Tertium in fidejussore, qui accedit officio Judicis, quod nullam supponit obligationem.

Sed falsa sunt omnia. Neque enim in laudatis exemplis fidejussor obligatur sine principali obligatione. De primo exemplo id demonstravimus alio loco, ubi luculenter exposuimus *l. ult. ff. de duob. reis*.

Ad *l. mortuo ff. de fidejuss.* facilis est responsio. Mortuo reo promittendi non extinguitur obligatio, sed residet in hæreditate, quæ defunctum repræsentat *§. servus Inst. tit. de hered. instit. l. non minus 31. §. ult. ff. eod. & domini locum obtinet l. denique §. quæritum ff. quod vi, aut clam. l. si ante 15. ff. de interrog. act.* imo domina est *l. liber homo 13. §. si servus ff. ad Leg. Aquil.* & ideo pro ea obligatione, quæ in hæreditate est, fidejussor obligatur.

Ad tertium responderetur in omnibus iis, quæ præstantur officio Judicis, & quibus

bus accedere potest, vel fidejussor, vel hypotheca, subesse aliquam obligationem, cui potest adhærere obligatio accessoria.

26 Doctores nostri primum id probant exemplo fideicommissorum, quæ olim, ut ipsi putant, officio Judicis præstabantur, & eorum servandorum causa fidejussor dari poterat *tot. tit. ff. ut legat. seu fideic. nom. carv.* & interdum etiam pignus *l. filio ff. eod.* sed utrumque saltem est, & quod præstarentur officio Judicis, nam extraordinaria dabatur persecutio ad ea persequenda, quæ actionis quædam species erat *l. pecunie verbum §. actionis ff. de V. S.* & quod nulla subesset obligatio, cui fidejussor, aut pignus posset accedere. Nam persecutio illa supponebat debitum, & obligationem *l. pecunie verbum §. ult. ff. de V. S.* & licet stricto jure nulla actione teneretur hæres, tamen cum compelleretur auctoritate Magistratus *l. hereditas 50. in fin. ff. de petit. hered.* erat obligatus ad solvendum *l. obligationum substantia ff. de oblig. & quasi debitum ab eo exigebatur l. 3. ff. de pollicitis.* Et quis poterit dubitare, hæredem saltem naturaliter obligatum fuisse? cum & fideicommissa inutiliter relicta naturaliter debeantur, & soluta repeti non possint, quia ex conscientia satisfactum est voluntati defuncti *l. 2. C. de fideicom.* Et quæ fuit causa mandandi jurisdictionem fideicommissorum Magistratibus, & creandi Prætores fideicommissarios, qui hæredes cogent præstare fideicommissa, nisi summa æquitas obtemperandi supremæ voluntati? Illud etiam operæ pretium est animadvertere, fidejussores, & pignora, quæ dantur fideicommissorum servandorum causa, vere non accedere obligationi fideicommissi, sed obligationi stipulationis, quæ vera est & iusta obligatio: præstanda enim est ab hærede satisfactio fideicommissario *l. 1. ff. ut legat.* quæ satisfactio per stipulationem fit *l. hæ. stipulatio 14. ff. eod.* & stipulationi accedunt fidejussores *l. pratoria 7. ff. de prat. stip.*

igitur fidejussores accedunt veræ, & civilis obligationi.

Probant id etiam exemplo legatorum, quæ præstantur officio Judicis, ut in *l. servus 17. ff. de alim. legat. l. hereditas 50. in fin. ff. de hered. pet.* Pro legatis autem competit tacita hypotheca *l. 1. C. commun. de legat.* Sed quis non videt hæc legata deberi, & hæredem ad ea præstanda obligatum esse, saltem naturali obligatione, cum non minus æquum sit præstari hujusmodi legata, quam cetera omnia? Posset etiam in controversiam adduci, an pro his legatis competat tacita hypotheca, cum hæc detur solum quatenus competit actio personalis *l. 1. in fin. C. commun. de legat.* Sed hæc non sunt hujus loci.

Afferitur etiam ad hoc probandum text. 27 in *l. cum quis 33. §. si quis ff. de solut.* sed satis supra responsum est. Plane nemo negabit, eum, qui tempore liberatus est sine culpa, & negligentia creditoris, subtilitate quidem Juris Civilis, non posse conveniri, sed tamen secundum æquitatem, & naturalem rationem manere debitorem *l. 1. ff. ex quib. caus. major.* eaque suadente dari restitutionem creditori, ut cogi possit ad solvendum *l. Divus 7. in princ. & in §. 1. ff. de integ. restit.*

Nullius momenti sunt argumenta petita ex *l. centum Capue. & l. ult. ff. de eo, quod certo loco, & ex l. quæro ff. loc.* Nam ibi una est stipulatio, una obligatio sortis principalis, qua tenetur tam reus principalis, quam fidejussor, *d. l. centum Capue. versic. una stipulatio ff. de eo, quod cert. loc.* adeoque subest principalis obligatio, cui adhæret obligatio fidejussoris. Ceterum, quia reus principalis, præter id, quod est in obligatione, condemnatur officio Judicis etiam ad solvendum id, quod interest, vel sortis usus: idcirco eodem officio Judicis condemnatur etiam fidejussor, cum æquum sit, ipsum quoque idem onus agnoscere. *d. l. quæro ff. loc.* Non magis igitur tene-

tur

tur fidejussor, quam principalis.

Ut ad pignus revertamur; opponi posset, hypothecam cedi posse sine personali actione, ut fere a Pragmaticis receptum est: adeoque sustineri sine principali obligatione.

- 28 Hanc sententiam falsissimam esse alii demonstraverunt. Ea tamen admissa, falsum nihilominus est, hypothecam sine principali obligatione sustineri: neque enim extincta est principalis obligatio, a qua sustineri possit. Ac vere etiam juxta eorum sententiam a principali obligatione sustineri constat, quia ipsi quoque fatentur, extincta per solutionem principali obligatione, hypothecam intercidere, & extinguui.

C A P U T XIII.

AD L. I. ff. IN QUIBUS CAUS.

Pign. tac. contrahatur.

S U M M A R I U M.

- I. Privilegium exigendi, & praelatio in pignore quantum differant.
- II. Qui pecuniam mutuatur ad rem restituendam, vel emendam, in pari causa potior est aliis.
- III. Privilegium ejus, qui mutuatur ad ades restituendas, an extendatur ad eum, qui mutuatur ad restituendas navis.
- IV. Publici interest navis non retineri.
- V. Instrumenta rustica non possunt pignori: nec arma militum.
- VI. Cur concessum privilegium mutuanti ad ades restituendas?
- VII. Privilegia edificiorum numerantur.
- VIII. Non eadem Romanis cura navium, & edificiorum.
- IX. Mercatura a Romanis potius coercita, quam privilegiis promota.
- X. Mercatura Romanis praeiuncta: & quare? n. 12.
- XI. Mercatura quare nullis Reipublice?
- XII. Qua arte Romani Civitatem auferant.
- XIII. Praemia a Romanis proposita mercatoribus: & quare? n. 12.
- XIV. Quanta cura annona providerent Romani, & n. 15. & 16.
- XV. De frumentatione pauca delibata.

SEnatuconsulto, quod factum est Mar-
co imperante, tribuitur jus taciti pi-
gnoris illis, qui ad ades restituendas pec-
uniam mutuatur. Hoc privilegium Pra-
gmatici produxerunt ad omnes alios, qui
in aliam rem quamlibet restituendam, res-
tituendamve pecuniam mutuatur. Non
recte, meo iudicio. Duo sunt privilegia:
jus exigendi, & jus taciti pignoris. Pri-
vilegium exigendi a Plinio in epistola ad
Trajanum appellatur *πρωτοπαξία*, quasi
dicas, *Jus, quo quis aliis creditoribus in
exigendo praefertur*. Conceditur hoc solis
creditoribus chirographariis: & de hoc
agitur in toto *tit. ff. de privilegiis credi-
torum*; quod est observandum, quia per-
peram Nostri abutuntur ejus tituli legi-
bus, ut demonstrent qui sint potiores in
pignore: qua de re ibi nusquam agitur,
cum de ea sit proprius titulus *qui pot. in
pign. hab.* Jus taciti pignoris aliquando
conceditur simul cum alio privilegio, quo
creditor aliis creditoribus hypothecariis
potior est in pignore. Animadvertendum
autem est, quod Veteres Jurisconsulti pri-
vilegium exigendi inter chirographarios
facile concedeabant: itemque inter hypo-
thecarios, ut alter altero potior esset: at
vero ut, qui ex vi suae obligationis, &
natura sua chirographarius est, praefere-
tur hypothecariis, fere numquam conce-
debant; huic enim duo concedenda sunt,
& jus taciti pignoris, quod raro Veteres
tribuebant, & jus praelationis in pigno-
re, ut Nostri ajunt. Praeterea, quia jus
pignoris unusquisque potest sua con-
ventionem sibi acquirere, neque indiget in hoc
legis privilegio, neque aequum est, ut
qui negligens fuit in pignoris obligatio-
ne sibi constituenda, praefertur his, qui
eam expresse sibi constituerunt. *Arg. text.
in l. pupillus ff. quae in fraud. cred.* Recte
Varr. de re rust. lib. 1. *Dii facientes adjuvant.*

Hoc igitur ratum sit. In pari causa,
qui pecuniam mutuatus est ad rem resi-
ciendam, restituendam, emendam, praefere-
tur aliis. Hoc est, si de pignore sibi non

caverit, cum ipse sit chirographarius, præfertur chirographariis, cum sint in pari causa *l. qui in navem 26. l. quod quis 34. ff. de reb. auct. jud. alias, de privileg. creditor. l. si ventri §. 1. ff. cod. l. creditor 25. ff. de reb. cred. si vero pignus expresse tibi constituerit, cum sit hypothecarius, præfertur aliis hypothecariis, cum sint in pari causa: & ita sunt intelligendæ *ll. 5. C. 6. ff. qui pot. in pign. bab. Auth. de equal. dot. c. 3.* Et hoc demonstrare possem satis evidenter: sed hic non libet hanc quæstionem penitus examinare.*

Solum hic quærimus de navi. Qui pecuniam credit ad restituendas ædes habet jus tacitæ hypothecæ *l. 1. ff. in quib. caus. pig. tæc. contrab.* & quidem ita, ut aliis sit potior *l. 5. C. 6. ff. qui pot. in pig. bab.* Videtur id constitutum publicæ utilitatis causa, ut infra dicemus. Atqui multo major in Reip. utilitas redundat ex navium, quam ex ædium ædificatione, propter mercaturam, cum ad summam Reip. pertineat exercitio navium *l. 1. §. licet 20. ff. de exercit. aq.* Non potest igitur dubitari, quin privilegium dictæ legis primæ, si non ad alia, certe ad naves pertineat.

Dicam, quod multis videbitur fortasse paradoxon. Ob id ipsum, non potest privilegium illud ad naves pertinere, quia navium exercitio ad summam Reip. pertinet. Oblervandum enim est, quod si naves tacite pignori obligentur omnibus, qui vel ad naves fabricandas, vel restituendas, vel armandas, vel emenda navitis cibaria pecuniam crediderunt, facile eveniet, ut a creditoribus detineantur; atque ideo libere navigare non poterunt
4 commercii causa, ac maximum mercaturæ afferret impedimentum. Constantinus Imperator tribus Constitutionibus vetuit, naves alicubi retineri, aut ullo genere incommodi affici, quo minus progredi, & celeriter eo, quo cursum dirigunt, possint pervenire. Extant hæc tres Constitutiones in Codice Theodosiano *ia sit. de navicul. l. 4. 8. C. 9.* quarum una tan-

tum relata est in Codice Justiniani sub eodem titulo. Recte etiam Athenienses lege caverant, ut judicia mercatorum Athenis peragerentur a mense Boedromione, ad Munychionem; hoc est sex illis mensibus, quibus navigari non potest, ne tempore ad navigandum opportuno judiciorum impedimentis distinerentur: teste Demosthene in *Oraz. τὸς Απατήριον*. Et Xenophon omnium rerum peritissimus in *lib. de rebus*, ait, Præfecto mercaturæ proponenda esse præmia, quicumque æquissime, celerissime judicaverit, ne impediantur illi, qui navigare volunt, & ut plures, iique libentius negotientur. pertinet igitur ad mercaturæ utilitatem, non impediri navigationem, nullaque de causa naves detineri, quod eveniret navibus pignori obligatis.

Exemplum peti potest ab agricultura. Pertinet ad summam Reip. ne agrorum cultura turbetur; nihil ea conducibilius, & in privilegiis par est ædificiis *l. 1. ff. de sign. junct.* Quid autem in ea est constitutum? Tantum abest, ut aliquod jus tacitæ hypothecæ tribuatur ejus favore: quin potius instrumenta rustica, quibus opera rustica exercentur, prohibentur opignorari, & in quadruplum condemnantur, quicumque ea jure pignoris ausus fuerit auferre *l. executores 7. C. l. seq. cum Auth. agricultores C. qua res pign.* Idemque dicendum est de armis militum, argum. text. in *l. qui committat §. 1. ff. de re milit. junct. l. 9. ff. de pignor.* recte Diodor. Sic. *lib. 1. Biblioth. μεμαρτονται δὲ πλεῖς οὐκ ἀλόγως τοῖς πλείστοις τῶν παρὰ τοῖς ἑλλήνι νομοθετῶν, οἷσιν οὐκ ἔστι μὲν, καὶ ἀποτροπὴ, καὶ ἄλλα τῶν ἀναγκαστικῶν ἐκείνων ἐνέχυρα λαμβανέσθαι πρὸς δάνειον, τοῖς δὲ τοῖς χρηματοῖς συνηχρῶσθαι ἀνωλύτως εἶναι.* Quomodo igitur, ne pignoris causa turbetur agrorum cultura, prohibentur obligari instrumenta, quibus ea exercetur: ita ne turbetur negotiatorum navigatio, potius interdicienda est obligatio navium, & armamentorum, quibus navigatio exercetur, quam con-

cedenda tacita hypotheca.

Sed hic non consilium. Præterea animadvertendum est, alia de causa non posse deduci argumentum ab ædificiis ad naves de Jure Romanorum. Ei, qui pecuniam credidit ad restituendas aedes tributum est jus taciti pignoris ob publicam utilitatem, sed eam utilitatem, quæ respicit decorem, ornatumque, & magnificentiam Urbis, quod navium ædificationi non convenit. Præsertim cum Romani nulla de re tam accurate caverrint, quam ne ruinis Urbis aspectus deformaretur, & incredibili diligentia Urbis decori, atque amplitudini providerint: quod factum est, ut universa Roma diceretur esse miraculum, teste Cassiodoro, eique

Par esset nihil, & nihil secundum. Mart. Primum enim ab ipsis sere Urbis nascentis, & legum incunabilis, in duodecim Tabulas relata est a Decemviris lex illa: *Ut ædificia in Urbe ita fierent, ut festivitas per inter aedes vicinas ambitus causa relinqueretur.* Hinc Romæ omnes sere erant intulæ, raræ admodum domus. Item illa alia: *Tignum junctum ædibus ne solvito.* Voluerunt enim potius, dominum, contra omnes Juris Regulas, suo tigno privari, quam dirui ædificium, ac Urbem ruinis deturpari. *l. 1. ff. de tigno junct. l. gemma 6. ff. ad exhib. l. de eo 63. ff. de donat. int. vir. & uxor. l. qui res suas 98. in fin. ff. de solut. l. 7. §. 7. ff. de acquir. rer. dom. §. cum in suo Inst. tit. de rer. div. Quod privilegium nec navi, nec aliis rebus tributum est. l. gemma 6. ff. ad exhib. l. in rem actio §. 5. & 6. ff. de rei vindic. Plin. lib. 35. cap. 14. & Vitruvius lib. 2. cap. 8. meminerunt alterius legis, quæ cavebatur, ne parietes communes crassiores sesquipedalibus constituerentur. Augustus ad impediendum, ut ait Juvenalis, *lapsus Tectorum assiduos, & mille pericula sere Urbis*, veruit, ne supra sentuaginta pedes domus attollerentur, teste Strabone: & Nero etiam, teste Tacito, cohibuit altitudinem ædificiorum. Denique Tra-*

Tom. I.

janus modum ædificiis statuit, pedes sexaginta. Vespasiano imperante decretum est Senatusconsulto, ne marmora negotiandi causa detraherentur ex ædibus, aut ædificia diruerentur, materiæ in aliam domum exportandæ causâ. Hoc Senatusconsultum ab Adriano Imperatore confirmatum est, ut refert Spartian. in *ejus vita*. Eo continebatur, ne ea, quæ ædibus juncta sunt, tollere negotiationis, aut commercii causa liceret, neve vendere, emere, legare, poena dupli constituta in eum, qui sustulisset, in ærarium inferenda. Factum est hoc Aviola, & Panfa Coss. circa annum Nostre Salutis 125. & confirmatum ab Alexandro Severo in *l. 2. C. de ædific. priv.* ejusque frequens mentio in Jure nostro, ut in *l. Senatus 52. ff. de cont. empt. in l. cetera 41. §. sed ea 1. ff. de leg. 1. in l. ult. ff. de dam. inf. in l. Marcellus 45. ff. de don. int. vir. & ux. in l. feliciter: in l. 11. §. si quis illicite 14. & in l. nunt 21. §. ult. ff. de legat. 3. Rursus Ulr. in *l. Præfex 7. ff. de off. Præsid. Præfex Provincia inspectus ædificiis domos eorum causa cognita restituere ea compellat, & adversus detrahentem competentem remedium deformitati auxilium ferat.* Consonat text. in *l. ad curatoris 46. ff. de damn. inf.* Quid dicam de privilegio illo, quod concessit Philippus Imperator in *l. 4. C. de ad. f. priv.* ut si unus ex lociis communem ædem restituisset, & alter intra quatuor menses partem sumptus non restituisset cum usuris centesimis, pars ejus domus accretisset ei, qui restituisset? Fuerat hoc & antea a D. Marco constitutum *l. cum duobus, alias l. fratres. §. idem respondit 10. ff. pro soc. a quo & jus taciti pignoris fuit concessum in l. 1. ff. in quib. caus. pign. tas.* Simile est privilegium jam olim a Vespasiano concessum, de quo Sueton. in *ejus vita cap. 8. Vacuas arces occupare, & edificare, si possesores cessarent, cuicumque permisit.* Simile quid Adrianus etiam videtur edixisse, cujus Edicti mentio fit in *l. 5. C. de ædific. priv.* Adeo nihil est tam ali-*

G g

nun

rum a Regulis Juris, quod ædium causa non sit constitutum. Ac sane præfuisse videtur Philippus: paucis enim diebus post legem latam, orto Romæ incendio, multa ædificia sunt consumpta, quibus restituendis multum contulit lex paulo ante lata. Plura non addo: hoc tantum dico, nulla fere de re frequentius a Romanis cautum, quam de fartis relictis tuendis, ne ædificia essent cassa ac ruinosa, qua in re posita est dignitas Urbis, & ornamentum, eoque pertinent textus in *l. 2. §. si quis 17.* & in *l. ult. ff. ne quid in loc. publ. in l. præscriptio C. de oper. publ. in l. Præfes ff. de offic. Præsid.* & alibi passim. Inter hæc autem multa sunt contra Juris Regulas constituta, quæ si quis ad naves, & alia velit producere, totum Jus Civile pessumdabit.

Videamus igitur, an apud Romanos simile quid fuerit de navibus constitutum. Ac certe non eam curam navium habuisse Romanos, quam ædificiorum, conjectura assequi possumus, cum ædificiis fartis relictis tuendis Magistratum præficerent, ⁸ *Ædiles*: navibus vero custodiendis, aut negotiationi amplificandæ nullus præesset Magistratus. Sed conjecturis opus non est. Cum tot legibus Urbis decori, & ædium reparationi provisorum esset: nulla lege consultum fuisse negotiationi, præsertim stante Republica, reperimus. Imo multis legibus mercimonia coercerantur. Primum Auctor est Livius *lib. 21. prope fin.* & Cic. *Verr. 7. Q. Claudium* Tribunum Plebis anno Urbis 535. P. Cornelio, & Ti. Sempronio Coss. legem tulisse: ⁹ *Ne quis Senator, quivov Senatoris patet fuisset, maritimam navem, qua plus quam trecentarum amphorarum esset, haberet. Id satis habitum ad fructus ex agris vendendos: quæstus omnis Patribus indecens visus est.* Fuit hoc postea a Julio Cæsare Dictatore confirmatum lege Julia repetundarum *l. 3. ff. de vacat. & excus.* Thebani quoque ad munera publica accedere prohibebantur, nisi decem annis desistissent a mercimoniis exercendis, ut

refert Arist. *lib. 3. Polit. c. 5.* Longius etiam progressi sunt Romani, cum nobiles omnes negotiationem exercere prohiberentur *l. nobiliores 3. C. de commerc. & mercat.* Recte Cic. *de Offic. Mercatura, si tenuis est, sordida putanda est: si magna & copiosa, multa undique apportant, multisque sine vanitate impertiens, non est admodum vituperanda: atque etiam si satietas quæstu, vel contenta potius, ut sape ex alto in portum ex portu ipso se in agros possessionesque contulerit, videtur jure optimo posse laudari.* Imo aliquando ipsi mercatores in penam negotiatione abstinere cogebantur; cum tamen nemo ad exercendam negotiationem cogi posset *l. 9. §. sunt autem, & alia; cum §. seq. ff. de pen. licet plerumque id fieri non debeat l. illicitas 6. §. neque ff. de offic. Præsid. l. 2. ff. de jur. patron.* Pantapolis interdictum, ne Romæ essent. Id postmodum eis concessum est Valentiniani novella Constitutione circa annum Salutis Nostræ 440. *Pantapole* sunt negotiatores, qui omnia vendunt: & locus, ubi vendunt, *Pantapoliem* appellatur, ut ait Pollux *lib. 7. cap. 3.* Præterea prohibebantur Romani mercaturæ causa ultra Nisibin, Callinicum, & Artaxatam proficisci *l. 4. C. de comm. & merc.* & pœna proscriptionis bonorum, & perennis exilii constituitur, si contra secerint *l. ult. C. eod.* Interdictum etiam erat mercatoribus, ne mercimonii causa Barbaris aurum præberent. *l. 2. C. eod.*

Sed quorsum hæc? Nimirum perniciosum erat Romanæ Reip. mercimonium, non utile, præsertim in illa vetere disciplina. Videbitur hoc inauditum; sed certe perniciosum Urbibus mercimonium dicitur in *l. nobiliores 3. C. de commerc. & merc.* Causam ego deinceps aperiam. Est utilis civitatibus multis de causis negotiatio. Primum eam comparandis Regum amicitii, & conciliandis Barbarorum animis utilem esse testatur Plutarchus. Præterea publica vestigalia mirum in modum auget, & Reip. proventus, & quo plures in Urbem confluunt mercatores,

ἄλῃον μισθοροῖτο, καὶ πλετοροῖτο: plus mercedis, ac tribui redigiur, ut ait eleganter Xenophon in lib. de rexit. in prime. Denique hac de causa & omnium rerum copia, & opum affluentia, & hominum multitudine florent civitates. Apud Diod. Sicul. lib. 11. Biblioth. Themistocles ἔπεισε τὸν δῆμον καὶ ἱάκων ἐνικνντὸν πρὸς τοῖς ὑπάρχουσιν ναυσίν, ἐκαστὴν τριήρεος κροτακτακτικῆς, καὶ τοῖς μεμπέκτο, καὶ τοῖς πηγίτας ἀπλῆς τοῖσσι, ὅπως ὄχλος πολὺς εἰς τὴν πόλιν παραχρῆθαι κατέλθῃ, καὶ τῆς πῆγας κατακαυλῶσιν, ὡς πρὸς ἀμφοτέρω γὰρ ταῦτα χορηγία πρὸς ναυτικὸν διενεχόμενον κατακταῖς ὑπάρχει ἐκείνῃ. Persuasi etiam Populo, ut prater naves, quas haberent, viginti triremes quotannis edificarent, ut ingulinos, & artifices immunitate donarent, ut & magna undequaque multitudo in Urbem conflueret, & magnam artificiorum varietatem facile compararent; utrumque enim ad augendam, constituendamque in mari potentiam utilissimum judicabat. Et quidem Athenis immunitas mercatoribus erat tributa. Interp. Aristoph. in Pluto: πῶς τὴν πόλιν, τὴν ἐμπορίαν ἐπροσχερίζοντα, τὴν ἐμπορίαν διελόμενοι φουεῖν. Ἀλλοιοὶ γὰρ οὐτοὶ διευλαττόντο (ὡς φησι Ευφρόνης) ὡς τὴν πόλιν ὠφελοῦντες πλεῖστα διὰ τῆς ἀντων ἐμπορίας. Ex civibus quidam cum facultatum suarum Civitati tributum pendere deberent, ut illud vitarent, negotiationem suam causabantur. Immunitate enim gaudebant mercatores, quippe qui sua negotiatione plurimum Civitati prodesse.

Verumtamen hac ad Romanos non pertinent, qui alia via aggressi sunt. Ipsi tum benigntate, tum metu, tum potentia Barbaros continere: victoriis, praeda, triumphis, vestigalibus, & tributis devictarum Gentium opes Civitatis amplificare: augere Populi frequentiam, & Nationes omnes allicere splendore Urbis, ludorum, & spectaculorum magnificentia, frumentatione, manumissionibus. An vero ulla alio ratio adificandae multitu-

dinis a Romanis erat exquirenda, a quibus ad exhauriendam Civitatem supra centum & sexaginta colonie deducte in solam Italiam numerantur, cum, quasi superfluentem sanguinem, multitudinem emittere cogerentur? Quicquam inquirere voluerit in census habitos Luculli, Augusti, Claudii temporibus, certe non desiderabit negotiationem ad augendam Populi frequentiam. Juv. Jampridem Syrus in Tyberim defluxit Orontes. Nec mercatorum industriad requirit ad opes Civitatis amplificandas, quicumque noverit civium Romanorum opulentiam fere incredibilem. Nota est illa vox Crassi negantis, divitem esse, qui exercitum suis fructibus alere non posset. Latissime patet hic campus. Ego non progrediar longius. Hoc tantum moneo ex Olympiodoro apud Photium. Rebus Romanis jam afflictiis sub Honorio, & Arcadio multas domus Romanorum annui redditus coegisse quatuor millia auri pondi ex possessionibus, ac tertiam praeterea partem ex tritico, vino, & aliis rebus redigere potuisse, si vendidissent.

Quid potuit tantis opibus addere negotiatio? imo vero multum detrahebat, qua de causa perniciofa habebatur. Luculentissimus testis esto Plinius, qui lib. 12. c. 18. queritur, annis omnibus ab India, atque Arabia millies sestertium Imperio Romano adimi. Idem l. 6. c. 23. 12. Indigna res, nullo anno imperii nostri minus sestertium quingenties exsauriente India, & merces remittente, qua apud nos centuplicato veneant. Immoisa propemodum est haec summa in res Indiras consumpta: conficit enim nostrorum aureorum centum & viginti quique milliones. Incredibilis plane res; itaque puto, Romae venditas fuisse quingenties, non in India, hoc est aureis nostris 1250000. Adde jam merces ex Arabia advectas, advectas ex tot aliis Provinciis, ex quibus quicquid erat eximium Romam advehebatur. Praclare Sidon. Apollin. Carm. 5.

— tum quæque suos Provincia fructu
Exposuit, fert Indus ebur, Chaldeus
ammonum, Assyrius gemmas, Ser vellera, tbura
Sabeus.
Arabis mel, Phenix palmas, Lacedæmon
olivum,
Argos equos, Epirus equas, pecunaria
Gallus,
Arma Chalybs, frumenta Libes, Cam-
panus Jacebum,
Aurum Lydus, Arabs guttam, Pan-
chaia myrrham,
Pontus castorea, blattam Syrus, ara
Corinthus.

Hæc omnia auro, atque argento commutabantur: Roma enim nihil asportabatur ad externos, unde possent merces cum mercibus commutare. Atheniensibus prodebat negotiatio, quia, ut ait Xenophon, maxima rerum erat ad exportandum copia. Romanis nocebat, quia Cives auro, atque argento emungebat. Hinc ab Imperatoribus prohibitum est aurum Barbaris præberi in l. 2. C. de com. & merc. Quod & multo ante fuerat constitutum. Cic. pro L. Flacco. *Exportari aurum non oportere, tum sepe ante Senatus, tum me Consule gravissime judicavi.* Quid? quod ea luxum inexit, pesslem virtutum, perniciem Reipubl. excidium Imperii. Juven.

— *Savior armis*

Luxuria incubuit, victumque ulciscitur Orbem.

Incubuit post domitam Asiam, unde omnes deliciae in Urbem confluebant, & Imperium, quod æternum fore videbatur enervavit, dissipavit, evertit. Itaque bene, ac sapienter veteres Romani negotiationem privilegiis non fovebant, quem morem posteri etiam diu retinuerunt.

Enim vero non ignoro, multa tum in Jure nostro, tum apud Vereres rerum gestarum Scriptores reperiri in favorem mercatorum constituta. Legimus apud Suetonium in Claudio c. 18. & 19. propo-

uisse fabricantibus naves mercature causa magna cominola, magna lucra negotiatoribus, suscepto in se damno, si cui quid per tempestates accidisset. Lepimus in Tacito Ann. lib. 13. a Nerone constitutum, ne censibus negotiatorum naves adscriberentur, tributumque pro illis penderetur. Apud Lampridium in vita Alexandri Imperatoris, ab eo concessam negotiatoribus immunitatem. Ulpian. in l. 1. §. licet 20. ff. de exercit. action. Ideo autem ex voluntate in solidum tenentur, quia ad summam Remp. navium exercitio pertinet. Cetera omitto, mox enim referemus opportunius.

Verumtamen animadvertendum est, hæc omnia referenda esse ad negotiatores frumentarios, qui suis navibus, industria, vigiliis, Urbis annonæ providebant. Magna, ac certa lucra proposuit Claudius negotiatoribus: nimirum quia: *Cum in 14 summa annonæ caritate a turba detentus in foro, conviciisque, ac simul fragminibus panis ita instratus esset, ut egre, ac nisi postico posset evadere, nihil non ex eo cogitavit ad invehendos etiam in tempore hyberno commeatus.* Idem Claudius tribuit Civitatem Romanam ei, qui navem fabricasset capace[m] decem millium modiorum frumenti, & Romam sex annis frumentum portasset, ut refert Ulpianus noster in fragmentis Inst. tit. 3. de Latinis. Huc etiam pertinet l. 3. §. Senatusc. ff. de inc. ruin. naufrag.

Nero negotiatores immunitate donavit. Ad quos pertineat hoc privilegium nos docet Scævola in l. 3. ff. de vacat. & exc. *His, qui naves marinas fabricaverunt, & ad annuam Populi Romani præbuerunt, non minores quinquaginta millium modiorum, aut plures singulas non minores decem millium modiorum, donec hæc naves navigant, aut alia in eorum locum, muneris publici vacatio præstatur ob navem.* Possunt hæc referri ad Marcum Antoninum, qui Scævola valde usus est, & rei frumentariæ graviter providit: sed non sine causa quis hæc ad Neronem referat, nam Marcus magis Jus vetus restituit, quam

quam novum fecit. Capitol. in ejus vit. Ut ut sit, constat Neronis privilegium ad negotiorum frumentarios solummodo pertinere. Tacit. lib. 13. *Annal.* Temperata apud transmarinas Provincias frumenti subveho: & ne censibus negotiatorum navis ascriberentur, tributumque pro illis penderent, constitutum. Hujus constitutionis occasione petere possumus a Sueton. in Nerone c. 45. Ex annonæ quoque caritate lustantium accrevit invidia. Nam & forte accidit, ut in publica fame Alexandrina navis nuntiaretur pulverem lustratoribus auscultasse. Quare omnium in se odio concitato, nihil contumeliarum defuit, quin subiret. Aurelianus quoque Imperator apud Vopise. ita gloriatur: Inter cetera, quibus Diis faventibus Romanam Remp. juvimus, nihil mihi est magnificentius, quam quod additamento unica omne annonarum urbarum genus juvi; quod ut esset perpetuum, navicularios Niliacos apud Ægyptum novos, & Romæ amicos posui, Tiberinus extruxi ripas.

Eodem referenda est etiam immunitas concessa negotiatoribus ab Alexandro Severo. Lamprid. in ejus vita. Commecatum Populi Romani sic adjuvit, ut cum frumenta Heliogabalus extirisset, vicem de propria pecunia loco suo reponeret. Negotiatoribus, ut Romam volentes concurrerent, maximam immunitatem dedit. Recte hunc locum interpretari possumus ex Callistrato, qui sub hoc Imperatore floruit. Hic in l. 5. §. negotiatores ff. de jure immunitatis. Negotiatores, qui annonam Urbis adjuvant, item navicularii, qui annonæ Urbis serviant, immunitatem a numeribus publicis consequuntur, quandiu in huiusmodi actu sunt. Et Paulus, ejus consilio Alexander utebatur in l. 9. §. ult. ff. de vacat. Paulus respondit, privilegium frumentariis negotiatoribus concessam etiam ad honores excusandos pertinere. Quamobrem dubitandum non est, eodem pertinere l. 1. §. licet 20. ff. de exercit. act. quæ est Ulpiani, cujus etiam consilio utebatur Alexander Imperator. Habebant quoque na-

vicularii corpus, quod immunitate gauderebat l. 1. ff. quod cuiusque universi. sed ut immunitate gauderent, aut navigare debant, aut majorem substantiæ partem ad subvehendam annonam in mercatura habere l. semper 5. §. licet 6. ff. de jur. immunitatis. Quo referenda etiam est l. Severus 9. §. 1. ff. de Decur. ubi navicularii Decuriones fieri prohibentur.

Eadem immunitas ab omnibus oneribus, & muneribus tributa est naviculariis a Constantino Imperatore in l. 4. §. 7. & toto tit. Cod. Theod. de navic. sed & hæc ad juvandam annonam Urbis Constantinopolitanæ, quam quadriennio ante ædificaverat, ac dedicaverat, videtur constituta l. pro commoditate 7. & l. provideatur 28. Cod. Theod. de navicular.

Ex his constat, privilegia omnia negotiatoribus concessa ad rem frumentariam pertinere. Sed quorū tanta frumenti advehendi cura? Nimirum Romanus æge alendæ tantæ multitudinis impar erat, & ad sedandam famem frumentum ex Sardinia, Sicilia, Africa, Hispania advehendum. Tacit. lib. 12. *Annal.* Nec nunc infecunditate laboratur, sed Africam potius, & Ægyptum exerceamus, navibusque, & casibus viis Populi Romani permissa est. Plin. in Paneg. Percubuerat antiquitus, Urbem nostram, nisi opibus Ægypti ali, sustentari non posse. Cæpit & Populo distribui frumentum ab Æliis primum pretio minimo, mox etiam gratis. Manius Marcius Æblius primus frumentum alibus in modis Plebi divisit ut refert Plin. lib. 18. C. Græchus semisse & triente. Clodius legem annonariam tulit, ut frumentum gratis populo daretur. Nec parva ea summa. Impensa in eam rem Catonis tempore, ut refert Plutarchus, mille ducenta, & quinquaginta talenta. Julius Cæsar castra Africa viginti myriades medimnorum Plebi alendæ Romam intulit: sunt duodecies centena millia modium. Modius pendebat supra viginti libras, plus minus viginti quinque. Refert P. Victor, Augustum ex Ægy.

Ægypto annua ducenties centena millia modium advexisse, Duplum ex Africa advehebatur, ut refert Josephus. Non assentior Lipsio, qui summam minuendam putat. Licet enim ea summa Populo non distribueretur; tamen curandum erat, ne & reliqua multitudo fame premeretur, & frumento indigeret. Severus reliquit canonem frumentarium septem annorum, ita ut quotidiana septuagena quina millia modium expendi possent. Hoc in septem annos ali commode poterant sexcenta millia hominum. Justiniano nostro imperante ex Ægypto Constantinopolin advehebantur octogies centena millia modiorum. Edit. Justin. 13. cap. 8. Tanta autem erat hujus frumentationis cura, ut Augustus tridui frumento in horreis viso, statuerit veneno mori, si e Provinciis interea classes non venissent. Consule l. un. C. de Nili agger. l. 1. & 2. C. de nav. non excus. l. un. C. ne quid om. publ. l. provideatur 28. C. Theod. de navic. l. 4. 8. & 9. C. cod.

non distensis sustiniam.

XV. Quando pupillus solvens repetere non possit.

Pupillus aut est infans, aut infantie proximus: in tres enim partes dividitur ætas pupillaris. Infans est minor septem annis l. si infanti C. de jur. delib. l. 1. §. sufficit ff. de admin. tut. Infantia proxima a proximo pubertate distinguitur non tam ætate, quam ingenio, caliditate, malitia. Certissimo argumento esse potest, quod Veteres in his distinguendis numquam ætatis, semper intellectus, & malitiæ meminerunt, & pupillos, non infantes, alios habere intellectum dixerunt, alios non habere: item aut esse doli ac delicti capaces, aut non esse l. pupillum 111. ff. de Reg. Jur. §. sed quod diximus Inst. tit. de in iud. slip. l. excipiuntur ff. ad S. C. Silan. l. 1. §. an in pupillum ff. de pos. Quoniam vero ingenii vis in aliis citius, in aliis serius perficitur: ideo a Veteribus nulla certa ætas est definita. Quamobrem existimaverim verosimilimum esse sententiam eorum, qui putant id totum arbitrio Judicis committendum l. 1. §. ult. ff. de jur. delib.

Pupillus pubertati proximus cum intelligat id, quod agit, sit doli capax, ex delicto obligetur, ut constat ex modo laudatis legibus, utique & ex conventionis sua poterit obligari sine tutoris auctoritate, non quidem civiliter l. obligari 9. ff. de auctor. tut. princ. tit. Inst. cod. nisi quatenus factus fuerit locupletior l. 1. in princ. l. 5. in princ. ff. de auctor. tut. l. 1. §. an in pupillum ff. de pos. l. 3. §. pupillus. l. si pupilli 6. in princ. l. Nescimus 34. ff. de negot. gest. sed naturaliter. Naturalis enim obligatio æquitatis vinculo sustinetur l. scilicet 95. §. naturalis ff. de solut. æquitas autem naturalis pacta servari suadet l. 1. ff. de pact. l. 1. ff. de cons. pecun. Hujusmodi pupillus & intelligit id, quod agit, & id agit, ut obligetur: natura igitur æquum est, eum obligari: nec Jus Civile tollit naturales obligatio-

ncs

CAPUT XIV.

AD L. QUOD PUPILLUS

ff. de cond. ind. & l. pupillus ff. de oblig.

SUMMARYUM.

- I. Pupillaris ætas in tres distincta.
- II. Pupillus pubertati proximus naturaliter obligatur. & n. 4.
- III. Etiam hic quoad aliquos actus nullum animi iudicium habere dicitur.
- V. VI. Naturalis obligationis effectus.
- VII. Quos effectus pariat in personam pupilli.
- VIII. Novatio facta a pupillo, quando valet. & n. 9.
- X. Obligatio naturalis pupilli in aliorum persona omnes parit effectus.
- XI. Explicatur l. pupillus ff. de obl. & act. l. quod pupillus ff. de cond. indeb.
- XII. Novatio a pupillo facta valet in persona debitoris, & creditoris, sicut in persona pupilli.
- XIII. Quæ non habent effectum, nulla dicuntur in Jus nostrum.
- XIV. Impedimentum extrinsecum tollit effectum,

nes *l. eas obligationes* 8. *in fin. ff. de cap. min. l. ubi pugnancia* 188. §. 1. *ff. de Reg. Jur. §. sed naturalia Inst. tit. de Jure Nat.*

Porro sunt quidam actus, qui non solum intellectum, sed stabilis & constantis judicij maturitatem requirunt. Quoad hos actus etiam pupillus proximus pubertati nullum judicium habere dicitur, quia ejusmodi judicium non habet, cuiusmodi requiritur in his actibus celebrandis: ut cum agitur de condendo testamentum §. 1. *Instit. tit. quib. non est permitt. fac. de iudicando l. cum Prator §. non autem ff. de iudic. de deferendo reos falsam monetat euentes l. 1. C. de fals. monet. de sustinenda persona procuratoris §. iuste Inst. tit. quib. ex caus. man. non lic. l. si collectaneum* 13. *ff. de manum. vind.*

Caret igitur pupillus etiam pubertati proximus eo iudicio, quod desideratur ad celebrandos hos actus: non caret ea intelligentia, quæ requiritur, ut intelligat id, quod agit in contrahendo, vel in delinquendo, & quæ desideratur, ut naturaliter obligetur. Itaque eum naturaliter obligari constat ex *l. hoc iure* 19. §. *si quis servo ff. de donat. l. ult. in princ. ff. de iurejur. l. cum illud* 25. §. 1. *ff. quan. dies leg. ced. l. si ejus pupilli* 64. *in princ. ff. ad S. C. Trebell. l. si pupillus* 21. *in princ. ff. ad L. Falcid. l. 1. in fin. ff. de novat. l. Stichum* 95. §. *aditio ff. de solut. l. si pupillus* 127. *ff. de V. O. juncta l. fidejussor. in princ. & in §. fidejussor ff. de fidejuss.*

Contrarium tamen discrete traditum est in *l. pupillus ff. de oblig. & action. in l. quod pupillus ff. de condit. indeb. quæ torserunt ingenia omnium Interpretum. Ego verissimam esse puto interpretationem Donelli in *l. si pupillus* 127. *ff. de V. O.* quam confirmare conabor, eademque opera vim naturalis obligationis a pupillo contractæ luculentius, quam hæctenus alii præstiterint, explicare.*

Vis naturalis obligationis spectatur in effectis, quæ non repugnante, imo permittente & approbante Jure Civili, ab ea promanant. Effectus naturalis obliga-

tionis sunt partim per accessionem, partim principales. Per accessionem, veluti quod ei obligationi potest accedere fidejussor *l. stipulatus* 6. *in fin. l. fidejussor* 16. §. *fidejussor. ff. de fidejuss. §. 1. Instit. tit. de fidejuss. quod potest accedere pignus l. res hypotheca* 5. *ff. de pignor. quod naturale debitum potest constitui l. 1. §. debitum ff. de constit. pecun. quod hæc obligatio potest novari l. 1. in princ. ff. de novat. & quod novatio sit, etiam civilis obligatio in naturalem obligationem transfundatur d. l. 1. §. 1.*

Effectus principales sunt sere duo, compensatio, & retentio. Naturale debitum etiam cum civili potest compensari *l. etiam* 6. *ff. de compens. Potest etiam retineri a naturali creditore, si ad eum pervenerit id, quod ipsi naturaliter debebatur. Itaque si ei solum fuerit, ab eo repeti non potest, nec cogi ad restituendum l. naturales* 10. *ff. de oblig. & act. l. naturaliter* 13. *l. si pæna* 19. *l. si non sortem §. libertus ff. de condit. indeb. Item si creditor succedat debitori, retinere potest quod sibi naturaliter debebatur l. Stichum §. aditio ff. de solut. Transit enim etiam obligatio naturalis in hæredem, & ab hærede in fideicommissarium l. quamvis* 40. *in princ. ff. ad S. C. Trebell. & si debitor solverit hæredi creditoris, hæres hoc quoque tenetur restituere fideicommissario l. si heredi* 47. *ff. eod. Quod si Falcidia detrahenda sit, sicut hæres deducere potest id, quod sibi civiliter debebatur l. in imponenda C. ad Leg. Falc. l. qui fundum* 87. §. *si quis hæredem ff. eod. ita deducere potest, ac retinere id, quod naturaliter ei debebatur d. l. Stichum §. aditio.*

Verumtamen non omnium obligationum naturalium eadem vis est. Quantum attinet ad pupilli obligationem, de ea ita habendum. Aut obligatio pupilli consideratur in persona ipsius pupilli, aut in persona aliorum. Quoad personam pupilli, non immerito nulla dicitur, quia contra pupillum nullam vim habet. Quid

ita?

ita? quia contracta est sine tutoris auctoritate, sine qua pupillus conditionem suam deterorem facere non potest, *princ. tit. Instit. de auctor. tut.* hæc certissima Juris Civilis regula vim omnem naturalis obligationis enervat, cum ea exerceri debet contra ipsum pupillum. Itaque si pupillus solvat id, quod debet, sine tutoris auctoritate, repetere potest, *l. quod pupillus ff. de condit. indeb.* non quia id naturaliter non debeatur, sed quia persona pupilli, ejusque privilegium facit locum repetitioni *l. interdum ff. eod.* Quod si ea obligatio in alium transferatur, veluti in hæredem ipsius pupilli, & hic solverit, repetere non poterit *l. si ejus pupilli in princ. ff. ad S. C. Trebell.* Retentionem quoque, quam non parit hæc obligatio vivente pupillo, parit eo mortuo *l. Stichum §. aditio ff. de solution.* Ergo naturalis obligatio pupilli nullam vim habet adversus pupillum, non quia ipsa sit hebes, & infirma per se & nulla; sed quia impenetrabilis est persona pupilli, & auctoritate Juris Civilis defensa. Atque eadem ratione, nec compensatio admittetur in persona pupilli, nam & ipsa quædam species est retentionis, ipsa quoque pupillo noceret.

Idem fere constitutum est in novatione. Docet nos Justinianus, pupillum sine tutoris auctoritate stipulari posse, promittere autem non posse, *princ. tit. Instit. de auctor. tutor.* In novatione contrarium est constitutum. Fit novatio promittente pupillo: non fit novatio pupillo stipulante. Nihil enim nocet pupillo novatio cum promittit; quia ipse naturaliter solum obligatur; quæ obligatio pupillum non lædit, ut diximus. Habet suum effectum hæc obligatio naturalis, per eam enim sustinetur novatio *l. 1. in fin. ff. de novation.* Nocet etiam hæc obligatio: non tamen personæ pupilli, sed personæ creditoris, qui rem amittit prior enim debitor liberatur, & pupillus, in quem transfunditur obligatio prioris debitoris, est omnino immunis §. *præterea*

Instit. tit. quib. mod. toll. oblig. Idem dicendum, si pupillus promittat, ut novet suam obligationem: ipse liberabitur a priori obligatione civili & efficaci, & tenebitur solum obligatione naturali, quæ quoad ejus personam erit inutilis, & nulla *l. 1. in fin. ff. de novat.* Utroque igitur casu valet novatio promittente pupillo: primo, quia novatio pupillo non nocet: secundo, quia prodest. Meliorem autem conditionem suam facere potest pupillus sine tutoris auctoritate *princ. tit. Instit. de auctor. tutor.*

Contra vero si pupillus stipuletur, non fiet novatio. Et hoc est, quod traditur a Paulo in *l. novare 20. §. 1. ff. de novat.* Pupillus sine tutoris auctoritate non potest novare; tutor potest, si hoc pupillo expediat. Novat enim qui stipulatur. Is potest novare, cui recte solvitur *l. cui recte ff. de novat.* Pupillo non recte solvitur, & ideo novare non potest. *l. pupillo 15. ff. de solution.* Nocet enim novatio pupillo, quia liberat debitorem ab obligatione, & obligationem a se alienat, quam alienare non potest *d. l. pupillo*, etiam si ei soluta sit pecunia debita §. *nunc admonendi Instit. tit. quib. alien. lic. vel non.* Quamvis enim loco debitoris liberati alium debitorem accipiat, qui fortasse potest esse magis idoneus, ac propterea possit expedire pupillo novatio *d. l. pupillo*: tamen quatenus liberat priorem debitorem, novatio ei nocet, & ideo est irrita. Est enim hoc damnum certum, utilitas autem incerta, quam expendere pupilli non est. Itaque quod sibi a Titio debetur, non potest pupillus a Cajo stipulari novationis causa, ut Titium dimittat. Sed nec delegare potest debitorem suum creditori *d. l. pupillo*. Quia delegando, cum dimittit, & alienat obligationem. Alium tamen, qui debitor non esset, & pro pupillo promitteret animo donandi, potest delegare, quia hæc delegatio non posset nocere pupillo, nec quicquam alienaret.

Ex his constat, naturalem obligationem

nem pupilli in ejus persona consideratam nullam vim habere. Quod si consideretur in persona aliorum, tunc omnes vires suas exerit, neque enim ipsam infringit personæ conditio. Ideo parit omnes effectus per accessionem, qui ad aliorum personam referri solent. Si pupillus promittat novationis causa, contingit novatio, ut diximus, & prior debitor liberatur *l. 1. in fin. ff. de novat. §. præterea Instit. sit. quib. mod. toll. oblig.* si pro pupillo quis fidejusserit, tenetur fidejussor *l. si pupillus 127. ff. de fidejuss.* Quod de fidejussore traditum est, obtinere in pignore, siquidem non ipse pupillus, sed alius ejus nomine rem suam pignori dederit, ambigendam non est *l. res hypotheca 5. ff. de pignor. l. etsi it 9. C. de præd. minor.* Item quod de novatione diximus, idem de obligatione constitutæ pecuniæ dicendum est, si quis constituat, se soluturum quod a pupillo debetur *l. 1. §. debitum ff. de constit. pecun.* Effectus quoque principales habet in persona aliorum, siquidem ad eos translata sit obligatio pupilli, ut paulo ante diximus: neque enim tunc quicquam ei obstat, quominus omnem vim suam exerat naturalis obligatio. Semota enim pupilli persona, nihil est ei impedimento, quominus se explicet, & vires omnes effundat.

His probe constitutis, quæ verissima sunt, mirari non debemus, si Veteres considerantes hanc obligationem quoad personam pupilli, statuerunt, eam nullam esse, pupillum nec natura debere, nec Naturali Jure obligatum esse, *l. pupillus ff. de oblig. & action. l. quod pupillus ff. de condict. indeb.* Quid enim debet pupillus, ut quorsum est obligatus, si adversus illum nullam vim habet obligatio? Obligationum substantia in eo consistit, ut nos obstringat ad dandum, vel faciendum *l. obligationum substantia ff. de oblig. & action.* Majori necessitate nos obstringit obligatio civilis, minori naturalis. Utraque tamen vinculum est *l. Stichum 95. §. actio ff. de solution. princ. sit. Instit. de Tem.L.*

obligat. Atqui in persona pupilli nullum est ejusmodi vinculum, quod habeat ullam vim ejus adstringendi, aut habeat ullum effectum: vim enim omnem re-tundit Jus Civile, & omnem effectum tollit.

Hinc recte Justinianus noster in *§. præterea Instit. sit. quib. mod. toll. oblig. Si id quod tu Titio debes, a pupillo stipulatum fuerit sine tutoris auctoritate, res amittitur, nam & prior debitor liberatur, & posterior obligatio nulla est.* Videtur hoc plane absurdum. Si posterior obligatio nulla est, non potest liberari prior debitor: non potest enim tolli prior obligatio nisi nova nascatur *d. §. præterea, & l. 1. in princ. ff. de novation.* Nec potest dici nulla obligatio, per quam fit novatio, per quam contingit liberatio debitoris, præsertim quia non alia de causa fuit instituta: habet igitur effectum, quem voluerunt contrahentes, qui novandi animo contraxerunt. Videtur igitur pugnantia loqui Imperator noster. Estne hoc ita? minime vero. Eadem ratione qua J. C. in *l. pupillus ff. de oblig. & action. & in l. quod pupillus ff. de condict. ind.* dixerunt pupillum nec natura debere, nec naturaliter obligari, dixit & Imperator pupilli nullam esse obligationem. Nimirum quando consideravit personam creditoris, qui rem amittit, personam debitoris, qui liberatur, agnovit vim naturalis obligationis: sed quando consideravit personam pupilli, dixit, nullam esse obligationem; cum enim ea vim suam exercere non possit adversus pupillum, creditor rem amittit, a pupillo nihil sperare potest.

Neque novum est, obligationem nullam dici, considerato impedimento, quod ipsi resistit, licet per se ipsa subsistat, & natura sua sit efficax. Obligatio mercedis dicitur efficax in *§. præterea Instit. 127 sit. de exception.* eadem dicitur nulla in *l. si dari 25. ff. de V. O.* Nimirum Imperator in *d. §. præterea* consideravit actionem, quam parit hæc obligatio. Pom-

H h

poy

ponius contra in *l. si dari* consideravit exceptionem, qua eliditur, & infringitur actio. Obligatio in diem statim nascitur, & in diem differtur solutio *l. centesima 46. ff. de V. O. §. omnis Inst. eod. l. cedere diem ff. de V. S. dicitur tamen nasci ex die l. obligationum fere §. 1. ff. de oblig. & act. & non dicitur deberi statim, sed post diem, & futura dicitur obligatio l. cum qui Calendis §. 1. l. si stipulatus 76. §. 1. ff. de V. O. l. 1. §. 1. l. si in annos ff. de cond. & demonst. Quid ita? quia licet statim debeatur, statim nata sit obligatio; tamen impeditur effectus actionis *l. nihil peti ff. de Reg. Jur. l. centesima ff. de V. O.* Est & cognatio servilis, quæ in nuptiis consideratur §. *illud certum, Inst. tit. de nupt. princ. tit. Inst. de servil. cognat.* quia tamen nullus est ejus effectus in servitute, ideo nulla cognatio in servis esse dicitur *l. 1. §. 2. ff. unde cogn. l. ult. §. non parcius ff. de gradib. & affin.**

Illud tamen doctis quibusdam Viris absurdum videtur, quod obligatio naturalis consistat in persona pupilli, eaque sit sine effectu, cum posita causa effectus necessario consequatur, eoque deficiente ipsa quoque causa deficiat.

Sed nullius momenti est hujusmodi argumentum: hæc enim vera sunt solummodo, cum effectus deficit propter impedimentum, ac vitium intrinsicum causæ: videlicet cum causa ipsa per se non est idonea ad producendum effectum. Ceterum cum causa non producit effectum propter impedimentum extrinsecus obveniens, potest esse causa sine effectu. Homo dormiens, homo delirus, aut furiosus, non eo minus est animal rationale, quod in eo ratio sit sine effectu. Gladius non eo minus est acutus, & per se aptus ad feriendum, quod vagina sit inclusus. Remove vaginam, & experire. Si novaculam impingas adamantis, non cædet; hoc fit adamantis duritie, non novaculæ hebetudine. Remove personam pupilli, quæ rerundit actionem naturalis ob-

ligationis, & non erit sine effectu. Persona pupilli infringit vires obligationis *l. interdum ff. de condit. indeb.* non imbecillitas obligationis. Itaque vires suas exerit contra alios, non contra pupillum. Pupilli non possunt de rebus suis disponere, neque eas alienando *l. pupillus 11. ff. de acquir. rer. dom. l. obligari 9. §. pupillus ff. de auctor. tutor. neque de illis testando §. præterea Inst. tit. quib. non est perm. suc. testam.* Num idcirco domini non sunt? falsum §. *nunc admonendi Inst. tit. quib. alien. lic.* Libertas est facultas faciendi quod libet §. *libertas Inst. tit. de jure person. l. 4. ff. de statu homin.* Capti a latronibus non possunt facere quod libet, & tamen liberi sunt *l. hostes ff. de capt. & possim.* Nimirum non deest facultas naturalis, sed vi externa impeditur. Obligatum præcipuus effectus est, ut pariant actionem *l. licet §. ea obligatio ff. de procur. l. actionum ff. de oblig. & act.* qua debitor adstringatur, & cogatur ad dandum *l. obligationum substantia ff. de oblig. & action.* Stipulatio in diem statim parit obligationem *l. cedere diem ff. de V. S. l. centesima ff. de V. O. §. omnis Inst. eod.* & tamen ante diem nihil peti, nihil exigi potest *l. nihil peti 186. ff. de Reg. Jur. l. certi 9. ff. de reb. credit.* Non deficit obligatio, sed adfectio diei impedit, ac differt ejus effectum *d. §. omnis Inst. tit. de V. O.* Obligatio, cui obstat exceptio aliqua perpetua, est vera obligatio, & producit actionem; sed tamen neque ex ea obligatione promanat effectus, qui ex aliis obligationibus solet provenire obstante exceptione §. *1. Inst. tit. de except.*

Illud quoque falsum est, esse sine effectu naturalem obligationem pupilli, cum vires suas exerceat tum in accessionibus, tum adversus eos, in quos translata sunt obligatio, ut paulo ante demonstravimus. Imò & adversus ipsum pupillum, quoties non repugnat regula illa, qua statuitur, pupillum sine tutoris auctoritate conditionem suam non posse facere deter-

rio.

riorem. Itaque si pupillus cum auctoritate tutoris promittat id, quod naturaliter debebat, obligabitur, neque enim hæc promissio erit donatio, sed debiti solutio *l. hoc jure §. si quis servo ff. de donat.* Unde intelligimus, quod et si tutor auctore solverit, quod naturaliter debebat, non poterit repetere, cum sit debiti solutio *d. l. hoc jure.* Itemque si pubes factus solverit, non repetet; agnovit enim naturalem obligationem, postquam persona ejus amplius non facit locum repetitioni, argum. text. in *l. item si §. penult. & ult. ff. ad S. C. Maced. l. 2. C. cod.*
 161. 2. C. de fideicom. Et de hoc pupillo arbitro intelligenda Jurisconsultorum responsa in *l. si ejus pupilli 64. in princ. ff. ad S. C. Trebell.* ubi agitur de pupillo pubere factus, cum testamentum condiderit: add. §. *præterea Instit. sit. quib. non est permiss. fac. test.* De eodem agi puto in *l. si pupillus 21. in princ. ff. ad Leg. Falcid.* cum ibi legati repudiati mentio fiat, ac proinde vel supponatur pupillus pubes factus, vel adhibita tutoris auctoritas.

XL. Muliere impubere expromittente actio non restituitur.
XLII. Restitutio in integrum ita conceditur, ut quæ minorum fieri possit alter ledatur.
XIX. In contractibus non excusati ignorantia facti.
XX. In contractis pupilli locum non habet regula errorum.
XXIII. Dator restitutio etiam adversus naturalem obligationem.
XXIV. Contrarium probatur.
XXV. Aliorum factum nobis nocere non debet.
XXVI. Cessat beneficium divisionis, si aliter fidei jussor solvendo non sit.

Novare, & novationem dixere Veteres Jurisconsulti: novatorem non dixerunt, quamvis hoc nomen Latinum sit, & maxime accommodatum ad explicandum eum, qui novat obligationem. Hic enim aliam ex alia obligationem facit. *l. 4. §. ait Prætor ff. de re judic. Ac* propterea novatoris nomen ei maxime convenit. Ovid. in *Metamorphos.*

— *Rerumque novarum*

Ex aliis alias reddit natura figurat:

Nostis tamen Jurisconsultis magis placuit nomen expromissoris, quam novatoris, fortasse quia hoc multo latius patet, quam illud. Hoc nomen explicabimus paulo accuratius, quam a Nostis factum sit, cum plerique vim ejus nominis non sint assecuti.

Expromissor dicitur is, qui pro alio promissit ea conditione, ut ab eo mox liberaretur, in *l. & eleganter 7. §. servus ff. de dol. mal.* Et recte quidem meo iudicio. Apud Historicæ Augustæ Scriptores, ex Consulibus dicitur, qui Consul fuit: ex Ducibus, qui fuit dux: ex Tribunis, qui fuit Tribunus: ex Præfecto Urbis, qui fuit Præfectus Urbi. Apud veterem Juvenalis Interpretem ex gladiatore dicitur, qui gladiator fuit. Ab Arnobio castrati dicuntur ex maribus: quasi mares fuerint, jam non sint. Hujusmodi autem nomina passim occurrunt in Codice Theodosiano: & in Cod. Justiniano invenimus ex Quæstore, ex Consule,

H h 2 ex

C A P U T XV.

AD §. PRÆTEREA INSTIT.

sit. quib. mod. toll. oblig.

S U M M A R I U M.

- I. Expromissor unde dicitur, & quis sit?
- II. Quando quis expromittere dicatur.
- III. Expromittens pupillo sit novator.
- IV. V. Nec restituitur actio adversus veterem debitorem.
- VI. Expromittente muliere actio restituitur: & quare? n. 14. & 18.
- VII. Actio omnino restituenda, quando quis facti ignorantia decipitur.
- VIII. IX. Expromittente minore actio restituitur: & quare? n. 22.
- X. Quando actio restituitur plura exempla proponere augeat ad n. 14.
- XIV. Beneficia sine cuiusquam injuria sunt concedenda.
- XV. Hereditas non adita non transmittitur. Falsis in casu S. C. Silaniani.

ex *Præfatio Prætorio* §. 1. de nov. Cod. fac. & §. ad istum de Justin. Cod. confir. Quemadmodum autem Veteres ex duobus verbis *pro Consule*, & *pro Prætor*, & similibus, unam vocem composuerunt, dixeruntque *Proconsulem*, & *Proprætorem*; sic illi ex duobus vocibus unam fecerunt, ac dixerunt *Exconsulem*, *Exquæstorem*, *Excubicularium*, *Isidor. lib. 9. Etym. cap. 3. Justin. in præfat. Cod. l. maximum 12. C. de excus. mun. lib. 10.* Sic ex promissore factum est expromissor: isque ille est, qui promisit, & fuit obligatus d. l. & eleganter §. servus ff. de dol. n. l. Quoniam vero aliquando expromittere significat idem ac promittere, ut in l. si noxali §. 1. ff. de pecul. l. cum dotis 55. ff. de jure dot. vel potius quia, qui novat alicujus obligationem, succedit in locum ejus; ideoque expromissor dici cepit etiam is, qui novat aut suam, aut alienam obligationem, & expromitti dicitur, quoties promittitur id, quod antea debebatur, quare hoc verbum ad novationem pertinet l. ult. ff. de S. C. Macedon.

Itaque si quis, cum antea civiliter non teneretur, idem postea creditori suo promittat per stipulationem, expromittere dicitur l. ult. ff. de S. C. Macedon. l. hoc jure 19. §. si quis servus ff. de donat. Item si mutetur persona creditoris, & qui Titio debebat, Cajo promittat a creditore suo delegatus, dicitur expromittere l. debitor 36. ff. de jur. dot. l. si mandatum 45. §. sed si mandavero ff. mandat. l. mortis 31. §. si jussis ff. de mort. caus. donat. Denique, & mutata persona debitoris expromissor is dicitur, qui promittit id, quod ab alio debetur, ejusque in se transfert obligationem l. si noxali §. 1. ff. de pecul. l. quod servus 56. ff. cod. l. 4. §. ait Prætor ff. de re judic. l. quod si non solvere 10. ff. de pignor. action. l. si quis 4. ff. de cond. caus. dat. l. quamvis 8. §. si convenerit ff. ad S. C. Vellejan. l. & eleganter §. servus ff. de dol. mal. l. qui libertinus 37. §. ult. ff. de operis libert. Expro-

mittere autem dicuntur etiam servus, & mulier, licet expromittendo non obligentur l. si noxali §. 1. l. quod servus 56. ff. de pecul. l. quisvis §. si convenerit ff. ad S. C. Vellejan.

Ad rem nostram veniamus. Si pro aliquo debitore pupillus expromittat sine tutoris auctoritate, liberat eum debitorem §. præterea Inst. tit. quib. mod. toll. oblig. Licet enim pupillus sine tutoris auctoritate non obligetur civiliter; obligatur tamen naturaliter l. si pupillus 21. in princ. ff. ad Leg. Falcid. l. si ejus 64. in princ. ff. ad S. C. Trebellian. l. cum illud 25. ff. quando dies leg. ced. l. Stichum 95. §. aditio ff. de solus. l. ult. in princ. vers. nam si ff. de jurejur. l. si pupillus 127. ff. de verb. obligat. l. hoc jure 19. §. servus ff. de donat. Naturalis autem obligatio sufficit, ut novetur præcedens obligatio l. 1. §. 1. de novat. Dubitari tamen potest, an creditori ex æquitate restituenda sit actio adversus veterem debitorem a pupillo expromittente liberatum. Etenim si ei non restituitur actio, nihil amplius consequi poterit, non a veteri debitore, quia liberatus est: non a pupillo, quia civiliter non est obligatus. Queritur autem, an in hac causa restituenda sit actio amissa, quia plerique in causis ea restituitur, ut infra demonstrabimus: & actio, quæ restituitur, vocatur actio restitutoria l. quamvis 8. §. Marcellus & §. si mulieri & §. plane l. aliquando §. ult. ff. ad S. C. Vellejan. l. 8. C. cod. l. 3. §. 1. ff. de eo per quem fact. erit. Hæc eadem vocatur actio rescissoria in l. si paternam 8. & in l. si mulier 16. C. ad S. C. Vellejan. quia rescissa intercessione, ac novatione, restituitur actio adversus veterem debitorem l. ult. in fin. ff. ad S. C. Vellejan. quemadmodum rescissoria vocatur actio illa, qua rescissa usucapione, vel alia liberatione, res nostras recuperamus l. ab hostibus 18. C. de pestlim. revers. l. necnon §. pen. & ult. ff. ex quib. caus. major. §. rursus ex diverso. Inst. tit. de actio.

Hæc autem de re gratias habere oportet

107

tet Imperatori nostro Justiniano, qui in d. §. nos docuit, actionem non esse restituendam. Ait enim in d. §. *præterea: Interdum licet posterior stipulatio inutilis sit, tamen prima novationis jure tollitur: veluti si id, quod tu Titio debes, a pupillo sine tutoris auctoritate stipulatum fuerit: quo casu res amittitur, nam & prior debitor liberatur, & posterior obligatio nulla est.* Res amittitur expromittente pupillo: non amitteretur autem, si creditor posset actionem recuperare: ei enim integra causa pristina restitueretur l. si mulier contra 14. & l. quidam 29. ff. ad S. C. Vellejan. & posset convenire debitorem suum, perinde ac si novatio facta non fuisset l. si paternam 8. C. cod. Is, cui a Prætorē succurritur, rem non amittit, sed amissurus esset, nisi succurreretur l. in omnibus prætoris 5. ff. de præst. stipulat. & amitti, aut perire res dicitur, quando omnino redditur inutilis obligatio, & actio, vel ipso Jure, vel ope exceptionis l. si debitor 91. ff. de solut. quando autem quis habiturus est actionem, aut exceptionem, res servari dicitur, non amitti l. 2. §. si Titius ff. de hered. vel action. vend. l. & hæc distinctio §. cum fundum ff. locat. l. cum vir. 10. ff. de except. dol. mal. nam qui actionem habet ad rem recuperandam, rem ipsam habere videtur l. id apud 143. ff. de Verb. Sign. l. qui 15. ff. de Reg. jur.

Nec obstat text. in l. Divus in princ. ff. de rest. in int. ubi rem amississe dicitur ille, qui in integrum restituendus est. Nam ibi res significat litem, quemadmodum & in l. sine Judice §. Marcellus ff. rem rat. hab. Nec quicquam impedit, quominus litem amississe dicatur, qui petere potest restitutionem in integrum.

Sit igitur hoc constitutum, expromittente pupillo sine tutoris auctoritate non solum liberari directæ actione debitorem, sed etiam rem amitti, nec esse restituendam actionem creditori. Multis tamen & legibus, & argumentis contrarium pro-

bari posset, de quibus est a nobis accurate differendum.

Primum latius constat, quod expromittente muliere restituitur actio adversus veterem debitorem, quia mulier Vellejana Senatusconsulto adjuvatur l. si mulier 16. C. ad S. C. Vellejan. l. 1. §. ult. l. quamvis §. quoties, cum mult. seqq. l. aliquando §. ult. l. si mulier 14. l. si pro uno 20. l. debitor 24. §. 2. & 3. l. quidam 29. ff. ad S. C. Vellejan. Imo si ille, pro quo mulier se obligavit, non sit obligatus, quia mulier ipsa loco ejus contraxerit: nihilominus adversus eum datur actio, tamquam si ipse contraxisset l. quamvis 8. §. si cum essem ff. eod. Ergo actio restitui debet etiam expromittente pupillo.

Imo multo magis restitui debet, cum pupillus expromittit, quam cum expromittit mulier. Etenim quando quis deceptus est ignorance facti, & actionem amisit, redditur ei actio amissa: non redditur autem, quando sciens id fecit, quo actionem amitteret l. heredem 17. ff. de his, que ut indign. Qui autem accipit mulierem expromissorem, non potest facti ignorancem prætere d. l. quamquam 7. ff. ad S. C. Vellejan. At qui accipit pupillum, potest ignorance facti decipi propter incertum ætatis, ut constat ex toto tit. C. si minor se major, dixer. Et ad rem nostram pertinet l. si Titius & Seja 43. ff. de fidejuss. ubi si quis fidejusserit simul cum muliere, non habet beneficium divisionis, quia scire potuit, aut ignorare non debuit, mulierem frustra intercedere. Contra vero si quis fidejusserit simul cum minore, habet beneficium divisionis propter incertum ætatis. Igitur cum excusetur ille, qui erravit in ætate minoris, aut pupilli: non autem excusetur, qui erravit in sexu mulieris: æquius est, ut restituatur actio ei, qui accepit pupillum expromissorem, quam ei, qui accepit mulierem d. l. heredem: Et confirmatur exemplo filii-familias. Si quis mutuum pecuniam crediderit ei, quem

quem patremfam. putabat non vana simplicitate deceptus, pecuniam non amittit, & cessat Senatusconf. Macedonianum. *l. 3. in princ. ff. ad S. C. Macedr.* At vero adversus mulierem hanc facti ignorantem prætereundum non possumus *l. quamquam 7. ff. ad S. C. Vellejan.* In pupillo autem eadem videtur esse ratio, ac in filiofamilias.

Secundo, pupilli, & minores semper in Jure nostro comparantur: sed expromittente minore restituitur actio adversus veterem debitorem *l. un. §. 1. C. de reputat. que sunt in jud. restit. in int. l. ult. ff. de minor. l. alterius ff. de tutel. Or ration. distrab.* Ergo & expromittente pupillo.

Tertio, confirmatur ex *l. si Titius, Or Seja 48. in fin. ff. de fidejuss.* ubi si quis minorem dolo adduxerit ad expromittendum, frustra desiderat, ut sibi actio restituatur adversus veterem debitorem a minore liberatum. Ergo a contrario, si creditor minorem non circumvenit, recte petet, actionem sibi restitui: est autem hoc argumentum fortissimum *l. 1. in princ. ff. de off. ejus, cui mand. est jurisd.* Idem autem quod de minore dicitur, de pupillo dicendum videtur.

Quarto, consideranda est *l. ex hoc 3. §. 10. plane ff. de eo, per quem fact. eris.* Quidam prohibuit, ne in judicio sisteret reus, interim reus elapso tempore liberatus est actione illa, qua conveniri poterat. Tenetur is, qui vetuit, ne in judicio sisteret reus: verumtamen si hic solvendo non sit, æquum est, restitui actionem adversus veterem debitorem liberatum. Ergo multo magis restituenda est, quando debitor liberatur a pupillo, qui nec tenetur, nec potest conveniri. Ille potest sperare, cum ad pinguiores fortunam perventum: potest, si non totam summam, saltem aliquam partem ab eo expremere, atque emungere. Huic nulla spes est reliqua, cum pupillus conveniri non possit. *Quedam nomina bona, lenius, ac sapiens creditor fecit, qui susti-*

nuit, ac mora fovit: ut ait Senec. *de beneficiis. lib. 7. cap. 29.* At hic bonum nomen facere non potest, cum pupillus non sit obligatus.

Quinto, si servus noxæ dedatur ei, cui damnum dedit, cum a domino absente non defendatur, & reversus dominus petat, ut sibi servus restituatur; restituitur etiam actio creditori adversus ipsum dominum *l. 2. in fin. ff. si ex noxal. caus. agat.* Ergo creditor non debet privari emolumento, & eo, quod sibi debebatur; & si privetur, ei actio prius restituenda est.

Sexto, si duo pro eodem fidejusserint, alter pure, alter sub conditione: & qui pure acceptus est, pro virili condemnatus fuerit; restituenda est adversus eum actio, si alter non sit solvendo eo tempore, quo conditio existit. *l. si plures 27. ff. de fidejussor.* Igitur restituatur actio creditori adversus veterem debitorem, quoties ille liberatus est facto ejus, qui solvendo non est. Ergo multo magis restituenda est, si liberatus sit facto ejus, qui se non potest obligare.

Denique, si minor acceperit expromissorem inopem, restituitur ei actio adversus veterem debitorem *l. patri §. ex hoc ff. de minor.* Ergo multo magis restituenda est, quando expromissor est pupillus, qui non obligatur.

Ne quem turbent hæc argumenta, singula refutabimus. Ad primum respondeo, non eandem esse causam mulieris, & pupilli. Mulier natura sua se potest obligare, & ex omnibus aliis causis obligatur, quia & habet animi judicium, & rerum suarum administrationem. Verum Senatusconsultum Vellejanum, ut auxiliaretur infirmitati, atque imbecillitati mulierum, novum hoc ipsis beneficium indulgit, quo factum est, ut sociæ ex sua intercessione non teneantur. Æquum autem Prætori visum fuit succurrere etiam creditoribus, qui facto mulieris actionem amisit, eam ipsi restituerent *l. 1. in fin. ff. ad S. C. Vell.* Et merito:

14to * beneficia enim sine cuiusquam injuria, damnum sunt concedenda l. nec ovus C. de emancip. l. 2. §. merito ff. ne quid in loc. public. l. impuberi ff. de administ. tut. l. sciendum ff. ex quibus caus. major. l. quoties 2. & l. rescripta 7. C. de precib. Imperat. off. l. 2. §. si quis a Principe ff. ne quid in loco publ. l. si quis sepulcrum in princ. ff. de religiof. & sumpt. fun. Et ne puillis quidem nova beneficia cum alterius injuria sunt impertienda l. sed cum ab herede ff. ad S. C. Trebellian. Quod mulieres non teneantur intercessionem, id obtinuerunt, non quia non sint idoneæ ad contrahendam obligationem, sed beneficio Senatusconsulti: sic appellatur in l. debitor §. si Senatusconsulti ff. ad S. C. Vellejan. in l. quatuor 9. in l. si adversarius 10. in l. si dotare 12. C. cod. seu ejusdem Senatusconsulti auxilio; ut vocatur in l. si mulier 26. ff. ad S. C. Vellejan. in l. Senatusconsultum, in l. si sine, in l. si mater, in l. si sciens, in l. si uxor C. cod. Igitur, quantum fieri poterat, hoc beneficium, & auxilium sine injuria creditoris concedendum fuit. Cessat in pupillis hæc regula. Illi enim nullo beneficio, nullo auxilio indigent, ut expromittendo non obligentur, quia nulla ex causa obligantur sine tutoris auctoritate l. obligari ff. de oblig. & action. princ. tit. Inst. de auct. tut. Non obligantur autem, quia non sunt idonei ad contrahendam obligationem, cum nec habeant animi judicium l. pupillus 189. ff. de Reg. Jur. §. præterea Inst. tit. quib. non est permiss. sac. test. nec ipsis concessa sit rerum suarum administratio §. 2. Inst. tit. quib. alien. lic. & tutores domini loco habeantur in rebus pupilli l. qui fundum 7. §. si tutor ff. pro empt. l. interdum 56. §. qui tutelam 4. ff. de furt.

Exemplis rem explico. Non transmittitur ad successores hereditas, nisi adita
15 sit l. un. §. in novissimo C. de caduc. tollend. Vtveti Senatusconsultum Silanianum adire hereditatem ejus, qui oculus est, antequam quæstio de familia habeatur; sed

tamen hoc sine injuria hæredis statuendum fuit: itaque si interea moriatur hæres, transmittit actiones utiles ad suos successores: sed ita tamen, si hoc solo impedimento terreatur, ne adeat: si alia de causa non adierit, aut aliud impedimentum obstitit, non prod. Senatusconsultum l. 3. §. non tantum cum seq. & §. ult. ff. ad S. C. Silanian. Hinc intelligimus, non solum, cur expromittente pupillo non sit actio restituenda: sed etiam, quod si scæmina impubes expromiserit sine tutoris auctoritate, actio restituenda non erit. Neque enim credito-
16 ri proderit sexus expromittentis, cum obstat aliud impedimentum ætatis d. l. 3. §. ult. ff. ad S. C. Silanian.

Aliud exemplum sit in minoribus: Minores si curatorem non habeant, aut si habeant, cum ejus consensu recte contrahunt. Prætor tamen, si sua facilitate læti, captive fuerint, concedit ipsis restitutionem in integrum, & quidem eadem de causa, qua Senatusconsultum scæminis succurrit l. 1. ff. de minor. l. 5. in fin. C. de in integr. restit. l. ait Prætor §. non solum ff. de minor. Ita tamen eam
17 concedit, ut quam minimum lædatur, qui cum minore contraxit, & ideo omnia redigit ad pristinum statum l. quod si minor §. restitutio ff. de minor. l. 1. §. plane ff. de collat. l. 1. & 2. C. si advers. transact. & expromittente minore restituit actionem adversus veterem debitorem l. un. §. 1. C. de repus. l. ult. ff. de minor. l. alterius ff. de tutel. & rationibus distrabendis. Est enim hoc auxilium extraordinarium l. in causa 16. ff. de minor. & beneficium l. Præses ff. cod. l. un. C. si advers. rem judic. l. ult. C. si minor se major. dixer. l. 1. C. de filiof. minor. & ideo sine cuiusquam injuria concedendum est, ut diximus: idemque servandum in muliere.

Præterea additur his alia ratio. Senatusconsultum Vellejanum factum est, ut subveniretur mulieribus deceptis, & prospiceretur ne in posterum deciperentur l. 2. §. verba & §. seq. ff. ad S. C. Vellejan. l. si
fine

sine 5. C. *cod.* At vero cum mulier expromittit, magis decipitur a debitore, qui eam adducit ad expromittendum, quam a creditore, qui eam accipit expromissorem: atque ideo veniam non meretur debitor, nec ei prodesse debet Senatusconsultum, cum fecerit id, quod ne **18** *secret*, cavit Senatusconsultum. Et hoc est, quod traditur in l. 1. in fin. ff. ad S. C. *Vellejan.* Etenim si nec ipsa mulier ullum commodum sentit ex Senatusconsulto, cum decipiendi animo intercedit l. 2. §. *sed ita*, l. si decipiendi in princ. ff. ad S. C. *Vellejan.* l. si *sine* C. *cod.* quanto minus debet sentire commodum ex intercessione, qui mulierem ipsam decepit, quod fieri vetat Senatusconsultum. Quod autem debitor ipse mulierem deceperit, ideo presumitur, quia ad ipsum pervenit emolumentum, cum liberetur ab obligatione. Notus est ille communis Oratorum locus, eum praesumi deliquisse, qui ex delicto commodum sentit. Notum & illud Cassianum, cui bono fuisset. Non ita se res habet in pupillis. Etenim pupilli contrahere prohibentur, non ad evitandas fraudes contrahentium, sed quia non sunt idonei ad contrahendam obligationem, seque nulla ex causa possunt obligare sine tutoris auctoritate, etiam si damnum ex contractu non patiantur.

Ad ea autem, quae adjungebantur confirmandi argumenti causa, responderetur, quod veniam meretur, nec puniri debet ignorantia facti l. *genero* 8. ff. de his, qui not. inf. l. ult. ff. de decret. ab ord. fac. & ideo in d. l. *heredem* 17. ff. de his quae ut indi-
19 *agn.* actio restituitur. At in casu nostro, in quo agimus de contractu, non facile excusatur ignorantia, quia nemo ignarus esse debet conditionis ejus, cum quo contrahit l. qui cum alio 19. ff. de Reg. Jur. Et qui cum pupillo contrahit, sibi imputare debet, nec excusatur, adeo ut ipse obligetur, licet pupillus vicissim non obligetur princ. tit. Instit. de auct. tut. l. si id quod 7. §. 1. ff. de resc. vend. l. Julia-

nus 13. §. si quis a pupillo 29. ff. de action. empt. Nec oblivatur illa regula pervul-
20 *gata*: quod in uno ex correlativis obtinet, id etiam in altero obtinere debere l. ult. ff. de acceptil. l. cum emptor 5. in princ. ff. de rescind. vendit.

Ad text. in l. si Titius, & Seia ff. de fidejuss. dico, multa ibi concurrere, **21** quo fidejussor excusatur, qui simul cum minore fidejussit. Primum ibi fidejussor non contrahit cum minore, itaque non debet ei imputari, si non exploravit ejus conditionem, & aetatem. Praeterea non solum excusatur propter incertum aetatis, sed etiam propter incertum restitutionis; ibi: propter incertum aetatis, & restitutionis. Item ibi agitur de minore, non de pupillo. Facilius cognoscitur pupillus, quam minor: pupillus enim tutorem habere debet §. impubes Instit. tit. de Auct. tutor. minor autem potest non habere curatorem, cum invitus curator non detur. §. item inviti Instit. tit. de curator. l. si impuberi 13. §. ult. ff. de tut. & curat. l. mutus 43. §. is qui 3. ff. de procurat. l. matris 6. C. qui pet. tut. l. 3. in fin. C. de in integr. restitut. Potest minor se majorem fingere, & adversarium decipere l. 1. & seqq. C. si min. se major. dixer. pupillus non potest se majorem fingere: nemo enim tam bardus est, qui non dignoscat impuberem a majori viginti quinque annis. Quod si pupillus dicat, se excessisse pupillarem aetatem, id ei nihil profuturum est, quia qui cum eo contrahit, exigere debet curatoris auctoritatem, sine qua non obligaretur, si minor esset l. 3. in princ. C. de in integr. rest. Itaque qui cum pupillo contrahit, sine magna sua culpa & incogitantia decipi non potest. Denique animadvertendum est, quod in d. l. si Titius, & Seia ff. de fidejuss. agitur de minore, qui curatorem non habebat, ac propterea excusatur fidejussor, si eum majorem esse existimavit, quia minores solent habere curatorem l. 3. ff. de minor. Quod ibi agatur de minore curatorem non habente, probatur hoc modo.

do. Ibi minor petiit, & impetravit restitutionem in integrum, quæ utique datur curatorem non habenti *l. 3. in fin. C. de in integr. restitut.* Quod si dicamus, cum habuisse curatorem; aut fidejussit sine ejus auctoritate, aut adhibita ejus auctoritate. Si fidejussit cum ejus auctoritate, non poterit esse incerta ejus ætas, ut ibi supponitur: nam qui in contractu videt adhiberi curatoris auctoritatem, hoc ipso debet intelligere, cum esse minorem. Si fidejussit sine curatoris auctoritate, non datur ei in integrum restitutio, sicut non datur pupillo sine tutoris auctoritate contrahenti *l. in causa 16. in princ. ff. de minor.* quia contractus ipso Jure non valet *l. 3. C. de in int. restit.* & quando contractus non valet, restitutio non datur, quia ipso Jure munitus est *d. l. in causa 16. §. Et generaliter ff. de minor. l. in dubium C. de tutor. vel cur. qui satis non ded. l. si tutor. 4. C. in quib. caus. in integr. restit. necess. non est.* Ibi autem supponitur impetrata restitutio: ergo falsum est fidejussisse sine curatore. Superest igitur, ut non habuerit curatorem.

Ad text. in *l. 3. in princ. ff. ad S. C. Macedon.* respondetur, quod cum exceptio Senatusconsulti Macedoniani detur in odium creditoris *l. qui exceptionem 40. ff. de condict. indeb.* non debet exceptio nocere ei, qui iusta facti ignorantia est deceptus *l. genero 8. ff. de his qui not. infam. l. ult. ff. de decr. ab ord. faciend.* Iusta autem est ignorantia facti ejus, qui existimat patremfam. illum, qui in omnibus se gerit pro patrefam. & qui communiter ejusmodi existimatur. In causa, de qua agimus, nec iusta est ignorantia, nec denegatur actionis restitutio propter odium creditoris, sed quia sibi imputare debet, qui pupillum expromissorem accepit, & non adhibuit tutoris auctoritatem, cum eam posset exigere.

Venio ad secundum argumentum, & dico, dissimilem esse causam minorum, & pupillorum. Probavimus modo, quod minor, qui impetravit restitutionem, aut

curatorem non habebat, aut contraxit cum auctoritate curatoris. Qui curatorem non habet, non est similis pupillo, quia civiliter obligatur *l. 3. in fin. C. de in int. 22 rest.* Qui curatorem habet, & cum ejus auctoritate contrahit, non est similis pupillo contrahenti sine tutoris auctoritate: ille enim obligatur, hic autem non obligatur. In illis legibus agitur de minore, qui impetraverat restitutionem in integrum: igitur aut agitur de minore curatorem non habente, aut de minore contrahente cum auctoritate curatoris: nec uterque autem similis est pupillo. Non potest igitur duci argumentum ab eo minore ad pupillum. Ratio autem, cur expromittente minore, & in integrum restituito, restituitur etiam actio creditori adversus veterem debitorem, in promptu est. Restitutio in integrum est amissæ causæ reintegratio *l. 2. C. in quib. caus. in integr. restit. necess. non est.* Hoc est, impetrata restitutione restituantur omnia in eum statum, in quo erant, antequam minor obligaretur, dum ne quid damni minor patiatur *l. quod si minor §. restitutio ff. de minor. l. un. C. de reputat. l. 1. & 2. C. si advers. transact. l. 1. §. plane ff. de colat.* Quare restituenda est etiam actio creditori, cum haberet illam antequam minor expromitteret.

Nec obstat, quod restitutio detur etiam adversus naturalem obligationem *l. 2. C. si advers. solut. l. illud ff. de minor.* Sed pupillus sine tutoris auctoritate naturaliter obligatur, ut supra probavimus: ergo ²³ indiget restitutione, ac propterea etiam expromittente pupillo restitui debet actio.

Respond. In illis legibus dari restitutionem adversus solutionem, non adversus naturalem obligationem. Nec pupillus sine tutoris auctoritate contrahens potest ²⁴ restitui: pupillus autem contrahens sine tutoris auctoritate ipso Jure munitus est, cum non possit facere conditionem suam

suam deteriore *princ. sit. Inst. de auctor. tut.* & ideo in nostro §. *præterea Inst. sit. quib. mod. toll. oblig.* dicitur nulla obligatio pupilli: & in *l. pupillus ff. de oblig. & action.* & in *l. quod pupillus ff. de cond. ind.* dicitur, pupillum nec naturaliter obligari: quia in his, quæ afficiunt personam pupilli, nulla est, & sine effectu naturalis obligatio, ne conditionem suam sine tutoris auctoritate faciat deteriore.

Ad tertium eadem est responsio: nam & ibi agitur de minore in integrum restituto.

Ad quartum respondeo, dari actionem restitutoriam, ne propter dolum alienum reus lucrum faciat, & actor damno afficiatur *d. l. 3. §. plane ff. de eo per quem fact. erit.* Non potest adscribi culpæ, aut negligentia creditoris, quod debitor sit liberatus, cum eum vocaverit in iudicium 25 antequam liberaretur. Igitur liberatus est alieno facto, quod creditori nocere non debet *l. 1. ff. de alien. mut. jud. caus. fact. l. factum ff. de Reg. Jur. præsertim cum possit subesse dolus ipsius debitoris, & cum pacto rem egisse.* In casu nostro liberatus est debitor facto ipsius creditoris, qui accepit expromissorem pupillum.

Ad quintum respond. ibi quoque agi de restitutione in integrum, non quidem de ea, quæ minoribus datur; sed de ea, quæ datur majoribus *l. 1. §. verba. & ff. de fidejussor. ff. ex quib. caus. major.* Et iniquum esset restitui servum domino, & non restitui actionem creditori, eumque rem amittere sine sua culpa, sine suo facto.

26 Ad sextum facilis est responsio. Beneficium divisionis fidejussoribus non datur, si alii solvendo non sint. *l. inter 26. ff. de fidejussor.* Ibi divisio facta erat, quia non constabat, an alter fidejussor solvendo futurus esset: sed quia adveniente tempore solutionis constat, eum solvendo non esse, idcirco recedendum est a divisione facta, & alter non potest gaudere hoc beneficio cum damno creditoris. Nihil simile in casu nostro.

Ad ultimum respondetur, quod mino-

ri restituatur actio adversus veterem debiorem liberatum, quia a Prætorē semper in integrum restituitur, quoties sua facilitate læsus est *l. 1. & toto sit. ff. de minor.* Itaque & pupillo restitueretur, si cum auctoritate tutoris expromissorem inopem acceperit.

Non me pœnitent hæc uberius exolicasse, quibus tota ratio restituendæ actionis est patefacta. Illud moneo, quod si pupillus expromittat cum auctoritate tutoris, & restituatur in integrum, restituenda quoque erit actio creditori adversus veterem debitorem, sicut restituitur expromittente minore. Vide text. in *l. sed revocata 20. cum duab. antec. ff. de jur. fise.*

C A P U T XVI.

AD L. I. DE CONDIT,

& demonstr.

S U M M A R I U M.

- I. Dies certus positionem, non obligationem differt.
- II. Legatum in diem aliquando parum, aliquando præsumitur.
- III. Dies incertus duplex: & quando facias conditionem?
- IV. Momentum, quo morimur, vita tribuitur, non morti.
- V. Differentia inter contractus, & legata, quoad diem incertum: ejusque ratio.
- VI. Dies omnino incertus conditionem facit tam in contractibus, quam in testamentis.
- VII. Certa ætas gravi non facit conditionem favore libertatis, & alimentorum.
- VIII. Nec ætas extranei: idem in usufructu.
- IX. Dies adjectus ad accelerandam solutionem non facit conditionem.
- X. Item exonerandi heredis causa.
- XI. Item dies adjectus solutivum.
- XII. Item adjectus favore legatarii.
- XIII. Quando præsumatur adjectus favore legatarii.
- XIV. Exponitur *l. 6* ita relictum *43. §. Pegasus ff. de legat. 2.*
- XV. Effectus diu incerti legato adjecti.
- XVI. Exponitur *l. post mortem C. de fideic. & l. patroni ff. quæ in fraud. cred.*
- XVII. Quis sit dies certus, & qui ejus effectus? XVIII.

XVIII. Si dies sit adjectus gratia creditoris, ante diem solvi non potest.

XIX. Contra, si adjectus sit gratia debitoris.

XX. Legatum in diem nec agnosci, nec repudiari potest ante diem: sed vis in seqq.

XXI. Discremen hac in re inter hereditatem, & legatum.

XXII. Legatarie non acquirit eodem tempore obligationem, & dominium.

XXIII. Legatum in diem nec repudiari, nec acquiri potest ante diem: & quare?

XXIV. Ante diem legatum agnosci potest, ita ut incipiat deberi.

XXV. Ratio astricta, cur ante diem nascatur obligatio, non translat dominium: & quid differat legatum ab hereditate.

XXVI. Legatarie quomodo possit rejicere solutionem ante diem.

Dies aut certus est, aut incertus.

Dies certus, etsi differat petitionem & exactionem, non tamen differt, aut suspendit obligationem §. *omnis Inst. tit. de V. O. l. centesimis 46. ff. de V. O. l. cedere diem ff. de V. S. l. in diem 10. ff. de cond. indeb. l. 5. §. 1. & l. si dies 21. ff. quando dies leg. ced. l. nu. §. 1. C. de caduc. toll.* Quo fit, ut legatum in diem dicatur aliquando purum, ut in *l. heres meus 79. in princ. ff. de cond. & demon. l. & praesens legatum in l. 1. in princ. ff. eod. tit.* quam saepecipimus explicandam.

Dies autem incertus non solum differt solutionem, sed etiam suspendit obligationem, quia dies incertus conditionem facit *l. dies incertus ff. de cond. & dem.*

Hujus diei duo sunt genera. Etenim aut incertum est, an dies ille sit unquam exiturus, ut dies certae aetatis, dies nuptiarum, dies consulatus. Incertum enim omnino est, an ille sit ad eam aetatem perventurus, sit contracturus nuptias, sit futurus Consul. Aut certum est, eum diem exiturum, sed incertum est, quando sit exiturus; cujusmodi est dies mortis. Hic secundus dies in contractibus conditionem non facit *l. sub conditione 16. cum ll. seqq. ff. de condi. indeb. juncta l. in diem 10. ff. eod.* In legatis vero interdum conditionem facit, interdum non facit. Si certo sit exiturus vivo le-

gatario, non facit conditionem. Itaque dies mortis ipsius legatarii conditionem non facit *l. heres meus 79. in princ. ff. de cond. & dem. l. 4. in fin. ff. qd. di. leg. ced.* quia non potest existere post mortem legatarii: vivi enim moriuntur, non moritui, & momentum, quo morimur, vitæ tribuitur non morti *l. qui daci §. 1. ff. de manum. testam. l. si a pluribus 107. §. 1. ff. de legat. 1. quamquam Plato nec vitæ, nec morti tribuendum esse censet. Si vero dies adjectus possit existere post mortem legatarii, conditionale legatum est, ut si legato sit adscripta mors hæredis: nostra *l. 1. §. dies autem ff. de condi. & dem. l. heres meus 79. §. 1. ff. eod. tit. l. hujusmodi 13. ff. quan. dies leg. ced. l. si cum heres 4. ff. eod. Ratio est, quia in contractibus nihil refert, quando conditio existat, ante, vel post mortem creditoris; quia creditor decedens transmittit spem ad hæredes §. *sub conditione Inst. tit. de V. O. Transmittit autem spem, quia qui contrahit, tum sibi, tum hæredibus suis consulere voluisse videtur l. si pactum 9. ff. de probat. Et ideo in contractibus initium spectamus *l. non omne §. 1. ff. de Reg. Jur. l. si filiusfam. 78. ff. de V. O. & ex præsentem vires capiunt l. usus fructus 26. ff. de stip. serv.* In legatis multo aliter se res habet. Testator, qui legat, vult honorare ipsum legatarium; non ejus hæredes, ipsique aliquod ob meritum relinquere *l. nec adject 9. ff. pro soc. non hæredibus legatarii, qui de testatore bene meriti non sunt, quemadmodum legatarius: Itaque si legatarius moriatur ante eventum conditionis, legatum prorsus extinguitur, nam ad hæredes legatarii non potest transmitti, neque ex voluntate testatoris, qui eos non luit honorare, neque ex persona legatarii, quia ipse mortuus est, antequam cederet dies legati; antequam aut legatum ipsum, aut obligationem acquireret. *l. 5. §. sed si sub conditione ff. quan. di. leg. ced. l. interdict ff. de cond. & dem.* Igitur cum dies hic, de quo agimus, pos-****

fit existere post mortem legatarii, suspendit legatum in incertum eventum, ac proinde legatum est conditionale, quia hoc proprium est conditionis, ut in casum differat obligationem §. *omnis Instit. tit. de V. O.*

Veniamus ad alium diem incertum. Si sit incertum, an dies adscriptus sit umquam exiturus, semper facit conditionem, tam in contractibus l. *quodcumque* 45. §. *non solum ff. de V. O.* quam in testamentis l. si *Titio* 22. in princ. ff. *quod di. leg. ced. l. si ita sit scriptum* 45. §. *ult. ff. de leg. 2. l. cum vir*, & l. *Publius ff. de cond. & demonst.*

Aliquando tamen hic dies conditionem non facit, vel ob privilegium, vel quia alia de causa dies hic fuit adjectus, non ad suspendendam obligationem. Ob privilegium libertatis, & alimentorum conditionem non facit certa ætas ejus, qui gravatus est prestare vel libertatem, vel alimenta. Debentur enim, etiam si ille 7. ad eam ætatem non perveniat. De libertate traditum est id in l. *fideicommissaria* 23. §. *etiam ff. de fideic. libert. l. Thais* 41. §. *libertatem ff. eod. l. fideicommissaria* 10. C. *eod. tit.* De alimentis idem coniecere possumus ex l. *libertis* §. *ab heredibus ff. de alim. leg.* quam legem uberius alias explicabimus, & ex l. *Cajo* §. 1. ff. *eod. & ex l. 1. C. de legat.*

Præterea in his legatis nec ætas quidem alicujus extranei conditionem facit l. si ita scriptum 16. ff. *de manum. testam. l. si servus* 19. ff. *de statu lib.* Imo etiam cum agitur de usufructu, ut est constitutum in l. *ambiguitatem* C. *de usu.*

Quando vero dies incertus alia quacunque de causa adicitur, non eo animo ut suspendat obligationem, numquam facit conditionem: quia in conditionibus voluntas dominatur l. in conditionibus ff. *de cond. & dem.* Adicitur aliquando dies 9. ad accelerandam solutionem, & tunc pure contrahitur obligatio, non sub conditione, vel in diem: ut si quis stipuletur: *desem, cum petiero, dabis* l. si de-

cem 48. ff. *de V. O. l. Titio* 85. *de cond. & dem.*

Aliquando dies incertus adicitur hæreditis exonerandi causa, non suspendendæ obligationis, & ideo non facit conditionem. In legatis annuis primum solummodo parum est: legata sequentium annorum tacite continent illam conditionem: Si initio ejus anni vires legatarius: itaque si non vivat, legatum amplius non debetur l. si in singulos 4. & l. *Gajus, in fin. ff. de ann. legat. l. nec semel in princ. & in §. 1. ff. quan. di. leg. ced.* Verumtamen si testator hæredis exonerandi causa, ne statim urgeatur ad solutionem totius summæ, eam diviserit in plures pensiones annuas, nulla inest conditio, & omnium annorum unum est legatum, cujus statim dies cedit. l. *nec semel* §. *sed est. l. si cum præfinitione. vers. si vero ff. quando di. leg. ced.*

Item dies incertus aliquando non legato, non obligationi ejus adicitur, sed solutioni: itaque non suspendit obligationem, cui non fuit adjectus; sed solum differt solutionem: quia testator noluit legatum sub conditione relinquere, sed in illud tempus differre solutionem. Exempla nobis suppeditant l. *ex his C. quando di. leg. ced. l. Sejus Saturninus. l. a filia §. alumno ff. ad S. C. Trebell.* nisi tempus sit adjectum per verba conditionis, ut in l. *quibus diebus §. quidam Titio ff. de cond. & demonst.*

Denique si testator diem incertum adjecerit favore ipsius legatarii, non facit conditionem: quia diem illum adicit, ut provideat legatario, non ut ipsum prius vet legato tempore illo non adveniente. Exempla habemus in l. *Firmio §. 1. ff. quan. di. leg. ced. in l. a filia §. alumno ff. ad S. C. Trebell. in l. cum pater* 77. §. *curatoris ff. de leg. 2. in l. libertus* 21. §. 2. ff. *de ann. legat.*

Hanc autem voluntatem testatoris diem adicientis favore legatarii multis conjecturis assequi possumus. Prima est, si testator declaret, se velle consulere infirmitati legatarii, ne pecuniam dissipet, 13

atque disperdat, ut in *l. liberto §. filium ff. de ann. legat.* Altera, si declaret, se nolle committere rei legatæ administrationem tutoribus legatarii, ut in *l. 3. §. cum Polidius ff. de usur.* Tertia, si velit solvi legatario fructus, & usuras mediæ temporis, ut in *l. a filia §. alumno ff. ad S. C. Trebell.* & in *l. Firmio §. 1. ff. quando di. leg. ced.* Nam fructus eo casu debentur, quo dies gratia creditoris adjicitur. *l. si ita relictum 43. §. Pegasus ff. de legat. 2.* Minor autem, seu pupillaris ætas non est idonea conjectura, nisi simul concurrant ea omnia, quæ proponuntur in *l. Sejus Saturninus ff. ad S. C. Trebell.* videlicet, & quod agatur de filio, & quod agatur de restituenda paterna hæreditate, quæ filio ipsi debita erat, & relicta cuidam amico, ut eam custodiret, donec filius judicii maturitatem assequeretur. His non concurrentibus dies facit conditionem: nam etiam legatum filio impuberi relictum, cum ad pubertatem pervenerit, conditionale est *l. si cui legatur 49. §. 1. cum duob. seqq. ff. de legat. 1.* Quamobrem quod traditur in *l. si ita relictum §. Pegasus ff. de legat. 2.* id ita esse intelligendum est, si aliunde constet, tempus pubertatis adjectum fuisse gratia impuberis legatarii, ut supponitur initio ejus paragraphi. His expolitis constat, quis sit dies incertus, & quando conditionem faciat. Si fuerit adscriptus ejusmodi dies incertus, qui conditionem faciat, id quod debetur, non recte solvitur antequam dies veniat, & si per errorem solum fuerit repeti potest, antequam dies veniat, veniente die non repetitur *l. sub conditione 16. ff. de cond. ind.* Imo si legatarius fundum legatum sorte fortuna possideat, potest ab hærede vindicari simul cum fructu *l. omnia 32. §. fundum ff. de legat. 2.* Quare neque hoc legatum delegari potest, cum nihil hætenus debeatur *l. legat. 41. ff. de cond. & dem.* nec potest eligi res legata *l. cum illud 25. ff. quam. di. leg. ced.* Et si rogatus sit aliquis, ut restituat hæreditatem cui voluerit ex liberis suis, cum morie-

tur, non potest in vita restituere *l. cum pater 77. §. a filia ff. de leg. 2.* quia adhuc non habet electionem, ne sorte restituat ei, qui ante ipsum sit moriturus.

Fideicommissum tamen & ante mortem restituere potest is, qui post mortem suam rogatus est restituere, *l. post mortem 12. C. de fideic.* quia videtur donare id, quod pluris est in præmatura restitutione, & veniente morte cedit in solum *l. sub conditione 16. ff. de solut.* Quod si præmatura solutione alteri iniqua conditio inseratur, non recte restituetur. Neque contrarium est quod traditur in *l. patrem 19. ff. qua in fraud. cred.* ubi non fraudat creditores, qui restituit ante mortem id, quod post mortem restituere rogatus erat. *16* Etenim ibi pater non restituit hæreditatem filio ante conditionis eventum, licet in vita restituat. Rogatus erat restituere filio post mortem suam; vel, cum filius morte patris fuisset effectus sui juris. Hæc conditio non solum existit per mortem patris, sed etiam per emancipationem, quia ea mens est testatoris, ut filius sibi acquirat hæreditatem, quod consequitur, quomocumque sui juris effectus fuerit *l. mulier 22. in princ. ff. ad S. C. Trebell. l. si ita 15. ff. quam. di. leg. ced.* itaque cum pater restituere filio emancipato, recte restituit, & non fraudat creditores, quia restituit post eventum conditionis.

Hætenus de die incerto. Ex his intelligi volumus quis sit dies certus. Etenim diem certum dicimus non solum eum, qui certo est exiturus, sed omnem, qui conditionem non facit: quia cum non suspendat obligationem, nec eam in incertum differat, certus merito *17* potest appellari. Differt hic dies solutionem, & exactionem: obligatio autem statim nascitur: statim tenetur debitor, sed conficiendæ pecuniæ tempus ei conceditur *§. omnis Inst. sis. de V. O. l. centesimis 46. ff. eod. sis. l. in diem 10. ff. de cond. ind. l. cedere diem ff. de V. S. l. 5. §. 1. & l. si dies 21. in princ. ff. quando dies leg.*

leg. vel fideic. ced. Verumtamen quia ante diem exigi pecunia non potest, & quoad exactionem sine effectu est, & inutilis obligatio; idcirco in nostra *l. 1. §. cum dies certus ff. de cond. & dem. ait J. C. quia certum est ea debitum iri*. Nam quantum attinet ad exigendi facultatem, adhuc non debentur, nec videtur cœnisse obligatio *l. obligationum 44. §. 1. ff. de oblig. & act. l. cum qui §. 1. ff. de V. O. l. si in annos 49. ff. de cond. & dem. l. si ita sit scriptum 45. §. 1. in fin. ff. de leg. 2.* quia vere debitor is est, a quo invito exigi pecunia potest *l. debitor 108. ff. de V. S.* Ceterum cum de aliis effectibus obligationis queritur, non dubitatur eum, qui in diem debet, vere debitorem esse. Itaque si solverit ante diem repetere non potest *l. in diem 10. ff. de cond. ind. l. nam si 17. ff. eod.*

An autem debitor invito creditori possit ante diem solvere id, quod in diem debet, inter doctissimos homines est magna dissensio. Adjugetur dies, aut debitoris, aut creditoris causa. Plerumque debitoris causa adjicitur *l. cum tempus ff. de Reg. Jur. l. cum qui calendis ff. de verb. obl.* Aliquando tamen adjicitur etiam creditoris causa *l. si ita relictum 43. §. Pergasus ff. de legat. 2.* Quibus conjecturis id coniequatur supra diximus, & mille alias ad earum similitudinem fingere possumus: veluti, si quis cum certo tempore indigeret aliqua quacunque re, quæ facile corrumpitur, aut non facile custoditur, stipulatus sit, eam sibi dari eo tempore, quo ipsa uti debet. Si dies sit adjectus creditoris causa, constat invito creditori ante diem solvi non posse *l. Jabolenus 15. ff. de annuis legat.*

19 Si vero dies sit adjectus causa debitoris, etiam invito creditori potest ante diem solvi ut traditur in *d. l. Jabolenus 15. ff. de ann. leg. in l. stipulatio ista 38. §. inter 16. ff. de verb. oblig. in l. continuus §. 2. vers. nam & quod in ff. eod. l. quod certa 70. ff. de solut. in l. quod quis 50. ff. de oblig. & act.* Quamquam & hoc

a multis magni nominis Viris negatur, & cum Carthaginienses stipendiam, quod pluribus pensionibus in multos annos debebant, se præsens omne daturos pollicerentur: a Romanis responsum est, nullam pecuniam se ante diem accepturos. Nimirum illi. cum Carthaginiensibus, tamquam victores cum victis agebant, & magnifice oblatum beneficium repudiaverunt. Existimo enim, verissimum esse, quod toties a nostris traditum est, totum medium tempus ad solvendum relinquique liberum promissori. Confirmat hoc etiam Pomponius in nostra *l. 1. §. cum dies certus*. Verba legis hæc sunt: *Cum dies certus adscriptus est, quamvis dies nondum venerit, solvi tamen possunt; quia certum est ea debitum iri.*

Non libet hoc loco controversiam omnem exponere, cum id ab aliis, & doctis, & accurate factum sit. Solum explicabo legem quamdam, quæ & huic sententiæ, & nostræ legi videtur esse contraria, & ab aliis in hac controversia non perpenditur. In nostra *l. 1. §. cum dies certus ff. de cond. & dem. ait Pomponius, legatum cui dies certus adscriptus est, ante diem solvi posse*. Falsum hoc videri potest, quia legatum in diem non potest ante diem repudiari *l. si ita sit scriptum 45. §. si sub conditione ff. de legat. 2.* sed quod repudiari non potest, agnosci non potest *l. is potest 18. ff. de acquir. vel om. hered. l. is qui heres 13. & l. nolle ff. eod. l. ejus est nolle ff. de Reg. Jur.* Legatum igitur in diem relictum ante diem agnosci non potest: ergo nec ante diem solvi potest, quia hæcenus incertum est, an legatarius sit repudiaturus legatum. Primum igitur falsum est quod ait Pomponius, certum esse ea debitum iri, quia cum ante diem neque agnovit, neque repudiaverit legatum, incertum est an legatum debeat, vel futurum sit, ut ei debeat. Præterea falsum est legatum solvi posse; quia sicut solvi non potest legatum conditionale propter incertum conditionis, ita solvi non poterit hoc le-

gatura propter incertum repudiationis, qua tamquam conditione legatum suspenditur. *l. si tibi homo 86. §. cum servus ff. de legat. 1. l. Cornelius 69. ff. de hered. inst.*

Primum omnium animadvertendum est, non eandem esse rationem hereditatis, & legati. Legatum in diem certum relinqui potest: hæres ex die certo non potest institui *l. hereditas ff. de hered. inst. §. hæres Inst. cod. cum igitur hereditas solum sub conditione relinqui possit, verissimum est, quod hereditas, quæ repudiari non potest, adiri & acquiri non potest: quod obtinet etiam in legato conditionali, nam & hoc ante conditionis eventum nec repudiari, nec agnosci, nec solvi potest. At in legatis, quibus adscriptus est dies certus, non ulquequaque verum est quod agnosci non possint: licet verum sit, ea repudiari non posse *d. l. si ita sit scriptum 45. §. si sub conditione ff. de leg. 2. ut mox explicabimus.**

Præterea in hereditate non differt dominium ab obligatione. Hereditatis nemo debitor est, cum eam hæres accipiat a defuncto. Itaque adeundo hereditatem statim dominium rerum hereditariarum acquirimus *l. hæres 37. ff. de acquir. vel om. hered.* Non ita te res habet in legatis. In his distincta sunt dominium, & obligatio. Legatarius duo acquirit; obligationem legati, qua ipsi hæres obstringitur; & dominium rei legatæ. Neque hæc duo acquirit eodem tempore. Obligatio acquiritur legatario, cum testator moritur: statim enim dies legati cedit *l. si post diem 5. §. 1. ff. quando di. leg. ced. l. un. §. 1. C. de cad. toll.* Dominium vero rei legatæ transit ad legatarium a die aditæ hereditatis *l. servum 44. §. 1. servo legato 69. l. si tibi homo 86. §. cum servus ff. de legat. 1. l. legatum 80. ff. de legat. 2. l. a Titio ff. de furt.*

Veniamus ad rem nostram. Legatum ante diem repudiari non potest *d. l. si ita sit scriptum 45. §. si sub conditione ff. de leg. 2.* Potest tamen ante diem agnosci,

non quidem ita ut acquiramus dominium rei legatæ; sed ita ut legatum nobis debeatur, ut dies ejus cedat. In legatis in²³ diem legatarius ante diem non acquirit dominium rei legatæ *l. Sempronius Astatius ff. de usufr. legat.* Itaque non potest repudiare legatum, quia legatum ad ipsum adhuc non pertinet, ut ait J. C. in *d. l. si ita sit scriptum.* hoc est, quia ad ipsum non pertinet dominium rei legatæ: repudiando autem id agimus, ut a nobis dominium abiciamus, imo ut res legata numquam in dominio nostro fuerit, sed semper in dominio hæredis *l. servum 44. §. 1. ff. de leg. 1. l. si tibi homo §. cum servus ff. de legat. 1.* Animadvertendum est verbum, ad nos non pertinet per textum in *l. si dies 21. ff. qu. di. leg. ced. in l. verbum illud 131. ff. de V. S.* ad quem dominium rei non pertinet. Frustra enim conatur abicere id, quod non habet. Eadem de causa nec possumus agnoscere legatum, ita ut dominium ejus acquiramus, quia hoc acquiri non potest antequam veniat dies adscriptus *d. l. Sempronius Astatius ff. de usufr. leg.* Quaro animadvertendum est, quod in *l. si potest ff. de acquir. hered.* ait J. C. *Is potest repudiare, qui & potest acquirere.* Non ait, qui potest agnoscere, sed qui potest acquirere. hoc verissimum est, ac propterea legatum in diem nec potest repudiari, nec potest acquiri ante diem.

Potest tamen legatum agnosci, ita ut legatum debeatur, & cedat legati dies. Etenim hujus legati dies cedit a morte testatoris *l. unic. §. 1. C. de caduc. toll. l. 24 §. 1. ff. quon. di. leg. ced.* Et hoc est, quod ait Pomponius in nostra *l. 1. §. cum dies certus ff. de cond. & dem.* quod legata in diem solvi possunt ante diem, quia certum est ea debitum iri: hoc est, certum est venturum diem, quo debeantur cum effectu, quo exigi possint. Ex quibus constat, in hac lege supponi legatarium agnovisse legatum, & veniente die non repudiaturum legatum. Nam si dubitaretur adhuc an legatum repudiaturus, sit

fit, non esset certum id ipsum debituiri.

Ratio autem cur ante diem possit agnosci legatum ita ut debeatur, non vero acquiri, in promptu est. Potest legatum deberi, etiam si peti non possit: hoc enim commune est omnibus obligationibus in diem, ut ante diem peti nihil possit, licet statim nata sit obligatio *l. cedere diem ff. de P. S. §. omnis Inst. sit. de verb.*

25 *obl.* Quare licet legatarius agnoverit legatum, & legatum debeatur, non tamen ipsum petere potest ante diem. *l. non tamen 9. ff. ut legat. nom. cav.* Non potest autem legatum acquiri ante diem, quia si ante diem dominium rei legatæ transire in legatarium, posset legatarius rem suam ab hærede vindicare *l. in rem in princ. ff. de rei vind. §. 1. Inst. sit. de acq.* atque ita legatum ante diem consequi, quod est contra mentem testatoris. Igitur non recte deducitur argumentum ab hæreditate ad legatum. Hæreditas, quæ repudiari non potest, non potest adiri, quia adeundo ipsam acquirimus, & simul dominium rerum hæreditarium §. ult. *Inst. sit. de hæred. qual. & diff.* Legatum, quod non potest repudiari, potest agnolci; quia agnoscendo acquirimus obligationem a die mortis, non autem dominium, ad quod adipiscendum dies expectatur, ut accidit in *l. dotis §. ult.* & in *l. si ego §. si res ff. de jure dot.* in quibus licet traditio secuta sit ex causa domini transferendi, dominium tamen ex voluntate tradentis non transfertur ante contractas nuptias.

His explicatis, ad propositum argumentum facilis est & expedita responsio. Si legatarius nolit accipere ante diem id, quod ipsi legatum fuit, quia alleget, se veniente die repudiaturum legatum, 26 quod respondere potest argum. text. in *l. 1. ff. de curat. bon. dand. l. in plurium 70. §. 1. ff. de acquir. vel omitt. hæred.* recte recusat id accipere; quia nec ipsius est legatum, nec unquam ejus futurum est, nec unquam fuit *l. servum 44. §. 1. ff.*

de leg. 1. cum aliis supra allegatis. Et neque ipsi legatum debetur, neque debetur, nec cessat, nec cedit legati dies: itaque frustra ei solvitur, quod non debetur. At vero si tergiversetur, ac recuset accipere legatum, quia nondum venit dies rei solvendæ, dies legato adscriptus, frustra recusat, ac sine ulla causa; quia quamvis dies nondum venerit, solvi tamen potest, cum certum sit debitum iri, ut ait Pomponius in nostra *l. 1. §. cum dies certus ff. de cond. & dem.*

CAPUT XVII.

AD L. LIBERTIS

13. §. ab hæredibus ff. de alim. legat.

SUMMARIUM.

- I. *Conditio pro impleta habetur, si steteris pro eum, in ejus persona debebat impleri.*
- II. *Certa ætas legatum reddit conditionale.*
- III. *Militia non potest videri legata pro alimentis, quando legata sunt etiam alimenta.*
- IV. *An certa ætas faciat conditionem in legato, cui anus adjunctum est.*
- V. *Exponitur l. Thais §. libertatem si. de fideic. libert. & n. 6.*
- VI. *Rationes reddere tenentur omnes administratores.*
- VII. *Redditio rationum continet reliquorum solutionem.*
- VIII. *Patroni solebant libertis legare alimenta, quæ vivis præstabant.*
- IX. *Militia loco alimentorum legata præsumitur.*
- X. *Militia quid, & quætriplex?*
- XI. *Militia Palatina, & domestica quæ?*
- XII. *Militia Sacrorum Scribium quæ, & quætriplex?*
- XIII. *Papinianus, & Ulpianus Magistri Scribium.*
- XIV. *Militia Pretoris quæ, & quætriplex?*
- XV. *Apparitores, Scribæ, qui, & quæ eorum militia.*
- XVI. *De pecunia, quæ pro militia introitu solvabatur.*
- XVII. *Quæ dicuntur comoda militiae.*
- XVIII. *Sporule data ab iis, qui magistratus suscipiebant: & quid differret a pecunia pro introitu militiae.*
- XIX. *Militia quæ erant in commercio.*
- XX. *Eæ transmissabantur ad heredes.*
- XXI. *Militia ex casu quæ, & quid esset casus. & num. 23.*

XXII. Ad quos pertinet pecunia militis ex casu.

XXIII. Quanta esset.

XXIV. Cui legata militia, videtur legata estimatio.

XXV. Militum salarium quod?

XXVIII. Annona praestari solita Magistratibus, & eorum militibus; & quid sint annonae.

Promissum impleamus, & fidem capitis antecessoris exsolvam. In l. *libertis* §. *ab heredibus* ff. de alim. vel cib. legat. proponitur hæc species. Titius rogavit hæredes suos, ut Stichum manumitterent, eique manumisso alimenta præstari voluit a Sejo, si cum eodem Sejo moraretur; & deinde adjecit hæc verba: *A te autem, Sei, peto, ut cum ad vice-
simum quintum annum perveneris, mili-
tiam ei compares, si tamen te ante non re-
liqueris.* Sejus mortuus est ante annum vice-
simum quintum: quæsitum est an li-
berty militia comparanda sit, & quando sit comparanda? Respondit Scævola, mili-
tiam comparandam esse eo tempore, quo Sejus pervenisset ad annum vice-
simum quintum, si vixisset.

Huic legato militiæ videtur adjectæ duæ conditiones. Altera est, si libertus Sejum non reliquerit. Hæc conditio impleta est, quia libertus Sejum non reliquit, & licet cum eo moratus non sit usque ad annum vice-
simum quintum; tamen cum per Sejum steterit, quominus cum eo moraretur, conditio pro impleta habetur l. *in jure* 161. ff. de Reg. Jur. l. *jure* 24. ff. de cond. & dem. l. *hæres* 66. in fin. l. *Julianus* 45. ff. eod. Altera conditio est: cum Sejus ad vice-
simum quintum annum pervenerit. Hæc vera conditio est; nam certa ætas ejus, qui legatum debet, adscripta legato conditionem facit, l. *si ita scriptum* 16. ff. de man. testam. l. *si servus liber* 19. ff. de statu lib. l. *fideicommissaria* 23. §. *etiam* ff. de fideicommiss. libert. Itaque cum Sejus non pervenerit ad annum vice-
simum quintum, conditio deficit, & legatum militiæ non debetur d. l. *si ita scriptum*, cum duabus aliis modo adductis. Et tamen Scævola respondit, militiam esse comparandam,

Tam. l.

cum cessisset id tempus: quasi legatum militiæ sit in diem, non sub conditione.

Neque videtur, admitti posse Scævola responsum propter favorem alimentorum. Nam licet non negemus, certam ætatem non facere conditionem favore alimentorum; tamen hic militia non erat legata pro alimentis, cum præter militiam eidem legata essent alimenta l. *Firmio* §. *2. ff. quando di. leg. ced.* Atque hæc alimenta liberto præstanda sunt, etiamsi Sejus mortuus sit l. *Gajo* §. *Imperator* ff. de alim. vel cib. leg. l. *1. c. de leg.* Cum igitur liberto debeantur alimenta, non potest militia legata esse pro alimentis d. l. *Firmio* §. *2. ff. qu. dies leg. ced.*

Doctissimi Interpretes Jalon, & Duarenus putant, in hoc legato certam ætatem non facere conditionem, quia militia legata erat ad remunerandum liberum propter onus, quod eidem fuerat adjunctum, morandi cum Sejo usque ad certam illam ætatem. Statuunt igitur certam ætatem non facere conditionem in legato, cui onus adjunctum est.

Vix potest defendi hæc sententia: contrarium enim constitui videtur in l. *Thais* §. *libertatem* ff. de fideic. libert. Ibi testator Caputum servum suum manumitti voluit, cum Marcianus filius sexdecim annos implevisset, si rationes reddidisset. Huic legato libertatis adscripta est certa ætas filii hæredis, & est conjunctum onus reddendarum rationum; & tamen certa ætas conditionem facit, ut constat ex illis verbis legis: *nam alteram conditionem.* Et licet libertas debeatur, quamvis filius non pervenerit ad decimum sextum annum; tamen id receptum est favore libertatis: ibi, *humanitate interpretatione*; & si alterius generis legatum esset, non deberetur l. *si ita scriptum* 16. ff. de man. test. l. *si servus liber* 19. ff. de statu lib. l. *fideicommissaria* 23. §. *etiam* ff. de fideic. libert.

Ad hæc respondet Jalon: huic legato nullum onus adjunctum fuisse, quia rationes reddere in onere numerari non potest,

K k

teft,

reſt, cum quilibet adminiſtrator rationes reddere teneatur. Sed hoc falſum videtur: nam licet reddere rationes non videatur onus; tamen quando teſtator voluit, ſervum manumitti poſt certum tempus, redditis rationibus, maximum onus ſervo injungit, nempe onus adminiſtrandi res hæredis, & gerendi actum filii uſque ad illud tempus, uſque ad certam illam ætatem filii *l. Thais 41. §. ab hæredibus ff. de fideic. libert.* Itaque cum in adducto §. *libertatem* teſtator voluerit, Cupitum ſervum eſſe liberum, poſtquam filius ad ſexdecim annos perveniſſet, rationibus redditis, voluit, cum gerere actum filii uſque ad illam ætatem, & ad remunerandam ejus adminiſtrationem liberum eſſe voluit. Atque id executus eſt Cupitus in *d. l.* cum actum domini geſſerit, quod onus utique graviffimum eſt, quia præter laborem, & occupationem adminiſtrationis conrinet etiam periculum, cum in reddendis rationibus reliqua ſolvere debeat, & reſpondere, ſi quid ne-

7 pligentia ſua amiſſum eſt *l. quamvis 32. l. ſi cui 50. l. Julius 81. l. cum ſervus 82. verſ. quid ergo. l. qui ſub conditione III. ff. de condit. & demonſtr. l. qui filium 22. §. 1. ff. de man. teſtam. l. Stichus §. ſervus ff. de ſtat. lib. & alibi paſſim in Jure noſtro.*

Veriſſimum puto, in ea lege certam ætatem non habere vim conditionis favore alimentorum. Jam ſatis conſtat id receptum favore libertatis, humanitate id ſuggerente *l. fideicommiſſaria 10. C. de fideic. lib. l. fideicommiſſaria 23. §. etiam l. Thais §. libertatem ff. cod. l. ſi ſervus liber ff. de ſtat. lib. l. ſi ita ſcriptum 16. ff. de manum. teſtam.* In multis autem par eſt libertatis, & alimentorum favor. Quod ut intelligamus, obſervandum eſt, quod in ea lege reſiſta erant alimenta liberti, ut cum Sejo moraretur, donec Sejus ad viceſimum quintum annum perveniſſet. Poſt hoc tempus rogatus eſt Sejus emere militiam liberti, hæc militia ſubrogatur in locum alimentorum, ut habeat libertus unde ſe alat etiam eo

tempore, quo cum Sejo amplius non morabitur. Solebant patroni libertis ſuis alimenta legare *l. 3. l. alimenta. l. alio. l. verba teſtamenti. l. Gajo in princ. l. a filio §. ult. l. libertis in princ. ff. de alim. vel cib. legat. l. Sempromio ff. de uſufr. leg. l. ex parte §. ſervo ff. ſam. heriſc. l. alimentorum II. ff. de adſign. libert. Et quia vivis alimenta præſtabant, ſæpe ſolebant ea legare, quæ vivis præſtabant. *l. Sejo §. ult. ff. de ann. legat. l. Sempromio ff. de uſufr. leg. l. alimenta §. 1. & ult. l. teſtamento l. Stichus l. Mela §. ſed ſi. l. alio & l. 4. ff. de alim. & cib. leg.* Hic etiam patronus voluit, liberti ſuo alimenta præſtari, ſed cum minimo incommodo tum iplius liberti, tum iplius Seji, quem gravare voluit. Itaque cum nollet gravare libertum, ut ſemper cum Sejo moraretur, nolletque, Sejum perpetuo incommodo alimentorum afficere, rogavit Sejum, ut poſt expletam minorem ætatem liberti militiam emeret, ex qua poſſet libertus ſe alere, & eodem tempore liberaretur Sejus ab onere alendi libertum, & libertus ab onere morandi cum Sejo. Militia diurnum, aut menſtruum, aut annuum erat ſalarium, & emolumentum, ac redditus. Itaque militia videtur reſiſta pro alimentis, ſicut legata annua pro alimentis reſiſta præſumuntur, ut conſtat ex noſtra *l. libertis. §. poſthumis ff. de 9 alim. leg. l. ſi cum præſcriptione 20. juncta l. cum in annos 10. & duabus ſequentibus ff. quand. dies legat. ced. præſertim in caſu noſtro, in quo militia ſubrogatur in locum alimentorum, & relinquitur eo tempore, quo amplius præſtanda non ſunt. Etenim teſtator voluit, liberti præſtari alimenta, donec cum Sejo moraretur: voluit autem, cum Sejo morari, donec Sejus ad 25. annum perveniſſet.**

Atque ut apertius hoc fit, breviter explicandum eſt quid eſſet militia, de qua toties in Jure noſtro mentio. Militia alia erat armata, alia inermis, ſeu urbana. Tacit. *Hiſt. lib. 1. Urbana militia impiger: bellorum inſolens.* Cicero, pro Mu-

ven. Servius hic nobiscum hanc urbanam militiam respondendi, scribendi, cavendi, plenam sollicitudinis, ac stomachi secutus est. Hæc urbana militia in plures partes dividebatur: comprehendebat enim officia omnia, ac munia, omnesque, qui aut Imperatori ministrabant, aut Magistratibus.

Imperatorum duplex erat militia, Palatina, & Sacrorum Scriniiorum. De militia Palatina agit in *tit. C. de palatin.* in *tit. C. Theodosian.* & Justinian. de privileg. cor. qui in sac. palat. milit. in *tit. utriusque C. de Castrensis.* & aliis multis. Sidon. lib. 1. *epist. ad Eutrop.* Scribendi causa vel sola, vel maxima, qua se scilicet a profundo domesticæ quietis extrahunt ad capeſſenda militiæ palatinæ munia vocem. D. Hieronym. in *epitaph. Nepotianæ*: Refertur alius, quod in palatii militia sub obliuio, & cadenti lino corpus ejus cicicio trisum sit. Hæc appellatur militia domestica a Cassiodoro lib. 11. *form. 6.* & palatini appellantur milites sedis nostræ ab Imperatore apud Cassiod. lib. 12. *form. 16.* Comprehendebat hæc militia omnes, qui aulica munia obibant, ut Comes palatinos, Comitatenſes, Domesticos, Langitionales, Privatiannos, Mittenarios, & ceteros omnes, qui in palatio munus aliquod, aut officium exercebant. Erant præterea scholæ palatinæ, quarum decem numerantur in Notitia utriusque Imperii, undecim vero fuisse testatur Imperator Justinian. in *l. ult. C. de locat.* Sed hoc militiæ genus ad armatam potius referendum est, quam ad urbanam, sicut refertur a Justiniano in *d. l. ult. C. de locat.* cum stiparent ac custodirent Principem, eique domi forsique securitatem præstarent, paucis tantum exceptis.

Militia sacrorum scriniiorum multiplex erat: etenim in Notitia utriusque Imperii quatuor scrinia sacri palatii recensentur: Scrinium memoriz, scrinium epistoliarum, scrinium libellorum, scrinium dispositionum. Horum varia officia, ac nomina: Exceptores, Amanuenses Li-

brarii, Memoriales, Cornicularii, Lacerculenſes; & qui dignitate præcellerant, Proximi scriniiorum, Comes dispositionum, & Magistri scriniiorum. De quibus agit in *tit. C. de magistr. sac. scrin.* & in *tit. de prox. sac. scrin.* & passim in libro Codicis duodecimæ. Ad hoc militiæ genus pertinere potest etiam Quæstor sacri palatii. Horum militia appellatur litterata in *l. 8. C. de prox. sac. scrin.* Symmach. *epist. 124. lib. 7.* fungitur militia in scriniis litterarum. Ad hæc enim cura libellorum Principi oblato- rum, epistolarum, constitutionum, decretorum, aliarumque hujus generis rerum attinebat. Scriniiorum Magister fuit Papinianus noster. Aurel. Viêt. de Papiniano: Ferunt illo tempore Biffiani scrinia curavisse. Existimo, eum fuisse Magistrum scrinii libellorum. Tryphonius in *l. rescriptum 12. in princ. ff. de distr. pign.* Rescriptum est ab Imperatore libelles agente Papiniano, creditorem a debitore pignus emere posse. D. Aristimus Salmæus putat, cum fuisse Magistrum omnium scriniiorum, quia principes singulorum scriniiorum vocabantur Proximi cujusque scrinii, nec a magistris ejus scrinii distinguebantur. Quæ opinio non videtur vera, cum in nostro Codice separati sint tituli de Magistris Sacrorum scriniiorum, & de proximis scriniiorum. Sed ad hoc nostrum institutum non pertinet hæc diligentius & perquisitius examinare. Ulpianum quoque nostrum Magistrum Scriniiorum fuisse constat. De hoc Fest. Ruf. hic *Alexander Scriniiorum Magister habuit Ulpianum*; Jemque testatur Lampridius.

In Prætorio quoque sicut in Palatio, duplex erat militia: forensis, & Apparitorum. Forensi militiæ adscribebantur advocati. Cassiod. lib. 5. *form. 4.* Advocati sibi militans eruditi. Impp. Leo & Anthemius in *l. advocati 14. C. de advoc. div. judicior.* Nos enim solos nostro Imperio militare credimus illos, qui gladiis, elypeis, & thoracibus nituntur, sed etiam advocatos: militans namque causarum patro-

Arani, qui gloriose vocis confisi munimine, laborantium spem, vitam, & posteros defendunt.

Apparitores quoque militare dicuntur *l. 4. 5. & 9. C. de divers. off. & apparit. & toto tit. C. Theod. de div. off. & apparit. Alcon. in 3. Verr. dicentis nomen est ordinis, & promotionis in militia. Castiod. lib. 6. form. 25. Omnes Apparitores decet habere Judices suos, nam cui Præful admittitur, & militia denegatur. Et lib. 7. form. 28. Si Præfulem ademeris, militem non relinquis: apparitio enim tollitur, quoties qui jubere poterat, abrogatur. Ingens horum numerus: comprehendit enim omnes, qui Magistratibus ministrabant, Lictores, Accensos, Præcones, Interpretes, Scribas, & hujus generis ceteros. Cicer. in Orat. pro Cluent. Quid sibi autem illi scriba, quid lictores, quid ceteri, quos apparere huic questioni video, volunt? Liv. lib. 9. de Flavio scriba. Invenio in quibusdam annalibus, cum appareret Edilibus. Corn. Nepos de Eumene, qui Philippi scriba fuerat: Eumenes annorum quinque & quadraginta, cum ab anno vicesimo septem annos Philippo apparuisset. & Fest. lib. 12. Nivalem scribam definit eum esse, qui in nave apparebat. Igitur Apparitores dicebantur ii omnes, qui præsto erant ad obsequium Magistratus: ut ait Servius ad illud Virgilii 12. *Æneid. Servique in limine regis apparent.* Magistri militum trecenti erant Apparitores, præter supernumerarios. Comes Orientis sexcentos Apparitores habere poterat. *l. un. C. de apparit. Comit. Orient. Proconsul, & Legatus quadringentos l. 2. C. de apparit. Proconsul.**

Ex his, quæ diximus, facile quilibet intelligit, quid essent hæc militia, & quam magnus earum numerus. Cogita enim omnes palatinos, omnes Magistratus urbanos, omnes dignitates, quosdam Magistratus municipales; & immensam propemodum summam eorum militum, quorum officio, & opera utebantur, colliges,

Qui hæc militiae consequiebantur, solebant certam pecunie summam pro introitu dare. Scævola in *l. his verbis pen. §. alumno ff. de legat. 3. Alumno præcipit militiam his verbis: Sempronio alumno meo illud & illud: & cum per etatem licebit, militiam illam, eum introitu comparari volo. Questum est, si Sempronius eam militiam sibi comparaverit, an pretium ejus, sed & id, quod pro introitu erogari solet, ex causa fideicommissi ab heredibus consequi possit. Et in §. ult. ejusd. legis idem testator liberto militiam his verbis legavit: *Sejo liberto meo militiam do, lego illam, quam militiam, & testator habuit.* Questum est, an onera omnia, & introitus militiae ab herede sint danda: respondit danda. Adjutores Quæstoris solvebant pro introitu centum solidos *Auth. de adjus. Quæst. 35.* Qui in sacris scriniis militabant, solvebant pro introitu 250. solidos Proximo, & præterea viginti, aut quindecim solidos Mello proximo, seu Adjutori, pro conductu uniuscujusque scrinii *l. unicuique 7. C. de prox. sacr. scrin.* Qui domesticorum Præsentium militæ adscribebantur, duo millia solidorum Comiti Domesticorum pro introitu solvebant, ut conjectura assequi licet ex *l. restituenda 6. §. licentiam C. de advoc. divers. Judicum.* Qui in Scholam Protectorum Domesticorum recipiebantur, si propter labores & merita ad eam militiam fuissent evecti, denos quinquaginos solidos sportularum nomine solvebant, qui Primatibus distribuebantur; si gratia, vel potentia, quinquagenos solidos *l. sicuti 3. C. Theod. de Domest. & protector.* Consules centum pondo auri *l. 2. C. de Consul.* Contra patronos filii nihil pro introitu solvisse videtur *l. petitionem 13. vers. quando C. de advoc. divers. judicior.* Cum autem hæc pecunie summa pertineret ad eos, qui erant ejusdem militæ, idcirco J. C. in *l. Lucius Titius 22. ff. de leg. 2. ait: Lucius Titius in testamento suo Publio Mævio militiam suam reliquit, sive pecuniam ejus, quacumque reddiq.**

redigi ex venditione ejus potueris, cum suis commodis. Hæc erant commoda militum: nisi quis malit hæc interpretari de salariis, quæ milites a privatis consequebantur, de quibus in l. creditor 52. §. inter ff. de act. emp. cujusmodi erant sportulæ, quas Apparitores a litigantibus consequebantur l. omnes 33. §. excusatoribus C. de Episc. & Cleric. l. 1. & tot. tit. C. de sportul. §. tripli Instis. de action. Ad hæc eadem onera, summamque pecuniz, quæ pro introitu solvebatur, alludere videntur Jurisconsulti in l. quæ utiliter in princ. ff. de negot. gest. in l. 1. §. sed an id 16. ff. de collat. in l. Publius Mævius 36. in princ. ff. de condit. & demonstr. l. 6. §. 1. ff. de decurion. in l. si sponsus 5. §. si mulier 17. de don. int. vir. & uxor. in l. ult. ff. de petis. hered. Qui enim aliquem Magistratum inibant, aut Sacerdotium suscipiebant, sportulas dare solebant. Plin. ad Trajan. ep. 113. 114. & ep. 117. Qui vilem togam sumunt, vel nuptias faciunt, vel ineunt Magistratum, vel opus publicum dedicant, solent totam bulen, atque

18 etiam e Plebe non exiguum numerum vocare, binosque denarios, vel singulos dare. Sidon. epist. 6. lib. 8. de Consule Aterio, consulatum suscipiente: Itaque ut primum brevi peracta, nec brevis sportula, datique fasti &c. Sed cum hæc pecuniz spargerentur in vulgus a Consulibus, constitutum est, ut ab illis centum pondo auri præstarentur pro introitu ad instaurationem aquæductuum l. 2. C. de Consul. Quod & alias factum est, ut hæc pecuniz alicui operi publico destinarentur. Plin. ad Trajan. epist. 48. lib. 10. Claudopolitani quoque in depresso loco, imminente etiam monte, ingens balneum faciunt magis, quam ædificant, & quidem ex ea pecunia, quam vultente addunt beneficium tuo, aut jam obtulerunt ob introitum. Illud animadversione dignum est, quod militia acquisita pecunia patris confertur a liberis l. illud penult. C. de collat. Nam & ea imputatur in legitimam, excepta militia Silentiariorum l. omnimodo

30. §. ult. C. de inoff. testam. At vero id, quod pater dedit nomine dignitatis, hoc est, ob introitum & impensas, quæ fiunt in dignitate suscipienda, non confertur: hoc enim propter onera dignitatis principum haberi oportet l. 1. §. sed an id. 16. ff. de collation.

Ex his militiis multæ erant in commercio: nam & vendi poterant, & pignori obligari, & legari, atque in hæredes transmitti l. 5. vers. manente C. qui milit. poss. l. omnimodo 30. §. ult. C. de inoff. testam. l. ult. C. de pignor. Auth. de exhib. vel introd. reis. 53. cap. 5. Auth. de aqua lit. dot. 97. cap. 4. Hinc tories in Jure nostro mentio militiæ aut venditæ, aut legatæ l. creditor 52. §. inter venditorem ff. de act. emp. l. Lycius Titius 22. l. moruo bove 49. §. 1. ff. de leg. 2. l. fideicommissa 11. §. si servo ff. de legat. 3. l. 3. §. si quid minori ff. de minor. & nostra l. libertis §. ab heredibus ff. de alim. vel cib. leg. Ut puta, militia Adjutorum Quæstoris vendi poterat centum solidis, ita tamen ut is, qui militiam emebat, & subrogabatur in locum venditoris, electione Quæstoris fieret Adjutor Auth. de adjutor. Quæstor. 35. Militia quoque Silentiariorum sacri palatii vendebatur, ut constat ex l. omnimodo in fin. C. de inoff. testam. Procop. in Hist. arcana: Sunt in Imperatoria domo dignioris plane ordinis milites alii, quibus quo majori pretio militie nomina sibi comparant, eo major ab ærario publico solvitur pensio. Cum autem venales essent hæc militiæ, quæ dignissimæ erant, dubitandum non est, multo magis venales fuisse militias Apparitorum, Scribarum. Militiæ etiam Ciceronis tempore vendi cæperant. Id ipse testatur in quinta in Verr. Ad eos me scribas revoca, si places: noli hoc colligere, qui nummulis corrogatis de nepotum bonis, ac de scnicorum corollariis, cum decuriam emerunt ex primo ordine explosorum in secundum ordinem Civitatis se venisse dicunt. Et paulo post: Mirabimur, turpes aliquos esse in eo ordine, quo cuius

vis pretio licet pervenire? Scribz autem erant digniores ceteris Apparitoribus. Igitur multo magis venales erant militiæ aliorum Apparitorum. Quapropter in lege, quam explicamus, jubetur liberto comparari militia, nempe militia Accensorum, Præconum, Viatorum, & aliorum Apparitorum, cui fere solebant adscribi libertini. Tacit. de libertinorum ordine lib. 13. Hinc plerumque tribus, decurias, ministeria Magistratibus, & Sacerdotibus, cohortes etiam in Urbe conscriptas, & plurimis Equitum, plerisque Senatoribus non aliunde originem trahi. M. Tullius ep. ad Q. Fratrem. Accensus sit eo etiam numero, quo cum Majores nostri esse voluerant, qui hoc non in beneficii loco, sed in laboris, & muneris, non tenere nisi libertis suis deferebant; quibus illi quidem non multo secus, ac servis suis imperabant. Idem in Orat. pro Cornel. Cæjum Publicum Menandrum, libertinum hominem, apud majores Legatos in Græciam proficiscentes interpretem secum habere voluisse.

Reliqua jam prosequamur. Hæ militiæ in liberos, & hæreses transferebantur. Neque enim assentire doctissimo Connano, qui putat, plerasque militias ad hæreses non potuisse transmitti, licet vendi possent, & obligari. Id enim, quod sciam, nusquam traditum est: imo semper in Jure nostro conjunguntur venditio, & legatum, seu transmissio ad hæreses l. Lucius Titius 22. l. mortuo 49. §. 1. de legat. 2. l. fideicommissa 11. §. si servo ff. de leg. 3. l. omnimodo 30. §. ult. C. de inoff. test. Novell. 35. de adjut. Quest. Nov. 53. de exhibend. reis cap. 5. Nov. 97. de equal. dot. cap. 4. l. 7. juncta l. 11. C. de prox. sac. scri. Neque cuiquam scrupulum inijiciat, quod bis hæc duo disjunguntur in l. ult. C. de pignor. ibi: *Eam tamen, quæ vendi, vel ad hæreses sub certa definitione transmitti potest.* & infra: *Militiam, quæ vendi, vel ad hæreses transmitti potest.* Disjunctio illa videtur significare, divcrsas fuisse militias, quæ ven-

debantur, a militiis, quæ ad hæreses transmittebantur. Sed non ita est: id enim significatur illis verbis: *militiæ, quæ vendi possunt, vel si non sint venditæ a viro militante, ad hæreses ejus transmittuntur.* Ita explicat Justinianus in l. omnimodo §. ult. C. de inoff. testam. ibi: *Eo quod talis sit militia ut vendatur; vel mortuo militante certa pecunia ad ejus hæreses perveniat.* Hæc sola lege evincit potest, militias, quæ vendebantur, ad hæreses transisse. Præsertim quia hæc transmissio plerumque species quædam erat venditionis, ut modo explicabimus.

Doctissimo Viro, ut arbitror, impossibile, quod putavi, militias ex casu ad hæreses non potuisse transmitti, quod falsum puto. Nam hæ ipsæ erant, quæ ad hæreses transibant. Rem totam, ut potero, paucis explicabo. Militiæ, quæ vendi poterant, ad hæreses, & liberos transferebantur: sed quia hæ militiæ desiderabant operam, & ministerium militantis, & ideo personæ cohærere dicuntur in l. 3. §. si quid minori ff. de minor. & huic ministerio non semper hæres erat idoneus, idcirco loco hæredis minus idonei alius erat subrogandus idoneus: hic autem, qui subrogabatur defuncto vice hæredis, aut liberorum, solvebat hæredi certam pecuniæ summam, quæ vocabatur *casus militiæ*. Constitutum id in l. si quis in sacris C. de prox. sacror. scri. & constat ex l. omnimodo §. ult. C. de inoff. testam. & ex Novell. 97. de equalit. dot. cap. 4. ibi: *Et in hoc fiat pactum, ut casu proveniente prior sit solus, qui ad hoc pecuniam credidit, huic solo casui cedere mulierem.* Casus hic, erat illa pecunia, quam modo dicebamus. Et hoc significat Justinianus in l. ult. C. de pignor. ibi: *Eam tamen, quæ vendi, vel ad hæreses sub certa definitione transmitti potest.* Sub certa definitione transmittebatur, quia si hæreses essent idonei, & vellent militiæ adscribi, ad ipsos pertinebat: sin minus, casum, seu certam illam pecuniæ summam percipiebant. Et infra in cas. l. & post mortem eorum exi-

gere, quod pro iisdem militis pro tenore communis militum placiti, vel divina sanctionis tale praestantis beneficium, dari solet. Excipiebatur fisci patronus, quo mortuo, is, qui subrogabatur, nihil solvbat liberis defuncti l. petitionem 13. vers. quando C. de advocat. divers. judicior.

Duo sunt animadvertenda digna. Primum, quod hac pecunia ad liberos primam perveniebat, etiam si hereditatem non adissent, non quidem titulo hereditatis, sed privilegii, itemque ad uxorem defuncti, postea vero ad eum creditorem, qui ad emendam militiam pecuniam dederat, ac denique ad alios creditores, quibus militiam erat pignori obligata. Novell. 53. de exhib. reis cap. 5. Nov. 35. de adjutor. Quaestor. l. si quis in sacris 11. C. de prox. sacror. scrinior.

Alterum est, quod hac pecuniae summa tanta erat, quanta pro introitu dari solebat l. si quis in sacris 11. juncta l. unicuique 7. C. de prox. sacror. scrinior. observando, quod hac ad illam refertur. Hac autem tanta erat, quanta vendi poterat militiam, Novell. de adjut. Quaestor. 35. Itaque ad heredes pervenire solebat aestimatio ipsius militiae, quae ex casu dicebatur, quia quoties substituebatur alius in locum alterius, ille loco cadere dicebatur. d. Novell. 35. Itaque calus dicebatur pecunia, quae dabatur his, qui loco ceciderant, ea ipsa de causa, quod ceciderant.

His expositis facilius possunt explicari l. mortuo bove 49. §. 1. in fin. ff. de legat. 2. l. fideicommissa 11. §. si servo ff. de legat. 3. ex quibus constat, legata militaria videri legatam ejus aestimationem. Nam cum legatario persolvenda esset aestimatio, si non esset idoneus, aut nollet militare, ut saepe evenire solebat, aestimatio ipsa legata videbatur. Et ideo in l. Lucius Titius 22. ff. de legat. 2. accuratus admodum fuit testator, qui militiam legavit, aut pecuniam, quae ex venditione ejus redigi posset.

Hinc etiam intelligimus cur in l. libertis §. ab heredibus ff. de alim. legat.

quam explicamus, testator non legaverit liberti militiam, sed voluerit ei militiam comparari. Nam cum vellet, liberum ex militia alimenta suscipere, noluit, ei persolvi aestimationem militiae, sed rogavit Sejum, ut ei militiam emeret, nempe eam, cui esset idoneus, ut inde posset alimenta percipere, in quorum locum ibi militia subrogatur.

Arque ut apertius hoc sit, eademque opera plenam, atque perfectam harum militiarum cognitionem assequamur, adhuc pauca de his subjicienda sunt. His omnibus militibus certum salarium erat constitutum, quod ipsi de publico solvebatur. Plin. lib. 31. cap. 7. Sal honoribus etiam, militiaeque interponitur: salariis inde dictis, magna apud Antiquos auctoritate, laborumque requies non alio magis vocabulo constat. Veteres glossae annonam, salarium interpretantur. Consuebat enim salarium frumento, vino, oleo, carne, rebusque omnibus, quae alendo homini sunt necessariae. Epistola Valeriani de salario Claudii Tribuni: Huic salarium de nostro privato erario dabis annuos frumenti modios tria millia. Vini veteris sextarios tria millia quingentos. Olei boni sextarios centum quinquaginta &c. Alia epistola ejusdem Probi Tribuni: Huic dari jubebis in salario diurno bubulae pondus; porcinae pondus sex, caprinae pondus decem &c. Et de salario Aureliani: Simcerias tuae supradicto viro efficies, quavidiu Roma fueris, panes militares quadraginta: vini mensalis sextarios quadraginta: porcellum dimidium: gallinacos duos &c.

Qui cum potestate, aut legatione in Provincias proficiscebantur, salarium hoc accipiebant. Cicero in Verr. lib. 4. in princip. Neminem, qui cum potestate, aut legatione in Provinciam esset profectus, sano amentem fore putarunt, ut emeret argentum; dabatur enim de publico: ut vestem; praebeatur enim legibus. Mancipium putaverunt; quo & omnes utimur, & non praebetur a Populo. Sanxerunt, ne quis emeret mancipium, nisi in demortui locum. Acon.

Icon. in *Divinat.* ea Ciceronis verba: *frumentum in cellam*: interpretatur frumentum in usus cellæ: hoc est, annonam Prætoris, quæ in frumenti certo numero præbatur a provincialibus. Ex hac annona Prætor salarium solvebat suis Apparitoribus, nec supra eam aliquid a provincialibus exigere poterat. *l. det operam* 3. *C. Theod. de offic. judic. omn.* Nec solum Apparitoribus, & Dignitatoribus, sed & ceteris adminiculis cunctarum dignitatum, & iis, qui in sacro palatio, & sacris scriniis militabant, annona præstatur. *l. annonas omnes* 35. *C. Theodof. de erog. milit. ann. l. scriniis* 7. & *l. & olim* 11. *C. Theod. de palatin.* Ammian. Marcellin. *lib. 22.* Evenerat iisdem diebus, ut ad demandum Imperatoris capillum tonsor venire præceptus, introires quidam ambitiose vestitus. Quo viso Julianus obstupuit. Ego, inquit, non rationalem iussisti, quid haberet ex arte compendiis: vicenas diurnas, respondit, annonas, totidemque pabula jumentorum, quæ vulgo distant capita, & annuum stipendium grave, absque fructuosis positionibus multis. Unde motus, omnes hujusmodi cum cocis, similibusque aliis eadem accipere pene consuetos, ut parum sibi necessarios, data, quo velint, eundi potestate, projecit. Lampriid. in *Alex.* Aulicum ministerium in id contraxit, ut essent tot homines in singulis officiis, quot necessitas postulare: ita ut annonas, non dignitatem, acciperent fullones, & vestitores, & pistores, & pincernas, omnes castrenses ministri, quemadmodum pestis illa instituerat; sed annonas singulas, vel binas. Et paulo post: Medicus sub eo unus palatinus salarium accepit, ceteri omnes, qui usque ad sex fuerunt, annonas binas, aut ternas accipiebant, ita ut mundas singulas consequerentur, alias aliter. Annonas, id est, panes, ut recte interpretatur doctissimus Salmassius: nam annona in numero singulari significat frumentum, vinum, oleum, carnem, & alias ejusmodi cellarientes

species; in numero vero multitudinis significat panes. Et ideo hic opponuntur salarium, & annonz. Quamquam etiam in numero multitudinis videntur aliquando continere omnes species annonarias, ut in *l. 10. 12. 13. 17. 19. 20. 22. 27. 28. 29. 31. 32. 34. 35.* & ult. *C. Theodof. de erog. milit. annon.* Antiquariis etiam ad componendos, reparandoque Bibliothecz Codices Valens Imperator annonas populares caducas jubet impertiri *l. 2. C. Theodof. de Stud. liberal. Urb. Rom.* & Magistros liberalium artium, Grammaticos, Oratores, Jurisconsultos, annonas accepisse testatur Cassiod. *lib. 9. form. 21.* faciunt ad rem quæ idem tradit *lib. 6. form. 22. & lib. 12. form. 15.*

Hæc perspicue scribere, atque enodata diligenter exponere de re obscura, atque difficili, & in vulgus non pervulgata, operæ præmium duximus ad explicationem nostræ legis, in qua de militia agitur liberto comparanda. Nunc ad propositum revertamur: totum illud conclusi sic licet. Multa concurrunt simul, qui conjecturam hanc facere possimus, ibi militiam pro alimentis legatam fuisse. Libertis a patrono relinqui solebant alimenta. Militia comparanda erat ex eo tempore, cum amplius non deberet morari cum Sejo. Militia legatis annuis comparatur, cum sit ejus annuum stipendium: legata autem annua videntur relicta pro alimentis. Ex militia libertus consequitur salarium, annonam, hoc est, ea, quæ ad ipsum alendum requiruntur. Nam licet in *l. annonas* 15. *C. de erog. milit. ann.* jubeantur adærari annonæ; tamen olim in frumento, vino, oleo, &c. solvebantur, ut probavimus. Dubitandum igitur non est, ibi legato militiæ contineri alimenta, & favore alimentorum eertam ætatem non facere conditionem. Quod demonstrandum proposuimus.

CAPUT XVIII.

AD L. SED ET SI SUSCEPIT

52. §. 1. ff. de judic.

SUMMARIUM.

- I. Legatum ubi præstandum?
- II. Quantitas certo loco circumscripta vicem generis certi corporis.
- III. Legata tessera frumentaria videtur legata æstimatione. Et n. 9.
- IV. Frumentum Populo distributum, Et qui præstent frumentationi.
- V. Panis distributio: quo loci, Et quibus fieri?
- VI. Tessera frumentaria quid: Et qua de causa insinuat?
- VII. Panis quotidie accipiebatur: frumentum singulis mensibus.
- VIII. Tessera extraordinarie qua, Et quando datur?
- IX. Tessere in commercio trans.
- X. Tessere legatum non extinguatur, si quis testamur conetur titulo lucrato: Et quare.
- XI. Tempore Petroni Jurisconsultorum Romæ solummodo frumentatio.
- XII. Postea etiam alibi.

ULpianus in l. sed Et si suscepit §. 1. ff. de judic. ait: Si libertis suis tesseras frumentarias cui voluerit: quantumvis major pars hereditatis in Provincia sit, tamen Romæ debere fideicommissum solvi dicendum est, cum apparet, id testatorem sensisse ex genere comparationis. Diximus supra de militiis, nunc aliquid dicendum de tessera frumentaria, ut & aliis multis Juris nostri legibus, & huic præsertim aliquam lucem afferamus, in qua explicanda nihil omnino viderunt veteres Juris Interpretes, Jurisprudentiæ assignari.

Cum queritur ubi præstandum sit legatum, hoc primum constituitur, ibi præstandum esse, ubi testator voluit l. cum res 47. ff. de leg. 1. Quod si non constet de voluntate testatoris, distinguitur hoc modo. Si legata sit certa species, veluti certus equus, Strichus, Aretusa; legatum præstandum est ubi sita est illa certa species.

Tom. I.

cies, nisi dolo hæredis alio translata sit. l. quod legatur 38. in princ. ff. de judic. l. sed Et si §. si ea res ff. eod. l. cum res legata 47. in princ. ff. de legat. 1. Idemque dicendum, si legata sit quantitas certo loco circumscripta d. l. quod legatur vers. si adjectum ff. de judic. l. cum res §. 1. ff. de legat. 1. nam quantitas certo loco circumscripta consideratur tamquam certum corpus l. sed si certas 51. ff. de legat. 1. l. plane §. sed si non corpus cum seq. ff. eod. l. in ratione 30. §. certis ff. ad Leg. Falcid. Quod si quantitas legata sit, hoc est, res numero, pondere, mensurave constans, nullo loco circumscripta, aut genus aliquod, præstandum est legatum ubi est hæreditas, vel major ejus pars d. l. quod legatur 38. juncta l. si fideicommissum 50. ff. de judic. l. cum res 47. §. 1. ff. de legat. 1. l. un. C. ubi fideic. pet. oport.

Legatum tessere frumentariæ, magis in quantitate, quam in corpore consistit l. Titia Sejo in princ. ff. de legat. 2. & cui tessera legatur, æstimatio legata videtur l. mortuo dove 49. §. 1. ff. de legat. 2. Itaque hoc legatum videretur præstandum ubi est major pars hereditatis. Contrarium tamen respondit Jctus in nostra lege: ait enim hoc legatum Romæ præstandum, etiam si major pars hereditatis sit in Provincia: quia apparet, id sensisse testatorem ex genere comparationis. Quorum hæc pertineant, explicandum est, ne cum veteribus Juris Interpretibus existimamus, tesseram frumentariam esse genus valis, quod Romæ solum in usu esset.

Institutum Romæ verus fuit, ut ad infimam Plebem alendum frumentum publico sumptu distribueretur, quemadmodum alias diximus: quod alludit text. in l. 2. in princ. ff. de mundin. Et in l. 1. §. 1. in fin. ff. de mun. Et bonor. Cogitavit aliquando Augustus has publicas frumentationes in perpetuum abolere, quod earum fiducia cultura agrorum cessaret, non tamen perfecit, quis certum habebat, posse per ambitionem quandoque restitui, teste Sueton. in August. cap. 42.

L 1

Sten

Stante adhuc Republica ab Edilibus frumentum distribuebatur. Cæsar duos Ediles Cereales constituit, qui frumento dividendo præessent *l. 2. §. capta 32. ff. de Orig. Jur.* Augustus Præfecturam annonæ suscepit, & Duumvros frumenti dividendi creavit, ut refert Dio Cass. *lib. 54. & Sueton. in August. cap. 37.* Præfectus annonæ etiam ante interitum Reip. creatus fuerat, sed non nisi extra ordinem urgente annonæ caritate; quare a Pomponio dicitur, eum non esse Magistratum, sed extra ordinem constitutum in *l. 2. §. & hæc omnia 33. ff. de Orig. Jur.* Frequens ejus in Jure nostro mentio, ut in *l. 1. §. sed ex contrario ff. de exercit. action. l. ult. ff. quot cum eo qui in alien. pot. est. l. mulierem ff. de accusat. l. ult. ff. ad Leg. Jul. de annon.* Ejusdem meminit Justinianus in Novell. 88. de deposit. cap. 2. Erant & Curatores annonæ *l. Imperatores §. in locum ff. de appellat.* Nisi forte ibi Curator annonæ dicitur ipse Præfectus annonæ, cum ibi constet, unicum fuisse. Curatores autem annonæ videntur fuisse, qui ad coemendum frumentum, & alias species mittebantur *l. ult. §. cura ff. de mun. & honor. l. Lucius 21. ff. ad municipal. l. ex facto 30. ff. de negot. gest.* Frumentarii vero erant, qui Populo frumentum admetiebantur. Extat illud Lucilii

*Frumentarius est, modium hic secum,
atque rustellum
Unum habet.*

Et quia opus hoc plenum laboris erat, jdcirco Marcus, & Commodus Imperatores rescripserunt, hos a tutelis exulari *l. maiores 26. ff. de excusat.*

Aurelianus Imperator pro frumento panes dividere cæpit. Vopisc. in Aurel. Aurelianus eo tempore, quo proficiscebatur ad bellum Orientale, bilibres coronas Populo proniussisse, si visitor redires. Et cum antea Populus speraret, neque Aurelianus aut posset, aut vellet, coronas eum scississe de panibus, qui nunc seliginæ vocantur,

& singulis quibusque donasse, ita ut seliginum suum quotidie toto ævo suo, & unusquisque reciperet, & posteris suis dimitteret. Nam idem Aurelianus & porcina carnem Populo distribuit, qua hodieque dividitur. Et paulo infra: Statuerat & vinum gratuitum Populo Romano dare, ut quemadmodum oleum, & panis, & porcina gratuita præberentur, ita etiam vinum daretur. Erant igitur hi panes bilibres, quibus postea unciam addidit de Ægyptio vestigali, ut idem gloriatur in epistola adrafealimæ annonæ Urbis. Adiderunt & alii upas uncias, alii ademerunt. Imperat. Valentin. in *l. 8. C. Theodos. de pane gradil. Civis Romanus, qui in viginti panibus sordidis, qui nunc dicuntur Sardinenses, quinquaginta uncias comparabat, triginta & sex uncias in buccellis sex mundis sine pretio conseqnatur.*

Vocabantur hi panes civiles *l. ult. §. ult. C. de jur. dot. l. ult. C. de quadr. præscr. seu civiles annonæ l. judemus 14. C. de Sacros. Eccles. l. un. §. cum autem in fin. C. de rei uxor. action. l. hæc edictali §. bis illud C. de secund. nupt. Novell. 88. de deposit. cap. 2.* Annona enim in numero multitudinis panes significat. Appellabantur etiam panes gradilis, quia in gradibus distribuebatur *l. 2. l. 3. & 4. & rot. tit. C. de annon. civ. & pan. gradil.* An in gradibus Amphitheatri, vel Circi maximi distribueretur, non satis constat. Multitudo accipientium Circo maximo potius convenire videtur, quam Amphitheatro: idque non obscure videtur indicare Ammian. Marcell. *lib. 23.* qui infamam Plebem se inculcat: *Hi omnes, quod vivunt, vino, & tesseriis impendunt, & lustris, & voluptatibus, & spectaculis, eisque templum, & habitaculum, & concio, & copia eorum, & spes omnis Circus est maximus.* Huc de re disputat accurate Salmast. in Vopisc. Aurelianus, ubi etiam notat, Heraclio imperante, sublatam fuisse hanc erogationem civilium annonarum.

Non tamen omnes Cives hoc frumentum,

tum, aut panes accipiebant, sed tenuiores tantummodo, quorum nomina in tabulis publicis incidebantur. Senec. lib. 4. de Benef. cap. 28. Frumentum publicum tam fur, quam perjurus, & adulter accipiunt, & sine discrimine morum quisquis incisus est. Sueton. in Cæsar, cap. 4. c. Recensum Populi nec more, nec loco solito, sed vicatim per domos insularum egit, atque ex viginti trecentisque millibus accipientium frumentum e publico, ad centum quinquaginta retraxit. Ac ne qui novi cæus recensitionis causa moveri quandoque possent, instituit quatuordecim in demortuorum locum, ex his, qui recensiti non essent, subfortitio a Prætorio fieret. Plin. in Panegy. ad Trajan. Datum est iis, qui post Edictum tuum in locum eraforum subditi fuerant, æquasque sunt ceteris illi etiam, quibus non erat promissum. Et paulo infra: Tu ne rogari quidem sustinuisse, & quamquam latissimum oculis tuis esset conspectu Romanæ sobolis imperi, omnes tamen antequam te viderent, recipi, incisi iussisti, ut etiam inde ab infantia parentem publicum munere educationis experirentur. Et deinde: Dens tibi, Cæsar, ætatem Dii, quam mereris, serventque animum, quem dederunt, & quanto majorem infantium turbam iterum atque iterum incidi jubebis? Lamprid. in Antonin. Diadum Vellum, Quirites, jam præsentem essemus. Antoninus vester vobis congiarium sui nominis daret. Daret præterea & pueros Antoninianos, & puellas Antoninianas, quæ tam grati nominis propagarent. Recte Salmastius emendat: incidere præterea.

Qui incisi erant tesseram frumentariam accipiebant; nempe signum quoddam in sphaerula lignea, vel lignea tessera, quam καλαμὸν & καλαμὸν Græci vocant, & Justinian. in Novell. 88. cap. 2. ψήφους has tesseras vocat. A Xiphilino dicuntur parvi orbis lignei inscripti. Distribuebat hæc tesseras Annoræ Præfectus d. Novell. 88. cap. 2. ἡ δὲ ψήφους ποταμῶνους παρὰ τοῖς τοῖς ἀντιῶνι ὑπάρχον, hoc est, & tes-

seras accipiunt a Præfecto annonæ. Accipitis tesseras, iisque ostensis frumentum accipiebant, quod ipsis frumentarii mensores admetiebantur: aut accipiebant panem, eo tempore, quo panis distribui cœpit. Hinc apud Themist. Orat. 4. καλαμῶνι illi dicuntur, qui panem, aut frumentum accipiebant, qui id accipere non poterant, nisi tesseram attulissent, ac protulissent.

Sciendum autem est, quod panis quotidie distribuebatur, ut constat ex superioribus, unde a Græcis, & Latinis panis, ac cibus diurnus appellabatur, & quidem primo mane: quare a Themistio in d. Orat. 4. dicuntur matutini tesseras ferre, qui panem accipiebant. At vero frumentum singulis mensibus dividebatur, & tessera dabatur. Sueton. in August. cap. 40. Ac ne plebs frumentationum causa frequentius a negotiis avocaretur, ter in annum quatuordecim mensum tesseras dare destinavit, sed desideranti consuetudinem veterem concessit rursus, ut sui quisque mensis acciperet. At Valentinianus, & Valens Imperatores tesseras sustulerunt, & constituerunt ut pro tesseras titulus æneus in gradibus figeretur, in quo nomen percipientis, & panis modus incideretur l. Cives Romanos 5. in fin. C. Theodos. de annon. civis, & pan. gradil.

Illud etiam monendum est, hæc tesseras aut ordinarias fuisse, aut extra ordinem. Ordinarias appello eas, quæ dabantur illis, qui in tabulis publicis incisi erant, & adscripti in numerum accipientium frumentum, de quibus hætenus diximus. Extra ordinem appello eas, quæ inter missilia a Consulibus, & Imperatoribus conjiciebantur in vulgus. Sueton. in Neron. cap. 11. Sparsa & Populo missilia omnium rerum per omnes dies: singula quotidie millia avium cujusque generis, multiplex penus, tessera frumentaria, vestis, aurum, argentum, gemme, margarite, tabula pictæ, mancipia, jumenta, atque etiam mansucta fera, novissime nautes, insule, agri. Immanis hæc Nero-

nis prodigientia. Spargebant & Consules missilia in vulgus §. *boc amplius Inst. tit. de rer. divis. l. qua ratione §. boc amplius ff. de acquir. rer. dom. l. nec emptio §. aliquando ff. de contr. empt. & in his testeras omnis generis. Sustulit hanc sparsionem Marcianus Imperator in l. 2. C. de Consul. Restituit eam Justinian. Nov. 105. de Consul. cap. 2. Sustulit eam Leo Imperator Novell. 94. Constantinus Magnus in suo Consulatu testeras projecit, quibus Populo diurnos panes per singulos annos, & vinum, & oleam, & carnem largitus est, quibus multis annis Populo frui datum est, teste Codino, & Suida. Aliquando etiam Imperatores congiarii nomine frumentum Populo dividebant. Sueton. in *Cæsar.* cap. 38. Populo præter frumenti denos modios, ac totidem olei libras, trecentos quoque nummos, quos publicis olim, viritum divisti, & *boc amplius centenos pro mora* Id. in *August.* cap. 41. Frumentum quoque in annonæ difficultate sæpe levissimum, interdum nullo pretio viritum admensus est, testerasque nummarias duplicavit; fortasse, frumentarias.*

Testera frumentaria vendi poterant, ut testatur Juvenalis illo versu:

Summula ne pereat, qua vilis testera venit Frumenti.

- 9 Et annonas vendi potuisse constat ex l. *bas edictali §. illud C. de sec. nupt. ex l. 1. C. de annon. civil.* Itaque in nostra l. sed & si suscepit 52. §. 1. ff. de judic. testator libertis suis testeram frumentariam emi voluit. Quoniam vero in testera non consideratur orbiculus ille ligneus, cuius nullus est valor, si ex se consideretur; sed frumentum, quod testera illa consequi possumus, seu æstimator ejus; idcirco testera fideicommissum non tam in corpore, quam in quantitate consistit l. *Titia Sejo* 87. in princ. ff. de leg. 2. & testera legata, ejus æstimator videtur legata l. *moruo bove* 49. §. 1. ff. eod. tit. Quamobrem licet legatum extinguatur, quoties lega-

tarius ex causa lucrativa rem legatam consequitur §. *si res aliena Inst. tit. de legat. l. nutu §. 1. ff. de legat. 3. l. si servus* 108. §. *Stichum* 4. ff. de legat. 1. l. *omnis* 17. ff. de oblig. & act. hoc tamen legatum non extinguitur, si legatarius tesseram frumentariam ex causa lucrativa habere cœperit l. *Titia Sejo* 87. in princ. ff. de legat. 2. Est enim diversa ratio speciei, & quantitatis. Species certa est, & semel tantum præstari potest, & iniquum est eam rem petere, quam sine ullo tuo incommodo jam obtinuisti. Quantitas totum genus comprehendit, & bis præstari potest, & petitur alia quantitas, non ea, quam quis est consecutus l. *plane* 24. §. *sed si non corpus ff. de legat. 1. l. Marvius ff. de legat. 2.* Itaque recte concurrunt duæ causæ lucrativæ, quia non concurrunt in eandem rem: non est enim corpus idem, non eadem species, licet sit eadem quantitas.

Supereest ut explicemus cur hoc legatum sit Romæ præstandum. Legatum præstandum est ubi testator voluit l. *cum res* 47. ff. de legat. 1. vel ubi verisimile est eum voluisse d. l. *cum res*. Qui legat testeram frumentariam, vult Romæ præstari legatum. Apparet, id sensisse testatorem ex genere comparationis d. l. sed & si suscepit §. 1. ff. de judic. Quid ita? Quia testera frumentaria Romæ solummodo comparari potest, quia Romæ solummodo frumentatio. Recte Appian. *τὸ σιτηρὸν ἐν μόνῃ τῇ Ρώμῃ τοῖς πένοντο ὑποποιούμενον, frumenti distributio solum Romæ pauperibus fiebat.* Non ignoro, Trajanum multa elargitum fuisse ad alendos liberos etiam in Italia. Refert enim Dio, eum multa gratificatum fuisse Civitatibus in Italia ad liberorum educationem. Et Spartianus memoria prodidit, Julianum alimentorum curam in Italia meruisse. Et Capitolin. in *Pertin.* Post in *Messia* rexit *alam*, deinde *alimentis* dividendis in *via Æmilia* procuravit. Sed hæc in Italia præstabantur, non in Provinciis, & puerorum alacorum gratia, quod

austum postea est a Constantino, qui parentibus egenis ad filios alendos ubique publica alimenta præstari jussit l. 1. & 2. C. Theod. de aliment. quæ inop. parent.

Hæc autem obtinebant tempore veterum Jurisconsultorum. Etenim Constantinus ætificata Constantinopoli frumentationem ibi instituit, & ad Urbem amplificandam ædibus annonas assignavit, quæ ædes sequebantur l. 1. l. annonas II. l. si quæ speciatim 12. cum seqq. C. Theod. de annon. civic. & paze gradil. Præterea in suo Consulatu tesseras sparsit, ut supra diximus. Et de annonis, quæ hominibus debebantur, agitur in l. 8. C. Theod. de annon. civic. Itaque Socrates refert, Constantinum Constantinopoli octoginta millia modiorum quotidie distribuisse, quæ Constantinus ejus filius ad quadraginta millia redegit, iratus propter Hermogenis necem Socrat. lib. 2. hystor. Immenſa profecto summa frumenti, nisi eam de panibus interpretari malimus: non tamen id est incredibile, cum paulo minor summa referatur ab Ælio Spartiano in vita Severi. Moriens septem annorum canorem, ita ut quotidiana septuaginta quinque millia modiorum expendi possent, reliquit. Idem Constantinus Alexandria etiam frumentationem instituit, ut refert Idem Socrat. Et Julianus frumenti modum assignavit Antiochenis, ut ipse testatur in Misopog. Omitto, quod Puteolanis quoque ad alendos pauperes annua centum & quinquaginta millia modiorum erant assignata. Itaque his temporibus ex genere comparationis non potuisset apparere, testatorem voluisse legatum tessera Romæ præstari, quemadmodum constabat tempore Ulpiani Jurisconsulti ex d. l. sed & si §. 1. ff. de judic.

CAPUT XIX.

AD L. PATRONUS

35. in princ. ff. de legat. 3.

SUMMARIUM.

- I. Quid sit emere tributum?
- II. Tribus, & tribulus qui?
- III. Cui tenuiores homines tribus nomine vocantur?
- IV. Tribus nomen quæ modis accipitur: & quæ: modo hic accipiendum.
- V. Cui Patroni libertis tributum compararetur.
- VI. Quæ essent commoda tribus.
- VII. Quæ Principum liberalitates. Congiarium Paululo datum.
- VIII. Legata Principum.
- IX. Eorundem donationi.
- X. Clarissimi sunt Scautores.
- XI. Quando legatum debeatur quod quis capere non possit.
- XII. Legata tribus, videtur legata æstimatio: & quare?

Alia semper ex aliis occurrunt. Dictum de tessera frumentariis: dicendum aliquid de tribu, ad explicationem l. patronus 35. in princ. ff. de legat. 3. in qua exponenda necesse nugas garrunt Veteres Interpretes, non quidem sua, sed sæculi culpa. Quis enim eorum scientiam, atque doctrinam assequi se posse confidat? Verba legis hæc sunt: Patronus liberti statim tributum emi potest. Libertus diu moram ab herede patroni passus est, & decedens heredem reliquit clarissimum Virum. Quæsitum est, an tributum æstimatio heredi ejus debeatur. Respondit, deberi. Idem quæsit, an & commoda, & principales liberalitates, quas libertus ex eadem tribu usque in diem mortis sue consecutus fuisset, si ei ea tribus secundum voluntatem patroni sui tunc comparata esset; an vero usura æstimationis heredi ejus debeantur. Respondi, quicquid ipse consecutus esset, id ad heredem suum transmitti. Tria hic explicanda. Quid sit tributum emere: quæ sint commoda, & prima

principales liberalitates : cur proponatur institutus Vir clarissimus.

A primo ordiamur . Tribus emptas fuisse , quantum meminerim , apud Latinos Auctores nusquam legi . Itaque quod potui conjectura consequi , id exponam , & opinionem meam Doctorum judicio subjiciam , non ut eos in meam sententiam traham , sed ut incitem ad indagandam veritatem . Existimo igitur , emere tribum eadem significatione dici , qua emere decuriam dixit Cicer . 3. in Verrem . Verba Ciceronis sunt : *Ad eos me scribas revoca . Noli hos colligere , qui nummis corrogatis de nepotum donis , ac senicorum corollariis cum decuriam emerunt , ex primo ordine exploforum , in secundum ordinem Civitatis se venisse dicunt . Primus ordo exploforum , tribus ; secundus ordo Civitatis , decuriæ scribarum . Sueton . in August . cap . 57 . Veterani , decuria , tribus , atque etiam singulatim & cetero genere hominum libentes , ac pro facultate quisque pecunias contulerunt . Tacit . lib . 13 . Annal . Hinc plerumque tribus , decurias , ministeria Magistratibus , &c . Loquitur autem de libertinis . Erant enim scribæ in decuriis divisi . Sueton . in Claud . cap . 1 . Corpus ejus per Municipiorum , Coloniaeque Primores , suscipiensibus obviti scribarum decuriis , ad Urbem decessum . De his decuriis mentio fit in l . mortuo ff . de fidejuss . in l . 3 . § . a municipibus ff . de honor . possess . in l . si quis mihi 25 . § . 1 . ff . de acquir . vel om . hered . Quemadmodum igitur decuriam emere dicebantur , qui pretio adscribebantur decuriis scribarum : ita tribum emere dicebantur , qui pretio adscribebantur tribubus ; hoc est , recenscebantur inter Cives frumentum de publico accipientes , & inferebantur numero Civium , quibus publica alimenta ministrabantur .*

Tribus nomen etiam ad omnes pertinet ; sæpe tamen ad demonstrandam infamiam Plebem , & eos , qui publica liberalitate sustentabantur , Veteres usurpabant , & a Populo distinguebant . Sueton .

in August . cap . 101 . Legavit Populo Rom . quadringenties , tribubus tricies quinquies H . S . Non ignoro Lipsium in Elect . cap . 12 . lib . 1 . emendare tribubus . Sed necesse non est : nam & Plin . in panegy . distinguit . Nisi vero leviter attingi placet locupletatas tribus , datumque congiarium Populo . Martial . lib . 8 . ep . 15 .

Das Populus , das gratus Eques , das ibura Senatus ,

Et libans Latia tertia dona tribus .

Claudian . in VI . Consul . Honor .

— secum praelarga vocavit .

Ditandas ad dona tribus :

Plin . in Panegy . de pueris frumentationi adscriptis . *Ex his castra , ex his tribus replebuntur , ex his quandoque nascuntur , quibus alimentis opus non sit . Alcon . in Milon . de Milone Consulatum petente : Aperte quoque tribum in singulos millia assium dedis . Hinc sæpe dicuntur tribules pauperes homines . Horat .*

Ut cum pileolo soleas conviva tribulis .

Martial . lib . 9 . ep . 50 . de toga lacera , ac detrita :

Nunc anus , & tremulo vix accipiens da tribuli .

Et alibi :

Nec pallens toga mortui tribulis .

Qua de causa id factum existimem , paucis aperiam . Erant tribus urbanae , erant & tribus rusticae . Urbanae tribus erant Suburana , Esquilina , Collina , Palatina . Urbanae tribus per excellentiam tribus appellabantur : tum quia erant partes ipsius Urbis , rusticae vero partes agri Romani : tum quia initio nobiliores erant , & in illis adscripti , qui Urbem incolebant .

bant. Cum autem postea nobiles homines in tribus rutilicas transcriberentur, & Fabius Censor omnem forensis turbam exeretam in quatuor tribus urbanas coniecisset, coepit ignominie, ac probro esse in his tribubus censei: in his enim solummodo humiles homines, ac pauperes, & libertini censebantur, ut constat ex historia Romana. Quo factum, ut tribus nomine id genus hominum sepe significaretur: maxime quia hæc turba dicebatur *sine nomine*. Eleganter Manil. *Astron. lib. 5. sub finem*: Populum Romanum dividendis primum nominat Patres, secundo Equestrem Ordinem, tertio Populum: atque his addit vulgus iners, & sine nomine turbam, quæ ideo generali nomine tribus appellabatur. Quare etiam Plebs, aut Plebs urbana appellabatur, licet Plebis nomen omnes comprehenderet præter Patritios, & Senatores. Sæpe eam sic appellat Cicero, veluti pro *Milon. & in Rull. & Sallustius in conjurat.* & sæpissime Tacitus.

Cetera prosequamur. Apposite Gellius nos monet *lib. 18. cap. 7.* tribum, & pro loco, & pro jure, & pro hominibus dici. Pro jure certe accipitur in nostra lege, quam explicamus. Et quod jus erat tempore Scævolarum Jurisconsulti, quo tempore Populus suffragium amplius non ferebat: nullum certe aliud, quam percipiendi publica alimenta, & commoda, & Principum liberalitates, ut indicat in *d. l. Jurisconsultus*. Itaque sic concludi licet. Tribus nomen præcipue conveniebat tenui, atque humili turbæ, quæ publica liberalitate pasciebatur. Tribus nomen significat jus illud, quod in tribus descripti obtinebant. Nullum fere aliud jus tribuum erat eo tempore, quam percipiendi publica alimenta. Ergo tribum emere significat inferi numero Civium, qui publica liberalitate fruebantur: seu emere jus illud percipiendi publica emolumenta. Neque enim omnes Cives hæc percipiebant, sed illi solum, qui in tabulis publicis incisæ erant.

Curabant autem Patroni, ut liberti sui hoc jus consequerentur, vel ut ipsi perciperent emolumentum, vel ut liberti alimenta. Tacit. *lib. 13. Annal. de libertinis*. Quippe late fufum id corpus: *hinc plerumque tribus, decurias, ministeria. Magistratibus, & Sacerdotibus, cohortes etiam in Urbe conscriptas*. Itaque notat Dionys. Halicarn. *lib. 4.* multos hæc de causa manumissos fuisse, ut frumentum menstruum publice distributum, & Principum liberalitates consequerentur, idque totum patroni lucrarentur. Et Sueton. in *August. cap. 41.* Cum proposito congiario multos manumissos, insertosque Civium numero comperisset, regavit accepturos, quibus promissum non esset. Oblerva, non solum manumissos, sed etiam insertos Civium numero: eorum scilicet, qui congiarium erant accepturi. Antoninus autem Philosophus etiam pueros, & puellas libertinorum inseruit. Sic enim interpretor verba Capitol. in *ejus vita*: *Ob hanc conjunctionem pueros, & puellas novorum hominum frumentaria perceptioni adscribi præceperunt*. Novos homines eleganter appellat libertinos: nam antequam manumitterentur, homines non erant: certe tamquam homines non considerabantur cum servi essent, qui pro nullis habentur *l. quod attinet ff. de Reg. Jur. l. 1. ff. de jure deliber. l. nullo 7. ff. ad Leg. Corn. de fals. l. interdict 59. in fin. ff. de cond. & dem.* Antea Trajanus pueros frumentariæ perceptioni adscribi jusserat, sed solum purioris sanguinis, & ex quibus aliquando nasci posset, qui alimentis non indigerent, ut refert Plinius. Antoninus autem etiam pueros, & puellas libertinorum adscribi jussit. Non ignoro, magnam esse inter Doctissimos Homines dissensionem, & a plerisque hunc locum emendari, idem meam sententiam exposui. Ad rem redeo. Libertinos accepisse frumentum ostendit illud Persii:

*Libertate opus est, non hac, ut quisque
Velina*

Fu-

Publius emeruit, scabiosum tessera fari possidet.

Non ante tamen accipiebant, quam in aliquam tribum relati essent. Quare non sine causa Persius addidit *Vetina*, quod est nomen tribus; & eadem de causa patronus in nostra lege tribum liberto comparari jubet.

Veniamus jam ad id, quod secundo loco proposuimus explicandum. Commoda tribus erant frumentum, oleum, caro, quæ ex publica liberalitate percipiebat infima Plebs, ut exposuimus capite superiore.

Inter Principum liberalitates primum recensio congiarium, quod frequenter a Principibus Populo dabatur. Sueton. in *Cesar. cap. 38.* *Populo præter frumenti decem modios, ac totidem olei libras, trecentos quoque nummos, quas pollicitus olim, divisit: & hoc amplius, centenos pro mora.* Id. in *Aug. cap. 41.* *Congiaria Populo frequenter dedit, sed diversa fere summa: modo quadringenos, modo tricentos, nonnunquam ducentos, quinquagenosque nummos.* Spartian. in *Hadr. in.* *Ad comprimendam de se famam congiarium duplex præfens Populo dedit: ternis jam per singulos aureis se absente divisit.* Lamprid. in *Alex. Sever.* *Congiarium Populo ter dedit: donativum militibus ter: carnem Populo addidit.* De eodem testatur Dio, eum, cum decennialia imperii celebraret, prætorianis militibus, & Populo, frumentum accipienti, decem aureos viritum divisisse. Lamprid. in *Commod.* *Congiarium dedit Populo, singulis denarios septingenos vicenos quinos.* Hæc exempli causa decerpimus, sed his plena est Historia.

Secundo recensio legata Principum. Sueton. in *Cæs. cap. 83.* *Populo hortos circa Tiberim publicos, & viritum trecentos sestertios legavit.* Id. in *Aug. cap. 101.* *Legavit Populo Rom. quadringentis, tribubus tricenis quinquies H. S.* Id. in *Tiber. cap. ult.* *Dedit & legata plerisque, inter quos Vir-*

ginibus Vestalibus, ac militibus universis, Plebique Rom. viritum, atque separatim vicorum Magistris.

Denique erant & quædam donationes extra ordinem. Suet. in *Aug. cap. 40.* *Comitorum quoque præfatum jus reduxit, ac multiplici pœna coercito ambibus Fabianis, & Scapiensibus, tribulibus suis, die comitorum, ne quid a quocumque candidato desiderarent, singula millia nummum a se dividebant.*

Supereft id, quod tertio loco proposuimus. Puto J. C. declarasse a liberto institutum clarissimum Virum, quia hoc poterat alicui contrarium suadere. Clarissimi Viri erant Senatores, ut constat ex historicis, & ex l. 2. §. *sed Senatores C. de his qui ven. æt. impet. ex l. famina ff. de Senator. ex l. un. C. de Equest. dign. lib. 12.* Senatori tribus comparari non potest: itaque videbatur interdidisse legatum argum. text. in l. *mortuo bove* §. *La-* *beo ff. de legat. 2. l. multum interest 34. ff. de V. O. l. cum servus 39. §. ult. ff. de legat. 1.* Nihilominus respondit Scævola deberi æstimationem tribus. Dux autem sunt rationes. Prima, quia licet Senator tribum consequi non possit, aut nolit; tamen est in ejus commercio, eamque solum capere non potest propter suam conditionem, quo casu debetur æstimatio l. *filiusfam. 114. §. si quid alicui ff. de leg. 1. l. sed si res aliena 40. ff. de legat. 1.* Alia ratio est, quia ex iis, quæ diximus, legatum tribus simile est legato militiæ, vel testæ frumentariæ. Atqui his legatis æstimatio continetur l. *mortuo bove 49. §. 1. ff. de legat. 2.* & etiam in capaci relicta sint, tamen legatum sufficitur l. *fideicommissa 11. §. si servo ff. de legat. 3.*

CAPUT XX.

AD L. IN ILLA STIPULATIONE

8. ff. de Verb. obligat.

SUMMARIUM.

- I. Dies adjectus conditioni an differat exactionem?
- II. Conditionum quot genera, & quod eorum discrimen.
- III. Dies adjectus conditioni promiscue differt solutionem.
- IV. In stipulatione facti nihil peti potest ante diem adjectum: nec ante commissuram stipulatio.
- V. Afferitur ratio.
- VI. VII. Exponitur text. in l. si in lege 24. §. si domus, & in l. dominus ff. loc.
- VIII. Cur in locatione exigi possit pensio totius temporis, etiam ante lapsam temporis, si conditor re amplius uti nolit.
- IX. Exponitur l. 2. §. qui ita stipulatur ff. de eo quod certo loc.
- X. Exponitur l. si in lege 24. §. colonus ff. loc.
- XI. Locator statim tenetur, si non patiatur frui condictionem.
- XII. Exponitur l. si ita fuerit 41. §. si, ff. de man. test.
- XIII. Exponitur l. si quis hæres 72. ff. de acquir. vel om. hæred.
- XIV. Exponitur text. in l. cum stipulatus 115. & in l. ita stipulatus 115. §. 1. ff. de V. O. *Pena quando committi dicitur?*

Diximus de die, qui adjicitur dispositioni ad differendam solutionem. Dicendum est modo de die, qui adjicitur conditioni. Dies conditioni adjicitur, cum præscribitur certum tempus, quo existere debeat conditio adjecta dispositioni. Ut puta: *lego Titio centum, si intra biennium navis ab Asia venerit. Si Calendis Stichum non dederis, decem dare spondes?* Diem adjectum dispositioni differre actionem non dubitatur, ut alias diximus l. si in annos 49. ff. de cond. & dem. l. si dies ff. quan. di. leg. ced. §. omnis Instit. tit. de V. O. l. qui hoc anno 42. ff. cod. Potest igitur dubitari an etiam dies adjectus conditioni differat exactionem, & solutionem: hoc est, an, si con-

ditio ante diem existat, statim peti possit id, quod debetur, an vero dies nihilominus sit expectandus. Finge, navem venire ex Asia ante biennium: queritur an statim peti possint centum, an post lapsum biennii. Finge, Stichum ante Calendas mortuum esse: queritur an statim peti possint decem, an Calendæ sint expectandæ. Hac de re agitur in l. in illa 8. & in l. hoc jure 19. ff. de verb. obl. Utramque explicare constituimus.

Interpretes nostri statuunt, tria esse genera conditionum: casuales, potestativas, & mixtas. Paulus in l. si jam facta 11. §. 1. ff. de cond. & dem. duo genera recenset: promiscuas, & non promiscuas. Promiscuæ sunt, quæ a Nostris potestativæ appellantur, quæ obviæ, & quæ passim, & facile possint impleri; non promiscuæ sunt casuales, & mixtæ, quas omnes Veteres uno genere comprehendebant, quia omnes in casum collaræ sunt. Si conditio sit promiscua, hoc est in potestate, impleta conditione ante diem, nihilominus dies est expectandus l. in illa stipulatione 8. ff. de V. O. si non sit promiscua, hoc est, in casu consistat, impleta conditione, dies non est expectandus l. hoc jure 10. ff. de V. O.

Dicamus primum de conditione promiscua. Etiam si ante diem impleatur hæc conditio; tamen nihil ante diem peti posse constat ex nostra l. in illa stipulatione 8. de V. O. Ibi quidam promiserat, se daturum decem, si Calendis Stichum non dedisset. Stichus ante Calendas mortuus est. Constat, promissorem non daturum Stichum Calendis: & tamen ante Calendas nihil peti potest. Nam licet quoad conditionem committi videatur stipulatio statim a morte Stichi l. ita stipulatus 115. §. 1. ff. cod. superest tamen dies, qui omnino est expectandus.

Confirmatur hæc sententia in l. insulam ff. cod. tit. Quidam promiserat, se ædificaturum insulam intra biennium. Quamvis teneatur in id, quod interest, si non ædificaverit. l. si penam 68. l. stipulatio-

res non dividuntur 72. in princ. *vers. Celsus. l. si quis stipulatus* 112. §. ult. *l. si fundum* 114. ff. de verb. oblig. l. 1. ff. de action. emp. l. si quis ab alio 13. in princ.

- 4 ff. de re judic. Tamen ante biennium nihil peti potest, quamvis tantum residui temporis superfit, quo certum sit, ædificium amplius ædificari non posse.

Item in *l. si cum* §. 1. ff. si quis caution. ibi: Homo sibi promissus ante diem dolo promissoris perit: certo jure utimur, non ante pœnam peti posse, quam dies venerit: tota enim stipulatio in diem collata videtur.

Item in *l. item queritur* 13. §. si lege ff. locat. ibi: Si lege operis locandi comprehensum esset, ut, si ad diem effectum non esset, relocare liceret: non ante relocari id potest, quam dies efficiendi præterisset.

Potest etiam confirmari ex *l. stipulationes* 72. §. 1. ff. de verb. oblig. sed ibi adjecta erat particula tum, quæ temporis extremitatem significat *l. 4. §. 1. ff. de condit. & demonstr.*

- Ratio autem ea est, quod tota obligatio sub conditione, & in diem collata est, & impleta conditione, dies tamen 5 superest *l. in illa* 8. ff. de verb. oblig. Nam cum creditor voluerit debitori temous concedere, ut posset parere conditioni, eidem voluit concedere idem tempus ad solvendum: itaque dies non solum respicit conditionem, sed etiam solutionem. Ut puta, in hac stipulatione: si *Calendis Stichum non dederis, decem dabis?* creditor, qui largitur debitori tempus ad dandum Stichum, multo magis idem tempus largitur ad danda decem: noluit enim dari decem dato Stichum, Stichum autem *Calendis* dari voluit: ergo iisdem *Calendis* voluit dari decem.

- Multæ tamen sunt leges, quibus contrarium videtur posse suaderi. Primum, in *l. si in lege* 24. §. si domus ff. locat. 6 & in *l. dominus* 55. §. 2. ff. eod. traditum est, cum, qui conduxit domum, vel fundum in quinquennium, si ante quinquennium deferuerit habitationem, vel

culturam, statim conveniri posse, ut solvat pensiones totius quinquennii. Ergo tempus non est expectandum. Neque responderi potest cum Bartolo, hoc constitutum esse in contractibus bonæ fidei. Etenim etiam in *l. item queritur* ff. locat. quam pro alia sententia supra adduximus, agitur de contractu bonæ fidei, imo de eadem locatione, & tamen tempus expectatur.

Secundo, in *l. si ita fuerit* 41. §. sed si ff. de manum. testam. servo legata erat libertas hoc modo: Si hæredi meo mille nummos anno, biennio, triennio solveris, postquam ero mortuus, liber esto. Servus statim solvit mille nummos, statim liber est, non expectato triennii lapsu.

Tertio, in *l. si quis hæres* 72. de acquir. vel omitt. hæ. testator hæredi præceperat, ut intra certum tempus adiret hæreditatem, & si non adisset, alium ei substituerat. Hæres ante tempus illud præscriptum decessit non adita hæreditate. Respondum est, substitutum non debere expectare ultimum diem aditionis hæredi præscriptum; sed statim adire posse.

Denique, in *l. cum stipulatus* 113. & in *l. ita stipulatus* 115. §. 1. ff. de V. O. quidam stipulatus fuerat sibi pœnam, si onus arbitratu suo ante *Calendas* perfectum non fuisset. Statim ac constat, ante *Calendas* opus amplius perfici non posse, pœna committitur. Sed pœna, & stipulatio committi dicitur, cum peti potest *l. ad diem* 77. ff. de V. O. l. Jure Civili 24. in fin. ff. de cond. & demonstr.

Ad primum responderetur, in ea *l.* non agi de die adjecto conditioni, sed de die adjecto solutioni, seu potius de die, qui tacite inest ex natura obligatoris. Etenim cum merces sit quasi pretium usus, & solvatur ad compensandum rei usum, ex natura mercedis est, ut post usum solvatur. Itaque solutioni mercedis tacite inest ille dies, postquam conductor usus fuerit re conducta. Igitur hic dies non conditioni adjectus est, sed solutioni

ni mercedis; quapropter ad rem nostram non pertinet. Imo animadvertendum est, quod in hoc contractu nulla adest conditio, saltem promiscua. Nam si qua conditio inest in contractu locationis, ea est: si locator passus fuerit, conductorem uti re conducta. Videtur enim deberi merces a conductore hac conditione, si locator eum uti pariat. Nam si locator eum expellat, non solum ipse nihil debet, sed obligatur ipsi locator quanti ejus interest *l. si in lege 24. §. colonus ff. de locat.* At hæc conditio non est promiscua; fortuita est quoad conductorem, neque enim in ejus potestate est eam implere, sed in potestate locatoris. Ex quibus eo magis apparet, diem non esse adjectum conditioni: nam dies respicit personam conductoris, qui non nisi præscripto die copi potest ad solvendam mercedem; conditio vero respicit personam locatoris, a quo est implenda.

Sed, inquiet aliquis, si dies adjectus esset solutioni, non conditioni, utique esset expectandus: nam quod in diem debetur, ante diem non recte petitur *l. si in annos 49. ff. de cond. & dem. l. si dies ff. quando di. leg. ced. l. qui hoc anno 42. ff. de verb. obl. §. omnis Inst. tit. cod.*

Respondetur, quod cum dies inest ex natura ipsius mercedis, quæ solvenda est ad pensandum rei usum, qui usus requirit certum tempus, hoc tempus amplius non est expectandum, cum conductor amplius re uti nolit. Et locator id, quod exigit, non petit tamquam mercedem usum, sed potius ratione ejus, quod sua interest, *l. dominus 55. in fin. ff. locat.* Itaque sublata causa dilationis, nulla causa superest eum impediri locator statim petere id, quod sua interest, argum. text. in *l. cum tale §. Mævæ ff. de condit. & demonstr.* ubi legatum erat Mævæ, si non nupserit, cum morietur: quoniam detrahitur conditio illa, si non nupserit, *l. quoties 22. l. sed si hoc 62. §. ult. & l. seg. l. Titio 71. §. 1. ff. de cond. & demonstr.* ideo detracta conditione, cujus causa fuerat adjectus dies mortis, detrahitur

etiam dies mortis, & legatum statim præstandum est.

At potest opponi, quod adjecto loco, quo solvi pecunia debeat, inest stipulationi dies, quo possit debitor in locum adjectum pervenire *l. interdum ff. de verb. oblig. §. loca Inst. tit. cod. l. 2. alias l. 3. §. qui ita stipulatur ff. de eo quod certo loc.* Atque adeo dies inest ex natura loci adjecti: ut si quis Romæ stipuletur, hodie tibi dari Carthagine, inutilis sit stipulatio *d. l. 2. §. qui ita stipulatur.* Ac locus quidem mutari potest, nam qui certo loco se daturum promisit, potest etiam alio loco conveniri *l. 1. ff. cod.* Itaque si Romæ conveniatur, qui Romæ promittit, tollitur omnis causa dilationis: quid enim causæ est, cur expectemus tempus, quo possit Carthaginem pervenire, si Romæ solvere debet? Et tamen in *d. l. 2. §. qui ita* generaliter traditum est, diem expectandum esse. Ergo etiam sublata causa, propter quam dies inest, nihilominus dies est expectandus.

Respondetur, quod ideo in hac specie dies est expectandus, quia causa, cui coheret dies, non ante tolli potest, quam dies præterierit: quia non debet reo adimi facultas solvendi Carthagine, quam facultatem stipulando sibi quælit *l. vero §. alia ff. de solut.* Transacto autem tempore, quo potuit solvere Carthagine, si ea facultate usus non sit, creditori a lege conceditur, ut alio loco possit debitor convenire, ne alioquin sit in potestate debitoris actionem evitare, & eludere creditorem numquam cundo Carthaginem *l. 1. ff. de eo quod certo loc.* Hanc autem facultatem conveniendi debitorem alio loco, cum lex concedat ex necessitate, solum concedit urgente illa necessitate: atqui nulla urget necessitas ante diem, neque enim creditor queri potest de dilatione, eum ipse sibi hanc legem impulverit in contrahendo. Quare cum locus mutari non possit ante diem transactum, nec ipse detrahitur.

Sed ut eo revertamur unde discessimus.

M m 2

Quod

Quod diximus de conditione, quæ inest obligationi solvendæ mercedis, eam non esse promissam, sed fortuitam, quia pendet a potestate locatoris, non conductoris, nodum solvere non videtur. Etenim in d. l. si in lege 24. §. colonus ff. locat. aliud exemplum proponitur, cui non convenit hæc responsio. Locator ante quinquennium expulit colonum: colonus totius quinquennii nomine recte apert, statim ac fuerit expulsus. Tenetur locator colono, sub conditione: si ipsum expuleris: hæc conditio promissua est, hoc est, in potestate ipsius locatoris, qui impleta conditione futurus est debitor: & tamen lapsus quinquennii non expectatur.

Verissimum est, hanc conditionem esse in potestate debitoris, sed ideo dies non expectatur, quia nullus dies est adiectus, aut tacite inest. Nam locator se obligat, si non patiatur conductorem suum re conducta, nec ullus est dies, qui possit expectari, & in quem solutio differri possit: nam conveniri potest statim ac secerit contra legem locationis; & cum præstare teneatur suum conductori, statim ac id non præstat, conveniri potest, etiamsi nulla ejus culpa intercesserit l. si tibi alienam 7. cum duob. ll. seqq. l. ex conducto 15. in princ. & in §. 1. l. si fundus 33. ff. locat. In mercede autem ideo dies inest, quia aut adijcitur a contrahentibus, aut solvenda est post usum, atque operam.

Ad secundum respondeo, duabus de causis triennii lapsum non esse expectandum. Prima traditur in ipsa l. si ita fuerit 41. §. sed si ff. de manum. testam. ibi: Compensanda etenim est heredi celeritas libertatis præmatura pecuniarum solutioni. Equum igitur non est, heredem & servo uti, & pecunia a servo soluta, contra voluntatem testatoris, qui voluit, servum soluta tota summa ad libertatem pervenire. Eadem confirmantur in l. statu liberos 3. §. quid si servus 14. ff. de statu lib. ibi: Benignius est eum in libertatem pervenire, cum utriusque providentia

infertur, & servi, quatenus maturius in libertatem perveniat, & heredis, quatenus dilatione interempta, illico accipiat, quod post tempus consequi poterit. Altera causa indicatur in hac eadem lege: nempe favor libertatis. Observandum est verbum illud benignius, quod ad favorem libertatis referri videtur: nam favor libertatis benigniores sententias exprimit l. penales 32. §. ult. ff. ad Leg. Falcid. & benigne receptum dicitur, quod favore libertatis est constitutum l. 4. §. ergo ff. de manumission. l. si statu libera 6. §. plane ff. de statu lib. l. 2. C. de necessar. serv. Posset etiam dici, diem in ea lege additum fuisse favore legatarii, & summam in plures pensiones divisam ejus exonerandi causa l. si cum præfinitione 20. ff. quando dies leg. ced. ac propterea a servo posse etiam ante diem solvi l. fabolens 15. ff. de annuis legat. l. stipulatio ista 38. §. inter 16. ff. de V. O. cum similibus. Ne autem hæres fruatur simul & pecunia, & servo, benignius receptum esse servum liberum statim fieri: videlicet ex benigna interpretatione voluntatis testatoris, qui si putasset, servum statim posse solvere integram summam, non distulisset libertatem in triennium.

Ad tertium respondeo, diem non esse expectandum, quia ab heredis institutione dies detrahitur, etiamsi nominatim fuerit adiectus §. hæres Inst. tit. de hered. inst. l. hereditas ff. cod. tit. Præterea substitutio facta erat sub conditione, si intra certum tempus hæres non adisset hereditatem. Hæc conditio quoad substitutionem fortuita est, pendet enim a facto alterius l. si quis instituat §. item si ff. 13. de hered. instit. quoad heredem promissua est; pendet enim ab ejus potestate: sed hæres non est debitor hereditatis, nec substitutus accipit hereditatem ab herede, sed a defuncto. Itaque eum in hac specie nemo sit debitor, cessat ratio, cur dies sit expectandus; neque enim videri potest dies adiectus, ut concedatur debitori tempus ad solvendum, quod tribu-

tum erat ad implendam conditionem.

Ad ultimum respondetur, quod ibi pœna commissâ dicitur, non quia statim peti possit, sed quia jam constât, promissorem in pœnam incidisse. Neque enim 14 ibi quæritur quando pœna peti possit; sed an promissor in pœnam inciderit, etiam si a stipulatore tempus ei sit prorogatum. Sic & in l. in illa 8. ff. de verb. oblig. stipulatio ad conditionem committi dicitur, licet dies supersit, quia cum conditio impleta sit, certum est, reum in pœnam incidisse. Ita & in d. l. cum stipulatus 113. ff. eod. pœna commissâ dicitur, nempe impleta conditione, sub qua promissa fuit: superest tamen dies d. l. 8. Neque obstat, quod pœna committi dicatur, cum peti potest; nam tunc committitur cum effectu: at vero quando peti non potest, committi quidem dicitur, licet hæcenus sit sine effectu. Sic debetur dicitur id, quod nondum debetur cum effectu, quia nondum peti potest §. omnis Instit. tit. de V. O. l. qui hoc anno 42. ff. eod. alibi vero dicitur, non debetur, quia non debetur cum effectu, cum peti non possit l. 1. §. 1. ff. de condit. & demonstr. l. si in annos 49. ff. eod. l. un. ff. quand. dies usus leg. ced. l. si Titio §. quedam. l. si dies §. ult. ff. quand. dies leg. ced. l. interdum 73. ff. de V. O.

CAPUT XXI.

AD L. HOC JURE

10. ff. de verb. oblig.

SUMMARIUM.

- I. Dies adjectus conditioni non promiscue petitionem non differt.
- II. Affertur ratio discriminis inter utrumque genus conditionum.
- III. Exponitur l. si ita legatum 105. ff. de cond. & dem.
- IV. Quando dies non conditioni, sed legato adjectus est, expectari debet.
- V. Exponitur l. 4. §. 1. ff. de cond. & dem.

- VI. Particula tum denotat extremitatem temporis.
- VII. Exponitur l. cum heres 4. §. servire ff. de statu lib. & n. 8. Dies qui necessario cubaret conditioni, expectandus est.
- VIII. Melioris conditionis esse non debet, qui conditionem non implevit, quam si implevisset.
- IX. Exponitur text. in l. 3. §. pen. ff. de statu lib. Condicio parandi non includit necessario tempus.
- X. Condicio fortuita casu deficiens nec favore libertatis habetur pro impleta.
- XI. Cetera etas non facit conditionem favore libertatis.
- XII. Exponitur text. in l. libertis §. ab hæredibus ff. de alim. leg.
- XIII. Legatum alimentorum non extinguitur morte ejus, cum que morari debeat.
- XIV. Exponitur text. in l. pen. C. quan. dies leg. ced.
- XV. Dies incertus adjectus solutioni non facit conditionem.
- XVI. Exponitur text. in l. uxori 35. ff. de usufr. leg.
- XVII. Dies incertus demonstrationis causa adjectus non facit conditionem.
- XVIII. Exponitur l. cum tale 72. §. Marci ff. de cond. & dem.
- XIX. Exponitur text. in l. Publius 36. §. 1. ff. de cond. & dem.
- XX. Filium qui diligit magis quam alios. Et magis primo loco vocatum, quam secundo.
- XXI. Quid sit repræsentatio fideicommissi.
- XXII. Voluntatis verbis præstatur.
- XXIII. Exponitur text. in l. a filia 62. §. alumnus ff. ad S. C. Trebell.
- XXIV. Si dies adjectus sit favore legatarii, eo deficiente statim solvendum est substitutus.
- XXV. Exponitur text. in l. fideicommissa 11. §. si cui ff. de leg. 3.
- XXVI. Mors legatarii non facit conditionem: sed mors alterius.
- XXVII. Duobus conditionibus adjectis, utriusque parendum.
- XXVIII. Particula quasi denotat improprietatem: sed non semper, ut n. 31.
- XXIX. Condicio, Si morte patris sui juris effectus fuerit, pro emancipationem impletur.
- XXX. Non deficiente conditio dicitur, cum ex illis: sed vide n. 32.
- XXXIII. Proponuntur septem exceptiones regulæ præpositæ: quod dies adjectus conditioni non promiscue expectandus non sit.

VENIAMUS ad conditionem non promiscuam, hoc est, mixtam, & casualem, seu fortuitam. In hac contrarium traditum est a Veteribus: videlicet, impleta conditione, statim peti posse quod

debetur, nec expectandum diem conditioni adjectum *l. hoc jure 10. ff. de V. O.* Hoc jure utimur, ut ex hac stipulatione, si Lucius Titius ante Calendas Maias in Italiam non veneris, decem dare spondes? non ante peti quicquam possit, quam exploratum sit, ante eam diem in Italiam venire Titium non posse, neque venisse, si ve vivo, si ve mortuo id acciderit.

Ac meo quidem judicio differentiz ratio ea est, quod quando conditio confertur in potestatem debitoris, eique tempus adjicitur, tempus illud non solum respicit conditionem, sed etiam obligationem: nam qui largitur tempus ad implendam conditionem, quam posset multo citius implere, largitur etiam tempus ad solvendum, cum nolit eum cogere ad solvendum, nisi impleta conditione. Contra vero cum conditio in eventum, & casum confertur, eique dies adjicitur, is respicit solam conditionem. Nempe ideo adjicitur, ut eo magis in incertum suspendatur obligatio, quo difficilius est existere conditionem, quam non sufficit existere quodcumque; sed necesse est existere tempore præscripto, ut nascatur obligatio. Ut puta, in hac conditione: Si intra Calendas Maias Titius in Italiam veneris, adjectus est dies Calendarum, quo fit, ut conditio sit magis incerta, magis in casum, ac dubium eventum collata, quia, ut impleatur conditio, non sufficit, Titium in Italiam venire quodcumque, sed necesse est veniat intra Calendas Maias. In exemplo autem *l. hoc jure 10. ff. de V. O.* quia conditio negativa est, a stipulatore dies est adjectus, ut facilius existat conditio: quia non adjecto die deficeret conditio veniente Lucio Titio etiam post Calendas; adjecto autem die Calendarum conditio existit, etiam si Titius in Italiam venerit post Calendas. Igitur dies adjectus respicit solam conditionem, & additus est vel ad eam restringendam, vel ad eam laxandam: ac propterea existente conditione tempore præscripto satisfactum est vo-

luntati ejus, qui conditionem, & diem adjecit, cum extiterit conditio eo modo, quo voluit existere: nec ulla causa est, cur diem expectemus, qui non fuit adjectus ad differendam solutionem, quam differre non potest, nisi adjiciatur eo animo, ut eo die pecunia solvatur. §. *omnis Instit. tit. de V. O.*

Verum quia multe sunt causæ, ex quibus contrarium observatur, idcirco multe sunt leges, in quibus contrarium videtur constitutum, quas omnes ut explicemus, tamquam contrarias huic legi opponemus.

Primum asseri potest text. in *l. si ira legatum 103. ff. de condit. & dem. Si ita legatum sit: Titio post decem annos dato, si satis ab herede non exegerit: & Titius intra decimum annum decesserit, ad heredem suum transmisit legatum, quia moriente eo conditio existit.*

In hac lege licet J. C. non decernat, an ab hæredibus statim solvendum sit legatum, an vero transacto decennio; non dubito tamen solvendum esse post lapsum decennii. Enim tempus non conditioni adjectum est, sed legato: ait enim testator: Titio post decem annos dato. Adjectus est dies, quo pecunia solvatur, igitur ante hunc diem solvi non debet §. *omnis Instit. tit. de V. O. l. si dies ff. quam. di. leg. ced.* Conditio autem, Si ab herede non exegerit satisfactionem, adjecta est, ut legatarius ab exigenda satisfactione deterreatur metu pænæ, & amissionis legati, quam satisfactionem potuisset exigere cum legatum sit in diem *l. 1. in princ. l. postquam 5. §. si dies. l. hac stipulatio 14. ff. ut legat. nom. caveat.* Quamobrem potius conditio adjecta est propter diem, quam dies propter conditionem. Imo defendi posset, nullam huic legato conditionem inesse; cum enim possit a testatore prohiberi latidatio, ea frustra petetur, eaque petita non deficiat conditione legatarius *l. licet 12. ff. ut legat. nom. caveat.* nisi testator nec de facto quidem peti voluerit. Sed illuc redeo. Quando

do non conditioni, sed legato adjicitur, non debet solvi legatum ante diem: nam cum & conditio, & dies legato sit adjectus, conditio suspendit legatum in incertum eventum, dies vero differt solutionem. Ut si quis dicat: *Si navis ex Asia venerit, dato Titio post decem annos*. Etiam si navis ex Asia statim veniat; tamen post decem annos dandum est legatum, quia petitio in hoc tempus dilata est, *l. ex his verbis C. quando dies leg. ced.* At si dicat: *Si navis ex Asia venerit intra decem annos, Titio dato*: solvendum est legatum statim ac navis ex Asia venerit, quia decennium adjectum est conditioni. Nempe testator præscripsit tempus, intra quod existere conditio debet. Cum autem intra illud tempus extiterit, nihil est cur differamus legatum.

Secundo opponi potest text. in *l. 4. §. 1. ff. de condit. & dem.* ibi: *Si ita scriptum sit: Si in quinquennio proximo Titio filius natus non erit, tum decem Seja heres dato. Si Titius ante mortuus sit, non statim Seja decem debet.*

In hac lege dies quidem est adjectus conditioni, sed differtur solutio legati, quia idem dies adjectus est etiam legato. Particula illa *tum* extremitatem temporis, & ultimum articulum quinquennii significat *d. l. 4. §. 1. in fin. l. cum quidam in princ. ff. de usur. l. pen. ff. de testam. tut.* Itaque diem adjectum conditioni repetit in legato; perindeque est ac si dixisset: *Si in quinquennio proximo Titio filius natus non erit, post quinquennium Seja decem heres dato*. Igitur solutio legati differtur non vi ejus diei, qui adjectus est conditioni, sed vi ejus diei, qui per particulam *tum* repetitus est in datione legati.

Tertio contrarius videtur textus in *l. cum heres 4. §. servire ff. de statu lib.* ubi qui jussus erat servire anno Titio, & sic liber esse, non fit liber ante annum, etiam si Titius ante annum moriatur, & conditio pro impleta habeatur, quia per Titium stetit, quominus im-

pleretur. Similes sunt text. in *l. servus 34. §. 1. vers. quid enim ff. eod. in l. peculium 20. §. quadam ff. eod. in l. Tibias §. Spondoporus, & §. libertatem ff. de fideicommiss. libertas.*

Ad has omnes leges duo sunt animadvertenda. Primum, quod quoties dies ita coheret conditioni, ut conditio ante eum diem impleri non possit, dies utique semper est expectandus. Hujus generis est hæc conditio: est enim omnino impossibile, ut serviat anno, antequam annus effluat. Qui adjicit hanc conditionem, non solum vult impleri conditionem, sed etiam vult expectari tempus, quod illi conditioni ita coheret, ut separari non possit. Est enim vulgi ore tritum illud: *Qui vult consequens, vult etiam antecedens*, quod ab eo seungi non potest: & qui non vult, solvi legatum ante expletam conditionem, non vult, solvi ante transactum tempus, quod ad eam implendam est omnino necessarium, & quod ipse sua voluntate inseruit conditioni. Multo aliter se res habet in hac conditione: *Si intra biennium navis ex Asia venerit*; quia potest navis multo ante biennium venire, & statim satisfactum est voluntati testatoris. Et hoc est, quod admonet Paul. in *l. si peculium 20. §. quadam 5. ff. de statu lib.* illis verbis: *Quadam conditiones natura sui nec possunt eodem tempore impleri, sed necessarium habent temporis divisionem: velut cum decem operas jussus est dare: quia opera per singulos dies dantur. Igitur & si singulos auros dat statu liber, potest dici cum implese conditionem. Alia causa est operarum, quia hæc necessario singula adenda sunt. Sed etsi heres accipere noluerit, non statim liber fiet, sed cum tempus transierit, per quod operarum quantitas consumatur. Idem dicendum est, si jussum Capuanis ire, & liberum esse, heres prohibeat ire: tunc enim erit liber, cum pervenire Capuam potuisset. Inesse enim videtur tempus, tam operarum præstationi, quam itineri. Idem fere traditur in *l. servus**

us 34. §. 1. *vers. quid enim ff. de statu lib.*

Præterea animadvertendum est, quod melioris conditionis esse non debet legatarius, qui non implet conditionem, quam esset, si eam implevisset. Licet enim a Jure pro impleta habeatur; tamen majorem vim habere æquum non est, quam haberet, si revera fuisset impleta; nec plus operari debet fictio in casu ficto, quam veritas in casu vero. Recte ad rem nostram Papinianus in *l. mulieri & Titio ff. de condit. & demonstr. ait: Tantum enim beneficio legis ex legato concessum esse mulieri intelligendum est, quantum haberet, si conditioni parvisset. Quare si quis mulieri legaverit centum sub conditione, Si non nupserit intra decem annos dato: licet conditio, si non nupserit, detrahatur; tempus tamen expectatur. Veniamus ad legem nostram. Servus iustus est servire anno Titio, & sic liber esse. Si servisset anno, & conditionem implevisset, non potuisset esse liber ante annum transactum. Mortuo Titio ante annum, servire non potuit: conditio habetur pro impleta, sed tamen ita, ut non ante consequatur libertatem, quam fuisset consecutus, si conditionem implevisset. Et hæc ratio redditur in ipsa lege, ibi: *Es enim absurdum est, maturius eum liberum fieri cum conditionem non implet, quam futurus foret, si eam impleveret.**

Quarto contra id, quod primo loco observavimus, potest urgeri in *l. 3. §. penult. ff. de statu lib.* Ancillæ libertas data erat sub conditione, si tres liberos peperisset: hæres ei medicamentum dedit, ne pareret. Statim libera fit. Et tamen conditioni coheret necessarium tempus gestationis, ut parere possit.

Facilis est & prompta responsio. Non potest ancilla parere tres liberos, antequam eos in utero gestet. Sed tamen potest eos parere statim a morte testatoris: potuit enim eos multo ante concepisse. Sic, licet non modicum tempus necessarium sit, ut navis ex Asia veniat; tamen potest venire statim mortuo testato-

re, si multo ante ex Asia solverit: imo & ante mortem testatoris *l. 2. in prin. ff. de cond. & dem.* quin etiam ante factum testamentum *l. hæc conditio 10. in fin. ff. cod.* Itaque hæc conditiones natura sua tempus non continent. At conditio, de qua supra agebamus, omnino tempus includit. Nam qui servire iustus est anno Titio hæredi, non potest ei servire vivo testatore, sed computatur annus a die aditæ hæreditatis *l. si in diem 46. ff. de cond. & dem. l. 3. §. si quis hæredi ff. de statu lib.* igitur omnino est expectandus annus post aditam hæreditatem. Quapropter non temere in *l. 3. §. penult. ff. de statu lib.* notavit J. C. ancillam, etiam uno partu potuisse tres edere, ut ostenderet, huic conditioni necessario non inesse tempus trium gestationum.

Quinto opponi potest text. in *l. si ita scriptum 16. ff. de man. testam.* Quidam legaverat servo suo libertatem, cum Titius ad tricesimum annum pervenisset. 10 Titius mortuus est ante tricesimum annum. Licet conditio, favore libertatis habeatur pro impleta; tamen servus non statim fit liber, sed expectare debet tempus, quo Titius ad tricesimum annum perveniret, si viveret. Ergo conditione fortuita ante tempus impleta, tempus est expectandum. Respondetur, falsum esse conditionem haberi pro impleta: nam conditio fortuita casu deficiens nunquam pro impleta habetur, etiamsi fuerit adscripta libertati *l. cum hæres 4. §. de statu lib.* Igitur favor libertatis non potest efficere, ut pro impleta habeatur illa conditio: hoc efficit favor libertatis, ut dies ille incertus, qui in aliis legatis conditionem faceret *l. dies incertus ff. de cond. & dem.* in legato libertatis conditionem non faciat. Certa ætas alicujus adscripta conditionem facit *l. si cui legetur §. 1. cum duob. seq. ff. de legat. 1. l. Publius §. 1. ff. de cond. & dem.* incertum est enim, an ille sit perventurus ad ætatem legato adscriptam. Favore autem libertatis constitutum est, ut in legato libertatis dies

cor-

tertæ ætatis conditionem non faciat, ut libertas debeat, etiam si ille, cujus ætas adscripta est, ad ætatem illam non perveniat *l. si servus 19. ff. de statulib. l. si fideicommissaria §. etiam ff. de fideicommiss. lib. l. si fideicommissaria 10. C. cod. tit. Legatum igitur, de quo agitur in adducta l. in diem est, non sub conditione, & ideo debet libertas, etiam si Titius moriatur ante tricesimum annum. Cum autem sit in diem, non ante potest exigi, quam venerit dies adscriptus *l. si dies ff. quando dies leg. ced. l. si in annos ff. de cond. & dem.* & ideo servus non ante consequitur libertatem, quam veniat dies, quo Titius ad tricesimum annum fuisset perventurus.*

Quamquam dies ille faceret conditionem, & conditio haberetur pro impleta; tamen ante illud tempus non posset consequi libertatem, ne maturius ad libertatem perveniat deficiente conditione, quam perveniret ea existente *l. cum hæres 4. §. servus ff. de statu lib. l. mulieri & Titio 74. ff. de condit. & demonstr.* & nos supra exposuimus.

Sexto, similis est textus in *l. libertas 18. §. ab hæredibus ff. de alim. vel cibar. 12. legat.* in qua non agitur de legato libertatis, sed de legato militiæ; & tamen idem est constitutum. Testatorem enim post libertatem servo relictam, rogavit Sejum, ut eidem cibaria, & vestimenta præstaret, & cum ad viciesimum quintum annum pervenisset, militiam ei compararet, si eum ante non reliquisset. Sejus mortuus est ante viciesimum quintum annum. Respondit Sævola, militiam nihilominus ei comparandam, sed expectandum tempus, quo Sejus, si viveret, ad viciesimum quintum annum perveniret.

Eadem responsio. Ibi agitur de legato alimentorum, ut copiose exposuimus alias ad hujus legis explicationem. Militia enim, hoc est annuus redditus, quem percepturus est ex militia, ei relinquitur, ut possit inde se alere, ut ibi diximus. Quapropter licet adjecta sit illa

conditio, *si eum ante non reliquerit*; tamen non deficit hæc conditio per mortem Seji. Nam si quis alicui relinquat alimenta, quamdiu cum Sejo morabitur, non extinguatur legatum per mortem Seji *l. Cajo §. Imperator ff. de alim. vel cib. leg. l. annus in princ. ff. de ann. legat. l. 1. C. de legat.* In legato autem alimentorum, si per eum steterit, qui præstare debebat alimenta, quominus legatarius cum eo moretur, etiam si id acciderit per mortem, tamen conditio pro impleta habetur ex *dd. l. adeoque legatum non ante præstandum est, quam præstaretur, si vere impleta fuisset, ut supra diximus.*

Accedit & alia ratio. Testator voluit subrogare militiam in locum alimentorum. Alimenta debentur liberto donec Sejus perveniat ad viciesimum quintum annum, & usque ad hoc tempus debentur, etiam si Sejus ante sit mortuus. Igitur si militia deberet ei comparari statim ac mortuus Sejus, utrumque libertus haberet eodem tempore, & militiam, & alimenta, quod est contra mentem testatoris. Sed hæc pluribus exposuimus ad hujus legis explicationem. Posset etiam considerari, hanc conditionem esse ex genere earum, quibus necessario inest, & coheret tempus, qua de re supra diximus.

Septimo, non est omittendus text. in *l. penult. C. quando dies legat. ced. ibi: Ex his verbis: do, lego Ælia Severina, & Secunda decem, que legata accipere debebit, cum ad legitimum statum pervenerit. 14. Si Ælia Severina, cui legatum reliquum est, die legati cedente, vita suavia est, ad heredem suum actionem transmittit: scilicet ut eo tempore solutio fit, quo Severina, si rebus humanis subacta non fuisset, viciesimum quintum annum ætatis impleisset.* Non agitur hic de legato libertatis; adjecta est conditio illa, *cum ad legitimum statum pervenerit*; & tamen tempus est expectandum.

Et si non agatur de legato libertatis; tamen hoc quoque legatum in diem est, non sub conditione, & verba illa, cum

ad legitimum statum perveneris, non conditionem faciunt, sed diem solummodo continent. Id autem ex ipsa lege probari potest. Supponitur, legatariam defunctam esse antequam ad legitimum statum perveniat: & nihilominus ea viva cessasse diem legari. Atqui dies legati conditionalis non credit ante conditionis eventum; nec legatum ad heredem transmittitur *l. si post diem 5. §. sed si sub conditione ff. quando di. leg. ced. l. 3. C. cod. l. interdictis in princ. ff. de cond. & dem.* Ideo autem hoc legatum non est conditionale, sed in diem, quia certa ætas non est adjecta legato, sed ejus solutioni. Neque enim testator ita legavit: *Ælie Severina, cum ad legitimum statum pervenerit, decem lego*; sed ita: *Ælia Severina decem lego, quod legatum accipere debebit, cum ad legitimum statum pervenerit.*

Dies autem solutioni adjectus potest quidem suspendere solutionem, cui adjectus est: non potest tamen suspendere legatum, & obligationem, cui adjectus non est; itaque non efficit legatum conditionale, sed in diem. Similia exempla sunt in *l. Sejus Saturninus ff. ad S. C. Trebellian. in l. a filia §. alumno ff. eod.*

Octavo, opponi potest *l. uxori 35. ff. de usufr. leg.* Vir uxori legavit usumfructum fundi in quinquennium a die mortis suæ, & peracto quinquennio, cum ejus usufructus esse desisset, tunc fundum legavit libertis suis. Huic legato adscriptus est dies quinquennii: adscripta est etiam conditio illa, cum usufructus ejus esse desisset: mortua est uxor ante quinquennium, cujus morte impleta est conditio, quia usufructus extinguitur *§. finitur Instit. tit. de usufr. l. 3. §. ult. ff. quib. mod. usufruct. amit. l. 2. l. si domina 10. l. ambiguitatem 12. & l. corruptionem 16. C. de usufr.* Quæsitum est, an statim fundus libertis reddi debeat, an expectare debeant finem quinquennii. Respondum est, reddi non debere ante finem quinquennii.

Respondetur, ibi legato fuisse adjectum solum diem, ac tempus quinquennii, nullam autem conditionem; & ideo tamquam legatum in diem ante diem peti non potest *l. si dies ff. quando dies leg. ced. l. si in annos 49. ff. de cond. & demonst. §. omnis Inst. tit. de verb. oblig.* Neque enim conditionem faciunt illa verba: *cum ejus usufructus esse desierit.* Etenim hæc verba referuntur ad quinquennium peractum, quo tempore usufructus uxoris esse desinet. Igitur ea verba sunt adjecta demonstrative, non ad inferendam conditionem. Et hoc significant: *peracto quinquennio, quo tempore uxoris esse desinet usufructus*: hæc demonstratio nihil efficit; nam quod rei satis demonstratæ adjectum frustra est *l. 1. §. si quis ff. de dot. prel.* Quapropter verba illa vim solius demonstrationis habent, non conditionis.

Similis est textus in *l. cum tale §. Marcia ff. de condit. & dem.* ibi: *Marcia, si non nupseris, cum morietur lego.* Potest dici eam, etsi nupseris, concessit ad legatum admitti. Non idem probatur, si certus dies, incertusve alius legato fueris *§. adscriptus.* Quod discrimen est inter diem mortis, & alios dies? Illud nimirum, quod modo indicabimus. Dies mortis in hoc legato habet vim solius demonstrationis, & frustra adjectus est, & ideo non est expectandus. Etenim conditio illa, *si non nupseris*, cum posita sit in non faciendo, solum per mortem impletur, quia quamdiu quis vivit, facere potest, quod prohibitus est. *l. si ita 103. l. Titio fundus ff. de cond. & dem. l. ult. ff. de cond. inst. l. si in personam C. de fideicom. l. ita stipulatus 115. §. 2. & §. item si quis ff. de V. O. §. sub conditione Inst. tit. eod.* Quapropter testator verba illa, cum morietur, non adiecit animo diei adscribendi legato, sed ut declararet tempus, quo impleri poterat conditio, *si non nupseris.* Detracta igitur conditione, *si non nupseris*, cujus causa adjecta erant illa verba, ea sunt omnino supervacua, nec differunt legatum in tempus mortis.

Pra-

Præterea in d. l. uxori 35. ff. de usufr. legat. adjecta erat particula tunc, quæ ultimatum articulum temporis significat l. 4. §. 1. ff. de cond. & dem. l. cum quidam in princ. ff. de usufr. l. pen. ff. de testam. tut. Idque uberius exposuimus, cum ad secundum argumentum respondimus.

Nono, opponi potest l. Publius 36. §. 1. ff. de cond. & dem. Ibi mulier filium habens legavit quædam prædia Septiciæ, eamque rogavit, ut, cum filius ad sexdecim annos pervenisset, prædia illa ipsi restitueret, & si filius sexdecim annos non impleffet, ea redderet Publio Mævio, & Cajo Cornelio. Filius sexdecim annos non implevit: quæsitum est, an prædia statim restituenda essent; an eo tempore, quo filius fuisset perventurus ad decimum sextum annum. Respondit Marcellus, restitutionem in hoc tempus prorogandam. Ergo licet conditio sit impleta; tamen quia tempus continet, tempus illud est expectandum.

In promptu est responsio, eaque nobis ab ipsa lege suppeditatur. In conditionibus primum locum obtinet voluntas testatoris, eaque regit condiciones l. in conditionibus 19. in princ. ff. de cond. & dem. Testatrix in hac lege voluit, prædia illa ad Septiciam pertinere usque ad illud tempus, quo filius fuisset perventurus ad sexdecim annos: ergo si ea restituenda essent filio, siue Publio Mævio, & Cajo Cornelio, voluit toto illo tempore Septiciam frui prædiis illis. Imo tanto minus præsumitur, voluisse restitui secundis substitutis ante illud tempus, quanto quisque magis diligit filium, quam alios: & magis diligit eos, quos vocat in priori gradu, quam eos, quos vocat in gradu sequenti l. quoties ff. de usufruct. Testatrix toto illo tempore præposuit Septiciam ipsi filio, & filio, quem primo loco vocaverat in substitutione: ergo multo magis præposuit aliis, qui filii non erant; aliis, quos post filium vocaverat, quos filio postposuerat. Qui præfertur illi, qui alium præcedit, multo magis

præfertur alteri, qui præceditur. Et hoc significat J. C. illis verbis: Etenim videri contra voluntatem testatricis, representationem fideicommissi desiderari, ut amplius ad substitutos perveniat, quam ad puerum pervenire potuisset. Et verba quidem videntur representare fideicommissum; sed non est verisimile, ut maturius voluerit testatrix ad substitutos id transferre.

His verbis recte perpenis impugnari potius, quam confirmari videtur sententia adversariorum. Ait J. C. & verba quidem videntur representare fideicommissum. Representare fideicommissum est præfens, & ad manum dare, non disferre in diem solutionem. l. cum hi 8. §. eam transactionem ff. de transact. l. si puer 37. & l. Thais 41. §. 1. ff. de fideicom. liberat. l. si constante 24. §. quoties ff. solut. matrim. l. 1. §. & verum. l. cum quis in princ. ff. de dot. præleg. Sueton. in Calig. Legata ex testamento Tiberii, quamquam abolito, sed & Livie Augustæ, quod Tiberius suppleverat, cum fide, ac sine calumnia representata persolvit. Et in Claudio: Representans pro opera dignam cuique mercedem. Igitur si verba testatricis essent attendenda, dies non esset expectandus, sed præfens, & ad manum solvi deberet fideicommissum. Ac proinde in aliis causis, in quibus non repugnat voluntas testatoris, dies non expectatur. Voluntas autem 22. tem verbis præfertur l. in conditionibus 19. l. pater Severinam 101. in princ. ff. de cond. & dem. l. hæredes mei §. 1. ff. ad S. C. Trebell. & ideo hoc contra naturam conditionis expectatur.

Sed impugnari posset hæc responsio per text. in l. a filia §. alumno ff. ad S. C. Trebell. Ibi quidam legavit alumno certam pecuniam, eamque recipi a Sempronio mandavit, & solvi alumno certas usuras usque ad vicessimum annum, deinde alumni fidei commisit, ut si sine liberis deederet, partem restitueret Sempronio, partem Septiciæ. Alumnus mortuus est intra annum vicessimum. Respondit Scævola, statim peti posse fideicommissum.

Ergo non est absurdum maturius pervenire fideicommissum ad substitutum, quam ad primo loco vocatum. Ad alumnum non pervenisset, nisi transacto tempore certæ illius ætatis: ad substitutos pervenit statim.

Animadvertendum est, quod in hac lege dies non fuerat adjectus favore debitoris, sed favore legatarii creditoris. Neque enim testator distulit solutionem pecuniæ in commodum, & favorem debitoris, cum ab eo voluerit solvi usuras pecuniæ alumno creditori: sed distulit in favorem ipsius alumni, a quo in illa tenera ætate noluit pecuniam disperdi 24ac dissipari. Similia exempla proponuntur in l. Firmio Heliodoro §. 1. ff. quando dies leg. ced. in l. Sejus Saturninus ff. ad S. C. Trebellian. in l. cum pater 77. §. curatoris ff. de legat. 2. Si dies adjectus esset in favorem debitoris, solvi ante diem illum nec substitutis quidem deberet, ut diximus ex l. Publius 36. §. 1. ff. de condit. & demonstr. Cum vero sit adjectus in favorem alumni creditoris, statim est restituendum substitutis: tum quia locum non habet argumentum prædilectionis, quo supra usi sumus: tum quia respicit personam ipsius alumni, ejusque personæ coheret hic favor: adeoque ejus personam non egreditur l. quia tale ff. solus. matrimon. l. legatum 95. ff. de cond. & dem. tum quia substituti sunt ejus ætatis, ut possint pecuniam recte administrare: deficiente autem causa, propter quam dies fuerat adjectus, dies quoque detrahitur, ut capite superiore demonstravimus lueulente.

Decimo opponi potest l. fideicommissa §. si cui ff. de legat. 3. Si cui ita fuerit fideicommissum velatum, si morte patris, sui juris fueris effectus: & emancipatione sui juris factus sit, non videri defecisse conditionem. Sed & cum mors patri complingatur, quasi existente conditione ad fideicommissum admittitur. Condicio igitur existit per emancipationem filii: sed tamen quia conditioni tempus erat adjectum,

nempe mors patris, nondum debetur fideicommissum, sed mors patris est expectanda, ut ad fideicommissum admittatur.

Est plena difficultatis hæc lex; atque ideo paulo uberius est explicanda. Videntur proposito fideicommissio quodammodo adjectæ duæ conditiones. Altera continetur, ut filius sui juris efficiatur: altera, ut pater moriatur. Mors patris conditionem facit. Licet enim mors legatarii non efficiat legatum conditionale, quia non potest existere post mortem ipsius legatarii l. heres meus in princ. ff. de 26 condit. & dem. tamen aliorum mors adjecta legato conditionem facit l. heres meus 79. §. 1. ff. eod. l. hujusmodi 13. in fin. ff. quando dies leg. ced. quia incertum est: an vivo legatario moriturus sit, an post ejus mortem. Cum autem duæ conditio-27 nes adjectæ sunt, utrique parendum est, & nisi utraque extiterit, non possumus legatum consequi l. si heredi 5. ff. de condit. Instit. In hac nostra lege prima conditio impletur emancipatione, quia emancipatione fit sui juris. Et ideo recte ait Jurisconsultus: non videri defecisse conditionem filio emancipato. Non quidem extitit omnino conditio, quia pater nondum mortuus est, sed tamen non defecit, quia partim extitit, partim existet morte patris. Cum vero pater morietur, tunc quasi existente conditione filius admittetur ad fideicommissum. Non existit morte patris conditio, quia morte patris non fit sui juris filius, cum jam sui juris esset: sed quasi existit, hoc est, completur eventus conditionis, atque perficitur. Nam siue duæ erant conditiones, siue potius una conditio duas partes, & duo facta continens, cœpit conditio existere, cum filius emancipatus est, expleta autem est morte patris. Dubitari poterat, an hæc conditio per partes impleri posset, & an filio emancipato defecisset conditio: quia non poterat filius sui juris effici morte patris. Mens Ulpiani est, eam posse per partes impleri:

ti: & ideo emancipato filio non dixit extitisse conditionem, sed eam non defecisse: supererat enim alia pars implenda. Moriente autem patre, non dixit extitisse conditionem, quia vere tunc non extitit, sed absoluta est, atque perfecta: sed dixit, *quasi extitisse*: particula *quasi* 28improprietatem indicat l. 2. ff. de inoff. testam. §. constituitur, vers. ergo Instit. iis. de usufr. l. 2. ff. de usufr. car. ver. l. si serva 39. in princ. ff. de jure dot.

Hæc explicatio videtur maxime convenire verbis Ulpiani. Mihi tamen non satisfacio, quia repugnat sententia ejusdem Ulpiani, quam aliis locis luculentem exposuit. Idem Ulpianus tam in l. si is 15. ff. quando dies leg. ced. quam in l. mulier 22. in princ. ff. ad S. C. Trebell. proponit fideicommissum relictum sub hac ipsa conditione, & respondet filiis emancipatis statim deberi, & ideo emancipatione 29ne conditio extitit. Et in l. mulier allegat super hac re decretum Divi Marci. Et ratio est, quia verba illa, *morte patris*, adjiciuntur a testatore, qui non sperat, patrem emancipaturum filios: ceterum si hoc sperasset, ea verba non adjecisset d. l. mulier 22. Etenim testator qui legat filiofamilias, ideo apponit illam conditionem, ut filius legatum sibi acquirat, non patri l. duos 70. ff. de cond. & dem. Quocumque autem modo fiat sui juris filius, legatum sibi acquirit pleno jure: ac propterea impletur voluntas testatoris concedendo legatum filio cum emancipatur. Igitur licet verba testatoris aliud significare videantur; tamen voluntas potius, quam verba sunt consideranda l. pater Severinam 101. in princ. ff. de cond. & dem. Supra quoque, ut responderemus octavo argumento, ostendimus, quod tempus adjectum conditioni, aut conditio adjecta tempori, rei declaranda causa, nullam vim habet, & frustra adjicitur. Verba illa, *morte patris*, adjiciuntur, ut declaretur quando filius sui juris efficiatur: ac propterea nullam vim habent.

His animadversis, ne dicamus, Ulpianum pugnantiæ inter se scripisse, & tamen bardum fuisse, ut a se ipso dissenferit, dissenferit a decreto D. Marci; affirmandum est, emancipatione conditionem illam extitisse: idque traditum etiam in nostris 30 l. fideicommissa 11. §. si cui ff. de leg. 3. Nec verba legis repugnant: ait enim, non videri conditionem defecisse; hoc est, conditionem videri extitisse. Sic enim accipitur passim in Jure nostro l. multa 6. §. 1. ff. de cond. & dem. l. quæ sub conditione. §. mortuo ff. de condit. Inst. nam conditio, quæ non defecit, extitit: cum deficere, & existere advenitur l. Titio 21. ff. de usufr. leg.

Expendamus jam verba, quæ subsequuntur: Sed & cum mors patri contingat, quasi existente conditione ad fideicommissum admittetur. Observandæ sunt particulae illæ, *sed &*; quæ significant, sed etiam, quin etiam. Particula & sæpe significat etiam, l. 1. C. de novat. l. 1. C. de compens. l. quod diximus in fin. ff. quod met. caus.

Virgil. lib. 2. divini operis:

— quorum Iphitus evō
Jam gravior, Pelidis & vulnere tardus
Ulyssi.

Idem alibi:

Natus & ipse Dea.

Quintil. Tamen si quid adversus se commissis adolescens, sit hostis & meus. Plin. lib. 7. cap. 30. Sed & nostrorum gloriam percontemur. Igitur sed & significat sed etiam, ut in l. 2. in fin. ff. ne quis eum, qui in jus vocat. Quamobrem hoc docemur in adducta lege, quod non solum conditio illa existit emancipatione, sed etiam morte patris. Recte Bartol. in l. patri n. 2. ff. de vulg. & pupill. ait, particulas sed & significare diversitatem fa-
ci

Et, & identitatem Juris. Utrouvis igitur modo fit impleta conditio, siue emancipatione, siue morte patris, filius ad fideicommissum admittitur, nec post emancipationem mors patris est expectanda *l. mulier 22. ff. ad S. C. Trebell. l. si ita 15. ff. quando di. leg. ced.*

Nec obstat, quod dixerit Ulpianus: *quasi existente condicione*: cum revera non improprie existat conditio, si morte patris filius efficiatur sui juris. Etenim licet vox illa, *quasi*, aliquando improprietate notet; tamen saepenumero in Jure nostro adicitur, cum traditur ratio, cur aliqua in re ita sit constitutum. 31 Quapropter verba illa, *quasi existente condicione*, continent rationem, cur etiam morte patris admittatur ad fideicommissum filius: nempe, quia existit conditio. In eadem significatione vox haec usurpatur in *l. verum est 63. §. si cum tres ff. pro soc. in l. constitutionibus 33. ff. de oblig. & act. in l. si vero 5. §. haec autem vers. quippe ff. de his qui effud. vel dejec. in l. si debitori 47. in princ. ff. de fidejuss.* Imo adicitur etiam particula *quasi*, cum res consideratur, qua talis est. Sic alicui quasi liberto legari dicitur, cum ei legatur, qua libertus est: hoc est, cum testator ideo ei legat, quia libertus est, & quatenus libertus est *l. falsa §. sed si cui ff. de condit. & dem.* Et liberari dicitur quasi fidejussor, qui liberatur qua fidejussor est: videlicet tamquam fidejussorio nomine obligatus, non tamquam obligatus alia de causa *l. §. ult. ff. de liber. legat.* Igitur *quasi existente condicione*, potest significare, quod conditio extiterit, qua talis est, & quatenus, & quomodo adjecta fuit a testatore. Cum filius emancipatur, conditio quidem non deficit, quia interpretamur, voluisse testatorem etiam in hunc casum filiosam legare: sed tamen non existit eo modo, & quatenus adjecta fuit a testatore. Et ideo hoc casu non dixit Ulpianus extitisse conditionem, sed eam non defecisse: qua formula uti solent Jurisconsulti, cum

conditio quidem non deficit, & debetur legatum; sed tamen non est impleta eo modo, quo eam testator adscripsit *l. quae 32 sub condicione 8. §. mortuo ff. de cond. Inst. l. multa ff. de cond. & dem.* Cum vero filius sui juris efficiatur morte patris, tunc vere conditio existit, quasi conditio, quia existit ad amissum, sicut a testatore fuit adscripta.

His expolitis, constat, verissimum esse, quod in conditione non promiscua, cui dies adjectus est, ea impleta, autem non est expectandus. Argumenta autem omnia, quae attulimus, referuntur ad quasdam exceptiones hujus regulae, quas Pragmatici limitationes appellant, quas modo breviter perstringemus.

Prima igitur est, si dies vere non sit adjectus conditioni, sed ipsi legato & obligationi: tunc enim omnino est expectandus, ut in *l. uxori 35. ff. de usufr. le. 33 gat. in l. si ita legatum 103. ff. de cond. & demonstr.*

Altera est, si legati solutioni adjecta sit aliqua particula extremum temporis articulum denotans, veluti *tum, tunc dato*, ut in *l. 4. §. 1. ff. de cond. & dem. in l. uxori 35. ff. de usufr. legat.*

Tertia est, si legatum vere sit in diem, non sub conditione, vel favore libertatis, & alimentorum, vel quia dies incertus sit adjectus solutioni legati, ut in *l. si ita scriptum 16. ff. de man. test. in l. pen. C. quando di. leg. ced.*

Quarta est, si non dies conditioni sit adjectus, sed conditio propter diem adscripta, ejus declarandi causa, ut in *l. si ita legatum 103. ff. de cond. & dem. in l. uxori 35. ff. de usufr. leg. & in l. fidei. commissa 11. §. si cui ff. de legat. 3.*

Quinta est, si dies ita cohaereat conditioni, ut sine illo conditio impleri non possit, ut in *l. cum heres 4. §. servire ff. de statu lib. in l. servus 34. §. 1. v. quid enim l. si peculium 20. ff. cod. in l. Thais §. Spondophorus, & §. libertatem ff. de fideic. lib.*

Sexta est, si conditio vere impleta non sit,

fit, sed a Jure pro impleta habeatur, quæ cohæret cum superiore: nam tunc locum habet hæc exceptio, cum conditio desiderabat certum tempus, & ante illud tempus defecit, sed a Jure pro impleta habetur, ut in *d. l. cum heres 4. §. servire ff. de statu lib. cum similibus*, & in *l. libertis 18. §. ab hereditibus ff. de alim. leg. l. si ita scriptum 16. ff. de manum. testam.*

Septima est, si aliqua conjectura possumus assequi, eam fuisse mentem testatoris, ne ante diem legatum præstetur, ut in *l. Publius 36. §. 1. ff. de cond. & dem. & l. libertis §. ab hereditibus ff. de alim. vel cibis. legat.*

C A P U T XXII.

AD L. 1. ff. de legat. 2.

S U M M A R I U M.

- I. An legatum & institutio conferri possint in alienam voluntatem?
- II. Modestinus Ulpiani discipulus.
- III. Legatum conferri posse in alterius arbitrium veluti conditionem, significat solum tacite conferri posse.
- IV. Conditio semper tacite confertur in alienam voluntatem, & a. 6.
- V. Aliud est, conferre in alienam voluntatem conditionem: aliud, legatum.
- VII. Legatum aliquando tacite, aliquando expresse confertur in alienam voluntatem.
- VIII. Magis repugnat legatum conferri in voluntatem heredis, quam tertii. Legatum tacite, & in voluntatem tertii, & heredis conferri potest.
- IX. Exponeitur l. nonnumquam ff. de cond. & dem. & conciliatur cum l. 1. ff. de leg. 2.
- X. Quantum inter se differant conditiones: si voluerit, & si ascenderit, & non ascenderit.
- XI. Conditio: si ascenderit, implenda est ubi primum potest impleri.
- XII. Utraque conditio continet voluntatem Titii: non utraque validum facit legatum.
- XIII. Libertas fideicommissaria committi potest voluntati heredis.
- XIV. An & voluntati extranei?

Modestinus in *l. nonnumquam ff. de cond. & dem.* nos docet in alie-

nam voluntatem conferri legatum non posse, & inutiliter hoc modo legari: *Si Marcius voluerit, Titio decem do.* Idem de hæredis institutione responsum est a Pomponio in *l. si quis Sempronium 68. ff. de hered. instit.* Ratio est, quia testamentorum jura ipsa per se firma esse oportet, non ex alieno arbitrio pendere *l. illa institutio in prin. ff. cod. tit.*

Contra Ulpianus in *l. 1. in prin. ff. de legat. 2.* ait, legatum conferri posse in alterius arbitrium, & voluntatem. Verba legis hæc sunt: *In arbitrium alterius conferri legatum, veluti conditio, potest: quid enim interest, si Titius in Capitolium ascenderit, mihi legetur, an, si voluerit?* Multi Interpretes, & quidem acutissimi, has leges omnino contrarias esse arbitrantur, & Ulpianum ab aliis Jurisconsultis dissenisse. Ego contra existimo, omnes idem sensisse, idem dixisse: ac Modestinum in *l. nonnumquam ff. de condit. & dem.* sententiam Ulpiani in hac nostra lege significaram paulo obscurius, explicare perquisitus, ac diligentius voluisse. Fuit enim Ulpiani discipulus Modestinus *l. si quis uxori 52. §. si quis asinum ff. de furt.*

Ait Ulpianus: *In arbitrium alterius conferri legatum, veluti conditio, potest.* Quid significant hæc verba? Nempe hoc: quod legatum conferri potest in alterius arbitrium, eodem modo, quo confertur, aut conferri potest conditio. Nec aliter, salva ratione Latini sermonis, hæc verba possumus interpretari. *Quo ex judicio, velut ex incendio, nudus effugit*, dicit olim Cicero in Clodium. Et Horatius:

*Crescit, oculo velut arbor ævo,
Fama Marcelli.*

Sed frustra tam perspicuæ interpretationi majorem lucem conamur asserere. Quoniam igitur legatum conferri potest in alterius arbitrium eodem modo, quo confertur conditio, videndum est, quomodo conferatur conditio in alienam voluntatem.

luntatem: nam eodem modo conferri poterit etiam legatum. Dico igitur, quod conditio numquam nominatim & expresse confertur in alienam voluntatem, sed
 3 semper tacite: imo, quod repugnat natura ipsa, & formula conditionis, quæ non patitur, ut expresse in alienam voluntatem conferatur. Itaque cum in hac lege Ulpianus nos doceat, quod legatum conferri potest in alterius arbitrium eodem modo, quo conditio, id ipsum nos docet, quod Modestinus in *d. l. nonnumquam*: videlicet, quod legatum tacite, non expresse conferri potest in alienam
 4 voluntatem. Demonstrandum est igitur, conditionem semper tacite conferri in alterius voluntatem; numquam expresse: imo nec expresse conferri posse natura ipsius conditionis repugnante.

Separatum quiddam est a conditione legatum. Legatum continet id, quod est a testatore relictum. Conditio continet factum, quo suspenditur id, quod est relictum a testatore. Itaque aliud est, in
 5 alienam voluntatem conferre legatum: aliud, conferre ipsam conditionem. Quapropter recte Ulpianus in hac lege separat, atque distinguit legatum collatum in alterius arbitrium a conditione in ejusdem arbitrium collata. Legatum confertur in alterius arbitrium, cum legatum ipsum immediate (ut ita dicam) pendet ab alterius voluntate. Conditio vero in alterius arbitrium confertur, cum factum illud, quo legatum suspenditur, ab aliena voluntate pendet. Dicam planius, si potero. *Lego Titio centum, si Cajus in Capitolium ascenderit*: Hic ipsa conditio collata est in voluntatem Cajii. Conditio est factum ascendendi: factum ascendendi pendet a voluntate Cajii. Igitur conditio ipsa pendet a voluntate Cajii, in ejus voluntatem est collata. Rursus ponamus hoc modo legatum fuisse: *Lego Titio centum, si Cajus voluerit*. Hic legatum ipsum collatum est in voluntatem Cajii, non vero conditio. Etenim id ipsum, quod relinquitur a testatore,

committitur voluntati Cajii. Conditio vero non est collata in voluntatem Cajii: nam in conditione nullum factum positum est distinctum, ac separatim a voluntate Cajii, a qua pendere debeat. Voluntas Cajii est ipsa conditio. Nihil autem refertur ad se ipsum, sed unumquodque refertur ad aliud, quod sit ab ipso distinctum. Itaque non potest dici in voluntatem Cajii conditio: sed legatum ipsum. Legatum enim conditionale confertur in eventum conditionis adjectæ: at qui eventus adjectæ conditionis est voluntas Cajii: igitur legatum ipsum collatum est in Cajii voluntatem, non conditio. Scio non semper hæc in Jure nostro distingui; quare conditio illa, in qua nominatim exprimitur voluntas aliena, aliquando dicitur collata in alienam voluntatem, licet revera non ipsa conditio, sed legatum sit collatum, aut obligatio, ut in *l. stipulatio 17. ff. de V. O. l. in venditis C. de contrab. empt. l. in personam 22. §. generaliter ff. de Reg. Jur.* Plerumque tamen hoc modo in alterius voluntatem conferri dicitur legatum ipsum; ipsa obligatio; seu, quod idem est, alienæ voluntati committi. *l. illa institutio 32. in princ. ff. de hered. instit. l. nonnumquam in fine ff. de cond. & dem. l. Senatus 43. §. legatum ff. de leg. 1. l. fideicommissa 46. §. quamquam ff. de fideicommiss. libert. l. fideicommissa 11. §. quamquam in fin. ff. de leg. 3. l. hæc venditio 7. l. si in emptione 34. §. si emptio ff. de contr. empt. l. 2. §. non utique, alias l. 3. ff. de eo quod certo loc. Præterea cum in nostra l. 1. Ulpianus distinguat legatum collatum in alterius arbitrium a conditione in alterius arbitrium collata, utique nulla alia inter hæc duo potest excogitari differentia.*

Quibus constitutis, satis constat, conditionem semper tacite conferri in alienam voluntatem: expresse autem nullo modo posse. Nam aut in conditione est expressa voluntas, aut non est expressa. Si non est expressa voluntas, ut in hoc legato: *Lego Titio centum, si Cajus in 6*
Ca.

Capitolium adscenderit: tacite conditio collata est in voluntatem Caji l. si quis Sempronium 68. ff. de hered. instit. l. nonnumquam in princ. ff. de cond. & dem. Si vero sit nominatim expressa voluntas in conditione, legatum ipsum collatum erit in voluntatem Caji, non conditio; ut supra probavimus, & constat ex d. l. nonnumquam in fin. & ex l. illa institutio in princ. ff. de hered. instit. Verissimum est igitur, eam esse naturam, & ut ita dicam, conditionem conditionis, ut solum tacite conferri possit in voluntatem alienam.

Progrediamur ultra. Conditio solum tacite conferitur in alienam voluntatem: legatum aliquando conferitur expresse, aliquando tacite. Expresse conferitur hoc modo: *Lego Titio centum, si Cajus voluerit*. Tacite conferitur hoc modo: *Lego Titio centum, nisi Cajus noluerit*, argumento textus in l. fideicommissa 11. §. sic fideicommissum ff. de leg. 3. Nam verba illa: *nisi Cajus noluerit*, sic interpretantur, *si Cajus non repugnaverit, non contradixerit, cum primum poterit, d. l. vers. & primam*. Item tacite conferitur legatum in alienam voluntatem hoc modo: *Lego Titio centum, cum Cajus voluerit*. In hoc enim legato tempus exprimitur, & tacite subest conditio voluntatis l. si Titio 22. in princ. vers. nec interest. ff. quan. dies leg. ced. Sciendum igitur est, quod legatum est inutile, si in alienam voluntatem conferatur expresse l. nonnumquam in fin. ff. de cond. & dem. si vero collatum sit in alienam voluntatem tacite, illis modis, quos nunc proposuimus, valebit legatum. Etenim illis modis conferri potest legatum etiam in voluntatem ipsius hæredis l. fideicommissa 11. §. sic 5. ff. de leg. 3. & §. hoc autem 6. ejusd. legis. l. fideicommissa 46. §. quamquam ff. de fideic. libert. l. uxorem 41. §. pen. ff. de leg. 3. magis autem repugnat legato voluntas hæredis adjecta, quam extranei l. Senatus §. legatum ff. de leg. 1. quia nulla obligatio conferri potest in voluntatem debitoris l. sub hac 8. ff. de oblig. & act. Tom.I.

l. stipulatio 17. l. a Titio 108. §. 1. l. centesimis 46. in fin. ff. de V. O. l. 7. ff. de contr. empt. l. in vendentis 13. C. cod. l. 2. §. non utique ff. de eo quod cert. loc. cum hoc repugnet naturæ ipsius obligationis, quæ necessitate debet adstringere debitorem princ. iit. Inst. de oblig. l. 3. ff. de oblig. & act.

His expositis, facilis est nostræ legis interpretatio. In alterius arbitrium conferri legatum, veluti conditio potest. Conditio conferitur in alterius arbitrium solum tacite, ut probavimus: ergo si legatum conferri potest in alterius arbitrium, sicut conditio, ipsum quoque legatum conferri poterit solum tacite. Nempe iis modis, quos modo recensuimus; non autem expresse. Hoc & verissimum est, & confirmat communem sententiam, non eam labefactat. Quia vero hæc ab Ulpiano dicta erant paulo brevius, atque obscurius, idcirco Modestinus ejus studiosus eadem hæc dilatavit, & descripte, ac luculenter digestit in l. nonnumquam ff. de cond. & dem. Ac primum proposuit exemplum conditionis collatæ in alienam voluntatem, docuitque, legatum utile esse: quia licet pendeat ab aliena voluntate; tamen voluntas in conditione non est expressa nominatim, uno verbo, quia conditio, non legatum erat collatum in alienam voluntatem. Deinceps subjicit exemplum legati collati in alienam voluntatem, & hoc inutile esse docet ea de causa, quia legatum in alienam voluntatem conferri non potest: ut nos doceat, quod in superiori exemplo erat utile legatum, quia non ipsum legatum erat collatum in alienam voluntatem, sed conditio legati. Denique subjicit regulam illam, quam & initio constituerat, quod expresse nocent, non expresse non nocent, ut intelligamus, etiam legatum ipsum tacite conferri posse in alienam voluntatem.

Nunc reliqua deinceps legis verba sunt explicanda. Ait Ulpianus: *Quid enim interest, si Titius in Capitolium adscenderit, mihi legetur, an, si voluerit?* Hæc

O o ver.

verba si referamus ad legatum, & generaliter interpretemur, nihil interesse inter has formulas, & adjectiones: *Si voveris*, & *si in Capitolium ascenderit*, falsam omnino sententiam continent. Multum enim interest inter has duas conditiones. Si centum promittas sub hac conditione, *si voveris*, nulla contrahetur obligatio *l. sub hac §. ff. de oblig. & act. l. centesimis in fin. ff. de V. O.* Si vero promittas sub hac conditione, *si in Capitolium ascenderit*, contrahetur obligatio, cum contrahatur etiam sub conditione, *si non ascenderit l. veluti 27. §. 1. l. quicquid 99. §. 1. l. ita stipulatus 115. §. 1. ff. de V. O.* Rursus, si instituas heredem sub conditione, *si Titius voverit*, nulla erit institutio: at si instituas sub conditione, *si Titius in Capitolium ascenderit*, utilis erit institutio *l. si quis Sempronium 68. ff. de hered. insti.* Neque vero existimandum est, tam bardum fuisse Ulpianum, ut non intelligeret, quantum hæc duo inter se differant. Legatum confertur in eventum conditionis: in illa, conditionis eventus est ipsa voluntas Titii; in hac, est factum ascendendi, non voluntas: in illa, statim ac Titius voverit, legatum debetur; in hac, etiam si maxime velit legatum deberi, tamen non debetur, nisi in Capitolium ascendat. Atqui ne ascendat multa in causa esse possunt. Potest morbo impedi, distineri negotiis, vel, dum piget illum ascendere, & procrastinat, mori, quod evenisse proponitur in *l. ult. vers. quod si non ascendisset ff. de cond. insti.* Finge etiam, Titio legatum ab alio relictum fuisse sub conditione, *si in Capitolium non ascenderit*, ut in *l. 3. ff. de leg. 2.* utique in Capitolium non ascendet, ut sibi legatum debeat. Etenim etiam si vellet, alteri quoque legatum deberi; tamen mavult, alium legatum amittere, quam se ipsum. Finge mille alias causas: nam ut Titius in Capitolium ascendat, sine ejus incommodo heri non potest, præsertim quia hæc conditio im-

plenda est statim, ac potest impleri *l. hæc conditio 29. ff. de cond. & demonstr.* At vero ut Titius velit, sine ullo ejus incommodo fit: itaque adjecta hac conditione ipse omnino arbitri est, & quasi dator legati, quod est contra naturam ultimarum voluntatum *l. illa institutio ff. de hered. insti.* Præterea multo magis pendet a voluntate conditio illa, *si in Capitolium non ascenderit*, quam hæc, *si in Capitolium ascenderit*: facilius est enim non ascendere, quam ascendere; & tamen etiam illa conditio multum differt a conditione, *si voveris*, nam si quis promittat sub conditione, *si voveris*, non obligatur; obligatur autem, si promittat sub conditione, *si non ascenderit in Capitolium*: ut modo probavimus.

Alia igitur horum verborum investiganda est interpretatio. Ea verba, quantum arbitror, ab Ulpiano videntur adjecta ad explicandum id, quod ante dixerat subobscurum. Dixerat, legatum conferri posse in alterius arbitrium, eodem modo, quo confertur conditio. Dubitari poterat quomodo conditio confertur in alterius voluntatem, ita ut differat, & distinguatur ab ipso legato in alterius voluntatem collato. Quod quia non est ita perspicuum, nos pluribus supra explicavimus, cum id nemo, quod sciam, animadvertent. Ulpianus autem more veterum Jurisconsultorum paucis verbis idem indicavit. Proposuit enim exemplum conditionis collatæ in alterius arbitrium, cujusmodi est illa: *si Titius in Capitolium ascenderit*; quod proponitur etiam a Modestino in *l. nonnumquam in princ. ff. de cond. & dem.* Ut autem ostenderet, hanc conditionem collatam esse in voluntatem Titii, dixit: nihil interesse, *si Titius in Capitolium ascenderit*, *ubi legitur, an, si voverit*. Nihil interest quoad comprehendendam voluntatem Titii, & efficiendum, ut utraque conditio contineat Titii voluntatem: sed quod valeat legatum, multum interest. In illa voluntas est expressa; in hac voluntas non est ex-

pres.

pressa; sed tamen & ipsa voluntatem continet, quia tacite inest. Sic in *l. quodcumque* 45. §. *non solum ff. de V. O.* Item Ulpianus ait: quod nihil interest, dicat quis, *cum teneris*, an *si teneris*; *cum morieris*, an *si morieris*: quia in hac formula conditio est expressa: in illa vero tacite inest *l. si Titio* 22. in *princ. ff. quoniam dies leg. ced.* Ceterum quoad actum, cui adjiciuntur, multum interest inter has duas particulas, *cum*, & *si*. Etenim si promittam sub conditione, *si volueris*, inutilis est stipulatio: si vero promittam, *cum volueris*, valet stipulatio *l. centesimis* §. *si ita cum seq. ff. de V. O.* Sic in nostra lege 1. nihil interest inter utramque conditionem, quoad voluntatem Titii, quæ utraque conditione continetur; non quod utrumque legatum valeat. Nam hoc legatum, *si Titius volueris*, inutile esse putabat etiam Ulpianus. Conjectura id assequi possumus considerando sententiam ejusdem Ulpiani in *l. fideicommissa* 46. ff. *de fideicommiss. libert.* Nulla res est tanto favore digna, quanto est libertas: itaque licet nullum legatum possit conferri in voluntatem, & nutum hæredis; tamen conferri potest libertas fideicommissaria, ut ait Ulpianus in *d. l. in princ.* Deinde querit, an eodem modo libertas fideicommissaria conferri possit in voluntatem extranei, & in hoc videtur hæsitare, ac titubare: respondet enim his verbis: *mibi videtur posse dici valere libertatem, quia conditio potius est.* Quæ dubitatio, quanta hæsitatio, tractulque verborum? Proinde quasi non sufficiat favor libertatis, querit adminicula, quibus fulciat sententiam suam, videlicet, *quod voluntas aliena sit adjecta tamquam conditio, tamquam aliquis eventus, tamquam aliquod factum.* Quibus animadvertis, constat, Ulpianum in alio legato multo aliter responsum fuisse. Nam si alia quoque legata recte conferrentur in alienam voluntatem, quis de libertate posset dubitare? Quæ amentia esset, si hæsitaret in legato libertatis ille, qui in

aliis legatis sine hæsitatione responderat, posse in alterius arbitrium conferri? Præsertim cum ille ipse Ulpianus paulo ante dixerit, libertatem conferri posse in voluntatem hæredis, in quam nullum aliud legatum conferri potest. Hæc sunt, quæ ad explicationem hujus legis, si non ad mentem Ulpiani, saltem dilucide, quantum natura rei ferebat, a nobis exponenda esse duximus.

CAPUT XXIII.

AD L. SUB HAG

8. ff. de oblig. & act.

SUMMARIUM.

- I. Sub conditione, si volam, nulla contrahitur obligatio.
- II. Contractus non ante perficitur, quam sit implenda conditio.
- III. Giphanius reprehenditur.
- IV. Hæpsechii sententia reprobat.
- V. Ex contractu conditionali fingitur initio nata obligatio.
- VI. Cujacius reprehenditur.
- VII. Quæ in re differunt hæc due conditiones: si volam, & si volvero.
- VIII. Qui contrahunt sub his conditionibus non habent animum obligandi.
- IX. Contractus simulati nullam vim habent.
- X. Conditiones in præsens, vel in præteritum collatae sunt primis obligationem, si falsæ sint.
- XI. Conditio, quæ semel defecta, amplius impleri non potest.
- XII. Conditio, quæ personæ coheret, ab alio impleri non potest.
- XIII. Conditiones prædictæ coherens personæ promissoris.
- XIV. Quantum hæc in re differant contractus a legatis.

Quoniam supra diximus, obligationem conferri non posse in voluntatem debitoris, quæ sententia cum fl. biliri, tum infirmari videtur *l. sub hac* 8. ff. *de oblig. & act.* idcirco eam explicare operæ pretium esse ducimus. Est autem multo difficilior, quam plerique opinantur, & multo aliter exponenda, quam

Doctissimi Viri arbitrantur.

Ait Pomponius: *Sub hac conditione, si volam, nulla contrahitur obligatio: pro non dicto enim est, quod dare, nisi velis, cogi non possit.* Hactenus recte: & consentit cum aliis Jurisconsultis in *l. stipulatio 17. ff. de V. O. in l. censuimus 46. in fin. in l. a Titio 108. §. 1. ff. eod. in l. 2. §. nonusque ff. de eo quod cert. loc. in l. 7. ff. de contr. empt. in l. in vendentis 13. C. eod. tit. in l. Senatus §. legatum ff. de leg. 1. sed verba, quæ sequuntur, non solum aliorum sententiarum esse contraria, sed etiam cum ipsius Pomponii sententia dissidere. Ait enim: *Nam nec hæres promissoris ejus, qui numquam dare voluerit, tenetur: quia hac conditio in ipsum promissorem numquam exitit.* Ideo non tenetur hæres promissoris, quia conditio defecit, quia promissor numquam dare voluit: ergo si non defecisset conditio, si promissor dare voluisset, teneretur hæres, & contracta fuisset obligatio. Est hoc fortissimum argumentum *l. 1. in princ. ff. de officio ejus cui mand.* Est hoc commune omnibus conditionibus. Ideo enim non nascitur obligatio ex contractu, cui adjecta est cujuscunque modi conditio, quia conditio non exitit *l. si quis 37. in fin. ff. de contr. empt.* nam contractus non ante perficitur, quam sit impleta conditio *l. 7. in princ. ff. eod. tit.* Non differt igitur hæc conditio ab aliis conditionibus: sed aliz conditiones contractibus recte adjiciuntur §. *omnis, cum duobus seqq. Inst. tit. de V. O.* ergo non minus recte adjicietur hæc conditio. Quid igitur est, quod ait J. C. *initio legis:* sub hac conditione nullam contrahi obligationem.*

Giphanius putat, in hac secunda legis parte Pomponium tractare de eo, qui promittit sub conditione, *cum volueris*, quæ conditio non infirmat stipulationem; deficit tamen moriente promissore, antequam velit *l. censuimus §. si ita ff. de V. O.* Hoc quia peripicue falsum est, non attinet refutari. Numquam ei, qui verba legis accurate consideraverit, hoc poterit persuaderi.

Harprechtus, Vir in primis copiosus, & doctus, ait, inutilem esse stipulationem; sed si promissor voluerit, existente conditione convalescere. Omitto per vulgatam illam regulam: *Quod initio non valet, tractu temporis non convalescit.* Absurdum videtur, ut conditio illa, quæ adjecta omnino infirmat stipulationem, eandem confirmet existens. Si existente conditione nascitur obligatio, falsum est, quod dixit J. C. *Sub hac conditione nullam contrahi obligationem.* Omnis conditio suspendit obligationem, donec existat *l. cedere diem ff. de V. S. l. legata 41. ff. de cond. & dem.* sed cum retrahatur in contractibus ad tempus celebrati contractus, initio contracta videtur obligatio *l. necessario 8. in princ. ff. de peric. & comm. rei vend. l. sub conditione 16. ff. de solut. l. si quisfam. 73. ff. de V. O. l. prior 11. §. 1. ff. qui pot. in pig. hab.* spectamus enim id tempus, quo contrahimus *l. non omne 144. §. 1. ff. de Reg. Jur.* Falsum est igitur, nullam contrahi obligationem, cum vel ab initio contracta videatur. Exemplum autem ab Harprecto allatum ad rem non pertinere vel cæci videant.

Doctissimus Cujacius docet, hanc stipulationem inutilem non esse. Discrepat enim inter se hæc duæ conditiones *si volam, & si volueris*; hæc semper infirmat stipulationem, cui adjicitur: illa non infirmat stipulationem, si existat ante mortem promissoris, nec obstat obligationi.

Si hæc approbamus, qua ratione tuebimur, ac defendemus Pomponium, qui initio legis affirmat, nullam contrahi obligationem, & pro infecta haberi stipulationem? Quid? an non alii omnes clamant, in voluntatem debitoris conferri non posse obligationem? an debeat, in voluntate debitoris poni non posse? non posse a voluntate debitoris statum capere promissionem *l. stipulatio 17. ff. de V. O. l. in vendentis 13. C. de contr. empt. l. 7. in princ. ff. eod. l. 2. §. non utique ff. de eo quod cert. loc. l. a Titio 108. §. 1. ff. de V. O.* Discrepat quidem quoad electio-

nem hz duz conditiones, *si volam*, & *si voluero*. Illa tractum quemdam habet, & infinitum tempus comprehendit: hæc momento temporis consumitur, & primam voluntatem demonstrat, quia quidam præteriti temporis habet admixtum. Itaque qui promissit, se daturum servum, quem *volet*, potest semper mutare electionem, donec aliquem servum dederit. At qui promissit, se daturum servum, quem *voluerit*, electionem mutare non potest, & tenetur eum dare, quem semel elegerit: quia jam voluit, & solus actus voluntatis stipulatione continetur sine tractu temporis infiniti, quo actu perfectio, iterum velle non potest *l. si quis 112. ff. de V. O.* Sed hæc nostræ legi non possunt accommodari. Neque enim minus repugnat naturæ, & necessitati obligationis hæc, quam illa conditio. Non querimus, an mutari possit voluntas; sed, an posita sit in voluntate debitoris obligatio. Conditio illa, *si volam*, eo magis in mea voluntate ponit obligationem, quo magis liberam continet voluntatem: possum enim semper eam mutare, & adhuc liber sum, etiam postquam voluero.

Dicam ego quod sentio, ita tamen, ut meam sententiam nulli prælatam velim. Duo sunt, quæ, meo iudicio, docere nos voluit Pomponius in hac lege. Primum est, quod adjecta hac conditione, contrahi non potest obligatio, non solum quia hæc conditio repugnat naturæ obligationis, sed etiam quia contrahentes nolunt contrahere obligationem. Nam neque ille, qui stipulatur sub conditione, *si debitor voluerit*, habet animum obligandi promissoris, neque promissor habet animum se obligandi, qui promittit se daturum, *si voluerit*. Ludunt, & jocantur contrahentes, non revera contrahunt: nam sine animo, & proposito contrahendi obligatio non contrahitur *l. 3. §. ult. ff. de oblig. & act. l. nuda ff. de contr. empt.* Itaque nec contractus imaginarii, & simulati ullam vim habent *d. l. nuda, & l. 1. §. Divi fratres ff. de quest.*

l. creditor 10. C. de don. inter vir. & uxor. l. cum ea C. de transact. l. si ex pretio C. si cert. per. l. si obligatum C. de solut. Varro lib. 5. de Ling. Lat. Non spondeo statim, qui dixit, spondeo, si jocandi causa dixerit: neque agi potest cum eo ex sponsu. Simile quid de conditione impossibili Mæcianus respondit in *l. non solum ff. de oblig. & act.* Adjecta conditione impossibili contrahentes non obligantur: quia procul dubio ejusmodi est eorum cogitatio, ut nihil agi existiment, apposita ea conditione, quam sciant esse impossibilem. Sic apposita conditione; *si volueris*, aut, *si voles*, nihil agi existimant contrahentes, & nolunt contrahere obligationem. Quamobrem hæc conditio statim deficit, quia statim certum est, nolle obligari promissorem; & proinde statim quoque nulla est stipulatio, ut accidit in conditionibus in præsens, vel in præteritum temporis collatis, quæ, si falsæ sint, statim perimunt obligationem §. *conditiones Inst. vir. de V. O. l. conditio 100. ff. de V. O. l. cum ad præsens 37. cum seqq. ff. de reb. cred.* Hæc voluit significare Pomponius in nostra lege, cum ait: *pro non dicto enim est, quod dare, nisi velis, cogi non possit.* Videlicet pro infecto habetur contractus, cum desit animus se obligandi, sicut pro infectis habentur, quæ simulantur *l. cum ea C. de transact. l. si ex pretio C. si cert. per.* Deinde subdit, quod hæc conditio in ipsum promissorem numquam extirrit, qui numquam dare voluit: quibus explicat, promissorem non habuisse animum se obligandi, numquam dare voluisse, statim defecisse conditionem: quia dare non vult, qui ita promittit.

Atque huc referendum esse puto, quod traditur de fidejussoribus. Fidejussor in alienam obligationem accipi non potest, non potest debere id, quod non debet principalis debitor *l. si ita 42. l. 8. §. si quis Stichum ff. de fidejuss.* Itaque si reus principalis promiserit Stichum, aut Pamphilum, fidejussor autem promittat Stichum, utilis erit fidejussio *l. bi qui 34. & l. 8. §.*

con-

contra ff. de fidejuss. Ita tamen, ut pendeat fidejussio; nam si reus principalis voluerit solvere Pamphilum, quem non promissit fidejussor, non erit obligatus fidejussor. Contra vero si reus principalis promiserit decem, aut Stichum, statim est inutilis fidejussio *d. l. 3. §. si quis Stichum, & l. si Stichum 38. ff. de fidejuss.* Non expectatur hic, ut fidejussor eligat Stichum, quem non debet principalis: quia initio præsumitur, hunc elegerit, & noluisse se obligare, qui hoc modo contraxit. Sic in eo, qui promissit se daturum, *si vales*, non expectatur ut velit, statim nolle præsumitur; statim deficit conditio; & cum semel defecerit, amplius impleri non potest *l. Thais 41.*

11 §. *intra ff. de fideic. lib. l. pupillorum C. de adm. tut.*

Est & aliud quiddam, quod nos voluit docere Pomponius in hac lege, ut proposuimus; videlicet, hanc conditionem injunctam esse personæ promissoris, eique coherere, ita ut ab alio impleri non possit, nec ab ipso ejus hærede. Promissor non tenetur iis de causis, quas modo diximus. Hæres autem promissoris alia quoque de causa non tenetur, 13 quia conditio personæ promissoris erat injuncta, & cum in ipsum non extiterit, ab ejus hærede non potest impleri. Itaque etiam stipulatio natura sua esset utilis; tamen non teneretur, quia morte promissoris deficeret conditio *l. si ita expressum 69. ff. de cond. & dem.* Explicat hanc Pomponii sententiam Paulus in *l. centesima §. si ita ff. de V. O.* ubi ait, quod si quis ita stipuletur: *cum volueris, dabis*, quidam putarunt, utilem esse stipulationem: sed evanescere, si moriaris, antequam te velle constituas: idque verum esse. Est utilis hæc stipulatio; & tamen hæres promissoris non tenetur, quia ipse conditionem implere non potest. Et hoc est, quod monere voluit Pomponius in secunda parte legis nostræ: nempe, quod hæres multo minus tenetur, quam promissor: nam etsi conditio illa non

corrumpet stipulationem; tamen hæres ejus promissoris, qui numquam voluit, non potest obligari, quia conditio injuncta est personæ promissoris.

Neque hoc temere admonuit. Sed primum, ut intelligamus, etiam in casu, quo valet similis stipulatio; tamen hæredem non teneri, si promissor numquam voluit: qui casus refertur a Paulo in *d. l. centesima*.

Præterea, ut ostenderet quantum contractus differret a legatis. In his enim si debitor, antequam moriatur, non constituat, se velle solvere fideicommissum, hæres ejus statim tenetur ad solvendum *l. fideicommissa 11. §. hoc autem, & l. uxorem §. Scavola ff. de leg. 3.* Itaque in contractibus morte debitoris deficit conditio: contra in fideicommissis morte debitoris extitit.

C A P U T XXIV.

AD L. OBTINUIT

3. ff. de cond. & dem.

SUMMARIUM.

- I. Conditionum impossibilium genera.
- II. Conditiones natura impossibiles quæ: & an detrahantur?
- III. Conditio impossibilis natura visio contractus: & quæ? n. 4.
- IV. Dissensio inter contractus, & ultimas voluntates.
- V. Testatoris maxime interfecti suam voluntatem enim habere.
- VI. Jure Civile vigintiobis scriptum est.
- VII. Jure Civile favore testatorum aliquando inducit aliquid contra eorum mentem.
- VIII. Lex Falcidia favore testatorum, & hæredum lato.
- IX. Longissimum tempus, quo quis vivere non possit, detrahatur.
- X. Statu liber ab alio manumissus non Romanus, sed Latiniæ libertatem consequatur.
- XI. Quidam distant libertatem in tempore meritis, ne servum unquam possit ad libertatem pervenire.
- XII. Militem quanta summo: & an faciat impossibilem conditionem.
- XIII. Reprehenditur Celsi expositio.
- XIV. Falsæ conditiones quæ, & eorum genera.
- XV. Conditiones, quæ semper falsæ fuerunt, detrahuntur.

XVI.

- XVI.** Item, quæ falsæ falsæ sunt, aut ante conditum testamentum, aut per heredit institutionem.
- XVIII.** Detrahuntur etiam conditiones, quæ testator falsas esse ignoravit.
- XIX.** Anterior legatum, & donatio manumissa, qui naturaliter perierit.
- XXII.** Conditio reddendi tabulas vi ipsa continet liberationem.
- XXIII.** Conditio hæc non est impossibilis, etiam tabulis non existentibus, nisi cum heres debitor non sit.
- XXIV.** Conditio, quæ falsa esse incipit post conditum testamentum, non detrahitur.
- XXV.** Aliud est detrahi conditionem: aliud eam non debere, aut pro impleta haberi.
- XXVI.** Conditio resistendi rei in dotem datæ impletur resistendo quicquid superest.
- XXVII.** Fœderum terminis auctorum æstimatorum pertinet ad maritum: & quæ, n. 24.
- XXIX.** Conditio iniuriandi constituitur, & resolvitur in malum, a quo ut legatum non sit amplius conditionalis, & factum implendum sit solum, si potest.
- XXXI.** Proventus nulla est hereditas: nec accipit æstimationem.
- XXXII.** Æstimatio, quanti plurimi, respicit tempus præteritum, non futurum.
- XXXIII.** An conditio pro impleta habeatur, cum per legatarium non fleret, quomodo implatur.
- XXXIV.** Si conditio post mortem testatoris sit falsa, non detrahatur, sed aliquando pro impleta habeatur.
- XXXV.** Conditio, si hæc improbata sunt impossibilia, quæ eorum species; detrahuntur etiam ex testamento militis.
- XXXVI.** Aliquando improbatum a Jure conditio: aliquando ipsa dispositio.
- XXXVII.** Cum improbatum dispositio, ipsa corrumpit vitæ evanescit.
- XXXVIII.** Vitæ, & impossibilis dispositio valere non potest: & quando sit evanescit.
- XXXIX.** Cur non valeat dispositio captivæ, perpleæ, & in alienam voluntatem collata.
- XL.** Dicit aliquando redditus dispositionem impossibilem.
- XLI.** Iura potius cadit impossibilem solutionem, quia dicit non efficit substantiam dispositionis.
- XLII.** Cum habetur pro non scripta solutio precepta a testatore, fuerit necessitas solvendi iuxta usum obligationis.
- XLIII.** Anposita temporis reddunt nullum contractum, & quæ?
- XLV.** Conditio, utpes, quæ neque legibus, neque hominibus moribus repugnat, non remittitur.

Obiunt impossibiles conditiones testamenti adscriptas pro nullis habendas. Brevis, & clara lex, sed magnis controversiis implicata: propterea perspicue est explicanda. Conditiones, quæ pro nullis habentur, aut impossibiles sunt, aut falsæ, aut contra jus: vel, ut cum nostris loquar, quædam sunt impossibiles

natura, quædam ex suppositione, quædam Jure.

Impossibiles natura sunt, quibus natura impedimento est, quominus possint existere. *§. si impossibilis Inst. tit. de inutil. stipul.* Harum hujusmodi exemplum in Jure nostro proponitur: *si digito cælum tangeris: ut in d. §. si impossibilis, & in l. cum in secundo in fin. ff. de injust. rupt.* Veteres Scriptores digito cælum attingere dicebant eos, qui ad summum insolite felicitatis fastigium videbantur evecti. Eleganter Cicero ad Atticum: *Nostri autem Principes digito se cælum putant attingere, si nulli barbari in piscinis sunt, qui ad manus accedant.* Horat.

— Sublimi seriam sidera vertice.

Lysimachus devicta Thracia, cum ad eum Byzantio legati venissent, dixisse fertur: *Nunc ad me veniunt Byzantii, cum hasta cælum tango.* Argute respondit Pasiades: *Aveamus hinc, ne cuspidem cælum perforet.*

Nostri vero Juris Conditores hæc verba naturaliter acceperunt, & impossibilem conditionem continere statuerunt *d. §. si impossibilis, & d. l. cum in secundo:* & ideo pro non scriptis habenda esse in testamentis, cum impossibiles conditiones detrahantur ab ultimis voluntatibus, & pro non adjectis habeantur *l. obtinuit 3. ff. de cond. & demonst. l. i. ff. de cond. inst. §. impossibilis Inst. tit. de hered. inst.*

Duo tamen occurrunt, quæ homines etiam in Jure exercitatos impediunt, & nutare cogunt in hac sententia defendenda. Primum, exemplum contractuum, quos inutiles esse adjecta impossibili conditione certo certius est *l. non solum ff. de oblig. & act. l. impossibilis 7. ff. de V. O. §. si impossibilis Inst. tit. de inutil. stip. l. si sub impossibili 29. ff. de fidejuss.*

Sed hunc nodum dissolvit Mæcianus in *l. non solum ff. de oblig. & act.* ubi discrimen inter contractus, & ultimas voluntates nobis indicat his verbis: *Quia* in

in ea re, quæ ex duorum, pluriumve consensu agitur, omnium voluntas spectetur: quorum procul dubio in hujusmodi actu talis cogitatio est, ut nihil agi existiment, apposita ea conditione, quam sciant esse impossibilem. Hæc ratio non convenit ultimis voluntatibus, quæ solius disponentis voluntate constant, non duorum, pluriumve consensu. In ultimis voluntatibus ille, cujus maxime interest valere dispositionem, videlicet hæres, aut legatarius, non intervenit dispositioni, ut possit impedire, ne testator adiciat impossibilem conditionem: & quamvis interveniret, id impedire non posset, quia in ultima dispositione ejus voluntas non spectatur. In contractibus maxime interest ejus, qui se obligat, ne contractus valeat: adeoque facile præsumitur, eum obligari noluisse. In altero contrahente facile etiam admittitur præsumptio, eum nihil agere voluisse: ea de causa, quia consensit adjectioni conditionis impossibilis, quam sciebat existere non posse. In defunctorum dispositionibus contraria omnia. Testatoris maxime interest voluntatem suam exitum habere *l. & quia ff. de interr. act. §. licet Inst. tit. quib. manum. non lic. princ. tit. Inst. de Leg. Falcid.* adeoque præsumi non potest, eum inutiliter disponere voluisse. Maxime quoque interest ejus, cui aliquid in testamento relinquitur *l. potest heres ff. ad Leg. Falc.* sed non potest ei imputari, cur consenserit conditioni impossibili, quia nec intervenit, nec spectatur ejus voluntas in ultima dispositione.

Concurrit etiam favor ultimæ voluntatis. Neque enim is sum, qui hac in re Bartholomæ, & alios reprehendam. Poterat enim Lex improbare dispositionem, tamquam ab homine non sanæ mentis factam *l. 2. & l. 5. in fin. ff. de inoffic. testam. princ. tit. Inst. cod. Eleganter Terentius in Heautont. act. 2. scen. 3.*

Siquidem id sapere est, velle se id, quod non potest contingere,

Maluit autem præsumere conditionem incaute excidisse. Poterat nihilominus, etiam admissa hac præsumptione, non approbare dispositionem. Sibi enim imputet testator, si incaute, & inconsulto disposuit: nam Jus Civile vigilantibus scriptum est. *l. pupillus 24. ff. quæ in fraud. credit.* Hæc omnia insuper habuerunt Jurisconsulti Veteres, ut faverent tum testatoribus, tum hæredibus, & aliis, quibus aliquid sub hujusmodi conditione fuerat in testamento relictum. Animadvertabant enim, legem ipsam aliquando favore tam testatorum, quam hæredum aliquid statuere contra voluntatem defuncti. 7
Exemplo sit Lex Falcidia, quæ indicta est contra sententiam testatorum *l. Titia 36. in fin. ff. ad Leg. Falcid.* favore tam 8
men eorumdem testatorum *princ. tit. Inst. de Leg. Falcid.* & etiam hæredum *l. potest ff. cod.* Quanto magis igitur ad servandam ultimam voluntatem præsumi debet, conditionem incauto testatori, & turbato cogitatione mortalitatis excidisse: eliquæ venia danda est: nec ejus incogitantiz imputandum est, quod sibi consultius non providerit.

Alterum est Pauli responsum in *l. cum heres §. non est statu liber ff. de statu lib.* Non est statu liber, cui libertas in tam longum tempus collata est, ut eo tempore, qui manumissus est, vivere non possit: aut si tam difficilem, imo pene impossibilem conditionem adjecerit, ut aliunde ea libertas obtinere non possit: veluti si hæredi milles dederit, aut cum moreretur, liberum esse jussisset: sic enim libertas inutiliter datur: & ita Julianus scribit: quia nec antum danda libertatis est. Dux hic conditiones impossibiles proponuntur. Longissimum tempus, quo vivere non possit is, qui manumissus est. Hujusmodi tempus detrahi solet *l. si mihi 12. §. si quis servos ff. de leg. 1.* sed hæc vitiat legatum libertatis, quo nullum est favorabilius. Altera est conditio: si milles dederit: quam pene impossibilem dicit Jurisconsultus, conficit enim vices quinquies 9
cen.

centena millia nostrorum scutorum. Hic autem monendum, quod & alias indicavimus, perperam quosdam legere mille, aut decem millia: nam sub hac conditione libertas recte datur, ut videre est apud Ulpianum in *fragm. tit. de statu lib. §. sub hac conditione*.

Hæc omnia, quæ libertati obstat videntur, favore ipsius libertatis sunt introducta. Atque ut hoc demonstremus, duo sunt præmittenda. Primum, quod si 10 statu liber ab alio manumitteretur, non Romanam, sed Latinam libertatem consequeretur l. un. §. sed etsi sub conditione C. de Latin. libert. toll. Fiebat enim Latinus, non Civis Romanus, & quamvis viveret tamquam liber; tamen ultimo vitæ momento in servitutem redigebatur, & patronus, tamquam dominus, omnia ejus bona occupabat d. l. un. in princ. & §. sed scimus, & §. sed & qui, & §. illud etiam, & §. simili modo. Præterea præmittendum est, quod olim introductum fuerat dare libertatem servis in tempus mortis, ne illi possent umquam ad Romanam, & veram libertatem 11 pervenire; nam si in vita ab alio fuissent manumissi, Latinam solum libertatem consequerantur, hoc est, quodammodo in pristina servitute remanebant, ut ait Justinianus in l. un. §. sed & qui domini C. de Lat. libert. toll. adeoque solebant domini hoc modo libertatem dare, non animo dandæ libertatis, sed potius ejus impediendæ, ne servi umquam ad libertatem pervenirent. Hæc luculenter explicat Pomponius in l. ult. ff. de manum. testam. ubi etiam hunc modum dandæ libertatis comparat illi, cum testator heredi interdicit, ne pendente conditione servum manumittat.

His probe constitutis, facilis est expolitio laudatæ legis. Viriosum est legatum, nec valet datio libertatis, quia testator non habet animum dandæ libertatis, ibi: quia nec animus dandæ libertatis est: dat enim libertatem sub ea conditione, quam scit vivo servo non exti-

Tom.I.

turam. Habet igitur animum impediendæ libertatis: hæc enim conditio efficit, ne umquam ad veram libertatem possit pervenire, etiamsi ab alio manumittatur, ibi: ut aliunde ei libertas obtingere non possit. Cessante animo, & voluntate testatoris, non potest consequi libertatem: & ideo non detrahitur conditio. Favore autem libertatis constitutum est, inutile esse legatum, ne libertas impediatur, & aliunde possit obtingere.

Animadvertendum autem est, eas conditiones non esse impossibiles. In primo legato potius impossibile est ipsum legatum, quam conditio. Tempus enim extitutum est, sed tunc libertas obtingere non poterit. Sed de hoc infra dicemus. In secundo legato conditio est quidem difficilis, ac pene impossibilis, non tamen vere impossibilis; adeoque non est 12 ejus generis conditio, quæ detrahi debeat. Difficile est millies dare, non impossibile. Senec. lib. 1. natural. quest. de quodam Hostio: Hunc divitem avarum, festerium millies servum, Divus Augustus indignum vindicta judicavit, cum a servis occisus esset, & tamen non promeritis jure casum videri. Id. lib. 2. de Benefic. cap. 27. Cn. Lentulus Augur, divitiarum maximum exemplum, antequam illum libertini pauperes facerent: hic quater millies festerium suum vidit. Deinceps subdit: Hic cum omnia incrementa sua D. Augusto deberet, ad quem attulerat pauperiam, sub onere nobilitatis laborantem, Princeps jam Civitatis & pecunia, & gratia, subinde Augusto solebas queri, dicens, se a studiis abductum. Nichil tantum in se congestum esse, quantum perdidisset relicta eloquentia. Qui possedit quater millies, & a libertinis factus est pauper, potuit servum millies dare, ut libertatem consequeretur. Plin. lib. 33. asp. 10. M. Crassus negabat, locupletem esse, nisi qui redditu annuo legionem tueri posset. In agris suis festerium bis millies possedit. Quiritium post Syllam ditissimus. Multos postea cognovimus, servitute libe-

P p

ratos,

vatos, opulentiores, pariterque tres Claudii principatu, Pallantem, Callistum, & Narcissum; Idem Plin. lib. 36. cap. 15. de M. Scauro: Sed & reliquis apparatus tantus Atalica veste, tabulis pictis, ceteroque choragio fuit, ut in Tusculanam villam repositis, quæ superfluerant, quotidiani usus delictis, incensa villa ab iras servis, concremarentur ad bis millies. Nero Tiridati abeunti millies dono dedit. Mitto reliqua. Hoc tantum addo, falli doctissimum Virum, qui putat, hæc legata relinqui potius animo impedica-
 13 legata relinqui potius animo impedica-
 13 dæ, quam dandæ libertatis, quia nemo manumissurus sit eum servum, qui existente conditione futurus est libertus ordinis l. 2. in princ. ff. de statu lib. Etenim nemo vereri potest, ne exiliat conditio pene impossibilis. Quis enim futurus est tam liberalis, ut velit pro servo millies solvere? aut qua ratione poterit ipse immensam pecuniæ summam conficere? Demus, eam confecisse. Quæ causa potest ipsum impellere ad implendam conditionem, solvendamque tam ingentem pecuniæ summam, si jam ab alio libertatem est consecutus? quam facile poterit declinare solvendi necessitatem? Multo minus vereri potest, ne vivo servo dies existat, si servus in tam longum tempus manumissus est, ut eo tempore vivere non possit. Neminem retrahere potest a manumittendo periculum remotissimum; imo, aut omnino, aut pene impossibile.

Progrediamur ad alterum genus conditionum impossibilium, quæ falsæ dicuntur in l. cum tale §. falsam conditionem
 14 ff. de cond. & demonst. Dialectici dicerent, esse de subiecto non supponente: Nostri dicunt impossibiles ex suppositione, vel per accidens. Quoad has conditiones, tria tempora sunt consideranda, quæ cum non separent, atque distinguant Interpretes nostri, & omnem docendi rationem perturbant, & quæstionem per se obscuram densissimis tenebris involvunt. Tempus ante conditum testamentum: tempus

post conditum testamentum: & tempus post mortem testatoris. Sunt enim quædam conditiones, quæ semper fuerunt impossibiles, etiam ante conditum testamentum: aliæ factæ sunt impossibiles post conditum testamentum, sed in vita testatoris: aliæ post ejus mortem.

Separatis hisce temporibus, illud statuendum est: eas solas conditiones detrahi, tamquam impossibiles, & pro non scriptis haberi, quæ aut semper fuerunt impossibiles: aut saltem erant impossibiles tempore conditi testamenti. In l. si Marcia 45. ff. de hered. inst. testator instituerat Lucium Titium hæredem sub conditione: si filia mea vivet. Filiam numquam habuerat. Respondit J. C. Titium hæredem fore, quia id, quod impossibile in testamento scriptum esset, nullam vim haberet. In l. libertate 26. in fin. ff. de statu lib. Servus jussus reddita ratione ad libertatem pervenire: licet nullam administraverit rationem, nihilominus liber erit. In l. cum tale §. falsam conditionem ff. de condit. & dem. Falsam conditionem Cassius, & Cælius Sabinus impossibilem esse dixerunt: veluti Pamphilus, si quod Titio debeo, solveris, liber esto, si modo nihil Titio suis debitum.

De conditionibus, quæ non fuerunt semper impossibiles, sed tamen factæ sunt impossibiles ante testamentum conditum, exempla proponuntur in l. multa §. 1. ff. de cond. & demonst. ubi filia, quæ in conditione viva supponebatur a testatore, mortua erat ante testamentum: in l. ab omnibus §. in testamento ff. de leg. 1.

Idem dicendum, si per ipsam institutionem conditio fiat impossibilis. In l. si qui ita 4. ff. de condit. inst. quidam hæredem instituerat sub conditione, si servum hæreditarium non alienaverit. Si solus hæres institutus sit, impossibilis est conditio, quia nemo alius hæres est, cui cavere possit, se non alienaturum. In l. mulier 20. ff. ead. mulier, quæ viro suo ex dote promissam pecuniam debebat, virum hæredem ita instituit: si eam pecu-
 nitum,

miam, quam doti promississet, neque petisset, exegisset. Si vir solus hæres institutus sit, impossibilis est conditio, & pro non scripta accipienda est. Nemo enim est, a quo possit exigere, aut cui possit acceptum facere, & per confusionem tollitur obligatio *l. Stichum §. aditio ff. de solus*. Has condiciones ipse testator reddit impossibiles, unicum hæredem instituendo.

Antequam progrediamur ad tempus post testamentum conditum, explicandæ sunt nonnullæ leges, quæ his, quæ hæcenus constitutimus, videntur esse contrariæ. Primum autem contrarium responderetur in *l. servo 58. ff. de condit. indeb.* Testator legaverat servo suo centum, si ex testamento ad libertatem pervenisset: servus postea ingenuus pronuntiatus est. Respondit Papinianus, legatum non deberi, & solum repeti posse. Hæc conditio temper fuit impossibilis: non potest enim ad libertatem ingenuus pervenire *§. ult. Inst. tit. de ingen. l. 1. & 2. c. de ingen. manum.* & tamen vitiat legatum, adeo ut etiam si solum fuerit, repeti possit.

Perterruit omnes veteres Interpretes hujus argumenti vis: atque ut eam eluderent, novo commento totam rationem detrahendi condiciones impossibiles perverterunt. Invaluit itaque opinio falsissima, & nulla lege suffulta, conditiones, quas testator falsas esse ignorabat, non detrahi, sed vitari ultimas voluntates: cum tamen hæc tanto magis detrahendæ sint, quanto certius est, eas incauto testatori excidisse. Sed hanc sententiam alii consutarunt.

Verissima est Sarmienti interpretatio.

Qui ad libertatem proclamabat, & ingenuus pronuntiabatur, agnitis natalibus, cogebatur restituere manumissori quæcumque ab eo concessa, donata, legata acceperat, quæque ex re ejus acquisierat; idque Senatusconsulto cautum erat, de quo mentio fit in *l. 2. c. de ingen. manum.* & in *l. 3. ff. si ingen. esse dicetur*. Itaque in laudata lege aufertur legatum

servo, non quia inutiliter legatum fuerit, adjecta impossibili conditione; sed quia legatarius originem repetiit, agnitis natalibus; quod ei auferretur, etiam si conditio illa adjecta non fuisset.

Præterea contrarium respondit Neratius in *l. multa §. si servus ff. de cond. & demonstr.* Si servus certus quis manumississet, hæres esse jussus erat: quibuscum ex his antea mortuis, Neratius respondit, defici enim conditione: nec æstimabat, pareri posset conditioni, nec ne.

Quidam Viri apprimè docti in hujus legis interpretatione magnas turbas ciunt, & ut est in veteri proverbio, fluctus in simpulvio excitant. Sed non est ambigendum, in hac lege referri Neratii sententiam, sed non probari; imo statim improbari auctoritate Servii, Labeonis, Sabini, Cassii. Primum enim indicat Pomponius, se non acquiescere Neratii sententiæ, illis verbis: *nec æstimabat &c.*

Deinde statim ei opponit sententiam Servii: ibi: *sed Servius, &c.* & Servii sententiam confirmat auctoritate Labeonis. Addit deinceps auctoritatem Sabini, & Cassii, qui eas condiciones, quasi impossibiles, pro non scriptis habendas existimaverunt. Observa: *eas condiciones*. Comprehendunt hæc verba tam conditionem propositam a Servio, quam propositam a Neratio: Denique ita statuit: *quæ sententia admittenda est*. Neratius probabat sententiam Trebatii, cujus nulla ratio habetur in *l. Stichum 39. §. si Stichus ff. de statu lib.* Qui hæc non vident, in luce meridiana cæcutiunt.

Idem prope videtur respondisse Julianus in *l. hujusmodi 84. §. si ita cui legatum esset ff. de legat. 1. Si ita cui legatum esset, si tabulas chirographi mei hæredi meo reddideris, hæres meus ei decem dato: si tabula in rerum natura non fuerint, æstimabitur implisse conditionem, si hæredem liberaveris, nec ad rem pertinebit, an tunc, cum testamentum fiebat, tabula intercederint, an postea, vel mortuo testatore. Hic conditio impossibilis non*

detrahatur, sed implenda est saltem per æquipollens, alioqui deficiet. Agitur autem hic de conditione, quæ erat impossibilis, etiam tempore conditi testamenti. Idem tamen Julianus contrarium notat in *l. ab omnibus §. in testamento. versic. Julianus notat ff. de legat. 1.*

Respond. conditio reddendi tabulas hæredi vi ipsa continet ejusdem hæredis liberationem. Itaque impletur hæc conditio hæredem liberando, adeoque et si tabulæ non extant; tamen non est impossibilis conditio, sed hæres liberandus est. *d. l. hujusmodi §. si ita cui ff. de legat. 1.* Si conditio contineret solummodo factum reddendi tabulas, iis non extantibus, conditio esset impossibilis; sed quia continet liberationem, possibilis est, etiam tabulis non extantibus: quia cum possit existere debitum sine tabulis, nec debitum intercidat, intercidentibus tabulis, potest liberari hæres, etiam si tabulæ intercederint, quodcumque illæ intercederint. Tunc conditio esset impossibilis, si nihil hæres deberet *l. cum tale §. falsam ff. de cond. & demonstr.* quia non potest liberari, qui non est debitor: & ideo si legem Titio centum, quæ mihi debet, inutile est legatum, si nihil mihi debeat *l. si sic legatum. §. quod si in princ. ff. de leg. 1. l. legavi versic. quod si sic dixit ff. de liberat. legat.* quia legata est liberatio *d. l. legavi*: ea autem est impossibilis, si Titius non sit debitor. Et de hac conditione agitur in laudata lege *ab omnibus §. in testamento ff. de leg. 1.* Nempe, non intercederant tabulæ, ut in *l. hujusmodi ff. eod.* sed nullæ fuerunt, quia hæres nunquam debitor fuerat: & hoc casu conditio est impossibilis. Hic obiter animadvertendum, Labeonem, & Julianum, rectam Latini sermonis rationem religiose servantes non impossibile, sed *adivatum* Græce dixisse.

Veniamus ad tempus post conditum testamentum. Si post conditum testamentum aliquid evenierit, quo conditio impleri non possit, conditio defecisse dici-

tur, non vero detrahatur, tamquam impossibilis. In *l. cum tale §. falsam conditionem ff. de condit. & demonstr.* Quod si post testamentum factum testator pecuniam exsolvit, defecisse conditionem intelligi. In *l. quæ sub conditione. §. mortuo ff. de cond. instis.* Nam mortuo Strico, nemo dicit submovendum eum: non videtur enim defecisse conditione, si parere conditioni non possit. Et ideo in *l. ab omnibus §. in testamento ff. de legat. 1.* ut conditio sit impossibilis, & pro non scripta habeatur, exigit Julianus, ut tabulæ nullæ fuerint testamenti tempore. Et in *l. turpia §. 2. ff. de legat. 1.* responsum est, deberi legatum, si servi mors impedisset manumissionem, non quia conditio tamquam impossibilis detrahatur; sed quia per legatarium non stat, quominus servus ad libertatem perveniat. Sunt autem hæc inter se longe diversa, deficere, aut non ²⁵deficere conditionem; & conditionem detrahi, vel non detrahi, quasi impossibilem *l. multa in fin. ff. de cond. & dem.* ubi Pomponius refert opinionem Servii, & Labeonis, qui dicebant, eum non deficere conditione: deinceps addit opinionem Sabinii, & Cassii, qui putabant conditionem, quasi impossibilem detrahi, & horum sententiam admittit. Plus est detrahi conditionem, & pro non scripta haberi, quam eam non deficere, & haberi pro impleta: quæ detrahatur, nec deficit, nec impletur: perinde enim est ac si adjecta non fuisset.

Sed contrarium respondisse videtur Scævola in *l. qui dotem 12. ff. de dot. preleg.* ibi: *Quæsitum est, si res in dotem data plures ipso usu finita essent: an quasi sub impossibili conditione legatum datum debeat* ²⁶*zur?* Respondi, *videri conditioni parum, si quod ex rebus in dotem datis supererit, in potestatem hæredis pervenerit.* In hac lege agitur etiam de rebus consumptis post conditum testamentum, cum comprehendantur res omnes vivo marito consumptæ: adeoque conditio illa detrahatur, licet facta sit impossibilis post

conditum testamentum.

Respond. quod conditio illa non detrahitur tamquam impossibilis: sed impletur ab uxore per restitutionem rerum, quæ superlunt; idque ex voluntate ipsius testatoris. Supponitur in ea lege, in dotem datas fuisse res æstimatas: ac propterea maritus, non tenebatur restituere uxori res in dotem acceptas, sed earum æstimationem *l. quoties §. C. de jur. dot.* Legavit maritus hanc summam, hanc æstimationem uxori, quam ei restituere debebat, sub hac conditione, si hæredi restituisse res omnes, quæ tabulis dotalibus continebantur, quis restituere deberet, etiam hac conditione non adjecta. Non autem alio animo videtur maritus hanc conditionem adiecisse, nisi ut restitueret res illas, si superessent. Neque enim potuit gravare uxorem ad restituendas res consumptas: cum enim per æstimationem contracta fuerit emptio *l. plebinaque 10. §. si ante. l. si rem æstimatam* 2714. cum seqq. ff. de jure dot. periculum pertinet ad ipsum maritum §. cum autem emptio *Inst. tit. de empt. & vend. l. id, quod post 7. l. necessarius 8. l. si vendita 11. ff. de peric. & com. rei vend. l. quod sepe 35. §. si res ff. de contr. empt. l. 4. & 5. C. de peric. & com. rei vend. l. fructus, & l. pen. C. de action. empti.* Quamobrem non restituendo res consumptas nihil facit contra voluntatem testatoris, & parere videtur conditioni. Propterea Scævola non respondit, uxorem legatum obtinere, quia sit impossibile restituere res consumptas, & quod impossibile scriptum est in testamento, nullam vim habere: sed respondit, uxorem obtinere legatum, quia paruit conditioni. Conditioni impossibili pareri non potest. Querit, an legatum debeatur, quasi datum sit sub conditione impossibili: & respondet, deberi, quia paritum est conditioni: ergo respondet, non esse datum sub conditione impossibili. Legatum datum sub conditione impossibili debetur, quia conditio pro non scripta habetur, non quia conditioni pa-

reatur, cui pareri non potest.

Possent etiam opponi, quæ tradita sunt ab Ulpiano in *l. quæ sub conditione* 2 §. mortuo ff. de condit. inst. ubi si quis hæres institutus sit, sub conditione, si juraasset, se Stichum manumissurum: & Stichus mortuus sit, vel manumissus, vivo testatore; non videtur defectus conditionis hæres: *Quia implenda est voluntas testatoris, si potest: nec videtur conditio defectus, qui non potuit parere conditioni.* Si conditio illa non detraheretur, quasi impossibilis, hæres defectus conditione videretur.

Respond. quod cum conditio jurisjurandi a Prætorè remittatur *l. non dubitamus ff. de condit. & demonstr. & d. l. quæ sub conditione in princ. ff. de cond. inst. ita* 29 tamen, ut ille teneatur facere id, quod conditione continebatur *l. hæc scriptura ff. de cond. & dem. d. l. quæ sub conditione mortuo*; adeo ut si non faciat, ei denegat Prætor actiones *d. l. quæ sub conditione §. quoties, & l. si quis liberatum 12. ff. de manum. testam.* conditio illa resolvitur in modum, perinde ac si hæres institutus fuisset, ut Stichum manumitteret. Modus autem nunquam implendus est, cum non potest impleri *l. 1. C. de legat. l. si fundum per si leicon nissum 92. §. Julianus ff. de leg. 1. detracta enim conditione jurisjurandi Prætor compellit ad faciendum l. hæc scriptura ff. de cond. & dem. sed non potest compellere ad faciendum id, quod fieri non potest. l. impossibilium ff. de R. J.* Non subrogat Prætor conditionem faciendi in locum conditionis jurisjurandi: sed remissa hac conditione, legatum non est amplius conditionale; & ideo statim cedit legati dies *l. si post diem 5. §. sed si ea ff. quam, dies legat. ced. & ad hæres legatum transmittitur l. quæ sub conditione §. ult. ff. de cond. inst.* & hæres sub hac conditione institutus submovetur a bonorum possessione contra tabulas, quia jam hæres factus est; nec ulla conditio suspenditur institutio *l. liberatus 20. in princ. ff. de bon. libert.*

libert. Quomobrem Ulpianus eum, cui legatum est sub hae conditione, comparat legatario sub modo, in laudata *l. quæ sub conditione §. mortuo ff. de condit. inst.*

Potest etiam opponi Juliani responsum in *l. inde Neratius §. idem Julianus 2. ff. ad Leg. Aquil.* ubi cum quis institutus fuisset sub conditione, si Stichum man-
30 nississet: qui Stichum occidit, tenetur etiam in æstimationem hæreditatis, si illum occidit mortuo testatore, quia hæres damnum hæreditatis patitur deficiente conditione: si vero occidit vivo testatore, non tenetur, quasi eo casu conditio non defecerit.

Ad hoc argumentum respondet ipse Julianus, qui ait, cessare æstimationem hæreditatis, non quia eo casu conditio sit impossibilis, & pro non scripta habeatur: sed quia retrosum, quanti plurimi

31 fuit, inspicitur. Non potest igitur haberi ratio hæreditatis, quæ nulla fuit, vivente testatore *l. 1. ff. de hered. vel act. vend. l. 1. ff. pro hered.* Quid enim æstimetur? an hæreditas, quæ nulla fuit? an bona, quæ eo tempore defunctus habebat? At hæc ad hæredem non poterant pertinere; sed solum ea, quæ defunctus habiturus erat tempore mortis.

Hoc autem tempore non potest æstimari servus quanti plurimi sit, cum jam
32 sit occisus, & in æstimatione quanti plurimi tempus præteritum inspicatur, non futurum: hoc est, tempus, quod præcedit damnum datum, non quod subsequitur *l. ait lex §. 1. ff. ad Leg. Aquil.* An æstimetur jus, quod habet hæres vivo testatore? At hoc æstimari non potest, cum incertum sit, tum ratione patrimonii, quod augeri, minuere potest, tum quia neque delatum est, neque quæsitum, & facile evenire potest, ut neque delatur, neque possit acquiri, vel hærede moriente ante testatorem, vel testatore mutante voluntate. Quomobrem nulla fieri potest æstimatio hæreditatis, si vivo testatore servus sit occisus: hujus enim temporis nulla est æstimatio.

Sunt & aliæ leges, in quibus respondetur, legatum deberi, etiam si conditio facta fuerit impossibilis vivo testatore, ut in *l. Stichum 39. §. si Stichus ff. de statu lib. in l. turpia §. 1. ff. de legat. 1. sed* 33 hæc leges non pertinent ad quæstionem de conditione impossibili; sed ad alteram longe diversam: an conditio pro impleta habeatur, quoties per legatarium non stetit, quominus impleat conditionem: de qua agitur in *l. jure Civili 24. & l. Julius 81. in fin. ff. de cond. & dem. in l. in jure 161. ff. de Reg. Jur. in l. si peculium 20. §. is, cui ff. de statu lib. l. quæsitum 57. l. cum ita datur 94. ff. de cond. & dem. l. ult. C. de cond. insert. l. 5. §. item si ff. quan. dies legat. eod. l. 1. C. de inst. & subst. & possim. Non ignoro responsum Pomponii in laudata *l. turpia §. 1. ff. de leg. 1.* non videri convenire regulis, quæ traditæ sunt de conditione, quæ pro impleta habetur: sed ad nostrum institutum non pertinet hanc controversiam dirimere.*

De tertio tempore post mortem testatoris jam differamus. De hoc nulla con-
34 troversia est, quin conditio numquam detrahatur; sed deficiat, & legatum corruat, aut institutio *l. inde Neratius §. idem Julianus ff. ad Leg. Aquil. l. in testamento 31. in princ. l. cum ita datur 94. in princ. vers. diversa. l. pen. §. item si ff. de condit. & demonstr. l. si peculium 20. §. is, cui ff. de statu lib. l. legatum C. de cond. insert. nisi conditio pro impleta habeatur, quo casu sustinetur dispositio, licet conditio vere defecerit, ut in *l. quæsitum ff. de cond. & dem. in l. si peculium §. is, cui ff. de statu lib. l. si ita scriptum ff. de manum. testam.**

Superest tertium genus conditionum impossibilium, hoc est, earum, quæ a jure sunt improbatæ. Hæ quoque sunt impossibiles *l. filius ff. de cond. institut. 35* Hæ quoque detrahuntur ab ultimis voluntatibus *l. conditiones 14. ff. de condit. instit.* sive turpes sint, & contra bonos mores *l. non dubitamus ff. de cond. & demonstr.*

manstr. l. reprehendenda C. de iust. & subsl. l. un. C. de his, quæ pæn. nom. l. pen. ff. de cond. inst. live sint contra leges l. si quis sub conditione ff. de condit. inst. l. uem dubitamus ff. de cond. & demonstr. live sint in fraudem legis l. Sejus & Agerius 27. ff. ad Leg. Falcid. live sint contra Republicam l. Imperatores §. 1. ff. de pollic. live contra publicam utilitatem, nuptias impediens l. servo 65. §. 1. ff. ad Trebell. l. Titius 100. ff. de cond. & dem. live contra Edictum Prætoris, ut conditio jurisjurandi l. non dubitamus ff. de condit. & dem. l. quæ sub conditione ff. de condit. inst. live sint conditiones derisorie l. conditiones contra 14. ff. de cond. inst. Atque hæ conditiones detrahuntur etiam in testamento militis l. si a milite 29. §. editum ff. de testam. milit.

Sed ne quis hac in re decipiatur, animadvertendum est, quod aliquando improbat a Jure conditio, aliquando ipsa dispositio. Quoties improbat a Jure conditio, ea detrahitur, & pro non scripta habetur: detrahatur autem conditio, salva manet dispositio, purgato vitio conditionis, ut in superioribus exemplis. Quoties autem improbat ipsa dispositio, ea sit inutilis necesse est l. non dubium C. de legib. Exemplis rem explico.

36 Captatorias dispositiones Senatus improbat l. captatorias ff. de hered. inst. & ideo captatorie dispositiones non valent l. captatorie 64. ff. de leg. 1. l. captatorias C. de testam. milit. l. illa autem §. 1. ff. de hered. inst. Leges improbant ultimam voluntatem in alienum arbitrium expresse collatam, quia testamentorum jura per se firma esse debent, non ex alieno arbitrio pendere: & ideo hujusmodi dispositiones nullæ sunt l. si quis Semprouium 63. & l. illa institutio ff. de hered. inst. l. nonnunquam ff. de cond. & dem. Ejusdem generis sunt perplexæ dispositiones, quæ a Jure improbantur, tamquam inexplicabiles l. si Titius heres ff. de cond. inst.

Nunc temere autem hæc a Jure Civili constitutum est. Ideo enim aliquando im-

probat, ac rejicit solam conditionem; quia vitium est in sola conditione: improbat autem, ac rejicit dispositionem, quando vitium est in dispositione, quia per conditionem influit in dispositionem. In testamentis enim nullam vim habet quod impossibile, ac vitiosum scriptum est l. si Mevius 45. ff. de hered. inst. Quapropter si vitiosa est & impossibilis conditio, ipsa rejicitur, & pro non scripta habetur. Si vitiosa est & impossibilis dispositio, ipsa reprobanda est, ita ut nullam vim habeat. Quocirca non valent dispositiones, tamquam impossibiles, de quibus in l. quidam §. Lucio Titio ff. de erit. vin. & ol. leg. in l. cum servus 39. alias l. apud Julianum. §. constit. l. turpia. in princ. l. si quis inquilinos. §. ult. ff. de legat. 1. Dicam explicatius. In hoc legato: lego Titio centum, si homicidium feceris, si juraveris, si nomen vispellionis sibi imposueris: nullum est vitium, nulla turpitudine in legato, sed in ipsa conditione, adeoque legatum sustinetur: rejicitur autem conditio, quæ turpis est. Contra vero, si ita legem: lego Titio 39 centum, si me heredem institueris: ipsum legatum vitiosum est & turpe, quo Titius allicitur spe lucri ad heredem intruendum legatarium. Turpe est, quia turpissimum esse Senatus censuit captare, & aucupari alienas successiones. Vitiosum est, quia admittit liberam testandi facultatem. Rursus, si ita legem: lego Titio centum, si Cajus volueris: ipsum legatum vitiosum est, cum pendeat a voluntate Caji, nec sit ipsum per se firmum, ut Veteres decreverunt l. illa institutio 32. ff. de hered. inst. Conditio ipsa per se non est illicita, inhonesta, vitiosa l. si quis arbitratu ff. de V. O. sed adjuncta legato, aut institutioni reddit ipsam vitiosam. Non dissimile est exemplum perplexæ & inexplicabilis institutionis: Si Sejus heres eris, Cajus heres esto: si Cajus heres eris, Sejus heres esto. Si per se considerentur conditiones, non sunt illicitæ, aut impossibiles: sed ipsa institutio est absurda.

tos, *inexplicabilis*; cum non possit Sejus hæres esse, nisi prius sit hæres Cajus, & Cajus hæres esse non possit, nisi prius sit hæres Sejus; adeoque neuter hæres esse possit. Rectissime igitur constitutum est, non valere institutionem *l. ubi pugnatio ff. de Reg. Jur.* & generaliter, præceptum testatoris vel legibus interdictum, vel probrosum, vel impossibile non valet *l. un. in fin. C. de his, quæ pen. nom.*

Sed obstat difficillimus text. in *l. si 40 mibi 12. §. si quis servos ff. de leg. 1. Si quis servos, quos Gadibus haberes, eo testamento, quod Romæ moriens fecerit, triduo, quo mortuus fuerit, heredem dare mihi damnaverit: ratum esse legatum, & angustias temporis nihil legato nocere. Hujusmodi legatum est impossibile: adjectio enim diei reddit impossibilem dationem servorum, & præceptum testatoris §. loca in fin. *Instit. tit. de V. O. l. ult. §. si inter eos ff. de V. O.* & tamen valet legatum detracto die.*

Respondetur, aliam esse rationem diei, aliam conditionis adjectæ. Condicio afficit ipsam dispositionem, ipsam substantiam legati: cum suspendat dispositionem ipsam, & obligationem §. *omnis Instit. tit. de V. O. l. cedere diem ff. de V. S. l. multatum 21. & l. legata 41. ff. de cond. & demonstr.* & ideo aliquando conditio influit, & infundit vitium in ipsam dispositionem. Contra dies, ac tempus non afficit ipsam dispositionem, nec differt obligationem, sed solutionem *d. §. omnis Instit. tit. de V. O. l. centesimis 46. ff. de V. O.* & ideo, qui Stichum promisit, statim tenetur, licet Stichus Gadibus sit, adeoque statim dari non possit: hoc enim ad facultatem dandi pertinet, & respicit commodum, incommodumque personæ, non substantiam obligationis *l. continuus §. illud ff. de V. O.* Quocirca triduum adjectum illi legato reddit quidem impossibilem solutionem legati; non tamen reddit impossibile legatum: nam legatum statim debetur, sive servi legati Romæ sint, sive Gadibus *d. l. continuus §. illud*

ff. de V. O. Solutio autem videtur dilata in tempus, quo servi Romæ commodè possint pervenire *l. interdum 73. l. continuus §. cum ita ff. de V. O.* Propterea, qui triduum præscribit, quo servi a Gadibus Romam pervenire non possunt, is reddit quidem impossibilem solutionem; ceterum obligationi nullum affert impedimentum: quia ea statim nata fuit, sicut statim nata fuisset, si tempus illud adjectum non fuisset. Ut puta, hæredi contenti se debere ex causa legati pecuniam, Prætor debet indulgere modicum tempus ad solvendum *l. si domus in pecunia ff. de legat. 1.* hujusmodi tempus indulgendo non tollit, aut mutat naturam obligationis; sed solum differt solutionem. Non dissimile est, quod traditur in §. *ult. Instit. tit. de inut. stipul.* Sola igitur solutio impossibilis est eo modo, quo præcipitur a testatore, &, tamquam impossibilis, pro non scripta habetur.

Hinc facile dissolvitur nodus, quem a nemine expediri scripsit Duarenus. In *l. 43 si quis ita 6. ff. de cond. inst.* institutus erat hæres, sub conditione, si in triduo, post mortem testatoris, ei monumentum scississet. Cum hujusmodi monumentum in triduo effici non posset, respondit, conditionem evanescere, tamquam impossibilem. Non detrahitur ibi adjectio temporis, adeo ut hæres cogatur monumentum ædificare intra tempus moderatum, quo commodè possit ædificari: sed evanescit ipsa conditio. Ratio est in promptu: vitium temporis afficit ipsam conditionem, ipsam monumenti constructionem, eamque reddit impossibilem, adeoque ipsa conditio, ipsa constructio pro non scripta habetur; quia id, quod impossibile in testamentis scriptum est, nullam vim habet *l. si Marcia 45. ff. de hered. inst.* Quapropter si legatum ipsum sit impossibile, aut contra leges, ipsum legatum non valet, & pro non scripto habetur. Si sit impossibilis solutio, ipsa detrahitur. Si sit impossibilis conditio, seu factum in conditione positum, ipsa con-

conditio pro non scripta habetur.

Neque cuiquam scrupulum iniiciat, quod non videatur haberi pro non scripta solutio, sed solum tempus, quod eam reddit impossibile. Nam hæres licet non teneatur solvere servos in triduo, a die mortis: teneatur tamen eos solvere tempore opportuno, quo Rnmam perduci potuerunt. Facile respondetur. Solutio facienda in triduo, quam præcipit testator, pro non scripta habetur, tamquam impossibilis. Ea detracta succedit necessitas solvendi ex vi obligationis, cujus substantia in eo consistit, ut aliquem nobis adstringat ad dandum, vel faciendum *l. obligationum substantia ff. de oblig. & act.* Itaque hæres non solvit ex præcepto testatoris, quod non valet, sed ex natura obligationis; & ideo tenetur solum ad solvendum eo tempore, quo id exigit obligatio legati §. ult. *Inst. tit. de inut. stipul. §. loca Inst. tit. de V. O. l. interdum 73. l. continuus §. cum ita ff. eod.*

Nec obstat, quod si angustia temporis afficeret tantummodo solutionem, non obligationem, & solutio tantum pro non scripta haberetur, angustia temporis non vitiarent contractus, quod falsum est *l. 2. §. qui ita ff. de eo, quod cert. loc. l. quoties 24. ff. de oper. libert. §. loca Inst. de V. O.*

Nam respondetur, eadem de causa non valere huiusmodi stipulationes, qua non valent contractus, apposita impossibili conditione. Contrahentium enim videtur esse talis cogitatio, ut nihil agi existiment, apposita conditione, quam sciant esse impossibile *l. non solum ff. de oblig. & action.* Id maxime convenit etiam superioribus stipulationibus, atque eo magis, quod nemo ignorare potest, impossibile esse id, quod stipulatur. Quamobrem procul dubio nihil agi existimant contrahentes in hac stipulatione: *Centum operas pictorias hodie dare spondes* vel in hac: *Carthagini hodie dare spondes*? Nisi forte tam stipulator, quam promissor antea mandassent, hic, ut hodie solveret, ille, ut pecuniam exciperet, quo casu va-

Tam. I.

leret stipulatio *l. ult. §. si inter ff. de V. O.*

Verum quod etiam illæ conditiones, quæ non reddunt impossibilem dispositionem, non detrahantur, & pro non scriptis habeantur, probari videtur ex *l. sed sciendum 7. & ex l. facta 63. §. si sub conditione ff. ad S. C. Trebell.*

Sed ibi agitur non de conditione impossibili, aut contra leges, aut contra bonos mores: sed de conditione turpi, quæ neque legibus repugnat, neque bonis moribus: veluti si quis hæres instituitur sub conditione, si nomen testatoris sibi imposuerit, cum testator esset vilis persona, ut puta, vespillo. Vespillo erat, qui cadavera exportabat, Sueton. 45 in Domit. c. 17. *Cadaver ejus populari sandapila per vespillones exportatum.*

Martial.

Nuper erat medicus, nunc est vespillo Diatulus.

Has autem personas turpes habitasuisse, etiam si servi essent, satis apparet ex *l. qui decem 72. §. qui hominem ff. de solut. & ex l. si ita quis 31. ff. de evictio.* Hæc conditio comparatur conditioni difficili: & sicut difficilis conditio non habetur pro non scripta, ut diximus supra, ita & hæc. Nec pugnant verba laudatæ *l. facta §. si sub conditione ff. ad S. C. Trebell.* ibi: *sed & remitti eam ab initio visum est:* intellige iniquum, quod verbis antecedentibus continetur: alioquin ratio subiecta pugnaret, nec esset huius contentanea. Non cogit quidem prætor eam implere *d. l. §. si vero nominis:* hoc enim esset iniquum: sed & iniquum visum est, eam ab initio remittere contra voluntatem testatoris, & pro non scripta haberi.

CAPUT XXV.

AD L. SI TITIVS, ET SEJVS

9. ff. de V. O.

SUMMARIUM.

- I. *Quante existat conditio posita in non faciendo: & in specie conditio, si alteri non dederis.* & n. 5. 6.
- II. *Ex quo nascatur actio.* & n. 8. 21.
- III. *Quante actio nascitur et per litem contestationem, quodcumque acti proest.* & n. 8.
- IV. *Sine actione nemo potest experiri.*
- VI. *In iudicio aequitatem potius sequi debemus, quam ius strictum.*
- VII. *Iudicium suscinitur, si actio nascatur inter moras iudicii.*
- IX. *Reponat aequitati Prætorum deusque iudicium ei, cui actio nascitur et in ipsa limite iudicii.*
- X. *Prætor aliquando deusque actionem habenti: aliquando dat non habenti.*
- XII. *Percula quoad non semper continuum tempus demonstrat.*
- XIII. *Quod tempus comprehendat conditio in faciendo: & differentia inter contractus, & ultimas voluntates.*
- XIV. *Hac in re spectanda voluntas contrahentium.*
- XV. *Conditio, si illi non solveris, quid continet?*
- XVI. *Stipulatio disiunctiva qua in se differat a conditionali.*
- XVII. *Quantum differat disiunctiva verum a disiunctiva per se servatum? sed vide n. seq.*
- XIX. *Si exprimat conditio, qua tacite inest, non fit actio conditionalis.*
- XX. *Conditio, qua tacite inest, impedit actionem, sed vide n. 21.*
- XVI. *Superfluum est adicere, quod tacite inest.*
- XXII. *Quando secus: & quando expresse facimus actum conditionalem, licet tacite inest. Conditionis dandi, sequendi, & similes persone, coherent.*
- XXIII. *Verba conditionis non faciunt conditionem, si alia mente prolata fuerint.* & n. 25.
- XXIV. *Pessimi consistunt duo rei etiam per stipulationes separatas.* & n. 25.
- XXV. *Que propria sint duorum verorum.*

Nescio quo fato factum fuerit, ut in hac lege interpretanda fuerint adeo discordes Interpretum nostrorum opiniones, ut nemo fere alterius interpretationem omnino probaret. Omnium hæc potissima cura fuisse videtur, ut alios comprehenderent. Apud recentiores male audit Accursius noster, cuius interpretatio-

nem neque ridiculam, neque absurdam puto. Itaque civis mei sententiam tuebor, quam & Bartolus plane non improbat.

Titius stipulatus fuit a Sempronio fundum sub conditione, si Sejo non dedisset. Sejus eundem fundum separatim stipulatus est ab eodem Sempronio sub conditione, si Titio non dedisset. Utrique idem fundus debetur tam Titio, quam Sejo. Utrique debetur sub conditione posita in non faciendo; nempe, si alteri datus non fuerit. Ex stipulatione conditionali neque obligatio, neque actio nascitur ante eventum conditionis *l. cedere diem ff. de V. S. §. sub conditione Inst. tit. de V. O.* In proposita stipulatione queritur, quando existat conditio: quando nascatur actio. Quoad conditionem J. C. respondit, eam impleri per litem contestationem, ibi: *finem dandi alteri fore quoad iudicium acciperetur*. Si post iudicium acceptum cum Titio non potest Sempronius promissis amplius Sejo dare: ergo extitit conditio adjecta stipulationi Titii: si Sejo non dederis. Etenim conditiones in non faciendo positæ, tunc existunt, cum amplius fieri non potest, quod in conditione positum est *l. ita stipulatus 115. ff. de V. O.*

Quoad actionem vero respondit, eam quodcumque dari; ibi: *& plane occupantis fore actionem*. Est hoc plane absurdum: actionem nasci ante eventum conditionis. Et eo magis videtur absurda sententia Jurisconsulti, quia ex eo, quod conditio existat per litem contestationem; deducti occupantis fore actionem: quasi dixerit; ideo datur actio occupanti, quia actio nondum nata est, sed est nascitura. Pugnant hæc inter se.

Accursii interpretatio maxime convenit sententiæ Jurisconsulti. Ait enim, ideo actionem dari, non quia nascitura est quodcumque, hoc enim esset absurdum, sed quia nascitura est in ipsa litem contestatione, hoc est, in ipso limite iudicii: ita ut nullum periculum im-

mineat, ne ille sine actione egisse videatur. Non est hæc conditio similis aliis conditionibus. In illis judicium suscipi non potest, nec potest concedi actio, ne judicium sit irritum, & sine actione suscipiatur. In hac conditione datur actio, quia judicium irritum esse non potest, quasi cæptum sine actione; quia simul ac judicium suscipiatur, necessario existet conditio, & actio nascetur. Hinc restat statuit Bartolus, quod agi potest, quoties actio nascitura est in ipsa litis contestatione.

Sed hæc sententia incurrit in reprehensionem doctissimorum Virorum. Duo autem sunt, quæ opponunt. Primum, quod ante eventum conditionis non nascitur obligatio, non nascitur actio, ut diximus: sine actione autem nemo potest experiri *l. si pupilli in fin. ff. de negot. gest. l. quoties q. §. & generaliter ff. de admin. tut.* Idcirco quamdiu debitor potest alteri fundum dare, non potest a creditore conveniri: quare non poterit creditor cum eo litem contestari, & efficere, ut conditio existat.

Alterum, quod conditio posita in non faciendo per litis contestationem non impletur, sed tunc existit cum amplius fieri non potest, quod in conditione ponitur *l. ita stipulatus 115. §. 1. & 2. ff. de V. O.* Utrumque igitur falsum est; & quod conditio impletur per litis contestationem: & quod dari debeat actio, cum in litis contestatione conditio est extitura. De utroque accurate differendum, ac demonstrandum Juri nostro neutrum repugnare.

Ac si strictum Jus sequi velimus, & malitiis hominum indulgere, actio danda non erit: Si vero id, quod æquitas suggerit, nulla ratione poterit denegari. At in judiciis, æquitas potius habenda ratio, quam stricti Juris *l. placuit 8. C. de judic. nec malitiis hominum est indulgendum l. in fundo 38. ff. de rei vind.* ac semper cavendum, ne sub auctoritate Juris scientiæ perniciose erremus *l. si ser-*

vum 91. §. sequitur ff. de V. O. Qui nondum creditor est, agere non potest; sed tamen si egerit, & pendente judicio creditor esse cœperit, judicium sustinebitur *l. si mandavero 17. ff. mand. Si strictum Jus sequi velimus, nihil valebit eorum, quæ acta sunt ab eo, qui actionem non habebat. Creditor quoque conditionalis si egerit in judicio ante conditionis eventum, nihil apit, nondum enim ipsi competit actio; sed tamen si pendente judicio existat conditio, reus est condemnandus, perinde ac si actionem initio habuisset, & judicium recte fuisset institutum. *l. si rem alienam 9. §. ult. ff. de pignor. act.* Si judicium sustinetur conditione existente post cæptum judicium, quanto magis sustineri debet quando conditio extitura est, & actio nascitura eodem momento, quo incipit judicium?*

At enim Prætor actionem dare non debet: Neque enim dare debet actionem euiquam, qui eam non habet: nec habet actionem creditor pendente conditione. Sed quo jure, quæ æquitate Prætor actionem denegabit? Utrumne quia repugnat voluntas contrahentium? An hanc non repugnare deinceps ostendamus. Nec Prætor denegando judicium impedimento esse debet, ne conditio existat, quæ in contestatione litis est extitura. An vero eam denegare debet, ne judicium sit irritum? At ne hoc quidem potest evenire, cum certum sit non ante futurum, ut judicium incipiat, quam ut actio nascatur. Imo actio ipsa præcedet judicium non tempore, sed natura, quemadmodum causa suum effectum. Ut enim Sol non præcedit lucem tempore, sed natura: sic actio illa licet nascatur simul cum judicio, natura tamen judicium præcedere potest, & efficere ut a se ipsa pendeat, ac promanet judicium. Actio est jus persequendi in judicio §. 1. *Instit. tit. de action. l. nihil aliud ff. de oblig. & action.* Quid igitur causæ est, cur exigamus actionem natam esse ante judicium? An non satis est, eam nasci tunc

cum judicium accipitur, cum ea omnes vires, omnem potestatem exeat in ipso judicio, & sine judicio sit inutilis & infructuosa?

At enim Prætor dare non debet actionem, quæ nondum competit; nec permittere, judicio agat is, qui actionem non habeat. Verissimè id quidem diceretur, si permitteret cuiquam actionem exercere, antequam ea nascatur. Sed in casu nostro cum Prætor petenti creditori judicium dat, non dat facultatem exercendæ actionis, antequam ea nascitura sit: exercetur enim actio in judicio *d. l.*

9 *nihil aliud ff. de oblig. & simul cum judicio nascitur actio, ac proinde non exercbitur antequam nascatur. Repugnat quemquam exercere actionem, quam non habet: non repugnat judicium a Prætorè dari actionem omnino habituro, statim ac erit exercenda. Illud vero maxime repugnaret æquitati prætoris, si Prætor impediret quominus nasceretur actio; conditio existeret; stipulator consequi posset id, quod sibi promissum fuit.*

Atque hæc certissima erunt consideranti hanc dandæ denegandæque actionis subtilitatem æquitatè prætoris temperari. Itaque Prætor aliquando actionem habenti debet denegare, ut in *l. si debitor 30. ff. de solut. l. 1. §. in operis. l. & si satisfactionem ff. de oper. nov. nunciat. l. nihil interest 50. §. sed nunquid ff. de bon. lib. l. 1. §. idem ff. de dol. mal. l. patri 27. §. 1. ff. de minor. Aliquando contra datur actio ei, qui vel summo jure eam non habet adversus eum, qui convenitur, ut in *l. dominus 53. ff. de condit. ind. in l. si absentis C. si certum pos. vel datur ante tempus, ut in l. si indebitum ff. rem rat. haber. l. in lege ff. ad Leg. Aquil. l. quidam 32. §. 1. ff. de furt. l. questum ff. de pignor. Quanto magis actionem daturus est Prætor in calu nostro, in quo nullum imminet periculum, ne actio exerceatur antequam competat, antequam nascatur *l. aliquando 13. §. ult. ff. ad S. C. Vellejan. ibi: Quo enim bono expectare con-***

ditionem, cum in ea causa sis debitor, ut omnimodo excipere debeas actionem. Prætor enim cum petentibus actionem concedebat, nihil aliud tribuebat, quam agendi potestatem. Cic. de invent. lib. 2. Quare in jure plerumque versantur: ibi enim & exceptiones postulatur; & quodammodo agendi potestas datur, & omnis conceptio privatorum judiciorum constituitur. Quidni vero det agendi potestatem ei, cui nascitura est actio, simul ac eam in judicio experiri exercere? Ellet hoc malitiis hominum indulgere.

Res igitur eo redit, ut nihil absurdi sit in hac sententia, atque interpretatione, siquidem verum sit, conditionem existere per litis contestationem, seu cum judicium accipitur, eodemque tempore actionem nasci. Sed in hoc non est cur Accursium reprehendant. Dilerte id traditum in nostra lege, *si finem dandi alteri fore, quoad judicium acciperetur. Si hic est finis dandi alteri, ergo existit conditio: si existit conditio, ergo nascitur actio l. ita stipulatus 115. §. 1. & 2. ff. de V. O. Itaque non potest reprehendi Accursius, quin reprehendatur Pomponius Auctor legis. Explicandum tamen est, qui fiat, ut actio nascatur in litis contestatione, & post judicium acceptum alteri amplius dari non possit. Sed antea evellendus est scrupulus, qui Donellum male habuit, in quem, tamquam in scopulum, Vir doctissimus impexit. Hunc ut prætervehatur, putat expungendam particulam *quoad*, & reponendam particulam *cum*. Sed non est cur de hoc laboremus. Non semper particula *quoad* continuum tempus demonstrat, protractum usque ad aliquem terminum: aliquando enim significat extremitatem temporis. Cæsar lib. 5. de Bell. Gallic. Neque finem insequendi fecerunt, quoad subsidio confisi equites præcipites hostes egerunt. Terent. in Phorm. act. 1. scen. 2. in fin.*

*D. quid? senem
Quoad expectatis vestram? G. non certum*

Sed hæc obiter. Ad rem veniamus: Condicio in non faciendo concepta, ambigua est; potest enim & comprehendere totum tempus, quo fieri potest; & potest comprehendere solummodo primum illud tempus, quo fieri potuit, aut debuit *l. quicquid adstringenda §. ult. ff. de P. O.* Itaque in libertate data sub conditione, si in Capitolium non ascenderis; conditio existit, si servus cum primum potuit ascendere, non ascendit *l. libertas 17. §. 1. ff. de manum. testam.* In legatis autem, & hæreditatis cautione Muriana occurrit, qua præstita, legatum, hæreditatemque consequimur, perinde ac si eonditio extitisset *l. Mutiane 7. ff. de condit. & demonstr.* In contractibus tamen placuit ultimum tempus expectari, quo non possit amplius fieri, quod per conditionem vetitum fuit *l. ita stipulatus 115. §. 1. ff. de P. O.* sed tamen & in his fuit inter Veteres controversia: nam Sabinus ex Mutii Scevole sententia putabat, tamdiu solum pendere conditionem, quamdiu per promissorem non stetit quominus daret, & cum primum dare potuit, & non dedit, statim agi posse: atque ita statuendum tum ex voluntate contrahentium, tum ex natura rei *d. l. ita stipulatus §. item si ff. de P. O.*

Quamobrem in hujusmodi stipulationibus expendendum est, quid actum sit inter contrahentes: verba enim conditionis in utramque partem accipi possunt, & in conditionibus maxime voluntas spectanda est *l. pater Severinam in princ. & in §. conditionum, l. in conditionibus ff. de condit. & demonstr.* Quo fit, ut conditio illa, si non solveris, non infinitum tempus comprehendat, sed referatur ad primum quodque tempus, ex verisimili mente contrahentium, quos probabile non est tamdiu voluisse solutionem expectare, donec amplius solvi non possit, donec ille

moriatur. Julianus in *l. fidejussor 16. §. ult. ff. de fidejuss.* Cum fidejussor hoc modo acceptus esset, si reus non solveris, fide tua esse jubes? verisimile est, id actum, ut cum appellatus reus non solvisset, fidejussor teneretur.

His positis constat, cur in casu nostro conditio illa: si Titio non solveris: si Sejo non solveris, contineat solummodo tempus usque ad litem contestatam. Nimirum, contrahentes adfectione hujus conditionis noluerunt differre solutionem in tempus mortis alterius stipulantis: sed voluerunt tribuere facultatem debitori solvendi alterum, cui liberit. Quid enim interest, dicat quis: si Titio non solveris, mihi dare spondes? an ita: mihi, aut Titio dare spondes? Utroque casu ea mente stipulatur, ut tribuat facultatem debitori, & electionem utri velit solvere *l. 3. ff. qui, & a quib. manum.* At cum tribuitur debitori facultas, & electio solvendi, hæc terminatur, & expirat per litem contestationem *l. si quis stipulatus fueris decem 57. §. 1. ff. de solut. l. fidejussor 16. in princ. ff. de fidejuss.*

Sed opponi potest, quod qui disjunctim stipulatur, non est similis ei, qui stipulatur sub conditione. Nam si quis stipuletur Stichum, aut decem, statim agere potest, & petere debet Stichum, aut decem disjunctim, sicut stipulatus est, non vero alterum tantum petere potest *§. si quis agens 33. versæ. huius autem proximus Insti. tit. de action.* At qui stipulatur sub conditione, hoc modo: si Stichum non dederis, decem dare spondes? nec statim petere potest, nec potest petere Stichum *l. ita stipulatus 115. §. ult. ff. de P. O. l. 1. §. item si ita versæ. idemque ff. ad L. Falcid. l. obligationum fere §. si ita ff. de oblig. & act. l. duo societatem in princ. ff. pro soc.* Ergo stipulatio disjunctiva differt a condicionali.

Respondeo, non posse duci argumentum a rebus ad personas. Cum duas res disjunctim stipulamur, Stichum, aut decem,

scm,

cem, utraque res ponitur ad obligationem *l. si duo 128. ff. de V. O.* Cum vero stipulamur sub conditione, *si Stichum non dederis, decem dare spondes?* sola decem sunt in obligatione; Stichus autem est solummodo in solutione *l. obligationum fere §. si ita ff. de oblig. & action. l. 1. §. item si ita in fin. ff. ad Leg. Falc.* Itaque similes esse non possunt illæ duæ stipulationes, nec eandem vim habere. Non ita se res habet in personis. In utraque enim stipulatione persona adiecitur solutionis causa. Si stipulor hoc modo: *si Sejo non dederis, mihi dare spondes?* tu mihi soli obligaris: Sejo solvere potes etiam me invito, eique solvendo a me liberaris. Item si stipulor: *mihi, aut Sejo dari:* soli mihi obligaris, Sejo autem solvere potes etiam me invito, eique solvendo a me liberaris *§. si quis alii Inst. tit. de inutil. stipul. l. sed etsi 7. §. ult. ff. de constit. pecun. l. cum qui 56. §. qui sibi ff. de V. O. l. Stichum 95. §. questum ff. de solution.* Itaque in utraque stipulatione ideo adjicitur persona Seji, ut ei solvi possit, in neutra autem stipulatione persona Seji ponitur ad obligationem, sed ut debitori detur electio, & facultas solvendi Sejo, quæ extinguitur per litis contestationem. Igitur ex mente contrahentium conditio illa per litis contestationem impletur: pendet enim conditio quamdiu durat in debitore facultas eligendi.

Imo si rem paulo accuratius, ac subtilius expendamus, in stipulationibus propositis in *l. si Titius ff. de V. O.* non solum ex mente contrahentium, sed etiam ex Juris nostri regulis, dicendum est, conditionem per litis contestationem impleri. Animadvertendum enim est, quod etiam in rebus, quando res, quæ ponitur in conditione, posita est etiam in obligatione, statim agi potest. Si quis ita stipuletur: *penum dabis, & si penum non dederis, decem dabis?* In hac stipulatione penus non solum posita est in conditione, sed etiam deducta in stipulatio-

nem, & obligationem. In hac stipulatione si per promissorem steterit, quominus penum daret, statim agi potest ad decem *l. ita stipulatus 115. §. ult. ff. de V. O. l. 1. §. item si ff. ad Leg. Falcid. & conditio hæc post motam litem existit l. nulla C. de contr. stipul.* Non aliter in casu nostro, in quo propter duplicem stipulationem Titii, & Seji, utriusque debitor est obligatus, & statim agi potest, & per litis contestationem conditio impletur. Non solum enim Sejus ponitur in conditione, & ponitur ad solutionem: Sed etiam ponitur in stipulatione, & obligatione. Nec solum Sejo solvi potest, sed etiam Sejus fundum deduxit in stipulationem. Sicut igitur in superiori stipulatione, in qua non solum res posita est ad solutionem, sed etiam deducta in stipulationem, conditio post motam litem existit: ita & in casu nostro.

Defensa Accursii interpretatione, quid sentiam de interpretatione Petri de Belpertica, paucis aperiam. Existimavit ille statim agi posse ex his stipulationibus, *19* quia non sunt conditionales: idcirco autem conditionales non sunt, quia contrahentes expresserunt conditionem, quæ tacite inerat. Quoties autem exprimitur conditio, quæ tacite inest, non fit actus conditionalis *l. 3. ff. de legat. l. 1. in conditionibus 19. §. 1. l. aliquando 107. ff. de cond. & demonstr.* Enimvero in his stipulationibus videtur expressa conditio, quæ tacite inest: cum enim id actum esset inter contrahentes, ut essent duo rei credendi; semper in duobus reis inest tacite ex natura actus conditio illa, *si alteri non solveris*: nam alteri solvendo ab altero etiam liberatur *§. 1. Inst. tit. de duobus reis*. Et hæc facultas alteri solvendi durat usque ad litem contestatam *l. 2. l. ex duobus ff. de duobus reis*. Et hæc interpretationem probat subtilissimus Bartholomæus Chesus *lib. 2. Interp. cap. 42.*

Sed opponit Bartolus, conditionem, quæ tacite inest, impedire actionem *l. item quia*

quia §. *hujus rei ff. de pact.* Quid responderit Chelias, non satis intelligo. Nam *l. si dies §. ult. ff. quan. dies leg. cod.* probat potius sententiam Bartoli, quia licet legatum illud conditionale non sit, tamen peti non potest ante existentem conditionem, & ante aditam hereditatem. *l. heredis aditio ff. cod.* Igitur & in casu nostro licet stipulatio non sit vere conditionalis; tamen actio erit differenda quamdiu alteri solvi potest, nec sufficiet, natam esse obligationem *l. cum illud 25. §. 1. ff. quan. dies leg.*

Putarem igitur, responderi posse, distinguendum esse. Aut exprimitur id, quod etsi non exprimeretur, tamen differret actionem, quamvis tacite inesset: & tunc expressum differt actionem, sicut eam differt, cum tacite inest: ut in laudatis legibus. Neque enim expressum minorem vim habere debet, quam habere tacitum. Aut exprimitur id, quod non differebat actionem, cum tacite inerat: & tunc neque expressum differt. Et ratio est, quia expressum nihil operatur, cum supervacuum sit adjicere id, quod inest etiam si non adjiciatur *l. Cornelius 69. ff. de hered. instit. l. si in diem 46. l. servo ff. de cond. & demonstr.* In casu nostro quilibet ex duobus reis statim agere potest, licet debitor possit alteri solvere; & ideo cum non differat actionem id, quod tacite inest, nec expressum eam differe debet.

Ego potius opponerem, quod hujusmodi conditiones dandi, solvendi, & similes, si exprimentur, personarum cohererant *l. qui heredi in princ. & in §. seq. l. si is expressum ff. de cond. & demonstr.* Et ideo aliam vim habent expressæ, aliam tacitæ *l. cum qui certarum 138. §. 1. ff. de V. O. l. si is legatum 65. §. 1. ff. de leg. 1.* & ideo licet tacite non faciant actum conditionalem; tamen conditionalem faciunt, si exprimentur *l. si is expressum ff. de cond. & dem. l. si is legatum 65. §. 1. ff. de leg. 1.* Neque enim poterit dare ejus heredi, neque domino,

aut servo *l. sub diversis in fin. l. qui heredi ff. de cond. & dem.* Quo fit, ut actus sit conditionalis *d. l. sub diversis.*

Crediderim tamen, alia ratione tentari posse, eas stipulationes non esse conditionales: non quia fuerit expressa conditio, quæ tacite inerat. Nam, ut dixi, quando conditio expressa non habet eandem vim, ac tacita, facit actum conditionalem; sed ex mente contrahentium. Tametsi quis protulerit verba conditionis, ea non faciunt conditionem, si alia mente protulit *l. muto ff. de tutel. l. avia 77. §. ult. ff. de cond. & dem.* In casu nostro contrahentes adjecerunt illa verba: *si alteri non dederis*: non animo adjiciendæ conditionis, sed ut ostenderent, se constituere velle duos reos credendi. Possunt duo rei constitui etiam per stipulationes separatim: sed ita demum, si hoc actum sit, ut duo rei constituantur *l. 3. ff. de 24 duob. reis.* In nostra proponuntur duo separatim stipulati: si simpliciter stipulati essent sine aliqua adjunctione, non essent duo rei stipulandi *l. reos §. 1. ff. de duob. reis princ. Instit. tit. de duob. reis vers. nam si.* Itaque exprimentum erat aliquid, quo constaret, id inter eos actum fuisse, ut duo rei constituerentur. Quare contrahentes expresserunt ea, quæ propria sunt duorum reorum. Ea duo sunt: ut debitor utrique in solidum teneatur *§. 1. Instit. de duob. reis l. 2. ff. cod. & ut debitor uni solvens ab utroque liberetur d. §. 1. & d. l. 2.* Hæc autem duo expresserunt, recepta illa conditione: *si alteri non dederis*: quam adjecerunt, non ut suspenderent obligationem, & actionem; sed ut admonerent debitorem eum ita utriusque in solidum teneri, ut tamen una solutione posset ab utroque liberari, argumento text. in *l. muto ff. de de tutel.* ibi: *Non conditionem in se habere, sed admonitionem, non aliter et tutelam committi, quam si satis dederis.* Si simul stipulati fuissent, utique essent duo rei, & juxta naturam duorum reorum sine alia adjunctione debitor alteri solvere teneretur, si

alte-

alteri non solvisset. Cum autem separatim stipulati essent, non poterat constare an esset duo rei, nisi hoc, aut simili modo voluntatem suam declarassent. Itaque hæc declaratio ex eorum mente habet vim constituendi duos reos, non inducendæ conditionis. Vide text. in l. cum ita legatur 9. ff. de opt. leg. ubi similis conditio resolvitur in alternativam. In casu nostro cum uterque sit stipulatus, & quidem separatim, utrique promissor est obligatus, ut sit in duobus reis: & conditio quoad solutionem resolvitur in alternativam: hoc est, uni, cuicumque volet, solvendo liberatur ab altero,

CAPUT XXVI.

AD L. CUM DUOBUS

52. §. damna ff. pro socio.

SUMMARIUM.

- I. Casus fortuitus quomodo appelletur in Jure.
II. Eius descriptio.
III. Quid sit imprudens accidere, & quid significet, impudens.
IV. Explicatur Pilegii locus.
V. Factum Principis est casus fortuitus.
VI. Quid sit casus fortuitus. & n. 16.
VII. Exponeitur l. qui fortuitus C. de pign. ad. & quid sit casus fortuitus providere non posse. & num. 16.
VIII. Naufragium, & Piratarum incursus, sunt casus fortuiti: & quare.
IX. Ruina, & incendia licet Roma frequentissima, sunt casus fortuiti.
X. Moriet animalium, & fuga servorum, casus fortuiti.
XI. Item grandinis, aquarum magnitudines, fluminum inundationes, medietes, procelli, fluitus.
XII. Item debitoris decedens.
XIII. Quæ sunt propria casus fortuiti.
XIV. Rapina est casus fortuitus, non furtum, & quare.
XV. Quid sit providere, ad explicationem l. 2. §. si eo tempore ff. de adm. rer. ad civ. pertin.
XVI. Casus fortuiti alii soliti, alii insoliti. Describitur late hæc DD. distinctio. & nu. seqq.
XVII. Cholera, lues, frigus immoderatum, sunt casus impensati.
XX. Opera Naturæ non sunt casus fortuiti, nisi sint præter consuetudinem, & immoderate: ut frigus, æstus, pluvia, vixi.

Casus fortuitus appellatur vis major, vis divina, fatum, damnum fatale, detrimentum fatale, fatalitas, l. si merces 25. §. vis major, l. si suadus 33. in fin. ff. locat. l. verum 11. §. si locupletis ff. de minor. l. si ut certo §. quod vero ff. commod. l. 1. §. & ille quidem ff. de oblig. & act. l. fluminum 24. §. Servius ff. de damn. infect. l. 3. §. 1. ff. nauta, canon. stabul. l. 3. ff. de instr. vel instrum. leg. l. 1. C. de jure emphyteut. l. cum duobus §. damna ff. pro soc. Ipsum autem his descriptionibus Veteres explicarunt: Qui prævidere non potuit, quæ nullum humanum consilium provide-re potest; l. quæ fortuitis C. de pignorat. act. l. 2. §. si eo tempore ff. de admin. rer. ad civitat. pertin. His tamen non videtur esse consentanea Ulpiani descriptio in l. cum duobus §. damna ff. pro soc. Damna, quæ imprudentibus accidunt, hoc est, damna fatalia.

Emendat hanc legem Hotomannus observ. lib. 4. cap. 16. damna, quæ prudentibus accidunt. Enimvero Latini sermonis elegantiam Ulpiano videtur invidisse. Damna, quæ imprudentibus accidunt, sunt damna, quæ nobis nihil tale cogitantibus accidunt, quia accidunt præter opinionem, atque expectationem, quia provideri, ac præcaveri non possunt. Imprudens enim sæpenumero dicitur, non qui imprudentia, & oscitantia vitio laborat, sed insciens, & ignarus; qui etiam sine ulla culpa, vel scitum præteritum ignorat, vel futurum non providet. Fata etiam prudentissimos fallunt l. 2. ff. de Jur. & scilicet ignor. Futura autem nemo omnia potest providere: nisi Homericus ille vates,

“Ὅς ὃν δὴ τὰτ' ἰδόντα, τὰτ' ἐπαύριον πρότ' ἴδοντα.

Nemo tam prudens est, cui non aliquid accidat præter opinionem. Hic autem in re, quæ præter opinionem, expectationemque accidit, imprudens dicitur, quia
id

id non providit, non quia imprudenter, aut oscitanter se gesserit: nimirum eo verbo factum potius demonstramus, quam animi vitium. Recte Terentius in *Adelpis* act. 3. sc. 4. Numquam ita quisquam bene subdula ratione ad vitam fuit; quin res, atas, usus aliquid apparet novi, aliquid moneat. Et in hac significatione passim usurpatur hoc verbum tum a Veteribus Jurisconsultis, tum a Latinis Scriptoribus. A Jurisconsultis in l. cum ab eo §. ult. ff. de contr. empt. in l. in his rebus §. mulier ff. solut. matrim. ibi: Sive prudens mulier plus esset stipulata, sive imprudens l. si servus 24. §. servum ff. de action. empt. l. atqui 19. ff. de negot. gest. l. cum fundus 31. §. servum ff. de reb. credit. l. in fundo 38. in princ. ff. de rei vindic. A Veteribus Scriptoribus, ut a Cicer. pro Roscio Amer. Hoc omnia, Judices, imprudente L. Sylla facta esse certo scio. Terent. in *Heccy.* Plus bodie boni feci imprudens, quam scians ante hunc diem unquam. & in *Andr.* act. 1. sc. 3. in fine. At ego hinc me ad forum, ut conveniam Pampbulum, ne de hac re poter imprudentem operimat. Cic. pro Sextio, a quo Consul dicitur imprudens impendentium malorum.

Virgil. *Georg.* lib. I.

- 4 — Numquam imprudentibus imber Obsuit.

Miror in hujus carminis interpretatione hærere doctissimos. Hoc nimirum voluit demonstrare Virgilius, tot, ac tam manifesta esse signa imbris impendentis, ut a quolibet prævideri possit: & quamvis noceat agricolis, quia declinari non potest, non tamen nocet iis imprudentibus, sed prævidentibus. Hotomannus tentat emendare duobus modis hunc locum: *numquam prudentibus.* Sed hæc emendatio falsam sententiam affligit Virgilio; nam tempestas, & imber nocet etiam prudentibus: est enim vis major, cui resisti non potest. Vel putat corrigendum,

Tempestas.

affuit. Sed hoc multo languidius est, & a Virgiliana majestate alienum. Post illos versus:

At Boreæ de parte truciis cum fulminat: Et cum Eurique, Zephyrique tonat domus: omnia plenis Rura natans fossis, atque omnia navita ponto Humida vela legit:

Quam languide subjicitur: *imber affuit?* Obsuit plenius est, & vehementius: & explicatius describit vim imbris, qui nocet etiam si prævideatur. Et sane imber ille, quem versus præcedentibus describit, non adest, sed obest. Idem Virgil. 2. *Georg.*

— Nec metuit surgentes pampinus Austros,
Aut actum cælo magnis Aquilonibus imbrem.

Sed ad rem redeamus. Sunt igitur damna fatalia, quæ imprudentibus accidunt: accidunt enim præter opinionem, atque expectationem nostram nobis non providentibus; quia provideri humano consilio non possunt l. 2. §. si eo tempore ff. de admin. rer. ad civit. pertina. l. quæ fortuitis C. de pignor. act.

Cavendum tamen est, ne nobis imposita perversa harum legum interpretatio, quæ in errorem induxit quosdam primæ classis Pragmaticos, qui primas in foro tenuerunt. Existimant illi, nullum esse casum fortuitum, nisi qui sit omnino insolitus & inopinatus. Itaque licet factum Principis referatur inter casus fortuitos, quia ei resisti non potest l. si fundus 33. ff. loc. si a Principe minuantur redditus locorum, montium, id inter casus fortuitos non putant esse recensendum, quia poterat prævideri, Principem posse illos redditus minuere.

Ut evellamus hunc errorem, luculentius

R r

tius

tius exponendæ sunt superiores leges; & natura casus fortuiti accuratius explicanda. Casus fortuitus est, cui humana infirmitas resistere non potest *l. 1. §. & ille quidem ff. de oblig. & act. l. ex conducto §. si vis ff. locat. l. in rebus in princ. ff. commod. l. in iudicio 28. C. de locato.* & ideo vis major, vis divina, fatum appellatur, ut initio diximus. Quocirca etiam prævideatur, tamen declinari non potest: ut imber ille Virgilianus, qui nocet, etiam si cum manifesta signa præcesserint significantia futurum imbrem. Est quidem incertus casus fortuitus, cum a fortuna, sateque pendeat: & ideo recte dictum est, ea, quæ fortuitis casibus accidunt, prævideri non posse in *l. quæ fortuitis C. de pignor. act.* Hoc tamen non ita accipiendum est, quod nemo possit prævidere, generatim accidere posse aliquem casum fortuitum. Nemo quidem divinare, ac præscire potest, an sit eventurus, an non aliquis casus fortuitus; ac proinde non potest culpæ cuiusquam adscribi, quod non præcaverit casum, quem ignorabat exiturum. Nemo tamen ignorat, fieri posse, ut casus aliquis accidat: impendent enim semper mille casus nobis occulti, qui etsi a nobis non prævideantur, scimus tamen evenire posse. Sed hoc non impedit, quominus sint casus fortuiti. Dixi fortasse paulo obscurius; sed exemplis luculentius id explicabo.

Qui rem commodat Titio, ut trans mare ferat, utique prævidere potest tam ipse, quam Titius, fieri posse, ut naufragium faciat, ut in Piratas incurrat. Et tamen tam naufragium, quam Piratarum incursus casibus fortuitis adscribuntur *l. in rebus 18. ff. commod.* Nimirum quia hæc incerta sunt, & a casu pendent, nec præcaveri, ac declinari possunt.

Nemo ignorat evenire posse, ut ædes vel incendio absumantur, vel corruant. Frequentissima erant incendia Romæ, frequentissimæ ruinæ. Juven. *Sat. 3.*

Nam quid tam miserum, & tam solum vidimus, ut non Deterius credas horrere incendia, lapsus Tectorum assiduus.

Senec. lib. 2. *Controv. Tanta altitudo est ædificiorum, tanteque viarum angustia, ut neque adversus ignem præsidium, neque ex ruinis ullum ullam in partem effugium sit.* Hinc sæpe cohibita ædificiorum altitudo, ut crebris ruinis occurreretur. Hinc ab Augusto instituta Vigilum cohortes ad extinguenda incendia, qui non alium ei rei sufficere, quam Cæsarem credidit. *l. 1. 2. & 3. ff. de off. Pref. Vigil.* Qui igitur non veniret in mentem, vel ruinam, vel incendium existere posse? Nihilominus tamen, quia hæc sunt incerta, sunt a casu, evitari non possunt, inter casus fortuitos recensentur in *l. 1. §. & ille quidem ff. de oblig. & act. §. item is cui Inst. tit. quib. mod. re contrah. oblig. l. contractus ff. de Reg. Jur. l. in ratione 30. in princ. ff. ad Leg. Falc.*

Quid mortes animalium? Non adeo raro accidunt, ut conductor gregis non possit prævidere, ac suspicari eas existere posse. Virgil. 3. *Georg.*

*Non tam creber agens hyemem ruit aquore turbo,
Quam multa pecudum pestes.*

Quid fugæ servorum? quam frequentæ illæ fuerunt? Ut quotidianas prætermittam, an non Eunus, Athenio, Spartacus fugitivorum exercitus ingentes, & Romanis ipsis formidabiles coegerunt? Et tamen animalium mortes, & fugæ servorum casibus fortuitis adscribuntur in *l. contractus 23. in fin. ff. de Reg. Jur. l. in ratione 30. in princ. ff. ad Leg. Falcid.* nec ab ullo præstantur, quia sine culpa nostra accidunt, & facile præcaveri non possunt.

Conductor agri certe non ignorat fieri posse, ut grandine segetes prostrantur, uvæ, & oleæ decutiantur, (quam
funo

fundi calamitatem vocat Terentius, Ulpianus vero *calamitosam tempestatem*) ure-dine corrumpantur, a graculis, ac stur-
 11 nis absumantur : aquarum magnitudine, fluminum inundatione valentur agri : & tamen hæc inter casus fortuitos numerantur in *l. ex conducto* §. 1. ff. locat. in *l. contractus* ff. de Reg. Jur. in *l. in ratione* ff. ad Leg. Falc.

Quid ? estne quicquam frequentius, quam debitorum facultatibus labi ? Estne quisquam adeo rudis, ac rerum ignarus, qui nesciat fieri posse, ut debitor facultatibus labatur, & tempore fiant pejora debitorum nomina ? Et tamen hoc fieri
 12 casu fortuito, & hunc casum humano consilio providendi non posse traditum est in *l. 2. §. si eo tempore* ff. de admin. rer. ad civit. pert. *l. in ratione in princ.* ff. ad Leg. Falcid. Nimirum quia nec prævideri potest id futurum, nec evitari : idque sine culpa nostra, & præter expectationem accidit.

Recte igitur, & eleganter, ut semper, M. Tullius lib. 5. epist. 17. *Communem, & incertum casum, neque vitare quisquam*
 13 *nostrum, neque prestare ulla pacto potest.* Hæc duo vitari propria casus fortuiti : ut sit communis, hoc est, cuilibet potuerit evenire, adeoque vitari non potuerit : ut sit incertus, atque adeo præstari non potuerit. Quamobrem licet rapina furto cognata sit ; tamen rapina est casus fortuitus, furtum non item, *l. contractus* ff. de Reg. Jur. *l. cum duobus* §. damnus ff. pro soc.
 14 Rapina enim vitari non potest, nec providendi ne accidat, quia vim continet *princeps*. Insi. de vi bon. raptor. vis autem est majoris rei imperus, qui repelli non potest *l. 2. ff. quod met. caus.* Contra furtum, in quo nulla vis adhibetur, a diligenti patrefam. præcavere potest, raro sine culpa nostra accidit.

Hic autem operæ pretium est animadvertere, quod in laudata *l. 2. §. si eo tempore* ff. de admin. rer. non dixit J. C. casus fortuitos esse, qui prævidendi non possunt : sed, qui nullo humano consilio pro-

videndi possunt : hoc est, adversus quos ca-15 veri non potest, ut explicant Imperatores in *l. tutoribus* 4. C. de peric. tutor. Providere enim, etsi significet futura longe ante videre : tamen plerumque significat curare, ut aliquid fiat, vel non fiat, & præcavere, ne quid accidat. Terent. in Andr. *Quæ si non astu providentur, me, aut verum pessumdabunt.* Cic. 3. in Verr. Nam qua invidia C. Junius conflagravit, ea, nisi providisses, tibi ipsi sum perecundum fuisset. Cæf. de Bell. Gall. lib. 5. Tum demum Titurius, uti qui nihil ante providisses, trepidare. Cic. lib. 6. epist. 10. ad Trebat. in fine : *Quæ sunt in fortuna temporibus regentur, & consiliis nostris providebuntur.* Hinc frequens illa in Re-scriptis Imperatorum formula : *Præses, vel Juxta providebis* *l. qui legati* 5. C. ut in possess. legat. *l. 3. C. si min. se major. dixer.* *l. 2. C. de tempor. in integr. rest. l. ult. C. comm. divid. l. ex pecunia* 12. C. de jur. dot. *l. si creditores* 18. C. de pact. *l. nec omisa* C. de liber. causa : & alibi passim. Hinc providus dicitur, qui solers est, & cautus in accurandis iis, quæ ad rem bene gerendam, & vitanda pericula, & imminencia damna conducunt. Quapropter providum fortuito opponitur. Cicer. de Natur. Deor. Atque ut intelligamus, nihil bonum esse fortuitum, & hæc omnia esse opera provida, salertisque nature.

Ex quibus conjecturam facio etiam in *l. quæ fortuitis* C. de pignor. act. legendum esse cum providendi non ponerint : ut legi-16 tur in quibuldam optimæ notæ codicibus : quæ lectio & multo elegantior est, & multo accommodatior ad explicandum naturam casus fortuiti. Cicer. lib. 2. de Invent. agens de accusando eo, qui se defendit necessitate casus fortuiti. Postea demonstrare potuisse evitari : & hac ratione providendi potuisse, si hoc, aut illud fecisset ; aut nisi fecisset, præcavere. Est enim casus fortuitus, fortune vis, quæ obstat hominum voluntati, & eludit eorum consilia. Id. eodem libro 2. de Invent. Casus autem inferretur in concessionem, cum do-

monstrabitur aliqua fortuna vis voluntati obstitisse. Idem pro M. Marcello: Numquam ad consilium casus admittitur. Et pro Rabirio Postum. de facto Regis, quod putabatur casus fortuitus, ait: Nolite igitur fortunam convertere in culpam, neque Regis injuriam hujus crimen putare: nec consilium ex necessitate: nec voluntatem ex vi interpretari. Recte, nam in Jure nostro hæc tria considerantur: dolus: culpa: casus fortuitus. Quod caret dolo & culpa, adscribitur necessitati ac vi, & casus fortuitus appellatur l. contractus 23. ff. de Reg. Jur.

His expostitis, constat, epergie allucinari eos, qui reprehendunt distinctionem nostrorum Interpretum inter casus solitos, & insolitos: & arbitrantur, omnes casus fortuitos insolitos esse, cum sint
 17 omnes omnino inopinati. Enimvero casus fortuiti, si comparentur ad ea, quæ quotidie naturaliter accidunt, sunt omnino insoliti: si vero inter se conferantur, alii soliti sunt, alii insoliti. Sunt enim quidam casus, qui frequenter accidunt: sunt quidam alii, qui insolenter, ac raro, ac sere numquam. Et hi sunt omnino inopinati, quia vix possunt homini vel cautissimo ac solertissimo in mentem venire: ut est chasma, & labes, cum ad ingentem altitudinem terra desedit: ut fuit frigus anni præsentis, quo ubique oleæ omnes adustæ, & alicubi etiam vitæ aruerunt, cujus vix apud Scriptores extat memoria, quo referri potest responsum Jurisconsulti de nivibus immoderatis, quæ frumenta corruerant in l. fistulas §. ult. ff. de contrab. empt.

19 Qui hanc distinctionem reprehendunt, tuerentur se auctoritate J. C. in l. fistulas §. ult. ff. de contr. empt. Frumenta, quæ in herbis erant, cum vendidisses, dixisti, te, si quid vi, aut tempestate factum esset, præstaturum: ea frumenta nives corruerunt. Si immoderata fuerunt, & contra consuetudinem tempestatis, agi tecum ex empto poteris. Vel, ut docti Viri emendant: contra consuetudinem tempestates.

Sed meminisse oportet ejus, quod supra monuimus ex Cicerone: opera providæ, solertisque naturæ fortuitis oppositi. Quamobrem hæc non dicuntur sortuita, nec ad fortuitos casus referuntur, nisi sint insolita, immoderata, & præter solitum, & consuetum naturæ ordinem. Pluviz, venti, nives, frigus, æstus, tumentes fluminum undæ, sunt opera providæ, solertisque naturæ: adeoque ad casus fortuitos non pertinent, nisi immoderata sint, & præter solitum, & contra consuetudinem. Quamobrem recte Ulpianus in l. ex conducto §. 1. ff. locati ait, *Aut Solis fervore non assueti id acciderit, damnum domini futurum: si vero nihil extra consuetudinem acciderit, damnum coloni esse.* Fervor Solis naturaliter quotannis accidit: atque adeo ut ad casus fortuitos referatur, necesse est, ut sit contra consuetudinem, non sit assuetus. Eadem ratione in l. contractus in fin. ff. de Reg. Jur. ad casus fortuitos referuntur non aquæ, aut pluviz sed aquarum magnitudines: & in l. fluminum 24. §. Servius ff. de damn. inf. non veati, sed ventorum violentia: & in l. damni inflicti 43. ff. cod. *Sed si tanta vis venti fuisset, ut quamvis firma ædificia convelleret, & in §. cum autem emptio Inst. tit. de empt. & vendit. Inundatione aquæ, aut arboribus turbine dejectis.* Hæc enim omnia, cum sunt consueta, naturaliter accidere, sed vim divinam habere creduntur d. l. fluminum §. Servius ff. de damn. inf. Verissimum est quod diximus, omnes casus comparatos ad ea, quæ in dies naturaliter accidunt, insolitos esse.

CAPUT XXVII.
AD L. QUIDAM TESTAMENTO

96. ff. de legat. 1.

SUMMARIUM.

- I. Quid differat assignatio fundi taxative, an demonstrative facta sit.
- II. Plura exempla fundi assignati demonstrative.
- III. Plura exempla fundi assignati taxative.
- IV. Quando taxationis, vel demonstrationis vicem obtinet fundi assignatio, & n. 17.
- V. Quando certum corpus deducitur in obligationem, semper illud taxative fit.
- VI. Semper est in emptione: & quare?
- VII. Error in materia licet non vitiet alios contractus, vitiat emptiones: & quare?
- VIII. Venditor non debet assignare, quae ligantur.
- IX. Conditiones quae ad praesens, vel praeteritum referuntur, non faciunt alium conditionalem.
- X. Alind est taxatio fundi: aliud taxatio temporis.
- XI. Dies non ad faciendam obligationem, sed ad differendum solutionem adiciuntur, & quando secus?
- XII. Adiectio reditus, aut fructus conditionaliter facta semper vicem taxationis obtinet.
- XIII. Demonstratio in futurum collata conditionem facit.
- XP. Qui legat id, quod a Titio heres carere, videtur legare actionem, quam habet adversus Titium; sicut qui legat, quod sibi debetur.
- XVI. Fundus obligatus pignori nunquam vicem taxationis obtinet: & quare? Pignus neque augi, neque minui obligationem.
- XVII. Cum certa quantitas deducta est in obligationem, assignatio loci habet vim demonstrationis, & n. 20. & 21.
- XVIII. Certa atque conditionem facit adiecta substantia legati, non eius executioni.
- XIX. Dies in testamento heredis causa adiectus, non facit conditionem.
- XXII. Fundus assignatus substantia legati, habet vim taxationis, & n. seqq.

IN celebri illa quaestione, quae saepenumero in Foro agitur, an assignatio certi fundi, vel loci, vel summæ, facta censetur taxationis, vel demonstrationis causa, multæ occurrunt leges, quæ videntur inter se pugnare, & accurata indigent explicatione. Non raro hac de re disputandum est: nam facile evenire solet, ut fundus destinatus, & assignatus, vel initio, vel progressu temporis non sufficiat ad erogandam debitam præstatio-

nem: quo casu si taxationis causa fundus est assignatus, non tenetur aliunde supplere, qui ad eam præstationem est obligatus: si vero demonstrationis causa sit adiectus, supplere tenebitur, & integram præstationem solvere, etiamsi ex fundo assignato redigi non possit. *l. quidam testamento 96. in princ. ff. de legat. 1. l. Paula Callinico 27. ff. de leg. 3. l. cum certus ff. de trit. vin. & ol. leg.*

Quod fundus demonstrationis causa sit assignatus, probari videtur primo ex *l. quidam testamento 96. in princ. ff. de leg. 1.* ubi proponitur huiusmodi legatum: *Anreos quadringentos Pamphila dari volo; ita ut infra scriptum est: a Julio actore aureos tot, & in castris, quos habeo tot; & in numerato quos habeo, tot.* Testator ante mortem summam illam in alios usus convertit. Quæsitum est, an hæres nihilominus teneretur ad solvendum Pamphilæ quadringentos. Respondit Julianus: *Verosimilius est patremfam. demonstrare potius heredibus voluisse, unde aureos quadringentos sine incommodo rei familiaris contrahere possent, quam conditionem fideicommissi incesse, quod initio pure datum esset; & ideo quadringenti Pamphilæ debebuntur.*

Secundo, ex *l. Paula Callinico 27. §. Julianus ff. de leg. 3.* ibi: *Placuit Impetratori non videri ejus fideicommissum, sed demonstratum unde accipere posset, & ideo heres Severi hæc præstare debet.*

Tertio, ex *l. Lucius Titius 12. ff. de aliment. leg. ibi: Paulus respondit, cibaria, & vestimenta integra deberi: neque ex eo, quod postea prædia his pignoris jure testator obligare voluit, ut ex reditu eorum alimenta perciperent, minuisse eum, vel auxisse ea, quæ reliquerat, videri.*

Huc etiam referunt Interpretes nostræ textus in *l. ex eo vino 13. ff. de trit. vin. & ol. legat. in l. Firmio Heliodoro 26. ff. quan. dies legat. ced. in l. inter stipulantes §. sacram. ff. de V. O. in l. legatum §. vini ff. de ann. leg.* In quibus supplenda est quantitas legata, vel promissa ex reditu aliq-

aliorum annorum, si minus aliquo anno collectum fuerit ex redditu fundi assignati.

Contra vero quod fundus videatur assignatus causa taxationis, adeoque suppiendum non sit, si minus ex eo redigi possit, probari videtur ex *l. cum certus* 5. ff. de tritic. vin. & al. leg. ibi: Cum certus numerus amphorarum vini legatus esset ex eo, quod in fundo Sempsoniano natum esset; & minus natum esset, non amplius deberi placuit, & quasi taxationis vicem obtinere hac verba; quod natum erit.

Secundo, ex *l. si debitor* 39. §. 1. ff. de contr. empt. ibi: Verisimile est eum, qui fructum olive pendens vendidisset, & stipulatus est decem pondo olei, quod natum esset, pretium constituisse ex eo, quod natum esset usque ad decem pondo olei: idcirco solis quinque collectis non amplius emptor petere potest, quam quinque pondo olei, quæ collecta essent.

Tertio, ex *l. nomen debitoris* 34. §. uni ex heredibus ff. de leg. 3. ibi: Respondit manifeste proponi, ex rebus bonorum eorum iussu et alienum exsolvere, non de proprio.

Ut has, & alias leges conciliemus, & magis distincte, atque explicite, quam ab aliis factum sit, hanc quaestionem exponamus; primum monendum est, huic quaestioni tantummodo locum esse, quando certa quantitas legatur, aut deducitur in obligationem, eaque percipienda est ex redditu alicujus fundi, vel ex aliquo loco: tunc enim in controversiam vocatur, an adjectio illa loci, vel fundi habeat vim taxandæ, ac minuendæ obligationis, si ex eo loco, vel fundo tota illa quantitas redigi, ac percipi non possit. Et de hoc agunt omnes leges modo laudatæ, ut facile poterit quilibet animadvertere. Contra vero, si non certa quantitas ex fundo assignato percipienda deducatur in obligationem: sed ipse fundus, vel certum corpus in obligatione ponatur, & deinceps ejus redditus, vel quantitas enuntietur: tunc hæc adjectio demonstrationis causa facta censetur, ni-

si constet de contraria voluntate. Quamobrem in *l. si servus* 108. §. qui quinque ff. de leg. 1. responsum est, quod si testator legaverit decem, quæ in arce habet, si quinque habeat, quinque tantum debentur: idemque esse in stipulatione. Et in *l. si ita legatum* 65. in princ. ff. eod. Si quis legaverit decem servos, præter eos, quos Sejo legavit: & pauciores inveniantur, illi tantum debentur. Cum enim certum corpus legatum sit *d. l. si servus* §. qui quinque *l. sed si certus* 51. & *l. plane* 34. §. sed hoc ita ff. de leg. 1. corpus illud deducitur in obligationem, ut ajunt, taxative, & quantumcumque sit, ipsum solum debetur: quantitas autem, & summa adjecta est demonstrative, adeoque non augeat legatum, nec tenetur hæres supplere, si desit aliquid quantitati demonstratæ. Neque enim quantitas deducta est in obligationem, sed certum illud corpus nummorum, qui in arca sunt, & ideo si nihil sit in arca, nihil est in legato *l. 1. §. sed & si dotem* ff. de dot. preleg. d. *l. si servus* §. qui quinque. & *l. si ita legatum* in princ. ff. de leg. 1.

Alia tamen causa est emptionis, & venditionis: nam si venditor homini dixerit peculium cum habere decem, nec quicquam adempturum: si plus sit in peculio, totum præstare debet; si minus, præstare debet decem, quæ in peculio esse dixit *l. si venditor* in princ. ff. de action. empti. Nam in emptione, & venditione id, de quo convenit, omnino præstandum est. *l. ex empto* 11. §. 1. ff. de action. empti. *l. cum venderem* ff. locat. & quod venditor in contrahendo dixit, omnino præstare debet, nam emptor decipi non debet, qui forte aut empturus non fuisset, aut minoris empturus *l. quero* 39. ff. de action. empti. Et ideo error in materia licet non vitiet alios contractus *l. si id quod aurum* 22. ff. de P. O. *l. 2. ff. de pig. act. l. cum ex ff. de furt.* vitiat tamen emptionem, & venditionem *l. in venditionibus* 9. §. ult. *l. alioquin* in princ. *l. quid tamen* in fin. *l. cum ab eo* §. ult. ff. de contr.

contr. empt. l. si sterilis §. quamvis ff. de action. empt. quia præsumitur, emptorem non fuisse empturum, si scivisset alterius esse materiz: quo fit, ut propter dissensum vitari traditum sit in d. l. in venditionibus, & in d. l. alioquin ff. de contr. empt. Qui error licet sit causa dissensus in emptione, propter pretium, quod est ab emptore solvendum; tamen non est causa dissensus in aliis contractibus: alioquin enim nec alii contractus valerent l. inter 83. §. 1. l. continuus §. 2. ff. de V. O. §. si de alia Inst. tit. de inst. stip. Cum igitur venditor præcise teneatur ad præstandum id, quod dixit, ne emptor decipiat: & in d. l. si venditor ff. de action. empt. duo dixerit, & affirmaverit: servum habere peculium, & in peculio esse decem: utrumque præstare tenetur. Primum præstare tenetur totum peculium quantumcumque sit: dixit enim, se nihil

8 adempturum. Potius enim assentior Accursio, qui putat, illa esse verba contractus, quam Fabro, qui eum reprehendit, existimans, esse verba Jurisconsulti: tota enim complexio verborum cum antecedentium, tum subsequentium pro Accursio est. Præterea præstare tenetur, in peculio esse decem, sicut dixit, & ideo si minus sit, supplere debet. Neque audiendus est venditor, si dicat, se ignorasse quantum esset in peculio: non enim debuit facile, quæ ignorabat, asserere. l. Julianus §. quid tamen ff. cod.

Neque quisquam putet, idem traditum fuisse de stipulatione in l. si ita stipulatus 120. ff. de V. O. Etenim ibi non queritur de supplenda summa, si centum aureorum non sit, sed solum queritur, an hæc stipulatio, banc summam centum aureorum dare spondeat, sit conditionalis, nec ne. Respondit Papinianus, non esse conditionalem: nam etiamsi contrahentes ea mente stipularentur, ut tantummodo debeatur ea summa, si modo centum aureorum sit; tamen non erit conditionalis stipulatio, quia verba, quæ ad præsens tempus referuntur, non faciunt conditionem

d. l. si ita stipulatus in fin. ff. de V. O. l. itaque ff. de reb. cred. quia non suspendunt actum l. cum ad præsens ff. cod. §. conditiones Inst. tit. de V. O. Non affirmat, præsumi contrahentes ita fensisse: hoc enim fallum est l. si servus §. qui quinque ff. de legat. 1. sed affirmat, non esse conditionalem stipulationem, etiamsi ita fenserint, ut ostendat, nullo casu dici posse conditionalem.

Secundo, operæ pretium est animadvertere, multum interesse inter taxationem loci, vel fundi, & taxationem temporis; quod non distinguentes DD. nostri, in varios errores prolapsi sunt. Itaque perperam existimarunt in l. ex eo vino ff. de trit. vino & ol. leg. in l. legatum §. vini ff. de ann. leg. in l. Firmio Heliodoro ff. quando dies leg. ced. in l. inter §. sacram ff. de V. O. fundum adjectum fuisse demonstrationis causa. Vere enim fundus taxationis causa fuit assignatus, sed cum tempus taxatum non fuerit, si quid uni anno defuerit, suppletur ex aliis annis. Non est supplendum ex alio fundo, sicut suppleri debet, quoties fundus demonstrationis causa fuit adjectus, nec tenetur quicquam debitor præstare, nisi id, quod in eo fundo natum erit: nihil tamen interest utrum hoc, vel illo anno natum sit d. l. legatum §. 1. ff. de ann. leg. d. l. ex eo vino ff. de trit. vin. & ol. leg. Expectandum est igitur donec nascatur id, quod debetur l. inter §. sacram. versic. pro quo & illud ff. de V. O. Imo etiamsi præfixum sit certum tempus; tamen tempus illud non taxationis, sed differendæ obligationis causa præsumitur adjectum: ac propterea longius tempus est expectandum. Quamobrem si quis ita leget: fratri meo dari volo quinquaginta ex redditu prædiorum futuri anni: si minus quam quinquaginta colligatur primo anno, expectanda est ubertas secundi anni: nam legato non conditio adjecta videtur, sed prolatum tempus solvendæ pecuniæ l. Firmio Heliodoro ff. quan. dies legat. ced. Dies enim obligationi adicitur ad differendam solu-

tionem; ne presenti die pecunia debeatur *l. cum qui §. 1. ff. de V. O. §. omnis stipulatio Inst. tit. de V. O.* non ad eam taxandam, aut limitandam ad certum tempus, cum hoc sit contrarium naturæ temporis adjecti, quod ipso jure obligationem finire atque extinguere non potest *l. obligationum fere 44. §. 1. versic. places ff. de oblig. & act. §. as si ita Inst. de V. O.* Non potest igitur peti ante diem, cum dies adjectus fuit *l. nihil peti 186. ff. de Reg. Jur. d. §. omnis Inst. tit. de V. O. l. 2. §. quis ita ff. de eo quod certo loco. l. non tamen 9. ff. ut legat. nom. cau. potest tamen peti quodcumque post diem; hoc enim est in arbitrio debitoris, quando petere velit post diem. Recte igitur respondit J. C. quod cum tempus futuri anni sit adjectum ad proferendam solutionem, expectanda sit ubertas secundi, si ex redditu primi anni redigi non possint quinquaginta. Adjicitur quidem dies aliquando ad finendam obligationem *d. l. obligationum fere §. 1. vers. places ff. de V. O. & §. as si ita Inst. eod.* Sed cum hoc repugnet naturæ temporis, quia tempus non est modus constituendæ, aut tollendæ obligationis *d. l. obligationum, & d. §. as si ita*, si non consistet de contraria voluntate adjicientis, semper intelligitur adjectum differendæ solutionis causa, cum hoc sit maxime conveciens naturæ ipsius temporis. In specie proposita in *d. leg. Firmio Heliodoro ff. quan. dies leg. ced.* non constabat de contraria voluntate testatoris; quia verba illa, *futuri anni*, sunt apta per se ad comprehendendum tam primum, ac proximum, quam omnes alios annos insequentibus *l. cum qui Calendis in princ. ff. de V. O.* quapropter nulla causa est, cur ea verba debeamus interpretari contra naturam ipsius temporis, & contra consuetudinem testatorum, & etiam contra conjecturam voluntatis ejus, qui legavit quinquaginta, quem verisimile non est legatum minuisse per adjectionem temporis, quod non minuendæ, aut tollendæ obligationis causa adjici solet,*

sed differendæ solutionis.

Tertio, monendum est, quod quando reditus fundi, aut fructus adjectus est per modum conditionis, semper facit taxationem. Ratio in promptu est, quia ea vis est, & natura conditionis, ut exstans actum perficiat, deficiens actum irriter, perinde ac si non fuisset celebratus *l. hæc venditio ff. in princ. ff. de contr. empt. l. necessario 8. ff. de peric. & comm. rei vend. l. si quis 37. ff. de contr. empt. l. Thais 41. §. intra ff. de fideic. lib. l. pupillorum C. de adm. tutor.* Cum autem deficiens conditio impediatur, ne nascatur obligatio, multo magis habet vim ejus minuendæ. Quapropter cum J. C. quærent, an destinatio, & assignatio fundi, vel loci, unde percipiendum est id, quod debetur, taxationis vicem obtineat, an demonstrationis, semper illud expendunt, an testator per illam destinationem, & assignationem voluerit adjicere conditionem legato: & si voluit adjicere conditionem, taxatio est, sin minus, demonstratio ut in *l. quidam testamento ff. de leg. 1. & in l. Firmio Heliodoro ff. quan. dies leg. ced. in l. nuper 85. ff. de leg. 3.*

Hinc constat cur in *l. cum certus §. ff. 13 de trit. vin. & ol. leg. & in l. legatum §. vini Falerni ff. de ann. legat. & in l. si debitor 39. §. 1. ff. de contr. empt.* vim taxationis obtineant verba illa: *quod natum erit*: quod nascetur, & similia: nam verba illa conditionem faciunt *l. 1. §. ult. ff. de cond. & demonstr.* Demonstratio enim in futurum collata conditionem facit *l. nuper 85. in fin. ff. de leg. 3. l. quoties 11. ff. de rebus dub. l. Sticubum qui meus 6. ff. de leg.* Et ideo minuitur obligatio pro ea parte, pro qua falsa erit demonstratio *l. scribis 34. in fin. ff. de aur. & arg. legato.*

Nec obstat text. in *l. Firmio Heliodoro in princ. ff. quan. dies legat. ced.* Nam ibi longe alia quæstio pertractatur: an scilicet, tempus illud, quod fuit adjectum *futuri anni* conditionem faciat, & restringat obligationem ad proximum annum,

an vero sit adjectum ad differendam solutionem, adeoque comprehendat omnes futuros annos quoad creditorem.

Non obstat etiam textus in *l. ut heredibus* 50. *alias l. si Titius* 5. cum ita ff. de leg. 2. ubi ex sententia Publicii respondit Marcellus, purum esse, non conditionale hujusmodi legatum: *quantum pecuniam heres meus a Titio exegeris, tantam Mævio dato*. Nam testator non adjecit illam demonstrationem animo restringendi, ac minuendi legati. Voluit enim legare totum id, quod a Titio exigi posset: hoc est, voluit legare nomen debitoris: sed ut legatarium liberaret ab incommodo, & molestia exigendi, gravavit heredem ut exigeret, & quod exegisset Mævio legatario solveret. Itaque in eo legato licet ex verborum conceptione videatur contineri summa, quæ ab herede fuerit exacta: tamen vi ipsa continetur ipsum sum exigendi, & actio, quæ heredi competit adversus Titium: & ideo si legatarius velit, sibi præstari actionem adversus Titium, poterit statim heredem cogere ad eas sibi præstandas *d. l. ut heredibus in fin.* Non aliter qui legat centum, quæ sibi a Titio debentur, licet verborum conceptione contineantur in legato centum; tamen vi ipsa legata est actio, quæ competit adversus Titium, & hæres non tenetur præstare centum, sed actionem cedere *& tam autem* 21. *Instit. tit. de legat. l. si sic legatum* §. *quod si ff. de legat. 1.* Et ideo si Titius nihil debeat, inutile est legatum, quia nulla est actio quæ cedi possit *d. l. si sic legatum* §. *quod si*.

Quarto denique animadvertendum est, quod quando fundus creditoris alicujus quantitatis annuæ obligatur vice pignoris, ut ex eo quantitatem illam annuam percipiat, dubitari non potest, illam fundi obligationem taxationis vim habere non posse, ut traditum est in *l. Lucius Titius* 12. ff. de alim. vel cibor. leg. Pignus enim potest esse tum majus, tum minus debito, pro quo obligatur: & si

Tom. I.

maius sit, non auget obligationem: si minus, eam non minuit. Non potest enim mutare principalem obligationem pignus, quod ei accedit, eamque sequitur *l. cum principalis ff. de Reg. jur. c. accessorium de R. J. in 6.* Absurdum autem esset pignus, quod pro securitate creditoris constituitur, & ut creditori cautum sit §. ult. *Instit. quib. mod. re contr. obl. l. 1. §. jubet 9. ff. de collat.* minuere obligationem creditoris: & quod ad fulciendam, & confirmandam obligationem datur, eam extenuare, & pro parte saltem irritare, & infirmare contra text. in *l. nulla juris ff. de legib.*

Hæc, quæ hæcenus exposuimus, non satis accurate distinguentes, ac perpendentes Interpretes nostri, rem per se dubiam, & controversam infinitis difficultatibus involverunt. His autem expositis paucæ admodum leges superflue explicantur, ex quibus hæc extitit controversia. Solent autem DD. ita distinguere. Si fundus, vel locus, unde percipienda est quantitas legata, sit adjectus, & assignatus in eadem oratione: taxationis vim habet assignatio: si vero in diversa oratione, demonstrationis. Alii vero distinguunt, utrum fundus sit adjectus ipsi legato, vel donationi, vel substantiæ contractus: an vero executioni, & solutioni. Primo casu taxationis, secundo demonstrationis vicem obtinere. Existimo etiam superioris sententiæ auctores hoc idem dicere voluisse: sed aliis verbis expressisse. Quid enim interest una, an duabus orationibus testator id comprehendat, nisi quod fundus adjectus in eadem oratione adhæret substantiæ legati, & obligationis: in diversa vero oratione adjectus, solet respicere executionem obligationis? Et hæc rationem habent. Nam cum substantia obligationis consistit in aliqua certa quantitate, quæ in obligationem deducta est, non mutat ipsam obligationem, nec minuit quantitatem, quod testator, vel debitor adjiciat locum, aut fundum, unde illa percipienda est, S s & sol.

& solvenda. Hoc enim solummodo respicit solutionem, & afficit legati executionem, non vero ipsam obligationem pure contractam: ac propterea substantiam obligationis mutare non potest. Et hoc est, quod traditur in *l. quidam testamento* §6. ff. de leg. 1. Vero similis est, patremfam. demonstrare potius heredibus voluisse, unde aureos quadringentos sine incommodo rei familiaris contrahere possent, quam conditionem fideicommissio iniecisse, quod initio pure datum esset.

Idem quoque constitutum est in adj. 18tione certæ ætatis. Certa ætas legatarii adjecta legato conditionem facit. *l. si Titio* 22. in princ. ff. quando dies leg. ced. Nam dies incertus facit conditionem *d. l. si Titio*, & *l. dies incertus. l. si quis* 54. *l. heres* 79. ff. de cond. & dem. *l. si ita scriptum* 45. §. ult. ff. de leg. 2. *l. si ita scriptum* ff. de manum. testam. *l. quodsumque* §. 1. ff. de V. O. Sed conditionem facit certa ætas, quoties est adscripta ipsi legato, & coheret substantiæ legati: ceterum, quando est adjecta solutioni, & executioni legati conditionem non facit, *l. ex his verbis C. quando dies leg. ced. l. Firmie Heliodoro* §. 1. ff. quando dies leg. ced. Nam dies adjectus solutioni, non afficit obligationem, cui non fuit adjectus, & ideo obligationem non suspendit. Quo fit, ut testator adjiciendo diem solutioni, videatur voluisse solutionem prorogare: aliud autem est prorogare solutionem, aliud injicere conditionem legato, vel fideicommissio *l. Sejns Saturninus* ff. ad S. C. Trebell. Item quoties dies 19 incertus exonerandi hæredis causa adjicitur solutioni, eam in plures pensiones, ac plures annos distribuendo hæredis commodo, conditionem non facit *l. si cum prefinitione* ff. quando dies leg. ced.

Eadem est ratio fundi, locique, ac personæ adjectæ. Hæc adjectio conditionem facit, quoties substantiæ obligationis adjicitur *l. 1. §. ult. ff. de cond. & dem.* si vero adjiciatur solutioni, & executioni legati, vel alterius obligationis, &

ipsum hæredis commodo, ut sciat unde possit commode debitam quantitatem coagere, non facit conditionem, nec minuit obligationem. Et hoc innuit Julianus in *l. quidam testamento in princ. ff. de legat. 20* 1. illis verbis: *Verosimilius est patremfam. demonstrare potius heredibus voluisse, unde aureos quadringentos sine incommodo rei familiaris contrahere possent.* Quotiescumque igitur apparet, testatorem voluisse demonstrare hæredi, unde posset commode percipere quantitatem solvendam, tunc adjectio loci, vel fundi conditionem non facit, nec vicem taxationis obtinet. Hoc autem apparet, quando testator legato pure relicto adjicit locum, vel fundum, unde solvi possit, ut in *d. l. quidam testamento* ff. de leg. 1. ibi: *fideicommissio, quod initio pure datum esset.* Qui legato, quod initio pure datum est, adjicit locum, unde solvi possit, ad expediendam solutionem, non ad minuendam obligationem videtur adiecisse.

His probe constitutis, facilis est omnium legum, quæ supersunt, expositio, & conciliatio. In *l. quidam testamento* ff. de leg. 1. initio quadringenti pure legati fuerunt: postea adjectum, unde patremfam. sine incommodo rei familiaris posset quadringentos contrahere. Hæc adjectio, est demonstratio, non taxatio aut conditio: & ideo debentur quadringenti, etiamsi ex locis a testatore demonstratis contrahi non possint.

In *l. Paula Callinico* §. *Julianus* ff. de legat. 3. Julianus alumno suo quinquaginta legaverat: eaque a Juliano Mauro colono suo ex pensionibus sibi debitis præstari voluerat. Manifeste hic locus, unde percipienda est pecunia legata, adjectus est præstationi legati, quod initio pure datum erat. Et ideo recte J. C. ait, hic fuisse demonstratum, unde heres accipere posset.

Contra vero in *l. nomen debitoris* §. *uni ex heredibus* ff. de legat. 3. junctum erat uni ex heredibus onus solvendi res alienum, quod ex bonis Arctonis debebatur:

22batur : & assignati erant reditus eorumdem bonorum ad solvendum hujusmodi æs alienum : itaque assignatio respiciebat ipsum onus injunctum , & ejus substantiæ adjecta erat . Oneris enim substantia consistebat in ipsa solutione æris alieni : & huic ipsi oneri sustinendo assignatus est certus fundus . Quamobrem recte responsum est a Scævola , hanc assignationem taxationis vicem obtinere his verbis : *Respondit, manifeste proponi ex rebus bonorum eorum jussu æs alienum exsolvere, non de proprio.*

Idem traditum in l. Firmio Heliodoro in princ. ff. quan. dies legat. ced. Firmio Heliodoro fratri meo dari volo quinquaginta ex redditu prædiorum meorum futuri anni .

23 Non dubitat Jurisconsultus, quin prædia sint assignata taxationis causa , adeo ut non teneatur hæres de proprio solvere , quia assignatio adjecta est substantiæ legati . Dubitat tantummodo , an illa temporis adjectio , futuri anni , conditionem faciat , & restringat legatum ad reditus proximi anni : an vero contineat prorogationem solutionis , & extendatur ad annos insequentes . Quapropter si testator non adiecisset illa verba , futuri anni , nulla fuisset dubitatio , quin hujusmodi legatum restrictum esset ad reditus prædiorum , nec de proprio , aut aliunde solvendum non esset .

Item in l. inter stipulantem §. sacram. versic. pro quo ff. de V. O. stipulatus est quidam ex fundo centum amphoras vini . Manifeste hic fundus est adjectus substantiæ obligationis . Et ideo ait JC. amphoras vini non deberi , nisi ex vino , quod in fundo natum erit , & si fuerit bona fide consumptum a promissore , expectandum , ut iterum nascatur , & per has vires aut cessaturam , aut valituram stipulationem ,

CAPUT XXVIII.

AD L. GENERALI

32. §. Uxori 2. ff. de usufr. leg. & l. prædia 27. §. liberte 3. ff. de instr. vel instrum. leg.

SUMMARY.

- I. Designatio certi loci aliquando restringit legatum .
- II. Legato rerum quæ alicubi sunt , continetur quæ eade causa abstant : & non continentur , quæ idè casu sunt . & n. 21. & 22.
- III. Quæ res constentur perpetuo , vel casu esse in aliqua loco .
- IV. Legato rerum omnium , quæ in domo sunt , non continentur calendarium , & nomina debitorum . & n. 4.
- V. Quid si nominatim exceptum fuerit calendarium , aut legatum calendarium .
- VI. Calendarium quid ?
- VII. Legato usufructu bonorum , & calendarium , & actiones continentur .
- VIII. Verba , alia , cetera , similis expressis includunt .
- IX. Si hæredi servus præsetetur , coheredes nullam actionem habent ad petendum id , quod servus dominus debebat .
- X. Si cui peculium legatur , hæres retinet quod dominus debebat , iure exceptiois , non jure actionis : & quare ?
- XI. Legato rerum , quæ alicubi sunt , pecunia funeraria non continetur .
- XII. Legato etiam universali rerum alicubi existentium pecunia non continetur , sed vide n. 26. & 27.
- XIII. Taberna nomine continentur merces , & omnia , quæ sunt in taberna , & n. 28.
- XIV. Pecunia prædii causa seposita continetur : & quare n. 30.
- XV. Quæ sit pecunia prædii causa seposita ?
- XVI. Pecunia quid ?
- XVII. In his legatis designatio patrisfam. attenditur . & n. 32.
- XXIII. Argentum continetur , nisi fuerit vemale .
- XX. Nec res commodata , nec pignorata continentur .
- XXII. Argentum alibi a testatore depositum continetur .
- XXIII. Legato rerum , quæ Romæ sunt , continentur ea , quæ sunt in continentibus Urbis .
- XXIV. Depositum non semper significat cautum .
- XXV. thesaurus aliquando dicitur etiam si , cuius depositionis erat memoria .
- XXVI. Exceptio efficit , ut includantur omnia præter excepta .
- XXVII. Quid comprehendit id , de quo magis dubitari poterat , comprehendit etiam id , de quo minus . & n. 32.
- XXIX. Exceptio non inducit inclusionem eorum , quæ sunt diversi generis . & n. 31.
- XXX. Pecunia quæ in agris habetur ad pascendum servos , & erigenda opera rusticæ , continetur .

XXXI. Res venales non continentur, etiamsi legatum sit uniuersale, & in eo aliquid nominatim exceptum.

XXXII. Etiamsi legatum non sit loco circumscriptum. Exceperunt u. 37. & 38.

XXXIII. Affectus ratio.

XXXIV. Preponitur & reprobatum distinctio inter res, quæ negotiationis causa habentur, & alias res venales.

XXXV. Merces quæ dicuntur, aut meritis, & promeriti causa haberi: item quæ dicuntur res venales? & n. 40.

XXXVI. Servi an meritis uocari sint?

XXXIX. Fructus in fundo nati, & uigine coacti an continentur? uide distinctionem.

XL. Fructus fundi ad vendendum destinati sunt res venales. & n. 35.

XLI. Res destinata habetur pro re, cui destinata est, & utriusque item ius.

XLII. Legatum fundi cum rebus, quæ ibi sunt, comparatur legato fundi cum instrumentis.

XLIII. Legato fundi instrumenti fructus non continentur, excepti illis, qui sunt necessarij ad cultum & instruendum agrum.

XLIV. Legata quæ non continent res venales, nec continent fructus venales.

XV. Particula item habet vim rependi.

XVI. Legatum uisusibus bonorum quid continet?

XVII. Solus alia privata, alia publica.

XLIX. Lictio Paulellanum Florentianorum an semper prefata?

LII. Per voluntariam alienationem etiam invalidam, imo per solam destinationem alienandi legatum adimitur.

LIII. Virum in dolis, & nimium de dolo.

LIV. Fructus, qui hodie solent subministrari colonis pastorem, non continentur.

LV. Legatum fundi cum amaris rebus, an latius potest legato fundi instrumenti.

collocata. Contra quæ casu abunt, & temporis causa alio translata fuerunt, aut fraudulenter ab aliquo minuendæ obligationis causa, continentur, etiamsi in loco assignato non sint l. si ita legatum 86. ff. de leg. 3. ibi: Labconis distinctionem valde probo, qui scripsit, nec quod casu abesset, minus esse legatum: nec quod casu ibi sit, magis esse legatum. l. si fundus 44. ff. eod. ibi: Quæ ad tempus ibi sunt, non videntur legata. l. qui saltum 67. ff. eod. ibi: Sed de illis sensisse, quæ perpetuo ibi esse solent, & in l. pen. §. 1. ff. de aur. & arg. leg. ibi: Quia illa verba, quod domi mea erit, sic accipi debere: esse solebat. l. ex facto 35. §. rerum ff. de hered. inst. ibi: Quia non idcirco illo erat missus, ut ibi esset l. debitor 32. ff. de pignor. l. in prediis §. 1. ff. in quibus caus. pign. tac. contr. l. seja §. Pamphile ff. de instrum. vel instrum. leg. Nam si aliquid in loco fit casu, & temporis causa, non ut ibi maneat ad ejus ulum destinatum, perinde habetur, ac si ibi non esset l. fundi 17. §. Labeo ff. de acq. emp. l. si quis emus 40. ff. de relig. & sumpt. fun. l. id vestimentum 25. ff. de pecul. l. debitor 32. ff. de pignor.

Atque hæc certa sunt, & explorata. Illud in controversiam vocatur, quæ res censentur esse in aliquo loco perpetui usus causa, vel casu, & ad tempus accommodata. Pendet id a destinatione patrisfam. l. cum de lanionis. §. item. & l. fundi instrumento ff. de fund. instr. Sunt tamen quædam res, quæ ex sui natura censentur esse in loco ad tempus, & legato omnium rerum eo loci existentium non continentur, nisi probetur contraria voluntas testatoris; de quibus inter nostros est magna contentio. Hujus generis sunt calendarium, & nomina debitorum, pecunia numerata, res venales, & fructus ex prædio coacti.

Calendarium, & nomina debitorum non contineri legato rerum domi, vel in fundo existentium verius est l. Gajus Sejus 86. in princ. ff. de leg. 2. l. uxorem 41. §.

Demonstravimus certi loci, ac fundi designationem facere aliquando conditionem, aliquando solam demonstrationem continere: & quando habeat vim taxationis, & minuendæ obligationis, luculenter exposuimus. Nunc alia ratio minuendæ obligationis per designationem, ac circumscriptiorem loci est exponenda, de qua sæpenumero etiam in foro necesse est acriter discere.

Generalis obligatio, & generale legatum omnium rerum restringitur, ac minuitur designato, ac circumscripto certo loco. Neque enim debentur omnia, quæ sunt in loco destinato, & assignato, sed solum ea, quæ ibi sunt, ut ibi perpetuo maneant, quæ ibi esse solent: non vero debentur, & legato continentur, quæ ibi casu sunt, quæ temporis causa ibi sunt

41. §. *legaverat*. l. *quæsitum* 78. §. 1. & §. *peto* l. *prædiis* 91. in princ. & in §. 1. l. *si mihi Mævia* 92. in princ. & in §. 1. ff. *de legat.* 3. Etiam si signum aliquod universale fuerit adjectum, ut in l. *quæsitum* §. *Papinianus* quoque ff. *de instr. vel instrum. leg.* l. *uxorem* §. *legaverat* ff. *de legat.* 3. l. *Gajus Sejus* 86. in princ. ff. *de leg.* 2. & in l. *si mihi Mævia* §. ult. ff. *de legat.* 3. ubi legatæ erant domus, nullo omnino excepto, cum omni instrumento, & repositis omnibus. Vix excogitari possunt verba mapis universalia; & tamen instrumenta debitorum in domibus legatis reperta non debentur.

Quod si in legato nominatim fuerit exceptum calendarium, non solum nomina debitorum, quæ ad calendarium pertinent, excepta intelliguntur, sed etiam pecuniæ calendario destinatæ: sicut legato calendario legatæ videntur etiam pecuniæ calendario destinatæ l. *qui filium* 64. ff. *de leg.* 3. Sicut contra, si nominatim legata sint prædia cum reliquis colonorum, neque debetur calendarium, neque pecuniæ a colonis exactæ, & in calendarium versæ l. *prædiis* in princ. ff. *de legat.* 2.

Calendarium erat liber, seu codex sænebris pecuniæ, in quo scribebantur nomina debitorum, quibus pecuniam mutabantur, de quo in l. *ejus qui in Provincia* ff. *de reb. cred.* l. *Lucius Titius* 88. in princ. ff. *de leg.* 2. l. *nepoti* ff. *de instr. vel instrum. leg.* l. *tutores* §. *negligentia* ff. *de admin. tut.* l. *Siccho libertas* §. *servus* ff. *de statulib.* l. *dominus* in princ. ff. *de pecul. legat.* l. *uxori* ff. *de usu & usufr. legat.* l. 3. c. *de compensat.* Dicebatur autem calendarium, quod Calendis Veteres scænerari solebant, & Calendis usuras exigere, cum in singulos menses usuras paciscerentur. Ovid. lib. 2. *de remed. amor.*

Qui Poteat, Janumque times, celestique Calendis;
Torquet hunc æris mutua summa sui.

Horat. Od. 2. *Epod.*

Hec ubi locutus frænerator Alphius, &c.
Omnem relegit Idibus pecuniam,
Quævis Calendis ponere.

Quare Martialis lib. 8. ep. 44. *calendarium dixit paginas Calendarum.*

Superba densis arca pallest nummis;
Censum explicientur pagina Calendarum.

Senec. *de Benefic.* lib. 1. *Nemo beneficia in calendario scribit.*

Sed obstat text. in l. *uxori mea* 37. ff. *de usu, & usufr. leg.* ubi proponitur hujusmodi legatum: *uxori meæ usumfructum lego bonorum meorum.* Respondit Scævola, deberi usumfructum prædiorum tantum rusticorum, quam urbanorum, & mancipiorum, & suppellectilis, itemque calendarii.

Facilis est & expedita responsio. Non agitur hic de legato ad certum locum restricto, sed de legato generali bonorum, sine ulla designatione, ac circumscriptione loci. Bonorum autem appellatio continet etiam nomina debitorum, & calendarium. l. *bonorum in fin.* ff. *de V. S. l. Princeps* 21. ff. *cod.* Et ideo legato usufructu bonorum, etiam actiones legato continentur l. ult. ff. *de usufr. leg.* l. *usufructu* 69. ff. *ad Leg. Falcid.*

Secundo, obstat textus in l. *quæsitum* 78. §. *prædia* ff. *de leg.* 3. ibi: *Prædia quidam reliquit adjectis his verbis: uti a me possessa sunt, & quacumque ibi erunt, cum moriar. Quæsitum est de mancipiis, quæ in his prædiis morata fuerunt, vel operis rustici causa, vel alterius officii, ceterisque rebus, quæ ibi fuerunt in diem mortis, an ad legatarium pertinerent? Respondit, ea omnia, de quibus quæreretur, legata videri.* Verba illa, ceterisque rebus, & ea omnia, videntur comprehendere etiam calendarium, & nomina debitorum.

Scd

Sed non ita sunt interpretanda, Primum, quia non absolute dixit *ceteras res*; sed *ceteras res, quæ ibi fuerunt in diem mortis*. Verba autem illa: *quæ ibi fuerunt*, restringunt antecedentia verba generalia, ita ut non possint comprehendere calendarium, & nomina debitorum, quæ etsi comprehendantur nomine rerum, & nomine bonorum, ut modo dicebamus; tamen non comprehenduntur appellatione rerum, quæ domi, vel in prædiis sunt, quia loci designatio, ac circumscriptio eas res excludit, ut supra demonstratum est. Præterea, quia cum supra numeraverit J. C. mancipia, quæ in prædiis morata fuerunt operis rustici causa, vel alterius officii, lubdens deinceps, *ceterisque rebus, quæ ibi fuerunt*, satis evidenter demonstrat, se agere solum de rebus, quæ in prædiis fuerunt ad instruenda prædia, & ad usum pradiorum, vel patrisfam., non vero de rebus, quæ ibi casu, & ad tempus fuerunt. Nam verba, *alii, ceteri*, & similia, includunt & comprehendunt res ejusdem qualitatis, & naturæ, l. *quidam legatus ff. de reb. dub.* Et cum in hoc legato non comprehendantur omnia mancipia, sed ea tantum, quæ ad usum fundi, vel patrisfam. pertinent, multo minus continebuntur nomina debitorum, & calendarium. Continentur igitur ceteræ res, quæ ad instruendum fundum, vel patrisfam. ibi fuerunt: sicut hujus generis mancipia continentur.

Tertio, obstat multo difficilior text. in l. ult. ff. de pecul. ibi: *Uui ex heredibus prædia legavit, ut instrusta erant, cum servis, & ceteris rebus, & quicquid ibi esset. Servi domini debitores fuerunt tam ex aliis causis, quam ex ratione calendarii: quasitum est, an ceteris heredibus adversus eum pecunia ab his debita actio de peculio competat?* Respondit, non competere.

Respondetur, hoc legato non comprehendendi calendarium, sed id, quod servi domino debebant ratione calendarii. Ne-

que id continetur propter illa verba generalia legati, & *quicquid ibi esset*: nam etsi legata essent prædia cum servis, tamen legatarius de peculio conveniri non posset ab hæredibus ratione ejus, quod servi dominis debebant l. *filiosam. §4. ff. de pecul.* Ratio est, quia cum servi dominus sit hæres, cui servus prælegatus est, non autem alii cohæredes, non potest servus quicquam debere cohæredibus, qui neque domini sunt, nec ullam actionem habere possunt contra dominum servi, quia nec defunctus, cui servus debebat, ullam actionem habebat l. & *ancillarum §. sed ipsi ff. eod.* Potest quidem dominus de peculio deducere quod sibi debetur, quia id quod domino debetur, in peculio non est l. *depositi §. in fin. ff. de pecul.* non tamen habet ullam actionem, cum servus naturaliter tantum obligetur l. *nec servus §1. ff. eod. l. naturaliter §10. ff. de oblig. & act.* Cum igitur nullam actionem defunctus haberet ad consequendum id, quod sibi a servo debetur, nec potuit eam ad hæres transmittere l. 1. §. *Scævola ff. si is qui testam. liber. esse juss. l. ult. C. de hered. act. l. 1. C. si cert. petat.* Plane cum peculium ipsum legatur, possunt hæres retinere id, quod servus domino debebat, non jure actionis, sed exceptionis l. *cui consequens §18. ff. de pecul.* quia id, quod domino debetur, peculium minuit, & legato non continetur l. *si peculium §. sicut autem ff. de pecul. legato.* Sed hic peculium legatum non est l. *quasitum §. Celsus scribit ff. de instrum. vel instrum. leg.* & ea solum legato continentur ex peculio, quæ sunt ex prædiis legatis, & ad ea prædia pertinent, & in prædiis sunt, ut ibi sint l. *fundo legato §. fundo ff. de instr. vel instrum. leg.* Non autem nomina debitorum,

I I.

De pecunia numerata.

DE calendario, & nominibus debitorum res est confecta: non adeo est ad explicandum expedita quoad pecuniam numeratam. Distinguendum enim est inter pecuniam, quæ sœnerandi, vel expendendi causa ibi habetur; eamque, quæ ibi est prædicii causa.

De pecunia, quæ sœnerandi causa est in aliquo loco, Pomponius ait in *l. si fundus* 44. ff. de leg. 3. *Si fundus legatus sit cum his, quæ ibi erunt: quæ ad tempus ibi sunt non videntur legata, & ideo pecunie, quæ sœnerandi causa ibi fuerunt, non sunt legata.* Ubi observandum, quod ratio, quæ movetur J. C. ad statuendum pecuniam sœneratitiam non esse legatam, convenire etiam pecuniam, quæ expendendi causa ibi habetur.

De eadem pecunia Proculus in *l. si ita legatum* 86. ff. de legat. 3. *Si ita legatum est, domum, quæque mea ibi erunt cum moriar, nummos ad diem exactos a debitoribus, ut aliis nominibus collocarentur, non puto legatos esse: & Labronis distinctionem valde probò, qui scripsit, nec quod casu abesset, minus esse legatum, nec quod casu ibi sit, magis esse legatum.*

De pecunia in genere Paulus in *l. que situm* §. 1. ff. de leg. 3. ubi cum relictus esset fundus Sempronianus cum suis inhabitantibus, id est, familia, & quæ ibi erant: respondit, nomina, & nummos non videri deberi.

Et in *l. si mihi Mevia* 92. §. *his verbis* ff. eod. *His verbis domibus legatis: Fidei hæredum meorum committo, uti fiant eum habere domus meas, in quibus habito, nullo omnino excepto, cum omni instrumento, & repositis omnibus: non videri testatorem de pecunia numerata, aut instrumentis debitorum sensisse.* Ex qua lege illud etiam docemur, quod licet legatum relictum sit verbis universalibus, cuius-

modi sunt illa: *repositis omnibus, nullo omnino excepto*: tamen pecuniam numeratam non comprehendit. Quod confirmat Sævola in *l. uxorem* 41. §. *legaveras* ff. de leg. 3. ubi verba legari, *quicquid in patria Gadibus possideo*, non continent pecuniam, quæ in arca Gadibus inventa est, vel ex diversis nominibus exacta, & ibi deposita.

De pecunia redacta ex venditione purpuræ, quod non contineatur legato tabernæ purpuraræ cum servis inflitoribus, & purpuris, Papinianus in *l. prædii* §. *pater* ff. de leg. 3. licet nomine tabernæ contineantur merces, & omnia, quæ in taberna deprehenduntur *l. cum tabernam* 34. ff. de pignor.

Contra vero pecunia prædicii causa seposita legato continetur. Tradita fuit hæc distinctio a Proculo, cuius auctoritate Cellius in *l. si choros* 79. §. *his verbis* ff. de leg. 3. ait: *His verbis, quæ ibi mobilia mea erunt, do, lego: nummos ibi repositos, ut mutui darentur, non esse legatos* Proculus ait: *ut eos, quos prædicii causa repositos habet, ut quidam bellis civilibus scissitantes, eos legato contineri: & audisse se rusticos senes ita dicentes, pecuniam sine peculio fragilem esse: peculium appellantes, quod prædicii causa seponeretur.*

Quæ sit pecunia prædicii causa seposita, ac seposita, dubitant Interpretes nostri: & alii alia comminiscuntur. Ego indubitatum existimo, eam esse, quam providus paterfam. ideo seponit, & condit, ne eam in quotidianos usus expendat, neve mutetur ac sœneretur: sed ut perpetuo ibi habeat, tamquam prædium adversus fortuitos, & inopinatos casus; ut si casus aliquis improvvisus obveniret, promptam, paratamque pecuniam habeat in numerato, qua possit occurrere ingruenti calamitati, aut adversæ fortunæ resistere. Et ideo recte dicebant rustici illi Veteres, pecuniam sine peculio fragilem esse, peculium appellantes, quod prædicii causa seponeretur. Nam cum facile possint fortuiti isti casus eve-

nire: si quis sepositam non habeat pecuniam, qua possit impetum fortunæ adversantia eludere, aut calamitati succumbere cogetur, aut bona vendere, aut pecuniam mutuari, quo fiet, ut progressu temporis seculo trucidetur. Hoc autem bellis civilibus maxime factitatum fuit: nam imminetibus gravissimis periculis, homines providi fiunt; & cum nemo prænocere posset, quis futurus esset rerum exitus, & undique turbulentissimas tempestates, & luctuosas calamitates impendere providerent, pecuniam seponebant, & condebant, ut si quis adversus casus incidisset, ea possent vel se a factiosis civibus redimere, vel si Patria foret relinquenda, inde peterent vitæ subsidia. Hinc reposita, ac seposita præsidii causa dicitur hujusmodi pecunia, quia tamquam thesaurus reponebatur, ut præsidio esset adversus subitos & calamitosos eventus: quamobrem recte thesauri similitudine utitur Labeo apud Javolenum in l. si uxori penult. §. 1. ff. de aur. & arg. leg. 16 Peculium etiam dicebatur, quia quemadmodum peculium est id, quod dominus seponit, ac separat a suis rationibus, & servo dat administrandum l. 5. §. ult. ff. de pecul. l. per servum 37. §. 1. ff. de acquir. rer. dom. ita hæc pecunia recte peculium dicitur, quia seposita est & separata ab alia pecunia, & a rationibus domini, cum neque expendendi, neque soterandi causa habeatur: sed thesauri loco reposita, & certo in loco condita detineatur. Quibus expositis constat, cur ea contineatur in legato mobilium certo loco existentium, quia ibi habeatur ut perpetuo ibi sit, non temporis causa. Quamvis enim occurrente aliquo casu inopinatio, & urgente necessitate pateretur. eam sit expensurus; tamen hoc fortuito accidet, & præter opinionem, & cum primum poterit, aliam loco illius subrogabit. Neque enim ut aliquid perpetuo ibi esse dicatur, necesse est, ut numquam possit amoveri: nam & servi, & animalia perpetuo esse dicuntur in fun-

do, licet facile intendant, & mobilia, licet usu consumantur. Hac igitur in re spectatur solummodo destinatio patrisfam. 17 ut diximus, hoc est, an res destinatione patrisfam. ibi esse soleat. l. si uxori §. cum ita ff. de aur. & arg. leg. & quod casu abest, ibi esse videtur l. si ita legatum ff. de leg. 3. l. ex facto 35. §. rerum ff. de hæred. inst.

Sed his, quæ hætenus constituimus de pecunia numerata, obstat primo text. in l. si uxori pen. §. cum ita ff. de aur. & arg. leg. ubi legato argento, quod domi necesse erit, cum moriar, debetur etiam argentum domi depositum: ergo in legato omnium rerum, quæ domi sunt, continebitur non solum pecunia, quæ ibi habetur præsidii causa, ut ibi perpetuo sit, sed etiam alia quæcumque pecunia. Depositum enim quodcumque repeti potest a deponente, etiam si convenit, ne intra certum tempus repetatur l. 1. §. est autem & §. si deposuero ff. de pos.

Respondetur primum, non eandem esse rationem argenti, & pecuniæ numeratæ. Pecunia semper est alienationi parata, & in arca haberi solet ad expendendum, vel soterandum: argentum ibi habetur ad usum patrisfam. & vendi quidem potest, non autem expendi in usus quotidianos. Itaque argentum, nisi fuerit venale, continetur legato rerum domi existentium. l. Gajus Scius 86. in princ. ff. de leg. 2. Præsertim quia ibi non agitur de legato generali omnium rerum, quæ domi sunt, sed de legato argenti in specie.

Sed ut ad rem propius accedamus, & ejus legis explicationem aggrediamur: animadvertendum est, ibi agi de argento commodato, & deposito, & de utroque quæri, an legato contineatur. Non tamen utrumque eodem modo accipiendum est. Nam argentum commodatum accipi debet, quod ab alio fuit testatori commodatum. Contra argentum depositum, id quod a testatore fuit alibi depositum. Et ideo cum de argento deposito loquitur J. C.

J. C. adjecit illa verba, *quod depositum a se*, non posset intelligi de argento deposito apud testatorem, quæ verba omisit in argento commodato, ut intelligeremus, ibi agi de argento, quod sibi commodatum testator reliquit.

Argentum igitur testatori commodatum legato non continetur, quia licet domi fuerit inventum, cum testator mortuus est: tamen cum casu ibi fuerit, nec esse soletur, non videtur domi fuisse: nam verba illa, *quod domi in ea erit*, sic accipi debent, *esse solebat. d. l. si uxori §. 1. in fin. l. si fundus 44. l. si ita legatum 86. ff. de leg. 3.* Et ideo de argento commodato nulla fuit inter Osilium, Calpurnium, & Labeonem controversia: nam nec ea, quæ pignori testator habebat, continentur *l. qui habebat 101. in princ. ff. de legat. 3.* Non possunt autem hæc intelligi de argento, quod testator alii commodaverat. Etenim de hoc non potuisset inter Labeonem, & alios convenire, cum ratio, quam Labeo adducit, omnino repugnet: quoniam argentum alteri a testatore commodatum esse solebat in domo; & idem debet legato comprehendere, sicut continetur pecunia alibi a testatore deposita præsentis custodiæ causa *d. l. si uxori §. 1. ff. de aur. & arg. leg.* Repugnat etiam alia regula ab eodem Labeone tradita, quam refert J. C. in *l. si ita legatum 86. ff. de legat. 3.* videlicet legato contineri etiam id, quod casu abest. Quæ regula apud omnes Veteres Jurisconsultos obtinuit *l. quæsitum 78. §. fin. ff. de leg. 3. l. ex factis 35. §. rerum ff. de hered. inst. l. quæsitum. §. Papinianus quoque, & §. seq. ff. de instrum. vel instrum. leg. & alibi passim.*

Argentum vero alibi a testatore depositum legato continetur, si præsentis custodiæ causa depositum fuerit, ut interim in tutiore loco esset *d. l. si uxori §. 1. ff. de aur. & arg. legat.* Quod enim casu abest, non minuit legatum, ut modo diximus. Et quod alio translatum est ad tempus, ut postea in pristinum locum

Tom.I.

revertatur, abesse non videtur, & legato continetur *l. ex factis 35. §. rerum. vof. ceteroquin ff. de hered. inst.* Quo pertinet text. in *l. cui, quæ Romæ 84. ff. de leg. 3.* ibi: *Cui, quæ Romæ essent, legata sunt, ei etiam quæ custodiæ causa in horreis extra Urbem repositæ sunt, debentur.* Neque enim assentior iis, qui putant, ibi agi de horreis, quæ sunt in continentibus Urbis Romæ: tum quia generaliter id traditum de horreis extra Urbem, quare continentur etiam horrea, quæ sunt extra continentia: tum quia frustra adjecta essent illa verba, *custodiæ causa*: nam quæ sunt in continentibus Urbis Romæ, semper continentur legato rerum, quæ Romæ sunt. *l. 4. §. si ita legatur ff. de pen. leg. 3.* Sicut igitur legatis his, quæ Romæ sunt, continentur, ac debentur etiam quæ extra Urbem custodiæ causa translata sunt: ita legato argento, quod domi erit, continetur, ac debetur etiam argentum, quod alio præsentis custodiæ causa translatum est, & ibi depositum. Ubi observandum, quod hic deponendi verbum non refertur ad contractum depositi, sed ad factum ponendi pecuniam tuto in loco custodiæ causa, ut in *l. uxorens 41. §. legaverat ff. de legat. 3.* ibi: *An pecunia, quæ in arca domi Gadibus inventa esset, vel ex diversis nominibus exacta, & ibi deposita, l. numquam nuda 31. §. 1. ff. de acquir. rer. don.*

Si vero argentum non ad tempus præsentis custodiæ causa fuerit alibi collocatum, sed perpetuæ custodiæ causa depositum, legato non continebitur, nec legatario debebitur *d. l. si uxori §. 1. ff. de aur. & arg. leg.* hoc enim argentum non potest videri domi esse, cum alio translatum sit, non temporis causa, sed ut perpetuo alibi sit, ibi conditum quasi thesaurus. Licet enim vere thesaurus non sit, sit, cujus depositionis extat memoria *l. numquam nuda §. 1. ff. de acquir. rer. don.* tamen & hæc pecunia condita custodiæ causa thesaurus appellatur *l. peregre in princ. ff. de acquir. poss.* Et hæc est

T c

pe

pecunia, quæ prædii causa reposita dicitur, & legato contineri in *l. si eborus ff. de leg. 3.* quia ibi esse videtur, ubi perpetuæ custodiæ causa condita est *d. l. si uxori ff. de aur. & arg. leg.* Hæc autem paulo uberius, & accuratius exposuimus, ne quis in eorum sententiam eat, qui putarunt, hanc legem emendandam fore.

Secundo obstat text. in *l. qui filium 64. ff. de leg. 3.* ubi legatis prædiis, & his, quæ ibi erunt, excepto calendario, sola ea pecunia excepta intelligitur, quæ a calendario fuit a testatore destinata. Ergo reliqua pecunia, quæ calendario destinata non est, debetur, & continetur legato rerum, quæ in prædiis sunt.

Respond. quod cum testator exceperit calendarium, hoc est, pecuniam sœneratitiam, videtur voluisse legato comprehendere aliam pecuniam, quam non exceperit. Nam qui hæc excepit, non potest non videri de ceteris rebus, quæ in ea essent, sensisse: ut ait Neratius in *l. quæ situm §. idem respondit 43. vers. denique Neratius ff. de instr. vel instrum. leg.* Constat enim, testatorem, qui excipit ea, de quibus non poterat dubitari, quin etiam eo tacente fuisset excepta, nolle excipere ea, de quibus major est dubitatio: quoniam multo magis hæc exceperisset, si voluisset legato comprehendere. Exceptio enim declarat mentem testatoris etiam quoad ea, quæ legato comprehenduntur *l. nam quod liquida 4. in fin. ff. de penul. leg.* Sic etiam legatum universale, in quo testator nominatim voluit comprehendere etiam nomina debitorum, comprehendit etiam pecuniam numeratam *l. bis vers. 27 bis 102. ff. de leg. 3.* quia facilius comprehenditur pecunia, quam nomina debitorum; & ideo qui voluit legare etiam nomina debitorum, & cautiones in lateralibus viatoriis conditas, multo magis voluit legare pecuniam. Præsertim quia lateralibus viatoriis, hoc est, capsulæ, seu sacculi, qui in itinere ephippiis utrimque ad latera alligantur, non multo plu-

ra possunt comprehendere. Itaque etsi quis legasset quicquid in arcula conditum est, non dubitarem legato pecuniam in arca conditam contineri, si in arca illa solebat testator pecuniam condere: quod absque controversia obtineret, si nominatim expressisset, se legare etiam chirographa, & cautiones in arca conditas, ut in *d. l. bis vers. ff. de leg. 3.*

Denique contrarius est text. in *l. prædia §. liberti ff. de instr. vel instrum. leg.* ubi pecunia continetur in legato per præceptionem, in quo testator liberti lega-²⁸ verat fundum Titianum, & agellum Sempronianum cum instrumento, & his, quæ in eodem erunt, familiarique, quæ in eo fundo niorantur, exceptis his, quos manumiserat.

Recte doctissimus Cujac. ad Africanum in *l. qui filium ff. de leg. 3.* ait, hoc Scævolarum responsum sine emendatione defendi non posse. Itaque legendum putat: non contineri, nisi contrariam voluntatem liberti tus approbet.

Aliqui existimant, nummos in hoc legato contineri propter illam exceptionem servorum, quos manumiserat. Ut enim diximus ad superius argumentum, cum nemo dubitare posset, non comprehendendi servos manumisos, & tamen testator eos nominatim exceperit, videtur, alia omnia non excepta voluisse comprehendere: maxime ea, de quibus multo magis poterat dubitari. Verum enim vero cum hæc exceptio solummodo respiciat familiam servorum, dubito, an possit extendi ad pecuniam numeratam. Potest quidem efficere, ut servi omnes comprehendantur, etiam illi, qui alias non²⁹ comprehenderentur: an autem possit efficere, ut comprehendatur pecunia numerata, quæ nihil attinet ad servos, & certo non comprehenderetur, valde dubito, per text. in *l. generali §. uxori ff. de usufr. leg. de quo infra*, & in *l. Seje in princ. ff. de instr. vel instrum. leg.*

Si hæc cuiquam minus arideant, defendi non poterit Scævolarum responsum, nisi

nisi aut dicamus, seu potius divinemus, ibi agi de nummis prædii causa repositis, qui legato continentur *l. si eborus* 79. ff. de leg. 3. aut potius de nummis ad usum familiaris destinatis. Cum enim Veteres per servos prædia colerent, & in ea lege proponatur legata tota familia, utique pecunia opus erat ad familiam illam exhibendam. Recte Seneca *Epist.* 17. ait, ad pascendam servorum turbam transmarinarum regionum fuisse optandam fertilitatem. Quæ sane non sunt improbabilia: nam quorsum pecuniam in prædiis habere paterfam. nisi vel ut eam quasi thesaurum prædii causa deposuerit, atque condiderit, ut in *d. l. si eborus*, & in *l. si uxori* §. 1. ff. de aur. & arg. leg. vel ut ea uratur tamquam fundi instrumentum ad pascendos, & vestiendos servos, per quos opera rustica exercentur. Illud etiam tentari posset, nummos illos fuisse pretium vini venditi, quod testator exegerat: & sicut vinum legato continetur, ita & pretium ejus. Sed hoc vix poterit defendi propter auctoritatem text. in *l. prædii* §. pater ff. de leg. 3. nisi dicamus, testatorem ad alendam & exhibendam familiam urgente necessitate vinum vendidisse. Sed de hoc infra, cum de fructibus agemus.

III.

De rebus venalibus.

Res venales legato rerum in aliquo certo loco existentium non continentur *l. generali* 32. §. uxori ff. de usu & usufr. leg. ubi quis legavit uxori usufructum domum, & omnium, quæ in his domibus erant, excepto argento. Respondit Scævola: neque argentum, neque ea, quæ mercis causa comparata sunt, legato contineri. Est autem animadvertendum, quod licet legatum sit universale omnium rerum, & addita sit exceptio argenti, nihilominus hæc duo non efficiunt, ut merces legato contineatur.

Quemadmodum non continentur, etiam si in specie legatum sit ornamentum omne muliebre; quo legato non continetur argentum, quod testator negotiandi causa venale habebat. Quod magis est, nam in hac lege legatum erat in specie ornamentum muliebre: legatum erat universalius omne ornamentum: nullus certus locus erat assignatus, cujus circumscriptione legatum restringeret: & tamen non continetur ornamentum, quod negotiandi causa testator venale solebat proponere.

Confirmatur per text. in ead. *l. generali* §. idem questus 3. de usufr. leg. ibi: Respondit, de his legandis, quæ venalia ibi essent, non sensit testatorem.

Idem traditum in *l. nam quod liquida* 4. §. item ff. de penus leg. ibi: Item si quis solitus fructus suos vendere, penum legata verit, non omnia, quæ & promerit causa habuit, legasse videtur, sed ea sola, quæ in penum sibi separabat. Quod si promiscue uti solebat, tunc quantum ad annum usum ei sufficeret, familiarique ejus, ceterorumque, qui circa eum sunt, legato cederet.

In *l. cum quæreretur* 60. §. lana ff. de leg. 3. Cum penus legata esset, & multas res, quæ penus essent, reliquisset, ex quibus paterfam. vendere solitus esset, &c. sed cum probaretur eum, qui testamentum fecisset, partem penus vendere solitum esse, constitutum esse, ut ex eo, quod ad annum opus esset, hæres legatario darent.

In *l. suos autem servos* 73. eum qui ff. eod. quidam legavit servos suos, qui venalitariam vitam exercebat: hoc est, qui erat mango, nempe servorum mercator. Respondit Ulpianus: Puto suorum numero non facile contineri velle ejusmodi mancipia, nisi evidens voluntas fuit etiam de his sentientis: nam quos quis comparavit, ut illico distraberet, mercis magis loco, quam suorum habuisse credendus est. Si non continentur legato servorum suorum, licet vere, & proprie sint testatoris, multo minus continebuntur legato servorum alicubi existentium, in quo loci designa-

tio, ac circumscriptio manifeste eos excludit, cum casu, & ad tempus ibi sint.

Præter hæc leges manifesta ratio excludit res venales a legato rerum certo loco existentium. Nam testator, qui res illas vendere destinavit, certe in loco illo collocavit ad tempus, donec eas venderet, non vero ut ibi perpetuo essent.

33 Sunt enim omnino contrariæ hæc duæ voluntates, ac destinationes, quod voluerit, ac destinaverit eas vendere, & simul voluerit, ac destinaverit eas ibi perpetuo habere; sed indubitatum est, legato non contineri res, quas testator ad tempus ibi collocavit, non ut perpetuo ibi essent. *l. ex facto 35. §. rerum ff. de hered. inst. l. debitor 32. ff. de pign. & hypoth. l. si fundus 44. l. qui saluum 67. l. si ita legatum 86. ff. de leg. 3. l. cum de lamionis §. Sabinius ff. de instr. vel instrum. leg. l. pen. §. 1. ff. de aur. & arg. leg. Ergo & illud indubitatum est, res venales legato non contineri.*

Hinc defendi non potest quorundam sententia, existentium, legato quidem non contineri res venales, quæ mercimonii, & negotiationis causa fuerunt a testatore comparatæ, ut illico venderentur, ut videtur indicari in *l. suos autem 73. §. cum qui ff. de leg. 3. & in l. pediculis §. idem cum quaereretur ff. de aur. & arg. leg. l. generali §. uxori versio. questum est 34 ff. de usu, & usufr. leg. contineri tamen res proprias ipsius testatoris, veluti fructus prædiorum, licet eos vendere destinaverit, quia hi neque promercii causa habentur, neque sunt in numero mercium.*

Etenim eadem ratio, quæ suadet, non contineri legato rerum certo loco circumscriptarum res venales negotiationis causa comparatas, suadet etiam, non contineri alias res venales, quomodocumque eas ad vendendum patravim. destinaverit: quia neutrum in loco esse videtur, cum ibi sint ad tempus, donec emptorem invenerint. Posset fortasse hoc dicerim aliquam animadversione dignum esse in legato rerum suarum, de quo in *l. suos au-*

tem 73. §. cum qui ff. de leg. 3. Nam testator videri potest magis in numero rerum suarum habere fructus, quos ex suis prædiis comparavit, licet eos vendere destinaverit, & alias res huius generis, quam eas, quas negotiationis causa comparavit, ut distraheret. Ceterum quando agitur de circumscriptioe loci, & de destinatione patris. quod certum locum, eadem est omnino omnium rerum venalium natura: omnes enim eodem modo sunt in loco; nempe ad tempus, donec vendantur. Et ideo generaliter Sævola tradidit in *l. generali §. idem questus ff. de usufr. leg. de his legandis, quæ venalia ibi essent, non sensisse testatorem, licet ibi aperet de fructibus in fundo collectis. Et in l. nam quod liquide 4. §. 2. ff. de pen. leg. Paulus ait, cum, qui solitus esset fructus suos vendere, non videri eos legato voluisse comprehendere. Nec dissimile est quod traditur in *l. cum quaereretur §. lana ff. de leg. 3.**

Neque verum est, quod assumitur, hæc res numero mercium non contineri, nec promercii causa haberi, & ideo proprie venales non esse, etiam si ad vendendum fuerint destinatæ. Sunt enim hæc 33 quoque merces *l. ult. ff. de condit. tritic. ibi: si merx aliqua petita sit, veluti vinum, oleum, frumentum.* Et merx est omne quod venditur *l. 1. in princ. & in §. 1. vers. sed verior est ff. de contr. empt. itaque mercis causa habetur, quod vendendi causa habetur, l. 1. in princ. ff. de rer. permut. l. 1. §. magistris ff. de exercit. alien. & §. igitur 12. vers. sed & si certis ibid. l. mercis 66. ff. de V. S. Et hæc res mercis numero habentur *l. si ita fideiussorem 42. ff. de fideiuss. l. cum quis in diem 22. ff. de oblig. & act. l. arbitrio 18. §. de eo ff. de dolo, & passim.* Item promercii causa haberi dicuntur fructus, quos testator vendere solitus est *l. nam quod liquide 4. §. 2. ff. de pen. leg.* Et promercii causa haberi dicuntur, quæ quis destinavit ad vendendum *l. 2. ff. ad leg. Jul. de vi publ. l. 3. §. item is cuius, ff. ad L. 3. Corn. de siccar.**

aur. l. cetera §. sed si quis ff. de leg. 1. Paulus lib. 5. sent. tit. 23. Qui hominem in vitium libidinis, aut promeritii causa castraverit. Item venales dicuntur fructus in prædiis a testatore collecti in l. generali §. idem questis ff. de usufr. leg. 1. 1. C. de V. S. Et in legatis, in quibus venalia non continentur, neque continentur hujusmodi fructus, ut in legato pecoris d. l. 4. §. 4. ff. de pen. leg. juncta l. cum quaereretur §. lana ff. de leg. 3. & in legato fundi instructi l. 2. C. de V. S. juncta l. questum §. sed si fundus, vers. hoc ergo legato, & l. si ita in princ. & l. si mancipia in fin. ff. de instrum. vel instrum. leg.

Nec ad rem facit, quod in laudaris legibus proponantur exempla mercatorum, qui negotiandi causa merces venales habent. Nam hoc factum est a veteribus Jurisconsultis exempli causa, quia id in mercatoribus multo frequentius accidit, ut notat Paulus in l. nam quod liquide 4. §. 2. in fin. ff. de pen. leg. ubi propositum generaliter calu ejus, qui fructus vendere solebat, postquam statuit hos fructus, aliasque res venales non comprehendi legato, subdit: quod fere, inquit Sabianus, evenit in personis mercatorum. Maxime quia in l. suis autem 73. §. cum qui ff. de 36 leg. 3. agitur de servis, qui venales haberi non solent, nisi a mangonibus, qui eos mercantur, ut vendant. Nam servi mercis appellatione non continentur, & mangones non mercatores, sed venaliciarii vocantur l. mercis 207. ff. de V. S. l. 1. §. 1. ff. de tribus. atq. Et in l. pediculis §. idem cum quaereretur ff. de aur. & arg. leg. agitur de muliere negotiatrice, quia ejusmodi factum Paulo propositum fuit decidendum. Est enim illud responsum Pauli ad factum propositum. Quin etiam legatus erat mundus muliebris, qui apud mulieres non solit esse venalis, nisi apud mulierem negotiatricem.

Unica igitur superest hujus sententiae exceptio, quæ proponitur in l. questum §. idem respondit 43. vers. sed & ipse Papinianus ff. de instr. vel instrum. leg. ibi :

Sed & ipse Papinianus eodem libro Responsorum ait, patrem mercatorem ac feneratorem, qui duos filios, totidemque si-37 lias heredes instituerat, ita legasse: filiis maribus domum meam instructam do, lego, darique jubeo: merces, & pignora an contineantur queri posse? Sed facilem Judici voluntatis conjecturam fore, ceteris patris facultatibus examinatis. Sed in hac specie multa concurrunt, qui fiat hæc conjectura. Instituti heredes erant filii tam mares, quam foeminae. Testator voluit præ legato distinguere mares a foeminis, ut par est, si magnæ sint testatoris facultates, & præ illis tenue legatum, verisimile est testatorem, qui præ filiabus voluit honorare filios, voluisse etiam legatum quam pinguißimum relinquere. Testator erat mercator, ac fenerator, ac propterea verisimile est, hoc casu voluisse comprehendere etiam merces, & pignora pecuniarum creditæ: mercatorum enim patrimonium fere consistit in mercibus, & mercatores considerant merces non aliter, ac alia bona. Ex quibus constat, quam absurda sit eorum sententia, qui putant, merces in legato non contineri solummodo, quando testator erat mercator, quam modo consutavimus. Imo vero ex eo, quod testator esset mercator, ac fenerator, Papinianus conjecturam ducit, posse merces, & pignora contineri. Neque enim sine causa utrumque expressit: sed mercatorem dixit esse, ut facilius conjicere possumus, eum voluisse comprehendere etiam merces: dixit esse feneratorem, ut facilius argui possit, voluisse comprehendere etiam pignora.

Potest addi & alia exceptio: si legata sint ea, quæ tabernæ exercentiæ, instructiæve causa parata; nam tunc legato merces continentur l. si ita 15. in princ. ff. de 38 instr. vel instrum. leg.

IV.

Superest, ut de fructibus videamus. Fructus ex fundo legato percepti, & in

in eo coacti, an contineantur legato rerum in fundo existentium, inter doctissimos Homines est magna dissensio. In hac quaestione petenda distinctio est a destinatione patrisfamil. quæ plurimum est attendenda in hujusmodi legatis *l. cum de lanionis §. item, vers. optimum. l. fundi instrumentum ff. de instr. vel instrum. leg. si paterfam. hos fructus ad usum suum familiarique destinavit, legato continentur: si vero eos destinavit ad vendendum, legato non continentur.*

Probatur id primo, quia res venales, legato non continentur, ut luculenter in §. superiore demonstravimus. Sed fructus destinati ad vendendum, sunt res venales, *43* colligit ex ipso fundo percepti fuerint *l. generali §. idem questis 3. ff. de usufr. leg. ubi licet agat de sale nato, ac percepto in salinis testatoris, tamen ipsum recenset inter venalia, ibi: Respondit, de his legandis, quæ venalia ibi essent, non sensisse testatorem. Et in l. 1. C. de V. S. ibi: Quamvis ex fructibus vinum, & oleum in eodem fundo habuit; tamen si id venale fuit, legato non cedere Juris Auctoribus placuit.* Sed hoc uberius probavimus in §. superiore versic. Neque verum est.

Secundo, quia quoad hujusmodi legata comparantur fructus prædii venales rebus in prædium translatis ad tempus custodiæ causa *l. 1. C. de V. S.* Sed res existentes in prædio ad tempus custodiæ causa non continentur legato omnium rerum in prædio, vel fundo existentium *l. si ita legatum 86. ff. de leg. 3. l. si fundus 44. ff. cod. l. qui saltem 67. ff. cod. l. pen. §. 1. ff. de aur. & arg. leg. l. ex factis 35. §. rerum ff. de baredd. instit. & aliz initio relaxæ.*

Tertio, quia ea, quæ ad vendendum sunt destinata, perinde habentur, ac si vendita fuissent, quoad hujusmodi legata: quemadmodum pecunia calendario destinata continetur legato calendarii, & contra, excepto calendario, censetur excepta etiam *44* pecunia calendario destinata *l. qui filium 64. ff. de leg. 3.* Eadem igitur ratione legato rerum in fundo existentium, non

continentur fructus venditioni destinati; quemadmodum non continentur, si jam venditi fuissent. Destinatio patrisfam. quæ efficit, ut calendario adscribantur pecuniæ, quæ non sunt calendarii, efficit etiam, ut rebus venditis adscribantur res, quæ nondum venditæ sunt.

Quarto, quia comparatur legato fundi cum his, quæ ibi sunt, legato fundi cum instrumento *l. ex factis §. rerum, versic. ut est apud Mucium ff. de baredd. instit. & in neutro legato contineri ea, quæ agro illi non essent destinata, ex Mucii sententia tradit Ulpianus.* Unde duplex deduci potest argumentum. Primum, quod cum legato contineantur solummodo ea, quæ fundo sunt destinata: & fructus destinati ad vendendum non sint destinati fundo, utique fructus ad vendendum destinati legato non continentur. Alterum, quod comparantur hæc duo legata: fundi instructi, & fundi cum rebus, quæ ibi sunt: sed legato fundi instructi, vel fundi cum instrumento, non continentur fructus prædiorum ibi repositi, ut vendantur, vel ut in alium usum, quam fundi convertantur *l. 1. C. de V. S. l. questum §. sed si 43 fundus 27. vers. hoc ergo legato. l. si ita in princ. l. si mancipia in fin. ff. de instr. vel instrum. leg. l. si mihi §. fin. & l. si ita 36. ff. de leg. 3.* Et solum debetur frumentum, quod necessarium est ad exhibitionem mancipiorum, per quæ agri coluntur, & ad ferendos agros, etiam si legatus sit fundus ita ut optimus, maximusque est, cum omni instrumento rustico, & urbano *l. cum de lanionis §. item cum fundus 9. ff. de instr. vel instr. leg.*

Quinto, quia fructus venales non differunt ab aliis rebus venalibus; nec ulla ratio est, cur hoc legatum debeat comprehendere fructus venales, cum alias res venales non comprehendat: etenim omnibus legatis, quibus non continentur res venales, nec continentur fructus venales, seu destinati ad vendendum. Legatum penus non continet res venales *l. cum quæ 44 rectur §. lana ff. de leg. 3. l. qui penum 3. §. li.*

§. ligna ff. de penu leg. ibi: Sed Rutilius ligna, & carbones, quæ non vendendi causa parata sunt, contineri ait. Idem legatum nec continet fructus, quos testator vendere solitus erat l. nam quod liquide §. 2. ff. eod. ibi: Item si quis solitus fructus suos vendere, penum legaverit, non omnia, quæ & promeritii causa habuit, legasse videtur. Legatum fundi instructi non continet res venales l. quesitum §. instructio autem fundo 34. ff. de instruct. vel instrum. leg. Idem legatum nec continet fructus venales l. 1. C. de V. S. d. l. quesitum §. Celsus 30. ff. de instr. vel instrum. leg.

Sexto, probatur ex l. generali §. uxori ff. de usufr. leg. ubi legatus erat usufructus domum, & omnium rerum, quæ in his domibus erant, excepto argento: item usufructus fundorum, & salinarum. Etiam legatum fundorum, & salinarum videtur comprehendere omnes res, quæ in his essent: ad text. in l. Seja §. Gajo Sejo ff. de 45 fund. instr. maxime prout illam particulam item, quæ vim habet repetendi l. in repetendis ff. de leg. 3. Quæsitum est, cum non minimus salis modus inventus esset, an ejus usufructus ad legatarium pertineret. Respondit Scævola: De his legandis, quæ venalia ibi essent, non sensisse testatorem. Sal erat fructus salinarum, sed quia ex quantitate apparebat, fuisse destinatum ad vendendum, legato non continetur. Et constat præterea ex hac lege, eandem esse rationem fructuum, & aliarum rerum venalium: cum enim in hac lege agatur de fructibus fundi; tamen generaliter Scævola respondet de rebus venalibus; quo evidenter demonstrat, idem esse judicium de fructibus, & de aliis rebus venalibus, ut in superiore argumento dicebamus.

Noque ad rem facit, quod doctissimus Faber animadvertit lib. 1. conject. cap. 6. ibi legatum fuisse usufructum, non proprietatem; atque idcirco non videri, testatorem de rebus venalibus cogitasse. Hoc enim nulla ratione suffulturn est; quia post Senatusconsultum nulla res est, quæ non cedat in usufructus legatum, ut ait J.C.

in l. usufructu bonorum 69. ff. ad leg. Falcid. Et ideo legato usufructu bonorum, legato continentur non solum prædia tam rustica, quam urbana, & mancipia, & supellex, sed etiam calendarium, & nomina debitorum, imo & scæus sortium, quas defunctus collocavit l. uxori fructu 24. l. uxori mee 37. ff. de usu, & usufr. leg. 46. adeoque multo magis comprehendit res venales. Igitur natura usufructus non restringit legatum, nec minus late patet legatum usufructus, quam legatum proprietatis, atque omnia eadem complectitur d. l. usufructu bonorum ff. ad leg. Falcid. Alia ergo ratio quaerenda est, cur in eo legato sal non comprehendatur. Ea autem est communis tam legato proprietatis, quam legato usufructus, & indicatur a Scævola illis verbis: Respondit, de his legandis, quæ venalia ibi essent, non sensisse testatorem. Sicut enim venalia non continentur, legata proprietate rerum alicubi existentium; ita nec continentur legato usufructu. Et ratio eadem est in utroque legato, quia non videtur ibi esse, quod ad tempus, & custodiæ causa est accommodatum, ut alio transferatur: quæ ratio supra est exposita luculentius, & pertinet tam ad legatum usufructus, quam ad legatum proprietatis.

Minus ad rem facit, quod quidam commentum sunt, id Scævolam respondisse specialiter de sale, quia sal a salinis extrahitur, quæ publicæ sunt l. inter publica 17. in fin. ff. de V. S. l. si quis sine 11. C. de 47 vectigal. Falsum enim omnino est, ibi agi de salinis publicis: nam si publicæ fuissent illæ salinæ, fuisset inutile legatum l. cum servus 39. §. si vero Sallustianus, & seqq. ff. de leg. 1. §. non solum Instit. vii. de legat. Agitur ergo ibi de salinis privatis, quæ erant in prædiis testatoris: hæ autem omnino erant privatæ l. forma §. salina ff. de censib. l. magis puto §. 1. ff. de reb. cor. ut recte notat Cujac. ad eam legem.

Postremo denique confirmatur ex l. prædia §. affini suo ff. de instruct. vel instrum. leg. ubi quidam affini suo ita legavit: Fundum Cornelianum, ita ut est instructus, cum

cum omnibus rebus, & mancipiis, & rebus aliquis colonorum dari volo. *Quæsitum est, an fructus ejusdem fundi, qui ibi in diem mortis coacti manserint, fideicommisso cedant, cum plenissima testantis erga affinem voluntas ab eo quoque manifestetur, quod reliqua colonorum ejusdem possessionis ad eum pertinere voluerit? Respondit, in hujusmodi scriptura posse responderi, hoc solum querendum, an manifeste appareat defunctum id, de quo quaeretur, dari voluisse. Nihil clarius: etiam si constet de plenissima voluntate testatoris erga affinem solum; tamen fructus coacti non continentur legato, nisi manifeste appareat, eos quoque testatorem dare voluisse.*

Non ignoro in Pandectis Florentinis legi: dari noluisse. Sed eum vulgata lectio sit consentanea his, quæ supra sunt a nobis demonstrata, non est cur eam repudiare debeamus. Nam, ut ait *Goedl. de 49 P. S. Ubi nulla absurditas, nulla lectionum contrarietas, & pugna, quæ discordiam sententiarum pigneret, nulla iniquitas est, adeo studiose inherere non est opus, quin potius a Florentina lectione quandoque recedere melius, & æquius sit. Quem laudat, & probat Brunneum, de concursu action. cap. 3. §. 9. & multos alios allegat. Sic etiam in l. qui servum 34. in fin. ff. de obl. & act. aut deest in Pandectis Flor. negatio in verbo remanere: aut abundat in verbis locum non habet: alias vix defendi potest ea lectio. Et in eadem lege rectius legitur *potius*, ut in vulgatis, quam *totius*, ut in Florentinis. Sed admitta etiam lectione Florentina, cui certe plurimum fate-mur esse deferendum; tamen id, quod volumus, non obscure demonstratur. Nam Scævole dubitationem, ac scrupulum iniecit plenissima voluntas testantis erga affinem suum, quam ex eo conjectat, quod etiam reliqua colonorum ejus possessionis ad affinem pertinere voluerit. Hinc ab eo res in controversiam deducta, quia qui voluit id, quod plus est, multo magis voluit id, quod minus est. Ceterum si non expressisset reliqua colonorum, res nul-*

lam dubitationem habuisset.

His probe constitutis, dubitari non potest, fructus venales non contineri legato rerum, seu legato omnium rerum aliquo in loco existentium, eandemque esse naturam fructuum, & aliarum rerum venalium. Sed obstat difficillimus textus in l. prædia §. liberto ff. de instr. vel instrum. leg. ubi legato fundo Titiano, & agellos Scmpreniano cum instrumento, & his, quæ in eodem erunt tempore mortis, continetur hoc legato etiam aliquantum vini, quod testator in dolis habuerit, quod vivus totum vendiderat.

Non immerito doctissimus Cujacius hanc legem sine emendatione explicari non posse statuit: & Accursius noster, & Bartolus, & alii putant, in dubio præsumendam esse contrariam voluntatem testatoris. Sed cum hæc repugnent verbis legis, alia via tentanda est. Primum igitur animadvertendum est, quod vinum in dolis remanens, aut non erat venditum, aut venditum erat urgente aliqua necessitate, ut puta, ne acciceret. Nam si testator post factum legatum volens vinum vendidisset, etiam si legato contineretur, & testator, cum legavit, ea mente fuisset, ut vinum quoque comprehenderet; tamen per voluntariam venditionem præsumeretur mutata voluntas, & ademptum legatum l. legatum 24. §. ult. ff. de adim. leg. l. si ex totos 8. in princ. ff. de leg. 1. l. 1. §. ult. l. si cui fundum 5. ff. de instr. vel instrum. leg. Nec potest defendi, quod statuit Anton. Fab. lib. 1. conj. cap. 6. ideo legatum non esse extinctum quoad vinum, quod in dolis remanserat, quia nondum traditum erat. Neque enim traditio legatum extinguit, & adimit; sed mutatio voluntatis, quæ arguitur ex voluntaria alienatione. Quamobrem etiam si alienatio fuerit inutilis, & sine effectu; tamen legatum ademptum intelligitur propter præsumptam mutationem voluntatis d. l. legatum 24. in fin. ff. de adim. leg. l. 3. §. ult. ff. de instr. vel instrum. leg. Imo etiam si dilata sit venditio in tempus, quo commode fieri possit; tamen

tamen sola destinatio ad vendendum admittit legatum *l. tabernam ff. eod.* Puto igitur, testatorem ibi totum vinum vendidisse, excepto eo, quod in doliis remanserat, quod ad usum familiæ servabat.

Præterea animadvertendum est, quod idem Scævola, qui est auctor hujus legis, est etiam auctor legis *generali §. idem quaesit ff. de usu & usufr. leg.* quam supra exposuimus. Quapropter hæc duæ leges non possunt esse contrariæ. Expendendum est igitur, quodnam sit in facto discrimen. In illa, non *minimus salis* modus inventus erat: in hac, *aliquantum vini* in doliis remanserat. Non temere, ac sine causa hæc expressit Scævola, qui in factis referendis, & accurate perpendendis fuit omnium diligentissimus, ut omnes norunt. In illa dixit, inventum fuisse *non minimum salis modum*, ut ostenderet illum non esse destinatum ad usum familiæ, sed ad vendendum; in hac expressit *aliquantum vini* in doliis remansisse, ut ostenderet non plus remansisse, quam ad usum familiæ esset necessarium.

Denique animadvertendum, quod non temere proponit Scævola, vinum illud in doliis habuisse testatorem, & in doliis remansisse. Vinum enim cum vendebatur, in amphoras, & cados diffundebatur: in 53 doliis vero ad perpetuum ulum servabatur *l. vine legato 14. juncta l. 3. §. si vinum ff. de trit. vin. & ol. leg. l. penult. ff. eod. Plin. lib. 14. cap. 13.* Invenimus inter exempla, Egnatii Necennii uxorem, quod vinum bibisset e doliis, interfectam fuisse a marito, eumque *cadis a Romulo absolutum.* Cic. in Bruto. *Ut si quis Palermo vino delectetur, sed eo nec ita novo, ut proximis Consulibus natum velis; nec rursus ita vetere, ut Opiniis, aut Anicium Consulem quaerat. Atqui ea nota sunt optima: credo: sed nimia versutas nec habet eam, quam querimus, suavitatem, nec est jam sane tolerabilis.* Num igitur, qui hoc sentiat, si is potare velit, de doliis sibi hauriendum putet? minime: sed quamdam sequatur aetatem. Ex hoc, & ex simili Plutarchi lo-

Tom. I.

co (his enim, & aliis superfedeo, ne longior sim) constat, vinum novum in doliis diffusum, ut conservaretur, & senesceret. In nostra autem lege modicum vini servaverat testator ad ulum familiæ: neque enim credibile est, Veteres servis, quorum opera ad colendos agros utebantur, vinum vetus potandum dedidisse.

His animadversis, constat, ibi agi de vino ad usum familiæ destinato, quod utrique continetur legato fundi instructi *l. quaesitum §. proinde 28. versic. vina quo- 54 que ff. de instr. vel instrum. leg.* Itaque superius argumentum aut nimis probat, aut nihil probat. Si agit de vino vendito, probat, legato contineri etiam vinum jam venditum, quod falsum est, & nemo faustus dixerit. Si agitur de modico vino destinato ad usum familiæ, vel patris fam. nihil probat, quia hoc non fuit destinatum ad vendendum, & ideo ad quaestiones nostram non pertinet.

Illud animadvertere operæ pretium est, quod licet olim, cum ad agrorum culturam servis utebantur, quos alere debebant, hujusmodi legatis continerentur fructus ad exhibitionem servorum necessarii *d. l. quaesitum, & l. cum de lanionis §. item cum 9. ff. de instr. vel instrum. leg.* tamen hoc tempore, quo utimur colonis partiariis, non continerentur illi fructus, quos illis solemus subministrare, quia hos ipsis vendimus, aut mutuamur, aut cum aliis permutamus.

Postrremo, contra hanc sententiam opponere quidam Iudex, quod legatum fundi cum iis, quæ ibi sunt, magis late pateat, quam legatum fundi instructi, & allegabat textum in *l. si eborus §. his verbis ff. de leg. 3.* Hinc arguebat, quod si legato fundi instructi non continerentur fructus venales, continerent legato fundi cum omnibus, quæ ibi sunt.

Insuper sane argumentum: nam probandum esset, latius patere quoad comprehendendas res venales. Nam hoc argumentum probari posset, hoc legato contineri etiam pecuniam, & instrumenta, contra text. in *l. quaesitum §. Papinianus quoque ff.*

V v de

de *instru.* quia hæc non continentur legato domus cum instrumento *l. si mihi Mævia in fin. ff. de leg. 3.* & alia prorsus absurda concluderentur.

CAPUT XXIX.

AD L. LUCIUS TITIVS

78. ff. tres hæredes 2. ff. ad Senatuse.
Trebell.

SUMMARIUM.

- I. Quid differat, an molestia prohibeatur per modum conditionis, an pænæ mœriti.
- II. In conditionibus merum factum spectatur.
- III. Proponitur communis distinctio inter molestias iustas, & iniustas, & reprobatæ.
- IV. Per servum hæreditas acquiritur domino ne momento quidem remanens potest servum.
- V. Legata in testamento ob mirum relinquuntur.
- VI. Qui recusat eius injunctum a testatore, indignus est ejus beneficio.
- VII. Tutor, qui se excusat a tutela, etiam iusta de causa legatum amittit.
- VIII. Pænæ non habet locum sine delicto.
- IX. Dolo facit, qui petit contra præceptum testatoris. & n. 10.
- XI. Deficiente conditione non datur alio: & idem cessat exceptio doli.
- XII. Testator, & contrahentes etiam facti per se homines & liciti possunt pænam imponere: & quærit & n. 15.
- XIII. Et possunt imponere petenti quod sibi debetur, & per ipsum persequenti.
- XIV. Ratio afferitur. Nemo gravi potest ultra id quod accepit.
- XV. Differentia inter pænam legis, & pænam testatoris, vel contrahentium.
- XVI. Pæna conventionalis aliquando confirmat alius invalidæ.
- XVII. Molestiæ, & inquietari dicuntur debitor, etiam si vere sint debitor.
- XIX. Præceptum turbe, vel impossibilia imponere non servatur. Exceptione regula supra tradita.

Semper in dies invalescit consuetudo apponendi testamentis præceptum non inferendi molestiam alicui, & allatis molestiis privandi hæreditate, vel legato eum, qui non paruit præcepto testatoris. Hujus præcepti exemplum proponit Scævola in *l. Lucius Titius §. tres hæredes ff. ad S. C. Trebell.*

Recte distinguunt DD. an hujusmodi præceptum testator apponat per conditionem, an pænæ nomine: hoc est, an hæredem instituat sub conditione, *si molestiam non intulerit*: an vero hæredem instituat pure, eumque privet hæreditate, *si alicui molestiam exhibuerit*, & eum inquietaverit. Si sub hac conditione quis fuerit institutus, utique conditioni parere debet, & non conlequitur hæreditatem, vel legatum, si quocumque genere molestiæ illum inquietaverit. Etenim in conditionibus nudum factum spectatur, etiam si nullam vim habeat *l. Mævia 55. ff. de condit. & demonstr. l. mulier, §. 1. 2. ff. de condit. insti. l. servum testamento ff. de man. testam. l. Stichus 24. & l. penult. §. 1. ff. de statu lib.*

Quod si heres pure fuerit institutus, & privetur hæreditate, *si alicui negotium fecerit*, solent distinguere inter molestias iustas, & iniustas. Si per calumniam, 3 malitiamque heres vexaverit eum, quem inquietare prohibebatur, putant, eum hereditate privandum. Si vero iuste ei litem intenderit, non posse privari hæreditate, cum pænæ non incurrat, qui jure suo utitur. Hanc distinctionem probare non possum, si generaliter, & in universum quis prohibeatur alicui negotium facere, molestiam creare, controversiam movere, ipsum inquietare: maxime si, ut hodie fieri solet, tam juris, quam facti molestiæ prohibeantur. Moveor auctoritate Scævolæ in *l. Lucius Titius §. tres hæredes ff. ad S. C. Trebell.* ubi cum fuisset interdictum Sejo, ne quam Stichum moveret controversiam; & si quam controversiam movisset, uncia hæreditatis relicta Stichæ ad Mævium reverteretur: respondit Scævola, quod si Sejus aliquam controversiam de uncia hæreditatis facere velit Stichæ, ea uncia ad Mævium revertitur. Animadvertendum est in hac lege primum, quod Scævola non exigit injustam controversiam, sed sufficit aliqua controversia: nec requirit ut eum lite, aut longa frustratione vexet, sed sufficit, si controversiam facere

cere

cere velit. Præterea, quod controversia, quam Sejus Stricho facere volebat, iusta erat, & rationem habebat. Etenim Sejus non tenebatur restituere unciam illam Stricho manumisso: neque de hoc rogatus erat a testatore, ut respondit Scævola, ibi: *respondit, non proponi Sejum rogatum unciam ei restituere*. Cum igitur servus acquirat hæreditatem domino, adeo ut ne momento quidem maneat penes servum *l. places 79. ff. de acquir. hæred. & Sejus dominus non esset rogatus hæreditatem restituere* servo manumisso, iuste dominus ei controversiam faciebat de hac uncia hæreditatis. Et tamen quia prohibuit testator, ne quam controversiam Stricho moveret, amittit hanc unciam, eaque ad Mævium revertitur.

Moveor etiam evidenti ratione. Quamvis enim molestia, & controversia ipsa per se iusta sit, & licita: tamen hoc ipso illicita est, & iniusta, quod est contra præceptum testatoris, & poenam privationis meretur hæres, aut legatarius, quod contempnit præceptum testatoris. Quæ in testamentis relinquuntur, ob meritum relinquuntur *l. nec adjecit ff. pro soc.* Cessat hoc meritum quoties ille, qui a testatore beneficio fuit affectus, ipse parere detrectat. Merito igitur repellitur ab eo, quod petit, vel privatur eo, quod consecutus est ex testamento, cum reculet onus, quod testator imposuit *l. Nefennius versic. recte ergo ff. de excusat. tut.* Merito testator eum indignum sua liberalitate iudicavit, cum eum ad insolentiam erexerit ipsa liberalitas, quæ illum ad obsequium inclinare debebat *l. i. versic. nam qui obsequiis C. de revoc. donat.* An non potest testator rei suæ quamcumque voluerit legem dicere, & pro arbitrio suo disponere? *l. verbis legis ff. de V. S. Authent. de nupt. cap. 2. l. vel negare ff. testam. quemad. aperiant.* Quid autem iustum, quam privare sua liberalitate, ac munificentia eum, qui nec obediens, & contumax est, & contemnit præceptum ejus, cujus liberalitate fruitur? Quid iniustum, quam lucrum quidem am-

plecti, onus autem annexum contemnere? *l. un. §. profecundo in fin. C. de caduc. tollend.* sentire commodum, & incommodum reculare? *l. secundum naturam ff. de Reg. Jur. c. qui sentit 55. de Reg. Jur. in 6.* Equissimum igitur, est eum aut totum amplecti, aut a toto recedere *l. cum queritur ff. de admin. tutor. eique auferri quod relictum est, si non impleat quod præceptum est, Authent. de hered. & Falcid. cap. 1. §. 1. & 2.*

Confirmatur exemplo tutelæ. Si tutor datus in testamento, idemque legato honoratus, velit quidem legatum, recuset autem suscipere tutelam, legatum amittit, etiam si habeat iustam causam se excusandi a tutela. Facit enim contra iudicium testatoris, qui non præsumitur ei dare velle legatum, qui tutelam non administrat, nisi contrarium evidenter expresserit *l. Nefennius cum duabus seqq. ff. de excusat. tut.* Quanto magis igitur repellendus est a legato, vel hæreditate is, quem testator expresse repulit recusantem implere onus injunctum, etiam si iustam habeat causam ejus recusandi?

Doctores, qui contra sentiunt, in errorem induxit, quod poenam a testatoribus, vel etiam a contrahentibus injunctam putarunt metiendam esse ad normam poenæ, quæ a legibus infligitur. Quemadmodum enim poena legis sine delicto non infligitur *l. sancimus C. de poen.* ita crediderunt, poenam testamentariam locum habere non posse, nisi probetur dolus, malus animus, & calumnia controversiam facientis.

Sed utrumque falsum est. Primum, quod dolo careat ille, qui controversiam movet contra voluntatem testatoris, etiam si controversia iusta sit. Nam qui a testatore damnatus est non perere a debitore suo, dolo facit, si petat. *l. dolo facit 8. ff. de dol. mal. & met. excep. l. apud Celsum q. §. præterea ff. cod. ibi: Hæres, qui non habet voluntatem defuncti, per exceptionem doli repellitur. l. ult. §. avus ff. cod. ibi: Quæstum est, an contra voluntatem defuncti facere videatur, & doli mali exceptione submoveatur. Et in ead. l. ult. in fin. ff. cod. ibi: Re-*

spondit, eam contra voluntatem petere, & ideo exceptionem doli obstatutam. Hoc enim ipso delinquit, quod non paret voluntati testatoris: & hujusmodi contumacia pœnam hanc meretur, ut repellatur ab eo, quod ipsi fuit a testatore relictum *l. ult. §. ult. ff. de doli mal. except.* in qua animadvertendum est, quod legato privatur hæres non ea de causa, quod conditio illa, si pœram rationem fecerit cum cohæredibus, adjecta institutioni, repetita censetur in legato: nam si legatum esset conditionale, ipso jure non deberetur; cum defecerit conditio, & ideo non esset confugiendum ad doli exceptionem. Deficiente enim conditione non datur actio *l. cum duobus §. 2. alias l. si fratres §. si qui societatem ff. pro soc. & deficiente actione non est opus exceptione l. 2. ff. de except.* Repellitur igitur a legato, quia non paruit voluntati testatoris, parem rationem faciendo cum cohæredibus. Eadem ratione etiam in *l. filio §. 4. ff. ad Leg. Falc.* filia iuste retinet Falcidiam in prælegatis fratris; quia tamen non paret voluntati defuncti solvendo integra prælegata fratri suo, amittit propria prælegata.

Illud etiam falsum est, quod assumunt: videlicet, quod sicut a lege infligi pœna non potest, nisi delinquentibus, ita non possit imponi pœna ab homine de rebus suis disponente vel inter vivos, vel in ultima voluntate: si quidem delicti nomine intelligunt aliquid distinctum a contumacia non obtemperantis præcepto testatoris, aut initæ conventioni, & dolo ejus, qui lucro, & commodo frui satagit, onus autem, & incommodum rejicit. Potest enim testator, possunt contrahentes cuilibet factio alioqui iusto, ac licito pœnam imponere, *§. ult. Inst. tit. de V. O. l. si pœnam §. 1. l. continuus 137. §. si ut aliquid ff. eod.* Non pertinet ad privatos punire delinquentes: hoc proprium munus est legis. Testator & contrahentes possunt tantummodo pœnam imponere non obediens dispositioni, & conventioni. Itaque in hac pœna infligenda non quaeritur,

justum, an injustum, licitum, an illicitum fuerit factum: sed an sit contra dispositionem, & conventionem. Nihil justius est, quam creditorem petere posse id, quod sibi debetur: & tamen creditori perenti pœna recte imponitur: & si petat contra conventionem, pœnam incurrit *l. amplius non peti ff. rem rat. haberi*. Nihil justius est, quam dominum jure suo uti, & jus suum persequi; & tamen recte a testatore prohibetur, ne quis jure suo utatur, & jus suum persequatur *§. si quis velit Inst. tit. de servit. l. non solum nostrum, & l. cum baves ff. de liberat. legat.* & potest privari hæreditate, vel legato si contra fecerit *l. tutor ff. eod.*

Hujus rei duplex est ratio. Altera, quod hæc pœna non afficit personam, neque bona gravati: sed bona ipsius testatoris, quibus testator cum privat non obtemperantem voluntati suæ: neque enim potest gravari ultra id, quod accepit *l. Imperator 70. ff. de legat. 2.* Propterea potest testator pro suo arbitrio pœnam imponere, cum hæc afficiat propria bona, de quibus pro arbitrio potest libere disponere *l. verbis legis ff. de V. S. Authent. de nuptiis cap. 2.* Et cum possit pro arbitrio hæredem gravare ad restituendam alteri hæreditatem etiam sine ulla causa; multo magis illum gravare potest, si non obtemperaverit suæ voluntati.

Altera est, quia hæc pœna non imponitur ad puniendum delictum, neque ut quis a delinquendo deterreatur, sed ut inducatur ad aliquid faciendum *l. stipulatio ista §. 1. ff. de V. O.* vel ad implendam voluntatem testatoris *l. unic. C. de his, quæ pœna nomine*. Quocirca hæc pœna non est exigenda ad normam, præscriptionemque legum, sed ad normam voluntatis testatoris. Atque ut hæc pœna debeat, sufficit, factum fuisse id, quod fieri noluit testator, sive factum fuerit legitimum, & justum, sive non fuerit: sive malo animo, & malitiose factum fuerit, sive non fuerit; sufficit enim non fuisse impletam voluntatem testatoris *d. l. unic. C. de his, quæ pœna nom.* Nihil

Nihil igitur commune habet poena a legibus injuncta delinquentibus cum hac poena injuncta contumaciae non obtemperantium. Illa suos auctores tenere debet, & ad alios extendi non potest *l. si poena & l. crimen ff. de pœnis. l. sancimus C. cod. Hæc imponi potest etiam pro facto alieno. l. stipulatio ista §. 1. ff. de V. O. Illa debet esse major, minorve pro qualitate delicti *l. perspicuum 11. ff. de pœn. l. ant facta 16. ff. cod. l. Pedius 4. §. 1. in fin. ff. de incend. ruin. l. sancimus C. de pœn. c. quævis in fin. de his, quæ sunt a major. part. c. felicit §. illud autem de pœn. in 6. Hæc nullam habet rationem cum delicto, aut facto, cui imponitur; & potest quis privari pinguisima hæreditate ob factum nullius fere momenti, quia in hac solam testatoris voluntatem spectamus, non qualitatem facti. Illa emendatur, & aboleretur facta injusta, & illicita, & a legibus prohibita *l. sancimus C. de pœnis*. Hac contra confirmantur etiam actus invalidi: ut cum adjicitur poena stipulationi facti alieni, quæ confirmat stipulationem alias inutilem *l. stipulatio ista §. 1. ff. de V. O. §. alteri instit. tit. de inst. stipul.* cum adjicitur oneri adjecto libertati *l. un. C. de his, quæ poena non. cui alias onus adjici non potest l. 1. §. quæ oneranda ff. quar. rer. actio non datur*.**

Quibus probe constitutis satis apparet, quod si verba testatoris sint idonea ad comprehendendum omne genus molestiæ, non est distinguendum inter molestias justas, & injustas. Molestari enim, & inquietari dicuntur debitores, licet vere debitores sint, seclusa dispositione testatoris *l. 3. §. nunc de effect. & l. Aurelio 20. ff. de liberat. legat.*

Fateor tamen aliquando non incidere in poenam a testatore impositam cum, qui facit id, quod vetuit testator. Primum, si præceptum testatoris impossibile sit, aut turpe, aut contra leges, aut contra honores *l. 1. ff. de pœn. l. multa in*

princ. l. pater 101. in princ. ff. de cond. & dem. Hæc enim præcepta cum sint impossibilia *l. filius 15. ff. de cond. instis. l. inter stipulantem §. sacram ff. de V. O.* non obligant hæredem, & legatarium *d. l. inter stipulantem §. sacram versic. & ea dumtaxat, & l. impossibile ff. de Reg. Jur.* eique remittuntur, & pro non scriptis habentur *l. non dubitamus ff. de cond. & demonstr. l. condiciones, quæ ff. de cond. instis. l. facta 63. §. si sub conditione ff. ad S. C. Trebel.* Quamobrem cum remittatur ipsum factum, & pro non scripto habeatur, non potest committi poena: nec potest mulctari is, qui non fecit id, quod facere non potuit.

Præterea, si hæres, aut legatarius molestiam exhibeat ad conservandam voluntatem testatoris: veluti si petat id, quod sibi relictum fuit in testamento. Hic enim non contemnit præceptum testatoris, nec quicquam facit contra ejus voluntatem, sed ipsam tuetur, & conservat. Neque quisquam videri potest disposuisse ad evitendam voluntatem suam.

CAPUT XXX.

AD L. SOLEMUS

61. & l. si quis intentione 66. ff. de judic.

SUMMARIUM.

- I. In judicio laus si interpretatio, quam in contrahentibus.
- II. In contrahentibus maxime spectandum, quid alium fecit & quare?
- III. Ex verbis colligitur mens contrahentium. Quæ generaliter loquuntur significant faciem contrahentis.
- IV. In judicio filius spectamus voluntatem præferentis: & quare?
- V. In judicio venit omne, quod nominatum non fuit exceptum: & quare?
- VI. In voluntaria voluntate, id quod verisimile est, sequitur.
- VII. In judicio verba presentis temporis futurum continent.
- VIII. Compromissa admittunt interpretationem contrarium, non judiciorum.
- IX. Laus explicatur l. Ediles 25. §. item sciendum ff. de Edil. Edict.
- X. Actio restitutiva est bona fidei.
- XI. Eadem si interpretatio libelli tam in judicio bonæ

na fidei, quam stricte Juris.

XXII. Quoad interpretationem verborum non differunt contrarii bona fidei, & stricte Juris.

XXIII. An in iudiciis veniant fructus percepti ante litium contestatam.

XXIV. Edilium Edilium quid continet.

XXV. In iudiciis quid sit restituendum alicui?

XXVI. Quid in actione redditoria?

XXVII. Libellus ambigus comprehendit quod alicui utiliter est: & quare? n. 19.

XXVIII. Quamvis differant interpretationes contractuum, & iudicium.

XXIX. Interpretanda sunt verba, ut altius valeant.

XXX. Etiam si interpretatio redundet in favorem proferentis.

XXXI. Iudex non potest condemnare nisi in id, quod in iudicium deductum est.

XXXII. Actor non probat reus est absolvendus.

XXXIII. Ambigua probatio alicui non prodest.

XXXIV. Iudex certam sententiam ferre debet.

XXXV. An voluntas alicuius ab heredem possit declarari, & non. seqq.

XXXVI. Instantia transit in heredem cum omnibus suis qualitatibus.

XXXVII. Voluntas a declaratione voluntatis multum differt.

XXXVIII. Si actori ius superveniat inter moras iudicii reus condemnandus est.

XXXIX. Iniquum est aliquid de alieno facta iurare. Quantum differat iuramentum a declaratione voluntatis.

XXXI. Voluntas declaratio, qua a lege requiritur, in heredem transit.

XXXII. Voluntas, qua ab homine requiritur, simpliciter & ab heredem, & a legataria potest declarari.

XXXIII. Secus si per modum conditionis iniuncta sit.

XXXIV. Condicio iniuncta persone ab ea debet impleri.

XXXV. Legatum optatum cuiusmodi esset olim, cuiusmodi sit hodie.

IN iudiciis latior fit interpretatio, quam in contractibus. *l. si stipulatus 76. §. cum stipulamur ff. de V.O. ubi huius interpretationis proponitur elegantissimum exemplum, & discrimen inter contractus, & iudicia. In contractibus enim potissime spectandum est, quid actum sit inter contrahentes. l. ubi est verborum ff. de reb. dub. l. dotis 7. §. si usufructus ff. de iure dot. l. qui usufructum 36. §. stipulatus ff. de usufr. l. sed Celsus §. 1. l. cum in lege 33. & l. fistulas 78. in princ. ff. de contr. empt. l. qui fundum 40. §. fundi eod. l. si venditor in princ. & in §. ult. & l. ex empto §. 1. ff. de act. empti. Contractus enim utriusque consensu constat, & sine voluntate utriusque contrahentis in idem placitum non contrahitur obligatio. l. 1. §. conventionis*

ff. de pact. l. non solum 31. ff. de oblig. & act. Itaque in interpretando contractu, quid voluerint, quid egerint contrahentes potissimum animadvertere oportet. Non tamen serendus est debitor, qui cum generaliter contraxerit, postea caulatur, se de aliquibus tantum rebus sensisse. l. non est ferendus ff. de transact. l. quicquid adstringende in princ. ff. de V.O. l. si mihi & Titio §. 1. ff. eod. Ex verbis enim, & ex eorum significatione colligitur quid senserint, quid voluerint contrahentes. l. Labeo 7. ff. de supell. leg. l. in ambiguo 3. ff. de reb. dub. Quamobrem cum in verbis non est ambiguitas, non est admittenda voluntatis questio. l. ille aut ille 25. §. 1. ff. de leg. 3. & repellendus est a probatione contrariæ voluntatis, nec audiendus est, qui contendit, se aliter sensisse: cuius rei elegantissima proponuntur exempla in l. Labeo ff. de supell. leg. in l. 4. princ. vers. quod si quis ff. de leg. 1. in l. quoriet §. 1. ff. de hered. inst. in l. si alii 19. ff. de usu & usufr. leg. Cum igitur genus singulas species comprehendat. l. semper specialia ff. de Reg. Jur. l. si eborus 79. in princ. ff. de leg. 3. qui generalibus verbis utuntur, id egisse videntur, ut singulas species comprehenderent. l. 1. §. quod autem ff. de aleat. l. ult. in princ. C. de usufr. rei jud.

In iudiciis autem multo laxior fit interpretatio verborum; neque enim ea interpretamur secundum mentem utriusque, tam actoris, quam rei, neque spectamus utriusque voluntatem in idem placitum concurrentem; sed solum voluntatem proferentis; solum querimus, quid senserit ille, qui dixit. Iudicium enim non constat utriusque voluntate & consensu, sed redditur in invitum: quapropter absurdum esset, explorare quid voluerit reus; qui velit, nolit, iudicium suscipere cogitur. l. solemus, & l. si quis intentione ff. de iudic. l. inter stipulantem §. si Stichum ff. de V.O.

Quo fit, ut, cum in interpretanda actoris intentione, seu libello, spectanda sit voluntas solius actoris, neque carandum sit, quid reus senserit: id omne in iudicium

- cium venisse videatur, quod nominatim non fuit exceptum: neque enim queritur quid inter litigantes actum fuerit, ut veniret in iudicium, sed quid voluerit venire actor ipse. Ut autem exploremus voluntatem actoris, observandum est, quid verisimile sit, eum voluisse *l. in obscuris 114. ff. de R. J. l. insulam 13. in fin. ff. qui pot. in pign. l. 2. §. si venditor 14. ff. de hered. vel a. vend.* verisimile autem est, actorem non jus suum in iudicium deducere voluisse *l. ult. in fin. C. de annal. except.* Et ideo nisi quid ipse nominatim exceperit, aut inter litigantes actum fuerit ne in iudicium veniret, omne jus actoris in iudicium deductum videtur *d. l. ult. & l. solemus ff. de judic. c. cum Ecclesia 3. verum de causa possess.* Et etiam si verbis presentis temporis utatur, tamen etiam futura continentur *l. si stipulatus 76. §. cum stipulamur ff. de V. O. cap. Abbate sane §. ceterum cum seq. de sent. & re jud. in 6.*

- Ex quibus appareat ratio, cur non eandem interpretationem sequamur in compromissis: id enim tantummodo venit in compromissum, de quo actum fuit, ut veniret *l. quid tamen 21. alias l. si cum dies 22. §. plenum ff. de recept. arb.* Compromissum constat pacto, & conventionione utriusque compromittentis *l. litigatores §. quod ait Prætor & §. interdum l. item si unus §. sed si ita ff. de recept. arbit.* Est enim conventio inter aliquos inita de controversia per arbitrum finienda, cum promissione pænæ irrogandæ ei, qui non paruerit sententiæ arbitri. Itaque cum compromissa ex consensu reddantur, interpretationem eandem prorsus admittunt, quam contractus, nec possunt in compromissum venire nisi res, & controversiæ, de quibus actum fuit *l. cum Aquiliana 5. ff. de transact. ubi observanda sunt illa verba, que ex consensu redditur; quibus ratio respondendi continetur l. qui cum tutoribus 9. §. 1. ff. eod. l. si de certa 31. C. eod.* Contra in iudiciis, quæ non redduntur ex consensu, spectari non potest, quid actum sit inter litigantes: sed æquum est, ut in iudicium

veniat omne jus actoris, nisi actum fuerit ne veniret.

Sed contrarium videtur respondisse Ulpianus in *l. Ediles etiam 25. §. item sciendum in fin. ff. de Edil. Edict.* ibi: *Quæ ante iudicium contingunt non valde ad iudicem pertinent, nisi fuerint ei nominatim iniuncta.*

Sunt qui putant, in hac lege agi de iudicio stricti Juris, in quo non venit nisi id, de quo nominatim actum fuit, & omissum pro omissio habetur *l. quicquid adstringende 99. in princ. l. ita stipulatus 115. in princ. ff. de V. O.*

Vix est, ut operam impendamus in hac falsissima sententia confutanda. Utrumque enim perspicue falsum est. Non agitur ibi de iudicio stricti Juris, agitur enim de redhibitione, quæ fit empti iudicio *l. ex empto §. redhibitionem ff. de action. empt.* Empti iudicium est bonæ fidei *§. actionum to autem Instit. tit. de action. l. fundi 17. §. si rursus & causa ff. de action. empt.* Falsum est etiam, quod in iudiciis stricti Juris verba intentionis actoris stricte sint interpretanda, & in iudicium veniat solum id, de quo nominatim est actum. Repugnat enim text. in *l. solemus in l. si quis intentione ff. de judic. in l. inter stipulantem 83. §. 1. ff. de V. O.* quæ tum generales sunt, tum generali ratione nituntur, quæ pertinet tam ad iudicia stricti Juris, quam bonæ fidei. Facultas enim, quam habet Iudex ex præscripto Prætoris in iudiciis bonæ fidei, non pertinet ad interpretationem libelli, sed ad ea, quæ alterum alteri præstare oportet ex natura conventionis. Nam in strictis iudiciis est alligatus verbis contrahentium: in bonæ fidei potest ex bono & æquo æstimare *l. quia tantumdem ff. de negot. gest. l. quicquid adstringende ff. de V. O. l. si servus 50. §. ult. ff. de leg. 1. l. quod si noluit 31. §. quia assidua ff. de Edil. Edict. l. usura 34. ff. de usur.* Quin imo, & quoad interpretationem verborum ambiguum eadem est ratio contractuum bonæ fidei, & stricti Juris *l. verisimilibus 39. ff. de pact. l. Labeo 21. ff. de coner. empt. l. cum queritur ff. de reb. dub. l. stipulatio*

L. 38. §. in stipulationibus ff. de V. O.

Respondent Viri doctissimi, ibi agi de accessionibus, & fructibus perceptis ante litem contestatam, qui cum separati sint
13a re petita, adeoque differant a re ipsa, non possunt comprehendi petitione rei l. in edibus 9. §. 1. ff. de donat. Quamobrem nominatim petendi sunt; nam quæ ante judicium acceptum contingunt, non valde ad Judicem pertinent, nisi fuerint ei nominatim injuncta.

Ego vero contra sentio, hos fructus, & accessiones venire in judicium redhibitorium, etiam si nominatim hæc petita non fuerint: neque in hac lege agi de libello, & petitione actoris; eamque legem ad rem nostram minime pertinere. Non agitur in ea lege de libello ambiguo, nec de petitione actoris, sed explicatur ab Ulpiano Edictum Ædilium.

Edicto Ædilium cavetur, ut qui mancipia vendunt, certiores faciant emptores, quid morbi, vitiviti sit, & palam recte pronuncient. Si secus fecerint, judicium datur, ut id mancipium redhibeatur. Si quid autem post venditionem natum, acquisitumve fuerit, sive quid ex ea re fructus pervenerit ad emptorem, ut ea omnia restituat l. 1. ff. de Ædilit. Edict. Explicans hoc Edictum Ulpianus admonet, hæc omnia, quæ exprimuntur Edicto Ædilium referenda esse ad ea, quæ percepit actor, seu emptor ante litem contestatam. Nam ea, quæ percipit post litem contestatam, præstare cogitur officio judicis, cum post judicium acceptum tota causa in Judicio versetur, & restituenda sit non solum res petita, sed etiam rei causa: hoc est, ut actor habeat omne id, quod habiturus fuisset, si tempore litis
15 contestata fuisset ei res restituta l. preterea, & l. ex diverso §. 1. ff. de rei vind. l. 2. ff. de usur. l. illud ff. de petit. hered. Itaque de his rebus restituendis necesse non fuit Ædiles nominatim Edicto cavere, cum veniant ex natura actionis, & officio Judicis præstandæ sint dd. ll. & §. & si in rem, cum seq. Inst. tit. de offic. Judic.

De his autem, quæ percepit emptor ante litem contestatam, necesse fuit Ædiles Edicto cavere, eaque enumerare, & nominatim injungere Judici, ut ad hæc quoque restituenda condemnaret emptorem. Ad hæc enim restituenda non potuisset Judex condemnare. Non ex officio, quia officium Judicis non extenditur ad ea, quæ ante judicium acciderunt d. l. Ædiles §. sciendum in fin. ff. de Ædilit. Edict. Non ex natura ipsorum fructuum, quia cum emptor bona fide possederit, tenetur solum ad fructus perceptos post litem contestatam l. certum C. de rei vind. Necessarium igitur fuit, Ædiles nominatim cavere de his fructibus restituendis. Hanc puto germanam hujus legis interpretationem.

His expolitis constat, verba illa, nisi fuerint ei nominatim injuncta, non esse referenda ad libellum, & petitionem actoris, sed ad Edictum Ædilium, quo nominatim injungitur Judici, ut condemnet etiam ad restituenda ea, quæ percepta sunt ante litem contestatam. Quamobrem in ea lege non agitur de interpretatione libelli ambigui, aut de iis, quæ veniunt in judicium ex petitione actoris, seu de illis, quæ petenda sunt ab actore nominatim.

Constat etiam, quod etsi nominatim hæc petita non fuerint, tamen Judex ad ea restituenda debet condemnare: veniunt enim ex natura actionis redhibitoriz, & ex Edicto Ædilium, quo nominatim injungitur hæc restitutio d. l. 1. ff. de Ædilit. Ed. Et ideo Judex ex officio debet condemnare, sicut condemnat in fructibus postea perceptis l. plus est 22. ff. de V. S.

Hætenus de interpretatione libelli generalis: nunc de interpretatione libelli ambigui. Libellus ambiguus comprehendit id, quod actori utilis est l. si quis intentione ff. de judic. Utrumque enim interpretatur in favorem actoris. Alia adhibetur interpretatio in judiciis: alia in contractibus.

In contractibus ambigua verba interpretatur contra proferentem, hoc est, con-

contra stipulatorem, locatorem, venditorem *l. cum quaritur ff. de reb. dub. l. stipulatio ista 38. §. in stipulationibus ff. de V. O. l. Labeo 21. & l. cum in lege 33. ff. de contr. empt. l. veteribus ff. de pact. quia cum contractus constet utriusque contrahentis consensu, & sine conventionne obligatio non contrahatur *l. non solum 31. ff. de obl. & act. l. 1. §. conventionis ff. de pact. l. in omnibus rebus ff. de oblig. & act. utriusque contrahentis voluntas spectanda est, nec minus quid hic, quam quid ille voluerit comprehendere, curandum est d. l. non solum 31. ff. cod. Est igitur par ratio, par causa utriusque contrahentis. At in pari causa æquum est, verba nos interpretari contra proferentem, qui potuit apertius dicere: ac proinde sibi debet imputare, suæque culpæ adscribere, si obscure dixit *l. veteribus ff. de pact. l. Labeo 21. ff. de contr. empt. Equissimum enim est, factum cuique suum nocere, non alteri *l. factum 155. ff. de Reg. Jur.****

In iudiciis vero verba interpretamur in favorem proferentis. Iudicium enim solius actoris voluntate constat, cum in reum etiam invitum reddatur *l. inter stipulantem §. 1. ff. de V. O.* Libellus continet intentionem solius actoris: quamobrem verba ex actoris voluntate sunt æstimanda. Quid reus senserit parum refert: sola voluntas actoris spectatur. Ut autem actoris voluntatem exploremus, id quod verisimile est, cum voluisse, debemus investigare *l. in obscuris 114. ff. de Reg. Jur. l. insulam ff. qui potior in pign. verisimile est autem, quemlibet velle id, quod sibi utilius est *l. si ita stipulatus 109. ff. de V. O. l. bi qui 34. in fin. ff. de fideiuss. Et ideo actor censetur in iudicium deduxisse id, quod sibi utilius est.**

Concurrit & alia ratio, quamobrem rei voluntas curanda non sit: quia semper reus negaret, se convenisse, ut iudicium eluderet *l. solemus ff. de judic. l. in actor stipulante §. 1. ff. de V. O.* Verba semper interpretanda sunt, ut actus valeat potius, quam pereat *l. ubi est ver.*

Tom.I.

*borum 21. ff. de reb. dub. l. quoties in stipulationibus 80. ff. de V. O. l. si quando 109. ff. de leg. 1. Eadem est ratio interpretandi actiones, & exceptiones *l. quoties in actionibus 13. ff. de reb. dub. l. in contrahenda 172. ff. de Reg. Jur.* Et ideo necesse est, in iudiciis verba in favorem proferentis interpretari.*

Et hac in re iudicia non differunt a contractibus. Nam & in contractibus, licet ambigua verba sint interpretanda contra proferentem; tamen si secundum huiusmodi interpretationem contractus sit inutilis, ab illa regula recedimus, & in favorem proferentis verba interpretamur, ne contractus corruat? ut in *l. cum quis calendis in fine princip. ff. de V. O.* In qua lege si verba interpretemur contra stipulatorem proferentem, promissor tenebitur dare calendis remotissimis: longius enim tempus stipulatione comprehendendum videtur *l. si ita stipulatus 109. ff. de V. O.* Sed si tenetur dare calendis remotissimis, inutilis erit stipulatio: numquam enim venturæ sunt hæ calendæ. Concurrent igitur duæ regulæ: altera de verbis interpretandis contra proferentem; altera de verbis interpretandis ita, ut actus potius valeat, quam pereat. Quid dicendum? præponderat regula validitatis actus: eaque in hoc concursu potius attendenda; posthabita interpretatione contra proferentem. In iudiciis concurrent hæ duæ regulæ: posthabenda igitur interpretatio contra proferentem, eaque rejecta, pro proferente verba sunt interpretanda, ne sit inutile iudicium.

Sed contrarium videtur respondisse Ulpianus in *l. idem Pomponius §. §. ult. ff. de rei vind. Si plures sint ejusdem nominis servi, puta plures Erotas, nec appareat de quo actum sit, Pomponius dicit nullum fieri condemnationem. Ergo potius redditur inutile iudicium, quam fiat interpretatio in favorem actoris.*

Vere tamen contrarium non est, quod in hac lege respondit Ulpianus, iis, quæ respondit Paulus in *l. inter stipulantem §. si Stichum ff. de V. O.* Neque enim ea-

X x

defuncti actoris. Etenim instantia transit in hæredem actoris cum omnibus suis qualitatibus, adeo ut hæres jure defuncti utatur, & induat omnia ejus jura, & privilegia, *l. oratione ff. de seriis l. si is qui Roma, & l. ubi acceptum ff. de judic.* Nam cum quis utitur jure alterius, in eum transeunt omnia, quæ alteri competeabant, etiam vitia *l. 4. §. de auctoris dolo ff. de doli & met. except. l. cum hæres ff. de divers. temp. præscr.* Cum igitur defunctus possit declarare ambiguum libellum: poterit eundem declarare etiam ejus hæres.

Nec enim in hac causa queritur, an voluntas defuncti sit voluntas hæredis; hoc enim est indubitatum; sed an defuncti voluntatem possit hæres declarare. Multum autem differt voluntas à declaratione voluntatis, quæ multo facilius admittitur *l. heredes palam §. 1. ff. qui testam. & facit test. in l. Theopompus ff. de dot. præleg.*

Imo vero nec agitur de declaratione voluntatis. Neque enim necesse est, ut hæres declaret, quid senserit defunctus actor: hoc enim ab ipsa lege declaratur. Sufficit, ut declaret, quid actori fuerit utilis: hoc enim declarato, lex statuit id ambiguo libello comprehendi: nostra *l. si quis intentione ff. de judic.* Quid actori sit utilis tantummodo queritur in interpretatione libelli ambigui: id enim accipiendum est *d. l. si quis intentione ff. de judic.* Hoc autem facti est, & quidem extrinseci, quod potest etiam ab hærede declarari: neque enim hujusmodi factum in animo latet, sicut voluntas, adeo ut alteri notum esse non possit. Solus hæres, cui notus est status hæreditarius, scire potest, quid fuerit utile defuncto: ad ipsum igitur pertinet hujus facti declaratio. Præterquam quod cum in favorem actoris, & ne judicium reddatur inutile, reo negante, se convenisse, sit constitutum venire in judicium id, de quo actor senserit *l. solemus ff. de judic. l. inter stipulantem §. 1. ff. de V. O.* quid causæ esse potest, cur non sit credendum hæredi, qui actor est, translata in eum instantia defuncti, atque adeo reddendum sit inutile judicium, & danda sit facultas reo captem judicium eludendi? Ne-

mo certe hoc mihi poterit persuadere. Præsertim quia aut probat hæres, deberi sibi servum, quem dicit, in judicium suisse deductum: aut non probat. Si non probat, utique reus est absolvendus *l. 2. C. de probat. l. 4. C. de edendo, & similibus.* Si vero probat, eum sibi deberi, & debitum fuisse actori, qui petit, quid causæ est, cur reus velit evitare condemnationem? Etenim, quod magis est, etiamsi ab initio res non recte fuerit petita, quia jus petendi non habebat actor; tamen si inter moras judicii jus actoris superveniat, dummodo superveniat ex causa de præterito, non potest reus evitare condemnationem *l. si mandavero sibi 17. ff. mand. l. si rem §. ult. ff. de pignor. act. l. quasitum 30. in princ. ff. de pecul. c. Abbate sane §. ceterum cum seqq. de sens. & re judic. in 6. & facit text. in l. Julianus 11. ff. qui testif. cog.*

His probe constitutis, ad contraria argumenta facilis est, & prompta responsio. Et quidem in universum respondetur, hic neque agi de transferenda in hæredem voluntate defuncti, quod fieri non potest: neque de transmittenda facultate declarandi, & explicandi voluntatem, ut probavimus; unde omnia argumenta concidunt ipsa per se.

Singillatim tamen respondetur, non posse deduci argumentum a iurejurando ad nudam voluntatem. Primum, quia iniquum est de alieno facto alium jurare *l. Marcellus §. jurare ff. de act. ver. annos.* Non est iniquum alienam voluntatem declarare. Præterea, jurandi necessitas facile remittitur propter quorundam superstitiosam timiditatem *l. qua sub conditione 8. in princ. & §. seqq. de condition. inst. l. hac scriptura ff. de cond. & dem. l. liberto ff. de bon. libert.* Non remittitur necessitas declarandi voluntatem *l. si ita legatum 65. §. illi si voles ff. de leg. 1.* Est igitur futile hoc argumentum.

Non majoris momenti est alterum petitum ex *l. centesimis §. ult. ff. de V. O.* Etenim cum queritur, an hæres velle possit, cum defunctus non declaravit, se velle, ita distinguendum est. Aut voluntas requiritur a lege, aut ab homine.

Si

Si a lege; nempe si lex disponat, ut actus pendeat a voluntate hominis, facultas declarandi voluntatem transit in heredem. Ut, puta, legatum non acquiritur invito, sed si voluerit legatarius *d. l. si ita §. illi ff. de leg. 1. si nolit, & repudiet, legatum corrui.* Sed si decedat antequam velit, & agnoscat, ad heredem transmittitur, & potest velle, & agnoscere legatum ipse hæres *d. l. si ita legatum de leg. 1. & l. si post diem ff. quan. di. leg. ced.* Item in legato generis, & alternativo habet legatarius facultatem eligendi, & declarandi quid velit ex pluribus rebus legatis *§. si generaliter & 2. Inst. vii. de legat. l. qui duas 20. l. si servus 108. §. cum homo ff. de legat. 1.* Quod si moriatur legatarius antequam declaret utrum velit, hæc facultas ad heredem simul cum legato transmittitur *l. nec semel §. si cui homo ff. quan. di. leg. ced.* In casu nostro facultas interpretandi libellum ambiguum, & declarandi quid petere voluerit, competit auctori ex dispositione legis *l. solumus & l. si quis insensio ff. de judic. l. inter stipulantem §. 1. ff. de V. O.* quare, non mirum, si transeat ad heredem simul cum instantia defuncti.

Quod si voluntas requiratur ex dispositione hominis, rursus distinguendum est inter voluntatem, quæ simpliciter, & absolute requiritur, camque, quæ ponitur in conditione. Primo casu transmittitur hæres *l. illud aus illud ff. de opt. leg.* Et ne quis putet, id fuisse receptum in legatis favore ultimarum voluntatum, idem traditum de contractibus in *l. si stipulatus fuero 76. ff. de V. O.* Stipulatus sum mihi dari Stichum, aut decem, utrum voluero. Etiam si facultas eligendi sit personalis; tamen simul cum obligatione transit ad heredem, qui potest eligere utrum velit, Stichum, an decem *d. l. si stipulatus.* Immo transit etiam ad legatarium *l. si sic legatum 75. §. si quis ita stipulatus ff. de leg. 1.* In casu nostro voluntas simpliciter & absolute requiritur, non per modum conditionis *l. inter stipulantem §. si Stichum ff. de V. O. A.*

deoque etiam si requireretur ex dispositione hominis; tamen ad hæres transmittitur facultas declarandi voluntatem, quam defunctus non declaravit.

Secundo vero casu, quando voluntas ponitur in conditione, tunc potest velle solummodo ille, cui est injuncta conditio, eoque moriente, antequam declaret voluntatem suam, interdict obligatio, neque ad hæres transmittitur. Quapropter in *l. concessimus §. ult. ff. de V. O.* quæ nobis opponitur, si debitor moriatur antequam velit, obligatio corrui; quia verba illa, *cum volueris, dabis*, conditionem faciunt: continent enim expressum, & principaliter tempus, tacite vero, & consequenter conditionem *l. si Titio 22. in princ. ff. quan. di. leg. ced. l. quodcumque 45. §. non solum ff. de V. O. l. qui promissit ff. de condit. ind.* Idem traditum est & in legatis: nam si legata fuerint Titio centum sub conditione, *si volueris*, interdict legatum, Titio moriente, antequam declaret voluntatem suam *l. si ita legatum §. illi si vult ff. de legat. 1. l. si ita expressum 69. ff. de cond. & dem.* quia conditio personæ injuncta videtur; & ideo solum ejus personæ, cui fuit injuncta, voluntas spectanda est *d. l. si ita expressum ff. de cond. & dem.* Hæc enim conditio consistit in facto, cum voluntas facti sit *l. consilio 7. §. ult. ff. de curat. furios.* conditiones autem, quæ in facto consistunt, implendæ sunt ab eo, cui fuerunt adscriptæ *l. ult. ff. de cond. inst.*

Hinc facile respondetur etiam ad exemplum legati optionis. Nam legatum optionis erat olim conditionale, & ideo solus legatarius optare poterat, non ejus hæres *§. optionis Inst. vii. de legat.* Item optio erat actus legitimus *l. actus legitimus ff. de Reg. Jur.* & actus legitimus per alium expediri non poterat *l. nemo alieno ff. cod.* Hodie autem ex Justiniani constitutione legatum optionis non interdict, moriente ante optionem legatario, & optandi facultas transit ad hæres *d. §. optionis.* Quapropter argumentum petium ex *d. §. pro nobis facit.*

